













# SVPERIORIS ICONISMI DECLARATIO

Representat ergo actum solemnem S. Concilij Florent. in quo Eugenius IV. Pont. decretum unitis  
 Fidei. Aethiopum, Aegyptiorum Legatis ex throno porrigit, adstante Pontifici Venerabili Seruo Dei Uicarij  
 tertio a Sarraceno ord. Min. regibus, qui eandem unionem in gentibus Asiae earum Legatos ad Synodum  
 Florentiam usq. perduxit: ut graphicè expressum exdat, in uicinis quor tempis S. Petri in Vaticano, unde hoc nort  
 rum exemplar fideliter desumptum est.



# B. ALBERTI A SARTHIANO

ORD. MIN. REG. OBSERV.

VITA, ET OPERA.

ILLAM COLLEGIT, ET CONSCRIPSIT;

*Ista in ordinem redegit, & recensuit; omnia Argumentis,  
& Annotationibus illustrauit*

F. FRANCISCVS HAROLDVS

HIBERNVS, EIVSDEM ORDINIS

Chronographus Generalis.

OPVS POSTHVMVM,



*Reuifum, correctum, Notis, & Indicibus auctum, ac in lucem editum*

P E R

F. PATRICIVM DVFFIVM

*Olim in Vniuerfitate Louaniensī Artium, & S. Theologiæ Lectorem primum,  
Maieſtatis Catholicae ad Urbem Theologum, Lectorem iubilatum,  
& Generalem Ordinis Chronologum.*



R O M A E.

Apud IOANNEM BAPTISTAM BVSSOTTVM.

---

M.DC.LXXXVIII.

SVPERIORVM PERMISSV,



REVERENDISSIMO PATRI  
**P. F. MARCO ZARSOZA**

SAC. THEOLOG. LECTORI IVBILATO,  
Olim Ministro Prouinciali, Commissario  
Generali Ordinis, &c.

*Nunc*

TOTIVS SERAPHICÆ RELIGIONIS  
MINISTRO GENERALI.



OS præsentis sæculi (Reuerendissime Pater) in præscriptionem abiit, vt in nihil e prælo prodeat, quod sibi patronum non deligat. Vita, & Opera Beati Alberti Sarthianensis Regularis Observantiae Professoris eximij, Propagatoris egregij, strenui defensoris, publicam lucem aspicere cupiens, diuino quodam supremi numinis præfagio, diu hæsit cogitabunda in cuius tutelam confugeret. Sed Te in Totius Ordinis S. P. Francisci Generalem Ministrum electo, tibi se reseruata arbitrata, moram omnem abruptit, in Tuum patrocinium confugiens, iure suo Te sibi patronum deligit: quem B. Alberto non ab similem efficiunt vitæ integritas, morum grauitas, disciplinæ zelus, gradus honoris. Ille Seraphici Patriarchæ sedulus imitator inspiratæ diuinitus Minorum Regulæ exactam obseruantiam sibi ipsi constanter indixit, per gentes, & regna longè latèque diffudit, contra obloquentes neruose asseruit, fundauit, defendit. Quantis Tu laboribus Seraphici instituti puritatem restitueris, restitutam conseruaueris, conseruatam amplifica-

ueris, & per Hispaniarum Prouincias dilataueris, quot in eo promouendo obloquia tuleris, in stabiliendo difficultates superaueris, nouit Iberia, miratur Italia, Roma reueretur: prius ipse obseruans, quam obseruatiam præcipiens, prior opere quam verbo, exemplo quam imperio, cœpisti facere, deindocere. Ille Apostolicus præco, & Euangelij tuba Regna, Prouincias, Vrbes, populos in Catholica Religione instruxit, & ad Christianos mores reduxit, infideles ad fidem, schismaticos ad concordiam, dissidentes ad pacem componendo. Tu Apostolicus per Hispaniarum Regna Missionarius, magno populorum applausu, maiori animarum fructu, hereticos aliquot aduenas charitatis tuę dulcedine, argumentorum pondere, sermonum vigore, ad Ecclesię gremium, peccatores ad pœnitentiam, discordes ad reconciliationem, bonos ad meliorem vitam suauiter monendo, fortiter increpando, operibus præcundo traxisti. Albertus fratrum suorum regimini admotus, Prouincię S. Antonij Præfectus, Vicarius generalis Ordinis per Pontificem designatus, subditos ad regularem obseruantiam, & primænam Ordinis disciplinam salutaribus monitis, sanctioris vitę exemplis, in funiculis veritatis, & charitatis coarctauit, probos fœuit, & dilexit, discolos disciplinę rigore coercuit, rebellium cunctumaciam iustitię malleo confregit, omnes eximia complexus est charitate. Tu Guardianus Gaditanus, Minister Prouincialis Bethicę, Commissarius Generalis Ordinis reformandis moribus, Franciscano deposito (Regulam à Christo dictatam intelligo) exacte custodiendo totus studuisti, arctioris vitę zelatores confortando, pauperum Patriarchę sinceriores filios promouendo, improborum obmurmurationes patienter ferendo, recalcitrantium peruiaciam iustę correptionis ferula comprimendo, omnes in Christianę charitatis visceribus ad æmulanda charismata meliora, quā verbo, quā opere, inducendo. Fuit denique Albertus noster

Iuliano Cardinali Ordinis Protectori acceptus, & Eugenio Quarto Pontifici Optimo Maximo percharus, & summis votis in Ministrum Generalē Ordinis expetitus. Nisi vehementer fallor, nec in hoc ab Alberto dissides. Alderanus Cardinalis Cybo Seraphicę Religionis apud Sanctam Sedem Protector Te vnice complectitur. IN-  
NOCENTIVS XI. Pontifex verē Maximus, Te optauit, si non aptauit, in supremum Seraphicę ratis Nauclerum. In tuam igitur tutelam Beati Alberti Vita & Opera, symphatiā quādam permota, recurrunt, vt præterita in tanto Heroe imitando respicias, in quibus Deum collaudes; & futuris, si quid in premendis eius vestigijs addendum superest, prospicias. Sed nec quod ab Hiberno studio, & calamo prodeant, minus tibi debentur: non inde solū quod Ibero ad Iberū facilis sit accessus, verum quod Tu olim Gaditano cœnobio Præfectus, & Prouinciæ Bethicę clauo Præsidens, Hibernos patria extorres, hæreticarum persecutionum procellis agitados, rerum omnium egentes, magno numero, maiori charitate & affectu plus quam paterno exceperis, foueris, nutrueris. Suscipe erga benigno, quo assoles, vultu librum tot Tibi titulis debitum, & Te Deus Ecclesię commodo, Seraphicę Religionis decori, Regularis Obseruantię profectui diu seruet incolumem, ita sperat, ita vouet, Romę ex Musæo Isidorensi die 2. Iulij 1688.

*Cliens, & filius  
Fr. Patricius Duffius.*

---

## Licentia Reuerendiss. P. Ministri Generalis.

*Fr. Petrus Marinus Sormanus à Mediolano Lector Iubilatus, Sanctæ Inquisitionis Qualificator, Ex Guardianus Ierosolymitanus, ac totius Ordinis Fratrum Minorum S. P. N. FRANCISCI Minister Generalis, & Seruus :  
Dilecto nobis in Christo P. F. Patricio Duffio S. Theologia Lectori Iubilato, Scriptori & Chronologo generali Ordinis ac Prouincie nostræ Hiberniæ strict. Obs. in Collegio S. Isidori de Vrbe Alumno salutem in Domino sempiternam.*

**Q**uandoquidem Vita, & Opuscula B. Alberti Sarrthianensis per P. F. Franciscum Haroldum S. Theologiz Lectorem iubilatum, & Ordinis nostri Chronologum, piz mem. conscripta & collecta, a Theologis, quibus examinanda commissimus, encomijs celebrentur, & typis digna iudicentur, tenore præsentium licentiam tibi facimus ea prælo committendi, seruatis tamen Sac. Conc. Trident. Ialijque Apostolicis, & nostri Ordinis Constitutionibus. Datum Romæ in Conuentu nostro S. Mariz de Araceli hac die 25. Febr. 1686.

FR. PETRVS MARINVS Minister Generalis.

Loco † Sigilli

*De mandato sua Reuerendiss. Paternitatis  
F. Ioseph a Leone Secr. Gener. Ordinis.*

---

## Censura Thologorum Ordinis.

**N**os infrascripti Ordinis Fratrum Minor. Prouinciæ Hiberniæ Sac. Theologiz Lectores iubilati iussu Reuerendiss. P. Ministri Generalis Ordinis percurrimus Vitam, & Opera B. Alberti a Sarrthiano, eiusdem Ordinis, collecta, in ordinem redacta, recensita, Argumentis & Annotationibus illustrata a R. Adm. P. Francisco Haroldo Sac. Theolog. Lectore iubilato, ac totius Ordinis nostri Chronologo generali, & in ijs nihil inuenimus sanæ doctrinæ, aut probis moribus aduersum, sed potius deprehendimus in Notis, & Argumentis singularem eruditionem, in Epistolis Christianæ pietatis spiritum; in vita & actibus præclara Apostolicæ prædicationis, & legationum specimina: Quapropter ad vsum publicæ utilitatis luce dignissima censemus: ex Collegio S. Isidori hac die 18. Iunii 1685.

*F. Franciscus Porterus Lector iubilatus.  
F. Patricius Duffus Lector iubilatus.*



**V**itam Beati Alberti Sarrhianensis, Ordinis nostri Seraphici Herois religiosissimi, deuote contextam, eiusdemque Epistolas Notis eruditissimis a Reu. Ad. P. Francisco Haroldo Ord. Chronologo illustratas, ea, qua par est, erga Reuerendiss. P. N. Ministrum Generalem obsequij diligentia perlegi, in utroque cum & pietatis eminentiam, à Beato Epistolij familiaritate expressam, admiratus sum; & in Colloquio non ostantem vtriusque operis indaginem, ac dilucidationem; singulari approbatione dignam existimaui. Quamobrem ne huiusmodi lucubrationes, in obscuro detentæ, piorum, eruditorumque notitiæ atque deuotioni subtrahantur, æquum iudicarem easdem, superiorum permissu, publici iuris fieri, eo magis quod & Catholicæ fidei consona, & moribus valde proficua continere perspectum habeam. Datum Romæ in Conuentu Aracœlitano die 14. Septembris 1685.

*F. Laurentius à Santo Paulo ex Sussia.*

---

*Censura pro parte Reuerendiss. P. Mag. Sac. Palatij Apostolici.*

**I**ussu Reuerendissimi P. Magistri Sacri Palatij Librum cui Titulus est *B. Alberti à Sarrhiano Ord. Min. Reg. Obseru. Vita, & Opera*, attentè æquè, ac delectabiliter lustrari: coque pariter illustratus sum, siquidem & perelegans dicentis eloquentia, & præclarissima Beati Viri gesta lucis plurimum vndequequæ effundunt. Nihil pretere legenti occurrit, quod sanctis moribus, sacrosanctisque Fidei dogmatibus vel leuiter aduersetur. Quare dignum censeo ut opus è penu Seraphicæ Paupertatis ditissimum, publicam eruat in lucem, hanc enim maximè promeretur, quod ad eam dilatandum summopere iuuat. Ita sentio in Conuentu Nostro Sanctæ Mariæ de Victoriæ. Romæ die 14. Iunij 1688.

*F. Blasius à Purificatione Carmelita Discalceatus  
Sac. Theolog. professor ac sui Ordinis Generalis Historicus.*

---

Imprimatur,

Si videbitur Reuerendiss. Patri Magistro Sacri Palatij Apostolici.

*Steph. Ioseph McNattus Episc. Cyrenen. Viceg.*

---

Imprimatur,

Fr. Ioseph Clarionus Sac. Theolog. Magister, ac Reuerendiss. Patris  
Fr. Domini Mariæ Puteobonelli Sac. Palatij Apost. Magistri  
Socius, Ordinis Prædicatorum.

# I N D E X

## CAPITVM VITAE B. ALBERTI

### SARTHIANENSIS.

<i>Isagogicum . Cap. I.</i>	pag. 1
<i>Beati Alberti Patria, Parentes . Cap. II.</i>	pag. 3.
<i>Natiuitas, Educatio secularis . Cap. III.</i>	pag. 6.
<i>Religioſa vite initia inter Conuenticales .</i>	
<i>Cap. IV.</i>	p. 8
<i>Migratio ad Obſeruantes, &amp; conuerſatio</i>	
<i>magis ſeuera . Cap. V.</i>	p. 9
<i>Guarinum Verona iterato audit, &amp; S. Ber-</i>	
<i>nardinum dicentem comitatur. Cap. VI.</i>	pag. 11.
<i>Albertus ipſe cum fructu, &amp; laude populis</i>	
<i>euangelizat . Cap. VII.</i>	pag. 14.
<i>Religionem, ſcripta laudatione, ab ad-</i>	
<i>uerſa vituperatione vindicat. Cap. VIII.</i>	pag. 18
<i>Importunitas, &amp; periculoſas conciones pru-</i>	
<i>dentur declinat . Cap. IX.</i>	p. 21
<i>In Etruria profeſſus, Regnum Neapo-</i>	
<i>litantum praediſſens, &amp; uocatum,</i>	
<i>ſcripta perquirendo perliſſrat . Cap. X.</i>	pag. 24
<i>Antonij Panormitani Hermaphroditum,</i>	
<i>proſanam eloquentiam, luxum veſtis</i>	
<i>muliebris, &amp; vituperatores martyrum</i>	
<i>voce, &amp; ſcriptis perſequitur . Cap. XI.</i>	pag. 25
<i>Ad Eugenij Pontificis obſequia ſegregatus</i>	
<i>quid prima legatione ſecerit. Cap. XII.</i>	pag. 28
<i>Secundae Legationis acta . Cap. XIII.</i>	pag. 32
<i>Quid pro Terra ſancta ſanctiori regimi-</i>	
<i>ni peregerit . Cap. XIV.</i>	p. 40
<i>Fit Miſter Conuentualium Praeuicariae</i>	
<i>S. Antonij, &amp; Vicarius Generalis totius</i>	
<i>Ordinis Minorum, &amp; quid initio ope-</i>	
<i>ratus ſit. Cap. XV.</i>	p. 45
<i>Regimini obſtacula reperit, &amp; qui ſe in</i>	
<i>illis geſſerit . Cap. XVI.</i>	p. 50

<i>Quid egerit in Comitibus Patavinis Ord-</i>	
<i>inis: quidue Pontifex inde ſtatuerit .</i>	
<i>Cap. XVII.</i>	p. 56
<i>Quid poſt res Comitiorum Senis compo-</i>	
<i>ſitas ſecerit Albertus . Cap. XVIII.</i>	pag. 57
<i>Quid extremis quinque annis uitae ſe-</i>	
<i>cerit . Cap. XIX.</i>	p. 61
<i>B. Alberti Sartiſianenſis glorioſus obitus .</i>	
<i>Cap. XX.</i>	p. 67
<i>Doctrina Sanctorum Patrum de duplici</i>	
<i>genere miraculorum . Cap. XXI.</i>	pag. 71
<i>B. Alberti maiora miracula . Cap. XXII.</i>	pag. 74.
<i>Minora Alberti miracula, &amp; poſthumae</i>	
<i>veneratio . Cap. XXIII.</i>	p. 80
<i>Alberti virtutum, miraculorum, &amp; Bea-</i>	
<i>titudinis fama, conſtantibus ſcripto-</i>	
<i>rum teſtimonijs perpetua . Cap. XXIV.</i>	pag. 83
<i>Nota in Vitam Beati Alberti.</i>	p. 105

## I N D E X

### OPVSCVLORVM.

<i>De Sanctiſſimo Eucharistiſta Sacramento .</i>	
<i>Oratio I.</i>	p. 117
<i>In Laudem Penitentiae . Oratio II.</i>	
<i>pag. 136</i>	
<i>Pro Electione Miniſtri Generalis . Or. III.</i>	
<i>pag. 149.</i>	

# INDEX EPISTOLARVM.

<i>F. Bonauentura Veneto. Epistola I.</i>	<i>p. 157</i>
<i>Francisco Barbaro. Ep. II.</i>	<i>p. 159</i>
<i>Ioanni Bencino Veneto. Ep. III.</i>	<i>p. 164</i>
<i>Antonio Fiorentino. Ep. IV.</i>	<i>p. 167</i>
<i>Benauentura Veneto. Ep. V.</i>	<i>p. 168</i>
<i>Francisco Barbaro. Ep. VI.</i>	<i>p. 171</i>
<i>Antonio Fiorentino. Ep. VII.</i>	<i>p. 174</i>
<i>Nicolao Nicoli. Ep. VIII.</i>	<i>ibid.</i>
<i>Guarino Veronensi. Ep. IX.</i>	<i>p. 177</i>
<i>Marchioni Ferrarienti. Ep. X.</i>	<i>p. 180</i>
<i>Bartholomæo Aldobrandino. Ep. XI.</i>	<i>p. 184</i>
<i>Guilielmo Casalensi. Ep. XII.</i>	<i>p. 185</i>
<i>Eidem Casalensi. Ep. XIII.</i>	<i>p. 189</i>
<i>Dominico Pistorienti. Ep. XIV.</i>	<i>p. 190</i>
<i>Luca Perusino. Ep. XV.</i>	<i>p. 191</i>
<i>Guilielmo Casalensi. Ep. XVI.</i>	<i>p. 193</i>
<i>Eidem Casalensi. Ep. XVII.</i>	<i>ibid.</i>
<i>Eidem. Ep. XVIII.</i>	<i>p. 195</i>
<i>Nicolao Nicoli. Ep. XIX.</i>	<i>p. 199</i>
<i>Eidem Nicoli. Ep. XX.</i>	<i>p. 200</i>
<i>Poggio Fiorentino. Ep. XXI.</i>	<i>p. 203</i>
<i>Nicolao Nicoli. Ep. XXII.</i>	<i>p. 222</i>
<i>Andræ Senensi. Ep. XXIII.</i>	<i>p. 225</i>
<i>Gaspardi Cornelio. Ep. XXIV.</i>	<i>p. 225</i>
<i>Nicolao Nicoli. Ep. XXV.</i>	<i>p. 227</i>
<i>Paulo Vulturno. Ep. XXVI.</i>	<i>p. 233</i>
<i>Marchioni Ferrarienti. Ep. XXVII.</i>	<i>p. 234</i>
<i>Gaspardi Cornelio. Ep. XXVIII.</i>	<i>ibid.</i>
<i>Nicolao Nicoli. Ep. XXIX.</i>	<i>p. 235</i>
<i>Francisco Marscalco, &amp; Philippo Bendedeo. Ep. XXX.</i>	<i>p. 238</i>
<i>Benauentura Veneto. Ep. XXXI.</i>	<i>p. 241</i>
<i>Francisco Marscalco. Ep. XXXII.</i>	<i>ibid.</i>
<i>Philippo Bendedeo. Ep. XXXIII.</i>	<i>p. 242</i>
<i>Leonello Effeni Principi. Ep. XXXIV.</i>	<i>p. 243</i>
<i>pag. 244.</i>	
<i>Ioanni Bencino Veneto. Ep. XXXV.</i>	<i>p. 247</i>
<i>Paulo Veronensi. Ep. XXXVI.</i>	<i>p. 248</i>
<i>Beatissimo Papa Eugenio. Ep. XXXVII.</i>	<i>p. 250.</i>
<i>Patribus, &amp; Fratribus Regul. Obseru.</i>	<i>Ep. XXXVIII.</i>
<i>Richardo Tramontensi. Ep. XXXIX.</i>	<i>p. 261</i>
<i>pag. 262.</i>	
<i>Eidem Fratri Richardo. Ep. XL.</i>	<i>p. 263</i>
<i>Beatissimo Papa Eugenio. Ep. XLI.</i>	<i>p. 264</i>
<i>Eidem. Ep. XLII.</i>	<i>p. 265</i>
<i>Scipioni Ferrarienti. Episcopo Mutinen.</i>	<i>Ep. XLIII.</i>
<i>Duci Burgundie. Ep. XLIV.</i>	<i>p. 273</i>
<i>Fratribus Antonio, &amp; Luca Ordin. Min.</i>	

<i>pro Christo Hierosolymis in Carcere.</i>	<i>constituit. Ep. XLV.</i>	<i>p. 274</i>
<i>Francisco Marscalco. Ep. XLVI.</i>	<i>p. 276</i>	
<i>Thomas Bibio Cyprio. Ep. XLVII.</i>	<i>p. 279</i>	
<i>Christophoro Episcopo Ariminesi. Epist.</i>	<i>XLVIII.</i>	<i>p. 281</i>
<i>Eidem. Ep. XLIX.</i>	<i>p. 286</i>	
<i>Guilielmo Casalensi. Ep. L.</i>	<i>p. 296</i>	
<i>Ioanni Capistranensi. Ep. LI.</i>	<i>p. 300</i>	
<i>Andrea Lancianensi. Ep. LII.</i>	<i>p. 302</i>	
<i>Beatissimo Papa Eugenio. Ep. LIII.</i>	<i>p. 303</i>	
<i>Juliano Cardinali S. Angeli. Epist. LV.</i>	<i>pag. 306.</i>	
<i>Eidem Cardinali S. Angeli. Ep. LV.</i>	<i>p. 308</i>	
<i>Episcopo Ariminesi. Ep. LVI.</i>	<i>p. 317</i>	
<i>Francisco Barbaro. Ep. LVII.</i>	<i>p. 318</i>	
<i>Christophoro Donato Prætori Brixienti.</i>	<i>Ep. LVIII.</i>	<i>p. 319</i>
<i>Episcopo Cyprio Ebronensi. Ep. LIX.</i>	<i>p. 320</i>	
<i>Bernardino Senensi. Ep. LX.</i>	<i>p. 321</i>	
<i>Eugenius Episcopus deruus Seruorum Dei</i>	<i>Venerabili Fratri Ioanni Patriarchæ</i>	
<i>Iacobinorum Salutem, &amp; Apostolicam</i>	<i>Benedictionem. Ep. LXI.</i>	<i>p. 322</i>
<i>Mattheo Bisarro. Ep. LXII.</i>	<i>p. 324</i>	
<i>Fratri Bartholomæo Iannensi. Ep. LXIII.</i>	<i>pag. 324</i>	
<i>Beatissimo Papa Eugenio. Epist. LXIV.</i>	<i>pag. 327.</i>	
<i>Duci Burgundie. Ep. LXV.</i>	<i>p. 330</i>	
<i>Leonello Principi Ferrarienti. Ep. LXVI.</i>	<i>pag. 332</i>	
<i>Eidem Leonello. Ep. LXVII.</i>	<i>p. 333</i>	
<i>Magno Soldano Saracennorum. Ep. LXVIII.</i>	<i>pag. 346.</i>	
<i>Beatissimo Papa Eugenio. Ep. LXIX.</i>	<i>p. 349</i>	
<i>Leonello Principi Ferrarienti. Ep. LXX.</i>	<i>pag. 351</i>	
<i>Ministris Prouinciarum Ordinis Ency-</i>	<i>clica. Ep. LXXI.</i>	<i>p. 353</i>
<i>Ciuitibus Gaudensibus in Hollandia.</i>	<i>Ep. LXXII.</i>	<i>p. 354</i>
<i>Ministro Colonie. Ep. LXXIII.</i>	<i>p. 355</i>	
<i>Fratri Iacobo Primadicio. Ep. LXXIV.</i>	<i>ibid.</i>	
<i>Ciuitibus Gaude. Ep. LXXV.</i>	<i>p. 358</i>	
<i>Ciuitati Ragusa. Ep. LXXVI.</i>	<i>p. 359</i>	
<i>Regi Castelle. Ep. LXXVII.</i>	<i>p. 360</i>	
<i>Regina Castelle. Ep. LXXVIII.</i>	<i>p. 361</i>	
<i>Conuentui Paduano. Ep. LXXIX.</i>	<i>p. 362</i>	
<i>Matthia Ministro Saxonia. Ep. LXXX.</i>	<i>pag. 364</i>	

# Index.

<i>Prioribus, &amp; Populo Sarthiani Oppidi.</i>	<i>Petro Veronenſi. Ep. CIV.</i>	p.413
<i>Ep. LXXXI.</i>	<i>Epifcopo Bergamenſi. Ep. CV.</i>	p.413
<i>Bernardino Senenſi. Ep. LXXXII.</i>	<i>Epifcopo Brixienſi. Ep. CVI.</i>	p.414
<i>Beatiſſimo Papa Eugenio. Ep. LXXXIII.</i>	<i>Leonens Maxentiani Ferrarienſi. Ep. CVII.</i>	p.415
<i>pag. 369</i>	<i>Epifcopo Rauennati. Ep. CVIII.</i>	p.416
<i>Conuentui Pariſienſi. Ep. LXXXIV.</i>	<i>Iacobo Primadiceo Bononienſi. Ep. CIX.</i>	p.418
<i>Filiſſo Maria Duci Mediolanenſi. Epif.</i>	<i>Beatiſſimo Papa Eugenio. Ep. CX.</i>	ibid.
<i>LXXXV.</i>	<i>Eidem. Ep. CXI.</i>	p.419
<i>Torſo Principi Ferrarienſi. Ep. LXXXVI.</i>	<i>Populo Brixienſi. Ep. CXII.</i>	p.421
<i>pag. 374</i>	<i>Antonio Cremonenſi. Ep. CXIII.</i>	p.422
<i>Epifcopo Coronenſi. Ep. LXXXVII.</i>	<i>Epifcopo Ferrarienſi. Ep. CXIV.</i>	p.424
<i>p. 375</i>	<i>Guarino Veronenſi. Ep. CXV.</i>	p.426
<i>C. Epifcopo Ariminenſi. Ep. LXXXVIII.</i>	<i>Antonio Raudenſi. Ep. CXVI.</i>	p.427
<i>pag. 377</i>	<i>Franciſco Barbaro Veneto. Ep. CXVII.</i>	p.428
<i>Poggio ſuo Florentino. Ep. LXXXIX.</i>	<i>Fratri Ludouico Vicentino. Ep. CXVIII.</i>	p.429
<i>Scipioni Mutinenſi Epifcopo. Ep. XC.</i>	<i>Flauio Blondo. Ep. CXIX.</i>	p.430
<i>p. 382</i>	<i>D. Mattheo Cubiculario Apoftolico. Epif.</i>	CXX.
<i>Ioanni Martino Veneto. Ep. XCI.</i>		p.432
<i>Beatiſſimo Papa Eugenio. Ep. XCII.</i>	<i>Beatiſſimo Papa Eugenio. Ep. CXXI.</i>	ibid.
<i>p. 390</i>	<i>Fratri Ioanni Capiftranenſi. Ep. CXXII.</i>	p.433
<i>Eidem. Ep. XCIII.</i>		CXXIII.
<i>Eidem. Ep. XCV.</i>	<i>Paulo Romano Communis Religionis.</i>	p.435
<i>Thomasſo Bibio Cyprio. Ep. XCVI.</i>	<i>Ep. CXXIV.</i>	ibid.
<i>p. 395</i>	<i>Beatiſſimo Papa Nicolao. Epif.</i>	CXXV.
<i>Beatiſſimo Papa Eugenio. Epif. XCVII.</i>		p.448
<i>pag. 396</i>		
<i>Thomasſo Bibio Cyprio. Ep. XCVIII.</i>		
<i>p. 397</i>		
<i>Paulo Lignano Mediolanenſi. Ep. XCIX.</i>		
<i>pag. 401</i>		
<i>Capitulo Prouinciali Mediolanenſi. Ep. C.</i>		
<i>pag. 403</i>		
<i>Antonio Raudenſi. Ep. CI.</i>		p.404
<i>Mattheo Biſſarro Vicentino. Ep. CII.</i>		p.408
<i>Fratri Ioanni Pratenſi. Ep. CIII.</i>		p.410



# BEATI ALBERTI SARTHIANENSIS

ORD. MINOR. OBSERV.

## V I T A .

### C A P. I.

#### Isagogicum.



**D**luturna, trisidag; Supremi Pontificij, & indiuiduæ potestatis scissura, per Sacri Concilij Constantiensis auctoritatem denique sublata, & Vicarij Christi in terris indiuisi Imperio, in vnum Martinum V. Pontificem, communi Catholicæ totius Ecclesiæ voluntate collato, aliquas tanti mali fibras, ex Petri Lunij duritie relictas, & per Aragoniam, Gothiamque pullulantes euulsit, & extinxit penitus Frater Petrus de Fuxo senior, è Bernæ Principibus, ord Min. S.R.E. Cardinalis (1) *bina legatione* in Hispania, ad id negotij strenuè, & feliciter perfunctus.

Demortuo Martino, post inchoatum prosperi Pontificatus annum decimum quartum, pacifica, & legitime electione successit Eugenius IV. qui, quantas tempestates, per eorum audaciam, quos ipse ad Basileensem Synodum coegit, & per Antipapam, ab ipsis constitutum, perpressus sit, quanta Apostolicæ potestatis constantia, Pontificijs laboribus, & for-

liciori successu, in reprimendo nouo schismate, comprimendis Europæ Hæreticis, Asiæque veteris xui schismaticis ad Romanæ solius Catholicæ Fidei communionem, & Supremi Pastoris obedientiam reducendis, Turcarum in Cyprum, & Rhodum, ac Romanum Imperium præpediendis insultibus, paci demum Ecclesiæ, tum seculi Principibus, populisque restituendæ sudauerit, adeò nunc orbi notum est, vt nostro testimonio non egeat.

Illis in rebus gloriosè peragendis Eugenio Pontifici, eiusque successoribus, Nicolao V. Calixto III. & Pio II. insignem operam contulere, præter alios succedaneos eiusdem instituti sodales, præclara quatuor lumina, quibus initia restauratæ tunc per Italiam, & extra, regularis obseruantie sincerioris instituti Seraphicæ religionis, maxima bonorum omnium veneratione micabant, Bernardinus Senensis, Albertus Sarthianensis, Ioannes Capistranensis, & Iacobus Picenus, viri omnes vberi doctrina, eloquij facundia, ingenti virtutum cumulo, & patris Dei potestate miraculis, illustres: qui tamquam quatuor Euangelicæ tubæ, per Europam, Asiamque resonantes, multa Eugenij præsertim Pontificis potestate sibi collata, morum candorem,

A Catho-

Catholicæ Fidei puritatem, diuini Numinis cultum, & Ecclesiæ Romanæ dignitatem, eiusdemque Capituli vniuersi Christi in terris Vicarij potestatem; ijs etiam populis inculcarunt, qui latinas leges (2) *à mille fire tunc annis rebelles*, tolerare nolabant, quæ tom. 5. & 6. Annalium Minorum fusè narrat Lucas Vvadingus.

Cæteris tribus id fortunatè successit, vt ipsorum egregia facinora, pro Ecclesiæ ritu congesta, & ad iuris normam discussa, & ipsa copiosiora perstiterint, & solemnius comprobata sanctitatis vitæ, & Beatitudinis æternæ nomen, cultumque reporta-uerint, nec solùm in pulpitis, quæ & ipsi olim in aliorum Sanctorum laudibus exercebant, digna retributione prædicentur, eorumque exempla ad imitationem alijs proponantur, sed eorum etiam heroicæ virtutes, & mira supra naturam opera hymnis, canticis, & harmonicis tubis, Christianorum templa resonent, & præclara merita nobis egentibus inuocentur auxilio.

Sed Albertus noster, quamquam initiationis ordine fuerit (3) *post Bernardinum secundus*, & alijs (si sacra Capistrani in Turcas prælia demas) laboribus non minor, nec impar sanctimonia vitæ, nec patris miraculis ante, & post mortem vacuus, propter quæ etiam populorum applausu, & perpetuo scriptorum testimonio Beati titulum, & piam venerationem ducentos iam triginta, & qui excurrunt annos possidet; Et Eugenius ipse Pontifex ijs encomijs, quæ huic narrationi subiiciam, ipsum adhuc viuentem, alijque scilicet perfunctum perpetuis temporibus exornant; posterorum tamen in curia

factum est, vt neque beatitudinis cultum ab Apostolica Sede retulerit, nec actorum eius integra extet memoria, quæ compingendis ad canonizationem documentis, diligentius colligi, & firmiori autoritate confirmari solent; sed nec ipsa, quæ Christi Ecclesiæ, & Eugenio Pont. quantumuis publica, & magna præstitit obsequia tanta fide nobis innotescerent, si Lucas Vvadingus noster, solerti studio ipsorum certissima documenta sollicitè conquisita, & ex (4) *Vaticane Pontificæ, ac Fesulanæ Minorum* bibliothecarum tenebris eruta, claris suis Annalibus per opportuna loca non inseruisset, & prius indicasset Horatio Iustiniano: quæ illi occasio fuit, vt vniuersalis Ecclesiæ bono, integra Concilij Florentini acta, publica luce donauerit.

Ego post Vvadingum tanto B. Alberti neglectu, fateor, subindignatus, cum cætera præstare non valcam, quod mei saltem est muneris, præclari hominis, quæ extat, memoriam hac narratione completi, & quæ reliqua sunt, eruditi, & elegantis eius calami monumenta, virtutumque documenta colligere statui, atque vno hoc volumine publico conspectui, & multorum, vt credo, utilitati, voluptatique exponere, vt vel hæc saltem Beatorum sociorum gloriæ pars illi non defuit, cui pro data occasione non impar extitit portio mentorum.



## CAP. II.

*Beati Alberti Patria, Parentes.*

**Q**Uamquam vnanimi constantissimaque scriptorum omnium, & loquentium consuetudine non alia appellatione, quàm Sarthianensis vel à Sarthiano cognominetur Albertus, ex his tamen ipsis non defuerunt, qui patriam ei Mediolanum adscripserint, Rodolphus Toslinianensis, cumque secuti Henricus Villottus Belga, Antonius Posseuinus Italus, cumque ijs Arthurus à Monasterio Gallus, qui comprobandæ, seu excusandæ huic assertioni suapte coniectura subdit, Sarthianensem fortassis ab illius Hetruscorum oppidi, vel prolixo incolatu, vel religionis ibidem deposito tyrocinico dictum fuisse, & Ludouicus Robelledo Hispanus, alijque pauci, omnes quippe ab Alberti vel patria, vel ætate, vel ab vtraque procul distantes, nec vllò rationis, vel vetustæ autoritatis fulcro innixi, vt nec nouus augur, qui Albertum Mediolani quidem natum, sed à patre confestim in Tusciam ablatum, & Sarthiani educatum, indeque ortum Sarthiani cognomen, ait. At qui viuentem virum Dei, & factis elarum cognouerunt, eoque familiariter utebantur, Eugenius IV. Pontifex, B. Ioannes Capistranus, B. Bernardinus Fossensis, & Flavius Blondus Foroliuensis, Thuseum, & Sarthianensem cum, vt & Marcus Vllissiponenfis, & Lucas Vvaddingus scribunt, & alij quotquot eius faciunt mentionem, neque alio cognomine ijdem ipsi

vtuntur, qui rem nominis videntur negare.

Blondus Hetruriani describens asserit, Sarthianum oppidum, vltra Clusium, Alberto Minorita diuinorum dogmatum prædicator insigni ornatissimum, & Leander Albertus, qui Italiam vniuersam, vt vicatim, & punctim, quodammodo describeret, suis oculis perlustrauit, ea vbique pernotans, quibus loca ipsa cohonestare posset, Sarthianum Alberto (vt latinus interpret Ririander expressit) ex Minorum ordine, maximo concionatore, indyctum appellat. Ipsi Sarthianenses perpetua traditione, apud se natum retinent, qui etiam viuenti Alberto, vt veri conciuēs, & contribules collatam ab Eugenio Pont. supremi capitis totius ordinis Minorum vicariam dignitatem, communibus literis, & misso nuncio congratulati sunt: earumque responsa cum alijs ad Bernardinum Senensium scriptis, quod ambæ propria B. Alberti manu exaratæ sint, tanquam sacras reliquias peculiari loculo, prope altare maius in templo Minorum, sub veteri ipsius B. Viri effigie reuerenter conseruant, cum ex aduerso Mediolanenses nihil vnquam sibi in Alberto, præter doctrinam, & dilectionem, defuncti corporis sepulchrum, & edita apud eos miracula, ratione, vel prisca autoritate vindicassent, atque hanc de Alberti patria sententiam Lucas Vvaddingus, ex vetusto eius vitæ compendio, & Senensium fasti recenter typis editi, ex certissimis monumentis traxisse se contestantur.

At nobis tandem compertum est, Albertum ipsum patriam suam extra omnem disceptationis aleam extulisse, quando epistola 20. eandem



Rempubicam, eandemque Ecclesiam sibi, & Nicolao Nicolo communes facit, quæ aliz esse non poterant quam Hetruriæ, in qua nempe Nicolaus certo natus est, & Albertus superiore tempore, hoc est ante contractum epidemiz morbum, prædicabat, & epistola 25. ad eundem Nicolaum Florentiz natum de S. Bernardino Senensi scribens, de ipsorum, atque æque sua patria, sic loquitur: *audio illum (Bernardinum) in nostram Hetruriam nuper ingressum, vel Aretium, vel Cortonam, vel Perusiam applicuisse, in una illarum, siue in altera qualibet nostre patrie ciuitatum, diuine predicationis salubriter, ut affolet, verba facturum*: quibus verbis Hetruriam, non vt-cumque sed vt patriam, & suam, & Bernardini, & Nicolii iuxta vocat.

Sed, vt rem euidenter conficiat, epistola 102. ad Antonium Randensem, huius patriam Insubriam, suam autem Hetruriam affirmat: & in fine libelli. *Quo nobis, inquit, relicto, Randensi, & Sarthianensi, siue oppidis, siue quid aliud nuncupare potius natiuitatis nostre terras volueris*. quo nihil clarius, nihil solidius in hanc rem adferri potest. Ergo B. Alberti maiores, natales, cunabula, adolescentizque alimenta (nam de educatione postea dicemus) Sarthiano; sepulchri autem, & miraculorum præsertim à morte patratorem gloriam Mediolano gratulemur; cum nihil Sarthiani ferè delitescens puer patrassè legatur, quo vel ipse famam adeptus esset, vel oppidum à solo eius incolatu, vel obscuro religionis tyrocinio, non potius à natalibus inclytum, ornatissimumq; à Blondo, & Leandro dici posset, quin potius ætate cum fama crescens,

locum qui cum, vt ita dicam, capere non posset, vix fortè per transfennam attigit, sed irrequieto motu, Italiam totam, bina legatione Græciam, Syriam, Palestinam, Aegyptum, Cretam, Rhodum, & Cyprum docendo, & operando peragrabat; Actiopiam etiam, & Indiam bis pertentans, si penetrare permissus fuisset. Vnde, Marianus Florentinus Alberti sermè Synchronus, & comprouincialis, eius patriam desertis his verbis prodit: *hic Fr. Albertus ex quodam castro Clusina Diocesis ortus est, quod Sarthianum dicitur*.

Nec inane huius veritatis argumentum existimo, maiorem posthumi honoris Alberti curam habuisse, semper Thuscos, quam Insubres, vt horum supposititius, illorum autem genuinus filius fuisse censeatur, denique siue Tosinianum, siue Vvilotum, siue alium quemcumque huius erroris primum editorem in æqui-uoco deceptum fuisse, demonstrabimus, si æqui-uocationis originem de- tegamus. Itaque cum B. Alberto Sarthianensi florebat, simul Mediolani, alius Albertus patria indubitata Mediolanensis, de quo sic scribit Vvadingus tom. 5. Annalium: *Hoc etiam auno 1448. floruisse virtute, pietate, & plurimo animarum lucro Beatum Albertum Morigium, Mediolanensem prædicatorem, eximium commemorant monumenta conuentus Sancti Angeli, illius urbis, ad me transmissa*. facillimum ergo fuit, confundere duas personas, vnus nominis, eiusdem instituti, in eadem ciuitate, eodem cœnobio, eodem prædicandi munere, animarum lucro, virtutum æstimatione, sanctimoniz, & beatitatis titulis, eodem tempore illustres, vt vna, eademque cense-



rentur, quamquam solo cognomine de cuius re disceptatur, semper diuersæ. Maluit ergo Vvillorus Belga, centum triginta annis utroque polterior, & pluribus centenis PP. MM. loco distans, cœtera omnia identitatis signa sequi, quam vnicuique diuersitatis, vt vtramque vnam, eandemq; Mediolanensem diceret. Reliqui ergo Vvillotum secuti, illo solo duce, in eundem impegerunt scopulum, in eandem inciderunt foueam. Atque hinc recentiores Mediolanenses ( quod veteres non crediderunt ) prædam honori suæ patriæ commodant, & aliquorum, & si errore, attributam in hunc suum promptè referunt. Quamquam & ipsi Albertum nostrum, Berdinum Sarthianensem, vel de Sarthiano perpetuò appellent, alterum autem, & Morigium, & Mediolanensem.

Id interim B. viri laudibus accrescat, si duz nobiles prouinciæ Insu-bres, & Hetrusci de eius cunabulis concertare videantur, nostra verò narratione constet, non amplius Mediolanensem eum dici posse, quàm Antonius Vllsiponenſis Thaumaturgus ille noster, Patauinus appellatur.

Est hoc Sarthianum Clusinz Diœcesis oppidum, in ditione Senensi, cuius oppidi Priores, Albertus magnificos patres, & dominos suos appellat, vetus emporium, non solum incolis, sed externis etiam populis, ad septimanale forum concursantibus frequens, nec B. Alberti tantum natalibus in Franciscanis monumentis celebre, sed ipsius etiam Seraphici P. Francisci prædicatione, & fundato per ipsum ibidem, secundo ab oppido milliari, ordinis cœnobio, postea ad oppidum ipsum exterius translato, & insigni victoria, quam in eodem

veteri loco, de tentante Sathana, & suæ carnis ardore, miro stratagemate per niuis algorem, reportauit; quam Vvaddingus de illo cœnobio disſe-rens, ad pij lectoris voluptatem describit: ea sunt oppidani pietate in seruos Dei, vt alterum nunc reformatorum S. Francisci, & alterum Capucinorum conuentum, ac vnum monasterium monialium sustentent, propter quæ & incolarum claritudinem à pomparum, fastorumque Senensium scriptoribus, oppidum nobile vocatur.

De parentum Alberti nominibus, & conditione vitæ, apud omnes, qui eius acta scripserunt, altum silentium est: mihi verò nuper per epistolam de his inquirenti rescripsit Bonifacius à Sarauezza, Sarthianensis tunc reformati cœnobij præfectus, cognomen ipsi Berdinum esse, vt etiam in pompis Senensibus, & legitimo instrumento ad nos misso, vocatur. Sed fasti ( an typographi lapsu ) Bendinum habent: solus Tossinianus humili loco natum scribit, quo nom in domum, non oppidum indicare voluisse monstrat, dum Mediolani ortum, & si deceptus, dicat; sed & domum, & oppidum intelligere liceret ex ipsius Alberti epistola ad Antonium Randensem, vbi vtriusque parentum, & patriæ humilitatem, commisceat, nec se in alterutro Randensi maiorem indicare videret; si hoc ipsum insigni, & consuetæ ipsius modestiæ, & religiosæ submissioni, potius quam abiectioni, generis, vel patriæ tribui non debuisset, ne se, vel superbè extollere, vel Randensi præferre, in aliquo videretur. Nobis enim præter ea, quæ de patria diximus, ex legitimo documento constat, familiam Berdinam etiamnum hodie

hodie Sarthiani superesse, ibique inter primas, opibus, & auctoritate pol-  
lere, cuius indubitatam prolem fuisse  
B. Albertum nostrum non solum  
reliqua soboles tota, sed & cōiuges,  
& vicini semper tenuerunt, & modò  
tenent: neque prisco etiam ævo igno-  
bilem, aut obscuram fuisse, ex eo  
nobis colligere posse videntur, quod  
Curtius alias Rhicardus Ceruinus,  
Marcelli II. Romani Pont. pater (5)  
*ex nobili, & clara* Politiana in  
Thuscia *Ceruinarum familia*, vt  
Ciaconus eam in Marcello vocat)  
post mortem Cassandræ Benciæ no-  
bilis, & honestissimæ scēminæ ma-  
tris Marcelli Pontificis, vir Princi-  
pibus ob virtutem etiam charus, ac  
tūmagri Piceni, Pontificius questor  
seu, vt vocant, thesaurarius, Por-  
tiam Berdinam, ex eadem Sarthia-  
nensi Berdinorum domo, per secun-  
das nuptias coniugio sibi copulaue-  
rit. Censendus enim non est Richar-  
dus cum labem domui suæ inferre  
voluisse, vt ignobilis, & obscuri ge-  
neris scēminam, vel sibi vxōrem, vel  
nascituræ forsitan proli matrem, Cas-  
sandræ Benciæ subinduceret. Portia  
verò cum viueret, consanguinitatis  
intuitu, erga B. Albertum deuotis-  
sima semper fuit, eiusque sanctimo-  
niæ venerationem, & pium cultum,  
ad maiorem Dei gloriam, etiam in  
alijs, quantum licuit, promouebat.

### C A P. I I I.

#### Natiuitas, Educatio Sæcularis.

**N**atum autem felicem hunc  
filium, anno post Chri-  
stum, millesimo tercente-  
simo octuagesimo quinto, inde sci-

mus quod anno 1415. trigésimum  
ætatis annum agentem, ad regularis  
obseruantię professores transisse con-  
stanti Chronographorum assertionem  
perhibeatur. At quales alioquin fue-  
rint Alberti parentes, Christianos  
profecō, & pios fuisse constat, cum  
natum infantem S. Francisco deuo-  
uerint, & modestæ indolis, viuidiq;  
ingenij puerum illius, quod nomi-  
nauius, cœnobii religiosi, tum con-  
uentualibus, educandum commen-  
darint. Apud hos cum puer adhuc,  
prima literarum, virtutumque, &  
morum honestatis rudimenta posuisset,  
græcas deinde, & latinas litteras,  
à Guarino Veronenſi, alijsque cele-  
bris famæ, humanioris literaturæ  
professoribus, ac diuina dehinc my-  
steria, à Bernadino Senensi didicit,  
quæ tic ab Isidoro Vgurgerio in pon-  
pis Senensibus dicta, amplius expli-  
carunt Marcus Vliſſiponenſis, & Lu-  
cas Vvadingus, alijsque, quorum alij  
Ioannem Lascarum, alij Emanuelem  
Chrisoloram, B. Albertum græcis  
litteris erudisse referunt. Albertus  
ipse in suis passim epistolis, Guarini-  
num in vtraque lingua præceptorem  
suum proficitur, nullius alterius facta  
mentionem, tametsi non adeò præpro-  
pere, in præceptorum eius album in-  
ferendum esse Guarinum, indicent,  
tūm illi, qui Lascarum, & Chrisolo-  
ram tempore priores magistros illi  
attribuunt, tūm ipsius B. Viri epi-  
stola 8. vbi ad Nicolum de Guarino  
scribens, sic ait: *statueram equidem,  
Veronam quam primum possem,  
omnibus posthabitis proficisci, vt il-  
lius viri clarissimi, & amicitia frue-  
rer, & doctrinarum maximè græca-  
rum, vbertate ditarer; & infra:  
postquam virum conueni, non sefel-  
lit opinionem meam, quasi prius il-*  
lum

luni non conuenisset; conuenit ergò iuxta hæc, vt frueretur eius amicitia, non prius contracta, sed tùm primum contrahenda: neque ad græcas literas, multò minùs latinas discendas, quas ante prorsum ignorasset, vir ingeniosissimus, & litterarum audissimus, annorum tunc ætatis triginta septem, & religiosæ vitæ septemdecim; sed vt quibus iam vt-cumque tinctus erat, earum vbertate ditaretur, seu vt epistola 3. fatetur eloquentissimo Guarino præceptore fretus, oratorijs, vt ait, verbis uti posset, cum reliqua omni mea ætate, inquit, eis nostratibus, *et* sanè vili-bus, me uti solitum, tu optimè qui-dem noris, quod tamen si ita censes, vt me, siue is doctissimus sanè vir erudierit, siue ego flumen ex eo elo-quentiæ, & sive adeò mea studiosissi-ma diligentia hauserim, vt tanta mea industria, dicendi copiam, atque elegantes grauium verborum senten-tias, me comparare potuisset tibi per-suadeas, ego summo illi Principi gratias agam, à quo tam egregio in-genio praditus sim, vt tanti æstimari tuo iudicio, possim; & iterum epist. 6. nam cum ego ad Guarinum nostrum (6) græcæ, *et* latine erudi-tionis fontem pro illius mira doctri-narum copia ebibenda, Idibus Sep-tembris Veronam proficisci consti-tuissem.

Ego verò hæc ità intelligo, vt Al-bertus quidè in eis, de solo disci-pulo suo Veronensi loquatur, nec tamen antèrui Guarini magisterium neget, cum ipse epistola 26. de Gua-rino loquens, disertè dicat, *nam is est qui me in literis, et* græcis, *et* lati-nis, linguam tantum instruendis audito rem, alioquin non satis stre-nuum, in adolescentia habuit; &

epist. 87. ad Episcopum Coronen-sem, *propter veterem* (inquit) *amici-tiam, qua pueri penè quondam in schola, sub Guarino præceptore græcis literis ludebamus*, vt iam mani-festum fiat, Albertum ab adolescen-tia, & pene puerum græcis, & lati-nis literis, imbutum fuisse, prius-quam Veronæ Guarinum audisset, virili ætati quam adolescentiæ vicinior, idque præcipuè per ipsum Gua-rinum, & vt ego ex loci commodo autumno (7) Florentiæ docentem: *Vide Po-*  
*gram in*  
*fluore Mi-*  
*celis No-*  
*colæ.*  
quamquam & Chrisoloram, & alios per ætatem, eodem loci audisse po-tuerint, nam cum Chrisolora in Ita-liam venit, anno Christi 1397. Al-bertus duodecim ætatis annos ha-buit. Cumque ille prius Venetijs, deinde Florentiæ docuit, forte sexdecim aut circiter. Neque possi-bile puto, ipsum Veronæ, primo aspectu Guarini latinas epistolas, & orationes ad populum, & viros do-ctos ( quas etiam græcis inspergit ) tam latinè potuisse conscribere, si prius ab alijs præceptoribus, vel etiam ab ipso Guarino, suoque in-genio, & industria, in vtraque lin-gua, vel mediocriter quidem doctus non fuisset. Imo quoad græcas lite-ras attinet, nimis difficile videtur, vt, nisi eas ante didicisset, potuisse ipsum per menses circiter decem, hoc est, ab Idibus Septembris ad Kalen-das sextiles anni sequentis, per quos, non amplius, Veronæ, Guarinum, audiuit, illam peregrinæ, diffici-lisque linguæ tam insignem peritiā consequi, vt quod boni scriptores tes-tantur, illum in Concilio Florentino dicentem græcorum aliqui in Græcia natum, sibi persuaderent.

Maneat igitur Albertum, quod ad rem literariam attinet, legendi, scri-

scribendique rationem, & grammaticas leges, morumque candorem, à religiosis Sarthianensibus Ord. Min. adhuc puerum didicisse, adolescentem verò, tùm in sæculo, cùm in religione constitutum, tam græcæ, quàm latinæ literaturæ profectum ab illis, tam Guarino, quam alijs, celebris famæ, humaniorum litterarum professoribus, habuisse, ac demùm prouecta iuuentute, ad Guarinum Veronæ audiendum accessisse, vt eam copiam, & nitorem, tam latini, quàm græci sermonis imbiberet, eisque ditaretur, quæ ex ipso superius descripsimus. Nec me moratur ab hac sententia, ipsius serui Dei, de cæteris præceptoribus suis perpetuum silentium, vt qui tùm sub Guarini ferula constitutus, ea scripserit, quæ in hanc rem, ex epistolis ante attulimus, quique fortassis vagum, triuialeque, ac breue aliorum vniuscuiusque magisterium, non tanti æstimauerit, quanti coronidem à Guarino ipsius eruditioni impositam, qua talis euasit Albertus, vt inter eos illius temporis discipulos numeretur, qui, vt Blondus Flavius affirmat, nedum postquam sunt dimissi, sed quousque etiam sub ferula declamarent, & scriberent, præceptores dicendi, scribendique elegantia superabant. Ità latinum, græcumque sermonem ducente Deo, in vno suo pectore, copulauit Albertus, vt vtramque gentem vnā facturum se olim, & sub vnius latini Pontificis, tamquam vniuersalis Ecclesiæ Christi Capitis potestatem, reducurum, tunc præfagire videretur, quod postmodum, pro sua parte fecisse, postea dicemus.

## CAP. IV.

*Religiosæ vitæ initia inter Conuentuales.*

**Q**UA verò, vel ætatis suæ, vel æræ Christianæ periodo Franciscanæ Religionis habitum inter eius ordinis Cœnobitas, tùm Conuentuales, Sarthiani primum suscepisset, & regulari tyrocinio educatus fuisset, eius vitæ scriptores, non produnt. Verum ipse facem nobis præfert, cuius lumine, rem acutè propemodum tangere possimus. Etenim epistolam ad patres prouinciæ Mediolanensis in comitijs congregatos, scribens, vt salutaria eius monita, illis acceptiora forent: *sustinete, oro vos*, inquit; *modicum quid insipientiæ meæ, nec contemptis fratrem vestrum, qui etsi non vitā suā, saltem exemplis Sanctorum Patrum nostræ Religionis, potest verbis quadraginta annorum indicem texere, quadraginta enim anni sunt, quibus sum educatus, cum fratre centum, & decem annorum.*

Quibus verbis ego illum, de prima educatione, à Conuentualibus, in priori tyrocinio accepta loqui, nullus dubito. Nam secunda cum Obseruantibus consensu scriptorum decennio posterior erat: si autem ab anno 1445. quæ æra Christi hæc scripsit, dempseris quadraginta, tunc rectè remanebit annus eiusdem æræ 1405. qui ætati Alberti vigesimus fuit, quo primum ordinis habitum suscepit, frater autem ille C. & 10. annorum fuit, B. Bartholomeus Albisius, siue de Albizzio Pisanus, vir æque doctus, & sanctus, miraculis clarus,

clarus, & in ordinis historia versatissimus, quem proinde Albertus ad rem suam, appositè testem adducit, vt ultra quadraginta annorum propriam experientiam, Pisani etiam auctoritate, à quo indubiè vetustiora didicit, Patribus fortius persuaderet.

Pisanus Porro, & inter Conuenticuales conuersatus, singularem, & sanctissimam vitam vivebat; nullis enim priuilegiis vsus est, quibus regulæ Franciscanæ rigor in vilo remitteretur. Et quamquam Sacræ Theologiæ Magister in scholasticis prælectionibus Pisis, Florentiæ, Senis, Bononiæ, & Patauii, & in sacris concionibus per præcipuas Italici ciuitates, atque in conscribendis doctissimis operibus, quæ aliqui triginta numerant, perpetuò occupatus, regularis nihilominus vitæ puritatem, & studium perfectionis in se, & in aliis conseruandi, promouendique zelo, flagrantissimus fuit, sanctæ orationis exercitio semper addictus, Euangelicæ paupertatis obseruantissimus, nudis pedibus semper incedens, dum extremæ senectutis necessitas pedes operire non cogebat, ac in ea etiam ætate, singulis annis, Assisianâ peregrinationem ad S. Mariæ Angelorum, seu vt vocamus Portiunculæ indulgentiam lucrandam, atque inde per asperam Sacri montis Aluernæ viam, Seraphici P. Francisci vestigia, nudis quoque pedibus metebatur, sacrorum eius stigmatum memoriam veneraturus, eiusdem etiam non præcepta modo, sed & illi conuersa, & aliis per eum consulta ieiunia distictè seruabat, reliquo anno cibi, potusque parcissimus, tanto maiori solatio sui spiritus, & fructu orationis, & studii, quanto duriore carnis afflictione.

Angebatur plurimum omni remif-

sione vetusti rigoris, Christumque, & S. Franciscum feruentissimis precibus instanter pulsabat, vt primæuum eius institutum, aliquando tandem instaurare vellent, & exauditus est, meruitque tamquam alter Simeon, vt in tanta senectute, non videret mortem donec suis oculis vidisset primordia, & non exiguos progressus sacræ regularis obseruantiz, & cognouisset S. Bernardinum Senensem, & Albertum Thufcos suos, aliosque præcipuos eius promotores, firmissimas bases, & fortissimos Athlantes: nam eodem anno, quo ille Albertum educabat, Bernardinus præclaro concionandi munere clarere cœpit.

Alberto porro scilicet, faustumque fuit, religiosi tyrocinii sui talem in adolescentia nancisci rectorem: nam vt

*Quo semel est imbuta recens seruabit odorem testa diu,*

Sic ille religiosæ perfectionis, & spiritus igniculos, ex Bartholomæi Magisterio, & conuersatione conceptos, non conseruabat modo, sed etiam tenero peccatore conseruebat, donec tandem in propriæ ipsius sanctimoniz, populorumq; salutis, & Franciscani ordinis, atque Ecclesiæ Catholice honoris, & commodorum flammæ eruperunt.

## C A P. V.

*Migratio ad Obseruantes, & conuersatio magis seuerâ.*

**D**ecem annos deinceps inter Conuenticuales vixit Albertus, & quo crescebat ætate, eo feruentius ad omnem virtutem, tum quæ illustrat intellectum, tum

B quæ

quæ affectum diuinis afflatus inflammant, magis semper aspirabat, per quos annos, & poliori literaturæ, & naturæ cognitioni studuisse, procul dubio censendus est. Cuni ebulliente demùm pietatis affectu, & perfectioris vitæ desiderio, Bernardini quoque Senensis, ac deuotorum, vii tunc vocabantur, obseruantæ regularis. cordalium, claris virtutum exemplis, & parentibus, iisdemque quotidianis miraculis, & celeberrima tanta percitus, ad sanctissimi huius, doctissimiq; Viri disciplinam, & seuerioris Franciscani instituti sectatorum, consortium conuolauit, anno ætatis suæ trigésimo, & Christi Saluatoris 1415.

8ap. 1<sup>na</sup>.

scintilla in arundinetis discurrens verbum vitæ, per vrbes, & agros dissemnans, nullibi sistebat, Albertum in obseruantum familia susceptum, vt ad normam efformaretur commendauit curæ Fratris Angeli Tuscii, nec meliori poterat.

Erat enim Angelus, etsi de eorum numero quos laicos fratres vocamus, eo religionis zelo, ea prudentia, ea rerum tractandarum dexteritate, & integritate vitæ, vt prouinciæ Tusciæ regendæ, per Patrum suffragia, tribus vicibus præfectus fuerit, quo munere magna sui laude toties functus est, sed qualem, quantamque Alberti curam gesserit, hic ipse epistola 5. *Vbi charissimum*, inquit, *mibi parentem, ac virum profeclum integerrimum, meo ordinis fratrem Angelum Tuscum, qui suo merito, & nunc prouinciæ præsit, cui illum nostri ordinis maiores præfecerunt: & infra. Est enim Angelus iste, vir talis, qui de me pro beneficijs eius, ita sit meritis (taceo enim reliquos, qui virtuti illius plurimum debent) ut si maxima sua in me offi-*

*cia, & quo me semper amore completus sit, quantumcumque illi debeam dicere vellem, quamquam vacuo animo essem, & magna dicendi copia præditus, equidem id me consequi diffiderem, quis enim quatuor oratione complecteretur? cum ego in Etruria illius curæ commendatus existerem, sua omnia erga me studia, omnem operam, curam, industriam, mentem, denique omnia, quibus sanè me rebus, dies, noctesque meæ salutis incredibili quodam, sanctissimoque metu sollicitus, ita deuinxit, ita obligauit, vt æritus ne sustinere sua innumerabilia officia non possim vel non capere animus meus, vel in accipiendis, siue in remunerando, cumulandoque verbis, illius acta illustrare non valeam, habere quam dicere gratias malle.* Atque hæc inter obseruantes educationi sub tam accurata disciplina Fratris Angeli Tuscii secundum B. Alberti in ordine S. Francisci tyrocinium facti, in quo, iuuante Domino, tantopere profecit, vt quæ tunc calcare cœpit, Seraphicæ sanctitatis tramitem nunquam amplius deseruerit, nec alius Franciscanæ dilictionis ipso tenacior ellet.

Erant tùm, narrante Vvaddingo, reg. obseruantæ in Italia, triginta, quatuor tantum humiles ædiculæ, seu verius eremitoria, & cauernæ in locis desertis, & à mundanorum consortio remotæ, quibus, eo ipso anno, accessit spectata, & celebris domus S. Mariæ Angelorum, vulgo Portiuncula, extra Atinensium: tres nimirum prouinciæ Romanæ, in agro Reatino, reliquæ in Vmbria, & Etruria, earumque omnium incolæ religiosi circiter ducenti, atque horum plerique fratres laici, tanta penuria Sacerdotum, vt in Reatinis illis, vnus Sacerdos alternis vicibus,

bus sacra perageret . Erant omnes mundo abiecti, sed accepti Deo, religione insignes, paupertate diuites, charitate feruentes, castitate nitidi, crebro ieiunantes, vilia comedentes, æmula humilitate se mutuo superantes, facie squallidi, pedibus nudi, vestibus pannosi, rerum agendarum, & scientiæ sæcularis expertes, à mundo semoti, non tam alienas, quam suas curabant animas, rerum cœlestium contemplationi, & pietati incessanter addicti .

Atque inter hos, summa humilitate, patientia, & pietatis studio, septem iam annos conuersatus est Albertus, quo maiore castigatione corporis, & sui demissione, eo ampliore spiritus libertate, & spiritualium charismatum suauioribus delicijs: propolita namque sibi sanctissimi Bernardini norma viuendi summo rigore, & seueritate disciplinæ, despectis omnibus carnis, & mundi commodis, eorumque cura iam vacuus, iugi primùm orationi, & affectivæ vitæ sanctiorumque literarum, ac cœlestis philosophiæ contemplationi, studioque se totum tradidit . Quamquam etiam propagandi huius instituti zelo, nemini cederet, adedò tamen prudenter, & circumspectè se gessit, vt cum eximiam laudem, æstimationem, & amorem, ab obseruantibus quibus accessit, sibi comparasset, nihil tamen perdiderit eorum beneuolentiæ, quos reliquit, nam isti eo etiam deinceps familiariter utebantur, eumque suis adhibebant consilijs, & collatis honoribus auxerunt, & ipse vicissim liberali gratificatione se illis obstrictum, etiam pro concione, profitebatur .

## CAP. VI.

*Guarinum Verone iterato audit, & S. Bernardinum dicentem comitatur .*

**E**X Alberti effigie, in valuis Vaticanis ex ære fusis, dum adhuc tum viueret, & opifici facile notus esset, expressa conijcimus, cum statura media fuisse, atque compacta membrorum proportionem, & grato aspectu: fuit etiam constanti valetudine, quam externa tantum intemperies, vel iterum, laborumque perpetua molestia, subinde tentabant, voce quoque sonora, & procul perceptibili, & verborum terfa, & distincta pronuntiatione, conuersatione comis, & modestus, & ob doctrinam, & morum sanctimoniam, cunctis acceptus & reuerendus, ac triginta septem annorum ætate maturus, vt ad disseminandum in populos verbum Dei per omnia, factus videretur: sed ipse qui ad morum æquè ac eruditionis ampliora, semper aspirabat, vnum, saltem iudicio suo, deesse sibi censuit, græcæ scilicet, & latine linguarum splendorem, & copiam, vt quibus, inquit, artibus virtutes facile comparantur, quarum tandem parta emolumenta, *Epist. 5.* *mihi, & cæteris utilitati, vsui, iucunditati, vere, solidaque glorie esse possunt, in his esse laborandum mihi statuerim.* Propterea non ausus est interim suggestum pro concione conscendere, vel quidpiam seu epistolarum, seu alterius operis, ne latine quidem, conscribere, quod publicè ederet, vel doctis viris communicandum foret, donec eas artes, in vtraque lingua solidius possideret . Nam affir-



*mante Blonde, qui græcas tunc in Italia literas nescissent, latinis videbantur indoctiores.*

Anno igitur ab incarnatione verbi Dei 1422. & ætatis suæ trigésimo septimo, Idibus Septembris Guarinum Veronæ docentem, omnibus possthabitis, audiuit, *ut illius doctrinarum maximè græcarum, inquit, vbertate ditaret.* Hoc eius consilium, cum initio non probarent illi eius sancti, & simplices magistri spiritus, timentes, ne succus pietatis, & virtus humilitatis, quibus illum nutrierunt, in eloquentiæ profanæ pompam, & rhetoricum puluerem, per mentis elationem euanescerent. At cum intellexissent longè aliam fuisse mentem Alberti, ut omnem eloquij facultatem, quam adipisci posset, in argumenta pietatis, & usum configendi vitia, & virtutes persuadendi, conuerteret, tum plurimum læti, nuntiarunt sententiam, & Alberti consilium optimum illis visum est, de quo ipse aliquid epistola 5. & in reliquis ità se scribendo gessit, ut sanctos vtriusque linguæ Patres, magis quam Demosthenem, aut Ciceronem imitari velle videretur. Imo nonnunquam ex instituto, illos æui sui quosdam exagitat qui profanæ eloquentiæ phrasas, Christianæ pietati non congruas, affectabant, & qui antiquorum floribus, in exornandis argumentis, charitati, iustitiæ, & castimonie contrariis abutebantur.

Decimum iam circiter mensem Veronæ apud Guarinum agebat Albertus, quando S. Bernardinus Senensis Tarvisij inuisit Franciscum Barbarum, illius vrbs tunc pro Rep. Venera Prætozem, quem vtrumque sibi amicissimum veneraturus, ille per dies caniculares, Verona non procul, Taurisium 7. Kal. sextiles profectus est.

Hic ab vtroque perhumaniter, amanterque exceptus, vtriusq; hortatu persuasus, ac Bernardini præsertim, ad populum dicentis, admiratione permotus est, ut vel tunc tandem eum imitaturus statuerit, quo ille pergeret, quoue illum Dux eius Christus deduceret, vna ipse ab eo erudiendus, mentes aliquot proficisci, qua de re ad Guarinum scribens, ut & ipsi optimo præceptoris, & græculis, ut ait, condiscipulis suis, per eum valediceret, inter cæteras consilij sui rationes, Bernardini dicendi characterem, copiam, vires, & neruos persuadendi, flectendi; quo vellet animos auditorum, cum egregia ipsius laude, breui elogio describit: nuntiat se ambos, posttridie quam scribebat, seu 2. nonas Septembris ad Feltrenses, & Belunenses, Marchiæ Tarvisinæ ciuitates, perrecturos, ut postquam Bernardinus illis prædicasset, ambo simul Florentiam versus, quamprimum irent. Tum ergo dicentem Tarvisij per totum mensem Augusti, Feltri verò, & Beluni maiori parte Septembris & Octobris audiuit, omnem eius artem, & gratiam suo lucro reponens.

At humilis Bernardinus apud se reputans indignum esse, ut Alberti præclaræ dotes, in alijs audiendis detinerentur, per quas ipse potius, cum fructu, & laude à populis audiri deberet, pro Prælati, qua pollebat, auctoritate, Pithagoricum silentium soluere tandem iussit, eumque Mutinam ciues instructurum amandauit: idque non vtiliter tantum, sed maximè necessariò. Appulsus enim Albertus pridie Idus Nouembris, inuenit ciues (8) *Guelforum, Gibellinorumque* sæuis factionibus sibi mutuo infestos, cæterisque insectos vitij, quæ ea ciuium, maximèque primorum dissidia, in omnem



omnem Remp. inuehere solent : sed Albertus,qua præstabat virtute,ac diuini primùm numinis adiutorio ; prima illa sua vernacla prædicatione, palam ostendit, quantum deinde per alias Italix ciuitates, in componendis discordijs, & conciliandis Eeclesiæ schismaticis in Oriente,& odijs exterminandis,præstiturus esset: primoque prælio diabolum, pacis, & charitatis hostem deuincit,& de zizaniorum seminatore,per diuini verbi sationem triumphauit. Nam cum eo suadente, post aliquot dies,aperta luce, omnes intellexissent, quanta sit in eis factionibus pestis animarum, cum rerum, hominumque exterminio, Dei maxima gratia factum est, vt à cunctis miro animi seruire, eis diaboli dissensionibus renuntiaretur. Habita. deinde ad eos, de pace seruanda oratione, tanta animorum concordia deuincti sunt, vt non modo similitudines ipsæ deletæ, ac funditùs ex animis euerstæ sint, sed vt nomen ipsum omnium dissensionum seminarium è medio sublatum sit, illud nimirum diaboli classicum, & ezdium, cæterarumque calamitatum incitamentum, ego *Guelfus*, ego *Gibellinus* non alio spiritu,quam quo Paulus Apostolus, veterum Corinthiorum dissensiones sublaturus,factionum Symbola, tellesque prohibuit : ego *quidem sum Pauli*, ego *autem Apollo*, ego *verò Cepha*, ego *autem Christi*.

Post hæc tam egregie Mutinæ gesta,Bernardinum tamen,tamquam sibi humiliter insufficiens,deferere noluit Albertus, sed postquam ille fel-trensibus,& Belunensibus,& vt Vvaddingus narrat,etiam Virunensibus in Carinthia pari fructu,extinctæ ibi eiufdem factionis,prædicasset cum eo iter in Etruriam direxit,& sub initium se-

quentis Ianuarij, Bononiam ambo peruenerunt, vbi dum Bernardinus rogante B. Nicolao Albergato,Bononiensi tunc Episcopo,ac postea Card. Tit. S. Crucis in Hierusalem, ea magna dieendo faceret, quæ idem Vvaddingus refert : Albertus quoque calamo prodesse cupiens, Idib. Ianuarij fusam epistolam scripsit,quæ nobis 10. est ad Nicolaum Eltensem, Ferrariæ tunc Marchionem, & Mutinæ Dominum,in qua,narratis ijs,quæ ab ipso Mutinæ gesta diximus, rogat, hortatur,obtestaturque Principem,vt, quo desiderio eiues ipsi flagrabant, quoque plenius cæpta animo concordia potirentur ; Nicolaus ipsis auctoritate sua,adiuumento esse vellet : & vitro eurrentes promoueret, fomentum ipsum omnium factionum è medio prorsus tollendo, *quoniam, inquit, si etiam inuitos in hæc studia cogeres, maiore apud Deum premio donareris.*

Inde in peilem Illani ludorum,virtutuna omnium voracissimam, qua Bernardinus eodem tempore Bononiæ eiues, per malorum instrumentorum pyras,quasi per ignem expurgabat,Albertus grauitè inuectus est,& vitiorum,grauiumque seclerum lernâ quæ ludendi libertatem consequitur, elare demonstrans ludorum summam infamiam,& latè serpens virus. Principem propterea enixè hortatur, vt tùm ex ciuitate sua Mutina, tùm ex omnibus omninò suis, tantam populorum perniciem,& pessimam labem prorsus propulset, minaci hac sententia rem sibi propositam fortiùs inculcans: *vnde qui non resistunt cum posunt, ego qui adminicula præbent, ego qui inde gaudent, vel distantur, vel suo malo inopes fiunt, omnes aeterno interitu, nisi se abstinerint, ego satis omnibus fecerint, ac ingentibus po-*

nis,

1. Co. 1.

Ad Anu.  
1453. n. 3.

*nis, dignisque cruciatibus, à Deo  
plectentur.*

## C A P. V I I.

*Albertus ipse cum fructu, & laud  
populi euangelizat.*

**H**Aec ad Estensem Principem Bononiæ scriptis Albertus, mensè Ianuario anno sui stili veteris 1423. sed noui nostri, quod in notis non semel aduertimus, 1424. nec amplius ab eo scriptum quidquam habemus, vsq; ad annum 1430. quo aliquas epistolas in Etruria dedit, præter vnum epistolum ad Bartholomæum Aldobrandinum, absque diei, vel mensis assignatione, eodem anno 1424. Senis datum, ex quibus colligimus, ipsum totos illos septem, vel amplius annos, in Etruria hæsisse, nam nulla eius vestigia interim alibi reperimus. Nec interea feriatum dicere possumus, tum quod ipse ad Bartholomæum scribat, sibi pro ingentibus laborum molestijs, nullam, vel illum inuisendi frequentius, vel dulcissima consuetudine fruendi, facultatem concessam esse: quos labores in ipsa Etruria exantlatos, in posterioribus literis, non semel commemorat, quotidianæ nimirum prædicationis in diuersis Vrribus illius Prouinciæ.

Nempe hoc munus, vt alij scribunt, posteaquam superiorum imperio, semel suscepisset, vsq; ad mortem numquam intermisit, per Italiam in primis discurrendo, quotidie fermè, tam eleganter, tam doctè, tantaque virtute, præstabat, vt sui temporis sacri dogmatis præconum Rex non immeritò acclamatus vulgo fuerit. Erat verbum Dei ex eius ore gladius, vtrimque acutus, nam & doctos aliquos, alioquin

aduersos, rationum pondere, & erudita eloquentia conuincebat, & ignaros claritate sermonis, & suauitatem quadam condescensione dulciter erudiebat, atque in Dei timorem, amoremq; & mandatorum obseruantiam fortiter concitabat. Fius erga peccatores condescensionis paradigma habet Bernardinus de Buis, cuius propria verba describere malui, quam rem narrare meis.

*Nibil, inquit, in hac vita est efficacius, ad compungendum obstinata corda, quam sermo diuinus, quod patuit per experientiam in quodam indurato peccatore, in ciuitate Venetiarum, qui prædicante ibi B. Alberto de Sarthiano ordinis nostri, ad ipsam iuit, & rogauit, vt ei consilium daret, quomodo saluaretur: quia habebat peccatum quoddam, quod nunquam dimittere intendebat, quia impossibile sibi videbatur ab illo abstinere, cui prædictus prædicator ait, tria tibi facienda consulo, primò vt omni die Missam audias, secundò, vt quotidie aliquam elem. synon. facias, tertio, vt nunquam prædicationem omittas, quibus auditis abiit, & consilium adimplens, post paucos dies ad ipsum B. prædicatorem, totus contritus, & conuersus redijt, & virtute diuini verbi, mutatus à proposito, illud peccatum, in quo immerfus fuerat, totaliter dereliquit.*

In illius æui vitia, quæ prolixi Pontificij schismatis, & furentis per Italiam Bellonæ reliquæ fuerunt, Catholicæ fidei, Sacramentorum vsus, pœnitentiæ præsertim, & Eucharistiæ, Sedisque Apostolicæ reuerentiæ neglectum, publicas, priuatasque inimicitias, cæteramque multam viuendi licentiam, acer, & vehemens fuit, in eisq; reprehendis, impetu quodam

dam spiritus, quandoque etiam præter intentionem, ita ferebatur, vt qui remordenre conscientia, se tactos, omniaque in se dici putabant, ij non alia tantum, pericula, sed & vitæ quoque insidias, veritatis præconi, & sui ipsorum salutis ministro, vt phrenetici medico intentassent. Ille verò in officij sui executione, ne potentum quidem faciem respiciebat, quamquam id ea dexteritate, & moderatione facere soleat, vt nullius personam, necdum ex nomine, sed nec alio indicio, præterquam solius communis vitij detestatione, detegeret.

Ab amicis aliquandò monitus, rogatusque vt obiurgandi vehementiæ temperaret, dixit se quidem, quamquam id vellet, non posse tamen: quod & focij eius, experientia docti, testabantur. Et verò postulante temporis, & rerum conditione, Deum ità disposuisse videri poterat, quando homines callo quodam improbitatis obducto, non tam amore virtutis, quam vitiorum turpitudinis execratione, & expositis æterni supplicij tormentis, terrore quodam, & incusso metu, ad frugem reduci poterant, qui nihil gloriosè, quod non impudenter, à se factum arbitrabantur.

Declamabat subinde ad populum coram Francisco Sforcia Mediolani duce, & aliqua temporis errata, tam grauius infecutus est, vt ijs, qui mala sua consilia nouerant, Principis animum illis instructum, & acta quædam è suggesto sugillasse videretur, atque vt in aula, magno magnatum præiudicio, assentantes aliqui numquam defunt, isti apud Principem, Alberti, vt aiebant, licentiam, ausum, temeritatem & illatum suo domino probum incusare, ingenijque sui viribus, & compositis astutè verbis aggrauare,

distareque fraterculum vinculis, & igne dignum se præbuisse. Periculum Alberto indicatum fuit, statuitque mitius agere, nihilque præsertim quæ de Principe quispiam interpretari posset, deinceps pro concione dicere, sed longè secus euenit, nam proxima vice, qua coram Duce dicturus descendit, nihil minus volens, iisdem fortè sensibus quos prius expresserat, impellente spiritu veritatis, qui Prophetarum dirigit linguas, & frontes obfirmat, eadem, vel similia pronunciauit, cuius rei clarissimum exemplum in S. Augustino accidit, vt in eius vita narrat Possidius Cap. 15. tom. 1. vnde totum locum huc transcribere nos iuuat, sic ergo loquitur Possidius.

*Scio item non solum ipse, verum etiam alij fratres, & conferui, qui nobiscum tunc intra Hipponensem Ecclesiam, cum eodem sancto viro vivebant, nobis pariter ad mensam constitutis, eum dixisse: Aduertistis bodie in Ecclesia meum sermonem, eiusque initium, & finem contra meam consuetudinem processisse, quoniam non eam rem terminatam explicuerim quam proposueram sed pendentem reliquerim. Cui respondimus. Ita nos in tempore, miratos fuisse scimus, & recognoscimus. At ille: Credo, ait, quod forte aliquem errantem in populo Dominus per nostram obliuionem, & errorem doceri, & curari voluerit: In cuius manu sunt, & nos, & sermones nostri. Nam cum proposita questionis latebrat pertractarem, in alium sermonis excursum perrexi, atque ita non conclusa, vel explicata questione, disputationem terminauimus magis aduersum Manicheorum errorem, vnde nihil dicere decreueram disputans, quam de ijs, quæ afferere*

serere proposueram . Et post hæc , nisi fallar , ecce alia die , vel post biduum , venit quidam Firmus nomine , negotiator , & intra monasterium sedente Sancto Augustino coram nobis , ad pedes eius genibus prouolutus sese iactauit lacrymas fundens , & rogans ut pro eius delictis Sacerdos , cum suis , Dominum deprecaretur , confitens quod Manichæorum sectam sicutus fuisset , & in ea quamplurimis annis vixisset , & propterea pecuniam multam ipsis Manichæis , vel eis , quos dicunt electos , incassum erogasset ; Ac se in Ecclesia per Dei misericordiam fuisse eius tractatibus nuper correctum , atque Catholicum factum . Quod & ipse venerabilis Augustinus & nos , qui tunc aderamus , ab eodem diligenter inquirentes , ex qua re potissimum in illo tractatu sibi fuerit satisfactum , & referente eo , nobisque omnibus sermonis serîe recognoscentibus , profundum consilium Dei , pro salute animarum admirantes , & stupentes glorificauimus sanctum eius nomen , & benediximus , qui cum voluerit , & unde voluerit , & quomodo voluerit , & per scitantes & per nescientes animarum operatur salutem . Et ex eo ille homo proposito seruorum Dei adberens , negotiatoris dimisit actionem , & proficiens in Ecclesie membris , in alia regione ad Presbyterij quoque Dei voluntate petitus & coactus officium accessit , tenens atque custodiens propositi sanctitatem ; & forte adhuc usque nunc , in rebus humanis viuit trans mare constitutus . Sfortiæ verò aulici male sibi conscij Alberti verba tamquam in Principem dicta , clamabant , & in furias versi , denuò Principem adoriuntur ; pudendum exprobrantes , quod talia sine pœna permittat : ope-

ramque suam satellites offerunt , modo Duci non displiceret , ad Albertum è medio tollendum . At Franciscus , vt erat Christianus , & prudens Princeps , factum suæ religioni indecorum , & magnitudine animi indignum , vindictæ scopum Catholico , & excelsio animo reputans Sacerdotis Christi , & Euangelici præconis necem : sinite , inquit , Fratris Alberti sermo vsque adeò nobis non displicet , vt eo potius acceptior sit , quod ille munere suo rectè fungatur , quo & Alberto vitam seruauit , & adulantium prius data consilia , concionatoris voce doctus , sibi minus conuenire monstrauit .

Non defuerunt etiam æmuli , qui Alberti quoque doctrinæ detrahere nitebantur : sed superuenerat eo tempore Mediolanum , nescio quo casu , B. Ioannes Capistranensis , qui claris documentis ità demonstrauit eiusmodi maleuolos ( vt author eos vocat ) velle sapere plusquam oportet ; & ità clausit ipsorum ora , vt nemo amplius ausus fuerit quidquam contradicere .

Cæterum , Alberti prædicationem scriptores omnes tam coarui , quam posteri , tam domestici , quam extranei , miris præconijs efferunt , & vitæ sanctimoniam , excellentiamque doctrinæ deprædicant , quæ vel Eugenii Pontificis præclara elogia , & velut oracula fati , superque comprobant , & fructus ipse posterius exponendus demonstrat .

Eius dictio tantopere trahebat pium senem , & Ferrariæ tunc docentem Guarinum , olim Alberti magistrum , vt quoties Alberto ibi prædicandum esset , toties ille lectionis horam anteponeret , eaque finita ; discipulos ad concionem vocaret , audi-

audistis, inquit, theoriam, nunc eamus ad practicam, nec vllum abesse sinebat. Tanta cupidine ipsum dicentem audiendi exardebant populi, proceres, & plebei, simplices, & sapientes, vt nec templa, nec fora illis colligendis sufficerent: in apertis campis concionandum erat, vbi interdum, omnis conditionis auditorum, sexaginta millia, subindeque plura, cum summa auiditate, ab eius ore pendebant, nec vllus erat, qui meliorem se rediisse, quam accessisse, non fateretur, nec proximi tantum loci ciues, sed circumiacentium oronum, longis itineribus, & relictis operis, domibusque confluabant, nec vlla tùm aduentus, aut quadragesimæ expectatio, nulla loci, vel temporis discretio fuit.

Postquam ille, quod diximus, S. Bernardini tunc superioris imperio Christiana rostra ptesellus est, incessanter deinceps, in vrbibus, & oppidis, in pagis, & vicis, in templis, foris, & campis, arrepta quacumq; occasione, & sapius non semel in die, sermo Dei, viuus, & efficax, ex eius ore promptus erat. Hæreticos ad fidem, schismaticos ad vnus Apostolici Romani Pontificis obedientiam, ac deuotam ex animo reuerentiam, peccatores ad pristinæ vitæ tædium, veniæ spem, atque frugem: Principes, & populos ad charitatem, & pacem conuertebat; non sui tantum ordinis, sed aliorum quoque claustra, vtriusque sexus poenitentæ, & pia iuuentute replebat, & vrbes, oppidaque non tam auidè quesitis, quam vltro oblatis, & rogatus, vt acciperet, horum habitaculis exornabat.

Neque tantus auditorum numerus cuiquam incredibilis videri poterit,

qui S. Bernardini, B. Ioannis Capistranensis, aliorumque illius æui, eiusdem instituti regularis obseruantiz Franciscanorum acta perlegerit, quos dicturos non minor auditorum populus, à media nocte, ad multum diem præstolantes, viciniorem concionatori locum certatim præoccupabant, & quod Iosephus Ripamuntius, ex Donati Bossij eiusdem serè temporis annalibus scribit, Iubileum hoc tempore in Franciscana æde, fuisse Mediolani, & tantam vndique peregrinorum multitudinem confluisse illuc, vt in turba quidam eliderentur, & ad centum millia conuenisse tradunt, præter indigenas, & ipsius vrbs populum, in ipso aditu templi quindecim ingruente multitudine esse obtritos, atque exanimatos. Arbitror annuam Portiunculæ nostræ solemnitatem fuisse, nec ad remissionem poenarum tantummodo confluisse tam frequentem concionem, quam in singulis Franciscanorum templis eodem die lucrari poterant, sed vt Albertum quoque tunc Mediolani dicentem audirent.

Freudebat in hæc Sathanas, desolari infernum suum, & vacuas sequacium suorum sedes, his hominibus in Cælo compleri, rapique è suis vnguibus quos multis sceleribus, iam diu constrictos, sibi obstrictos tenebat, suscitabat quæ iam narrauimus aduersus aduersarium suum, beneuolentiæ magni Principis, & propriæ vitæ discrimina, concitabat calamos, & linguas, qui non ipsum solum, sed cætum vniuersum sanctissimi instituti auersioni, & odio multorum exponere nitebantur, aperta tandem pugna, & visibili forma dispergere auditorium, & prædicationis fructum destruere, conatus

tus est, præter ea, quæ in Aegypto, & Arabia contigisse dicturi sumus, sed diuina protectione, & B. Alberti virtute, semper, & vbiq; victus, & debellatus est.

Innumerus alicubi in campo erat numerus auditorum, cum feruente pro rostris Alberto irrupit in populum ceruus cornupeta, vel omnes è concione disturbaturus, vel malè habiturus multos, inde omnium confusus clamor, & paratura fugæ, cognouit seruus Dei artem diaboli, & fortiter clamauit, ne quisquam se loco moueret, inanem laruam esse affirmans, non ceruum è saltu, sed Sathanam ex orco emissum, qui verbi Dei fructum perdere moliebatur, quamobrem ab Alberto iussus laruatus demon, non pedibus fugit, sed ab omnium oculis confestim euauit, nec amplius vllibi visus est, quo factum, vt populus quieti, & securitati restitutus, maiori animo, & pietate doctrinam hauriret, doctoremque, & liberatorem suum, in ampliori haberet opinione sanctitatis, qui diuino lumine dolum detexit, & potenti virtute, hostem dicto fugauit.

## C A P. V I I I.

*Religionem, scripta laudatione, ab aduersa vituperatione vindicat.*

**N**ON dicendo solum, sed scribendo quoque sui æui corruptelis medebatur Albertus, cum omnium hominum salutem, omni quo poterat modo promouere satageret, vt quæ subiungimus, eius commentaria demonstrant, sed aliqua græcè scripsisse fertur, quæ

nobis nondum reperta sunt, sermones tamen, quos quotidie ad populum habebat, conscripsisse magno sanè posteritatis detrimento nemo prodijt, erat enim, vt ipsa perpetua dictione, & continuatis itineribus impeditus; sic eruditione, doctrina, eloquentia, memoria, & exercitatione tam promptus, vt ad differendum de quouis argumento, communium locorum notatio fortassis aliqua, cum breui meditatione, & quod caput est, feruens, & recta voluntas, & huic semper assistens gratia Dei, satis illi fuerint: neque enim Apostolos, & multos Apostolicos viros, nec S. Franciscum, aut eius socios, sermones suos, quos extemporantes frequenter habuerunt, scripsisse, priusquam dixisse legimus, cum tamen & quercus, & saxa dicendo scinderent, virtutes, & vitia, poenam, & gloriam prædicantes, cum breuitate sermonis. Extant in Alberti operibus, quæ producturi sumus, orationes aliquot paucae latinæ, quarum duas ad populos, ac tertiam ad sui ordinis Patres, in comitijs collectos, declamauit.

Florescere tùm Italia visa est, è scholis Guarini Veronensis, & Emmanuelis Chrysoloræ, aliorumque vtriusque linguæ præceptorum viris, non latina tantùm, sed Attica etiam eruditione clarissimis, & per eos in magnam partem restaurata est, iam olim sepulta literarum latina simul, & græca elegantia. Verum vt inter flores nascuntur vrticæ, nec vlla tam læta seges caret suis lolijs, aut mortalium quispiam ex omni parte perfectus est, sic horum hominum plures erant scribendi grauitate, & integritate morum præstantissimi, sed alij quidam genijs suis, æuique vitiis

nimum

nimum indulgentes, non imitari se Ciceronem, aut Salustium in oratione soluta, nec in ligata Nasonem arbitrati sunt, si illorum conuicia, atque huius turpitudines à crematorum corporum putribus vrnis, tamquam eloquentiæ phœnices, non fascitassent, nec se viros fortes esse, si hanc prædam de manibus non eripuissent: nec præclarius, vel eruditionis suæ vel eloquentiæ specimen se præbituros credebant, quam ut studiorum riuales, & concius interdum suos, maledicis inuectiuis lacerassent, quod plurium illius æu eruditorum, commune fere vitium fuit, turpissimos amplexus, ioci specie, in multorum scandalum, & Christianarum mentium perniciem, intensi eloquentiæ, & lasciuiæ viribus, in vulgus explicarent, qui propterea plurium sermonibus, calamisque vapulant, quo alii discant, se non impune laturos, si & scribendi facultatem, & tempus, & otium, per optimum Deum ad meliorem vsum concessa, pessimo dæmoni dicare præsumant: cum potius illi à Cicerone suo discere potuissent; oportere eum omni vitio carere, qui in alterum dicere paratus est, & isti sermonis elegantiam, & nitorem, seu vasa Aegyptiorum, ab Ethnicis possessoris mutuari, e quibus non morum corruptelam labili iuuentuti, sed castam pudicitiam Christianis mentibus, & Christo animarum zelantissimo Sponso consecrare debuerunt, id enim meliores magistri, quam Ovidius docent.

Quod nostrum est, & ad B. Alberti Sarthianensis causam attinet, in Philippico hoc dicendi genere, cum aliis aliquando excessit Poggius Brandolinus, vir alioquin suo tem-

pore, eruditione, & eloquentia clarissimus, quamquam & ipse facetiis aliquando lusisset (sacra censura iam dudum confixis) in Ouidiana verò fœditate Antonius Panormitanus venereo carmine sagittam cupidini præripuit: qui duo viri, si in melioribus argumentis, quibus alioquin cum eloquentiæ laude infudarunt se continuissent laude digniores ipsi futuri erant, & Reipublicæ melius consuluissent.

Construebant eo tempore cœnobium illi Religiosi consodales Alberti (qui à sinceriore Franciscani Canonis disciplina, obseruantia regularis fratres dicebantur) in fundo, quem cum suæ recreationis domuncula, ipsis dederat Carolus de Ricafolis ciuis Florentinus in loco campestri, sed amœno sui domini, dicto Monte Caroli, per hoc Poggius quidpiam vel temporalis emolumentum, vel potius deliciarum, sibi, suisque contribulibus, ut ipse eos alibi vocat, detrahi censebat, quod sanè tùm parum esse oportuit, cum illius instituti homines, amplis domiciliis, vel vastis terrarum spatiis uti, conscientia sibi vertebant, cuius rei manifestum, & euident argumentum inferius producturi sumus. Agebat apud Pontificem Poggius, quo posset obfistere sacra huic & solitariæ religiosorum structura, & rumor fuit, quidquid parietum isti erigebant, ipsius industria, studioque demolitum iri, sed cum rem cognitam apud nostros esse, nihilque se apud Pontificem efficere sentiret, hic arrepto calamo literas ad Nicolaum Nicolum dedit, querulus primùm quod eiusmodi voces spargerentur, deinde in religiosos viros, qui fœlicissimis illis initiis lucidos instituti



sui sanctitatis radios, agendo, docendoque in populorum, & Principum animos vibrabant acriter inuectus est: & vniuersum sanctum cętum, ita depinxit, vt si irato tunc homini fides haberi posset, non tam religioſe vitę ſeſtatores, quam malę Chriſtianos, & flagitiis litantes, eos fuiſſe crederes, Bernardinum tamen, alioſque per paucos innominatos, & Albertum nominatim excepit, quorum, claram ſanctimoniam, & celeberrimam famam, omnem inuidiam, & acumen maledicentię iam ſuperaffe cognouerat.

Cortone in Etruria tum conualeſcebat Albertus ab epidemię morbo, quem promiſcuo quotidianoque auditorum accuſſu contraxerat, cum Nicolaus Poggii literas ad eum deſerri ceſſiſſet, ac dum firmandę valetudinis cauſa, medicorum, & conſodalium ſuaſu aliquantiſper concionibus abſtineret; otio tamen vacandum non cenſuit, cum & ſe ipſum exereceret, & aliquo commentariolo, per calamum ſaltem S. Franciſci exemplo, Reipublicę prodeſſet, dumque de argumento ſcriptionis deliberaret, opportuñe ſibi oblatum arripuit. At vt erat animo moderatior, & ſui magis compos, quam ipſius antagoniſta, non hominis denigrare famam, vel maledicentiam in authorem retorquere, nec ſuorum fratrum, qua non egebat deſenſionem inſtituere ſtatuit, ſed veram innocentum laudationem, per quam abſq; ira, odio, inuidia, omnes Poggii criminationes grauiter, ſuauiusque nec minus eruditę deterſit, quamquam hominem ſubinde modeſtę fraternęque animaduerſionis iure, & veteris amicitię fiducia inſtrepuiffet, ad illa ipſa coaſtus, quod

metueret, aliquos acri hominis eloquentię vi, & ſermonis lenocinio à Chriſti ſequela fortius inſiſtendo deterreri, & vberriſimum exemplorum, atque doctrinę fruſtum, quem religioſiſſimi viri colligebant, minui poſſe; quo nihil humanę ſalutis inimico gratius, nihil tunc religioni, & Reipublicę pernicioſius euenire poterat, quę Albertus ipſe ad Nicolaum, & Poggium clariuſ proſequitur in literis, quas nos temporis ordine 20. & 21. loco collocauimus.

Ad B. Viri libellum reſcripſit ipſi Poggius breuem epittolam excuſatoriam, quam his verbis orſus eſt. *Tantum abeſt mi Alberte vt grauiter ſeram, quę à te ſcribuntur, vt etiam maximas tibi ego debeam, & habeam gratias, quod me, pro tua in me beneuolentia, & charitate admonere voluiſti, eorum in quibus me aberraffe, in meis literis arbitratus es, non enim ſum is qui tantum meis viribus conſidam, vt non aliorum quoque opibus ſubleuari velim, atq; adiuuari, ad errores vitę corrigendos.* Reliqua Poggij epittola talis eſt, vt author tunc fuiſſe videatur ex eorum numero, qui teſte Cicerone certis quibuſdam deſtinatiſque ſententijs, quaſi addiſti, & conſecrati ſunt, eaque neceſſitate conſtriſti, vt quę non probare ſolent, ea cogantur conſtantię cauſa defendere, ſi tamen Tullius conſtantiam niſi fortaiſſis ironicę fictam, & falſam appellare voluerit agnitę falſitatis deſenſionem, quam & Gentilis ipſe alibi ſapius, & nos omnes Chriſtiani pertinacię notam mereri cenſemus. Rationes autem, quas Poggius ad ſe excuſandum proſert, ne ſine cauſa religionem vituperaffe videatur, vel rationum potius eſſugia ſunt, vel particularium



larium paucorum culpæ, quas religio ipsa sancitis legibus, & acri castigatione persequitur, vel crimina in sæculo commissa, quæ ipsi tunc peccatores post ad religionem conuersi, pœnitentis vitæ austeritate, in se ipsis plebent, pietateque, & virtutum exemplis in aliorum oculis diluebant. Albertus igitur ijs dissimulatis, quod eas ante liquido confutauerit, deinceps tacuit, Poggius ab inceptis desistit, & pristina amicitia inter eos redintegrata, & constans inde seruata fuit, ac religiosi locum illum, de quo tunc disceptabatur, in hodiernum diem pacificè inhabitant.

## C A P. I X.

*Importunas, & periculosas conciones prudenter declinat.*

**E**odem tempore quo B. Albertus pestilentie morbo languebat Cortonæ, interea ciues Viterbenses factionibus, peste peioribus, vel alijs simultatum causis agitati, intestinis odijs, ac sæuis cædibus se mutuo, miserum in modum, trucidabant, urbemque suam depopulabantur, vt ex ipsius B. Viri epistola 12. copiosius, & clarius, quam aliunde discere potuimus, donec Leandrum Albertum legere licuit, qui in descriptione Italix de Viterbo agens, illarum factionum originem, & perniciosos successus ita describit. *Egregioi homines multos edidit, qui summa ingeniorum excellentia, principatum urbis sibi compararunt. Ex his Vici, diu rerum potiti, donec ab Aegydio Carilla Cardinale, ac Legato Ecclesie Romane, cuius tunc in Gallia sedes erat, pulsus, eo tamen satis*

*intercepto, rursus ad imperium urbis peruenierunt, idque dein vsque ad Eugenium IV. Pontificem Max. tenere. Hoc tempore Franciscus Vicius Vrbis Romæ Præfectus à Patriarcha Viterbesco Pontificalium legionum Imperatore, ac legato confossus Ioannem Gattum in Viterbino Principatu successorem habuit. Ille Principalem filium, qui Roma Viterbum reuersus, impetu inimicorum circumuentus periit. Ob eius mortem, cum populus tumultuaretur, cades multe editæ, plurimæque deiecta ædificia, sed compositis deinde motibus, cessanteque seditione, Ioannes Gattus 2. principatum urbis suscepit. Is tranquillo iam tum, ac pacato ciuitatis statu circa Alexandrum VI. Pontificem Max. anno à Nat. MCCCXCXVII. casus: qua occasione columna urbem ingressi, Magancesios, qui Gattorum erant inimici, magno numero obtruncant, ædes multas diruunt, plurimas diripiunt. Tertio anno post Vrsini, qui Magancesiorum partes tuebantur, Gattos vicissim eiciunt, sauitumque est tam vebementer, tam nec etatis, neque sexus habita ratio, tot ædificia flammis, incendioque consumpta, prorsus vt sæua Turcarum barbaries crudelius quidquam, aut immanius designare baud quaquam potuisset. Nec aliter à Gattis dein vicissim occupata urbe Magancesiorum habita partes. Et fatales huiusmodi dies Viterbum sæpius expertum est, adeo quidem, vt nunc maiori propemodum ex parte ruinis deformatum iaceat. Tales nimirum exitiosarum, nefariarumque factionum esse fructus solent.*

Guillelmus ergo Casalensis ordinis Min. Primicerius, vt exterminium

Hecl. 31.

nium ciuitatis auerteret , Albertum ad eos ire iussit , vt quod alibi præclarè præstabat , Viterbi quoque ciues efficacissima sua dictione , ad pacem , & charitatem concieret . Ille vero diuino doctus oraculo non effudendum esse sermonem , vbi non esset auditus , inter obediendi zelum , & periculorum euidentiam anxius rescripsit , rem eo videri difficiliorem , quæ & dictu incredibilis , & factu impossibilis sit , quæque nec tentari sine metu , nec impetrari sine periculo , nec extorqueri sine tenerritate possit , quæ ipse cuncta manifesta ratione in epistola monstrat , alieno etiam periculo cautus , ac facile , inquit , *ero secundus ab eo , qui pro eadem causa fouet in presentia carceres* . Inde generalem per crucifixam mundi salutem obsecrat , vt cum tanto onere leuet , vel si magis placeret , vt iussione Pontificis , ea res ipsi imperetur , quod facile factu ostendit .

Verebatur prudens Albertus , si Generalis voto satisfaceret , & suam , & ipsius generalis , ac imprimis Christi , & amicorum , ac totius nostræ religionis confusionem , *ne dicam , inquit , subuersionem* , ea mala tamen firma , qua pollebat , fiducia Apostolicæ potestatis , ob reuerentiam sedis , cuitari posse sperabat , si Pontificis autoritas intercederet , adeoque tunc , inquit , accedam lætus , hilaris , alacer , & libens , nec minus flagrabat religiosæ obedientiæ complendæ feruore , cum ait , *Si verò solum tibi placet , vt adam , idque tu mihi rescribere non graueris , ecce modo me ad martyrium quasi proficisci existimans , ire iam pergam , ac tua rescripta in his regionibus præstolans , ad quæcumque tua voles paternitas , me accingam* .

Responsum differebat Guillelmus , eoque crescebat anxietas Alberti inter obediendi affectum , & ingentium periculorum metum angustiatum , quem profunda ipsius humilitas ingerebat , per quam se superandæ rerum difficultati , inparem esse censebat . Quapropter in eundem sensum iterum , iterumque scripsit , non ad ipsum solummodo Generalem , sed ad Dominicum quoque Piñtorientem , & ad Iacobum Perusinum , qui illi , vt videtur , à latere assistebant : per quæ generalis , iusto metu , & euidenti ratione conuictus rescripsit tandem , & inter alia hæc verba ; *Te igitur mi Alberte liberum facio ad quascumque predicationes sumendas , si tuo desiderio satisfactum iri à me potest . Tecum enim familiariter agere nostra iam confirmata consuetudo facit , quia neminem mihi magis familiarem inueneram , qui posset vita , moribus , & doctrina Viterbiensis ciuitatis periculis prouidere* .

Verum quia Deo , & bonis hominibus placuit Albertus , necesse fuit , vt noua tentatio probaret illum , & vt nemo propheta in patria sua acceptus est , ita ille alioquin vbicumque absens , ibi desideratissimus , vbicumque præsens non minus acceptus , & in veneratione habitus , in sola Etruria , quia Tuscus , emulos inuenit , etenim amplissima illa libertate , quam Generalis Minister illi concessit , ita vsus , vt pro sequentis Quadragesimæ concionibus , se obligauerit , tum Episcopo , tum ciuibus Cortonæ , apud quos in illo suo crudeli morbo epidemiæ , & longo languore conualescentiæ in tanta cura , & charitate habitus est : sub ipsa nihilominus ferè vigilia quadragesimæ per

per æmulatorum studia nouum, & inopinatum generalis mandatum accepit, quo iubebatur in Lombardiam proficisci, Regij Lepidi ciuibus per sacri ieiunij tempus concionatum, atque hic iterum in torculari positus est, vnum latus premente obediendi zelo, de quo ipse in altera epistola, hac de re scripta: verè tibi fateor, dicere non possum dolorem meum, ita enim te ardentissimo amore, ab ipso congressu amicitie nostræ complector, ut penè dixerim morior, cum tu aliquid mihi iubes, quod implere nequeam: alterum enim latus vrgebat necessitas se excusandi pluribus, validisque rationibus, quas in duabus epistolis fusiùs, & fortiter exponit; aduersas rationes, & æmulatorum molitiones, efficaciter dissuadendo.

Ac his tandem religiosissimis verbis epistolam claudit; *ut verò aptius intelligas, me ista scribere, non resistentis animo, sed impotentis experimento, & consideratione plura perspicientis, fugiendique scandali causa, quod tu ipse vitari, mea sententia, a me cupis, hoc tandem finem faciens prædictis adjicio, si tibi meis rationibus moto, placet, ut in his regionibus maneam, latabor, & maximas tibi habeo gratias, si autem post Pascha tibi videbitur, ut quouis pergam, paratissimum profectò reperis: si verò omnino, ac penitus sententie tue est, ut modo relictis pollicitationibus meis, neglecta famæ, scandalisque omnibus posthabitis, illò accedam, non grauetur tua paternitas itidem mihi cuncta renuntiare, & ego accinctus, quamuis difficillimum iter, quamuis debilis, quamuis rumores exuscitans, letus, libensque proficiscar; magis enim tibi,*

*cum pro amicitia, tum imprimis pro officio tuo in nos obsequar, quoad vita mihi suppeditabit, reliqua omnia parui pendens, quam tuam iustionem, tuam auctoritatem, tuamque dulcedinem, quibuslibet rebus, personis, temporibus anteponeas, quauis incommodorum acerbitate, ac dispendio deterrebber.*

Per ista reor, pro sua virtute, & reuerentia obtinuisse seruum Dei, vt à Cortonensibus tunc non recederet, quod ex epistolis eius, quæ sequuntur satis colligi posse mihi videtur. Interea verò eodem tempore à Florentinis ciuibus desiderabatur, vt hoc eodem anno veteris æræ 1430. qua ipse utebatur, sed nouæ nostræ 1431. quadagesimali tempore, in maiori ipsorum Ecclesia, sacris sermonibus populum erudiret; quod cum ille nec prorsus negaret, nec certo promitteret, ea dilatione pendentes ciuium animi, in contrariam partem conuersi sunt. Quam quasi præcipuè verbis incuriam, cum Nicolaus Nicolaus Alberto culpæ verteret, rescribens ipsi Albertus ostendit, non incuriam, sed industriam fuisse; Si quid, inquit, tibi à me erratum videtur, sed hoc tantum de meo sensu, qui mihi quam cæteris, & quam cæterorum notior est, tibi sincerissimè, verissimèque renuntio, me scilicet, ea tempestate bellorum, & acerbitate ciuiliis dissensionis, ea denique pestis voracitate, quæ passim in dies tuam ciuitatem depopulantur, non magno opere curare, si valde opportunum tempus, ad rem agendam impediens fortè perditis, vel etiam gaudentibus inuidis, non se dedit, Musica enim in luctu importuna narratio, silentque inter arma Annales.

Erat enim tunc turbatissima Florentina

rentina Respublica factionibus Mediceis & Vzanianis, nec aliud inde audiebatur, quam vtriusque factionis ciuium mutue præscriptiones, & vincula, prout alterutra pars alteri præualebat; frequentesque non personarum tantum, sed ipsius etiam formæ regiminis, & magistratuum mutationes; nec subinde defuerunt etiam arma, quamuis absque sanguine prudenter cohibita. Albertus autem qua pollebat prudentia, & animi moderatione, huiusmodi populares tumultus, & feruentes factiones semper cuitabat, differebatque accessum, dum deferuescerent perturbationes animorum, quibus agitata quæuis multitudo, Christi præconem, quantumuis recta, saluberrimaque suadentem, non aliter excipere, quam phrenetici medicum solent, ac tunc Florentini Medicæum (ut Albertus Viterbiensis illius exemplo didicit) qui ob eandem causam tunc fouebat carceres. Præstolabatur deinde tempus opportunum, & obseruabat morbi symptomata, ex quibus, ut certioribus iudicijs, iudicium securius de ægritudine pariter, & remedijs formare posset, utque ægri ipsi tum priuata sua, tum communia Reipublicæ pericula ex inualescentibus malis clarius conspicientes tunc sectionem non patienter ferrent modo, sed etiam cupide peroptarent, atque ita cunctando restituebat rem, quam intempestiuo, temerarioque aggressu perturbaret magis. *Castigare namque irascentem, & ultro obuiam ire ei, incitare est, ut loquitur Seneca lib. 3. de ira. cap. 40. Quapropter primam iram, inquit, non audebimus oratione mulcere, surda est, & amens, dabimus illi spatium. Remedia in re-*

*missionibus profunt, nec oculos tumentes tentabimus, vim rigentem mouendo incitaturi, nec cœtera vitia, dum feruent. Cap. 39.*

## C A P. X.

*Ex Etruria profectus, regnum Neapolitanum predicando, & veterum scripta perquirendo perlustrat.*

**A**lbertum porro ad annum natiuitatis Domini 1433. in Etruria perstitisse ipse nos docet epist. 22. quam eodem anno 22. Octobris ad Nicolaum Nicolum dans, ita orditur. *Cum essem superiori anno, vrgentibus maiorum iussionibus Neapolim accessurus: superiorem enim vocat, Initium seu vernum tempus eiusdem anni, quod ipsi suo more præcedentis anni 1432. finis fuit, vsque ad diem 25. Martij, quo præteritum incarnationis annum complebat, neque enim prius poterat orationem de laudibus penitentia ad Nicolum, ut affirmat, misisse, quam scilicet in capite ieiunij, seu Feria 4. cinerum ad populum Vrbeuetanum habuit, non ergo ante annum nostrum 33. ex Etruria Neapolim accessurus decessit, quo verò id eiusdem anni die, ex eo conijcere possumus, non nisi post pascha fuisse, nam quo loco quis Euangelij præconem primam Quadragesimæ sacram concionem habet, eodem reliquis vsque ad pascha habere, & vsus, & ratio docent. Igitur cum Dominica Paschæ illo anno incidit in diem 12. Aprilis, debuit non diu post, ex vrbe veteri, ac tota Etruria, per Latium, ut autumo in Campaniam, & regnum*

regnum Neapolitanum abiisse, & sequenti mense Septembris, per Aprutium in Vmbriam reuertisse. Nam Aquilæ in Aprutio prædicasse, B. Capistranus inferius allegandus affirmat, nec alibi inuenio B. Albertum vltra hanc vicem id regnum adiuisse, & sequenti mense Octobris Albertus ipse alteram Vrbino in Vmbria, vbi corporis aduersa valetudine pressus aliquamdiu substitit, alteram Ferraria 17. sequentis Ian: ad Nicolum dedit epistolam, numero nobis 22. & 25. in quibus plenior huius Neapolitanæ profectionis narrationem exponit. In priori quidem, se, maiorem vrgentibus iussionibus, Neapolim accessisse, ac tum cum epistolam daret, post reuersionem suam Neapoli, ac reliquo omni eiusdem ciuitatis regno, misisse libellos suos, quos illuc iturus promiserat. In posteriori verò, *De libris*, inquit, *cæterarum prouinciarum, quod queris, tam magnæ quondam Græciæ, quam totius penè oræ Italiæ, quam multo labore lustraui-mus, inciderimus inter eundem in libros quosdam, veterum tam Ecclesiæ, quam sæculi magistrorum? breuissimè tibi respondeo, nihil ad manus nostras, quamquam diligentissimè quasiuerimus peruenisse, ne dum vetustatis, quod potuit & diuturnitas, & negligentia aboleuisse, sed ne communium quidem opusculorum, quorum solent, tam veterum, quam nouorum referta esse omnia. Hinc longa threnodia deplorat librorum, & literarum in eo regno olim græcis, & latinis literis, & libris florente non neglectum solum, sed excidium etiam, & odium, præsertim apud primores, & regij sanguinis viros, quos, inquit, maxime*

*eruditos esse oportere non dubium est.*

Author eiusmodi vestigationis librorum præcipuus fuit Cosmus Primus Medices eo tempore in Rep. Florentina virtute, opibus, & potentia florentissimus, qui, vt Augustinus Florentinus in eius epistolæ notis à nobis citatis tradit, Florentiam, Europamque omnem, omnium librorum doctissima suppellectile referit, adeò vt, eo authore, literarum studia, quasi de integro reparata fuisse, affirmare possimus, idemque author inter cos clarissimos Theologos, qui Cosmi huiusmodi studium iuuerunt, recens & nostrum Albertum, & Bernardum (reor Bernardinum dicere voluisse) nam S. Bernardinum Senensem eandem curam sibi commendatam habuisse indicat Albertus, in iisdem literis ad Nicolum scriptis, vt & se Ferrariæ vsque ad Pascha moraturum.

## C A P. X I.

Antonij Panormitani Hermaphroditum, profanam eloquentiam, luxum vestis muliebris, & vituperatores martyrum voce, & scriptis persequitur.

**F**erraria 13. Kal. Maias, post longam illic, & gratam (Deo faciente) communem omnibus ex verbo Dei saluberrimam moram Rhodigium abeuntem molestus quidem ipsi, quantum ad popularis auræ contemptum, turbæ popularis impetus sepiuit, atque inter alios Franciscus Marefcalcus, & Philippus Bendedeus, generosi, & pij iuuenes, ipsum extra urbem comitati sunt. Ij,

ut erant ambo eruditi, cum eo discurrerant, de inanibus suis scrip-  
toribus, quibus cum Sanctorum  
Ecclesie virorum studia compararent,  
istos iudicabant vere sapientie sato-  
res, sententiarum potius pondus,  
quam verborum sonitus esse secutos:  
illos vero contra, qui sapientiam pro-  
fitentur, preter elaborata, turgida,  
expolita, & emendicata verba, to-  
tum esse inane, ieiunum, exangue,  
nec nervos, aut lacertos, ne dum  
Christianos Philosophicos, sed nec  
oratorios quidem habens; quippe,  
qui nihil preclarum, nihil sanctum,  
nihil graue, nihil virile scriptitant,  
quod aut decoris, idest honesti, aut  
religionis, aut sapientie, aut intenti  
ad virtutem animi, aliquid afferat:  
sed nunc viles causas, quod est igno-  
bilis; nunc nullas, quod est cauti,  
vel ignavi; nunc postremo turpes,  
quod est corrupti hominis, frequen-  
ter assumunt. Cum hæc non detra-  
hendo doctrine, quam indocti non  
habent, nec infirmantes eruditorum  
sapientiam, qui saltem quod nesciunt,  
à quibusvis etiam studioso labore,  
discere non erubescunt; sed super-  
borum errori condolentes dicerent,  
in sceleratissimi libelli Hermaphro-  
diti mentionem inciderunt.

Etenim Antonius Panormitanus,  
Ouidij Nasonis, & similium poeta-  
rum obscenos amores ex Orco re-  
fuscitare nisus est, fœdissima, &  
Christiano calamo, menteque dede-  
centissima opella, quam Herma-  
phroditum prænotauit, duobus epi-  
grammatum libellis distincta, per  
quam euidenti corrupendæ iuuen-  
tutis periculo, eos ad obscenitatis  
ipsa facta prouocat, & orat propositis  
Ethnicorum exemplis, ut tumultu suo  
nefanda libidine litent, lasciuie clas-

sicum canens, suumque libellum,  
per genij sui ministros clanculum dis-  
seminabat, maiorique imprudentia  
ad Cosmum Medicum inscripsit,  
& Christianum Principem melio-  
risque literaturæ tunc Mæcenatem,  
& singularem promotorem, Ethnicæ  
sue turpitudinis patronum aduoca-  
uit.

Eum etiam ad Poggium misit, &  
hic respondens miratur, in eo ita ex-  
primi multa turpiuscula, ut non enar-  
rari, sed agi viderentur; nec ficta io-  
candi causa, sed acta existimari pos-  
sent, pro charitateque sua monet au-  
thorem, ut grauiora quædam dein-  
ceps meditetur, & missa facta lasciu-  
ia, res serias describat, ne, inquit,  
*arguatur vita impura libelli obscenitate*,  
sed surdo cecinit, nam ille  
prolixam elegiam, eamque impurissi-  
mam, perfricta fronte remisit,  
quam hoc distico orsus est, quod ali-  
quoties repetitum velut intercalare  
carmen pertinax in malo commileet.

*Desine me placida verbis abducere  
terra,*

*Desine me Domina diffociare mea.*

Sed hæc seriò an ioco per Anto-  
nium scripta fuerint, certè petram  
scandali, & grandem offensionis la-  
pidem, in medium proiecisse, pij  
omnes, & verè sapientes indolue-  
runt.

Ex his aliqui bono publico, pri-  
uatæque honestati consulentes, Al-  
bertum nostrum interpellarunt, ut  
qua præditus erat eruditionis præ-  
stantia, quoqueungebatur Euan-  
gelici præconis officio, tanto malo  
iam tum serpenti, remedium affer-  
ret. Concepit ille scribendi proposi-  
tum, sed quoniam per continuum  
prædicandi laborem, & succedentia  
Pontificiæ iussionis grauiora mu-  
nera,

nera, rem integram præstare, imo inchoatam prosequi, non vacabat: duabus saltem epistolis, altera ad Franciscum Marescalcum, & Philippum Benededum, altera ad Christophorum Arimini Episcopum, ita rei turpitudinem, scribentis stultitiam, procacitatem, putidam linguam, luxuriæ fœditatem, imprudentiam, aliaque eiusmodi perstrinxit, ut ad sceleratissimi libelli fugam, odium, & execrationem, satis scripsisse visus sit, præterquam quod, ut ipse scribit, in tot iam Italiæ ciuitatibus abominanda hæc lingua respuere, & delere conatus sit.

Aliud irritamentum lasciuix tunc erat (& utinam hodie non esset) luxus mundi muliebris nobilium fœminarum, præter cætera, plus panni in caudis togarum, quas verrendo pulueri, per terram trahebant, quam reliquo pene vestitu vsurpantium, ut pauonibus, quam puellis magis assimilari possent, ac domos suas inutili sumptuum profusione grauabant, qui in meliores vsus impendi possent, & sæpius deberent. Cœpit hic abusus, vel maxime viguit Ferrariæ, atque in alijs ditionibus Principum Estensium, & magna morum insolentia, per alia Lombardiæ loca diffundeatur. Quæ loca cum B. Alberti, ut ipse refert, admonitione, hoc facinore abstinendo tùm consueuerunt, securim ad radicem ponendam censuit, ut vnde luxus exemplum fluxit, ibi remedium fortius opponeretur. Author ergo ipse fuit, ut Nicolaus III. Estensis legem caudariam conderet, publico edicto, sub pœnarum distractione præcipiens, ut fœminæ suarum ditionum omnes sublati è medio togarum caudis, modestius deinceps, ornarentur.

At cum Patauij postea prædicaret Albertus, rumor ad eum delatus est, Nicolaum rogantibus maritis mulierum abrogasse legem; quamquam alij dicerent, tanta constantia Principem in sententia perstitisse, ut quantumlibet nobilibus viris, pro fœminis suadentibus, non iam amplius mulierum supplicantium molestias ferre valentem, & viris, & mulieribus aduersantibus respondisse: si quæ est mulier, quæ se malam haberi velit, aut si quis est maritus, qui malit scortum suam coniugem, quam vxorem putari, ijs dumtaxat caudas ferre concedimus, cæteras verò, & graues, & honestas matronas portare caudas prohibemus, etiam edicto publico, quas etiam statutz iam per nos pœnæ subijci volumus, si secus, quam statuerimus facere ausæ fuerint.

Parabat eo tempore libellum in vestium vanitatem; sed cum hæc accepisset, quotidiana prædicatione præpeditus, nondum tunc absoluit, quapropter Nicolao Principe in sacris peregrinationibus absente, breuiorem epistolam scripsit Leonello eius filio, per quam secundi decreti dignitatem collaudat, & primum ut reuocaret grauissimis, & religionis, & politices rationibus enixè dissuadet: quoniam neque populi, nec sui ipsius, nec Principum interesset, vel decoris, vel famæ. Hæc, & alia quædam ad Poggium quidem anno salutis millesimo quadringentesimo trigésimo: ad alios quarto post anno scripsit Albertus.

Dum interea consuetum prædicandi munus, per Italiam prosequeretur anno 1435. percepit, malefarios quosdam, & nefarios homines, in Christi Martyres, eos præsertim insolentius garrere qui vltro se



discrimini mortis, pro Christiana religione, vel tuenda, vel propaganda obijciebant, & ex Apostoli Pauli mandato prædicabant verbum, instabant opportunè, importunè, & vel hæreses quaslibet, vel spurcissima Mahometi placita arguebant, increpabant in omni patientia, & doctrina, vel magni Ignatii exemplo, aliorumque multorum, quos Ecclesia Dei gloriosos, & Beatos prædicat, qui non venienti tortori, vim faciebant, seseque vt à bestiis deuorarentur, vrgebant; hosque nec martyrum honore, nec cælo dignos, sed infanos, & perditos homines, sui; ipsorum parricidas, & orco destinatos dicitare, & maledica lingua profcindere.

Qua re cognita Albertus, vt erat Ecclesiæ honestatis, & Martyrum gloriæ zelantissimus, vt ipse fatetur, excanduit, atque hanc vecordiam, & Ecclesiæ, quæ tales colit, iustam æstimationem, & martyribus emeritam gloriam detrahi, & ab ipso martyrio, maximo charitatis opere, & heroica virtute, homines deterreri posse perpendens, constituit oblatores eiusmodi pleno scripto compescere, sed quia crimen ad Pontificis correctionem pertinere videbatur, & ipse ad S. Sedis obsequia iam tunc mancipatus erat, literas ad Eugenium dedit, quibus improborum hominum perfidiam deplorat, suumque scribendi propositum, & designati operis dispositionem, perficiendique impedimenta exponit: martyrum iniuriam detegit, eaque breuitate vl-ciscitur, quam non opus integrum, sed operis argumentum, & præfationis cuiusdam angustia permittebant, orauitque obedientiæ Pontificiæ facultatem, & meritum ad prosequendum.

## C A P. X I I.

*Ad Eugenij Pont. obsequia segregatus quid prima legatione fecerit.*

**C**VM Eugenius Pontifex anno 1431. magnanimis consilijs, multa, & Pontificia solitudine dignissima, ad communem Ecclesiæ splendorem animo versaret, Fratribus Franciscanis regularis obseruantia professoribus Bononiæ tunc ad comitia sua conuenientibus, iussit, (9) *vt è sua familia segregarentur sex viros vitæ innocentia conspicuos, opere, & sermone efficaces, & ad res gerendas idoneos, eosque nullo ordinis officio implicarent, quo minus expediti forent, cum ad ipsius Pontificis mandata facienda vocarentur, inter hos non infimo loco designatus fuit B. Albertus: is vero interea, dum vocaretur, consuetis per Italiam prædicandi laboribus, insistens, cum quod iam diximus anno 1435. se aduersus martyrum vituperatores, scribendo occupare voluisset, Pontificis licentiam ad id faciendum, per literas petijt.*

Sed premebat Eugenium alia cogitatio, Orientis schismaticos ad Ecclesiæ Romanæ vnionem, fidemque reducendi, nec alius ad rem disponendam aptior Alberto visus est, quod præter alias virtutes, græcorum linguam apprime calleret. Iussit ergo Pontifex è sex illis viris, quos ad eius mandata segregatos diximus, Albertum Ierosolymas proficisci, vbi nationes omnes Orientales diuersorum rituum Græci, Armeni, Syri, Abissini, Cophti, Nestoriani, Maronitæ, Iberi, seu Georgiani, Iacobitæ, Indiani,



diani, Christiani omnes, quantumvis præter Maronitas schismatici, Monachorum, & Sacerdotum collegia, & eam, quam poterant, Ecclesiastici regiminis formam habebant, à quibus totius Orientis status, & religionis constitutio facile disci poterat, & eisdem suaderi Catholica veritas, vt eas omnes, quantum fieri posset, ad vnionem cum Ecclesia Latina perurgeret, sed eo loco, & consensu stabiliendam, quo Pontifex ipse designaret.

Dum Albertus Bononiæ mense Iunij, de his rebus cum Pontifice tractaret, rogauit eum, vt ad tollendos fratrum obseruantum scrupulos, & anxietates, declarare vellet, an iuxta ipsorum institutum, liceret eis, vti templorum argentea suppellectili, quam vel fidelium pietas offerebat nouis domicilijs à se constructis, aut ipsis amplioribus cœnobijs, quæ à conuentualibus ad ipsos transferebantur, vel simili suppellectile in eis reperta, retulitque Pontificis oraculum, quod nos per Alberti epistolam ordini intimatum, inter eius opera proferemus; ex quo clare constat, quod ante diximus, non multum esse potuisse, quod Poggius sibi subtractum indolebat, & propter quod accusabat seruos Dei, quod non in solitudine, sed in summa hominum frequentia, in locis deliciosis, amœnis, incundis, voluptuosis, sese immiserent, dum rectius ponderare posset, pauperes non, quibus abstinebant, delicias, sed circumiacentium populorum vtilitatem, & animarum salutem quesuisse. Imo verò populos tam sanctos, & salubres animarum directores vltro vocasse, & habitationi opportuna loca obtulisse illis, quorum illa, quæ Euangelicæ

paupertati dissona timebant, absque Pontificia declaratione accipere, vel retinere horrebant.

Ipse Albertus sub anni finem peruenit Ierosolymam, & rebus vt-cumque cognitis, die 13. Martij sequentis anni 1436. Fr. Ludouicum Bononiensem, virum probum, qui per multos annos Ierosolymis habitauit, ad Pontificem remisit, vt illorum locorum statum præfens exponeret, & remedium referret multorum, qui irreperunt, abusu, ac sibi Alberto quædam itineri ad Orientales necessaria postularet, scriptis eodem die literis, ad Scipionem Episcopum Mutinensem, in quibus ludendo, primum eleganter monet, ne Scipionis Africani factis, quibus delectari videbatur Episcopus, vel legendis, vel memorandis tempus terat, & clarè monstrat in Machabæorum, & alijs sacris historijs, præclariora facinora reperiri, quibus Christianos magis delectari decet: illosque maledicos, & fœdos eloquentes, de quibus ante diximus, detestatur. Ad rem deinde rogat, vt Fr. Ludouicum ad Pontificis alloquium introducat, & ipse commendata negotia Christianæ Reip. apud Eugenium vrgeat.

Arbitror Albertum, cum Ierosolymitanis Orientalium nationum hominibus, ita negotium vnionis disposuisse, vt opportunum iudicasset, ad ipsorum capita, Principes, & Prælatos progredi, atque petiisse, vt Pontifex necessaria expeditionis instrumenta, & vltiores instructiones mitteret, atque adeo id causæ Christianæ Reip. quod propter Saracenos literis commendandum non fuit, per Fr. Ludouicum, ore tenus referendum commississe, & Scipioni Epi-

Episcopo apud Pontificem vrgendum, commendasse, id quod mihi colligere videor ex literis Abbatis Ierosolymitani super Aethiopibus Ierosolymæ commorantibus, in quibus ad Eugenium Pontificem sic scribit. *Cum ad nos deuenerunt Nuntij tui (Albertus, & socij) ob causam fidei, magnam ex eis consolationem accepimus, quam hactenus valde cupiebamus, ut tandem omnes unum simus sicut Paulus dicit, Vnus Deus, una fides, unum baptisma: hæc verò res, cum ad regem nostrum peruenerit, maxima letitia futura est. Nam admodum cupit, ut omnes in unam fidem pariter uniantur. Quod cum Albertus percipisset ad Regem pergere voluit, sed Pontifici melius visum, ut non tam citò pergeret, dum Græcos prius præsentem haberet, quorum exemplo reliquæ nationes facilius traherentur, nam his adductis, Albertus ad reliquos postea, ex ipso concilio missus est,*

Accidit interea Ierosolymis, ut duo ex nostris Religiosis Antonius, & Lucas diuino, ut creditur, afflatu, pro martyrij fructu carpendo, impetum in hostilia castra, seu Saracenorum turmas fortiter, & ingenti animo fecissent, Christi Redemptoris gloriæ, sanguine suo, testimonium lataturi, ob quam causam carceribus inclusi, diris cruciatibus afficiebantur, quo tempore Albertus Bethlemij morabatur, & ut Pater, & Pastor debuit 10. Octobris eos per literas consolatus est, & solidis rationibus, in perferendis pro Christo cruciatibus, confirmauit, factum laudat, constantiam suadet, omnia eo sensu, quo ipsum prius ad Eugenium Pont. aduersus martyrum vituperatores, scripsisse diximus, omniaque eo ferme

modo quo S. Cyprianus ad martyres, & confessores, at non laudando solum, ut ille, sed etiam suadendo, & fortiter inculcando perseverantiam.

Denique Christum ipse secutus, ut animam suam poneret pro ouibus suis. *Quod si, inquit, viua presentia mea paruitatis vobis est necessaria, ego ad vos, mundo resistente, medios inter gladios, conuolo: non enim me vetat metus, sed ne incenso iam igni, qui vel carnales, vel impios cruciat, oleum adiecisse blasphemet: maxime vobis fortiter, & inconcusso corde perseverantibus: hisq; verbis epistolam claudit: Valete dilectissimi Christi testes, & dignissimi confessores, & inter catenas, & fustes, mei nominis memores estote, ut Christi pietas, socium me vobis faciat penæ, quem fecit comitem desiderij. Quod quam constans, quam sincerum, & ardens in hoc Beato Christi confessore fuerit, ex hac ipsa epistola, & altera ad Eugenium, aduersus martyrum vituperatores, atq; nostris in utramque notis, clarissimè liquet.*

Manfit ergo Albertus Ierosolymæ, & in alijs circumiacentibus locis annum circiter unum, iuxta tempus illi per Eugenium Pont. constitutum; Rebus autem Pontificem inter, & Græcos stabilitis, in Cyprum descendit, atque inde è portu Salinarum anchoris Nona die Iulij solutis felici navigatione anno 1437. Rhodo Venetias appulit die 21. Augusti descensione facta, vix non è naui ad pulpitem raptus est, tanto desiderio ubique exoptabatur, tanto studio retentus. Etenim Beati Antistitis Laurentij Iustiniani diligentia, & amor ciuium egregiæ vrbs Venetiarum,

Epist. 81.

Epist. 46.  
 tiarum, illum inde abire non patiebantur, nisi primum iuxta Apostolum, aliquid gratiæ spiritualis ipsis inperiret. In eo munere occupatus, hæc ipsa ad suæ scribendi tarditatis excusationem Francisco Marefcalco rescripsit 7. Id. Septembris, nisi me, inquit, labor dicendi ad populum euocaret, longiorem epistolam texerem. Ante hanc aliam iudem Venetijs epistolam scripsit, Pridie Nonas Septembris, ad Thomasium Bibium Cypri Regis medicum, in qua statum illius regni, & aulæ mores deplorat, & graphicè describit ea, quæ præfagiuat, quæq; eiusdem regni, & Catholice religionis decremento re ipsa euenerunt, adeoque Bibio sincerè suadet, vt imminentibus periculis se abripiat, & in Italiam portum ab ijs malis securum se conferat.

Quanto porro tempore tum Venetijs commoratus fuerit, mihi hæcenus incognitum est. At id certum tum Vvaddingi testimonio, tum ex ipsius B. Viri epistola XLVIII. ad Episcopum Ariminensem, absque loci, vel temporis designatione scripta, ipsum inde Bononiam ad Pontificem accitum fuisse, vel ipso mense Septembri, vel aliquamdiu posterius, ibique in Christi Euangelio ad populum quotidie declamando, pro more infudasse, nec alibi ipsum versatum reperio, vsque ad inchoatum Ferrariæ sacrum concilium œcumenicum, quod postea Florentinum dictum est, vel etiam vsque ad accessum Græcorum. Illi verò missis ab Eugenio Pontifice triremibus, & honorarijs legatis, qui Ioannem Palæologum Imperatorem, & Iosephum Patriarcham Constantinopolitanum, aliosque ipsorum sectæ prælatos conducerent, Venetijs primum appule-

runt Nona die Februarij anno veteris computus 1437. sed nostri 8. (quo etiam Albertus inter alios obuian illis iuit) ac inde 4. Martij Ferrariam ingressi sunt, vbi concilium iam ante inchoatum fuit, quod mense inde duodecimo pestis Ferrariæ suspicio, Florentiam pepulit, quod & Albertus illuc secutus est.

Ibi tunc, seu potius post alterum Alberti ex Oriente reditum, iucundum accidit, quod his iisdem verbis, pro concione retulit, & scriptum reliquit Bernardinus de Buis: *Cum B. Fr. noster Albertus de Sarthiano reuersus de partibus Saracenorum, vnde reduxerat unum Christianum renegatum à Chairo, qui per 40. annos fuerat Saracenus, & à Beato predicto conuersus, venerat ad Summum Pontificem, & ab illo fuerat ad pœnitentiam receptus, predicante semel ipso Alberto coram Pontifice in Ecclesia S. Crucis Florentiæ, vbi tunc erat, & multa dicente de veritate fidei Catholice fleuit quasi semper ille qui fuerat Saracenus in predicatione, & postea interrogatus de causa, dixit, quod fleuit duplici respectu, scilicet propter calamitatem Saracenorum, & ingratitude nem Christianorum, quia si illa prædicatio facta fuisset, in medio Chairo, vel Damasci, & illi infideles intellexissent linguam, de centum millibus octuaginta sex millia conuersa fuissent.*

Hunc ego non dubito fuisse Nicolaum de Conti Venetum, cui Eugenius Pontifex pro Apostasiæ pœnitentia iniunxit, vt suæ peregrinationis integram, veramque relationem traderet Poggio Florentino, Pontifici tunc à secretis, quod ille fecit, & Poggius latino calamo excepit,  
 in

in linguam Lusitanam postea translata, & typis expressam, inde in Italicam conuertit Ramusius, & suo nauigationum, & itinerum primo volumini inseruit fol. 374. ubi in discursu à se præfixo aliquam personæ Nicolai notitiam tradit. Cætera ipse Nicolaus tradit in discursu narrationis, & Poggius in fine approbat.

### C A P. X I I I.

#### *Secundæ Legationis acta.*

**S**ED in finem Florentiæ persistere non licuit Alberto: absoluto namque & in publica concilij Florentini sessione Pridie Non. Iulij anno 1439. lecto Græcorum vnionis diplomate, & Armenis, vel proximè aduenientibus, vel eodem tempore in Italiam appulsis, ducentibus Fr. Iacobo Primaditio, altero Eugenij Pontificis Vicario, & Fr. Blasio interprete, ex eodem cum cæteris obseruantia instituto Minoritis; Albertus eodem mense, Pontificis imperio, ad S. Ciuitatem, Cophos, Aethiopes, Indos, aliasque Orientis nationes, maturius nunc pro rerum conditione, quam prius proficisci iam secundo iussus est, cum literis, quibus Eugenius Pontifex Thomam Indorum, & Ioannem, quem Presbyterum vulgo vocant, Aetiopum Imperatores Cophosque per Aegyptum, Syriam, Palestinam, & Aethiopiani dispersos, propositis exemplis Palæologi Imperatoris, & Constantinopolitani, Alexandrini, Antiocheni, & Ierosolymitani Patriarcharum, Trapezontini quoque Imperatoris, ac Hiberorum, Ruthenorumque, & Valachorum.

Metropolitanum, qui vel in propriis personis, vel missis legatis vnionem, & fidem Romanæ Ecclesiæ, & ipsius Summi Pontificis obedientiam, post maturam rerum discussionem, libenti animo in sacra Florentina Synodo susceperunt, & Armenorum, qui id ipsum iam facturi erant, ad eandem œcumenicam Synodum, vnionem, obedientiam, & fidem inuitauit.

Dedit etiam Pontifex Alberto alias literas, in quibus rei conficiendæ munus illi confert, eumque in partibus Orientis, Indiæ, Aethiopiæ, Aegypti, & Ierusalem Commissarium suum constituit, & quod ad sui ordinis religiosos attinet, omnem illi, & aliis, quos pro tempore sui substituendos iudicaret, eandem potestatem tribuit, quam Generalis ordinis Minister, si in ijs partibus personaliter adesset, in illarum partium conuentus, & personas conuentuum, atque in confraternitatibus, societatibus, ac tertij ordinis S. Francisci sodalitatibus erigendis, & gubernandis, exercere posset. Nec non fratribus, de quibus ipsi, & substitutis videretur, vt ad partes prædictas vadant, qui etiam ipsi, & illis obedire teneantur, præcipiendi, & mandandi, ipsos ad alias mundi partes cum authoritate, & facultatibus prædictis, dirigendi; Notarios etiam ad actus publicos, in fauorem fidei conscribendos, creandi, & instituendi: quodque ipse Albertus, & qui pro tempore fuerit substitutus, seu per aliquem ipsorum deputatus, super omnia monasteria, curæ fratrum Minorum in dictis partibus eatenus commissa, vel committenda, eandem potestatem habeant, quam Generalis ipsius ordinis minister habere

bere dignoscitur, sic tamen vt & ipse, & substituti, & illis subiecti fratres, dicto generali per omnia obedire, & subesse teneantur datis Florentiæ anno 1439. 2. Kal. Septembris, præter multas, & magnas facultates, & priuilegia, Sacramenta ministrandi, prædicandi, in censuris, & pœnis Ecclesiasticis dispensandi, & absoluedi, ordinem suum propagandi, & cœnobîa fundandi, quæ amplius diploma in annalibus nostris editum copiosè comprehendit.

Inter socios per Albertum electos (quos aliqui quadraginta numero fuisse referunt) præcipui nominantur, Baptista Leuantinus postea Vicarius generalis obseruantum, Bartholomæus à Pelacane Florentinus, ac Thomas etiam Florentinus, miraculosa sanctitate, & pluribus miraculis clarus; ijs ergo comitibus, & mandatis, ac authographo diplomatis vnionis Græcorum, quod vbique promulgaret, instructus Albertus Venetijs in fine anni 1439. vel initio sequentis, in Cretam nauigans, vbi Candiz Kal. Martij epistolam ad Mathæum Bizarrum dedit, prospero itinere peruenit Ierosolymas, ibique Copthis, quibus altera vice notus erat, & postea in Aegypto, Philotheo Patriarchæ Alexandrino, ac totius Aegypti, Græcorum vnionis, in concilio feliciter initæ, diploma græcè, & latinè exaratum ostendit, & Eugenij Pont. litteras ad ipsos directas tradidit, ab eisdem vicissim reuerenter exceptus, & in reliquo itinere multis beneficijs deuiatus est, tum nouæ vnionis negotio prudenter composito (10) *iter suum in Aegyptum direxit*, vt Sultani Babiloniæ placitum, & saluum conductum obtineret, sine quibus ad Aethiopes, Indosue pene-

trare non permitterent Saraceni.

Cairum appulsus B. Vir, & ad Sultani alloquium admissus, exposuit ea, quæ cupiebat. Sultanus ipsius præsentia, & facundo sermone valde delectatus, ipsum per plures dies honorificè habitum, in curia detinuit, & ad familiare colloquium sæpe vocauit, sed sordus contra se cum Christianis Orientalibus sanciri timens ad Indos, vel Aethiopes transire non concessit. Inter colloquendum sermo aliquando de Christiana religione, & Mahometana perfidia mixtus est. Vocauit ergo Saracenus suæ legis doctores, & cum illis concertandi facultatem Alberto largitus est. At cum Seruus Christi Christianæ fidei dogmata clare tutaretur, & fortiter comprobasset, atque in Mahometicæ credulitatis præstigijs acrius inueheretur, commotis doctoribus, & plebe Sultanus legis suæ zelum ostentans, illum, vt Prophetæ conuiciatorem è medio tolli iussit, & iuxta legem Saracenorum occidi: certoque sic fieret, magno lucro, & gaudio Beati Alberti, si Christiani Catholici, qui Cayri degebant, inito (11) *cum Mamalucis consilio Sultani per preces, & munera non placuissent, & maximum Christianæ fidei detrimentum non præuenissent* (12) *et si dolente, et contradicente Alberto;* quod se per martyrium Deo magis obsecuturum impedirent. Sultanus ergo, qui placere populo, magis quam tanti, sibi grati hospitis necem se voluisse indicabat, Albertum irritata capitis sententia, ad se venire iussit, benignè excepit, amplamque illi facultatem concessit, Aegyptum, Palestinam, & Syriam peragrandi (quod eius prædecessorem S. Francisco olim concessisse

proditur) interdicto tamen Alberto, ne ad Aethiopes, Indosue progrediretur, quorum arma contra se allatum timebat, ad Sanctam Ciuitatem ex eius manibus eripiendam.

Est per illas prouincias dispersa gens hominum Christianorum, qui Iacobini, & Iacobitæ vocantur, in ciuilibus acephala, sed in Ecclesiasticis suum ipsi quoque Patriarcham habent, ad quem etiam se literas per Oratorem dedisse, Pontifex in ipso vnionis eorum decreto narrat, quas nos num. epistolarum 61. descripsimus. Cum his ergo Albertus interea sibi agendum censuit, egitque tam solerter, vt Ioannes ipforum Patriarcha, & alij sacram vnionem non amplecterentur solum, sed etiam exoptarent.

Sacra vnione inter Ecclesiam Romanam, & Iacobitas sic vtrimque accepta, B. Albertus percipiens, vt sua legatio ad Eugenii Pontificis votum, Indis etiam, & Aethiopibus adducendis omni ex parte compleretur, libertate per Sultanum ipsi concessa vsus est, ipsiusque salui conductus diplomate nunitus, Syriam, Palestinam, aliasque Sultani ditiones, lustrandi prætextu, ex Aegypto recessit, vbi verò ad Saracenorum fines peruenit, terminum sibi à Tyranno statutum transiit, Pontificis Maximi mandatis Barbari minas, & sua sociorumque pericula postponens, cum illis, in Græcorum terras conuolauit, & Constantinopolim, si non ultra, peruenit: vt inde per Tanaim nauigantes, in Persiam profecti, per sinum Persicum, aut mare rubrum descenderent, vbi Indi inferius à sinistris, & Aethiopes à dextris sunt, & nostri legatione sua, pro Pontificis desiderio, apud vtrosque fungeren-

tur. Tam immenso circuitu opus erat Alberto, vt Sultani furorem, euaderet, qui illi certò imminabat, si ex ipsa Aegypto per proximam Thebaidem in contiguam Aethiopiam, atque inde in vicinam Indiam breuiore quidem, sed minime tuto, & sibi, ac sociis interdicto itinere, profectionem attentassent. Sed tantus erat ardor B. Legati ad obsequia Catholicæ Religionis, & Eugenii Pont. mandata promouenda, vt orbem vniuersum circuire mallet, quam vt ad vllum commodum suum, vel ad euitandum incommodum, ab incepto resili- ret.

At dum iter per Persicum illud mare cum sociis proficui pararet, inscrutabili providentia Dei, quæ in sui dispositione non fallitur, factum est, vt Albertus ipse graui morbo percussus mutasset sententiam. Non idè tamen à proposito, per alios saltem promouendo, destitit; nam per illas viarum ambages è sociis imprimis præmisit Thomam Florentinum, Virum sanctissimum cum tribus aliis sociis, quorum nomina non exprimuntur. Sed quamquam diu præstolatus, cum ex illis nil rescire posset, meritò suspicatus, quod fuit, eos nempe, si non trucidatos, Turcarum certè carceribus, & catenis detentos fuisse; tum ipse cæteros socios, ad hoc sibi referuatos, quando per morbum liceret, quoquo modo, quaqua via, ad Aethiopes, Indosue perducere. Dum autem hæc animo versaret, dubitare cœpit, an ipse cum eis proficisci deberet, an potius, vt eis eum autoritate dimissis, ipse ad Iacobitas, in Aegyptum rediret. Profectionem enim suadebat percipita integritas impositæ legationis, cui adhuc tùm defuit Indorum, vltiorumque

rumque Aethiopum conciliatio, in Eugenii Pontificis literis expressè commissa: quam Seruus Dei, per se ipsum efficacius, celeriusque fieri posse cognouit: plus enim plerumque efficit præcipui oratoris præsens auctoritas, quam interpretum, & internunciorum reliqua industria, studiaque.

Sed ad regressum fortiùs vrgebant, imprimis recidui morbi periculum, à quo nondum tunc integrè conualluit, & quo res in longum iret, vel secutura ipsius mors, per quam tota legatio corrueret: propter quæ consultius illi visum est, ut ipse ad Iacobitas in Aegyptum rediret, quorum iam certus erat, quam ut iis quasi relictis, dubium, & laboribus, periculisque plenum Indorum accessum, & conuersionem expectaret: ac duos, ut aiunt, lepores eodem tempore secans, perderet utrumque. Nam Indis nondum acquisitis, Aegyptij ipsi, vel mali spiritus instinctu, vel moræ tædio affecti, mutato consilio à bene inceptis tergiuersari possent. Accessit etiam quod facultatum, per Pontificem Alberto concessarum, hæc vna fuerit, ut cum socios in varias partes delegaret, ipse tunc eas sibi referuaret, ex quibus maior spes concludendæ vnionis affulgeret: quod solum Pontificis præscriptum omnem dubitandi rationem è medio sustulit. (13) *Abeuntibus ergo secundis his socijs* per vias illis à viro Dei designatas, ipse compacta necessaria- rum rerum sarcina, eaque suis humeris imposita pedestri itinere, sine socio in Aegyptum, Deo Duce, contendit.

(14) *Accidit autem* in hoc eius regressu in Aegyptum, ut per crudeles Turcarum nationes, & vastissimam

solitudinem ( perà omni comcatu exhausta ) per biduum, triduumue nihil corporalis alimonie gustauerit: per eamque inedia, viribus destitutus, nec viam carpere, nec pedibus consistere potuerit. Ergo humi sedens, & oculos per immensum, & vndique patens desertum, circumquaque proiciens, cum nihil humanæ opis, sibi ad salutem superesse videret, spem omnem suam firma, & familiari quadam fiducia, in solum Deum coniiciens, hac fere vel non absimili verborum formula, Diuum eius auxilium implorasse fertur: *Protektor noster aspice Deus, Pater misericordiarum, & Deus totius consolationis, qui populum multum, per annos quadraginta in his desertis pauidisti, respice in faciem Christi tui; ipse enim est qui famulo tuo Patri nostro Francisco promissit, res tolerandæ vitæ necessarias, fratribus eius nunquam defuturas, & en ego solus hic fame consumor, Domine miserere. Hinc preces ad filium vertens, aiebat: O æterni Patris cœterne Fili Domine mi Iesu Christe an me non agnoscis Eugenii Pontificis, tuique in terris Vicarii Ministrum, ut me solum in hac Eremita præ fame contabescere sinas? Adesto Domine, ut eiusdem Vicarii tui mandata perficere, & infelices animas ab hæresi, schismate, & infidelitate reducere, & ad Sacram Synodum, in tuo nomine congregatam, & Ecclesiæ vniuersalis communionem conducere valeam, ea quoque causa sociorum solatio me ipsum priuavi, & calamitosi huius itineris pericula non inuitus adiui. Recordare Domine, quod amore tui sæculum reliquerim, & cum eo temporale dominium, & nunc pro liberandis animabus, pretioso*



tuo sanguine redemptis, seruus factus sum. Adiuua me Deus salutaris meus, quod si non feceris, sed me in deserto fame perire patieris, causam hanc omnem apud tuum Patrem in te ipsum conijciam.

Dum talia soliloquus vix absoluisset Albertus, statim illi adstitit pulcherrimus iuuenis, cumque Italica lingua salutauit, & continenter seiscitatus est, quis esset, quo, & qua causa iter haberet? cur ibi subsisteret? tum accepto ad singula responso cibos optimos, potumque porrexit, & ad comedendum inuitauit. Albertus autem ex auditis visisque attonitus, cum cibum sumeret, & gratias largitori redderet, viribus restitutis, integrè conualuit, & cœlestis illius iuuenis aspectu, & contemplatione multo magis recreatus est. Iuuenis interea serui sui humerum, manu leuiter percutiens. Ego sum, inquit, qui seruo meo Francisco promisi, necessarium corporis nutrimentum ipsius fratribus numquam defuturum, & quod ad præsens attinet, tu perge alacriter. Quibus dictis disparuit: & Albertus per plures dies anibulauit in fortitudine cibi illius. Finem autem, & fructus illius itineris ex ipsis Alberti ad Eugenium Pontificem litteris discere, ut sequitur.

E Cypro Rhodum appulsus Prisdie Non. Octob. ac baiulum literarum adeptus, inde ad Eugenium Pontificem scripsit Kalendis Decembris, posteaquâ quatuor circiter mensium tempore legatione sua in Palestina, & Aegypto feliciter functus est, pro cuius miro, ut ait, exitu, & spe non inani, maximorum bonorum inde prouenturorum Deo imprimis auctori gratias agit, & refert se Fr. Dominicum Senensem cum

aliis Cayro ad Pontificem præmisisse, atque secum nunc per Cyprum nauigio Rhodum venisse solemnem legationem magni Patriarchæ Iacobitarum, quæ Aethiopix quoque Regem comprehendebat, cuius legationis caput erat Andreas, vetustissimi monasterii Sanctorum Antonii, & Pauli, primorum Eremitarum, præfectus, centum & amplius Monachorum Abbas: quem, inquit, magno cum periculo, præ rabie Saracenorum, vix tandem ex Cayro, veluti ex ferrea fornace Aegypti, & tamquam prædâ ex ore immanis eripuius bellæ, tum hominis singulari fidei, & optatæ vnionis zelum exponit, tamquam qui solus inter omnes, veniendi laborem, & discrimen arripere ausus fuerit, inter pericula ingrediendi ad Saracenos, & difficultatem egrediendi, & laborem inter eos latendi: quæ & Albertum secum sustinuisse, ipse etiam Abbas in oratione, quam postea ad Pontificem Florentiæ habuit, palàm testatus est.

Hinc ex Iacobitarum relatu, atque imprimis Patriarchæ tantam Aethiopix Regis potentiam describit, ut omnis ei obiecta reliquorum, tunc imperantium Monarchia, Tribunitiæ potestatis nomina sortiantur; nisi, inquit, quæ de illo à suis referuntur, fabulæ sint, & vana iactantia, quem & ipsum Patriarcha ille suis centum Regum vocat Imperatorem, è quibus tredecim Paganorû Deo, & sibi Marte subiecerit. Denique ob summum metum Saracenorum, Cayri constitutum fuisse, ut Abbate cum Alberto ipso proficiente, ne scilicet tota cohors simul Saracenis conspicua foret, & negotium fidei illis prodere: reliqua omnis societas, in duas diuisa



diuisa partes, duabus viis, ad ipsos Rhodum conuenirent; altera nimirum, hoc est, sex Monachi ex Aethiopia ipsa per iter Ierosolymitanum, & altera totidem ex Aegypto per Cyprum. Illos autem vi ventorum in Cretam traiectos esse, atque vtrorumque expectationem fuisse causam tarditatis, præclaræ legationis ad Pontificem, & Concilium accessus.

Dum totius societatis adiunctionem Rhodi præstolaretur Albertus, intellexit Philippum bonum Burgundiae Regulum, & Leonellum Eitensem, Nicolai Ferrariae Marehionis filium, vehementer cupere, vt ad ipsos res à se in Oriente gestas perscriberet, quæ scriptio cum Alberto tunc importuna, & alias haud quaquam expediens videretur; propterea tamenetsi optimam literas ad Philippum mittendi, commoditatem nactus esset, ipsius scilicet Principis histrionem, & heraldum seu fecialem, quos ex Ierosolymitana peregrinatione domum redeuntes Rhodi exceperat, qui & ipsi cum seriò hortabantur, vt scriberet, dedit tamen non nisi breuè epistolam, per quam apud Philippum excusat ampliorem narrationem, quam in schedis se iam tum dictatam habuisse falsus est, in aliud tempus differendam promittens. Sed partem rerum literarum latoribus verbo commisit, rogauitque Principem, vt eam narraturis fidem præberet.

Ad Leonellum autem tantum abfuit, vt legationis acta perferiberet, vt potius promittat prolixiorem epistolam aduersus eos, qui vanissima laudum appetentia, res à se gestas admodum celeriter, quamuis rectissime, referunt.

Quam disputationem ideò se di-

ctasse dieit, vt & ipsi, præter alia commoda, maximum documentum humilitatis, & in effusis laudibus continentiae, apud alios etiam quoddam falsæ effugium æstimationis foret, & ne Princeps illi succenseat, quod suæ legationis seriem ipsi desideratissimam tunc non mitteret, singulare remedium, atque alijs demum perturbationis animi per vanæ laudis appetentiam antidotus. Nos eam inter alias epistolas authoris repertam nonagesimo sexto loco collocauimus. Sed illam integram legationis narrationem, & proprio ipsius testimonio ab eo scriptam, & Philippo Duci, quamquam dubitanter, promissam, nullibi reperire potuimus, vtpote quam procul dubio constans authoris modestia suppressit, magna quidem ipsius humilitatis laude, & merito, sed non minori notitiæ rerum detrimento, nisi forsitan melius nesciatur, ne Christianorum Principum, & Ecclesiæ consilia per manus traducta, infidelibus tandem innotescerent.

Vtrique Principi Philippo, & Leonello Rhodi scripsit B. Albertus, eodem die Sanctissimo Protomartyris Stephani 26. Mensis Decembris anno Christi 1440. quando, vt Philippo scripsit, iam laboriosi nautæ è portu egressuri, atque à litoribus funem solucentes alterno studio, sibi inuicem conelamarent. Collectis enim cunctis legationis socijs, tunc omnes simul Rhodo in Italiam nauigantes, post non multos dies Aneonam in Piceno appulerunt, eorumque ibi cognita descensione; Eugenius Pontifex, equos, & honorarios homines misit, qui eos è Piceno per Umbriam, Etruriamque Florentiam solemniter ducerent; dato mandato, vt in obuias

uias vrbes, & oppida lætabundo ciuium occurſu, cum campanarum ſolemni fonitu introducerentur.

Non legitur, quid alibi factum ſit, at cum Cortonæ in Tuſcia appropinquarunt, Clerus populuſque ciuitatis M. P. extra portas obuiam iuerunt, uſque ad monaſterium, quod Comitiffarum vocant, & inter alios S. Bernardinus Senenſis, tunc ualentinarius humili aſello veſtus, qui cum Albertum pro nuntij Apoſtolici dignitate, ſimul cum Andrea legato, equo bene ſtrato inſidentem cerneret, & populum accurrentem, vt vel ſimbriam veſtimenti eius tangere poſſent, elata voce exclamauit: Frater Alberte reſpice ad pedes, memento mortis, caue ne honores tanti plus æquo animum extollant. Quibus uocibus Bernardini, ſui alioquin Patris, & Superioris reuerentia commotus Albertus, conſeſſim ex equo deſcendit, ſanctum ſenem veneraturus, & rogans vt humile iumentum nobili equo commutaret, renuit Bernardinus dicens, & ſe & illum ſic incedere decere, cauendum ſolum eſſe, ne uana mundi gloria ſurtim obreperet, ac tanti operis præmiuſ euacuaret. Cui Albertus: noli timere Pater, in omnibus mihi oblatiſ honoribus ita ſemper orauī: Non nobis Domine, non nobis, ſed nomini tuo da gloriam.

Huius pij occurſus, & religioſæ concertationis monumentum, adhuc ſuperſtes, eodem loco ſtatuertur ciues ſacellum, & utriuſque Patris effigiem. Ego moderni ſtatus illius ſacelli cognoscendi curioſus, 1676. reſponſum accepi 6. Decembris datum à P. Oſtaui Florentino cœnobij noſtri B. Margaritæ Cortonenſis præſecto, ipſum nempe locum adiſſe,

ſacellum uidiſſe, ac diligenter inſpexiſſe, monaſterio quod Comitiffarum vocant contiguuſ: cœterum parietes tū diuturnitate temporis, quod omnia depaſcit, tum imminentiſ cliui humore, decidua cruſta, nudatos eſſe, nec ullum reſtare veteris picturæ veſtigium præter Deiparæ Virginis figuræ fragmentuſ à cingulo ſurſum pueruſ Ieſuſ vlna geſtantis, quod ipſum vix oculis decerni poteſt, & nomen Ieſu in ſummo fornice aurcis literis depictuſ, ſed veteri charactere, eo nimiruſ, quo per S. Bernardinuſ populis adoranduſ oſtentabatur, & in multis Italiæ parietibus, & illius æui picturis & ſculpturis cernitur: quod ipſum indiſcium eſt Bernardinuſ aliquid in ſacello habuiſſe, cœteraque, vt hiſtoriis tradituſ eſt, extitiſſe. Deceret ſanè vel incolaruſ monaſterij, vel vrbiſ Cortonæ ciuiuſ erga utruſque ſeruū Dei deuotionem, ac ſtuduſ antiquitatis, tam celebre monumetuſ inſtaurare, adhibita etiam epiſgraphe quâ factuſ, & ciuiuſ ipſorum poſteriſ, & cœteris viatoribuſ innoteſceret.

Hinc in vrbeſ à Clero populoque per ordinem procedentibuſ ad Minoruſ templuſ ducti, Chriſti Crucis partem in veteri theca (quam Helenæ Conſtantini matris opus affirmant) ſuppliciter adorarunt, & Albertus concionem pro more habuit, atque authoritate Apoſtolica, qua potiebatuſ, ſolemneſ benediſtionem populo impertiuit.

Florentiam tandem ſolemni comitatu, qui obuiam iuit, ingreſſi ſunt; & Andreas legationis Princeps breuem orationem ad Eugeniuſ Pontificem habuit in generali congregatiōe concilij Pridie Kal. Septembris anno

anno 1441. rebusque per præcedentes, & subsequentes eiusdem anni menses, ritè compositis, Iacobitarum vnio conclusa fuit per decretum, quod Græcorum, & Armenorum vnionis diplomata verbatim continet, & Prædie Non. Februarij anni noui sequentis 1442. sed veteris 1441. quem etiam Pontifex, vsque ad 25. Martij diplomatibus subsignabat veteri stylo in publica sessione promulgatum, ac postea Romæ in Ecclesia Lateranensi per manus Pontificis ipsi Andree Legato publicè pariter traditum fuit, vt huius nostri voluminis frontispicium repræsentat.

Nostrorum nonnulli scribunt B. Albertum in concilio Florentino inter Græcos, Latinosque interpretis officio functum fuisse: à quo tamen, affirmando abstinere alij. Ego vero rem declarandam existimem, & conciliandam varietatem historię; ne vel nostri, vel alij falsitatis, aut leuitatis notam incurrisse videantur. Etenim dubitari non potest, Albertum, tum in Oriente, tum in Italia, cum vtriusque linguę hominibus multa pertractasse, multa hinc inde retulisse, & aliorum sensum alijs aperuisse, quandoquidem, & multam operam, vt in alijs nationibus, sic in Græcis ad vnionem reducendis, collocasset; eis Ferrariæ, Venetias obuiam iuisset, rebus tractandis Ferrariæ, & Florentiæ interfuisset, & Iacobitis, quos ipse solus adduxerat, Florentiæ pariter & Romæ in tractanda & concludenda vnione adstitisset, vt cum alijs narrat Vvaddingus, & ex eis vnus fuit, quos plurimos è latinis adfuisse, etiam in publicis collationibus, qui Græcis literis eruditi, de fida translatione præcipui interpretis iudicium dabant,

prout scribit Andreas à S. Cruce, Patricius Romanus, & Apostolici consistorij aduocatus, qui rebus agendis interfuit, & omnia per ordinem in literas redegit, quæ Horatius Iustinianus publica luce postmodum donauit.

Atq; in hoc sensu intelligendi sunt qui Albertum interpretem vocant, vt Marcus Vlissiponensis indicare videtur, dum illum non absolutè, & solum, sed vnum ex interpretibus fuisse dicit, ac tanta facilitate, & elegantia latinorum sententias Græcis retulisse, vt isti sublime hominis ingenium admirati, dicerent fieri non posse vt ille in Græcia natus non fuisset. Principalem autem, & ex publico munere Græcorum, Latinorumque linguę mediatorem, & actorum publicorum interpretem fuisse, vnum vtriusque communem (15) *Nicolaum quemdam natione Græcum*, cui vni illud onus iniunctum fuisse, narrat idem Andreas, qui hominem eximie laudat, per quę Albertum à publico hoc munere, nec liberum fuisse, nec principalem in eo partem obtinuisse, dicendum censeo: quod Marianus Florentinus noster, tunc viuens, in chronicis, quæ non multo post conscripsit, sic docet: *concilio namq; ex prædictis partibus solemniter congregato, ordinati sunt ab vtraque parte, qui sententias cuiusvis partis in medio, tum latinè, tum græcè referrent. Erant autem, inter alios duo fratres Minores, scilicet, (16) D. N. Episcopus, & Fr. Albertus Sarsbianensis, & alius Ordinis Prædicatorum videlicet, Dominus Fr. .... Episcopus. .... atque D. Ambrosius Abbas Generalis Ordinis Camaldulensium, & nonnulli alij viri, vtriusque linguę peritij-*

Marian.  
lib. 54. 56.  
col. 2.

*ritissimi, quorum vnus inter omnes præcipuus fuit Nicolaus Eboicus, Episcopus Saguntinus, lingua vtraque, scilicet græca, & Latina disertissimus.*

Iacobitis autem, & Latinis, etiam in publicis interpretem fuisse B. Albertum, æneæ valuz Vaticanæ Basilicæ, vel solæ sufficiens testimonium præferunt, in quibus Pontifex cernitur ea forma, qua tamquam in Lateranensi Basilica, vnionis decretum Iacobitis, seu Regis Aethiopiæ Legatis, ex throno porrigit, & Albertus à latere stans, & cum Cardinali assessore colloquens, ac tamquam cum illis ex itinere venisset calceatus, & toga talari indutus, absque Franciscano cingulo soluta, manicisque ab humero ad carpum, præter ordinis morem, stridissimis, nec aliud præfert obseruantis Franciscani signum, præter ordinis rasam coronam, & capitis tegumentum ad humeros demissum, vt exteriorem eam togam existimem itinerariam fuisse, quo expeditior ipse in equitando, & alijs functionibus esset minus impeditus, quam si regulari fratrum consueto pallio, vel foccis ligneis indutus. Rei schema ex valuis in librum suum transtulit Iustinianus, & nos in fronte huius voluminis.

Interea dum Albertus anno 1441. Florentiæ moram contraxisset, præter Iacobitarum vnionis negotia, alia Pontifici præstabat obsequia, inter quæ fuit fœdus pacis, Eugenium inter, & Rempublicam Senensem pactum, de quo agit ipse epistola 69. vbi etiam significat, se tùm Senis ad duo quædam castella, Pontificis iussu missum, nescio an sibi mutuo, an ipsi Pontifici concilianda, sed & verbum Dei prædicandi labor nun-

quam, & nusquam dectat.

Eadem tempestate Ioannes II. Castellæ Rex Mahomed, Aber, Azar, Maurorum Granatensium Regi armis infestus fuit, quapropter Sultanus Aegypti, per Mauri Regis legatos aduocatus, vocato ad se Cayrum Fr. Gandulpho Minorum Ierosolymis Guardiano imposuit, vt quantocius Pontifici significaret, se cupere, vt Eugenij studio, Castellæ Rex à Mauris molestandis desisteret. Quod cum Gandulphus, missis literis, & Fratribus nuntijs fecisset, responsum concipiendi cura Alberto nostro data fuit, & ille in cum sensum nostro præstitit, quem præfert formula literarum, quam nos integram inter Alberti epistolæ loco 68. dedimus: ex qua & ipsius Alberti prudentia, & Eugenij Pont. desiderium ingens elucet omnium gentium, & sectarum homines ad veram Christi Catholicam fidem, & vniformem vnus Dei cultum conuertendi, vt omnium, sicut vnus est Deus, sic esset vna fides, vnum baptisma, vnum Ecclesiæ visibile caput, vnus Christi in Cælo regnantis vnus in terra cunctorum Vicarius.

## C A P. X I V.

*Quid pro terra sanctæ sanctiori regimine peregerit.*

**V**T ea nunc referamus, quæ B. Albertus in Oriente pro ordinis bono præstitit: variz ad Eugenium Pontificem deferbantur querelæ, malè administrati regiminis locorum terræ sanctæ, per superiores ijs temporibus destinatos, cumque loca omnia solius Guardiani montis Syon Ierosolymitani, tamquam

quam ordinarij Prælati totius Terræ Sanctæ, & annexarum gubernio sub-  
sint, iussit Eugenius Generali ordinis  
Ministro, vt selectum aliquem virum  
ex Observantium cœtu, huic muneri  
præficret. Neglexit ille significatum  
sibi Pontificis desiderium, quinimmo  
ex pristinis vnum instituit. At Euge-  
nius loca illa sacerrima inter Sarace-  
nos, Schismaticosque quam optimè  
gubernari cupiens, in sententia per-  
stitit, & sic institutum ad se venien-  
tem, persuasa resignatione, absoluit  
officio, suæque autoritate substituit  
Iacobum Delphinum Venetum, re-  
gularis observantiæ professorem. Ve-  
rum Delphino prædecessorum suo-  
rum defectus (qui incepto faciliùs,  
quam tolli solent) vel non valente  
tam cito, vel aduersantium odium ca-  
uendo, tam efficaciter emendare non  
volente, non cessabant querelæ.

Quapropter cum Albertum prima  
vice ad Schismaticos Orientis redu-  
cendos mitteret, dedit in mandatis,  
vt ordinis etiam sui rebus, commissi  
muneris autoritate prouideret, ac  
Terræ Sanctæ Fratrum loca speciali-  
ter cognosceret. Is ergo promore re-  
ligionis, locis omnibus ritè lustratis,  
ac probè cognitis, eum reperit rerum  
statum, qui nec ordinis honori, nec  
debito sacris locis cultui, nec pere-  
grinorum commodis, nec Pontificis  
desiderio respondebat: ac dum ipse  
Albertus, quæ poterat interim reme-  
dia malis apponcret, misit, quod ante  
diximus, Fr. Ludouicum Bononien-  
sem, qui præsens Pontifici cuncta re-  
ferret, & remedia potiora reportaret,  
cumque ipse Albertus, terminatum  
ferè triennio Delphini, in Italiam ad  
sacrum Concilium redire pararet, fra-  
tribus, quorum id munus tunc fuit,  
conuocatis, omnium exquisiuit suffra-

gia, & maior pars postulauit præfici  
sibi Nicolaum Auximanum, regula-  
ris observantiæ, virum doctrina, &  
pietate præstantissimum, & in ordinis  
regimine iam antea probatum, &  
Pontifex quidem allata hac postula-  
tione, & per Albertum plenè de cun-  
ctis instructus, Nicolaum Terræ San-  
ctæ Guardianum Ministri Generalis  
autoritate institui voluit.

At verò, vt nulla est tam sancta re-  
rum dispositio, quæ omnibus æquè  
placeat, sic illius de Nicolao factæ exe-  
cutioni restitit bifarium hominum  
genus: isti gratissimam, desideratissi-  
mamque Nicolai præsentiam sibi in  
Italia deesse dolentes; illi Delphini  
gubernium, ipsorum libertati magis  
indulgens, percupientes, nihilque so-  
lati ex eius in Italiam reditu speran-  
tes, & Nicolaus ipse optimæ mentis  
homo, nec dignitatis auidus, nec tur-  
barum amans, vtrisque consentire vi-  
sus est. Hinc partium importunitas,  
ijsdem argumentis, & si fine longe  
dissimili, vsa, Pontifici persuasit, vt  
Nicolao in Italia relicto, Gandul-  
phum Siculum eiusdem observantiæ  
virum Terræ Sanctæ Minoritis præ-  
ficeret; sed neque Gandulpho ipsi  
pepercerunt, qui per vias latas ambu-  
lare cupiebant, quamquam Pontifi-  
cis autoritate regimen ipsius in fi-  
nem tolerare constructi sint.

Res tota ad Albertum, Venetijs  
tunc secundò iter ad Aethiopes, In-  
dosque parantem, frequentibus lite-  
ris delata fuit: & ille Redemptionis  
nostræ locorum zelo exëstians, & Ni-  
colaum imprimis à destinato, etsi non  
posse, reuocatum honore, cuius  
conferendi præcipuus author erat ipse  
B. Albertus, seseque virum optimum  
ludibrio potiùs exposuisse, quam sic  
delusum honori adsciuisse dolens,

duas epistolas, seu iustos potius libellos, ad Christophorum Ariminensem Episcopum, Pontifici familiarem, & ad Guillelmum Casalensem Generalem Ordinis Ministrum, easque doctissimas, & sententiarum pondere graues scripsit, per quas Nicolaum etiam refugientem, officio restituere conatus est; sciens deinde quantas molestias Gandulphus Ierosolymis ad Clauum sedens à latioris sequacibus disciplinæ pateretur, ut res in ordinem redigere non posset; tantum studij ad eum amouendum adhiberi, ut Pontifex ad id iam pronus videretur, atque hinc totam rem perditam iri, si perditissimus quidam homo, qui totam tempestatem aduersus Nicolaum, & Gandulphum concitauit, & pessimis modis, & medijs per Hispaniam, Galliam, Germaniam, & Italiam, non sine populorum admiratione, & feruorum Dei scandalo, liberè discurrens sustinebat, non fuisset amotus, Albertus etiam hoc ut fieret conuictus est. Is erat Quæstuaris, seu Procurator Terræ Sanctæ Iudas inter Apostolos, qui oculos habens elemosynas omnes pro libitu administrabat, & paulatim tantam sibi assumpsit licentiâ, & callidè se Fratrum ingessit regimini, ut penes se vellet omnem residere, sicut pecuniam, sic etiam potestatem, neque Guardiani, illo non consulto, quidquam facere audebant, neque Fratres Prælatum petere, qui isti displiceret: displicebant autem omnes, quos suo non putabat arbitrio tam regendos quam loca rectoros. Albertus ergo, quæ hæcenus illi, ut ipse loquitur, pro modestia, vitandæ procacitatis, & fugiendæ detractionis causa visa sunt silentio tegere, securim nunc ad radicem ponendam duxit, & pessimi ho-

minis vitam, & vias omnes, tacito eius nomine, ad Iulianum Cæsarinum Cardinalem, Sanctorum locorum Protectorem tertio libello descripsit.

Nec desistit, donec Cardinalis Beatum Ioannem Capistranensem, cum Vicarii à latere Ministri Generalis potestate, in Prouinciâ Orientalem misisset, qui illuc impulsus, & Gandulphum in officio confirmavit, & Iudam illum à procuratione pecuniarum amouit, & Ioannem Martinum nobilem Venetum Procuratorem, & Syndicum instituit, qui collectas conuenientius administraret, & ex Italia in Orientem facilius transferret. Denique regularis obseruantie disciplinam in omnia Terræ Sanctæ loca, quod Pontifex ex animo cupiebat, induxit, & qui colla huic iugo submittere volebant, in Italiam redire coegit, ut ex illo tempore, sacra loca in hodiernum diem non sine laude ipsorum, & spirituali, temporalique locorum incremento regantur ab eiusmodi instituti hominibus, ubi Græcorum Schismaticorum inuidia non minor, quam Turcarum auaritia non obstitit.

Denique labores Alberti nostri in Oriente, præsertim sacra vnio Aethiopum cum Ecclesia Romana, quos fidei fructus protulerint, sequens epistola Fratris Gandulphi Siculi, ex nostris Guardiani Ierosolymitani, & Eugenij Pontificis in Oriente Commillarij ad eundem Pontificem, tametsi inculto stylo, sed candida veritate, scripta satis declarat.

*Pater Beatissime, & Sanctissime Domine, post pedum oscula beatorum, & omnem in Christo Iesu gloriæ splendorem. Hora est iam, ut sicut ego toties meis literis contristauis sanctitatem vestram, ex meo, & meorum,*

rum , qui mecum sunt Fratres in Terra Sancta , assidue persecutionis relatu , eisdem literis , tandem eandem sanctitatem latificem , & relatu meo , gaudio spiritali repleam . Gaudeat igitur Beatitudo vestra , Pater Sanctissime , gaudeat , & exultet Mater Ecclesia , quoniam filij sui tempore dignissimi vestri Pontificatus de longè venerunt ad eam . Iterum gaudeat , & letetur in Domino , Pastor optime , cura , & sollicitudo vestra , quoniam oues Meridionalis plage aberrantes per deuia , intrauerunt ouile . Si enim illa , que super nos est , triumphans Ierusalem , tantum gaudet , & exultat uno peccatore pœnitentiam agente , meritò nostra militans Sion , pœnitenti innumerabili multitudine immensè gaudere , & exultare debet . Et ubi minor erat spes lætitiæ , maior debet esse materia gaudiij . Sed ne diu suspensam congressione mea teneam vestram sanctitatem , Pater vigilantissime : cum enim penitus decidissem ab ea , quam conceperam , spe vnionis Ecclesiæ Romanæ , cum lato illo , diffusoque Imperio Aethiopie , eò quod inde venientes percunctati , mihi nemo iuxta votum responderet , ex insperato insonuit fama , quod Ambasciatores Principis Aethiopum , ad Soldanum venissent , pro Ecclesiarum anno proximè elapso in Aegypto , & Terra Sancta , tempore illius persecutionis valide destructarum reedificatione , & oppressorum Christianorum subleuatione : quo lætanter audito , reuixit , quam parum antea sepe lictam , spes mea , & maximè cum percepi quod essent in Ierusalem venturi . Sicque Diuina ordinatione actum est , ut in Festo Epiphaniæ Domini intrauerunt Bethleem . Ibidemque , sicut quondam tres Magi venerunt

adorare Dominum , qui mox iuxta preceptum vestra Sanctitatis per quoddam eius breue , aliàs mihi factum , à Fratribus meis , cum omni charitate , humanitate , gaudio , & bonore , in domum nostram fuerunt recepti , & de omnibus , prout tunc frigida , & pluuiosa nox , penuria deferti , & via lassitudo exposcebant , per gratiam Dei fuerunt peroptimè recreati . Venientes autem in Ierusalem , quidquid honoris , charitatis , gratitudinis , liberalitatis , humanitatis , obsequij , & familiaritatis mihi possibile fuit , intuitu , & nomine vestre sanctitatis illis impendi . Cum autem ipsis secreto exponerem ea , que per Beatitudinem vestram mihi fuerant iniuncta , eos efficaciter exorans , quod vellet pro huiusmodi facto sacra vnionis , & pro nonnullis alijs bonorem Dei , & Principis sui concernentibus , sanctitatem vestram adire , aut saltem hic expectare , quò usque ego intinquarem eorum aduentum Beatitudini vestre , & responsum eius acciperem : responderunt se hoc facere non posse , cum non haberent id in commissione , dicentes non fore necessarium , pro facto vnionis eos illuc ire , aut hic prestolari debere , quoniam Thomas , & Georgius iam applicuissent ad Imperatorem suum , cum bulla vnionis , & quod vniuersi Patriarche , Episcopi , & Prelati , ac Principes , & Domini status vtriusque fuerunt edicto Imperatoris ad hoc simul congregati , & quod ab omnibus unanimiter , nemine discrepante prefata vnio , cum summo gaudio , & deuotione fuerat acceptata , superaddentes quod Georgius , & Thomas prefati cum quibusdam alijs , remittendi erant per Principem eorum ad vestram sanctitatem cum predictæ



unionis assensu & receptione, arbitantes eos in proximum Pascha debere hic nobiscum esse. In quorum assertionem, & confirmationem dixerunt se velle sequenti die Missam nostram audire, quam in Ecclesia S. Sepulchri gratias immensas Diuinae misericordiae de hoc referentes, gaudio ingenti cum illis solemniter celebrauimus. Quod ego Beatitudini vestrae pro eius consolatione singulari & Ecclesiae vniuersalis exultatione, duxi significandum, illud etiam non omittens, à quo incepti videlicet causam aduentus eorum, & modum, & conditionem; & ab ultimo incipiens, ut de omnibus simul dicam: is qui caput erat Ambassiatæ, prout ab eius eloquio, gestisque & quorundam fide dignorum assertionem comprehendendi, vir erat non minus ingenio, quam nobilitate, & potentia præclarus: tredecim millia, quingentos, triginta equites sub se habens, qui ducentos viros de familia sua secum ducens, quorum quinquaginta cum itinerarijs rebus apud Tbebaidas dimissis, cum centum quinquaginta completis quatuor mensibus itineris incepti, intrauit Chayrum. Statuto autem die suæ Ambassiatæ expectatus ante auroram à Soldano, euocatus ter per maiores curiæ renuit ire, nisi in die clara dicens se non in tenebris, & latenter, sed palam, & in lucem venisse. Cum autem iuit, fecit secum apportari sedem, in qua Soldano, dum ipsum alloqueretur, consideres. Crucem verò auream super pretiosissimum indumentum latam, longamque ad modum Prutenorum militum, in præsentia eius portans, eiusdem S. Crucis insignijs decoratum equum, pretiosè coopertum ascendens, in munus quoddam mysticum aureum paruum

equum, enssem, lanceam, galeam, thoracem, scutum, arcum, pharetram, & decem sagittas, omnia ex puro auro valorem tamen octo millium ducatorum non excedentia, seruosque promiscui sexus, septuaginta eidem ex parte Imperatoris sui obtulit, cum his verbis.

„ Hæc tibi dicit Soldane, potentissimus, & excellentissimus, & gloriosissimus Imperator Dominus meus Constantinus. Intellexi quoniam Ecclesias sub dominio tuo consistentes destruxeris, & Christianos tibi subditos valde oppresseris; ait enim (vt melius nosti) Propheta tuus, quod malum reddatur pro malo, vnde secundum eum iam possem iuste tibi vicem reddere eorum, quæ fecisti. Sed quoniam Christus Iesus, Dominus meus dicit, quod reddatur pro malo bonum, & sine admonitione correptionis non procedatur ad punitionem; ego pro malo bonum reddens, te deliberaui prius admonendum: vnde ex nunc constitor te, & admoneo cum pace, & charitate, quæ per aurum hoc, nequaquam tibi in munus, sed in mysterium missum designatur, vt Christianos omnes sub te oppressos continuo eleues, & cum omni pietate, & humanitate eos tractes, Ecclesiasque dirutas permittas, & iubeas reædificari. Quod quidem si feceris, stabunt mosquetæ quæ in imperio meo sunt, Saracenicæ mihi subiectæ pie, & humanè, vt hactenus à me tractabantur. Et hoc aurum tibi missum, non conuertetur in aliam speciem, nec perdet virtutem suam. Sin autem hoc facere neglexeris, in chalybem, & ferrum, contra te indubiè conuertetur. Quoniam mitam contra te innumerabilem multitu-



„titudinem gentium belligerarum,  
 „diuersè, ferociter, indefensè dimi-  
 „cantium, cui tua paruitas non vale-  
 „bit resistere, cum Admiralus mi-  
 „nor, qui subest Principibus domi-  
 „nantibus sub me, sit longè poten-  
 „tior te, Saracenosque omnes subdi-  
 „tos mihi qui innumerabiles pene  
 „sunt, in eorum sanguine baptizabo,  
 „& mosquetas eorum funditus de-  
 „struam; auferam tibi Mecham, & il-  
 „lius, quod veneraris, sepulchrum.  
 „Prophetæ tui. Tollam ab Aegypto  
 „alluuiem Nili, vt simul & ferro,  
 „& fame, ac siti cum populo tuo pe-  
 „reas; quæ distuli vsque nunc au-  
 „ferre tibi, propter Ecclesias, &  
 „Christicolas, sub tua ditione degen-  
 „tes, ne ipsi simul tecum perirent, aut  
 „quicquam sinistri paterentur abs te.  
 „Nunc ergo elige, quid magis tibi  
 „vis, an quod aurum hoc maneat in  
 „sua materia, aut in ferri materiam  
 „conuertatur.

Finiente vero Ambasiatore, cun-  
 cta eius dicta, quodam magno Sara-  
 ceno de genere impij Mabometi, quem  
 ad hoc secum duxerat, testificante, &  
 approbante, Soldanus pollicitus fuit  
 se post dies aliquot eidem plene respon-  
 surum. Iussitque statim sibi afferri  
 vestem quandam valde pretiosam,  
 vt iuxta morem suum, continuò in-  
 dueret, & à facie Principis glorifi-  
 catus abscederes. Quod ille facere  
 renuens, dixit se nullatenus debere  
 eam super Crucem, aut induere, aut  
 portare, quam Torquiniano suo illic  
 tradidit, subito induendam, fuitque  
 post eius digressum à præsentiâ Sol-  
 dani datum generale præconium, &  
 quod omnes Christiani benè, & hu-  
 manè tractarentur à Saracenis, prout  
 antea solebant tractari, & nemo eos  
 auderet persequi, aut molestare. In

ingressu vero eorum in hanc sacram  
 ciuitatem, factum fuit spectaculum  
 quoddam, satis memoris dignum, &  
 à multis annis simile in Terra Sancta  
 non visum, quoniam gloriosius,  
 S. Crucis vexillum, coram plurimis,  
 & maioribus Saracenis, fuit extra  
 Ecclesiam S. Sepulchri, per Aethiopes  
 hic residentes, ante suos Ambasiato-  
 res personaliter incedentes, cum papi-  
 lionibus, iubilis, & canticis, iuxta  
 eorum mores solemniter erectum, &  
 apportatum, nemine infidelium illos  
 perturbante. Quibus occurrerunt in  
 apparatu simili cæteræ nationes Chri-  
 stianorum iubilantes, & exultantes,  
 & eorum Principem veluti suum  
 Redemptorem, apud Deum, & bo-  
 mines gloriosè magnificantes. Quæ  
 quidem omnia, Pater Clementissime,  
 quantum cesserunt in Principis sui  
 gloriam, tantum cedunt in Princi-  
 pum nostrorum ignominiam. Hic  
 enim fecit apportari sedem, vt sedens  
 Soldanum alloqueretur, Ambasiato-  
 res nostrorum, ante ipsum terræ  
 deosculari coguntur. Iste ad impen-  
 sas Soldani vadit, quo vult, impe-  
 rans, & Saraceni ipsum comitantur,  
 & venerantur, quoniam Imperato-  
 rem illius timent, & illi placere co-  
 nantur. Nostri vero cum veniunt  
 inter infideles, non se Dominos, sed  
 famulos nominare audent, immò in-  
 famis pluries se esse consingunt, ne ab  
 eis offendantur, & incarcerationem,  
 quoniam non timentur ab eis, nec ap-  
 prentantur. Vnde Ambasiatores ma-  
 gni Hospitalis Ierosolymitani, adhuc  
 in eius arcta, & diu custodia detinen-  
 tur. Huic etiam cum tota eius fami-  
 lia absque ullo tributo fores Ecclesie  
 S. Sepulchri fuerunt reſeratæ, nec il-  
 las sinebat claudi, quòrſque omnes  
 nationes Christianorum ingrederen-  
 tur,

tur, ipse verò ultimus ingrediebatur, nostri autem plusquam tributum solvunt, & vix introire permittuntur : ita ut besterna die quidam Ambassator Ianuensium offerens tributum, non fuit intrare permissus. Omnes etiam nationes ex parte sui Principis, salutavit, & cunctis eius nomine, aut eleemosynam, aut munera condonavit, ipsumque omnium orationibus, in discessu commendavit, prout de omnibus his, & nonnullis alijs statum huius sacre domus, & personam meam concernentibus, plenius informabis vestram sanctitatem humillimus servus eius Fr. Seraphinus socius, & Frater in Christo mihi intimè, & sincerè dilectus presentium lator. Cui dignetur fidem adhibere eadem sanctitas, eaque sua solita benignitate pie executioni mandare, quam Altissimus conservare dignetur feliciter, & longæ ad ampliacionem fidei Catholicæ, & prosperum regimen Ecclesiæ suæ Sanctæ. Ex sacro Conventu Montis Sion, prima die Februarij anno Domini 1444.

## C A P. X V.

*Fit Minister Conventualium Provincia S. Antonij, & Vicarius Generalis totius Ordinis Minor. & quid initio operatus sit.*

**H**IS ita per Albertum patris, dum ipse servus Dei in Eugenij Pontificis obsequijs, adhuc Florentiæ detineretur, obiit ibidem anno Dominiæ Natiuitatis 1442. die 2. Feb. Guillelmus Casalensis, totius Ordinis Minorum Generalis Minister, ac tum Pontifex ob singularem suam erga hunc ordinem

diligentiam, in commune eius beneficium aliquid præstare cupiens, regesta, & sigilla defuncti Generalis ad se afferri curavit, & grauiores ordinis causas sibi expediendas reservans, pro alijs communibus cognoscendis quinque discretos eiusdem ordinis Patres deputavit, qui communi consilio cuncta disponderent, & ex his vnum Albertum esse voluit, ut summum apud se religionis, & in agendis, prudentiæ virum. Cæterum ordinariam peculiarium Prouinciarum gubernationem singularum respectiue Ministris Prouincialibus reliquit, & omnia hæc interim, dum ipse Pontifex ordinis regimini alio modo prouidendum, iuberet.

Inter hæc obiit etiam diem suum Dalifmanus Patauinus Conuentualium Prouinciæ S. Antonij, seu Vennetæ Minister Prouincialis : eaque occasione, mense Iunij, Pontificis iussu, coactis Prouinciæ comitijs, conuenerunt Vocales nonaginta tres, ut Dalifmano successorem, ac dignum Prouinciæ Præfulem constituerent. Cum ad electionem ventum esset, præmissis, quæ ex ordinis more, institutisque debebant, mira animorum consensione, & quiete, suffragia sua omnes præter vnum solum, hoc est, nonaginta duo in vnum Albertum, pro Commissarij Pontificij munere, quo in ijs regionibus fungebatur, tunc præsentem contulerunt, & magnæ Prouinciæ S. Antonij Prouincialis Minister canonicè electus est : non maiori bonorum omnium applausu, quam Alberti ipsius planctu, & renitentia.

Eugenio Pontifici nihil rerum ordinis hac electione optabilius nuntiari potuit ; qui inde agnoscens omnium, non obseruantum solummodo, sed

sed etiam Conuentualium beneuolentiam, & propensionem erga B. Albertum, & qua sententia utitur ipse Pontifex, magnam ex inde habuit consolationem, cœpitque intelligere Albertum, præstante Domino, futurum lapidem illum angularem, qui, quod sæpe, inquit, & diu diximus optasse, nec vnquam consequi potuisse, vtrunque parietem coniunges, & vtraque vnum facies. Cupiebat enim ardentem Eugenius, vt ordo vniuersus, in plura gubernia, & viuendi normas, quodammodo discissus, in vnum coalesceret, & ad puriorem Franciscanæ regulæ obseruantiam, totus reduci posset, si quod sperabat, cupiebatque, Albertus totius Minister Generalis semel euaderet, cum & Conuentualium suffragia iam prona haberet, & Obseruantes citra, & vltra montes, in proximo generali Capitulo conuenturos, id ipsum velle non dubitari posse videretur.

Hac spe, desiderioque concitatus Eugenius Albertum, non solum in hoc officio ministerij Prouincialis vltro confirmauit, verum etiam eum loco nuper defuncti Generalis Ministri, totius Franciscani ordinis Vicarium Generalem, vsque ad noui Ministri electionem, atque proximi Capituli Generalis, in quo illa electio fieri deberet, Prouisorem, & Præsidentem cum amplissima potestate, & varijs facultatibus constituit, & creauit die 10. Iunii, quæ vt ille facilius præstare posset, cœtum ipsum Patavij in Cœnobio S. Antonij anno sequenti 1445. die nona Iunii celebrandum decreuit.

Interea totius ordinis scripturas, & regesta, post obitum Guillelmi Generalis Ministri apud Pontificem diligenter catenus custodita, Alberto

Vicario consignari fecit, atque ipse Pontifex Ministrorum Generalium, sigilla, tamquam supremæ, & plenæ potestatis insignia illi tradidit, serui Dei desiderio concedens, vt illis pro arbitrio suo vti, vel non vti posset. Albertus autem religiosæ humilitatis nusquam immemor, quemadmodum ab omni suspitione fastus, & complacentiæ dignitatis liber erat ita flens, & lugens, & cum multis lachrymis quantum poterat relictans, ea suscepit, & se reuera indignum arbitratus ea plenitudine potestatis, eisdem insignibus, quibus Seraphicus P. Franciscus, S. Bonauentura, alijque serui Dei, & magni viri, in eodem officio constituti, vsi sunt, toto annui sui vicariatus tempore non nisi semel tantum sigillis vsus est, idque tunc vrgente causa, vt rebellantis subditi, & obedientiam per cauillas effugientis duritiem infringeret, cum, vt ait, indignissimum sit, vt, vnde ipse gloriam consequi deberet, inde contumeliam adipisceretur: superbi verò subditi, ac procacius rebellantes, vnde luere pœnas contumaciæ debent, inde commodum impunitatis reportent.

Eodem mense Iunii Leodnellus Estensis, tunc post Nicolaum Patrem vita defunctum Marchio Ferrariensis, pristinæ curiositatis tenax, expositulasse cum Alberto videtur, quod promissam iam dudum peractæ à se in Aegypto legationis narrationem non miserit, sed seruus Christi, non minùs modestiæ suæ, & religiosæ humilitati constanter insistens excusauit se primum ab occupationibus impositi sibi negotiosissimi muneris, regendæ vniuersæ Religionis, per quod acerbè luges pro peccatis, inquit, suis, & intercep-  
tarum

rarum, iure quoque suo usus à præsentæ promissionis, nec legalis, nec absolutæ vinculo reddendæ impossibilitate se soluit. Fatetur quidem, etiam nunc, se habere penè completam epistolam illam, seu relationem, quam peroptabat Leonellus, quæ tamen, etsi prorsus completa fuisset, polienda restaret, & melius expectaretur otium, ad eam expoliendam, quam ut inepta prodatur: quod auctoritate, & exemplis veterum doctè suadet. Quibus rationibus, ita tunc Principi satisfecit, ut nihil in ea re actum, vel agitatum amplius inueniam, existimemque quod ante dixi, B. Albertum epistolam illam, pro sua modestia prorsum suppressisse, propter causas, in priori sua ad Leonellum scripta, per ipsum fusiùs explicatas.

Maiora Religionis sibi commissæ negotia die 10. Iulij, auspicatus est, per encyclicam epistolam, tunc datam ad omnes totius ordinis Prouinciarum Ministros, & locorum deuotorum, uti tunc dicebantur, seu regularis obseruantiz Prouinciarum Vicarios: in qua imprimis institutionem sui in utroque, Prouinciæ scilicet, & ordinis gubernandi officio, & Apostolicam vtriusque confirmationem enuntiat, quam tunc viua Pontificis voce factam intelligo. Nam vtriusque diplomata apud Vvaddingum integrè descripta, posterius expedita fuerunt. Eos deinde, ad quos scribebat, simul hortatur, ut ipsorum vnusquisque exemplo vitæ propriæ, ac mansueta suasionem, magis quam coercitionem minarum, & cædis, Religiosos sibi subditos ad morum reformationem, & odorem antiquæ sanctimoniz compellant. Edicit deniq; ordinis comitiæ generalia pro noui

Ministri Generalis electione, per Eugenij Pontificis mandatum, anno sequenti, & proxime futuro festo Pentecostes, infra Octauam S. Antonij Paduæ celebranda, suæque & Pontificis auctoritate iubet, ut omnes, pro cuiusque officio, illuc opportuno tempore conueniant.

Inter primas minora, seu peculiaria Prouinciarum negotia tractandi occasiones fuit supplex libellus, ciuiû oppidi Gaudæ in Hollandia, Eugenio Pontifici porrectus, in quo exponebant se templum, & habitaculum, construxisse in suo oppido pro Fratibus regularis obseruantiz S. Francisci, cupereque, ut eandem vitam viuerent, eodemque modo regerentur, quibus tunc regebantur, & viuebant Fratres eiusdem professionis, alterius Conuentus, prope muros S. Audomari, Morinensis Diocæsis, non obstante aduerso conatu Ministri Prouinciæ Colonienfis, cui iuxta morem tunc ordinis reliqui fere Belgij Franciscani obtemperabant; quod & Philippus Bonus, Dux Burgundiæ, & Isabella Ducissa, vt illarum Regionum Domini simul orabant. Albertus ergo tam Pontificis, quam suæ auctoritate Ministro Colonienfi præcepit, ut à Gaudensibus molestandis desisteret, dum causa controuersiz in proximo Generali Capitulo decideretur. Atque ita factum ciuibus rescriptis per epistolam, ex qua res tota nobis innotuit. Res demum ita constituta fuit, ut Obseruantes locum retinuerint, summo ciuium, & Principum amore, & beneficentia vsque ad annum Christi 1572. quo teste Gonzaga, irruptentibus aliunde Hæreticis, Fratres expulsi, & ædificia euerfa fuerunt, cum tota Hollandia, & nunc annexæ Prouinciæ Christi iugum, eiusque

eiusque in terris Vicarij, ac simul Catholici Regis obedientiam excutiebant, atque cum potius, vt veri Christiani, intellectum in obsequium Catholicæ fidei captiuare debuissent, hanc ex aduerso in priuatæ perturbationis ergastulo captiuam detinent, maximo suo, totiusque Christiani orbis malo, quod hæresum vbique fructus est.

At Gaudensium, tunc Catholicæ fidei sectatorum, in illius Franeiseani instituti viros, ardenti deuotionis affectui satis non fuit, vt suæ ciuitatis locum illis conseruarent, nisi etiam traderent alium, quem Ragusæ in Dalmatia ipsorum parentes olim ædificauerunt, ipsique eo tempore ædificijs instaurabant, & multis beneficijs impertiebantur. Qua etiam de re ad Albertum ordinis Vicarium Generalem scripserunt, & ille rescripsit, hanc etiam causam ad Capituli Generalis dispositionem referendam esse, misso cum literis quodam Fratre Ladislao, cui fidem haberi voluit cætera Gaudanis voce relaturus, quæ Albertus ipse, ad pleniorum eorum satisfactionem disponebat. Sed & literas Alberti ad Ragusæ ipsos, tunc scriptas, de hac ipsorum Cœnobij reformatione intelligi debere, eisdemque Ragusæ id ipsum cupiisse; tametsi ex ipsis literis colligam, confirmat etiam Ladislai, vtpote Illirici, & Sarmatæi nominis mentio, tamquam Gaudanorum pariter, & Ragusæ eorum commune negotium, simul apud Albertum agentis. Quo enim die, ad ciuitatem Gaudanam, eodem ad Ragusæam scripsit, de dispositione, inquiring, Fratrum, ac Monachorum, quæ sanè meo sensu, alia non fuit, quam vt vtrique ad antiquæ distributionis normam, & regularem obser-

uantiam, pro illius piæ Reipublicæ, & Gaudanorum fundatorum desiderio, reformarentur.

Sub id tempus Ecclesiæ Romanæ, & Eugenij Pontificis obsequijs, sedulam operam in Oriente nauabant Iacobus Primadicus, & Bartholomæus Yanensis, viri ambo regularis obseruantie vitæ sanctimonia, doctrina, & rerum agendarum peritia præstantes, quos proinde B. Albertus in Generalibus Comitij adesse cupiebat, ad magnum religionis bonum (vti tunc sperabatur) conuocatis, quod Eugenius Pontifex peroptabat, cuius idcirco consilium, & agendi modum, Albertus Primadicus confiderenter pandit, & vt ambo maiori cum honore, & suffragij autoritate, in Comitij comparerent; alterum Romanæ in Græcia Ministrum Prouincialem, alterum Custodem eiusdem Prouinciæ instituit, ac interim Iacobum confirmauit in officio Commissarii sui super alijs locis Orientalibus ordinis, in epistola nominatis, præscripta illi prudenter agendorum instructione.

Tum etiam occasione redditus in patriam venerabilis Viri Fratris Roderici Hispani, scripsit Albertus ad Regem, & Reginam Castellæ, significans Eugenii Pontificis animo inherere, vt totam Seraphicam Religionem ad instituta veteris obseruantie, quantum posset, reformaret, ipsique videri tanti boni initia iam posita fuisse, eum Albertum ipsum Vicarium Generalem, totius ordinis instituisset; sed quoniam, vt ait, multa ipsi (sibi Alberto) deerant, quæ opus ingens, si id perfici possit, desiderat; tunc restare, vt Reges afferant quod deerat. Rogat demum, vt Fratri Roderico cuncta illis relaturus fidem indubiam adhibere velint; quemad-

modum eum, vt Patrem, Rex, & Regina venerabantur.

Inter hæc à conciuibus, & contri-  
bulibus suis, Prioribus & communi-  
tate oppidi Sarthiani literas accepit,  
per ipsorum conciuem, & Nuntium,  
quemdam Fratrem Iacobum; quibus  
indicabant, quanto ipsi gaudio, &  
lætitia exultarent, audito, eum totius  
ordinis Generalem Vicarium institut-  
um fuisse, quantumque ipsis com-  
placeret, si quidpiam nuntium con-  
cernens expedire vellet, quibus bre-  
uiter, & absque omni ostentatione,  
vt Patribus optimis rescripsit, ipso-  
rum erga se dilectionis affectum, &  
omnis honestatis suæ gaudium, sibi  
ignota non fuisse, nec se de illis  
dubitare potuisse, gratias pro ea re  
Deo, & B. Mariæ Virgini agens, &  
quoniam commissio sibi officio, se  
imparem agnosceret, ideo se ipso-  
rum precibus commendauit. Fauo-  
ris autem pro illo fratre petiti proui-  
sioni debita institutum pro charitate  
quam illis debebat.

Tum Sanctus Bernardinus Senen-  
sis apud Eugenium Pontificem, & si  
illibenter, sed pro venerabilissimi  
viri reuerentia acceptantem, deposito  
humiliter officio Vicarij generalis ob-  
seruantum Cismontanorum ad anti-  
quum suum cœnobiolum Capriolæ  
iuxta Senas secessit; vt sibi, Deoque,  
& verbo Dei populis annuntiando li-  
berius deinceps vacaret. Albertus  
autem indignum iure merito repu-  
tans, vt vir eximius, ac tota Europa  
celeberrimus, humilis tunc locelli  
ordinario superiori subesset; quibus-  
dam, inquit, relationibus, & iustis,  
ac rationabilibus causis, animum  
meum mouentibus, te de cuius pro-  
batissima vita, ac vulgarissima fama,  
ac miro religionis zelo, cæterisque

virtutibus quibus te Altissimus miri-  
fice decorauit, longa & veteri expe-  
rientia sum plenissimè informatus,  
meum Commissarium, cum omni  
plenitudine potestatis, instituo, ac in-  
stitutum denuntio per præsentem, in  
loco nostro Capriolæ prope Senas, &  
fratribus commorantibus in eodem:  
dans tibi per præsentem, plenam, &  
liberam facultatem visitandi, publicè,  
& priuatè tam in capite quam in  
membris dicti loci, & omnia alia, &  
singula faciendi, quæ ego ipse facere  
possem si personaliter interesssem,  
salua in omnibus authoritate Vicarij  
Prouinciæ cum præsens existeret, in  
loco prædicto.

## C A P. XVI.

*Regiminis obstacula reperit, & qui  
se in illis gesserit.*

**I**isdem fere diebus, quibus B. Al-  
bertus hos, aliosque fauores,  
pro ratione sui muneris adhuc  
Florentiæ residens, dispensabat, mole-  
stissima nuntia, & non ordini so-  
lum, sed & Ecclesiæ Vniuersalis  
vnioni, & paci perniciofa inaudie-  
bat, hæc vltra, illa etiam citra mon-  
tes agitari. Quapropter se vtrisque  
medendo imparem reputans, B. Ioan-  
nem Capistranensem in partem gra-  
uissimi oneris subleuandi assumpsit,  
cumque commissarium suum, visi-  
tatores, & reformatores, in Pro-  
uincijs Turoniæ, Franciæ, Burgun-  
diæ, Angliæ, & Hiberniæ, aliisque  
Vltramontanis instituit: & relu-  
ctantem coëgit, vt graue hoc munus ob-  
iret. Probauit factum Eugenius Pon-  
tifex, & Kalend. Septemb. fuso di-  
plo-

plomate munivit, iniungens, vt illarum partium Fratres, qui Principum metu, & Basileensium suadelis Felici Pseudo-Pontifici parebant, vel pro propriis affectibus Alberti Generalis eludebant mandata, vel auctoritatem non verebantur, ad sui veri, & vnici Pontificis cultum, & vnus Vicarij Generalis obedientiam reuocaret, ad quæ suauiter, & ex officio peragenda, amplissima potestate, plurimisque, & magnis facultatibus illum donauit, in diplomate fusiùs expressis. Etenim tunc etiam accidit ingens malum, quod Pontificia schismata religiosis ordinibus, & Ecclesiasticis personis inuehere consueuerunt, vt qui Reges, vel regionum Principes Pseudo-Pontifici adhererent, aut se veri legitimique Pontificis obedientiæ subtraherent, ij Religiosos, & Clericos, in ipsorum ditionibus degentes, vel vi, vel errore post se traherent: vt non solum Pontifici, sed & suorum ordinum, & Ecclesiarum, Præsulibus aduersum Pontificem, quamuis verum, agnoscentibus, obedientiam negarent, aliosque sibi per schisinatis corruptelam Pseudo-Pontificum auctoritate præficerent.

Ita hac turbulenta tempestate, qua Minorum ordinem Eugenij IV. legitimi Pontificis auctoritate regebat Albertus; Basileensium quorundam animositate erecto, aduersus eundem Eugenium Idolo, constitutoque sibi Antipapa sub Felicis V. nomine, Amadæo Sabauda, inter eius sequaces, famosus fuit Frater Mathias Doringus Prouinciæ Saxonæ Minorum Prouincialis Minister, qui quamquam Encyclicas, quarum ante meminimus, Alberti literas accepisset, nihilominus Virum Sanctum, & legitimum totius ordinis Primicerium,

ne responso quidem dignatus est. Verum ita hoc schisma hominum, sensus vel affectus ita disunxit, vt alij Eugenio, & vnice vero Pontifici constanter adhererent; alij solius Amadæi Pontificium, pro Concilij prætenso potestate pertinaciter tuerentur; alij ipsi Concilio addicti, à Pontificatus quæstione tamquam neutrales abstinerent. Atque multi Matthiam in secundis, & qui magis illi fauebant, in tertiis numerabant, S. Theologiæ Magistrum, natione Germanum, & hominem doctrinæ fama, vel inde celebrem, quod aduersus Pauli Burgenfis additiones, ad Nicolai Lyrani in vtriusque testamenti sacros codices glossas, replicas, vt vocabatur, ediderit, Atque hunc, pro hac fama, & auctoritate Prouincialis, quæ tunc perpetua erat, alij quidam in Germania sequebantur.

Albertus igitur tum zelo, studioque pacis, & vnitatis Ecclesiæ, tum pro fraterna erga Matthiam ipsum charitate, & paterna cura salutis, & famę commissæ sibi totius religionis errantem ouem, per secundas peculiare literas ad gregem reducere satagebat, quibus hominem obsecrat, hortatur, & modestè non minus, quam fortiter, increpat, monetque, vt allata in Italiam schismatici criminatione, & fœda infamia, si falsa fuerit, se purget, sin vera, per poenitentiam salutarem efficiat, vt Seraphica Religio, & Romano Pontifici Canonicè electo, ex Regula S. P. Francisci specialiter subiecta, reperti filii lætitiæ efferatur, nihilque interesse demonstrat, siue Matthias Eugenij Pontificis obedientiam excusserit, siue re ipsa eum non audierit, siue vacillando, non colat, eumque ad Paduanam ordinis comitia amanter denuo inuitat, vbi illum cha-



ritatis amplexu se excepturum sperans, epistolam claudit.

Verum his amanter, & religiosè pro officio suo præstitis, vir Beatus apud Matthiam nihil effecit, quòdminus ille in sua duritie persistens, anno sequenti, cum iusta ordinis comitia Patavii celebrarentur, Bernè in Heluetia, sub pedibus Basileensium, in quodam Schismatico conuenticulo, se Pseudo-Ministrum Generalem ordinis eligi permisisset, eoque officio in obedientia Felicis Antipapæ per annos inde sex, seu vsus, seu abusus est, donec non minus, quam Felix ipse, & Basileensium cætus (quorum potentia nitebatur) potentia sua, & subditorum numero decrescens Ministri Prouinciæ Saxoniz titulo, seu simul cum vano Generalis nomine retento, seu tunc postliminio resumpto contentus esse debuit, eoque solo se subscripsit publico instrumento anno 1455. Calixto III. Pontifici porrigendo, quod apud Vyaddin-gum, & anno historiæ descriptum est, & à Matthia, alijsque subscriptum.

Alia minoris momenti, sed quod ad ordinis peculiare regimen attinet, non minoris molestiæ, ad Albertum tunc allata fuerunt: ex magnis Conuentibus Parisiensi, & Paduano. Ibi enim quidam Fr. Ioannes Prouinciæ Burgundiæ Baccalaurei formati titulum, & locum sibi contra fas vsurpabat, & Vicarij Generalis iusta mandata, eo prætextu inter alias cauillationes eludebat, quod in mandatorum tabulis non esset appositum sigillum officii, quasi inde sibi persuadens, vel aliis persuadere volens, Alberti auctoritatem, eo minus plenam, & legitimam esse, quod auctoritatis insignia, vel non esset adeptus, vel il-

lis uti non auderet. Scripsit ergo ad Conuentum propria manu, & literas totius ordinis sigillo munivit, quo hac sola vice pro modestia sua, sed ut ante diximus necessitate coactus, vsus est.

In iis verò literis S. obedientiæ præcepto Patres Conuentus obstrinxit, ut pro Eugeni Pontificis reuerentia, pro suo ipsius honore, pro disciplina morum, & zelo Religionis Genesum Parmensem iam dudum legitime institutum, & à se Vicario Generali confirmatum in Baccalaurei formati, pro cursu in Conuentu Parisiensi prælegendo, officio, & loco constituerent. Iniustum autem, & Contumacem vsurpatorem ab iisdem officio, & loco, & si ipsis videretur, etiam à Conuentu amouerent, ac si Capistranus pro suo munere præstando, Parisios veniret, illum sibi in agendo negotio addere non grauerentur; ut & ab ipsis, & ab eodem Vicario Generali, videatur pro suo merito honorari.

Paduæ verò tunc fuerunt aliqui illius Prouinciæ, cuius ipse seruus Dei peculiari regimini præfectus erat, qui ipso apud Pontificem non adeò procul absente, ut inuocari non posset, se inuicem falsis criminationibus apud sæculi potestates deferebant. Id etiam si Albertus Religioni dedecori esse, & auctoritati suæ non parum derogare cognosceret; pro sua tamen moderatione, non alia pœna tunc plexit, quàm quod paternæ monitionis epistolam, ad S. Antonij Conuentum dederit, in qua audita deplorat, queritur, & ad meliora hortatur; reliquum remedium præsentis sibi, tunc futuro causæ cognitori, reseruans. Interea iustitiam in malo perseveraturis minatus: ijs verò qui  
refli-



resipiscerent, & pacem, charitatemque, colerent, clementiam, & gratiam.

Vltimis autem diebus, eiusdem mensis Augusti, quo ita Florentiæ scripsit Patauium peruenit, & reprobè cognita, reperit remedii difficultatem in temporalium Dominorum potentia sitam esse, qui rex partis patrociniū susceperunt, atque adeo acerbiora bella sibi cum illis assumenda fore, si falsos Fratrum suorum accusatores, qui totam Prouinciā turbabant, velleiuter punire, vel vt morbidum pecus ab innocuarum ouium sano grege segregare tentaret. Qua propter per literas die prima Septembris Paduæ datas, Eugenium Pontificem totius rei certiore reddidit, vt Apostolicæ potestatis suæ opem adferret, simul suggerens prudentem modum, quo id suauiter fieri posse videbatur.

Ad vltimum diem sequentis Ianuarii, Philippus Maria Mediolani Dux, & Borsius Estensis Ferrariæ Princeps pari, & simultanea instantia Albertum rogarunt, vt Bernardinum Senensem ad suam cuiusque Ciuitatem sacro sermone, per imminentiū Quadragesimæ tempus erudiendam mitteret. At ille quod postulabant ad eò dextrè vtrique pro ipsorum reuerentia, concessit, vt Bernardinum à neutro petendum persuasisset, si rationes ipsius consulere vellent: nam sanctum virum Patauinis, etiam ipsius Vicarii Generalis sponfione, pro publica concione facta, iam obligatum esse, nec temporis angustiam concedere, vt alium in eius locum Paduam vocaret, cum omnes ordinis per Italiam concionatores, certis pariter ciuitatibus obstricti fuissent. Sed quod amplius erat, Bernardinum sibi Paduæ pro comitiorum Genera-

lium ordinis rebus disponendis summe necessarium fuisse, nec in tota Italia suppetere, qui ipsius in ea re partes agere posset, in hunc sensum reuerentem epistolam ad Philippum dedit, eiusque exemplum cum adiuncta breuiore, ad Borsium misit, quo vtrique Principi satisfactum fuit.

Ex illis interea Prouinciæ turbatoribus, aut alibi insolens quispiam, quem Beatus Pater, vel pœnarum fræno, ad frugem reducendum censebat, duos Ecclesiarum Præfules interpellauit, Alberti amicos, & apud Eugenium Pontificem potentes, Christophorum Garetonum Episcopum Coronensem, & Christophorum à S. Marcello Episcopum Ariminensem. Sed quoniam Coronensis extorquere magis, quam exorare gratiam, aut non iustam causam velle visus est Albertus iudicii sui æquitatem ex aduerso fortiter, etsi etiam pro Præfulis reuerentia suauiter tutatus est; seque in ea causa nihil egisse, quod non consuluisset ratio, non probassent testes, non iussissent leges, & satisfecisse se vtrique Præfuli existimasset, quod hominem magno supplicio plectendum, omni pœna subtraxisset, nec non vt eum ad eandem regionem iterum dimisisset, vbi eius flagitia ad ordinis ignominiam nota fuerant. Ariminensi verò, qui religiosius partem suam egerat, scribens sic incipit. *Modestia literarum tuarum, Venerande Christi Antistes, quæ me grauiter, vt te decet, & sine ulla culpa iactantia, immò cum merito pietatis orassi, vt Fratri N. quantum pateretur iustitia, mifereretur. Hoc sane meretur, hoc exigit, & pene extorquet, vt si fieri potest, maiore tibi modestia respondeatur, quàm à me flagitaueris, deinde iudicii sui,*  
maic-

maiores misericordiam, quam iustitiæ rigorem, & hominis probatam indignitatem exponit. Rem denique totam, considerata causa, pro ipsius pii Præfulis arbitrio, se acturum promittit, nec aliud lucratus est reus, quam ut quos prius pios intercessores falsis informationibus asciverat, iustos deinde desertores probaret.

Per primi hominis lapsum, & superbi Sathanæ malitiam, id vitii humanæ naturæ inditum est, ut soleant qui culpa sua cadunt, ne iuste inculpati videantur declinare cor suum in verba malitiæ, ad excusandas excusationes in peccatis. Mulier, quam dedisti mihi, serpens decepit me. Qui causa in iudicio decidit, vel à iudice se satis auditum non fuisse, vel actores suos non rectè rationes deduxisse contendit. Miles transfuga de illis, quos deserit ea hostibus refert, quæ fugam suam honestare, iisque gratam reddere possint. Catholicæ fidei & Religiosorum ordinum Apostatis antiquum est, ea Ecclesiæ, & ordinibus errores, & vitia vel omnino affingere, vel malignis coloribus ita depingere, ut eorum odio, & veritatis, veræque religionis zelo, se ad iustam fugam coactos esse persuadeant.

Erant tum inter eos Alberti subditos, de quibus agebatur, varia hominum genera: multi boni, doctique; nonnulli mali, & indocti: quorum omnium virtutes, & vitia in sex classes per ordinem distinguit, ut qui se erga unamquamque gereret, intelligeretur. Ac postremo loco quorundam Magistrorum, qui sanæ doctrinæ penitus ignari, nec vita laudabiles bonos contemnebant, malis malo exemplo præcellebant, & spernentes maiorum scita, nec Deum; nec homines vereri videbantur. Ex his unus

qui honores superbè nimium ambiens, quod ab ipso Generali Prælato non potuit, quia indignus erat, vllis artibus extorquere, ad gentes se transferens à Schismaticis se facile obtinuisse gloriatus est. Hunc ille neque carceribus, ut pro tanti errati merito iuste poterat, nec regulari vlla disciplina plectendum affixit, sed cum solummodo non sua sponte, sed Eugenij Pontificis mandato, gradu malè acquisito priuavit, & abiecit niagisterio. Ille vero, vel alij vitio suppres ira perciti, nec aliam vindictæ viam sibi relictam videntes, viri sancti famæ detrudere conati sunt: tamquam qui quosdam ex Fratribus graviter infectaretur, qui in ipsius electione ad ministerium Prouinciæ S: Antonij sua suffragia negarunt, & præterea niagistros nonnullos Sacræ Theologiæ fastigium profitentes insolenter aspernaretur, atque abijceret, & gradum honoris, & dignitatis eorum nihili pendat.

Res ista ad Poggij Florentini aures peruenit, & ille veteris amicitie, & curæ memor, quam semper de Alberti fama gerebat, etiam cum in eius confodales nimium inuheretur, sed illum nominatim eximens, Albertum per S. Bernardinum monuit, ut sibi ipsi prospiceret, *cum non desint*, inquit, *qui siue à tergo, siue palam eum mordeant*. Albertus ergo & internæ suæ innocentie, & externæ famæ diligentissimus custos, Poggio per literas gratias primum agens, atque in ipsius persona reliquos docte simul instruens, qui se cum amicorum, bonorumque virorum obtrectatoribus gerere debeant, duo illa deinde obloquij capita ita diluit, ut non solum falsissima esse, quin potius aduersa verissima, certissimaque demonstrasset,

set, vt ex eius ad Poggium epistola clare liquet.

Inter illa Scipio Mainentius, Episcopus Mutinensis, vir virtute, & literis excultus, & Eugenio Pontifici charus, Albertoque amicissimus, eum rogauit, tanquam eius honestandi cupidus, vellet sibi arcana sua vt amico, fidenter pandere, quæ humanam tentationem vocauit, & ambitum alicuius dignitatis intelligi voluit. Id neglexit Albertus; at Scipio secundis literis Albertum arguere visus est, quasi sibi sincerissimo amico dissideret; Albertus autem, vt virum religiosissimum, & status suæ humilitatis tenacem, ac minimè ambiciosum decebat, rescripsit per epistolam, quam de ambitu dignitatis prænotauit, in ea enim doctè, breuiterque per sanctorum patrum autoritatem, & exempla demonstrat, dignitates nulli tam ambiendas, quam timendas, & fugiendas esse, nec se illas ambire: se quippe, vt illos, non credere, curam regiminis absque animæ periculo geri posse, præsertim cum ab ambitione veniret; sibi verò nullam causam potiore esse, quam animæ, atque adeò se in priori deliberatione persistere, vt omninò velit, nihil de hac re, vel suo, vel alieno studio sibi quæri, aut sollicitari quibus nos in eiusdem epistolæ notis, pauca quædam, sed notatu digna exempla Sanctorum, doctrinasque subiunximus. Nec ipsum Albertum in vtrisque infimum, aut minus clarum censemus, tum doctrina in ipsius epistolis passim constanti, tum exemplis reluctandi dignitatibus, quas intra ordinem consecutus est, vel consequi poterat.

Atque in adepto vtroque munere Ministri Prouincialis, & Vicarij Generalis totius ordinis ita se gessit, vt

nemo bonus, de ipso conquestus fuerit. Nam illum vnum, non plures, qui initio electionis eius, in Ministrum Prouinciæ suffragium negauit, sed mox in sententiam reliquorum ocus spontèque conuolauit, præ cæteris omnibus, illi anieitior fuit, non (inquit ad Poggium scribens Albertus) qui fauentibus assensus est, plus delectat (ita me Christus iuuet) plus illum diligere, qui dissensit, nam is est, qui cum mihi locum, mea humilitate dignissimum, hoc est Christianæ humilitatis, quantum in ipso fuit, diligentius procurauit, merito vitam omnem, ac meam salutem inter varia rerum discrimina fluctuantem, tutissimo portu religiøsæ subiectionis locasse putandus est.

Reliqui verò, vani huius mei honoris tamquam leuissimæ nebulæ; perneciter transeuntis (quamuis illorum tantæ in me beneuolentiæ, quæ putatur, ingratus esse non debeam) non me tamen ita afficiunt, non me trahunt, non capiunt ad sese, cum illi quidem, etsi me incerta quadam gloriola honorant, certo pene periculo, vnde & magnorum plurimos corruisse comperimus, pendula salute, me locant. Malos autem tanta moderatione, & clementia regebat, vt indignum illum, & à Schismaticis graduatum, non alia poena plecteret, quam vt eum, idque iussu Pontificis gradu Schismaticæ obtento deponeret, nec, vt ante diximus, ipso sigillo ordinis, toto illo Vicariatus generalis annuo tempore, pro sua modestia, & fuga fastus, vsus est, imo ordinem sanctissimè, & prudentissimè rexit, vt illius temporis monumenta testantur.

## C A P. XVII.

*Quid egerit in Comitijis Patauinis  
Ordinis: quidue Pontifex  
inde statuerit.*

**A**Duenit tandem tempus celebrandi ordinis comitia, per Eugenium Pontificem indicta ad nouum Generalem Ministrum defuncti ante annum Guillelmi Casalcensis loco eligendum, quando ex vniuersa Religione Paduam conuenerant, in vnum locum, sed non in vnam sententiam Fratres obseruantes, & conuenticuales, bis mille, quibus B. Albertus pro suo munere, necessaria omnia abundanter prouidit. Ventum denique ad rem, vt fieri solet, præmissis quæ ordinis iura decernunt in ipsa vigilia Pentecostes, anno 1443. & Albertus, vt erat illius Prouincie Minister, in qua Capitulum celebrabatur, ac totius ordinis Vicarius Generalis, & Capituli Prouisor, ac Præfcs ab Eugenio Pontifice specialiter delegatus, ad confidentes Patres in plenis comitijs, Latino sermone, ac pro pondere causæ morali, ac laconico magis quam culto, & Rhetoricis pigmentis vago grauitcr, & piè perorauit, & hortatus est, vt virum integrum, & necessarijs partibus, quas sigillatim exposuit, insignem ad communem vtilitatem Fratrum, iuxta Franciscanæ Regulæ præscriptum cligerent, scrutatis, quæ ad id necessaria sunt, pace, veritate, charitate, idque non coactè, nec sinistra vlla intentione, sed spontanea conscientia ad ordinis decus, necessariam conseruationem, & vbi opus es-

set, restorationem, ad gloriam Dei, & Sanctorum, quos per litaniam, quandam inuocat, ipsius Matris Ecclesiæ, & Eugenii Pontificis lætitiā, & satisfactionem. Obseruantes, pro promouenda reformatione Albertum ipsum cupiebant Ministrum Generalem, nec pauci conuenticuales in ipsum proni erant, cum satis ipsis innotuisset Apostolicum breue, quo Eugenius se id ipsum cupere, clare manifestauit.

Sed quoniam in rebus humanis, quæ præsertim à mixta multitudinc dependent, eadem ipsa, quæ natura sua, prodesse deberent, inordinato abusu, non raro nocent. Classis maiorum quorundam cum B. Alberti personæ, & dignitati nihil palam, obijcere possent rem suam tumultu, & seditionibus agendam censuerunt. Tales igitur turbas concitauerunt, quibus orbem offendifsent, si ipsius B. Alberti consuetudine modestia, & contemptus dignitatis, ac S. Bernardini Senensis præclara sanctimonia, prudentia, & odium turbarum, non attulissent remedium. Etenim ambo in quemcumque vnum idoneum, vltro consenserunt. Inter has turbas, electus est Antonius Rusconius Nouocomensis Sacræ Theologiæ Magister Conuenticualis, vir aliquin Maiorum sanguine, & propria doctrina, alijsque dotibus clarus, cuius nobilis familia Franciscano ordini semper addicta fuit. Is Albertum celsi renitentem, in Prouinciæ S. Antonij administratione illicò confirmauit.

Eugenius interea Romam reuertens, moram Senis trahebat, quo ad cum conuenerant, vtriusque cœtus præcipui Patres, actorum rationes reddituri, sed delata electio cum Alberti

berti exclusione adeò displicuit Pontifici, vt electum gradu deposuisset, nisi, vt antiqua monumenta produnt, Alberto ipso suadente, timeret Philippum Máriam Mediolani Ducem, sibi nuper conciliatum, non equi consulturum, vt ipsi subditus, vir doctrina, & sanguine clarus, à confodilibus dignitate donatus, non sine famæ iactura detruderetur.

Eugenius his rationibus persuasus, Antonium in Ministri Generalis officio confirmauit. At vt obseruantum statum securiorem redderet, parum admodum potestatis in eos ipsi reliquit, nam consultis Cardinalibus quibusdam, ipsiusque ordinis Conuentualium præcipuis Magistris, & Prouinciarum Ministris consentientibus iniunxit, vt citra montes Ioannem Capistranensem, & vltra Ioannem Maubertum Generales Fratrum Obseruantum, & Clarissarum ipsis adherentium Vicarios institueret, concessa omni plenitudine potestatis, quæ sibi ipsi Generali Ministro alioquin competeret, atque inter alia, vt Fratres Conuentuales, ad obseruantiam se transferre, & regulariter viuere, veraciter cupientes, de Prouincialium Ministrorum licentia recipere possent, & propria comitia tam Generalia, quàm Prouincialia, cum opportunum videretur, celebrarent, cum aliqua tamen dependentia ab ipsis Generalibus, & Prouincialibus, respectuè ipsorum Conuentualium Ministris. Et hanc institutionem, & auctoritatem, vtriusque Vicarij Eugenius Pontifex diplomate suo, insertis Generalis Ministri patentibus literis, motu proprio, & ex certa scientia approbavit, eandemque auctoritatem deinceps tam constanter sustinuit, vt Obseruantes in ea profi-

ciendo persisterint, donec postea per Leonem X. in eo statu regiminis, tam ipsi, quam Conuentuales, postea constituti fuerunt, in quo hodie, magna vtrorumque quiete, & charitate perseuerant.

## C A P. XVIII.

*Quid post res Comitiorum Senis compositas fecerit Albertus.*

**I**N illo congressu Senensi, memor sociorum, qui ab ipso ad Aethiopes, Indosque destinati, à Saracenis captiui tenebantur, de ipsorum redemptione oretenus egit cum Eugenio Pontifice, significauitque superesse sumptibus Capituli Generalis Patauini aureos nummos quingentos, qui, si ita Pontifici placeret, in eorum litrum impendi possent. Annuit Eugenius, addita maiore summa, quantum necesse foret. Albertus ergo die 4. Iulii literis scriptis ad Ioannem Martinum Venctum, illum quem diximus Terræ Sanctæ Procuratorem, seu Syndicum Apostolicum constitutum fuisse, qui tunc fortè in Cyprio, vel alio Orientis loco degebat, narrat Pontificis in ea causa prouisionem, eiusque Decreto venerandum Presbyterum Ioannem de Morostica, crastina diei illius qua ipse scripsit, Senis Venetias abire, Aloysio, Ioannis Martini fratri pecunias delaturum. *Ac tu vero, inquit, studium, & diligentiam adhibe, vt Fratres prelibati minori, quo possunt pretio redimantur, quod si per Dei prouidentiam, de carcere liberati, vel aliter iam sublatis de medio reperiantur, certiores nos, & Aloysium, Sanctitatemque Domini nostri reddere procurato, vt pecunia illa in aliquod pium opus, secundum bene-*

*placitum Domini nostri, possit erogari.*

Neque verò dilectorum, sanctorumque sociorum tam negligens erat Albertus, ut de eorum redemptione, tunc primum cum Pontifice tractasset, sed anno præcedenti 1442. cum eorum captiuitas, & extremæ calamitates certò illi notæ fuissent, literas ad eum dedit Venetiis die 24. Octobris, quauis, ut in notis aduertitur, per lapsum amanuensis anno 1443. subscriptus fuerit, cuius clausulam hic exhibemus. *Posremo loco clementiam tuæ Sanctitatis exoro, ut Fratres illos ex nostro ordine, à tua Sanctitate ad grandia fidei negotia missos, sed certa Theucrorum captiuitate interceptos, & interceptione ipsa captiuos, Beatitude tua non aestimet relinquendos. venit autem mihi in mentem Petrum illum, qui pridem profecturus erat in Græciam, pro illorum salute, qui iam diu fidei nostræ suspirant, plusquam dici à me possit, futurum idoneum, ad Fratres prædictos è manibus Theucrorum eripiendos, cum & linguam illorum infidelium probe calleat, & in eisdem Prouincijs habeat parentes captiuos, tantum illi adsit, idonea facultas pecuniarum, quas nec multas oportere esse existimo, cum magis ingenio, & astu quodam diuine prudentiæ quam magno ere captiuos illos arbitrer liberandos. Dominus te tueatur Omnipotens, B.P. ex Venetijs 24. Octobris 1443.*

At cum tunc nihil actum fuisset, vel quod pecunia parata non esset, vel ob aliam causam, Albertus iterum Senis Pontifici præsens, & pecuniam illam promptam esse sciens, satis opportunè captiuorum causam

exposuit, & rem, ut iam dictum est, facile obtinuit. Nam Ioannes Martinus negotium tam solerter egit, ut in captiuorum litrum expensis tantummodo quadringentis aureis, fratres ipsos saluos, & incolumes, in Italiam remiserit præter vnum, qui per captiuitatis ærumnas, in carcere extinctus inter sociorum manus, purissimum spiritum Christo Redemptori reddidit. Erant autem alij superstitēs, B. Thomas Florentinus, vir sanctissimus, & plurimis miraculis in vita, & post obitum clarissimus, cuius vitam virtutibus etiam admirandam descripsit Vvaddingus tom. 5. ad annum 1447. aliisque eius socii duo, qui tres sani, & salui Romam appulsi sunt, maiori Pontificis, aliorumque quam ipsorum lætitia, qui nimirum amarè lugebant præreptam sibi coronam martyrij, pro qua tanto tempore inter diros cruciatus, ærumnasque, quas Vvaddingus eo loco refert, constantissime decertarunt,

Inter hæc imperium Græcorum, & Hungariæ, Cyprique regna Saraceni, tum formidabili potentia, & simultaneo impetu effusis agminibus impetebant, quibus occurrendum censuit Eugenius Pontifex, & conuocatis Christianorum Principum auxilijs, magnas ipse copias terrestres, maritimasque comparabat, quibus in sacrum bellum congregandis, parandisque stipendijs, viros graues ad præcipuas Europæ partes misit. Atque hos inter Albertum absolutis comitijs ordinis, Vicarij Generalis officio perfunctum, & Iacobum Picenum, Nuntios suos, ad Prouinciā, totumue Patriarchatum Aquileiensem, in idipsum opus amandauit: vbi inter alias copias, in mari Adriatico, &

alteras in Hungaria medij, vtrisque præsto essent, dato amplissimo priuilegiorum, & facultatum diplomate, Quinto Kalend. Iunij, deinde sub anni finem Alberto in mandatis dedit, vt Fratri Iacobo Primaditio, quem nuper Constantinopolim amandauit in illius imperialis Vrbis, & altero Caffæ cœnobij reformandis, auxilia necessaria contribueret.

In illis literis, quibus captiuorum Fratrum Redemptionem Pontifici commendauit, ab Alberto Dulcetto voce, & frequentibus literis flagitatus, rogauit Eugenium, vt Conuentui Ferrariensi S. Dominici ad arctiorem disciplinam redigendo prouideret, & Ciuitatem Aflij, Seraphici Patris Francisci matrem, & ordini ad dictissimam Pontifici enixè commendauit, vt eam liberaret, ab aliquo periculo, in quo tūc constituta ferebatur. Inaudiens etiam quosdam apud Pontificem instare, vt literas Apostolicas, quas iam vulgato nomine mare magnum appellamus ab ordine nostro prorsus aboleat, quod ne fiat grauibz argumentis, per aliam epistolam, eodem die Venetijs datam, suadet, & humillimè rogat. In ea Prouincia Veneta etiam anno sequenti mansisse Albertum, reperio in literis die 7. Aprilis Paduæ ad Pontificem scriptis, in quibus Tusciæ Ministrum, studiosum regularis obseruantæ fautorem, eidem Pontifici seriò commendat. In fine tamen anni, vel initio sequentis 1444. ad *Insulæ* migrasse monstrant epistolæ, quas ad Thomasiū Bibium Cypri Regis medicum scripsit, Mediolano 3. Id. Februarii, & 20. die Maii, alique ad alios.

Nullum officium religionis, nulla Pontificiæ iussionis imposita negotia

B. Virum à diuini verbi prædicatione ferè, vt diximus quotidiana, detinere potuerunt, in quo munere cum *Insulæ* agrum hoc tempore percurreret Albertus, restitutus viribus post diuturnum languorem, qui eum integro anno afflixit, per quem ei præ valetudine vix viuere licuit, sub anni 1444. finem, Brixiam profectus est, quo ante octo circiter annos, prius à Francisco Barbaro, illius Vrbis tunc præside venire rogatus est, vt ciues periculosa simultate inuicem dissidentes ad pacem, & concordiam per Evangelica documenta reuocaret. Cumq; per eas, quas diximus, occupationes accedere non potuisset, nunc rem tam sceleriter exegit, vt prius in se mutuo feros, in eum animum diuinitus induxerit, vt maiores ciuitatis, & natu, & autoritate omnes, præter perpaucos reprobos, cum Fratribus conciliari vehementer expeterent. Sed ne ipsa paucorum malitia in alios aliquando diffunderetur effecit, vt pacta pacis in publicas tabulas redigerentur, easque misit ipse Albertus ad Barbarum, tunc Venetijs agentem, vt Veneti Senatus consulto perpetuæ legis robore inuiolabiles fierent, scripta ad ipsum epistola 5. Idus Ianuarii anni 1446. ex qua hæc nobis innotuerunt.

Nec pacem tantum, sed & poenitentiam, & vitæ sanctioris desiderium ciuibz inculcauit, vt inter alia virgines, & viduæ supra quinquaginta nobiles, & graues decreuerint, terrenis facultatibus, & illecebris abdicatis, sub S. Claræ regula, in perpetua clausura viuere. Senatus Brixienfis pio operi ineundo adiudicauit Hospitalis pauperum S. Mariæ de Serpente; scripsitque Albertus ad Eugenium Pontificem, & ad Flauium Blondum



amicum suum, Eugenio à secretis, vt non solum Hospitale, sed vicinam domum, & sacellum S. Crucis, & alie quædam Cluniacensium, & humiliorum regularum bona Pontificio diplomate, in eundem vsum concederentur. Annuit Pontifex diplomate dato, modo legitimi possessores consentirent. Adeoque creuit illius instituti apud Brixianos veneratio, & amplexantium multitudo, vt secundum eius monasterium illis capiendis, anno proximè sequenti fundare oportuerit,

Albertus deinceps, quamquam sexagenario maior, eodem tamen animi vigore, & seruire zeli salutis populorum, eadem austeritate vitæ, eodemque in finem seruandi rigore, & infatigabili laborum tolerantia, & constantia propoliti, per Lombardiam vniuersam discurrendo, nunc Mediolani, nunc Bergami, nunc Cumis, nunc Bultis, & subinde alibi prædicabat, & magistri sui S. Bernardini exemplum sectando gloriosissimi Nominis Iesu venerationem, & cultum, Pontificijs oraculis iam tum approbatum feruenter populis inculcabat. Hortabatur quoque, vbi idoneum videretur, vt publicæ domus hospitales pro pauperibus infirmis, senibus, & expositis pupillis erigerentur. Certè in epistola illa, in qua Eugenium Pontificem orat pro erigendo Clarissarum Brixienſi cœnobio, hæc etiam habet. *Hoc ipsum autem, de quo scribo, flagitant Brixienſes misſo ad te celeriter, vt aiunt, nouello nuncio, qui etiam T. S. super amplissimo Hospitali conficiendo exorent, quibus, vt de clementia tantæ Sedis postulata suffragia tribuas, supplices ego, & illi oramus, & obtestamur.* Idem sua-

dente Alberto, vt solebat, erigere statuerunt ciues fortassis loco illius Hospitalis S. Maræ de Serpente, Clarissarum habitationi destinati, vt Mediolani postea tandem factum fuit, ea ratione, quam refert Paulus Morignus, de Hospitalibus Mediolanensibus, cuius ( prædicantis Alberti suadelæ ) fructum fuisse non ambigo, quem Ripamontius his verbis loco prius per nos indicato, describit. Hoc etiam tempus illud fuit, quo Principis ( Francisci Sfortiæ Mediolani Ducis ) animum mouit numen, vt sub Nosocomij, siue Hospitij nomine, publicam domum institueret, aperiretque curandis, & alendis vtriusque sexus mortalibus, quos morbus, & egestas, id petere subsidium coegissent. Namque per eos annos, cum lues, & pestilentia prius, deinde frugum, obdesertis agros, inopia vastarent, affligerentque urbem, debuit multorum adspæctus esse miserabilis, qui per compita omnia, absq; vlla humana ope, & solatio, quiritantes, aut insepulti iacerent, etiam in illa imperitantium cura, & benignitate, quæ declarata est, eam speciem idque deformè spectaculum, haud sine magno misericordiæ sensu insedisſe Principis animo credibile est. Inde consilium ortum aperiendi Xenodochij, vbi lares, vbi tecta destitutis, & altera quasi patria esset. Huius hodie celeberrimi Xenodochij ingentes progressus, reditus, leges, & quæ inde in vniuersam urbem, agrumque Mediolanensem, utilitates deriuantur, idem author proluxa narratione prosequitur, eiusmodi hominum languentium, & seminecium laruarum per omnia urbis compita discurrentium spectaculum, non poterat pium Christi præconis, B. Alberti

## C A P. XIX.

*Quid extremis quinque annis vita  
fecerit.*

berti animum ad misericordiam non mouere . Et opportunum profectò ipsi fuit , cum non verbis tantum , sed rebus ipsis , digito monstratis persuadere potuerit : quæ quamquam Francisci Sfortiæ Mediolani regnantis , temporì adscribat Ripamontius nullius religiosi suavis facta mentione , Albertum tamen post mortem Philippi Mariæ Vicecomitis , prius illa , pro sua consuetudine persuasisse , nobis documento est , quod ciues tunc in Reipublicæ formam per triennium ante Sfortiæ dominatum redacti , de opere perficiendo , deliberauerint . Tunc enim Albertum Mediolani fuisse , & miseranda illa nouæ structuræ motiua , quæ Ripamontius incerto temporis periodo , per eos annos , inquit , cuenisse narrat , simul contigisse , postea referemus . At cum ipsorum Ciuium per triennium illud intestina dissidia , & partium studia , Sfortiæque Ducatum sibi vindicantis arma , rei perficiendæ obstitissent , ipse Sfortia rerum deinde potitus , noui Hospitalis domus , erectionem diu , grauiterque discussam , decretamq; inchoauit , & anno 1456. die 12. Aprilis teste Morigio , primum fundamentis lapidem iniecit , nomenque dedit magni Hospitalis , idque dedicauit Deiparæ Virginis Annuntiatæ , ac tum primum anno ab Alberti morte iam sexto Frater Michael Carcanus , eiusdem Franciscani instituti , Reg. Obseru. nobilis Mediolanensis , & literis vitæque sancti- monia venerabilis , ac Blancæ Mariæ tunc Ducissæ ab arcanis confessionibus opus promouere cœpit , suoque studio , & sacris sermonibus plurimum promouit , vt fusius narrat Morigius , loco superius indicato .

**B**Eatus Albertus deinceps , dum inter mortales vixit , vt sacris sermonibus declamandis , sic proficuis epistolis conscribendis , quæ diu per propriam , publicamue valedudinem licuit , nunquam abstinuit , anno 1445. Mediolani per epistolam accepit , à Thomasio Bibio , Iani Cypri Regis medico insulam illam à Mamaluchis Saracenis occupatam , & Regem ipsum ad Babiloniæ Sultanum , captiuum ductum fuisse , nec nisi grati tributo singulis annis in perpetuum pendendo , redemptum , indeque secutas regni calamitates , quas Albertus prædixit , 3. Idus Februarij Bibio respondens deplorat ; ipsi quoq; Bibio , qui vt eas effugeret , cum familia sua in Italiam peruenit vir Dei gratulatur aduentum , & negotium , ab eo sibi commendatum , prout oportunitas ferret , se curaturum promittit . Eodem loci die 8. Aprilis , per literas ab Eugenio Pontifice petijt , vt Mediolanensis monasterij , quod de Vedano vocant , incolarum quinquaginta quinque scandalosæ dissidia ita dirimere vellet , vt ducto per cœnobium integro muro , partem eius vnâ assignari statueret tredecim tantum monialibus , quæ pristinam S. Augustini regulam deferere noluerunt , alteram autem quadraginta duabus reliquis , quæ S. Claræ regulam sibi seruandam , perfectioris vitæ studio delegerunt . Causa autem dissidij fuit , quod pars neutra toto cœnobio cedere voluerit , in quo  
nimirum

nimirum vtraque longo tempore, & æquo iure vixerunt, dum alteri parti maior earum numerus, alteri vero antiquæ professionis possessio suffragari videretur, Alberti autem suasionis ratio fuit, quod insolens, & inconueniens esset, Moniales, non vnius vitæ, vel moris, in vna domo simul habitare, & vtrarumque voto satisfactum iri, si neutra pars amoueretur, & exorauit, cessaruntque querelæ, vt narrat Vvaddingus tom. 5. ad annum 1448. num. 42. vbi Clarissarum, deinceps numeri, & sanctimonie incrementa sequitur.

Celebrabant tunc extra urbem Patres Prouinciæ Mediolanensis comitia sua Prouincialia, & Albertus aliqua illis communicanda contulit, cum quibusdam ex ipsis, postea verò per literas 19. Aprilis ad comitia datas, eadem cunctis commendauit, misso nuntio, qui ea suo nomine referret, vt Patres pro honore Dei, sibi postulanti satisfacerent: hortaturque, vt ipse loquitur, cum omni humilitate absens corpore, præsens spiritu, vt quæ Dei sunt, præ oculis habeant, nec eos à veritate auertat vlla tentatio, vllus error, vllus denique carnalis affectus, quo minus de bono gubernetore familiæ suæ provideant, cuius requisitas virtutes per ordinem recenset, vt denique ipsius monita maiorem apud eos auctoritatem haberent, epistolam suam his verbis à nobis alibi descriptis, claudit. *Sustinete, oro vos, modicum quid insipientiæ meæ, nec contemnatis fratrem vestrum, qui etsi, non vita sua, saltem exemplis Sanctorum Patrum nostre religionis, potest vobis quadraginta annorum indicem texere; quadraginta enim anni sunt, quibus sum educatus cum fratre centum, & de-*

*cem annorum, per quæ nobis primi sui in ordine tyrocinij tempus, & contubernium detexit, vt nos in notis ad eam epistolam, & superius in hac eius vita deduximus.*

Hinc 20. die Maij Mediolano itidem longam epistolam, seu dissertationem ad Bibium dedit, cui titulum ipse inscripsit: *de conditione amicitie, & de malitia inuidentiæ*, de qua re, cum doctè disputat, voluit tamen hoc schemate, & à Bibio solo intelligi, & alijs occultare personis, resque per quas obstat, quo minus negotium nuper à Bibio commendatum, perficere potuerit. Inuidiam denique, & ingratitude turpi characterismo detestatur, Bibioque solatium a propria ipsius virtute, & causæ communitate præbet. Mox in agrum insubrium egressus, vt suo more populos erudiendo circumiret, accepit literas à Paulo Romano, per quas nescio cuius monasterij Sanctarum Christi Sponsarum causam (reformationis authumo) ipsi commendabat, sed per epistolam Bussi Arsij die 30. Maij datam, se inde prudenter eximit, quod videret operam suam plus obfuturam, quam profuturam negotio, propter eorum duritiem, cum quibus tractandum foret, & qui tam honestæ rei pertinacius aduersabantur, in quos, nec ipse auctoritatem tunc habebat, nec illi in eum fiduciam, quod suarum partium cum esse non existimarent.

Dum adhuc per oppida, & pagos Albertus prædicando discurreret, ad aliquem locum non insignem (Vvaddingo Falmientam) venit, vbi Antonius Raudensis, seu Raudinus, ex nostris Conuentalibus S. Theologiæ Magister, & ampla eruditione apud suos eo tempore clarus, Albertoque ami-

amicus, natus est, ubi Albertus ipse tunc humaniter susceptus. Hic ad multum populum, ex agris, oppidisque vicinis, concurrentem concionatus est; cum à prandio inter colloquentes aduenas Antonij mentio facta fuit, & ut ludere libuit, quiscum faceret nomen eius irrifit, quod cum esset vir spectabilis, à tam despicabili loco personæ appellationem sumpsisset. Inde Albertus pro Antonio stetit, & argumentum sumpsit epistolæ, pridie Kal. Iulij Galaratæ ad eum scriptæ, in qua eruditè disse-rit, nihil nocere ad virtutem, humili loco nasci; parua quippe loca à magnis virtute viris, gloriam; vrbes ex aduerso ceteroquin insignes à ciuibus vitio famosis, etiam sanguine nobilibus ignominiam non raro deriuasse, quæ ratione, & exemplis prosequitur, literis ergo, & virtuti insudandum suadet, quibus & inter mortales temporaria, & in superna ciuitate gloria remanet sempiterna.

Posteaquam B. Albertus hoc anno Mediolani, Cumis, seu Nouicomi, ac repertis in medio oppidis gratiam verbi Dei seminauit, Bergamum, sexto, vel septimo Octobris appulit, ac epistolam ibi sequenti die ad Mathæum Bizarrum Vicentinum, in Creta degentem, dedit, zeli Euangelicæ paupertatis, contemptus pecuniæ, Christianæ charitatis, & compassionis flammis micantem. Petijt ab eo Bizarrus Hieronymi scripta in Rufinum, & ut erat ipsius olim in Creta vetus benefactor, misit illi per Andream quemdam aliquas pecunias, & postea per Cancellarium, ut eum vocat, aureos nummos duodecim, quibus Hieronymi descriptoribus satisfaceret, prior se pecunias misisse dicebat, posterior aureos non

reddidit Alberto. Nihil ab alterutro datum est. At Bizarro rescribens, non solum repudiavit vtramque pecuniam. *Nam illas, inquit, nulla ratione recipiam, scriptoribus autem diuinitate propitia non deerit ratio prouidendi, sed etiam pro Andrea orauit Mathæum; verumtamen, in-quiens, te oro vehementer pro mutua nostra beneuolentia, ne illi pro hac causa aliquid molestiæ machineris: ingent enim forsitan illum inopia compulit, creditur sibi pecuniæ auferre, & rubor verecundiæ exterruit confiteri.* De Cancellario autem hæc: *sed unum est, quod aperte profiteor, longe abesse à corde, & meo instituto, ut te velim perpeti damna. Itaque ab illo repete pecunias tuas, quoniam illas nulla ratione recipiam.* Hieronymi ad te scripta in dementem illum Rufinum gratis, & sine argento, vel auro, aliquando transmittam. Eodem die, & loco scripsit ad Fratrem Ioannem Pratensem, hominem vt innuit epistola, debilis, & infirmi capitis, qui Albertum sequi cupiebat, & concionantis pedibus assidere. Sed vir Beatus, & prudens eum humanissimè monet, & suauissima epistola à concepta præensione auertit.

Bergamo Brixiam profectus à Petro Veronense rogatus est, vt concionatorem quempiam, hoc munere pro sua culpa priuatum, restitui curaret, cui Veronensis etiam de sanctimoniam vitæ, quam tunc agebat, testimonium insigne præbuit.

At Albertus honorem religionis, & Apostolici muneris dignitatem zelatus, ob graues, iustasque causas, quas in epistola Pridie Kal. Nouemb. data profert, rem postulatam tam celeriter fieri non oportere de nouit, donec verè pœnitentis emendatio,

longiorque sustinentia, ijs omnibus constarent, quibus ante actæ vitæ ignominia palam fuit. Interea temerarium hominis ausum fugillat, qui cum scelerum pœnas diuturniores luere debuisset, præsumat, quod absurdum est, vt diu turpiter acta vita fastigio tanti ministerij honoretur, quo & Apostoli, & Apostolici viri insigniter claruerunt.

Alias habeo epistolas duas, ab Alberto hoc anno scriptas, sed absque mensis, vel diei datarum indicio, altera quod locum attinet, Cumas; altera Bergamum præfert, & credo scriptas, quando Mediolano, Cumis, Bergamo Brixiam pergeret; Cumis enim respondet Bergamensi Episcopo roganti, vt ad populum suum erudiendum accedere vellet, cui ille rescribit, id sibi in votis esse, verum quoniam vbique passim discurrenti impedimenta plura, ex occasionibus populorum occurrebant, non potuisse statutum diem, aut tempus veniendi, Episcopo certius polliceri: sed sperare, quod in ipso erat, Bergamum celerius proficisci, nisi alia ipsi impedimenta prouenirent, & præstitisse existimo, nam alteras literas Bergamo dedit ad Episcopum Brixensem, non minori studio flagitantem, vt ad suam ciuitatem, verbo Dei erudiendam venire non grauaretur, sed apud hunc, & si dolenter, se omnino excusauit, ob allatas, & literas maiorum, & causas, quas tametsi Episcopo præfens consideret, sed literis committendas non censuit; Præfulem demum rogauit, vt suæ literæ sicut nec commune consilium ciuitatis, sic nec singulos quoslibet laterent, qui Episcopi discretionis viderentur idonei.

Ardentissimo Alberti zelo, salu-

tis animarum, inorumque reformationis, ac dilatandæ Catholicæ fidei, & sitientissimo desiderio martyrij, non satis fuit, omnem oram Italiæ, & magnam Asiæ partem Euangelij prædicatione compleuisse, quin, vt olim Ierolimyma scribens, ab Eugenio Pontifice petijt, vt eum liberum faceret, ad quascumque orbis partes, quamuis admodum remotissimas, siue fidelium, siue infidelium peragrandas, & ad quantumlibet barbaras nationes adeundas, & gentes extraniores conueniendas, assumptis socijs fratribus, qui vel seminandi latius verbi Dei, vel ampliandæ, confitendæque fidei, vel dilatandæ passim gloriæ Saluatoris, vel publicandi diffusius nominis Christi negotio, aut vtilis, aut idonei, aut necessarii ipsi viderentur, ita postmodum Senis ab officio Vicarij Generalis totius ordinis absolutus, ab eodem Pontifice, & B. Ioanne Capistransense Cismontanorum obseruantum tunc Præfecto, quod diu peroptauerat aliquando tandem adeptus est.

Anno igitur 1446. cum Insu-  
briam peragraret, statuit Mediolani  
3. Non. Iulij rogantibus pijs ciuibus,  
cum spe maximarum in Domino  
frugum, tertium explere annum,  
aut si Dominus affuisset, peragrata  
Aemilia, & Ianuensibus paululum  
salutatis, in Siciliam, & post Pascha  
in Cataloniam, ac reliquam Hispaniam  
relictâ Italia proficisci: vnde  
ipsi per testimonium, & grauium, &  
sanctorum virorum, albescentibus  
regionibus, missio salutaris suggere-  
batur, vt ipse ad Eugenium scribens,  
loquitur, & hæc addidit: *sicut ipse  
cum tua Beatitudine apud Senas,  
expleto iam triennio, simul contuli,  
& tu hoc ipsum, cum Apostolica sa-  
pientia*

*pietia, plurimum comprobaſſe, tùm etiam diuina authoritate, non parum roboraffe, compertus es. Atque his ſimilia de eadem profeſſione ſcribit, etiam ad Iacobum Primaditium.*

Voluit quidem Albertus, cum Vicarij Chriſti, & Superiorum ordinis bona vcnia, & Apoſtolica benedictione Hiſpaniam omnem peragrarè: non tantùm, vt Catholicis populis, morum ſanctimoniam, & crucis Chriſti mortificationem, per Euangelij prædicationē inſtillaret, ſed Mauris quoq; Mahometanis, quibus tunc ſcatebat Hiſpania, Chriſtum daturus, aut ſanguinem, vt qua prius in Aegypto fraudatus eſt, coronam martyrij, eam nunc ſecundi certaminis duplici honore intra Europam legitimè reportaret. At, vt nec ſanctis Dei, Antonio Patauino, nec Didaco Complutenſi, nec Tereliæ Virgini, ſic neque hac, vel altera vice ſucceſſit Alberto, vt ſua deſideria compleret, Deo illum reſeruante, vt multos Chriſto lucificeret, vt cuius non voluntas martyrio, ſed voluntati martyrium deſuit.

Etenim Ioannis Tauellij, Epilcopi Ferrarienſis, viri ſanctiſſimi, & Leonelli Eſtenſis, Marchionis Ferrariæ, coniunctæ preces apud Eugenium Pontificem, & Iacobum Primaditium, Fratrum Obſeruantum familiaris citra montes Præſectum, inſcio Alberto, exorarunt, vt ipſi per Apoſtolica ſimul, & Religionis mandata imponeretur onus, conſuetos Quadrageſimæ ſermones anno ſubſequenti, ad populum Ferrarienſem, declamandi, vtriuſque mandati literas cum adiunctis ſuis, Leonellus Mediolanum, ad Albertum, nihil tale opinatum tranſmiſit, per nun-

cium, qui eum Ferrariam ſaluam conduceret. Albertus omnibus idem reſponſum, ſed forma pro perſonarum varietate diuerſa, reſcripſit, conſtitutam ſibi Hiſpanicam profeſſionem commemorans, hanc tamen, & cætera quæuis proprij arbitrij ſui, Pontificis, & regularis Prælati obedientiæ, Marchionis autem, & Epilcopi in ipſum beneuolentiæ poſtponens, promiſit ſe opportuno tempore, modò obſtaculis liberum, adfuturum, Leonello quidem Quarto decimo kal. Iulias, Pontifici autem, & Primaditio 5. Non. eiufdem menſis. Eodem die Bartholomæo Rouellæ Romæ degenti, collatum nuper Epilcopatum Rauennatem aggratulus eſt, ampliora certò promittens, modò is, non quorundam nouorum vitam, ſed veterum Epilcoporum virtutes imitaretur, cum breui, & vt aiunt, reſmiſſiua hortatione, ad eaſdem, ſuorumque votorum, & precum oblationes. In qua re prophetaſſe Albertum, ſequentis Rouerellæ progreſſus, apud Ciaconium, & Vghellum relati, indicare videntur.

Interea Mediolani moratus importunis, & iſtantiſſimis precibus Monialium monaſterij S. Mariæ de Cantalupo, ordinis S. Auguſtini coactus eſt, vt 2. Non. Iulij non orando ipſe, ſed referendo tantum, earumdem preces Pontifici exponeret. Volebant enim omnino, vt Fratrum S. Franciſci Reg. Obſ. cœnobij S. Angeli cura, & gubernatione regerentur in qua re, ſi opus foret, vt S. Claræ regulam amplecterentur, ad id ſc. promptiores exhibebant, quam vt ad priſtinam viuendi licentiam redire cogerentur, à qua illas olim, ad mores profeſſioni ipſarum congruos, Deo gratos, & mundo exemplares,

reduxit S. Bernardinus Senensis. Quid porro actum fuerit narrat Vvadingus tom. 5. Annalium. Non cessabant Brixiani per literas, & nuncios Beatum Virum, ad ciuitatem suam plenius instruendam, ciuilesq; dissensiones exterminandas instantissimè sollicitare, cumque per literas ante indicatas, Episcopo, & consilio ciuitatis se satis excusasse videretur, adfuit kal. Augusti nuncius cum literis populi Brixienfis nomine porrigendis: quibus eo die Mediolani respondit ille: reticere se propria argumenta, quæ nondum sublata videbantur, at nunc noua etiam pericula nata esse, maioris mali, quam fuerit expectatio fructus, propter quæ venire non posset, spem tamen præfert, ablatis obstaculis, aliquando veniendi Monet interea ciues, vt rem suam ità disponant, quo veniens ipse factu faciliorem inueniat, & causas dilationis accessus, quas chartæ committendas non censuit, populo tamen referendas nuncio commisit.

Inter hæc obiit in Domino die 14. Iulij venerabilis seruus Dei Ioannes Tauellius, Episcopus Ferrariensis, eique 6. Id. Augusti Romæ in Episcopatu susceptus est, Franciscus Ligaminius Paduanus, Eugenii Pontificis Thesaurarius. Hic futuræ curæ Pastoralis suæ dimidium se habiturum ratus, si Ecclesiæ suæ regiminis initium, ab Alberti sacris monitis, & disciplina sumeret, & optimi præcessoris, Leonellique Principis proposito insisteret, per literas 21. Octobris Romæ datas Albertum enixè rogauit, vt concionibus Ferrariæ per sacri ieiunii serias, proximo vere habendis omninò non deesset. Papæ tunc agens Albertus die 17. Nouemb. Ferrariæ se tempestinè futu-

rum promittit, dummodo noua non interuenirent impedimenta.

Hac autem occasione, vt capillata fronte hominem arripiens, Episcopum ipsum priusquam populum, commonendum sentiens, refert primum admirari omnes, eum Episcopali dignitate donatum fuisse. Eum autem solatur, cui illa felicitas euenit, quod illi Ecclesiæ præfectus sit, in qua nuper in pace defunctus Sanctæ mem. Tauellius, diu laudabiliter præfuit: *qui tibi, inquit, pro ætate magister, pro sanctitate exemplo, pro meritis, ac factorum claritate incitamento futurus sit.* Tum exponit arduum Episcopalis officii, ad quod assumptum Franciscum, tam seruenter hortatur, vt si Ioannis præcessoris merita, superare, quod optat, non possit, certè adæquare conetur: sic summam gloriam, vt alioquin summam verecundiam habiturus: vt his B. Alberti monitis, hortatuque comparata sit, admiranda illa vitæ Francisci mutatio, quam refert Vghellus, vbi scribit, Franciscum, & licentiosa vitæ ratione, repente Spiritus Sancti gratia, cunctis admirantibus, in virum optimum mutatum fuisse, magnæque exultationis Præsulem euasisse, atque aded Eugenio IV. Nicolao V. Calixto III. & Pio II. Romanis Pontificibus eximie charum fuisse.

Francisci epistolam, & responsum hoc suum Albertus eodem die, & loco, tamquam vades futuræ suæ ad illos professionis, misit Ferrariam ad Guarinum Veronensem Leonello Marchioni legenda. Quamquam autem Guarino scribens profecturum se ad illos celeriter, post festa natalia spondet, Insubria tamen non tam cito excessit. Etenim ne Brixienfi Epi-



Episcopo; & consilio ciuitatis , per priores epistolas illudere , vel populum eo indigentem crudeliter deferere , & Christi causam negligere videretur , ad illos post festa profectus est , & firmata dissidentium ciuium concordia , eas literas ad Franciscum Barbarum scripsit , quarum ante meminimus , pro pace per Veneti Senatus decretum perpetuanda , suasque preces ad Eugenium Pontificem resumpsit , pro fundatione monasterii Clarissarum , ac , vt ante diximus , negotii accelerationem Blondo Flauio Secretario , Mathæo Cubiculario Apostolicis , & Fratri Ioanni Capistrano , tunc Romæ degenti commendauit . His per mensem Ianuarium actis , cuius die 21. vltimas literas Brixie dedit .

Dedit etiam ibi aliam epistolam ad Ludouicum Vincentinum , per quam castitatis cultum in eo laudat , eiusque diligentissimam custodiam pluribus suadet , & longum , doctumque , nec minus disertum commentarium ad Paulum Romanum , quo neruose demonstrat , insolentes corripiendos esse , nec obstare fraternæ correctionis ordinem , aut ficta quædam emendationis indicia , vbi charitas , aut alia necessitas exigit correptionem . Post hæc Ferrariam profectus est , vbi officio suo fungens intellexit Eugenium IV. Pontificem obiisse , & Nicolaum V. illi successisse , ergo hoc anno ab Incarnatione Domini , non à Natiuitate computando 1446. alias 47. literas , quæ apud nos ipsius vltimæ sunt , ad Nicolaum dedit Ferrariæ die 15. Martij , in quibus pro Sedis Apostolicæ reuerentia , cui ipse diu , & bene inseruiit mortem amarè luget , Nicolao autem omnem felicitatem , & Apostolicas vires , ad su-

stinenda supremæ dignitatis onera precatur , suæque obsequia , sicut Eugenio fideliter præstitit , sic Nicolai nutibus humiliter , ac deuotè submittit .

## C A P. X X.

*B. Alberti Sartbianensis gloriosus obitus.*

**H**OC nobis anno 1447. à natiuitate Domini , Alberto autem ab incarnatione 1446 vsque ad festum Annunciationis obiit Eugenius Pontifex die 23. Februarij , & susceptus est illi , non minoris virtutis vir , Nicolaus V. die 6. Martij , obiit etiam eiusdem anni die 13. Augusti Philippus Maria ex Vicecomitum domo , vltimus Mediolani Dux . Hinc turbulentissima totius Lombardiæ conditio fuit , & Mediolanensium præsertim maximè miserabilis . Defuncto enim Principe , sine filio , vel fratre hærede , rati Mediolanenses tempus illud esse depellendæ seruitutis , quam centumtùm & sexaginta quatuor annos Ducibus è Vicecomitum domo perpetuo succedentibus seruierunt fortius , quam felicius pristinam ciuilis Reipublicæ formam præ vllius absoluti Principis dominatu delegere . Qua ratione se libertati restitutos fore non dubitabant . Sed quali ? extra pugnis , intus timoribus , calamitatibusque captiuæ . Plebs tota hanc regiminis rationem omnino volebat , à paucis quibusdam nobilibus fota ; cum reliqua nobilitas numero minor plebe Principem optabat , sed ipsa in partes discissa : quæ Alphonsum Aragoniæ Regem , tamquam hæredem à Philippo mori-

bundo dictum; quæ Carolum Aureliani Ducem, ut eiusdem Philippi ex sorore nepotem, quæ Franciscum Sfortiam, virum fortissimum, & Principe dignis dotibus præstantem, & Blancæ Mariæ Philippi filię conthoralem, & ab eodem adoptatum filium acclamabant. Nec defuerunt alij, præsertim Veneti, qui ad nobilissimæ Prouinciæ dominationem, seu bello, seu paciscenda pace, & ciuium assensu obtinendam anhelabant.

Atque horum omnium copiæ militares, tam sociales, quam propriæ, Insubriam vniuersam suis agminibus bellico furore, repleuerunt: & quidem Veneti, cæteris magis inuisi, ipsis penè Mediolani mœnibus incubabant. Solus Sfortia, & Philippi affinitate ductus, pro illa aduersus reliquos omnes fortiter, fœliciterque dimicare primum visus est. At ipse quoque, & si specictenus ciuium Senatui, sed reuera sibi mox regnatorio, & urbem, & Prouinciã integrã conseruare studebat, & reliquas conquirere ciuitates, quæ ante Philippo parebant. Sed harum præcipuæ, Mediolanensium exemplo, nec ipsi Mediolano, reliquarum prius Principi, nec ullius viri Principis dominatui, subesse volentes, absolutæ Reipublicæ libertatem sibi statuerunt. Cum tamen hæc ipsis Mediolanensibus ad eò malè successerit, ut per eam coacti sint, primis Magistratibus præficere mecanicos opifices, aliosque vilissimos homines, nec virtute, nec ingenio, nec rerum agendarum usu potentes aut futura prospicere, aut præsentia ritè disponere: atque ad eò Reipublicæ gerendæ ineptissimos, sed solo populari furore fretos. Inde illa agrorum desolatio, & reliquæ cala-

mitates, quas ex Ripamontio superius descripsimus, præsertim in vrbe, agroque Mediolanensi, acerbissima caritas annonæ, quam Bernardinus Corius, his verbis, sed patrio idiomate describit.

Aduenit iam dies vigesimus mensis, & Mediolanenses extrema fame, usque ad eò oppressi fuerunt, ut eam ulterius tolerare non possent, & pauperes plurimi erant, qui pro depellenda fame, non tantum equos, & asinos, sed catos quoque, & canes, ac talpas, seu sorices, aliasque res multas, quas natura hominum abhorret, in delitijs habebant. Ac proinde in publico foro Broleti, ut suauissimi cibi prostabant: nec non, ut & radices absque condimento comederent, contentiones, ac tumultus, nonnumquam concitati fuerunt. Nemo non locuples gustabat vinum, eaque necessitate constricti plures, annosi, & morbidi, per vias, plateasue peribant. Vnde omnia passim planctu, stridore, lamentis plena, nec tamen de alia re loqui licebat, quam de conseruanda illa phantastica libertate. Propterea plurima plebs, quæ hostium discretionem potius, quam inediæ se committere malebat, cum vxoribus, & liberis ex vrbe in agros abibant, vitamque miserrimam in campis tolerabant. Multi etiam consensu Magistratus, ad vicina castella fugiebant, si forsitan incolæ misericordia moti, illos admittere vellent. Sed Franciscus urbem tunc ad deditionem constringens, quamquam summo dolore suo, bellici tamen iuris necessitate, & ciuium obstinatione adactus, præcepit, ut nemo illis succurreret, sed omnes in urbem repellerentur, quo factum, ut multi se in locis desertis abscondrent, & fugientibus viris, ne capti

capti tenerentur , eorum vxores , à maritis derelictæ cum infantibus à pectore pendentibus , & maiusculis puellis vagabundæ per agros incederent , vbi aliud alimentum non reperiebant , quam herbas , radices , & aquam . Multæ virgines , & matrimonio coniunctæ , vt viuere possent , sese cibum porrigent cuique prostituerunt . Ità Corius .

Iacobus Bergomensis in supplemento chronicorum ad annum 1448 hæc addit . Solis defectio hoc anno 4. Kal. Septemb. hora sexta facta est , quo anno maxima , & cruentissima bella multis in locis surrexere : in Anglia enim , & in Gallia , Germania , Flandria , Prussia , Pannonia , Apulia , & vniuersa Italia , & Græcia , cædes , rapinæ , direptiones , incendia , vastationes , & infinita propè mala , & damna subsecuta sunt , sequenti deinde biennio tanta vbique fuit pestis , vt de multis pauci remanserint , maximè Mediolani anno 1450. vbi ad sexaginta millia vrbana multitudo extincta sunt , & per agrum Mediolanensem fœda strage grassata est . Quod quidem malum , præter penuriam magnam , etiam superior Solis defectio , & frequentes terræmotus indicauerunt .

Tunc Albertus noster munere suo Ferrariæ laudabiliter functus , incipientibus his malis compassus , ommissa hispanica professione , Mediolanum profectus est , ibique per fatale hoc triennium circiter , ad mortem suam vsque non destitit per sacros sermones publicos , priuatosque omni charitatis opere , & remedia malis afferre , quæ poterat : nunc providere pauperibus ægris , & derelictis orphanis , ex campestri illa errabunda venere natis , nunc populum , procresque vrbis

monere , vt eiusmodi flagellorum Dei causas , & irritamenta vindictæ , & iustæ iræ Dei , peccata è medio tollerent , ac pœnitentia delerent : vtq; holocaustum Deo pro tot egenorum stragis peccato pecunias suas deuouerent , vtque duraturum sacrificium erigerent , quo ruina vtcumque reparari posset , domum illam hospitalem , de qua ante diximus . Arbitror etiam ipsi , hac occasione sermones illos , coram Francisco Mediolani Duce habuisse , quos conciliares eius iniqui consuluisset diximus . Nec enim citius poterat , nec serius . Franciscus namque non ante initium anni 1450 rerum sua fortitudine , & prudentia potitus , die 26. Februarij summo nobilium , populique plausu in urbem admissus , & Mediolani Dux acclamatus est . Albertus autem sexto post mense , mortalem hanc vitam cum Beata æternitate commutauit .

Virtutum enim , & laborum præmia recepturus anno redemptionis humanæ 1450. & ætatis suæ sexagesimo sexto , quo sacrum Iubilæum celebrabat Romæ Nicolaus V. Pontifex , & Bernardinum Senensem , Alberti religione Patrem , & in sacris rebus magistrum in Sanctorum cathologum solemniter retulit .

Die vero 15. mensis Augusti , in die facerrimo , quod eodem olim Deipara Virgo Maria , Domina nostra , corpore , & anima in Cœlum assumpta credatur , & ea solemnitate celebratur , Alberti ipsius anima , mortali corpore exuta , cœlesti triumpho , ad Sanctorum societatem , & beatam vitam recto tramite , in Cœlum translata est , è sui ordinis cœnobio Mediolanensi , quod S. Angeli vocant , ac tunc extra illius vrbis mœnia fuit . Huius B. Alberti in Cœlum assumptionis

prionis testem nobis Deus esse voluit B. Ioannem Capistranensem, superum spectaculis iam dudum assuetum. Is enim procul Mediolano Birurgij, quod Burgum S. Sepulchri vulgo vocant, in Etruriæ, Vmbriæque confinio, de Dei Matris assumptæ gloria, eodem die sermonem mane ad populum habuit, post quem in communi mensa cum Fratribus prandens in ecstasim raptus est, & sensibus mox restitutus exclamare cœpit, ò me Patres! video animam cuiusdam Fratris nostri in Cœlum euolare, en speciosa vadit, en properat pulcherrima, idque fixo in Cœlum, hilari, & radiante obtutu sæpe repetebat. Inde ad orationem secedens, diuinitus doctus est, animam illam fuisse; cœlestis Euangelij tubæ, Fratris Alberti Sathianensis, tunc sarcina corporis exolutam, idque ad Fratres reuersus reuelauit: mortuus est, inquiens, Frater noster Albertus Sathianensis. Quod ita contigisse, postea comperit, & præsentibus tunc socij Ioannis, alijque eius, & Alberti vitæ scriptores, literis consignarunt.

Alberti corpus in eodem cœnobio sepultum tunc fuisse, plerique scribunt, idque venerabiliter factum, Marianus Florentinus, qui tunc viuebat, affirmat. Sed quo templi, vel conuentus loco, nemo prodit, vt neque quo morbo ad mortem decubuerit. Certè sepulturæ locum notum fuisse oportuit, cum populus ad illum concurreret, & Alberti post ipsius mortem inuocatis suffragijs, necessitatum suarum remedia, per miracula reportabant, vt vitæ, & virtutum serui Dei scriptores vnâ vetusti, nouique narrent, quorum ipsa verba nos postea conferemus, tamen nullum in specie miraculum proferant, ab illo patra-

tum post mortem. At post centum deinde annos hoc est 1551. templum illud S. Angeli, totumque cœnobium à Fernando Gonzaga tunc Infubriæ Rectore, sub Carolo V. Cæsare belli causa, demolita fuerunt, ne hostilibus copijs in proximam urbem commoda forent, & noua fratribus intra mœnia constructa sunt, cum eadem veteri inuocatione Sancti Angeli. Sed quamquam Vvaddingus cum alijs referat, ipsos fratres secum ad nouum monasterium transtulisse, piorum hominum, aliorumque fratrum ossa, non scitur tamen vbi vllus nunc ipsorum iaceat. At si coniecturæ hic locus sit, ego existimem, vel Alberti ipsa, cum alijs venerabilium virorum ossibus mixtim translata, & in vnum noui templi loculum, cum illis ingesta fuisse, vt nullius hodie peculiaris sepulturæ distincta memoria, post ducentos triginta, ac plures annos à morte, & à translatione, centum circiter triginta supersit: vel forassis illum, ex illis sexaginta millibus vrbane multitudinis eo anno Mediolani peste peremptis, vnum fuisse, atque adeo tunc in loco ab alijs separato sepultum, quem deuotus populus, absque periculo contagionis accedere posset. Sed fratres tempore migrationis, locum aperire non ausos, ac proinde B. Viri corpus, destructo conuentu ibi reliquisse, ac temporis diuturnitatem aboluisse memoriam. Vero similis est, quod noui conuentus incolæ tradunt, omnes seruorum Dei, etiam Alberti nostri exuias, quæ in veteri cœnobio sepultæ fuerunt, ad nouum simul cum corpore B. Beatricis Rusconie translatas esse, & circa eiusdem B. Mausoleum repositas, ibique etiamnum iacere.

Verùm dum Alberti caro, vbi-cumque

cumque requiescit in spe, tunc nihil occultum, quod non reuelabitur, quando mortale hoc immortalitatem, & corruptibile hoc induet incorruptionem. Plures profecto in Cælis beati sunt, quorum vel nomina nescimus, etsi in libro vitæ conscripta, quam quos nominatim colimus. Plures quorum corpora, vel in cineres redacta venti per aera rapuerunt, vel aquis absorpta piscibus pastum præbuerunt, vel aliter latent, & amissa sunt, quam quæ integra, vel non integra, cum summa veneratione seruantur, & illa olim proprijs animabus vnita, in Cælis gloriosa conspiciuntur. Nobis interea eorum, quos nouimus præclaræ virtutes, & merita ad gloriam Dei authoris, ad Beatorum virorum honorem, nostramque vtilitatem, & vniuersalis Ecclesiæ exaltationem, hæreticorum confusionem consideranda sunt, & omni, quo licet modo colenda; vt pròinde pia mater Ecclesia Sanctorum omnium Beatitudini per singulos annos recolendæ certum diem constituerit, ne illis nobis, vel non certo, vel nullatenus notis, sua vel communionis Sanctorum, vel debiti cultus pars in Ecclesia militante desit, & vt nos eorum suffragia apud Deum pro nobis interesset precemur.

## C A P. X X I.

*Doctrina Sanctorum Patrum de duplici genere miraculorum.*

**V**T Beati Alberti Sarthianensis miracula vtriusque generis solidius exponamus, præmittenda fuit bipartita hæc miraculo-

rum differentia, in ea, quæ in corporibus, & ea, quæ in animabus curandis perpetrantur, atque vt ipsius differentię ratio, & alterius præ altero genere dignitas clarius elucescat, per quam ista longè maiora miracula, illa minora, communi Patrum sententia reputantur; ipsorum propria verba describenda censuimus, ne in re grauissima nostrum potius, quam ipsorum sensum exprimere videamur.

Itaque Sanctus Gregorius Homil. 29. in Euangelia, miracula illa, quæ Christus eos, qui credidissent, secutura promisit, In nomine meo dæmonia eijcient &c. cum prædicantium laboribus, & operibus pietatis, comparando, hæc ipsa opera, & miracula vocat, & alijs illis miraculis maiora esse docet, quæ nimirum miracula, inquit, tanto maiora sunt, quanto per hæc non corpora, sed anime suscitantur. Hæc itaque signa, Fratres charissimi, auctore Deo, si vultis, vos facitis. Ex illis enim exterioribus signis obtineri vita ab hæc operantibus non valet. Nam corporalia illa miracula ostendunt aliquando sanctitatem, non autem faciunt, hæc vero spiritualia, quæ aguntur in mente, virtutem vite non ostendunt, sed faciunt. Illa habere etiam mali possunt; istis autem perfrui, nisi boni non possunt. Et post pauca. Nolite ergo, Fratres charissimi, amare signa, quæ possunt cum reprobis haberi communia. Sed hæc, quæ modo diximus charitatis, atque pietatis, miracula amate, quæ tanto securiora sunt, quanto etiam occulta: etiam de quibus apud Dominum, eo maior sit retributio, quo apud homines minor est gloria.

Idem lib. 5. Dialog. Cap. 4.

pag. 214. *Sed quid plus queris operis, quando concordabat vita munditia cum studio predicationis, tantus quippe illum feruor ad colligendas Deo animas accenderat, ut sic monasterijs præfessit, quatenus per Ecclesias, per castra, per vicos, per singulorum quoque fidelium domos circumquaque discurreret, et corda audientium ad amorem patriæ cœlestis excitaret. Erat vero valde vilis in vestibus, atque ita despectus, ut si quis illum nesciret, salutatius etiam salutare despiceret: et quoties alia tendebat ad lucra, iumentum sedere consueverat, quod esse despicabilius omnibus iumentis in cella potuisset reperiri, in quo etiam capistro, pro frano, et veruicem pellibus pro sella utebatur. Per semetipsum sacros codices in pelliceis sacculis missos, dextro, laevoque portabat latere, et quocumque peruenisset scripturarum aperiebat fontem, et rigabat prata mentium. Quibus verbis S. Doctor Albertum nostrum graphicè descripsisse videtur: præterquam quod Albertus, nec iumentum habebat, nec pecuniam, qua ipsum conduceret, sed nudis pedibus per vias incedens, iumentum ipse pro Christo factus sacros codices suo dorso vehebat. Ut iumentum factus sum apud te, et ego semper tecum.*

Sed pergit Gregor. lib. 3. Dialogi Cap. 17. pag. 260. cum Petrus dixisset, se præ cunctis miraculis hoc potius existimasse miraculum, quod ad vitam mortui redeant, eorumque animæ ad carnem ex occulto reuocantur. Sic intulit Gregor. si visibilia attendimus, ita necesse est, ut credamus, si verò inuisibilia pensamus nimirum constat, quia maius est miraculum, predicationis verbo, atque

orationis solatio, peccatorem conuertere quam carne mortuum resuscitare. In isto enim resuscitatur caro, iterum moritura, in illo vero anima in æternum victura.

Quam suam sententiam Lazari resurrectionem cum Sauli conuersione conferendo, amplius illustrat Greg. ubi Pauli virtutum exercitia, præ proprijs eius miraculis extollit, & sic tandem concludit. Ecce qualiter viuit, qui ab inferno mente ad vitam pietatis redijt, minus est ergo quempiam in carne suscitari, nisi forte per viuificationem carnis ad vitam reducatu mentis, et ei hoc agatur per exterius miraculum, quatenus conuersus interius viuificetur.

Breuius loquitur venerabilis Beda in psal. 76. Tu es Deus, qui facis mirabilia. Quid mirabilius, quam viuificare mortuos, hoc est, de impijs facere pios, de damnatis in regnum assumptos. Idem in cap. 14. Lucæ lib. 4. cap. 48. tria signa simul in vno homine perpetrata sunt, cæcus videt, mutus loquitur, possessus à dæmone, liberatur: quod et tunc quidem carnaliter factum est, sed et quotidie completur in conuersione credentium, ut expulso primum dæmone, fidei lumen accipiant: deinde ad laudes Dei, tacentia prius relaxentur.

Sanctus Augustinus in psal. 70. tom. 8. pag. 313. col. 1. C. Quæ sunt putas mirabilia Dei? quid mirabilius inter Dei mirabilia quam mortuos suscitare? mortui sunt omnes infideles, omnes iniqui, corpore viuunt, sed corde extincti sunt. Et ibidem col. 2. A. dicam enim audacter, Fratres, sed tamen verum, duæ vitæ sunt, vna corporis, altera animæ, sicut vita corporis animæ, sic  
vita

*vita animæ Deus : quomodo si anima deserit , moritur corpus , sic anima moritur , si deserit Deus . Idem in Psal. 97. pag. 448. col. 1. B. Ecce mirabilia fecit Dominus , sed multo maiora mirabilia sunt , quod totum orbem terrarum , à morte sempiterna erexit , quam quod unicum filium matris viduæ suscitauit . Et secundo loco superius citato . Deus , inquit , quando resuscitat corpus , mundo reddit , quando resuscitat animam , sibi reddit , quasi dicere velit , vt quo magis est , animæ Deus , quam corpori mundus , eo quoque difficilius , est Deum animæ , quam animam corpori restituere , eo maius miraculum sit illud quam istud facere .*

*Sanctus Hilarius lib. 2. de Trinitate pag. 10. col. 2. expectate nihil minus claudorum cursu , Cæcorum visu , fuga demonum , vita mortuorum , querite , & intelligite , circumspicite , vtrum mirabilius fuerit , mortuum resuscitasse , an imperito scientiam piscatori doctrinæ illius intinuisse . In principio erat verbum &c. quæ sequuntur , quasi dixisset maius miraculum esse , ignorantem instruere , quam oculo cæco visum reddere , quo caducarum rerum formæ discernuntur , id quod ipsum Dei verbum renuntiari iubet : Euntes renuntiate Ioanni , quæ vidistis , & audistis . Cæci vident , Claudi ambulant . surdi audiunt , leprosi mundantur , mortui resurgunt , pauperes euangelizantur , Math. 8. His enim tanquam per gradus à minoribus miraculis ad maiora ascendens , mortuorum resuscitationem penultimo loco , sed discipulorum , turbarumque conuersionem , vt reliquorum maximum , vltimo loco pronunciauit . Hoc ipse Christus Dominus iterum Math. 4. eodem sensu*

*expressit , quando Capharnaumitis volentibus ipsum propter frequentiam miraculorum apud se detinere , non respondit se debere alibi quoque similia miracula facere , sed quoniam inquit , & alijs ciuitatibus oportet me euangelizare regnæm Dei , quia ideo missus sum , tamquam ad maius miraculum , ad rem tam arduam , & innatæ , sed corruptæ hominis libertati contrariam , vt quis lapidem in ceram , & glaciem in flammam , quam infidelem ad fidem , aut cor durum ad poenitentiam facilius conuertat , nisi Deus fuerit cum illo , & digito suo vngat eum . Hoc enim miraculum miraculorum est , & corporaliū illorum scopus , & finis . Nam vt Gregorij verba repetamus . Minus est quempiam in carne resuscitari , nisi forte per viuificationem carnis , ad vitam reducat mentis , & ei hoc agatur , quo per exterius miraculum conuersus , interius viuificetur .*

*Sanctus Ioannes Chrysostomus ; Tom. 4. Serm. 4. in epistolam Pauli , ad Philip. longa dictione Pauli propositum explicans , & laudibus extollens , quod ille timens , an dum alijs prædicauerit , ipse reprobis efficeretur , elegerit tamen in laboribus , ærumnis , & periculis huius vitæ , propter gaudium fidei , & profectum fratrum magis , quam certum Cœli dissolui , & esse cum Christo in securâ , & æterna requie , & gaudijs Paradisi Sanctus Præsul hortans auditores suos , vt in idipsum incumbant , ait , nam , carissimi , credere in Christum , & pati pro Christo verè longè mirabilius est , quam cadauer ad vitam reuocare , & cetera miracula facere . Idem rursus Tom. 4. Serm. 32. col. 503. & 504. Quando charitatis est impositum diadema , id sufficit , ad*



ostendendum perfectum Christi discipulum, non solum nobis, sed etiam infidelibus.

In hac enim, inquit, cognoscent omnes quod discipuli mei estis, si alter alterum amatis. Quamobrem hoc signum est in omnibus signis maius, si quidem in ipso cognoscuntur discipuli; nam Paulum quoque propterea admiramur, non propter mortuos, quos excitavit, neque propter leprosos, quos mundavit, sed quoniam dicebat: quis infirmatur, et ego non infirmor? quis scandalizatur, et ego non uror? Nam si decies mille signa ad hac adieceris, nihil dices quod ei possit conferri. Et cum se præponit Apostolis, non dicit plura quam ipsi fecerunt signa, sed plus quam ipsi laboraverunt.

Accedat Ambrosius Serm. 13. qui est 2. de Epiphania Tom. 5. col. 18. B. de conversione aquæ in vinum. Si mirabile est utique quæ defecerant conuiuiis vina supplere, quanto est mirabilius, vitam, quæ est exhausta, hominibus reparasse, utique spiritualem, nam sequitur, et si gloriosum est, aquam in vinum commutare, quanto est gloriosius, peccata in iustitiam commutare, et mores potius temperare, quam pocula? constat enim ex ipsis vasculis illos hausisse ebrietatem, nos baurire iustitiam, illos percepisse vini poculum, nos calicem salutis accipere.

His adiungi possunt Sanctorum Patrum disertæ phrasæ, per quas corporis morborum nomina propria, morbis mentium indubitanter attribuant S. Leo Papa Serm. 2. in Quadrag. graui morbo urgetur, qui carnis voluptatibus emollitur. S. Ambrosius in Euang. Lucæ lib. 4. cap. 4. Tom. 3. col. 71. Non minorem fe-

brem amoris esse dixerim, quam caloribus, itaque illa animam, hæc corpus inflamat; febris enim nostra auaritia est, febris nostra libido est, febris nostra luxuria est, febris nostra ambitio est, febris nostra iracundia est; quæ licet corporis vitia sint, ignem tamen ossibus implicant, mentem, animum, sensumque pertentant. Et infra, uehementior tamen est animi, quam corporis febris, et ideo pro animi voluptate, corporis salus periturumque contemnitur, nec a periculis abstinetur, sic febre libido flagrantior est, grauiusque præcipitat, et inflamat, quod cum ita sit, itatim consequitur maius miraculum esse hanc pellere, quam illam. S. Augustinus tract. 44. in Ioannem. Cæcitas est infidelitas, illuminatio fides, et iterum ut supra non morbos, sed mortem etiam, mentis vitia vocat. Mortui sunt, inquiens, omnes infideles, omnes iniqui, corpore viuunt, sed corde extincti sunt. Sic illi, sic alij Sancti Doctores loquuntur, et rectè quidem, quoniam ea peccata, et mali affectus animi mortalia sunt, quod animæ vita, quæ Deus est, animam propter illa deserit, non minus quam corpus moritur, cum ipsum deserit vita ipsius, quæ ipsa anima est.

## C A P. XXII.

*B. Alberti maiora miracula.*

Quisquis modo scire cupit, quot huius generis maiora miracula patrauerit B. Albertus, Europam, Africam, Asiamque percurrat, interroget Indos, Aethiopes, Aegyptios, Syros,

Syros, Palæstinos, Græcos, Armenos, Cyprios, Rhodios, Cretenses, & qui omnem Italiæ oram inhabitant, inuenietque multo plura, quam nunc fortassis cogitatione complectitur. Inueniet infideles ad vnus veri Dei fidem; & Sanctissimæ Trinitatis confessionem per eum conuersos: inueniet hæreticos Catholicæ fidei pertinacissimos hostes, & sæuos persecutores ab eodem triumphatos: inueniet multorum sæculorum inueteratos schismaticos, quos ille colla sua Pontificis Romani pedibus prosternere fecit. Inueniet perfidos Christi desertores, Mahometi sordibus fædos, quos ille per se ipsum, Dei gratia mundatos, Christo, & pietati restituit, inter quos omnes corporalia quoque miracula perpetrasse, piè credendum est. Quod si negetur, ego de Alberto dicam, quod de Apostolis Christi scripsit Augustinus lib. 22. de Ciuit. Dei cap. 5. in fine. *Si per Apostolos Christi, ut eis crederetur, Resurrectionem, atque Ascensionem predicantibus Christi, etiam ista miracula visibilia, scilicet facta esse non credunt, hoc nobis unum grande miraculum sufficit, quod eam terrarum orbis, sine ullis miraculis credidit.* Ita quod per Albertum tot gentes pluribus, & multifarijs erroribus irretitæ, in tot sceleribus emortuæ, & in malæ consuetudinis puteo sepultæ ad veræ fidei lumen, sine ullis miraculis perductæ sint, & ex impijs, pietati, & Christianæ vitæ perfectioni restitutæ reperiantur, insigne est miraculum.

At ne nos quispiam hæc generalitate aerem verberare dicat certa quædam huius generis miracula, notatu digna selegimus, quæ fidem alijs astruere possunt. Imprimis, quot,

quantisque morbis mentis ægrotasse, quot mortibus extinctum corde credemus, Nicolaum illum Venetum de Comitibus cognominatum qui deserta Christi religione, à iuuentute sua per annos quadraginta Mahometi spurcissimam legem professus est, omnibus ijs vitijs obnoxius, quæ exlex illa lex aduersus diuinæ fidei veritatem, & honestatem morum, vel præcipit, vel permittit, atque hunc ad veræ fidei lumen, è cymerijs tenebris eduxit Albertus, eumque ad scelerum pœnitentiam, integritatem morum, iustitiam, & pietatem reduxit, idque in medio Cayri; quæ Ciuitas Aegypti præcipua, tunc Saracenismi Sedes, Sulthani Babiloniæ, & Mamalucorum Christo rebellium, regia, omnium ex omni Christiano orbe Apostatantium eloaca fuit, inter quos poligamus Nicolaus cum vxoribus, & liberis post totum pene Orientis vagam peregrinationem habitabat, eumque cum alijs victoriarum suarum trophæis, ad Romani Pontificis osculanda vestigia, & œcumenici concilij dogmata veneranda, cum duobus eius filijs, Florentiam perduxit, simul cum Aethiopum, Aegyptiorum, Iacobitarum, Schismaticorum, Hæreticorumque pigrioribus, & solemnium illarum gentium legatione, quos vt ipse B. Vir epist. 64. ad Eugenium Pontificem Rhodo scribens loquitur; magno cum periculo præ rabie Saracenorum, vix tandem ex Cayro, veluti ex fornace ferrea Aegypti, ac tamquam prædam ex ore immanis belluæ eripuimus.

Vt hæc in Aegypto facta sunt, aliud non minus miraculum eodem loci, ab Alberto parratum est, quod S. Chrysostomi sententia verè est lon-

gè mirabilis, quam cadduer ad vitam reuocare, & cætera miracula facere. Perpetuo ardore cupiebat Albertus dissolui, & esse cum Christo: quæ res illi iam prompta fuit, quando per pronuntiatam in eum tum Sultani sententiam, Cayri ferreis vinculis confectus, pro Christi fide tuenda, gloriosam mortem lætus in horas expectabat, quod etsi sibi melius reputasset; Pauli tamen Apostoli zelum secutus illam suam æternam felicitatem, vt differret, & per Christianos liberari se vellet, persuaderi sibi passus est, vt multos Christo lucrificeret, & commissa sibi fidei legatione fungeretur, vt tum verè cum Chrysostomo in Pauli persona scribente, tamquam alter ipse Paulus dicere posset, non audisti me querere, quod mihi utile est, sed quod proximis, vt damnum ipse ex hac mora, & dilatione faciam, quo illis aliqua ad salutem accessio fiat. Et iterum Chrysostomus ad Paulum, & nos ad Albertum.

Quid est quod dicis? nosti, ac pro certo habes futurum te esse cum Christo, & hæsitare, ac dicis: quid eligam nescio; neque hoc tantum, sed etiam hic manere eligis, manere, inquam, in carne, tot nempe ærumnis, calamitatibus, & periculis obnoxia, quot ibi acervat Chrysostomus. Illud præsertim periculum, ne dum alijs prædicaueris, reprobis efficiaris: quod non solus Paulus, sed multò magis alij timere debent. Times, si in hac vita permanes, quid futurum sit. Innumeris malis implicatus es, ac tamen recusas apud Christum esse, recuso, inquit, idque propter Christum, vt quos illi paravi seruos, firmius in illius amore stabiliam, vt ex agro, quem plantaui, fructus extare

faciam. Quid horum tunc Albertus dicere non posset? vt verè mereatur encomium, quod Chrysostomus Paulo acclamauit: nihil Alberti anima beatius, quoniam nihil magis etiam generosum.

Neque hoc Alberto hac vice tantum euenit, sed iterum, ac tertio, pluries. Nam dum in prima sua legatione, & commissione Terræ Sanctæ dies aliquot Bethlemij, contemplandis Christi cunis, moram traheret, tunc interim Hierosolymis capti duo fratres, Antonius, & Lueas in vinculis tormenta fortiter pro Christo ferebant: ille vero, vt vigilem pastorem decuit, ipsos per epistolam consolatus est, & ad martyrium porro consummandum feruenter corroborauit, quam epistolam, de se ipso loquens, his verbis conclusit.

*Quod si viua presentia mea paruitatis vobis necessaria est, ego ad vos mundo resistente, medios inter gladios conuolo. Non enim me vetat metus; sed ne incenso iam igni, qui vel carnales, vel impios cruciat, oleum adieciisse blasphemem: maxime vobis fortiter, & inconcusso corde perseverantibus. Valete dilectissimi Christi testes, & dignissimi confessores, & inter catenas, & fustes, mei nominis mementote, vt Christi pietas socium me vobis faciat penæ, quem fecit comitem desiderij. Ecce desiderij comes erat, fieri penæ quoque socius cupit, desideratissimi martyrij Corona iam illi parata fuit, dummodo se alijs adiungeret, cælum apertum, & Iesum stantem à dextris virtutis Dei, pro se pugnaturum, etsi non vt Stephanus viderit, certè vt fidelis credidit, & pro comperto habuit. O Alberte cur non accedis? cur non*

non conuolas ? cur aliorum oblata coronæ particeps fieri, ac socius esse non vis ? cur pro Christo cum Stephano Protomartyre, & cum Christo martyrum capite Hierosolymis triumphare recusas ? *Non*, inquit, *quod pugna metus me vetet, sed quia vobis inconcusso corde perseverantibus* vtile non est, vt veniam, sed propter alios necessarium, vt maneam, *ne*, inquit, *blasphemer, accenso iam igni oleum infudisse*, furem tyranum sine causa amplius irritasse, vt vel omnes ditionum suarum Christianos, vel saltem Religiosos occidi, & sacra Christi loca incendi, demoliri, excidi iuberet, ne fidei causam non promouisse videar, orate ergo, vt Christi pietas, meliori occasione me faciat esse socium coronæ, quam quidem vehementer cupio, sed modo nolo, ne propter id, quod mihi melius cognosco, alijs deterius eueniat, ne multi infirmi, etsi modo fideles, sed persequentium atrocitate terrii Christiana signa deferentes ad Mahometi castra confugerent. Non audistis Albertum non querere, quod sibi vtile, sed quod proximis, vt damnum ipse ex martyrij dilatione faceret, quo fides fructificaret, & aliqua fidelibus ad salutem accessio fieret, & abessio vitaretur.

Tertio hinc loco, cum per longi temporis frequentem, feruentemque instantiam senex tandem, & morti vicinus obtinuisset Pontificis Romani, & ordinis maiorum licentiam prædicandi cunctis infidelium nationibus, quantumvis remotissimis, & iter in Hispaniam pararet, vbi Mauritanici Regis iussu cremandus, aut discindendus, holocaustum Christo acceptum facile fieri posset, hanc etiam profectionem suspendit, & co-

ronam, quo prolixius eò feruentius desideratam, ob aliorum necessitates distulit. Intellexit nimirum spirituales, corporales, ac temporales calamitates, quibus dilecti sibi Mediolanenses opprimebantur feruente pestilentia, & publica fame per vrbem, agrumque grassantibus, furentibus foris bellis, & intus dissidijs. Absolutis ergo sermonibus, quos anno 1447. iubente Pontifice, per ferias sacri ieiunij ad Ferrarienses habuit, illicò Mediolanum reuersus, populum illum doctrina, & omni pietatis opere, vsque ad mortem suam iuuare non destitit, nec ipse tamen cœlestis triumphi voto decidit. Nam in hoc agone fortissimè decertans, sanctiori igne diuini amoris incensus, & fraternæ charitatis flamma subuectus, cernente per visum Ioanne Capistrano, relicto terribili mortali corpore, ad immortalem vitam gloriæ stola ornatus, triumphantis instar, velut alter Elias, relicto pallio, recto tramite in Cœlum translatus est, sed nos ad morbosos vitio, & anima mortuos redeamus.

Inter hos forte primus fuit Petrus ille cognomine Bonus, sed corpore, & anima tunc malè affectus, vt quem ipse Albertus epist. 3. (quam mense Nouembris ab eo scriptam arbitror) à Kal. Iunij molestijs, & angoribus contrariæ valetudinis, præsertim totius capitis oppressum esse refert, vt penè in insaniam prolapsurum, non tam capite, quam cerebro carere putauisses, & doctissimi medici, cum facile quam primum vita excedere vererentur: atque, quod animam attingeret, vanissimæ, & perditæ vitæ hominem vocat, quem aliarum cupiditatum iam pridem perniciofa oblectatio eo adduxisset, vt animum ad  
virtu-

virtutem comparandam, & si agrè, sed sæpe conatus respondisset, quasi mortuus, & in puteo malarum consuetudinum sepultus. Vides ergo mentem insanam, in corpore infano? vides perdita vita emortuum in puteo peccatorum, tamquam in sepulchro fetentem, & malæ consuetudinis infestis ligatum, vt crederes Christum necessarium fore, qui Lazarum hunc alterum, & lacrymis suis, & potenti clamore solus ad corporis sanitatem, & animæ vitam reuocare posset.

At B. Albertus Christi gratia, vtrumque præstitit. Ipsum audiamus: cui cum ad recuperandam valetudinem diligentissimè affuissem, cum verò postquam ad sese redijt, in consilijs capiendis, quibus saluti suæ consuleret, non instantissimè modo, sed serè importunè, atque etiam acerrimè institi, nihil equidem ipsi blanditus sum, nihil penitus assentatus; itaque cum illum exhortarer, vt leuare se animi ægritudine, quam ægrotatione corporis mallet, & suaderem, vt vanissimæ, ac perdita vitæ suæ, & re, & animo prorsus renuntiaret, assentiri se, & placere sibi suasiones respondit. En hominem à corporali capitis, & cerebri ægrotatione per diligentissimam Alberti assistentiam liberatum, & è mystico animæ sepulchro, eius consilijs, suasionibus, exhortationibus euocatum, & extractum. Sed adhuc ignauia quadam, & præteritæ consuetudinis oblectatione, fascia ligatum, pedibusque, & manibus, ad comparandam virtutem impeditum, vnde Christus dixit, soluite eum, & sinite abire; nempe iam viuum, qui fuit anima mortuus, iam corpore sanum, qui fuit capitis, & cerebri ægrotatione oppressus, & hoc meo quidem sensu, per corporale

miraculum; quid enim his malis conferre poterat diligentia, & assistentia naturalis Alberti, quod doctissimorum medicorum peritia non poterat, sed consueta humilitas vetuit Albertum, ne miraculum clarius exprimeret: quæ eadem suasit, ne ipse ligamina penitus solueret, sed vt Christi exemplo, illum ad alium remitteret, qui ipsum, vt ait, penè quondam mortuum ex puteo malarum consuetudinum liberaret, & extraheret, hoc est, vt solueret, & sineret abire, vt Lazari imaginem hic per omnia delineatam videas.

Hac re posterior tempore, sed pro potiori parte, par illi dignitate fuit conuersio alterius, adeò indurati peccatoris, vt planè desperaret emendationem, cum impossibile sibi persuaderet se deserturum scelus, cui per consuetudinem immersus fuit, & tamen facili consilio Alberti, eiusque precibus apud Deum intra paucos dies contritus, & pœnitens ad ipsum redijt, nec deinceps quiduis magis abhorruit quam quod ipsum prius tantopere delectabat, quod cum nos ante plenius retulerimus, hic non amplius explicamus.

Non minus mirabilis fuit mutatio vitæ Francisci à Ligamine Patauini, qui prius licentiosè viuens, deinde creatus Episcopus Ferrariensis, & ab Alberto, ceteroquin amico, de sacræ dignitatis officijs per epistolam admonitus, voto etiam, & precibus apud Deum pro illo fufus, in alium virum repentè mutatus, insignis admiranda bonitate Præsul, & apud optimos, maximosque Pontifices magnæ æstimationis euasit.

Sed & ciues Mutinenses, nunquid multa febre phrenetici fuerint, quando ciuitatem suam in Guelforum, Gibel-

Gibellinorumque factiones diuifi, quotidianis eadibus, & fraterno sanguine, per multum tempus crudelissimè fœdabant? sed vno, vel altero Alberti sermone, & priuatis colloquijs, eo reducti sunt, vt odia ipsa summo odio haberent, atque statim deponerent, mutuxque dilectionis igne accensi, publica instrumenta solennĩ stipulatione firmauerint, quibus ipsam dissidiorum originem, suadente Alberto, radicitus auerruncarunt, vtque perpetuæ legis vis illis accederet, inrerpositis apud Principem B. Viri precibus, & hortatu impetrarunt.

His adde, si libet, similem Brixiensium pacificationem, & alios apud eos B. Alberti Euangelici effectus, cuius officij prudenti dilatione plus illis profuit, quam si citius accessisset, &, vt Fabius, cunctando, rem opportunè restituit.

Hæc demum, & alia multa (quæ ne ipse multus sim, auctorum Alberti lectoribus meditanda relinquo) quantæ apud homines gloriæ esse debeant, nemo Christianus est qui non facile percipiat: quanti item & Alberti operantis, & eorum in quibus operatus est meriti sunt apud Deum, vel vna Chrysostomi sententia satis, superque nos docet; sic enim ait, tom 5. col. 951. orat 5. aduersus Iudæos. *De fratribus collapsis cogita, putatoque te thesaurum reperisse, nimirum occasionem illis medendi. Etenim si instillaueris illis velut oleum, sermonis doctrinam, si obligaueris humanitate, temperantiaque vulneratum, si sanaueris, ille faciet te ditiores quous thesauro. Qui enim adduxerit pretiosum ex indignitate, tamquam os meum erit, inquit ille. Quid huic poterit equi-*

*parari? quod neque ieiunium, neque bumi peractæ cubationes, neque peruigilia, neque aliud quidpiam potest efficere, efficit fratris procurata salus. Cogita quam multa os tuum peccauerit, quam multa verba obscena protuleris, quam multa conuicia, quam multa maledicta euomueris, & omnino suscipies collapsi curam, nam hoc vno benefacto, omnem illam delere maculam poteris, & quid dico delere? facies vt sit os tuum, sicut os Dei. Quid huic honori possit equiparari, non enim ego ista polliceor, ipse Deus hoc dixit. Si vnum quempiam eduxeris, inquit, vt os meum erit os tuum, purum, sanctumque.*

Quam sanctum igitur oportet fuisse os aureum B. P. Alberti Sarchianensis, qui non vnum solum eduxit, nec paucos tantum illos, quos diximus, sed omninò innumerabiles; ex diuersis mundi regionibus, ex tam varijs, inueteratisque erroribus, ex tam grauibz vitijs, enormibusque peccatis, in quibus variè horrendæque morbidi, ac iam anima mortui, & sepulti iacebant, ad Catholicam Christi fidem, ad matris Ecclesiæ gremium, ad Seraphicæ Religionis asyllum, morumque integritatem, sanctimoniamque perduxit, vt qui sexaginta annorum vitam omnem, sermonis doctrinam, & cœlestem sapientiam, vel sibi copiosè hauriendo, vel egentibus, vt oleum laboriosè instillando, impendit.

Quam puram oportet fuisse beatam illam animam, in qua de ergastulo carnis liberata, purgatorius ignis, nec leuem culpæ maculam, quam absumeret, nec penæ reatum, quem deleteret, nec stipulam, aut sœnum, quod vreret, inuenire potuit.

Sed

Sed quæ de carne, de mundo, de dæmone, de culpa, de pœna triumphans, pura, & gloriosa in Cælum recta migravit, nobis in terra cum corpore relinquens heroicæ virtutis exempla, quæ Deo iuvante imitemur; illustria prodigia, quæ deuotè miremur; & ingentium meritorum suffragia, quæ quantum Sancta Mater Ecclesia permittat, supplices inuocemus.

### C A P. XXIII.

*Minora Alberti miracula, & posthumæ veneratio.*

**E**X numero Scriptorum, qui venerabilis huius serui Dei acta fusius describunt, vel breuem aliquam eius mentionem faciunt, multi sunt, qui miraculis clarum, qui clarissimum fuisse, qui etiam post mortem miraculis claruisse, qui Deum per ipsius merita multa miracula operari, qui multis miraculis claruisse, qui multa miracula fecisse, qui post mortem miraculis coruscare, qui miraculis à Domino illustratum affirmant, qui denique illum in eorum numero æque collocant, quos ipsi miraculis clarissimos, magnisque prodigijs coruscare testantur. Atque istæ horum formulæ sunt, quorum nomina, ætates, & integra testimonia sequenti Capite proferemus.

Quod autem generali hac assertionem contenti fuerint, nec ullam ex ijs miraculis, quæ Albertus Mediolani post mortem patrasse dicitur, in specie narrent, id partim tunc viuën-

tium negligentia, sed præcipuè extremis eo tempore Mediolanensium calamitatibus adscribendum existimo quando qui vel scriptores, vel oculati testes esse possent bello, pestilentia, publica fame, per plures annos afflictissimi, & his malis depellendis magis intenti, nec seruatorum Dei actis pernotandis, multo minus publicis eorum tabulis compingendis, occupari possent, sed inter perpetuas clades, in vrbe pariter, & agro, in dies, atque horas miserandis modis perirent. Nec minus per sæculum subsecutum varias, multasque huiusmodi Mediolanensium calamitates, illius vrbs, & prouinciæ historiarum scriptores referunt. Vetus denique cœnobium ipsum exterius S. Angeli circumcollocatis Heluetis Borbonij castris, in quibus etiam Hæretici fuerunt, nocturno incendio conflagrasse ferunt, anno circiter 1550. Quo casu dispersi incolæ, partim exterius morabantur in ipso semiuirato cœnobio, partim in hospitio Urbano Viridarij, & alijs pijs locis, quæ intra urbem ad veteris cœnobij regimen pertinebant; translata illuc ea suppellectile, quam flammis præripere potuerunt, dum aliud ædificium eiusdem nominis S. Angeli, quod hodie extat, in apto Vrbs loco pro ipsis erectum fuit, iactò primo ipsius lapide anno 1552. die 21. Feb. demolito funditus veteri habitaculo, ut nullum eius vestigium amplius existat, ut mirum non sit, inter tot ruinas, & rerum perturbationes, per longissimi temporis intervallum, perisisse cartas, aut etiam legitima documenta, si quæ de Alberto, aut per ipsum scripta ibi aliquando fuissent. Neque verò hæc, seu hominum incuria, seu temporum aduersus casus, Alberto soli nocue-



nocuerunt, sed alijs quoque pluribus Dei seruis, qui per ea tempora, in eodem veteri cœnobio S. Angeli cum sanctitatis vitæ, & publica miraculorum opinione, & fama, mortalem suam vitam finierunt, vsque adeò, vt neque quo loco sepulti fuerint, aut hodie iaceant, posteris innotescat, sed tempus æris, ac marmorum edax memoriam rerum cum corporibus deglutiuit, manente, vt rei notoriæ, generali illa miraculorum publica fama, tum per ora hominum successiue viuentium, tum in perpetuis scribentium notis.

Non defuerunt tamen ex his ipsis Scriptoribus, qui aliqua miracula per viuentem Albertum patrata, per occasiones commemorant, vt quod cacodæmonem, cui specie laruarum, prophetico spiritu detexerit, idque suis auditoribus per spectrum territis, disturbatisque inclamando, potenti virtute vocis disparere protinus, ac disperire fecerit. Quod Christus Dominus noster Albertum ipsum inedia in deserto deficientem visibili sua diuina præsentia, & familiari colloquio confortauerit, allatisque cibis refocillare dignatus fuerit. Quod per plures dies in fortitudine cœlestis illius cibi ambulauerit, dum vasta solitudine superata, ad ea loca peruenit, in quibus terrenos cibos reperit, quibus deinceps pascebatur, & hoc in Moyse, & Eliâ miraculum fuisse, & quomodo contingat, fusè disputat Abulensis lib. 3. Reg. cap. 19. q. 8. Cur non ergo etiam in Beato Alberto, quantumvis illi pluribus diebus, iste paucioribus, ambulauerint in fortitudine, seu virtute cibi illius. Quod felicem eius animam è corpore in Cœlum, recto tramite glo-

riosè properantem, diuino ostento viderit B. Ioannes Capistranus, tum corpore procul absens. Qua cœlesti visione statim euulgata facile fuit, vt Mediolanenses, alijsque in pristina sanctitatis Alberti opinione roborati, vsque adeò fuerint, vt in suis necessitatibus eo confidentiùs in Cœlo, vt piè credebant, viuentis ad ipsius præsidium confugiebant, multosque fauores, & malorum remedia, à diuina bonitate per ipsius inuocationem retulissent, vt constanti Scriptorum attestatione factum traditur.

Nobis etiam posterius innotuit Sarthianenses aliquos, diebus nostris affirmare, se à periculis vitæ, & ærumnis fortunæ per Alberti inuocationem liberatos fuisse. An etiam Regni Cypri excidium? an Bartholomæi Rouerellæ fortunas? an triumphum illum suum in Cœlos postea ductum? quæ cum ille prænuntiaret, futura erant, & postmodum re ipsa secuta sunt, prophetico spiritu præuidisset, aliorum iudicio relinquo.

Quod ad Alberti sanctitatis, vel Beatitudinis cultum attinet, certum imprimis ipsum, nec Beati nomen, nec Ecclesiasticum cultum à Romano Pontifice, huc vsque per canonicum ritum retulisse, neque constat causam in curia motam fuisse, verumtamen veteri more ab ipso anno 1450. quo obiit, per ducentos huc vsque ac triginta, & amplius annos Beati titulum, & communem æstimationem perpetuo loquentium pariter, atque scribentium vsu, & consuetudine obtinet, vt liquet ex ijs, quæ hæcenus diximus, & ex Scriptorum testimonijs, quorum succedaneas ætates, & verba capite sequenti profereamus. Quando Mediolani post mor-

tem, vt multi Scriptores testantur, miraculis, & prodigijs clarissimus fuit, cultum etiam illis correspondentem, qui nondum tunc prohibitus fuit, cum habuisse, supposita veritate miraculorum negari non potest, cum venerabunda inuocatio, & vota gratiarum sint correlatiua miraculorum, & hæc multo tempore post Alberti mortem, percerebuisse indicant Scriptores, qui diu post mortem serui Dei de eius miraculis, tanquam de illis, quæ tunc fiebant, præsentis sui ipsorum tempore loquuntur, vt Capite sequenti ad notam anni 1480. ubi *per Alberti merita Deus operatur multa miracula*, & ad annum 1588. *maximis coruscant prodigijs*, nempe Albertus, & alij, quos author ibi nominat, quod autem & nunc fieri non audiamus, non defectus meritorum Alberti in causa fuit, sed quod cessantibus calamitatibus Mediolanensium, etiam cessauit inuocationis deuotio, ac deinde per incendium, ac demolitionem conuentus, ac per confusionem tumultuariæ transmigrationis fratrum, intra urbem perierint monumenta veteris cœnobij, & notitia tam pristini, quam posterioris sepulchri, atque hinc refriguerit posteriorum deuotio, quæ præsentibus, ac notis seruorum Dei monumentis magis, quam vetustarum rerum auditione mouetur.

Neque res noua est, etiam absque his causis cessare, vel non tam frequentia esse miracula Sanctorum, etiam Canonizatorum, decursu temporis, quam fuerint in vita, vel non adeò longè post mortem. Imo instar magni miraculi est in Sanctissima Matre Dei, & S. Antonio Patauino, quod ab operandis miraculis nunquam cessare videantur, cuius rei

causa in arcana Dei consilia magis referenda est, quam nostra curiositate scrutanda.

Nec eo minus æstimandi sunt Sancti, quod vnus præ alio, plura, vel pauciora miracula faciat, nam, vt teste S. Augustino lib. 83. qq. q. 79. *Ideò non omnibus Sanctis miracula attribuuntur, ne perniciosissimo errore decipiantur infirmi, existimantes, in talibus factis esse maiora bona, quam in operibus iustitiæ, quibus vita æterna comparatur*: sic non omnibus Sanctis conceditur perpetua operatio miraculorum, ne pari errore, pluris fiat perpetuitas miraculorum, quā sanctitas operum, aut ne magis Sanctus putetur, qui plura facit miracula post mortem in terris, quam qui cum paucioribus miraculis, fortè multo plus gloriæ habet in Cœlis, aut propter alias causas soli Deo notas. Quapropter, vt ante diximus, cum Paulus se præferret Apostolis non dixit, *quia plura quam ipsi signa feci, sed quia plus omnibus laboraui*.

Sed quidquid Mediolani fiat, non desunt alibi signa veteris venerationis B. Alberti, nam in pariete Ecclesiæ Fratrum Min. oppidi Sarthianensis, iuxta maius altare, à parte sinistra, vt sacræ reliquiæ obmuratæ, cum veneratione seruantur duæ epistolæ propria ipsius B. Alberti manu scriptæ, & appensa desuper eius imago depictis circa caput radijs, cœlestis gloriæ indicibus, quæ imago ibi posita fuit multis annis ante Urbani VIII. decreta de his rebus edita. Nec desunt qui pro sua deuotione illam supplices frequentant, & affirmant se aliquando, interposita apud Deum inuocatione B. Alberti, exauditos fuisse. In templo quoque con-

uentus

uentus S. Francisci Citonienſis non procul Sarthiano, in quodam tabernaculo ſupra altare, quod S. Bernardini vocant, cum quibuſdam ipſius S. Bernardini reliquijs extat etiam liber Miſſalis cartæ pergamenæ M. S. quo olim cum licentia ſuperiorum vtebatur B. Albertus, vt in ipſius libri principio, & ſine antiqua manu notatum eſt, atque hic liber pro ſacra B. Alberti reliquia, ibi cum veneratione aſſeruatur, & aduentantibus perſonis deuotis reuerenter oſtenditur, non ſecus quam reliqua pro reliquijs S. Bernardini.

In Eccleſia etiam eiufdem ordinis Capiſtrani in Aprutio, cum ſcriptis B. Ioannis Capiſtrani eſt codex ille M. S. operum B. Alberti, ex quo nos deſcripſimus maiorem partem eorum operum Alberti, quæ hoc volumine exhibemus, & vt illa B. Ioannis, ſic iſte B. Alberti decenti, ac deuota cuſtodia, & veneratione ſeruatur, vt Alberti reliquia. Nec aliud nobis de eius miraculis, aut poſthuma veneratione hætenus innotuit: præter aliam depictam eius effigiem, quæ radiis ornata caput cernitur, in Sacrario Templi Aracelitani in

Sancta hac Vrbe  
Roma.



## CAP. XXIV.

*Alberti virtutum, miraculorum,  
& Beatitudinis fama, conſtan-  
tibus ſcriptorum testi-  
monijs perpetua.*

**P**oggius Florentinus in ijs <sup>1429</sup>  
literis, in quibus alios ple-  
rosque ſeruos Dei vituperat,  
ipſius Alberti reſpondentis  
teſtimonio, cum ſic laudauit.

*Sed quia me ab iſtorum vulgo exi-  
mis, ac per hoc non vulgarem, ſed  
ſingulari quadam & vita, & do-  
ctrina peditum me egregium facis,  
habeo huic exiſtimationi tuæ de me  
tam bonæ ingentes gratias, ſimulque  
in eare tibi gratulor plurimum, cum  
ex bene inſtituto animo tuo, hac tua  
de me opinio certe proſciſcatur: ta-  
men Alberto tuo, tibi quidem ex  
animo vera teſtanti credas velim,  
complures inter hos fratres eſſe, qui  
cum aſpectu, & auditu iuſtiores,  
tam verò eruditionis præſtantia,  
longe me doctiores exiſtunt.*

Idem Poggius in epiſtola excu-  
ſatoria ad B. Albertum, quæ <sup>1430</sup>  
ſic incipit.

*Tantum abeſt mi Alberte, vt gra-  
uiter ſeram, quæ à te ſcribuntur, vt  
etiam maximas tibi & habeam, &  
debeam gratias: quod me pro tua in  
me beneuolentia, & ebaritate admo-  
nere voluiſti, eorum, in quibus me  
aberraſſe in meis literis arbitratus es;  
non enim ſum is, qui tantum meis  
viribus conſidam, vt non aliorum*

quoque opibus subleuari velim, atq;  
adiuari ad errores vitæ corrigendos.

1430. Guillelmus Cafalensis Ordinis  
Minister Generalis, in literis  
ad Albertum datis, & in  
ipsius Alberti epistola, nobis  
28. allegatis.

*Te igitur, mi Alberte, liberum  
facio ad quascumque predicationes  
sumendas, si tuo desiderio satisfac-  
tum iri à me potest: tecum enim fa-  
miliariter agere, nostra iam confir-  
mata facit consuetudo, quia nemi-  
nem mihi magis familiarem inuene-  
ram, qui posset vitæ, moribus, &  
doctrina Viterbiensis Ciuitatis pe-  
riculis providere,*

1432. Eugenius IV. Pontifex in literis,  
quibus Albertum constituit  
Vicarium generalem totius  
Ordinis Min. 15. Kalend. Au-  
gusti.

*Tribuit autem nobis Altissimus;  
ut quam primum tu à nobis in Vi-  
carium ordinis usque ad nouam crea-  
tionem Generalis creatus fuisti, ma-  
gnam exinde habuerimus consolatio-  
nem; cœperimusque intelligere te,  
præstante Domino, futurum lapidem  
illum angularem, qui, quod sæpe &  
diu diximus optasse, nec unquam  
consequi potuimus, utrumque parie-  
tem coniunges, & utraque unum  
facies.*

Idem Pontifex in alijs, quibus  
B. Ioannem Capistranum,  
vltramontanarum Prouincia-  
rum Vicarium ab Alberto  
institutum confirmat kalend.  
Septemb. anno eodem.

*Et tandem deliberatione matura  
dilectum filium Albertum de Sar-  
thiano, dicti Ordinis professorem, Pro-  
uincie Ministrum elegerint; cuius  
electio non paruum nobis consolatio-  
nem, ac letitiam attulit; cum com-  
probata integritatis, & præcipue  
doctrina, & prudentia existat, &  
grauitate morum, & consilio præ-  
stans, ut longa experientia nobis in-  
notuit, de cuius vitæ, moribus, &  
doctrina, ac religionis zelo, & refor-  
mationis ordinis ardenti desiderio,  
in Domino plurimum confidentes.*

Plura ad Albertum, ac de ipso de-  
dit Eugenius diplomata, & priuatas  
litteras, quæ nobis ad manum non  
sunt; sed in quibus dubitandum non  
est, eius laudes per ipsum celebratas  
fuisse, qui etiam in perpetuum suæ  
de ipso opinionis testimonium ad la-  
tus suum illius assistentis imaginem,  
aneis Vaticani templi valuis expres-  
sam perennare voluit,

Philippus Bendedeus, de quo 1434.  
sic etiam ipse Albertus epi-  
stola 33.

*Qua tu mihi, ea opinione, ea exi-  
stimatione, ac veneratione loquaris,  
tamquam si vnus è Patribus sancti-  
monia, atque eruditione clarus, in-  
signiter euasissim; quod ego prorsus  
laudis genus reijcio, ob idque ma-  
ximè in ipso buius epistolæ nostræ  
principio dixi tuarum literarum  
maxima*

*maxima iucunditate me omnia affecisse, præter laudes meas, in quibus omnibus, pace tua dixerim, tuo vitio, parum ineptè dicta attribuis; qui ausus sis, me homunculum imperitum, qui vix scripturas sacras, pene dixerim, adhuc totas diligenter perlegi, & sacrarum literarum interpretem, & Evangelicæ legis tubam licentiùs, facilius ne dixerim, leuius nominare.*

Paulus Veronensis similes Alberti laudes scripsit: hic eas ita refellit: & sibi ignaro, & extremæ professionis abiectissimo abortiuo, eas deesse humiliter affirmat, simul eleganter, & humaniter ostendens, Paulum non proinde mentitum esse, ut qui dixerit quæ credebatur, quamuis non quæ essent,

1439. Eugenius IV, Pontifex in literis ad Æthiopum, & Indorum Imperatores. Kal. Septemb; an. 1439.

*Mittimus ad tuam celsitudinem dilectos filios Fr. Albertum de Sarchiano, ordinis B. Francisci, Commissarium nostrum in partibus Orientalibus, & eius socios; suntque omnes viri, utique cum sacra Dei doctrina pleni, tum etiam in timore Domini, & eius vijs ambulantes.*

Idem in alijs ad Cophtos, & eorum Prælatos eodem anno Non. Iulij,

*Prouis ex decreto inde confecto, quod vobis ostendet dilectus filius Albertus de Sarchiano, ordinis Minorum professor, lator huius, vestra deuotio apertius discet.*

Idem in alijs ad ipsum Albertum profecturum 2. Kalendi. Septemb. eodem anno.

*Ad personam tuam; quæ quidem potens opere, & sermone, in magnis, & arduis, familiari experientia comprobata est, dirigentes aciem mentis nostræ, ac sperantes, quod ea, quæ committenda tibi duxerimus, pro bonore Dei, & propagatione Christiani nominis diligenter, & fideliter prosequeris; te in partibus Orientalibus India, Æthiopia, Aegypti, & Ierusalem Commissarium nostrum facimus.*

Ioannes Alexandrinus, & per 1440. totam Ægyptum, Libiam, Æthiopiam, Pentapolim Occidentalem, & Africam Patriarcha Iacobitarum ad Eugenium IV. Pontificem,

*Post hac refero tuæ magnæ Sanctitati sacratissimam, & honoratissimam scripturam tuam, per benedictum filium tuum, & honoratum Sacerdotem Fr. Albertum, ad manus meas peruenisse, & infra. Idem benedictus filius, venerabilis Albertus reddidit mihi duas imagines. Ceterum quædam eidem Patri commissimus, quæ literis mandare non possumus, sufficiet itaque ipse quicquid ijs literis deest: cui referenti tuæ Beatitudo plenam fidem dare dignetur.*

Philothæus Patriarcha Alexandrinus, ac totius Ægypti Græcorum, in literis ad Eugenium Pontificem. 1440.

*Mea humilitas, Beatissime Pater, audiens quæ tuæ magnæ Sanctitatis à filio meo in Spiritu Sancto Fratre Alberto Monacho ordinis Minorum misso in Aegyptum referq, scilicet, buc ad nos veniens detulerit sanctissimas literas sanctitatis tuæ,*

1441. Andreas Abbas S. Antonij in Ægypto eiusdem Patriarchæ & gentis Iacobitarum legatus in oratione habita ad Eugenium Pontificem, in generali congregatione Concilij Florentini.

*Vt nos (Aethiopes Iacobinos) per dilectum filium tuum Albertum ordinis Minorum, ad unionem querendam inuitares, & infra: quemadmodum poterit enarrare idem Fr. Albertus, qui multa tecum pericula, multis subiit labores, pro hac dignissima unione fidei Christianæ.*

1441. Nicolaus de Comitibus à quadraginta annorum Saracenicæ apostasia conuersus, cum in Concilio Florentino, prædicante de fide Beato Alberto, durante sermone perpetuo fleuisset, causam interrogatus respondit, fletus sui causam fuisse, cæcitatem Saracenorum, & ingratitudinem Christianorum, quod scilicet isti non adeo studeant illorum conuersioni,

*Nam, inquit, si ille sermo in medio Cæri predicaretur, tunc ex centum millibus Saracenorum, qui di-*

*centem intelligerent, octuaginta sex millia conuerterentur.*

Accedit Illustris Cardinalium, qui Alberti sermoni cum Eugenio Pontifice tunc aderant, de Alberti fidei zelo, & prædicationis efficacia opinio: dicebant enim, cum Pontifice colloquentes, si fides Catholica in cæteris extincta fuisset; eam tamen in Fr. Alberto conseruatam, & in reliquis, per ipsum suscitatum iri: ea hyperboli expressius enuntiantes, quam excellentem opinionem, de Alberti virtute conceperint.

- Eugenius IV. Pontifex in literis, quibus Alberto confirmat electionem ipsius in Ministrum Prouincialem Prouinciæ S. Antonij 16. Kalend. Augusti, 1442.

*Meruit ardens tuæ religionis zelus nobis pridem cognitus, & magna in nos, Sanctamque Romanam Ecclesiam fides, probataque in tuo ordine virtus tua singularis non dubie promerentur, ut ea tibi concedamus, per quorum impositum tibi onus, maxima ordini tuo commoda confidimus prouentura,*

- Æneas Syluius Piccolominus, 1448. mox Pius II. Pont. in libro M. S. de viris illustribus loquens ibi de S. Bernardino Senensi:

*Plures reliquit suarum virtutum imitatores, è quibus præcipuus fuit Albertus de Sarrhiano, qui eloquentiam doctus sub Guarino, literisque secularibus apprime instructus, & ipse postea Minor factus, sub Bernardino*

Tom. I.  
Opera Bernardi post eius mortem.

*ardino eloquentiam Dei didicit, predicauitque populis cum magna gratia. Hunc & Eugenius Pont. Max. Hierosolymam misit, ut specularetur facta Soldani, qui reuersus, & Aegypti, & India negotia, uti se haberent, edocuit, & quomodo vinci possent, monstrauit.*

1450. Franciscus Sfortia Primus illius nominis Dux Mediolani, cum cum adulescentes in Albertum concitarent, in hæc verba respondisse scribitur.

*Fratri Alberti sermo usque adeo nobis non displicet, quin eo potius acceptior sit, quod ille munere suo recte fungatur.*

1451. B. Ioannes à Capistrano, in epistola ad Franciscum Barbarum scripta anno 1451. 17. Kal. Aprilis, in registro Vicariatus generalis ipsius Beati Capistrani pag. 15. septimo mense post Alberti decessum.

*Vt frequenter didici ex ore nouelli nostri B. Bernardini, recolende memorie olim Fratris Alberti Sartbianensis, & nuper Fratris Antonij de Betunto, quos tua dignos amicitia puto.*

1454. Idem in epistola ad Aquilanos Cracouiæ 12. Maij anno 1454.

*Audistis predicantes S. Bernardinum, Fratrem Albertum à Sartbiano, & Fratrem Iacobum à Marchia, viros sanctos.*

B. Bernardinus Fossensis, alias 1470. Aquilanus in suis Chronicis apud Marianum Florentinum tom. 5. cap. 17. fol. 85. col. 4.

*Erat Frater Albertus peritissimus homo, & potentissimus in Theologia, singularissimus predicator, & in suis predicationibus acceptissimus. Erat etiam utique bonæ conscientie ita, ut Mediolani dicitur Beatus Albertus, eo quod post mortem miraculis claruit.*

Registrum ordinis sub gubernio 1472. Fr. Timothæi Lucensis scriptum anno 1472.

*Post mortem Fratris Guillelmi à Casali Ministri generalis, Dominus Papa super totum ordinem Fr. Albertum Sartbianensem, familie nostræ Observantiæ Apostolicum Vicarium constituit, qui per annum totum ordinem sanctissime gubernauit, & capitulum generalissimum Paduæ celebrandum constituit; transmisit autem ad istud capitulum Dominus Papa Breue quoddam, in quo voluntatem suam declarabat, videlicet ut Fr. Albertus in generalem Ministerium eligeretur, existimans; quod si ex familia obseruantie Generalis ipse electus esset, optima totius ordinis reformatio sequeretur.*

Nicolaus de Fara indiuiduus 1475. Capistrani socius, qui vitam eius latinè omnium primus conscripsit, vbi Cap. 13. habet quæ sequuntur, seq. tunc præsentem fuisse, & omnia vidit.



vidisse, & comperisse testatur, sed ipsa eius verba describere non piget.

*Hic est (Capistranus) qui in loco nostro apud Burgum S. Sepulchri, expleta predicatione in laudem, & gloriam Beatissimæ Virginis, Dei Genitricis Mariæ, in die Assumptionis eius in mensa sedens, cœlestis illius Fratris Alberti Sarrhianensis beatam animam ad Cœlos tramite recto migrare vidit, ita namque lætissima, Angelicaque facie quadam, me, & compluribus Fratribus presentibus in cœlum suspiciens affatus est; videto, inquit, animam unius Fratris nostri ad cœlum euolare, en vadit, en properat, sepe replicans. Cumque statim in Romandiolam proficisceremur, certiores facti sumus, eloquentissimum, & clarissimum illum virum Albertum Sarrhianensem, qui multis miraculis claruit, Mediolani ipsa die assumptionis animam cœlo reddidisse, & cap. 10. sic scribit: tum ipsius (Capistrani) tum Bernardini, tum etiam Fratrum Alberti Sarrhianensis, Iacobi de Marchia, Antonij de Bisonto, & complurium aliorum predicatione, multi nobiles, multi studentes, multique doctores, ad religionem se contulerunt, ex quibus nonnulli acceptissimi, & fructuosissimi euaserunt predicatores.*

1479. Alia Capistrani vita, à quodam nomine Deodato composita, phrasi veteri Italica, & impressa Comi anno 1479. Cap. 7.

*Eugenius Pontifex commisit curam Vicariatus totius ordinis recollende memorie, Fratri Alberto de Sarrhiano, viro sanctitate, & scientia præclarissimo, & per totam Italiam nominatissimo, cupiens, ut in sequenti capitulo generali eligeretur Minister Generalis. Sed benignus Creator, sine cuius permissione non cadit folium in terram, id non permisit; cognouit enim, res sic stabilita, securam potius obseruantis ruinam, quam aliorum reformationem: data enim cura B. Alberto, ut conuenticuales ad ætioris vite normam reduceret, optimos quosque ex obseruantum familia in eorum conuentibus collocaret; quo tandem fieret, ut conuenticuales vite suæ rationibus assueti, eas non facile dicerent, & ex aduerso conuentus obseruantum rigidis illis, & sanctissimis viris desituti facilius remitterent rigorem discipline, quofactum, ut non Beatus Albertus, sed alius in Theologia Magister conuentualis electus sit.*

Codex Italico stylo, & characteribus vetustis vitæ F. Ioannis Capistrani, de eius spiritu prophetico fol. 47. à tergo.

*Hic Beatus cum esset in Burgo S. Sepulchri in festo Assumptionis Virginis Mariæ, ibi post habitationem concionem, dum sederet ad mensam cum Fratribus, vidit in cœlum ascendere beatam animam illius tubæ cœlestis, Fratris Alberti à Sarrhiano, & coram multis Fratribus vultu lætissimo, & Angelico in cœlum elato, dixit; Ego video animam unius nostri Fratris in cœlum volare; hæc verba*

verba saepius repetens; et ascendit, et vadit ad gloriam, ac deinde socij certiores facti, diem, et horam notarunt, et in Romandiolam venientes compererunt, illum eloquentissimum, et clarissimum fratrem Albertum à Sartiniano transisse ex hac vita ad Deum die Assumptionis Domine; in Ciuitate Mediolani, ubi per ipsius merita Deus operatur multa miracula.

1486. Marianus Florentinus tom. 5.  
Chronicorum Ord. cap. 21.  
fol. 120. col. 2.

Locus S. Francisci de Sartiniano, ex quo fuit illa sonora tuba, et columna, seu auriga, et scutum nostrae familiae, B. Fr. Albertus Sartinianensis, qui Mediolani requiescit, & fol. 124. col. 1. locus S. Mariae de Angelis apud Mediolanum, in quo requiescit illa magna, et resonans tuba, et quartus auriga familiae obseruantiae Fr. Albertus Sartinianensis, prouinciae Tusciae, miraculis clarus, & cap. 24. fol. 160. col. 4. Hoc anno 1450. in solemnitate Assumptionis Gloriosae Virginis Mariae B. P. Frater Albertus de Sartiniano, prouinciae Tusciae miraculis clarus obdormiuit in Domino, & relata reuelatione gloriae Alberti, facta Capistranensi, ut in vita narrauimus; postea subiungit: qui B. P. Fr. Albertus in supradicto loco venerabiliter sepultus, etiam post mortem miraculis coruscavit. Idem alibi passim, & fol. 124. col. 1. de alio loquens, qui in sua iuuentute, inquit, cum per viam sensualitatis, et inertiae ambularet, à S. Fratre Alberto Sartinianense monitus, mutauit vitam suam, et ex imperito iuuenis, doctrina clarus euasit, et

pro virtutum studio, sedula predicatione, et exemplis vitae, per totam Italiam vir sanctus reputabatur.

Opusculum vetus inscriptum, Memoriale Ordinis, inter firmamenta trium ordinum S. Francisci pag. 37.

Hic Albertus de Sartiniano fuit, eloquentissimus orator, et predicator per totam Italiam, et praecipue Mediolani, et in alijs Ciuitatibus principalibus: patet in miraculis factis. Eum Eugenius IV. summe cupiens Ordinem Minorum reformare, post mortem praefati Guilielmi de Casali Ministri generalis, constituit Vicarium generalem totius ordinis, scilicet Obseruantum, et Conuentualium per totum orbem, et dedit illi, scilicet Alberto, licet inuito, et renitenti sigillum Ministeriatus, et precepit, ut conuocaret capitulum generale celebrandum Paduae, ad electionem generalis Ministri. De hoc extant copiae epistolarum, et literarum suarum, propter disertitudinem, et facundiam, in volumine collectarum, in bibliothecis Senarum, et Capistrani cum pluribus tractatibus, et alijs epistolis ad Eugenium, ad Praelatos, et Principes totius Italiae: Ibi, inquam, sunt litterae obedientiales ad conuentum Parisiensem, ad Ministros Prouinciales Hispaniae, Franciae, Alemaniae, et nomine Eugenij IV. ad capitulum supradictum properarent, et similiter ad Regem Castellae, et alios; ut ipsos Ministros mittentes sub isto, quia Generalis totius ordinis erat.

1516. Ex Catalogo omnium prouinciarum, & cœnobiorum Fratrum Min. Reg. Obseru. conscripto anno 1516. in fine epitomes Annalium, vbi de prouinc. Mediolani.

*S. Maria de Angelis apud Mediolanum, vbi requiescunt vir ille insignis virtute, & doctrina Albertus Sarthianensis, illique similis Antonius de Argeo etc.*

1536. Leander Albertus, in descriptione Italiæ in Tuscia pagin. 90.

*Hinc ad Clanem versus, Sarthianum est, Alberto, ex Min. ordine, maximo concionatore inclitum.*

1540. Dionisius à Pulinari, in chronico M. S. prouinciæ Tusciæ part. 1. fol. 14.

*Hoc etiam anno 1439. Summus Pontifex Eugenius misit B. Fr. Albertum à Sarthiano ad Presbyterum Ioannem Aethiopie Imperatorem, & ad Sereniss. Thomam Imperatorem Indorum, ad res maximi momenti tractandas: & fol. 16. in quo capitulo (prouinciali Paduano) omnes nonaginta tres vocales conuentuales, excepto uno solo concorditer elegerunt in suum Ministerium, sanctum P. Fr. Albertum à Sarthiano, ex fratribus obseruantinus prouinciæ Tusciæ: & infra: qui B. Pater Fr. Albertus Minister prouinciæ S. Antonij, & Vicarius generalis totius ordinis, nono die Iunij anni Domini 1443. & ordinis 237. celebrauit Paduæ secundum capitulum generalissimum*

*ad quod capitulum Pontifex misit literas, quibus declarauit suam voluntatem esse, ut Albertus eligeretur Minister generalis, existimans, si id fieret securitatem totius ordinis bonam reformationem: & fol. 20. hoc eodem anno 1450. in festo Assumptionis Domina nostræ, in hoc nostro conuentu S. Angeli, Mediolani quieuit in Domino B. P. Fr. Albertus à Sarthiano, qui fecit multa miracula, cuius animam per Angelos in cælum ferri vidit S. Vicarius generalis (Capistranus) existens in Burgo S. Sepulchri: & parte 2. in historia conuentus Sarthianensis fol. 258. Huius conuentus erat B. Fr. Albertus à Sarthiano, qui obiit Mediolani, de cuius excellenti sanctitate, & doctrina, nunquam satis dici poterit: & infra: de hoc Fr. Alberto legitur, quod Pontifex, & Cardinales inter se discurrendo dixissent, quod si fides Christi in omnibus extincta esset; tamen in Fratre Alberto remaneret, qui in reliquis ipsam resuscitaret.*

Blondus Flavius Fôroliuiensis, in Italia illustrata, de Etruria pag. mihi 308.

*Deinceps ultra Clusium, Sarthianum est oppidum, Alberto Minorita diuinorum dogmatum predicatore insigni ornatissimum.*

Marcus Vlissiponensis in chronico<sup>1560</sup> Ordinis Min. part. 4. lib. 1. cap. 33.

*Regularis Obseruantia S. Francisci per quatuor precipue sanctissimos, & doctissimos viros aucta, & illustrata fuit, ut sacra, & famigerata*

rata doctrina, sic etiam sanctissima vita, et miraculis. Si fuerunt, S. Bernardinus Senensis, B. Ioannes à Capistrano, B. Iacobus Picenus, et B. Albertus Sarthbianensis, qui fuerunt veluti quatuor firmissima columna restaurati nouiter illius edificij: et tanquam quatuor strenui Duces magna familie, qui eam duxerunt, per securam, rectamque viam, et semper saluam conseruauerunt. Erant quatuor Clypei, qui sue sanctitatis exemplo, et doctrina, eam ab aduersis tutati sunt. Erant quatuor Tuba, quarum sonitu, multi ad Religionis militiam, et Christi sequelam concitati fuerunt, eorumque seruire zeli studioque diuino munere, tota Italia, Germania, Hungaria, Polonia, et Bobemia obseruantum Cœnobijs repletae sunt.

Idem 3. part. cap. 35. pag. 267. de B. Michaelē ab Arcagnano scribens.

Is, inquit, in ordine iuuenis inconsiderate viuens, in ordinis disciplina non satis se occupabat, verum S. Bernardini, et B. Alberti à Sarthiano salutaribus monitis, concitatus, vitam in melius commutauit, ac adeo gnauius sese literarum studijs addixit, ut auxilio diuinæ gratiæ, intra paucum tempus, clarissimus verbi Dei concionator euasuerit, suæque doctrinæ radijs, et sanctitatis opinione, totam Italiam illustrauerit.

Franciscus Rosieres, in Stemmatibus Ducum Lotharingæ tom. 5. pag. 287.

Diuus Albertus Sarthbianensis, signis, et miraculis clarus è vita migravit: & in margine: S. Albertus.

Codex M. S. sub Gregorio XIII. Pontifice, vbi fol. 86. à tergo compiler sic dicit.

Huius Conuentus (Sarthiani) fuit Venerabilis, et B. Pater Fr. Albertus de Sarthiano; qui multis sanctus legationibus Pontificijs, cum ad Indos, tum quoque ad Aethiopes, obdormiuit in Domino Mediolani, apud Sanctum Angelum, qui Conuentus Obseruantibus Minoritis paret, Anno Domini 1450. cuius anima visæ fuit à B. Ioanne de Capistrano in Cælum euolare; nec mirum, cum per ipsum multa edidit Dominus Deus miracula.

Rodolphus Tossinianensis, Episcopus Senogalliæ, Histor. Seraph. lib. 1. fol. 72. à tergo.

Beatus Albertus de Sarthiano Mediolanensis (17.) humili loco natus, vir literis eruditus, ut monumenta eius, laude digna declarant, suis predicationibus, multos traxit ad fidem Christi, peragauit per totam Syriam, Græciam, Aegyptum. Fuit autem in sacris concionibus maximus vitiorum obiurgator; unde multoties pro veritate tuenda, incurrit discrimen vite. Erat predicatio eius grata, et fructuosa, doctis signiui, et indoctis: in dicendo utebatur præclara dicendi forma, quæ

cum sanctitate vitæ coniuncta, multos ad se attrahabat.

1587. Franciscus Gonzaga Episcopus Mantuanus de origine Seraphicæ Religionis, & progressibus Regul. Obseru. in Conuentu 14. Prouinciæ Tusciæ nemoris de Mugillo.

*Quo quidem capitulo, cui etiam B. P. Albertus de Sartbiano interfuit: & in Conuentu 22. Cetonijs. In cuiusmet loci tabellario sexdecim Pontificiæ Bullæ à Summo Pontifice Eugenio IV. ad Venerabilem Fratrem Albertum à Sartbiano transmissæ custodiuntur; quibus illum ad Indos Orientales, ad Aethiopes, & ad alia plurima loca, apostolica auctoritate delegauit. In Con. 29. S. Francisci Sarthiani. Huius Monasterij alumnus fuit Venerabilis, ac B. P. Fr. Albertus de Sartbiano, qui plurimis sanctus legationibus Pontificijs, Mediolani obdormiuit in Domino, ibiq; apud Conuentum S. Angeli, Domini anno 1450. sepultus est: cuius anima à B. Ioanne de Capistrano æthera petens visa est: Et in Catalogo Beatorum Ordinis. B. Albertus à Sartbiano miraculis clarissimus. Idem Gonzaga edit. Rom. pag. 13. Summus Pontifex, ut Venerabili P. Fratri Alberto à Sartbiano, viro utique integerrimo, atque Reg. Obseru. acerrimo propugnatori, nec non Religione moribusque insigni, viam ad generalem ministerium strueret: nouerat enim vigilantissimus ipse pastor plurimum accrementi, plurimumq; splendoris, uniuerso ordini ex huiusmodi promotione obuenturum, ipsum super uniuersam Religionem Minori-*

*ticam, ex Apostolica auctoritate generalem Vicarium instituit, qui & munus sibi creditum exactissime, iuxta conceptam de ipso spem, per integrum annum obiuit, & generalissimum secundum, tum Obseruantia, tum quoque Conuentualium Patrum Capitulum Patauij, anno Domini 1443. vel (ut alij volunt) anno 1444 futurum assignauit, ac tempore præscripto prudentissime celebrauit.*

Bernardinus de Bultis, præter ea, quæ ex ipso, in Alberti vita descripsimus, serm. 27. part. 2. pag. 668. col. 2. in fine alterius tom. 1. sui Rosarij.

*Multos etiam produxit (primus Ordo) alios Sanctos fratres, vitæ, & miraculis clarissimos, de illis verò, qui fuerunt, non multis temporibus elapsis, ut de B. Ioanne Capistrano, B. Alberto de Sartbiano, B. Iacobo de Marchia, & multis alijs, qui maximis corruscant prodigijs, nimis longum esset recitare.*

Henricus Villot Athenarum Orthodoxarum lit. A.

*Albertus de Sartbiano Mediolanensis, Guarini Veronensis alumnus, D. Bernardino præceptore sanctioribus literis operam dedit; & is fuit moribus, & eruditione, ut Bernardini discipulum posses agnoscere; exantlatis in spargendo semine Evangelico multis, ac varijs laboribus, Mediolani ipso, quo Deipara triumphum egit, celebri die feliciter obdormiuit anno 1450.*

1193. Siluanus Razzi Camaldulensis, in vitis Sanctorum, & Beatorum Etrurię pag. 716.

Alius codex vitę B. Ioannis à Capistrano scriptus anno 1594 autore Bonaventura de Calasio.

*Qui* (B. Thomas Florentinus) ab Eugenio IV. Pontifice postea missus est socius, cum B. Fr. Alberto Sartbianensi in Indiam, & ad Presbyterum Ioannem, & altera vice Hierosolymam, cum Beatis dicto Fr. Alberto, Ioanne Capistranense, & Fr. Herculano à Piagale ad reformandum, & reducendum ad veram regulę obseruantiam loca, & conuentus illarum partium.

Et pag. 722.

*Quando* Papa Eugenius misit Legatum suum ad Presbyterum Ioannem Imperatorem Aethiopum, & ad Thomam Imperatorem Indorum, cum suis literis B. Fr. Albertum Sartbianensem, ut illos reduceret ad unionem Sacrę Romanę Ecclesię, dedit illi pro peculiari socio B. Thomam, ut sanctitate suę vitę edificaret dictos Imperatores, & eorum populos, sed cum Sultanus Babilonię ipsi Fr. Alberto, eiusque socijs impediret transitum, discesserunt ex Aegypto, & retro reuertentes venerunt Constantinopolim, ut per Thanaum nauigarent in Persiam, & ex Persia in Aethiopiam, & Indiam. Fr. Albertus per viam morbo detentus, ne Pontificis propositum frustraretur, misit B. Thomam cum tribus alijs Fratribus, ad complendum eiusdem Pontificis desiderium.

*Cum* esset alia vice (Capistranus) in conuentu nostro Burgi S: Sepulchri, in festiuitate solemnissima assumptionis Virginis Maria, vidit in cælum ferri animam illius magni Prædicatoris Fr. Alberti de Sartbiano & id reuelauit Fratribus: atque bi diem, & horam diligenter obseruauerunt, & sic rem contigisse compere runt, quemadmodum à S. Viro Dei, & Propheeta Christi reuelatum fuit.

Claudius Picquet in Catalogo 1597. Illustrium Ordinis Min. pag. 270. inter Beatos.

Fr. Albertus de Sartbiano iacet Mediolani.

Ludouicus Robelledo 1. part. 1598. Chron. versus finem in Catalogo Illustrium personarum Ordinis S. Francisci fol. 12.

Beatus Fr. Albertus de Sartbiano Mediolanensis (18) sepultus est in conuentu S. Francisci, eiusdem urbis Mediolani.

Idem ibidem fol. 37. in Catalogo Scriptorum Ordinis.

Frater Albertus à Sartbiano, Mediolanensis composuit quosdam tractatus de immortalitate animę, & de purgatorio, & alia opera.

Libel-

Libellus Anonymi M.S. nostri archiui arm. 3. num. 43. fol. 23.

Mittitur Fr. Albertus Sarrhianus, vir magna doctrina, & sanctitate conspicuus, cum 40. alijs obseruantibus ad Imperatorem Aethiopiae Presbyterum Ioannem. Et paulo post: anno 1443. in capitulo Paduano 2. generalissimo, in quo aderant Conuentuales, & Obseruantes, praecepit Papa eligi Fratrem Albertum Sarrhianensem, virum sanctum, & strictae obseruantiae profissorem, qui à morte aucti Fr. Guillelmi, & Vicarius totum ordinem rexit. Sed Conuentuales quidam eius rigorem experti in hoc obedire noluerunt, & turbas excitarunt, quas ipse Albertus sopiuit promittens, quod de sua electione nihil moueretur.

Presbyteri Ioannis, & Indiae Orientalis, ut apparet ex sexdecim bullis eiusdem Pontificis originalibus: quae seruantur in Conuentu S. Francisci Ciconij in Etruria.

Ioannes à S. Maria in chron. 1619. prouinciæ S. Iosephi part. 1. lib. 1. cap. 4. pag. 14.

Sanctus Bernardinus Senensis, Fr. Ioannes à Capistrano, Fr. Iacobus à Marchia, & Fr. Albertus à Sarrhiano, tamquam robustissime columnae sustinuerunt nouum aedificium reformationis, & ut fortes, dextrique Duces gubernarunt nouam illam militiam, cum titulo Vicariorum generalium, & assensu Ministri generalis per Pontificem constituti.

1606. Antonius Possepinus in apparatu sacro.

Albertus Sarrhianus Mediolanensis ord. Min. celebris sui aui concionator: quique operam suam Eugenio IV. Pontifici Max. in Concilio Florentino, atque in legatione Hierosolymitana nauauit (nimirum, ut aucta Sultani cognosceret) scripsit &c.

1610. Antonius Daza 4. part. chron. lib. 1. cap. 36. pag. 185.

Venerunt ad concilium Florentinum multi Prelati, Episcopi, & Legati ex Aethiopia, Armenia, & India, ad dandam obedientiam Pontifici Romano tracti per industriam B. Fr. Alberti de Sarrhiano, cuius sacrae religionis, & Legati Pontificis Eugenij IV. in partibus Aethiopiae

Bartholomaeus Cimarellus in 4. par. chron. S. Francisci lib. 7. cap. 44. pag. 844. loquens de adductione Orientalium, ad Concilium Florentinum.

Et hoc (inquit) per industriam, & laborem B. Fr. Alberti à Sarrhiano cuius sacri ordinis, Legati Apostolici Eugenij Papa IV. in partibus Aethiopiae, & Indiae Orientalis, ut apparet per 16. bullas originales Summi Pont. quae nunc seruantur in prouincia Tusciae. Hic est ille magnus religiosus, & principalis columnae reg. obs. cuius mirabilia, & egregia facta in ipsius vita explicantur.

Dermittus Thadei, aliàs Anton. 1626. Hiquæus in Nitela Francisc. pag. 62.



Hinc ab Oriente Ioannes Capistranus Franciscanus Armenos, hinc B. Albertus Sartbianensis Franciscanus Iacobitas Florentiam ad fidei unitatem, & veritatem reducunt; quorum alterque cum legati munere, ad illas partes destinati sunt (magis 50. suorum sodalium numero comitante) pr. curanda Ecclesiarum unitatis concordia; cum pridem Sartbi nris græcæ, & latinæ linguae à puero cruditissimus in concilio Florentino interpretem egerit, adiuncto eiusdem instituti socio.

Augustinus de Vvitte in genealogia S. Francisci pag. 20.

B. Albertus à Sartbiano miraculis decorus quiescit Mediolani, & pag. 59. B. Albertus de Sartbiano,

627. Saluator Massonius pag. 131. vitæ B. Ioannis Capistrani.

Papa commisit curam Ordinis tanquam Vicario generali Fr. Alberto à Sartbiano, viro magnæ famæ sanctitatis, & sapientiæ, & per totam Italiam nominatissimo, ea mente, ut in proximo capitulo generali eligretur ipse Minister generalis.

Idem ad Calcem vitæ eiusdem Capistrani, Alberti vitæ breuiarium exhibet, ex quo descripti, quæ hic sequuntur.

Fr. Albertus Sartbianensis erat ex Sartbiano, unde Pius III. (19) Pontifex originem duxit. Cum esset paruulus, pater eum obtulit S. Francisco in ipsius monasterio, ubi etate crescens in literis bine profecit. Erat

enim pulcherrimi ingenij. Quam excellens euaserit in lingua græca, non minus quam latinæ, manifestauit in Synodo Florentina, ubi seruus Dei latinorum, græcorumque interpretibus annumeratus, latinorum verba, & sententias, tanta facultate, & elegantia græcè reddebat, ut admirati græci dicerent, fieri non posse, ut ille in Græcia natus non fuerit. Erat pariter in diuina scriptura, & sacra Theologia ad eò consummatus, ut viri docti Italie, Prælati, atque ipse Pontifex illum inter sui temporis doctissimos censerent; cuius rei specimen suis literis præbuit, quando Pontifex illum Legatum suum in Orientem misit.

Trigesimo etatis auno à conuentualibus ad obseruantiam migravit, in qua vixit semper cum puritate, & vera obseruantia regule. Multa monasteria edificari fecit, in Italia, & extra, ut Candiæ, Constantinopoli, Hierosolymis, Caffæ, & Perse. Hæc tuba Spiritus Sancti discurrebat prædicando nomen Iesu Christi, per totam Italiam, Græciam, Aegyptum, & Syriam. Et infra. Hic seruus Dei vnum annum multæ prudentia rexit Religionem, cum esset valde zelosus obseruantie regulæ, seuerus, & iustus. Et postea loquendo de turbis capituli generalis Patauini. Nihilominus, sedato rumore, Fr. Albertus, ut Vicarius generalis Ordinis, sua dexteritate collectis omnibus ad comitium, humilitate sua placauit ipsorum animos, & illos in pace uniuert, renuntiando officio generalis Ministri (quo ad Pontificis mentem potiri poterat) ut illi in eo constituerent, quem magis expedire iudicaret; promittens insu-

*insuper non defuturum se placando Pontificis animo, quantumvis ipsi non eligerent, quem ille cupiebat.* Deinde narrat, in conuenta Cetoniæ conseruari spinam coronæ Christi, & partem ligni S. Crucis, quæ Albertus Constantinopoli secum tulerat, ac denique mortem ipsius, & reuelationem triumphi eius in Cælium ascendentis, eadem hora mortis, factam B. Capistrano.

1629. Ioannes Franciscus Bonafus, Bononiensis ordinis Minor. Conuentualium, in Theatro illustrium personarum trium ordinum S. Francisci Bononiæ anno 1629.

*Beatus Albertus Sarrhianus, Mediolanensis, qui Armenos ad S. Romanæ Ecclesiæ obedientiam reduxit, Mediolani quiescit.*

Paulus à Trinitate in expugnatione spirituali Indiæ Orientalis per fratres Minores lib. 1. cap. 2.

*B. Fr. Albertus à Sarrhiano, qui miraculis clauit, crucem in manu gestans, prædicauit in diuersis partibus mundi, per totam Syriam, Græciam, & Aegyptum, & multos infideles conuertit.*

1635. Iacobus Grassettus S. I. in vita Beatæ Catharinæ Bononiensis lib. 1. cap. 19. pag. 65.

*Vna dierum dum Catharina occuparetur panibus furno ingerendis, accessit ad monasterium quidam Pater ordinis obseruantum S. Francisci,*

*nomine dictus Fr. Albertus, vir deuotissimus, & potens predicator, ut sermonens de rebus spiritualibus ad matres haberet, cui omnes interesse debebant; quapropter illico per campanule sonum vocatæ sunt, quo audito serua Dei panes omnes furno celeriter imposuit, deinde ad concionem abiens furno benedixit, dicens; ego te commendo Christo meo. Tum, res miranda, sermone per integras quinque horas indefinenter protracto, quando ad furnum redijt, ut panes extraheret, multe sororum eam secutæ sunt, certò tenentes, panem omnem iam combustum fuisse, sed ingenti ipsarum stupore cum inueniunt non modo bene maturum, sed etiam solito pulchriorem roseo colore, & ad admirationem odoriferum.*

Placidus Myrtus Frangipanius, Cler. Regularis, in sua acclamatione Madritensi fol. 17. pag. 2.

*Tempore Eugenij IV. Summi Pontificis, voluit Albertus Sarrhianensis aperire sibi viam ad reductionem Aethiopum.*

Arturus à Monasterio in Martirol. Franc. die 15. Augusti. 1638.

*Mediolani B. Alberti de Sarrhiano confessoris, ac concionatoris eximij, qui pluribus functus legationibus Pontificijs, ad Indos, Aethiopes, & alios Orientales populos, copiosum numerum Schismaticorum, & hereticorum; maxime Armenorum, Iacobitarum, Græcorum, & aliorum reduxit ad fidei unitatem, quam professi sunt in Concilio Florentino œcumenico, ubi conueniunt*

runt sub Eugenio IV. Papa : tandem doctrina , vite sanctitate , ac miraculis clarissimus spiritum Deo reddidit ; cuius animam B. Ioannes Capistranus vidit aspera petentem . Et in annotationibus ad eundem locum totam eius vitam compendio recenset .

ordinis , & fidei catholica incrementum .

Anno 1430. n. 34. recensitis illustribus aliquot viris . Inter hos , inquit , & super hos eminentissime floruit B. Albertus Sartbianensis , sanctitate illustris , græcè , & latinè doctus .

Anno 1450. n. 11. & 12. *Celebri Assumptionis Virginis festiuitate ad Cælos euolauit* B. Albertus Sartbianensis , cuius præclaras animi dotes , & gloriosissimos , pro Ecclesia Catholica , & fidei propagatione labores , per varios annos distribuimus . A tempore quidem quo prædicandi munus , superiore iubente , suscepit , nunquam ab opere cessauit ; sanctissimis documentis immaculatam coniunxit vitam , & opera sanctissima , tot præclaris meritis radiantem eius animam vidit B. Ioannes Capistranus in Cælos ascendentem . Sepultus est in cœnobio S. Angeli , ubi post mortem coruscavit miraculis .

1639. Lucas Vvaddingus , quo nemo B. Alberti acta copiosius , aut solidius prodidit , tum in sylabo scriptorum ordinis , tum & maximè in suis eiusdem ordinis Annalibus , præsertim tom. 5. per totum , ex quo hanc vitam eius , magna ex parte concinnauius , & nunc inter hæc aliorum testimonia , selecta quædam eius verba colligemus , quæ ad B. Viri doctrinam , sanctimoniamque vitæ præcipuè pertinent ,

Anno 1415. n. 22. *Hoc anno Fr. Albertus à Sartbiano Clusine Dicecesis oppido , à Patribus Conuentualibus ad Obseruantes transiuit , annos natus triginta . Guarino Veronensi , & Emanuele Chisoloræ præceptoribus græcè , & latinè doctus , utraque lingua eruditè scripsit , & utriusque gentis conuersioni studuit . Ipse in summo vitæ rigore , & disciplina seueritate , pauperem vitam transigens , omnes cupiebat Christo lucrifacere , vel assidua oratione , vel efficacissima prædicatione . Sapissimè de hoc viro sanctissimo , & doctissimo nobis offertur occasio loquendi ; multa enim præstitit egregia in sui*

Felix Reineccius , in Solone. 1640.  
Franciscano lib. 2. cap. 10.  
pag. 277. & 278.

Postremò etiam Angeli cœlestes exhibuerunt se , tamquam fidelissimos singularis diuinæ prouidentie erga Franciscanos vades ; sit ex pluribus vnus ille , qui Fr. Alberto de Sartbiano mandatis Apostolicis in Aegyptum profecto , & in terra inaquosa , loco horroris , & vastæ solitudinis , ob defectum potus , & tibi , ex bidui penuria languenti , & querenti adstitit . En dicebat Albertus ; iam morior ; Vicarij tui precepta peragere non potero , neque pereuntes animas ad tuæ veritatis cognitionem

N

redu-

*reducere . Domine miserere . Non prius dixit , quam viderit prope se iuuenem pulcherrimum lingua Italica salutantem , mox cibos afferentem , & sic affantem ; non est cur de diuina diffidas misericordia , & providentia . Ego sum , qui Francisco seruo meo subsidium promisi opportunum , neque tu vidisti buc usque in religione hac iustum derelictum , aut fratrem aliquem fame perijisse ; quibus dictis disparuit .*

Idem lib. 3. cap. 4. pag. 53. narrat ea , quæ Alberto in Ægypto contigerunt , & eius redditum ad Pontificem , adductis ad Concilium Florentinum , Ætiopum Ægyptiorumque Legatis , ac tandem subiungit de socijs hæc pag. 69.

*Interea nec illi , qui ab Alberto surrogati , & ad Indos missi fuerant feriat creduntur , certè scribit Bartholomæus Cimarellus , quod etiam plures Prælati ex India Orientali per legatos suos memorato in Concilio , ope Alberti Sarthianensis , obedientiam præstiterint Summo Pontifici Eugenio IV. tamquam capiti universalis Ecclesiæ . Inuenitur quoque in Annalibus Minorum etiam anno 1452. Franciscanos in India extitisse , eamque & anno 1455. adiisse alios . Hæc Reineccius , & alia plura , quæ cum per nos in hac historia narrata sint , ea iterum describere superuacaneum censuimus .*

Michael Angelus à Neapoli in 1650.  
Chronologia historica legali  
pag. 87.

*Observantium Congregationem , quatuor cœlestes præcones , Bernardinus Senensis , Ioannes Capistranus , Albertus à Sarthiano , & Iacobus Picenus dilatauerunt , quibus ducibus familia observantia ad eum succreuerat , ut Minister generalis , Fr. Guillelmus de Casali , super ipsam familiam anno 1438. S. Bernardinum Senensem , accedente Eugenio Papæ IV. ordinatione , Vicarium generalem instituit : quo magistro , gubernatore , atque prædicatore , comitibus tribus supradictis , maxima in dies incrementa suscepit .*

Petrus Marchant in 12. fundam- 1660.  
mentis Ord. Fr. Min. parte 2.  
pag. 121.

*Eugenius IV. misit B. Albertum Sarthianum , qui cum Græcis redierat , una cum aliquot FF. Minoribus ad Patriarchas illarum regionum & Cophtos , nec non ad Thomam Indorum , & Presbyterum Ioannem , Ætiopum Imperatores : nec inutilis illa missio fuit Ecclesiæ Dei &c. & pag. 226. Mortuo Fratre Guillelmo de Casali institutus est à Summo Pontifice Eugenio Vicarius Generalis Ordinis , usque ad Comitatus Generalia , Fr. Albertus de Sarthiano , vir doctissima , pietate , & religiosa vitæ insignis , ex Familia Observantium , qui ad annum sequentem 1443. indixit Comitatus Generalia : Et infra , S. Bernardinus de Senis quod , ut de eo scribitur , in oratione didicisset Observantiam , adhuc in suis exordijs debi-*

debilem, B. P. Alberto indigere, instabat apud familiam Obseruantie, ut Fr. Antonius de Rusconibus eligeretur.

1653. Iacobus de Ridderein Speculo Apologetico.

Fr. Albertus de Sartbiano vir ingegerrimus, atque Regularis Obseruantie accerrimus propugnator, quē Pontifex vocalibus commendauit, ut scilicet, tam Conuentuales, quam Obseruantes illum in Ministrum Generalem Totius Ordinis utrisque communem eligerent.

1653. Isidorus Vgurgerius in pompis Senensibus part. 1. tit. 14. pag. 306.

Fr. Albertus de Berdinis, Senensis à Sartbiano, precipuus discipulus, et imitator S. P. Bernardini, et Vicarius Generalis noui instituti Minorum Obseruantum, ab Eugenio IV. Pontifice Romano creatus, græcas, et latinas literas à Guarino Veronense alijsque celebri famæ humanioris literaturæ professoribus; ac diuina de hinc mysteria ab ipso Bernardino didicit: unde cum singulari decore multis populis predicauit. Mox in Eugenij Pontificis beneuolentiam acceptus, ad Concilium Florentinum vocatus est; ubi græcorum Ecclesiæ unionem cum latina inuit. Hinc Hierosolymam ab eodem Pontifice missus est, ut obseruaret machinamenta Soldani, et alia negotia, cum Aegyptijs, et Indis perageret, rationesque disquireret, quibus illa superari possent; postquam pluribus legationibus, eiusdem Pontificis nomine, ad varios Principes perfun-

ctus est, Mediolani tandem decessit anno 1450. relictis quæ sequuntur operibus ingenij sui claris monumentis: Tractatus de Corpore Christi.

Franciscus Haroldus in Epitome Annalium Vvaddingi tom. 1. col. 1239.

Beatus Albertus Sartbianensis vir attica et Romana eruditione clarus, & col. 1271. Dum verò B. Albertus de his rebus etc. & col. 1282. Interea B. Albertus Sartbianensis.

Godofredus Henschenius, & 1668. Daniel Papebrochius S. I. in vitis SS. tom. 2. Martij die 9. in notis ad vitam B. Catharinę Bonon. pag. 55.

(21) Videtur is esse (Albertus) quem à Sartbiano natali suo in Etruria opido cognominat Arturus, in Martyrologio Franciscano, ad 15. Augusti Apostolici xeli non tantum in Europa, sed et in Asia concionator: Minister Ordinis Generalis futurus; ex Pontificis voluntate, nisi recusasset, qui, ut Arturus ait, tandem virtute, doctrina, miraculis clarissimus, obiit Mediolani in Conuentu Sancti Angeli honorifice conditus anno 1450. Videtur autem hæc res contigisse anno 1442. quando (22) ipse Prouinciæ S. Antonij, idest Bononiensis, Minister fuit Prouincialis: nam post annum 1443. et Capitulum Romæ celebratum, tam multis Apostolicis legationibus fuit occupatus, ut forte in suam Prouinciā, intra annos aliquot non rediuerit.

1670. Abbas Philippus Picinellus Canonicus Reg. Lateran. in Atheno literatorum Mediolanensium.

*Insignis erat felicitas, per quam Albertus à Sarrhiano, noster Mediolanensis, relicto seculo, & indutus habitu Minorum Obseruantum Sancti Francisci, S. Bernardinum Senensem, nunquam satis laudatum, magistrum fortitus est, sub illo enim magno rectore, qui purissima sanctitatis lumina cum altissima scientiæ splendoribus copulabat: mirum quam facile fuit, fortunato huic discipulo, ut utroque titulo tam eminentis magistri alumnus reuerendus euaderet. Vterat Albertus facultate doctissimus, Eugenius IV. Pont. Max. voluit, ut celebri Florentino Concilio interesset &, ut erat admirandus verbi Dei præco, seruire Apostolico, tantam auditorum multitudinem attraheret ut feratur eum subinde quinquagesies mille Mediolanenses auscultatores habuisse: intuitu eius utriusque magni talenti virtutis, idem Eugenius Pont. eum legatum suum Hierosolymam amandauit, ut Christianitatis prerogatiuam sollicitaret, & iudiciosa sua prudentia obseruaret molimina Sultani, & aduersus ea opportuna remedia exquireret. Posteaquam in Apostolico munere, per varias prouincias multo sudore, laborasset, eo die quo Maria Virgo triumphali pompa in celum translata fuit, ipse quoque dulcissimo somno graues palpebras mundo oclcluit anno 1450. Ex operibus eius, quæ pretiosam hereditatem Obseruantum, Religioni reliquit, etiamnum Capistrani seruat elegantem librum epi-*

*stolarum, græco, & latino doctè permixtum.*

Benedictus Mazzara Sulmonensis, & Ord. Min. strict. obseru. Prouinciæ S. Bernardini Pater, & Franciscani Legendarij Author, in vita Beati Alberti.

*B. Fr. Albertus Sarrhianensis, in Ord. Min. tam audax erat integræ, & purissimæ adimpletionis Franciscani Canonis, & austerioris vitæ, ut ad hanc assequendam à conuentualibus ad obseruantes sub huius distributionis primordia transferit, ipsumque institutum multis viris, è seculo vocatis, multis domibus auxerit, & firmauerit: ipsum etiam doctissimis scriptis, ab aduersis conatibus vindicando. Erat ipse in se ipsum austerus, & Euangelicæ paupertatis tenacissimus, & feruentissimus retractor salutis animarum, cui promouenda se ipsum perpetuè impendebat, tum assiduus precibus, cum constanti, & indefesso labore predicationis. Erat verbum Dei in ore eius gladius acutus ad rescanda vitia, & carnales affectus detruncandos. Erat acerrimus criminum obiurgator; in quo nullius, vel diuitis, vel potentis faciem respiciebat, ea tamen dexteritate, & eloquentia, ut sui aui concionatorum Rex appellaretur.*

*Et postea. In Itinere Aegyptiaco illi accidit, ut dum per immensa illa deserta, & vastissimas solitudines deficiente victu, ex integri bidui inedia ad aride arboris truncum sedens & querulus ad Dominum conuersus, diuinam promissionem S. Francisco factam allegauit; illius quippe filijs nunquam de fore victui necessaria.*

*Et*

Et enego, inquit, in hac solitudine morior fame, nec potero Vicarij tui iussa perficere, nec tot animas ad veritatis tuæ lumen adducere, Domine miserere. Hæc verba non prorsus absoluit, cum adstantem sibi vidit iuuenem pulcherrimum, qui eum Italica lingua salutans, cibos porrexit, quos cum ille admirabundus, cum gratiarum actione sumeret, subiunxit. Non est quod de Dei benignitate, & providentia diffidas. Ego ipse sum qui seruo meo Francisco promisi omne opportunum auxilium: nec tu huc usque vidisti in hac Religione ullum derelictum, aut famem percuntem, usque dictis disparuit. Et iterum. Sanctissimis documentis, quæ prædicando subministrabat, ad iungebat opera, & vitam sanctissimam, quibus multos Infideles in Oriente conuertit ad fidem, multos Schismaticos ad unionem Ecclesiæ reduxit, & ex alijs erroribus incredibilem hominum multitudinem liberauit multosque induxit ad Religiosæ vitæ professionem. Denique postquam pro Ecclesiâ Sanctâ Dei multum desudauit, & pro sua Religione obseruante per triginta nouem circiter annos, ut unus ex quatuor præcipuis columnis, qui eandem obseruantiam aduersus æmulatorum studia, summo honore supportarunt, meritis copiosis diues, Mediolani transiit ad Dominum, in Fesbo die Assumptionis B. Virginis Mariæ anno reparatæ salutis 1459. in Conuentu S. Angeli, ubi corpus eius sepultum fuit, & multis deinde miraculis à Domino illustratum. Eadem hora, qua obiit Albertus, B. Ioannes Capistranensis, in Conuentu Burgi Sancti Sepulchri, mensæ cum fratribus accumbens, læto & radiante vultu in

cælum elato, sic exclamauit. O Patres ego video animam vnius fratris nostri in Cælum euolare, & ut vadit gloriosa, expedita, & Beata: quod cum oculis in altum defixis, pluries repetisset, è mensa ad orationem surgens, in ea sibi reuelatum didicit, animam illam fuisse P. Alberti Sartbianensis, quæ tunc exuta corpore, ad Cæli gaudia properabat.

Nicolaus Bartholinus Cl. Reg. 1680.  
Congregationis Matris Dei,  
in calce Hodæporici B. Ambrosij Camaldulensis, à se nuper editi pag. 70.

B. Albertus de Sartbiano, tum vitæ sanctitate, tum eruditione, ac laboribus Ecclesiasticis cum paucis æuo suo conferendus.

Antonius à Terrinca, in Theatro genealogico Minoritarum Tusciæ part. 1. serm. 2. tit. 2. pag. 14.

B. P. Albertus Berdinius à Sartbiano Reg. Obseru. Alumnus, columna, & basis, propugnator, & propagator vti T. beat. 1. Ord. tit. 4. diximus: vir prædicatione, vitæ sanctitate, ac miraculis illustris, Græcis, & latinis, humanis, ac diuinis literis apprime eruditus, Martino V. Eugenio IV. & Nicolao V. Summis Pontificibus summè charus, sanctissimis namque documentis immaculatam coniunxit vitam, & operæ sanctissima; quibus Orientales multos, varijs apud eos legationibus functus, ad fidem conuertit, Iacobinos, Græcos ad unitatem Ecclesiæ in Concilio Florentino à schismate adduxit, & re-



et reuocauit, incredibilem multitudinem ab errore retraxit, plurimos Religiosorum cœtibus adiunxit. Tot præclaris meritis radiantem eius animam uidit B. Ioannes Capistranus in Cœlos ascendentem ipsa Assumptionis Virginæ seßiuitate anno 1450.

diuitum potentiam timebat quin minus Dei uerbum liberè proponeret, et quod absconum erat redargueret. Id tamen tanta fecit dexteritate, et eloquentia, ut predicatorum sui temporis Rex diceretur.

P. Dominicus de Gubernatis in Orbe Seraphico Tom. 1. in Indice.

B. Albertus de Sarrhiano Pontifici, et Ordini uniuerso acceptus & f. 184 In locum Fratris Dalismani demortui electum fuisse in Ministrum Prouincialem B. Fr. Albertum à Sarrhiano. Idem Tom. 3. pag. 78. col. 2. quo etiam anno B. Albertus de Sarrhiano, tum doctrinæ, tum sanctitatis rarum exemplar ab ordinis communitate, ad Regularem Obseruantiam conuolauit.

Et Tom. 2. lib. 6. cap. 2. p. 34. col. 1.

Anno 1415. Fr. Albertus à Sarrhiano Clusina Diœces. in Tuscia Oppido, Pij Tertij patria, ad obseruantes à Patribus Conuentualibus transfuit annos natus 30. latine egregie doctus Guarino viro insigni præceptore, et græcè sub Emanuele Chrisolora et trag; lingua eruditè scripsit, et utriusque gentis studuit conuersioni. Sanctum hoc institutum multisariam adiuuit suis doctissimis scriptis, et ab impugnatoribus liberauit, vocatis à seculo adolescentulis auxit, multiplicatis adibus, et optimis præscriptis legibus formauit. Ipse in summo uitæ rigore, et disciplina seueritate pauperem uitam transgens omnes cupiebat Christo lucrificare, vel assidua oratione, vel efficacissima predicatione. Faciem nullius respiciebat, neq;

Ei ibidem cap. 8. pag. 92. col. 1.

Quem (Poggium Florentinum.) B. Albertus Sarrhianensis attica, et Romana eruditione clarus edita graui sed modestissima Apologia uerbatim confutauit, et suorum honorem, iam ex operibus apud seculares clarum suo scripto clariorem reddidit.

Cap. 15. pag. 203. col. 1.

B. Albertus de Sarrhiano attica, et Romana eloquentia insignis, sed fructu predicationis, uitæque sanctitate longè insignior, pro Obseruantie Regularis inuicta defensione, felicique propagatione quam gloriôsè laborauerit uidendum est in Prædicatione, et in proprijs locis enarrabimus.

Alij plures huius B. Patris meminerunt S. Antonin. p. 3. tit. 22. pag. 789. Ioannes à S. Maria part. 1. Chron. Prouinciæ S. Iosephi cap. 4. Ignatius Legault, de Sanctitate Ecclesiæ Rom. cap. 2. sect. 2. Henricus Sedulius in cap. 3. uitæ S. Francisci. Henricus Spondanus in prosecutione Annalium Card. Baronij tom. 2. anno 1441. num. 3. Odoricus Raynaldus Annal. Ecclesiæ tom. 18. anno 1441. & alij plures. Sed quia quos ex illis uidimus nihil noui proferunt, eorum uerba omisimus. At non tam finem quam illustrem coronidem, & pennatam summitatem his testimonijs imponet sequens elo-

gium

gium Alberti, nobilium authorum  
cruditione, & elegantiâ dignum.

(23) ACCADEMIA SENENSIS

Intronatorum in Fastis Senensi-  
bus ad Alex. VII. Pont. p. 208.

B. Albertus de Bendinis à Sartbia-  
no (24) Ordinis Minorum.

Cunas cum pberetro confundere  
visus est, qui Albertum Mediolani  
natum prodidit, certissima quippe  
monumenta sunt, quæ natale illius  
solum Sartbianum, Senensis nobile  
ditionis Oppidum esse dubitare non  
sinunt. Mediolani quidem supremum  
decubuit, & hac mortalitate  
solutam illius animam Cælo trium-  
phantem succedere suscepit Biturgij  
degens vir ille Beatissimus, super-  
umque spectaculis iam dudum as-  
fuetus, Ioannes à Capistrano. Hu-  
ius in oculis quasi etiamnum beren-  
tem tanti spectaculi pompam unâ  
mecum lector, si vacat, cognosce.  
Post præuios faustum modulantes  
choros ferebantur simulacra Hiero-  
solymæ, Constantinopolis, Mem-  
pheos, Creta, Græcia, Armenia,  
Syria, Aegypti, ac Numidiæ, quas  
ille Vrbes, nationesque non tam iti-  
neribus, quam victorijs, eloquentia,  
& pietate partis, late lustrauerat:  
videre erat ex eiusmodi simulacbris  
pendentia sacra quam plurima diplo-  
mata à vaticani hierarchis ad Alber-  
tum data, amplissimis illius merito-  
rum titulis honestantia, & Apost.  
authoritatis vires impertinentia, ut  
vel remotiores Africa, Asiæque Pro-  
uincias Christo subigeret. Inerat  
simul aureis expressa caracteribus  
approbatio Florentini Concilij, vi-  
rum eximijs laudibus honestantis,

quod Eugenij IV. iussu ad confessum  
illum accitus, in fœderandis Rom.  
Ecclesiæ Græcorum animis, eximiam  
operam, industriamque nauasset.  
Accedebant opima de profanis impie-  
tatis delubris relata spolia: acti ante  
currum, deuinctis manibus viru-  
lenti Scriptores non pauci, quos re-  
formatum nuper Franciscanum Or-  
dinem, dentate chartæ maledictis  
proscindentes vindex hic noster in-  
uictò stylo confoderat: currum ipsum  
sydereis gemmis rutilantem gemin-  
monstra, hæresis, ac superstitionis, in-  
eluctabili freno constricta, trahere  
cogebantur. Præ quibus illum ingen-  
tem ceruum catenæ præmebant, cuius  
laruam malus dæmon indutus Me-  
diolanenses (qui adhuc vsque sexa-  
gesies mille dicenti Alberto interdum  
aderant) dum è nostri oratoris ore  
pendebant, factò in medio impetu  
perturbare est ausus, auertissetque for-  
tasse attonitam spectaculi atrocitate,  
concionem in ipso suo furore diffiden-  
tem inanibus suis viribus, nisi bel-  
luam pro vocis imperio, non fugere  
modo, sed euanescere coegisset: stipa-  
bat latera manus Epheborum nu-  
mero, ac dignitate per nobilis, quos  
Albertus ad ipsam adolescentiæ flo-  
rem, spinis patientis Dei intra reli-  
giosa claustra, sacrandum mira de-  
xteritate permouerat, sequebatur in-  
numera pileatorum turba, Iacobi-  
tarum præsertim, & Armenorum,  
quos, videlicet, e perfidia seruitute,  
in veram Catholicæ fidei pietatisque  
libertatem, tanti doctoris præpotens  
virtus asseruerat: sed splendidissimam  
triumphi maiestatem, vnus ipse spi-  
rabat Albertus sacra Latine, &  
Græcæ eruditionis, laureis redimi-  
tus, & textili, non quidem è ci-  
neribus veste, sed ex radijs symmate  
late

late conspicuus: obuiam interim effusi  
 Coeli Ciues aduentantem victorem  
 plausu, & quam lētis fauoribus  
 excepere: salutabant egregium Diui  
 Bernardini Senensis discipulum, di-  
 gnissimumq; populorum magistrum:  
 verè magnum ex ipsius aeterni Regis  
 decreto compellabant, qui nimirum  
 ex euangelici oraculi praescripto ante  
 fecerit, quæ docebat, ut nunquam  
 manum linguæ rubori esse continge-  
 ret; quando nulla Christiana sa-  
 pientię præcepta, ad aures populo-

rum admoueret, quæ moribus, vi-  
 taque multo antea non affirmasset.  
 Reddendam vero laudatissimi viri  
 humilitati vicem una cœlestium  
 omnium vox esse videbatur, ut qui  
 sublimis inter mortales, recusato  
 supremo sui Ordini magistratu, esse  
 noluerit, eo apud Cœlites excelsius  
 emineret, nec monitore suæ parui-  
 tatis, & vulgari triumphantium  
 more indigebat, qui tam illustri ex-  
 perimento, quanti se faceret, osten-  
 disse,



# NOTAE IN VITAM BEATI ALBERTI SARTHIANENSIS ORD. MINOR. OBSERV.

## Nota In Frontispicium Incisum.



Vid hoc schemate designetur, ad pedes eiusdem summatim incidi curauimus. Nunc verò particularia quædam explicanda sunt, atque imprimis cum duo nobis

extent eius cõtipa, ex eodem Vaticano prototypo, ad eandem rem præsentandam desumpta, alterum scilicet hoc nostrum, alterum quod Horatius Iustinianus fieri fecit, & in sua historia Concilij Florentini addidit, adeò tamen inter se dissimilia sunt, vt non vnã actionem, sed duas, diuersasque significare videri possunt. Ad tollendam ergo hanc ambiguitatem, aduertendum est, Iustinianum, vt rem integram produceret, portam Basilicæ Lateranensis adiunxisse, eamque imagine Sancti Salvatoris, brachio dextro, in modum benedicens eleuato, sinistra verò pomum cum infixa cruce, illius Ecclesiæ insignibus ornata, vt ijs notis indicaret, eam actionem Concilij in eadem Ecclesia celebratam fuisse. Addidit præterea plures quam nos legatorum imagines, quasi portam illam ingredientium, & ad Pontificis pedes procedentium, fidei decretum ex eius manibus accepturi. Quæ omnia cum in parua scheda comprehendere non posset, noua celatura necessaria fuit, vt imagines ipsæ multò quàm nostræ minores prodissent.

Ego verò sola ipsa præcipua actione contentus, quæ intra templum acta fuit, & Alberti nostri effigiem completitur, malui impacto gypso figuras,

eadem qua in ipsa porta Vaticana molis mensura exprimuntur, excipere: nam id folij nostri latitudini conuenit, & icones ipsæ magis conspicuæ, clariùs discernuntur, & maiorem venerationem, auctoritatemque præferunt.

Accedit insuper, ne paucitas personarum, quæ hoc schemate oculis obijciuntur, inducat lectorem, vt suspicetur huic actui plures non interfuisse, vel actum ipsum non publicum, aut solemnem, sed secretum, & quasi clancularium fuisse, hic aduertendum duxi, non ideò paucas personas exprimi, quod re ipsa paucæ fuerint, sed quod angustia nostræ paginæ plures capere non potuerit, atque adeò synecdoche opus fuit, qua per vnã plures intelligamus.

Sic vnus Cardinalis est pro pluribus qui interfuerunt, ac duo tantum legati, cum duodecim circiter ex Aegypto, & Aethiopia re ipsa interfuerint, vt habetur in tabulis à Iustiniano ex portâ S. Petri in suum librum translatis.

Quemadmodum enim Rhetores, & Poetæ per synecdochen vocalem efficiunt, vt ex vno plures intelligamus, sic sculptores, & pictores, per pauciores res plures intelligi volunt, vt dum mediam corporis partem, totum hominem, aut per vnum hominem plures intelligunt.

Postremo hoc loco dicendum restabat, quod ad Alberti effigiem, & habitum pertinebat. Verùm ea res satis elucidata est cap. 13. eius vitæ prope finem, vt proinde superfluum sit eam hic repetere.

Nota In Frontispicium  
scriptum.

## Cap. I. Nota 3.

\* *A Sarthiano*. Hac orthographia libentius vrox, quam qua alij quidam Sartianum, Sarcianum, vel Satteanum scribunt. Illa enim vsi sunt Blondus Flavius eruditus historicus, Alberti nostri synchronus, & amicus: Marianus Florentinus ex eadem provincia Tusciæ, in qua Sarthianum situm est, & certioris fidei scriptor ipse Albertus, qui vt erat Tusca pariter, & Latina lingua peritus, rectam natalis oppidi nominis orthographiam ignorasse præsumi non potest. Et ratio suffragatur tum ad retinendam primitiuam nominis pronuntiationem; Tusci enim, non vt Latini, Titium, Martialém, & similia, hoc nomen efferunt, in quibus extenuatur natiuus sonus litteræ T. sed vt Schytiam, Aethiopiam, & alia eiusmodi, in quibus, ad solidiorem sonum litteræ T. necessaria est interpositio aspirationis, vt extenuantem alioquin vim sequentium vocalium intercipiat, vt non Sartianum, sed Sarthianum ad aures deferatur, tum etiam vt clarius, distinctiusque differat à nomine Sarzanæ Civitatis eiusdem Tusciæ.

## Cap. I. Nota 1.

*Bina legatione*. Acta huius legationis extant M. S. in Bibliotheca Vaticana, vnde historiam deprompsit Vvaddingus tom. 5. Annalium Min. & ipsa verba descripsit Baronius, in Annalibus Ecclesiast. tom. 15. sub anno 1426. à numero 5. ad num. 19.

## Cap. I. Nota 2.

*A mille fere tunc annis rebelles*. Lege Card. Baronium tom. 3. an. 347. n. 64. & Thomam à Iesu de procuranda salute omnium gentium, lib. 6. cap. 2. pag. 237. Ioannem Azotium tom. 2. instit. moral. & multos alios, qui controuersias fidei, ac Terræ Sanctæ historiam tractant.

*Post Bernardinum secundus*. Hoc ita intellige, vt Albertus habitum Religionis induerit, & professionem inter Conuentuales emisericit antequam seculum reliquerit Capistranus, sed quod hic prius inter Obseruantes ipsos indutus fugerit, quam Albertus à Conuentualibus ad Obseruantes migrasset, constat ex Vvaddingo.

## Cap. I. Nota 4.

*Vaticane, Pontificæ, & Fesulane Min.* Sic ipsæ Vvaddingus tom. 5. Annal. ad annum 1438. num. 3. & 1439. num. 11.

## Cap. II. Nota 5.

*Ex nobili, & clara Ceruinorum familia*. Huc spectant Francisci pacis seu alterius hominis scriptoris verba, in epistola nuncupatoria cuiusdam sui libelli ad Antonium Ceruinum Montis Politiani Episcopum, quæ ex Italico Latine reddita, hæc sunt: Inelyta Ceruinorum profapia indubitanter sat grandis est nobilium dominiorum possessione, qua illa ab antiquo gauiſa est: parentela cum Hetrurix familiis maxime conspicuis contracta; rerumque gestarum splendore, & administratione Magistratum quos illa regebat. Sed & (quæ illam ampliori veneratione dignam reddiderunt) personarum pietate resplenduit, vt Franciscus ille Ceruinus, qui sanctissimæ vitæ suæ fastos Beari charactere obſignauit. Quis prudentia, vt ille Marcellus? qui ex Ecclesiæ Saonenſis Antistite, in hac adeo digna Montis-Politiani, sed tibi antecessor euasit? Quis rerum cognitione, vt magnus ille Richardus in omni scientiarum genere versatissimus? Inter maxime claros, charosque, quorum conuersatione Paulus III. Pontifex eximius literatorum æſtimator se oblectabat? Si Richardus eo minor in se ipso non fuerit, quod maiorem se mundo

protulerit ? qualis fuit Marcellus Secundus Pontifex Maximus ex illo generitus.

### Cap. III. Nota 6.

*Græce, & Latine eruditionis fontem.* Breui hoc Elogio Albertus gratus auditor sui præceptoris Guarini virtutem expresse, nec elegantiori, vel significante magis potuit, qui veram Guarini effigiem ex ære fusam, posteritati consecrauit. In auerfa quippe numismatis facie, fontem exhibuit laureo setto pendentibus bacis circumdatum, cuius & reliqua ornamenta eruditionem, doctrinam, scientiam, sapientiam, bonarumque rerum cognitionem fontis emblemate significatum sacræ, tum profanæ literæ contestantur. In illis enim eruditio ipsa fontis nomine quandoque venit, ut Prouerb. 16. *fontis vitæ eruditio possidentis*, aliquando etiam personæ doctrinæ dotibus insignes, qui ex abundantia virtutis suæ, eadem dona in alios effundunt. Quod indicare videtur Isaias Propheta cap. 12. num. 3. cum dicet. *Haurietis in gaudio aquas de fontibus Saluatoris*: qui fontes in veteri testamento fuerunt Patriarchæ, Prophetæ, Sacerdotes, & legis doctores. In nouo verò Christus ipse Saluator, Apostoli, Euangelistæ, Patres, & Ecclesiæ Doctores, seu in utroque, ut alij volunt, ipsa doctrina, tam scripta, quam tradita, ex quibus aquas saluberrimas doctrinæ in alios scaturire credimus. Cornelius à Lapide in illa verba Isaiæ *Haurietis &c.* & patres quos citat, per aquas intelligunt Sacram Scripturam; & doctrinam Euangelicam, quam haurimus à Christo ipso præcipue, sed mediantibus illis doctrinæ fontibus, quos iam indicauimus. Accinit Regius Vates Psal. 64. *In sillicidys eius latabitur germinans*, ubi Lorinus: Mysticum sensum, inquit, de imbre cœlestis doctrinæ percipiet

facile, qui hæcenus dicta perlegit. Et eadem pag. 126. col. 2. omnia, descriptis interpretum locis, ad doctrinam, doctoresque refert. Denique Anton. Agellius in Psal. 35. ad illa verba. *Quoniam apud te est fons vitæ*, relatis alijs sensibus addit; nam & ille sensus non repudiandus est: fontem vitæ appellari sapientiam, & doctrinam, quæ tum in templo, seu tabernaculo à Sacerdotibus, & Prophetis, ad explendam populi fidem, tanquam ex fonte redundabat, Spiritu Dei, Sanctis viris iugiter fontis viuientis instar, aquas doctrinæ suggerente, & Christus ipse fons vitæ sic intelligi potest: quomodo ipse de se dixit; *Qui sitis veniat ad me tanquam scilicet ad viuum sapientiæ fontem, & bibat.*

Colebant quoque Gentiles fontes suos, ut ad rem dicam, doctrinales, qualis fuit Caballinus ille Montis Parnassi, cuius aquam, cum Aescæus ille senex assatim bibisset, repente poeticum accepisse spiritum fabulantur; cum antea patris oues pauisset in monte Parnasso, talis etiam fuit Castalius fons, quem Amiano teste, dictarunt Græci propheticum influere spiritum, sed vniuersim Andreas Baccius de thermis lib. 6. pag. 356. *Sacra dicta musæ, & sacri vice versa quos eas diximus colere fontes, ac etiam montes. Quæ figura hanc videtur habere rationem, quod ut è fontibus sponte aqua manat vberi vena, sic è vatium sapientumque ingenijs, quasi è perenni vena abundant, quæ meditantur, qui & coloni quoque fontium figurantur, quoniam musæ, ac ipsarum studiosi, ut Serabo interpretatur lib. 10. quasi indagatrices sunt, ac venatores rerum maxime vtilium ad disciplinas, & ad vitam: unde & venari usurpamus verbum quod est inuestigare, & inuenire.*

Restat nunc ut Guarini fontis proprium apparatus, hoc est partes, & ornamenta paucis explicemus, in quem finem vitamque numismatis faciem, oculis cernendam exhibeo;



In hoc schemate conspicuus est venerabilis, magnique viri vultus: in emblemate latent mysteria; quæ quoniam ex ethnica veterum disciplina, partim fabulosa sunt, & partim Christiana fide certa, solidaque veritate constant, nos utraque comparabimus, sed sacra seriò prosequemur, & fabularum vanitates Mythologis explicanda mittimus, fingunt enim globum illum cœlestem in aere suspensum, qui fontis origo est, Iouis caput esse, quia Picrio Valerio teste Eustathius eruditè 1. Iliados, veteres ait cœlum pro capite accepisse. Nos verò globum illum Diuini verbi sapientiam interpretamur, quæ suæ figuræ rotunditate perennem, æternum, indeficientemque fluxum denotat. Omnis enim sapientia à Domino Deo est, & cum illo fuit semper, & est ante æuum Eccl. 1. n. 1. & n. 5. *font sapientia verbum Dei in excelsis*; nympham illam globo insistentem, & quasi pedum impactu aquas elicentem, Palladem, seu Minervam à Iouis capite natam esse somniant, ingeniorum, disciplinarumque præsidem. At nos Spiritus Sancti gratiam intelligimus, qui ab initio ferebatur super aquas Gen. 1. ac tanquam verus ingeniorum, disciplinarumque præses dona sua hominibus dispensat, vnicuique enim datur manifestatio spiritus ad vtilitatem, alij sermo scientiæ &c. *Hæc autem operatur*

*unus, atque idem spiritus, diuidens singulis prout vult* 1. Corinth. 12. n. 11. toto corpore nuda depingitur, vt veritatem doctrinæ asserat, quæ veritas idèò nuda est, cum quia per se ipsam satis ornata, tum vt manifestum fiat, nullum in ea erroris, falsitatis, adulationis, dissimulationis, aut alterius vitij nexum esse, cuius eam vel poenitere, vel pudere possit. Dextra clauum torquet Herculis virium insigne; non illius Græci, Iouis ex Alcmena filij, cuius vires in corporis robore consistebant, in quo homines à bestiis plerumque superantur, sed alterius Herculis quem Gallieum vocant, quique clauo linguæ veteres Celtas prudentia, & erudita eloquentia conuictos, à feris moribus ad humanam viuendi rationem, & ciuilem conuersationem suauiter, fortiterque traduxit. De quo multa Claudius Minoes in suo commentario ad emblemata 180. Alciati, & Alciati ipse hanc epigraphem apposuit: *Eloquentia fortitudine præstantior*. Et Herculem Gallieum carmine laudauit, & græco præfert. Nos autem in clauo Diuinam, æterni Patris potentiam agnoscimus, & vim illam inuincibilem, nudæ, simplicis, & eruditæ veritatis, per quam super omnia vincit. Esdræ 3. Cap. 3. in clypeo verò prudentiæ virtutem colimus, cum Io: Boccatio in genealog. deor. lib. 10. Cap. 11. ait enim Perseum scuto



scuto Palladis armatum oppressisse Medusam, in templo Mineræ, idest, inquit, intra terminos prudentis consilij, illam superat, quod etiam per scutum Palladis demonstratur, quod crystallinum erat, ut per eum sumatur prudentis circumspectio. Habet enim Crystallum hoc, ut reddat oculis intuentis, quidquid extra se geritur. Sic & dux discretus consilio, quidquid possint hostes agere intuetur, & sic se tutum facit, dum illorum à se prauis frustratur consilia.

De quatuor illis sapientiæ riuus, qui ex globo in fontis cratera scaturiunt, augurentur illi quod volent, nobis cum Laurentio Berlingo in theatro vit. hum. sentire liceat quaternarium hunc numerum significare, quatuor genera rerum, quibus constat nostra institutio; nempe præcepta ad iusticiam, mandata ad charitatem, testimonia ad fidem, exempla ad perfectionem, vel dogmata, præcepta, minas, promissa. Per duas autem scaturigines, quæ ex cratere in subiectum labrum decidunt, signantur duo præcepta Dei, in quibus tota lex pendet, & Prophetæ, hoc est Christiani hominis perfectio consistit. *Diliges Dominum Deum tuum &c. Et diliges proximum, sicut te ipsum.* De ijs enim dictum est, fac hæc, & viues, idest vitam æternam possidebis. Denique ne vllum huius fontis mysterium omittam, præter illud, seu campus virens, & floridus, inferiori labro substratus, ad discipulos pertinet, qui dum eruditionem ex fonte concipiunt, virtutum flores germinant: & bonorum operum fructus proferunt, de quibus iam dictum est: *In silicidij eius letabitur germinans.* Psal. 64.

Nunc tandem cum B. Alberti gratum præceptorum animam laudamus, cauendum ne ille nos ingratitudinis, turpis vitij, redarguat, si eorum memoriam silentio transcamus, per quos proficimus. Si quid ergo vtilitatis in hac nota esse videatur, id referendum est in Cl. V. Antonium Magliabechum Medicæ Cosmi III. Magni Ducis Etruriæ Bibliothecæ præfectum, in quo Nicolai Nicoli quondam eruditio suo nostro, rediuita florentinis musis restituta cernitur. Is namque illius numismatis

integrum cætypum ex æneo Musæi sui gypso depromptum ad nos misit, & primus hortatus est, ut ipsum Alberti, & Guatini memoriæ, eruditorumque voluptati, in aptum lucubrationis nostræ locum inferamus.

### Cap. III. Nota 7.

*Florentiæ docentem.* Opitulatur Poggius cuius locum proferimus in nostris notis ad epist. 6. Alberti.

### Cap. VI. Nota 8.

*Guelforum, Gibellinorumque.* Vide nostram notam in epist. 10. Alberti.

### Cap. XII. Nota 9.

*Vt à sua familia segregarent sex viros.* Ij fuerunt Ioannes à Capistrano, Iacobus Primadicius Bononienfis, Iacobus Picenus à Montebrandono, Albertus Sarthianensis Tuscus, Bartholomæus de Yanno Vmber, & Ludouicus Bononienfis, viri omnes egregij, qui quàm multa, & magna deinceps Ecclesiæ præstiterint, usè narrat Vvaddingus tom. 5. & 6. Annalium.

### Cap. XIII. Nota 10.

*Iter suum in Aegyptum direxit.* Hæc Alberti prima in Aegyptum profectio fuit, cuius viam ita describit Fr. Franciscus Surianus Venetus ordinis Min. testis oculatus, & non semel expertus, in sua historia Terræ Sanctæ, quam absoluit Ierosolymæ in Conuentu Montis Sion anno Domini 1414. & sibi in eo Conuentu secundi Guardianatus anno secundo, sic autem sed vernaculo sermone loquitur. *Ierosolyma Cayrum profecturus, bidni imprimis itinere per viam asperam, montosam, & malam pergit Gazaram Palestinæ, ubi viator victui necessaria pro reliquo itinere sibi procurare debet, quod inaguosum, falsuginosum, & arenosum est; nec per diem inde quinque, alia ciuitas est, usque ad Cathayin urbem antiquissimam, in qua Cayri vestigia persoluiunt.* Hæc

eadem est, in qua Abrahamo in Aegyptum eunti, Sara uxor dempta fuit, & inde ad Pharaonem ducta, hinc item ad Cayrum, quatuor tunc itineris dicta, & aliqua loca culta, & inhabitati pagi, Media diei extra Cayrum itinere occurrat ciuitas Tanes, quam cum suo territorio Ioseph Patriarcha Patri Jacobo, & fratribus suis in Aegypto possidendam dedit. In toto hoc itinere sunt per arenam vermes, tinea nostris maiores, quos Pharaonis pediculos vocant, suntque venenatis moribus, noctu magis quam diu viatoribus molesti, sed aduersus eorum venenum praestans remedium est, succus limonum.

### Cap. XIII. Nota 11.

Cum Mamaluchis. Hi erant Christianæ fidei desertores, & Alberti nostri tempore in Aegypto, Syria, & Palestina potentissimi, eorumque originem, progressum, & casum idem Surianus fol. 13. ira posteritati tradit. Quo tempore Sultanus Aegypti cum suis Sarazenis Terram Sanctam expugnavit, in eo bello multi Christiani in seruitutem redacti sunt, sed quoniam in armis exercitati, & strenui praeliatores erant, Sultanus eos tanquam sui regni propugnacula futuros reseruauit. Ac primum, in Beduinos capitales hostes suos emisit. Erant etiam Beduini Sarazeni, sed alterius sectæ. Mamaluchi itaque multis præliis Beduinis Arabibusque superiores, maximum studium in eo posuerunt, ut suæ fortunæ Christianis mancipijs copias suas in dies magis, magisque adaugerent. Quo factum, ut aucto numero, & potentia, post insignem victoriam ab Arabibus, Beduinisque reportatam, communi consensu consisterent, ut ei suæ sortis hominibus strenuum aliquem virum, ducem sibi præficerent, cui ceteri parere tenerentur. Mox arma sua in Sultani subditos vertunt, & multi Cayrum ingressi Sultanium ipsum multosque ipsius affectas trucidarunt. Nec moram passi unum e suis in eius throno cum dignitatis titulo collocarunt, & Sultanium salutarunt. Hinc Prouinciâ uniuersam deprædati sunt, & incusso terrore, cunctos coegerunt noui tyranni iugum admittere; nec

vllum Christianum in suum ordinem admittabant qui Mahometi legem non profiteretur, & qui sic faciebant, aliquo Principatus, vel Dynastia titulo honorabant, in quem laqueum diabolus multos pro dignitatis ambitu traxit. Omnia enim Sultani dominia in principatus diuiserunt, quos solis Christi desertoribus, & professis Mahometi sectatoribus conferrebant. Et quoniam primus, quem Sultanium salutarunt, quintam seruijt seruitutem, ac toties emptus, venditusque fuit; idcirco neminem suprema inter eos Sultani dignitate donabant, qui & ipse non esset repertus, toties emptus, venditusque fuisse, usque adeo, ut si quis aliquin Sultani Sede dignus censeretur, non admitteretur tamen, nisi per venditiones tanquam per gradus ad thronum ascenderet: ac ne dignum abijcere viderentur, hunc toties eodem die vendebant, ut quintum venditionum numerum compleret, ac dignitatem hoc quoque titulo mereretur. Tanta arrogantia, fastusque vinebant huiusmodi apostata, ut ipsorum vilis quisque natiuorum Sarazenuum primorum quemuis baculo percuteret, & iste necesse defendere, nec queri quidem de iniuria, multo minus vindicare auderet, nisi bonis, aut ipsa vita plectendus. Atque hanc tyrannidem annos circiter trecentum, & viginti exercebant, dum tandem anno Christi 1575. à magno Turcarum Imperatore debellati, deletique fuerunt. Isti igitur cum Sultani Electores, Consiliarii, Duces, atque adeo etiam Iudices fuissent, multum procul dubio in B. Alberto e Sarazenuorum manibus eripiendo poterant.

### Cap. XIII. Nota 12.

Et si dolente, & contra nitente Alberto. Quam sincera fuerit in hac occasione voluntas Alberti, & quam ardens desiderium, studiumque Martyrium pro Christi fide adipiscendi, præter testimonia scriptorum, satis demonstrat ipsius opusculum, seu epistola ad Eugenium Pont. contra vituperatores Martyrum, & alia ad fratres Antonium, & Lucam, qui Ierosolymæ carceres, & sæua tormenta, tunc pro Christo constanter tolerabant; ipsiusque sæpe re-

petita, ac tandem obrenta facultas, barbaras quasque, & remotissimas infidelium nationes adeundi, Christum daturus, aut sanguinem.

### Cap. XIII. Nota 13.

*Abeuntibus ergo secundis his socijs.* Hos, vel eorum aliquos ad Aethiopes, Indosque peruenisse, præter ea, quæ hoc loco diximus, docet etiam publica promulgatio Florentinæ unionis in Aethiopia, & aliqui inde secuti effectus, quos refert Fr. Gandolphus Siculus, nostrorum Ierosolymæ Guardianus, & post Alberti reditum in Italiam, in partibus Orientalibus Indiæ, Aethiopiæ, Aegypti, & Ierusalem, Apostolicæ Sedis Commissarius, in literis ad Eugenium Pont. scriptis: quas mox infra dabimus. Et S. Antoninus part. 3. hist. tit. 22. cap. 11. pag. 531. ubi narrat aliquos ex India, misisse oratores suos Florentiam ad Eugenium Pont. postulantes, & supplicantes, instrui, & erudiri in ijs, quæ sunt fidei, à Romana Ecclesiâ, & vñiri cum ea in charitate Christi. Videndus etiam Odoricus Raynaldus tom. 18. Annal. Ecclesiast. ad annum 1441. à num. 5. & an. 1442. à n. 1. ad 9. ubi plura, quam diximus habet, de alijs Christianorum Orientalium populis, & quibusdam Sarazenis, cum Ecclesiâ Romana, hoc tempore confederatis, vel ad fœdera proximè dispositis, in quibus dubitari non potest, B. Alberti studium intervenisse, quantumvis, & ipsius, & eorum, cum quibus tractabatur, nomina silentio tegere, tam temporis, quam rerum ratio, maxime postulasset, vt colligi facile potest, ex ipsius Alberti literis ad Eugenium Pontificem Rhodo datis, quando ipse cum Aegyptiorum, Aethiopumque Legatis Florentiam rediret.

### Cap. XIII. Nota 14.

*Accidit autem.* Duo hic distinguenda, ac seorsim elucidanda sunt. Primum, ac principale, quod Christus Dominus noster in humana specie pulcherrimi iuuenis apparuerit Alberto, tunc fame in deserto languenti, ipsamque

optimo cibo, & suavissimo colloquio refocillauerit, in quo conueniunt Marianus Florentinus, Lucas Vvaddingab, & anonimus aliquis, qui notas marginales Mariano manu scriptas apposuit, & alij, præterquamquod Marianus rem referens, proprium Alberti nomen dissimulauerit, quod alij exprimat. Etenim de Alberto, & socijs ita loquitur.

*Erat inter eos quidam frater valde nobilis in sæculo secundum carnem, sed nobilior fide, & virtutibus, qui cum legationem suam promptissimè expletes &c.* Et iterum: *frater verò obedientiam Vicarij Christi explere plurimum optans aliquas à rebus sibi magis necessarijs in sarcinulam composuit, eamque suis humeris dimissis alijs imposuit, inceptumque iter, illud nempe ex Græcia in Aegyptum, in quo Christus Alberto apparuit.*

Itaque ne quisquam ex hac Mariani dissimulatione suspicetur Christi apparitionem in deserto non Alberto, sed cuidam illi fratri per Marianum innominato contigisse, is primum aduertat, Marianum ipsum eum ab alterius rei narratione, ad Alberti acta prosequenda transiret, se ipsum his verbis declarasse *Sed nunc ad gesta narranda fratris Alberti Sarrhianensis redire oportet.* Et quamquam proprium eius nomen aliquando tacerit, certè personam clarè manifestauit, cum illum suum fratrem quendam, proprijs Alberti characteribus depinxit, ipsumque imprimis in sæculo nobilem secundum carnem appellat. Ego enim in illo Alberti comitatu neminem reperio, sanguinis nobilitate commendatum, præter Albertum ipsum, de cuius progenie iam egimus Cap. 2. huius ipsius vitæ, cum adiuncta nostra notæ. Marianus eum infert eum apparente ipsi Christo hoc modo loquentem. Nonne pro amore tuo seculum dimisi, ac temporale dominium. Hoc etenim dominium nulli magis congruit, quam viro nato nobili, diuiti, & potenti, qualis, vt dixi, in tota illa societate solus Albertus fuit. Marianus illum porro fide, & virtutibus nobiliorem vocat, quibus dotibus, in tota hac historia ab omnibus extollitur Albertus. Hic frater quidam apud Marianum,

num, idem est, qui Vicarij Christi obedientiam explere plurimum oprans, dimissis ad Indos, & Aethiopes alij, iter, ut supra, per desertum agens, in Aegyptum rediit, & Iacobitarum legatos ad Florentinam Synodum perduxit. Sed quis hæc, & plura nisi Albertus? Ergo siue lapsu calami, siue causa nobis incognita motus Marianus, proprium nomen Alberti in commune Fratris cuiusdam mutauerit, ex ijs quæ diximus clarum est, ipsum Alberti personam ubique designasse, & à nobis intelligi debere cum Vvaddingo, & anonimo scriptore notæ marginalis, alijsque qui hos indubitanter secuti sunt.

Alterum hic notandum, in circumstantijs, & accessorijis versatur, ut an in Italica, vel alia lingua Christus Albertum salutauerit, an apparitio Saluatoris in primo, vel secundo Alberti accessu in Aegyptum contigerit, quibus verborum formulis collocuti sint, & similia, in quibus scriptores pro suo arbitrio, & natura materiz, rem referunt. Marianus fuscè, sed parè Vvaddingus, & nos ex utroque aliquid, absque detrimento substantiæ, apparitionis, & colloquij.

### Eodem Cap. XIII. Nota 15.

*Nicolaum quendam natione Græcum.* Mirum quam parè, ne dicam dissimulanter, Andreas à S. Cruce Actorum œcumenicæ Synodi Florentinæ scriba publicus, Nicolaum quasi hominem sibi ignotum, & obscuram personam sic nobis indigitat, quem alioquin quotidie in medio Concilij sedentem videbat, & ea ipsi Latine dictantem, quæ Græci Græcè proferebant, pro officio communis interpretis Græcorum, & Latinorum, à cuius muneris præstatione illum eximie laudat, nulla alia expressa conditione personæ, tanci alioquin æstinatæ, ut illustre nomen sibi præ cæteris interpretibus, ipsorum etiam, & vtriusque nationis Conciliarium omnium applausu, adeptus sit. Eodem elogio, tamen mutatis aliquando vocabulis, eum efferunt Andreas in Actis Concilij part. 2. collat. 2. pagina editionis Iustiniani 90. Math.

Palmerius etiam præsens tunc testis, ad annum Christi 1441. sui Chron. per Cardinalem Bellarminum laudati, ubi Nicolaum Euboycum vocat, Aeneas Syluius in historia Europæ Cap. 54. & de origine, & moribus Turcarum Asiæ minoris cap. 100. qui illum Saguntinum, & Sagundinum appellat. Henricus Spondanus tom. 2. prosecutionis Anналиum Card. Baronij anno 1438. num. 29. Philippus Bergomas in supplemento supplementi chronicorum ad annum Christi 1449. fol. 382. Marianus Florentinus in huius nostræ notæ textu citatus, Antonius Possevinus in apparatu sacro, Franciscus Sanfouinus historiæ Venetæ lib. 13. sub Ioanne Mocenico Duce, circa annum 1477. pag. 250. ex quibus colligo, virum omnium consensu Nicolaum nomen tulisse, natione Græcum, Patria Euboicum, seu Euboea Insula oriundum, generis cognomento Sagundinum, Segundinum, vel Saguntinum, nam quod hanc appellationem ab Episcopatu Saguntino post absolutam Florentinæ Synodum ipsi collatum sumpsisset (quod Palmetius, & fortassis ex ipso Marianus noster affirmant) vana coniectura est, à syllabarum soni similitudine desumpta, ut quæ mox dicturi sumus, facile demonstrabunt. Sanfouinus præterea Nicolai consilio decemuirali Veneto à secretis, & cum alijs aliquot ingenij, & eloquentiæ eius monumentorum meminit. Ego ipsorum verba non refero, tum quoniam in locis impressorum librorum, quos allegamus, facile reperiuntur, tum quod, quæ diximus cum ampliori hominis noticia, & vetusto M. S. monumento ob raritatem codicis, non dum, quod sciam, typis editi, proprijs verbis authoris nunc describam. Casu enim incidi in codicem M. S. epistolarum Petri Parleonis, viri eo sæculo Græcè, & Latine eruditi, & Nicolao nostro familiaris, & amicissimi, atque dum folia vertere inveni prolixam epistolam, seu iustum libellum, quo Petrus Nicolaum, de naufragij calamitate consolatur, hac inscriptione pernotatum, *Petrus Parleo salut. D. Nicolao Sagundino.*

Epistolam hanc Venetijs datam fuisse ipsa

ipsa satis indicat, sed quo tempore scripta fuerit, non assignatur, ut nesciam quantum ab absoluta Synodo tunc effluxerit; quidquid historię ad Nicolaum pertinens complectitur, ad maiorem personę notitiam, breuiter excerpto. Nicolaus igitur Sagundinus, postquam illustre nomen à Græcis pariter, & Latinis in Sacra Synodo reportasset, in Cyprum profecturus, nauem in portu Veneto ancoris alligatam auro, & argento, libris, suppellectili, fortunisque omnibus, longo tempore, & magno labore paratis onerauit: ipseque arridente Cœlo, cum vxore moribus, virtutibusque præstante, ac morti per ætatem propinqua, & multa prole, cæteraque familia conscendit; sequenti mane vela facturus: sed in tempesta nocte ora tempestate, fractaq; nauis, substantiam vniuersam, fortunamque, & multo cariores vxorem, duosque filios paruulos, & feminulam vnā, opem in medio mari frustra implorantes, vno momento submersos amisit. Ipse tamen, Deo disponente, ne omnes vnā perirent, nudus, & naufragus euasit, cum vno filio adolescente & filiabus quinque, suisque naufragij calamitatem ad Parleonem per epistolam descripsit, de qua sic ipse Petrus. *Cum ad manus meas epistola tua peruenisset; omnem calamitatem abs te acceptam, apertius, pleniusque cognoui, quod eam ita diligenter sis amplexus, atque rem omnem ita ante oculos posueris, ut mihi non scripta, sed picta, nec ipse legere, sed cuncta oculis perlustrare viderer.* Et postea consolari eum exorsus. *Tametsi virum, ait, vltro ad omnes fortuna ictus, inuieto animo excipiendos paratissimum, perfectęque omnibus maiorum præceptis institutum singulari sapientia præditum, quique multa sibi consolationis præcepta, doctissime conscripseris, qui existeret ætate sua doctissimus, atque in vtraque fortuna ita exercitatus, ut iam in rebus humanis callum obduxerit, qui denique consolandi afflictos, nunc præ cæteris præstare & posset, & soleret: quem (inquit Parleo) paucis ante mensibus vidimus, Ioannis filij tui, & viri, & doctissimi quidem viri, atateque florentis iacturam, qui decem tibi erat*

*filiorum instar, in quo tua senectutis spem omnem collocaras, adeo moderatę, fortissimęque ferentem, ut nos pro officio salutandi, & consolandi tui causa, domum venientes, non alio te vultu offenderimus in aduersa fortuna, quam fueris semper in secunda, eamque constantiam, & tranquillitatem animi retinentem, quam in vero Philosopho, vtraque sapiente, hi requirunt, qui peracutę, ac diligenter philosophiæ præcepta, & scrutati sunt, & in vno quondam Socrate fuisse tradiderunt. Aderant mecum Phœbus Capellus, & Marcus Aurelius, viri doctissimi, ac vtrique nostrum amicissimi, quo tempore multa grauitę, de morte differendo, cum nihil in vita præter culpam dolendum esse ostendisses, ita nos affectos abs te dimisisti, ut te admirantes congratularemur potius virtutis tue qui ita ferres, quod accidisset, quam doleremus filium amisisse, in cuius doctrina, & virtute; ac omni rei familiaris administratione, senectus tua iam grauescens quiescebat. Et post alia, inter operam, quam Nicolaus nauauit Synodo Florentinæ.*

„ Illa verò sunt, *inquiens*, & præcipua, & propria, & tua benè, & honestè acta, ætas singularis, doctrinæ summa, Græcarum, Latinarumque literarum cognitio, omnium præceptorum, quæ à maioribus de morte, de exilio, de naufragio, de cæteris huiusmodi tradita sunt, frequens, & assidua pertractatio, tuæ virtutis, & glorię fama, cum multis ex rebus cognita, tum verò ex his, quæ in Florentina Synodo per te gesta sunt, adeò illustris apud Græcos, & Latinos, aliasque exteras nationes, ut nulla vetustate, nullis vniquam tenebris obscurari queat. Cum enim ex toto terrarum orbe in celebrem illum, frequentemque Christianorū omnium conuentum, ad disceptationem aduersus Græcos, de Spiritu Sancti processione audiendam, tractandamque magno studio, multi confluxissent, & verimque tam Latinorum, quam Græcorum maximi, & electi viri ad discurrendum parati, magna expectatione conuenissent, quætereturque tantarum rerum idoneus, ac dignus interpret: tu solus ex omni Christianorum nu-

„mero, vtriusque linguæ, ac dispu-  
 „tationis, doctissimus, atque excellen-  
 „tissimus, & inuentus, & habitus es,  
 „qui tanta verborum, sententiarumque  
 „proprietas, tantaque cognitione,  
 „atque peritia diuinarum, humana-  
 „rumque rerum, de quibus duæ sum-  
 „mæ nationes inter se contendebant,  
 „memoriter, & commodè omnia refe-  
 „rebas, & in vtramque vertebas lin-  
 „guam, quæ vtrò, citròque discur-  
 „rendo, acutissimè dicebantur: vt qui  
 „aderant, omnes non Græci modo,  
 „Latini, Galli, Hispani, Britanni,  
 „& cæteri, qui Romanam sequuntur  
 „Ecclesiâ, sed Armeni quoque, Hibi-  
 „beri, atque Indi ( nam & hi quoque  
 „conuenerant disceptaturi de hæresi;  
 „quam sectantur ) admirati, & quasi  
 „stupefacti, non hominem terrenum,  
 „sed cœlestem quemdam in terris te  
 „esse iudicarent, atque propterea ab  
 „Eugenio IV. Pont. virtutis, & me-  
 „moriz causa, magnis es honoribus,  
 „præmijsque donatus. Quas igitur vir-  
 „bium expugnationes, quosque trium-  
 „phos, cum hac tua laurea compara-  
 „bimus? cuius ductu, atque virtute,  
 „eam victoriam Ecclesiæ Dei peperisti,  
 „quam annis plusquam quadringen-  
 „tis nunquam assequi potuit, vt duas  
 „gloriosissimas nationes, tam diu in-  
 „ter se disiunctas, tandem ingenij tui  
 „facultate coniunctas aspiceret, & Græ-  
 „cia quondam literarum, ac Italiz pa-  
 „rens, nunc Latinorum filia, & à suis  
 „tùm nepotibus, tum maioribus aliena,  
 „& dissidens in pristinam tandem gra-  
 „tiam, & beneuolentiam, concor-  
 „diamque rediret.

Post multa ad solatium naufragij,  
 tu apud Vrbem Venetias, quam tibi se-  
 „dem, & patriam elegisti, naufragus  
 „vnâ cum amicis, & familiaribus, &  
 „his, qui supersuerant, liberis, tuorum  
 „mortem piè senter, lugentesque illorum  
 „cadavera sepulchro condidisti. Denique  
 „tu tuis filijs, & filijs, quos habes, tibi re-  
 „stituti, reduces in patriam redijstis, qui  
 „mutuo solatio, præsidioque muniti, alter  
 „alterum solatur, iuuat, fouet, pro-  
 „tegit. In rerum verò iactura sic eum  
 „inter alia consolatur: babes profectò pro  
 „tempore vnde tuum damnum consolare,

atque ita consolare vt si ( quod semper  
 facis ) volueris omnia consilio, & ra-  
 „tione metiri, iudices plus tibi in tali nau-  
 „fragio dedisse fortunam, quam ademisse.  
 „Nam cum euersa naui, multi perijissent,  
 „in quibus nonnulli erant patrj, re, ac  
 „fortunis omnibus amissis naufragi euas-  
 „sissent, te nudum, & ad littora eiec-  
 „tum, ita ciuitas excepit, ita casum tuum gra-  
 „uiter, ac moleste tulit, vt quasi cetero-  
 „rum malorum, quæ eo tempore accide-  
 „runt oblita, & tuam calamitatem mise-  
 „rata, lugens, ac moesta, in te vnum con-  
 „uerteretur, & quanti te faceret, declara-  
 „uerit benigno illo Senatus decreto, quo  
 „quidem, & Duce, & Principibus Sena-  
 „tus, & Consiliarijs, & omni Collegio ad  
 „Senatum referente, adiunctis suffragijs  
 „decreti sunt tibi sexcenti nummi aurei  
 „Veneti; filio vero tuo, adhuc adolescenti,  
 „publicum cum bonore, & comodo mu-  
 „nus demandatum, quamuis nondum per-  
 „atatem liceret id muneris adire: tibi præ-  
 „terea restituito, vt veterem locum, & di-  
 „gnitatem scriba Reipublicæ annum salu-  
 „arium decretum aurei nummi Veneti du-  
 „centi, quæ omnia si diligenter considerare  
 „volueris, & à quibus, & quo studio,  
 „quoue animo, & quo tempore profecta  
 „sunt intelliges, certe aut nullam tibi acci-  
 „disse iacturam, aut minime dolendam,  
 „quæ acciderit. Nam vt quæ tibi, ac filio  
 „in omnem vitam decreta sunt, taceamus  
 „&c. Hæc ad Nicolaum Petrus Par-  
 „leo multo post absolutum Florentiæ  
 „Concilium, qui eum absque vlllo vesti-  
 „gio, vel vmbra Episcopatus Saguntini,  
 „ipsum Sagundinum cognominat, vt reli-  
 „qui scriptores præter Bergomensem,  
 „& Marianum, immo cum alia vitæ con-  
 „ditione, Pontificali statui prorsus ad-  
 „uersa, vt quæ de vxore, de liberis, de  
 „officio Secretarij Senatus Veneti, de  
 „migratione in Cyprum, verso dorso  
 „non tantum Sagunto in Hispania, sed  
 „toti Cismarinæ Europæ, vt quæ dicta  
 „sunt clarè demonstrant.

#### Eodem Cap. XIII. Nota 16.

D. N. Episcopus. Is erat Frater  
 Aloysius, seu Ludouicus de Piramo,  
 Ord. Min. Episcopus Foroliuensis,  
 quem Vghellus de Pirramo cognomi-  
 nat,

nat, qui, vt refert Vvaddingus, Ferrariz in Concilio Eugenium Pont. publico sermone excepit: cum priuſquam adſeſſet Pont. ſecundæ ſeſſionis per Beatum Nicolaum Alberгатum Card. Legatum celebratz decretum Pontificalibus indutus, ex Vmbone publicaffe, vt etiam alterum tertiz ſeſſionis, præſente, & præſidente ipſo Pontifice. Hinc inter alios cum Græcis diſputaturus electus, id munus tam laudabiliter geſſit, per duos dies clariſſimè docens illud verbum ſilioque non nouum articulum Concilio Nicæno additum fuiſſe, ſed maiorem expreſſionem, & declarationem proceſſionis Spiritus Sancti à Filio, ipſi Nicæno conſonam, & conformem, vt in communi Græcorum, Latinorumq; applauſu, & æſtimatione habitus ſit. Quod Andreas à S. Cruce Collector actorum Concilij, tunc præſens, his verbis confirmat. *His expoſitis vnusquisque intuebatur alterum, ex his, quæ ſacundiſſimè graui ſermone à viro antiquo, verbis conuenientiſſimis, latique audierunt.* Et iterum: *tam lætè, iucundèque verbis conuenientibus diſſa fuerant, vt quiſque Patrum diſſa collaudaret.* Aequiuocationem, qua Græcus Concilij ſcriptor, eum vocat Ioannem, explicat Vvaddingus anno 1437. n. 2. & Iuſtinianus in notis ad Collat. 2. part. 2. Concilij Florentini, num. 3. de alijs diſputationibus à Mariano non integrè deſcriptis, vide acta Concilij per Iuſtinianum edita, & Spondanum præcedenti nota citatum.

## Cap. 24.

Quod à Capite 13. huius vitæ vſque ad Caput 20. excluſiuè nullas adhibuerim notas, in cauſa fuit, quoniam totam reliquorum capitum narrationem ex ipſius Alberti epistoſis deſumpſi, quibus propriæ notæ vel neceſſariæ, vel magis opportu-næ forent. Malui ergo epistoſas ipſas illuſtrare, vt clarificatis fontibus, & firmatis radicibus hiſtoriz, cætera clariora, & magis ruta prodirent. A Capite vero 20. vſque ad 24. excluſiuè nihil animaduerti quod ciuſmodi notas poſtularet.

Cap. XXIV. Nota 17. ſub anno 1586.

*Mediolanenſis.* Lector hic, & vbi deinceps inueniet hoc additamentum nominis Alberti, quo Authores indicare vellent, ipſum Mediolani natum fuiſſe, redeat ad Cap. 2. huius vitæ, ex quo certam, propriamque patriam ipſius, & natiuitatis locum Sarthianum eſſe conſtabit.

Cap. XXIV. Nota 18. ſub anno 1639. 1598.

*Compoſuit quosdam tractatus de immortalitate animæ, & de Purgatorio.* Hunc ſolum auctorem inueni, qui huius argumenti tractatus attribuar B. Alberto.

Cap. XXIV. Nota 19. ſub anno 1627.

*Ex Sarthiano vnde Pius III. Pontifex originem duxit.* Pius III. in baptiſmo vocabatur Franciſcus, & ex Patris Nanni cognomine Tudeſchinus, poſtea verò per adoptionem à Pio II. Pontifice, cui erat ex ſore nepos, dictus eſt Picolomineus. Poterat ergo Nannus Tudeſchinus, vel eius maiores Sarthiani primùm ciues fuiſſe, ac poſtea Senenſi ciuitate donatos, quo ſit, vt originem à Sarthiano duxiſſent, quamquam Senis naſcerentur, ita vt origine Sarthianenſes, natu verò Senenſes dici poſſint; quod ſi ita eſſet, non paruum honoris accrementum adferret Sarthiano.

Cap. XXIV. Nota 20. ſub anno 1640. 1653.

*Vicarius Generalis noui inſtituti.* Non noui inſtituti, ſed vniuerſi Ord. Min. vtriuſque inſtituti, Obſeruantum ſcilicet, & Conuentualium ſimul.



Cap. XXIV. Nota 21. sub anno  
1668.

*Videtur is esse Albertus quem à Sarthiano.* Et bene videtur: nam frequentes, & solemnes erant Alberti Sarthianensis apud Ferrarienses moræ, & intima familiaritas, cum Principibus, Prælati, & nobilibus viris eiusdem urbis: ubi etiam epistolarum suarum ultimam ad Nicolaum V. Pontificem dedit 15. Martij 1447. decem annis priusquam B. Catharina, relicta Ferraria, migrasset Bononiam, & novum monasterium ibi fundasset, anno 1457. ut habet Grassettus lib. 2. vitæ ipsius, Cap. 4. in fine.

Ibidem Nota 22. sub anno 1668.

*Videtur autem hæc res contigisse &c.* Reliquus huius loci textus, vel corrigendus, vel omninò delendus est: nam neque Prouincia S. Antonij, est Bononiensis, sed Veneta, neque Capitulum Romæ, sed Patavij celebratum fuit: neque Prouincia in quam, ut in pro-

priam rediret Albertus fuit Bononiensis, sed Etrurix, in qua natus est, & religionis habitum suscepit, & eius vota nuncupauit, ut ex nostra narratione clarius innotescit.

Cap. XXIV. Nota 23.

*Academia Senensis.* Ex elegantia huius elogij non existimet lector cruditissimos eius auctores magis obseruasse Rhetorica pigmenta quam veritatem historix. Nam trophæa, quæ ad ornandum Alberti in Cælum ascendentis triumphum explicant, res ipsæ sunt, quæ ex historix veritate conueniunt Alberto.

Cap. XXIV. Nota 24.

*B. Albertus de Bendinis à Sarthiano.* Alij omnes, qui Alberti cognomen expriment, ijque natione, Etrusci Berdinum cum vocant, ut propterea existimem typographi lapsus hic esse, non authorum huius elogij, facile enim est, ut pro Berdino Bendinum dicant,



# BEATI ALBERTI

## SARTHIANENSIS

### ORD. MINOR. OBSERV.

## OPVSCVLA.



Mnes, quas reperire potuimus, Beati huius viri lucubrationes, præter tres Orationes, quas pro concione dixit, epistolari charactere ad diuersos conscriptæ sunt: alix maiores, & paræneticæ, alix familiares, alixque officiosæ. Visum cuipiam longiores vt illas primo loco daremus, deinde minusculas. Sed magis placuit ordinem temporis obseruare; quem plerisque, etsi non omnibus, adnotatum inuenimus; quique seruatus, rebus ipsis percipiendis non parum luminis allaturus est, & actorum eius historiam amplius elucidabit. Nec desunt exempla doctorum hominum, qui in Sanctorum Patrum, aliorumque edendis epistolis exactam temporis, quo scriptæ fuerunt, rationem secuti sunt: orationes tamen, quanquam diuerso tempore dictas, omnes tres in initio proferemus, ne epistolarum seriem interrumpere cogamur.

### ORATIO I.

#### De Sanctissimo Eucharistiæ Sacramento.

#### ARGVMENTVM.

Exorsus à pauore de virium suarum diffidentia, reique magnitudine concepto, cum pene coactus dicendi munus obierit, culpam, si minus bene succedat, in eum reijcit, cui postulanti, hortanti, suadenti, instanti, iubenti morem gerere oportuit; si secus ad votum, id in Deum

omnis boni fontem, & obedientiam referendum prefatur; & inuocato prius Dei Matris auxilio, tria sibi ex vastissimo dicendi campo discernit, mysterij magnitudinem Sacramenti utilitatem, & rectam dispositionem eorum, qui ipsum digne suscipiunt, quæ omnia eruditè, & eloquenter pertractat. Hinc oportuna digressionem in eorum hæresim inuebitur, qui olim dicebant, & hodie dicunt, Christum in Eucharistia extra eius usum non persistere.

**C**Redo vos, Patres clarissimi, quoniam me principio Orationis, non modò magnopere exalbescere cernitis, sed quasi exanimatus sim, ita initio dicendi debilitari, ac prope frangi animaduertitis, sanè non satis admirari, proque ingenua vobis humanitate, cui summum beneficium debeo, angores istos, quibus profectò maximis in præsentia perturbor, haud dubium communes existimare; verum id ego aliter, verè loquor, efficere non queo: vsque adè enim cum exiguo ingenio meo diffido, quod id scio, quàm nullis eloquentiæ viribus fretum sit, atque id, quod maximè opus est, nulla doctrinarum vbertate valeat. Tum præstante, atque eruditissimo vestro Conuentu ita permoueor, vt quia pertimescam, quiaue tota mente, artubusque destituar, os sanè confusum, absorta vox, & tremula lingua, denique vehementissimè hæsitans, ac penè balbutiens, magno vobis argumento esse possunt, haud quam mihi ex sententia orationem procedere. Accedit, cum magnitudo, tum summa causæ bonitas, qua maius, meliusue nihil in verissimo Ecclesiæ dogmate inueniri compertum est, vt Sacratissimo de Corpore Domini Nostri Suauissimi Iesu Christi summo mihi cum timore dicendum sit. Arduum enim est opus, & quod viros, cum singulari, & copia, & subtilitate ornatos, tum maximarum virtutum gloria excellentes magis deceret; præsertimque præstantissimi Patris mei M. Da. (1) id interesse putavi, qui clarus Theologiæ Professor per se rem tantam, eoque dignam, perfectum iri censere debuerat.

Sed is, quod ego omninò eram nescius fore, infinitum à me bunc laborem, ne longè quidam res minores adhuc experiri solitum (2) subire maluit, cui cum comiter, & facètè id ex me postulanti sæpè verecundè negassem, primò quidem iucunditate ea, quæ est in homine mirifica, suauis, atque, quoad potuit, id vt aggrederer, hortatus est. Tum tandem, non quidem laboris mei fugiendi, sed tam multam causam, tam maximis in rebus consumere posse diffidenti mihi summiopere institit: morem verò illi gerere, cum pro eius in me authoritate, cui quoad vita suppeditabit, mihi parendum esse intelligo, negare non possem: nescio, an incautus, an verò inuitus assensus sum. Quo in consilio cum obedientiæ virtus (3) atque integritas spei plurimum afferat, tum summa Christi nostri humilitas, & clementiæ magnitudo, qua se hominem efficere voluit, bono animo esse iubet.

Si quid igitur bene depromptum erit, Summo Principi Deo gratiæ habendæ, atque dicendæ erunt; si quid minus, cum ignorationi meæ, tum rei amplitudini attribuendum esse censeo, quæ etiam maiorum nostrorum diuina illa ingenia superauit. Aut si quid vestros animos, vel minus accurata oratione, vel parua dicendi grauitate, siue rerum siccitate offendi censueritis, pace eius dixerim, in eum culpam referetis, qui me tanto onere leuandum esse non censuit. Mea enim sententia, & si exercitandi mei causa, quemadmodum in animo fuisse arbitror, ei, cui in præsentia pareo, huiusce orationis genus ex me faciendum fuit; Primum tamen fragili cimbæ creditum, adri-

adridenti stagno dedi oportuit, ac tum doctum nautam magnifica post classe deuectum per obliquos vndarum, ac pelagi expositos late campos traijci me quidem conuenerat. Sed de his satis.

Nunc ne nimius sim, de re dicere incipiemus, si prius, *pro bonefissima consuetudine* (4) Mariam pudicissimam Virginem, quæ Sacratissimo vtero Rectorem, Dominumque Mundi gestauit, toto cum ardore orabimus, quo Spiritus Sanctus nobis illius intercessione adsit. AVE MARIA.

Tres res tota oratione complectemur, quæ non ineptè nobilissimo isto de Sacramento absoluendæ videntur; magnitudinem, vtilitatem, & eorum, qui suscipiunt, dispositionem. Primam quidem maiores nostri, qui in eo studij operam omnem, curamque consumpserunt, ita tractandam censuerunt, vt dicerent Christum nostrum animo aduertendum; quid toto simplicis suæ personæ contineret; Sacramentum autem, quod in dies sacro Presbyterorum ore conficitur, quod mirificis, stupendisque miraculorum claritatibus adornetur, considerati oportere. Postremum, verò multis ante temporibus, ac propè sæculis à vetustissimis Ecclesiæ Patribus, quos Spiritus Sanctus illustrat, egregiè gestis rebus esse præfiguratum. Magnificæ sane res, & salutares, Patres optimi, & cum ad excogitandum amplissimæ, tum memoriæ iucundissimæ, tum denique firmissima stabilitate ad credendum Christiano nomine, sanèque libero, dignæ sunt.

Vt enim prima de parte magnitudinis loquar. Nonne perpetua recordatione dignissimum? nonne am-

plum? nonne præstantissimum illud fuerit, carnem eam purissimam, nulla commaculatam forde peccati, nulla labe pollutam, ex Regia Matre, etiam postquam is prodijt, Virgine manente, cum esset statutum tempus, detraxisse. Eam præterea nobis modo suo, quem ipse nouit, profectò impossibili dictu, atque stupendo, ad quod omnis nostræ naturæ vis, nisi fide, non possit accedere, in cibum, quo nihil conducibilis est, nobis dedisse. Quæ profectò sanctissima caro nullo, vt nos peccatis obnoxij, obscenæ perturbationis applausu allici; nulla, ne leui quidem, virtuti contraria affectione adiri poterat. Quid verò Sanguinem pretiosissimum loquar? quem cruentus inimicus, & perniciosus humanæ naturæ hostis, cum is esset in pretium Summo Patri reddendus, audissimis faucibus sitiebat; primo enim prælio, primaque calamitosissima congressione, cum omnium primo progenitore, quoniam victoriam Diabolus reportarat, captiuos nos diu victos, seruosque eatenus tenuit, quòd Christus cruce affectus, atque affixus opulentissima largitate redemit.

Itaque carnem cibo accepimus, quam nisi qui manducauerit, vitam carere, sententia sua Christus asseruit; sanguinem verò, nisi qui bibe-<sup>1. ioh. 6.</sup> rit, cum æstuantissima siccitate torreretur. Illa ergo cibamur, isto potamur. Illa alimur, isto inebriamur. Illa sustentamur, isto irrigamur. Illa reficimur, isto redimimur. In illa quod de Virgine nata est, colendam pudicitiam edocemur. In isto sæuissimum hostem subactum, prostratum, reiectumque experimur. O clementiæ magnitudinem? non satis erat c. casse,

creasse, id quod solum etiam in pecoribus maximum est; sed creauit hominem rationis, & cogitationis participem, cuius reliquæ animantes expertes sunt, figuramque corporis habilem, & aptam ingenio humano dedit, claritate mentis ornauit, sensus, æque ac nuntios, adhibuit, rerumque plurimarum obscura enodauit. Sed hæc nobis cum gentibus communia sunt. Verissima nos, ac peculiari religione donauit: neque ea, quæ pecorum oblationibus, vel Deum placaret, vel corpore inquinatos, ut olim in lege, emundaret; sed quæ verissimo Christi immaculati agni sanguine parua perniciosas animarum nostrarum labes ablueret.

At ne id quidem sat esse Diuina Charitas arbitrata est. Cum enim Spiritus Sancti manantes in nos gratiarum fluuios emisserit, veræ sapientię, iam vsque à primorum patrum prolapsu obsoletæ, cum illustrarit lumine, tum vberimis fontibus irrigarit, qui in Christo admodum fertiles conqueuerunt, id quod habes in Euangelica lectione, Christum, cum sacram ad turbas eunctionem haberet, puto qua anima sibi consultum vellet clamasse, *si quis sitit veniat ad me*, verissimum scilicet vitæ fontem, & bibat, ne verarum doctrinarum siti exstuet. Sanguinem Christi, quo peccata ablueret, in veram antidotum, carnem pro alimentum subministravit, salutare prorsus conuiuium. Ac ne quis, vel se ignobilem non admitti, vel rebus inopem despici, vel minus ingenij nobilitate præstantem se detrudi queratur; nulla est natio, neque tam fera, neque tam inhumana, neque tam barbara (id, quod ex Beato Petro accepimus, vas quadrupedi-

bus, serpentibusque refertum Cælo emissum, rursusque receptum prospectante) quos non læto sinu excipiat Christus. O rem dignam, in qua non modo docti, sed etiam agrestes; non modo clari, sed etiam obscuri; non modo diuites, sed egeni; non modo sancti, immaculati, frugi, modesti, sed iniusti, fædi, incontinentes, furiosi, inglorij suscipiuntur; modo culpâ vacare velint, qui se quondam addixerant vitijs; modo salutari Baptismatis fonte ablui, modo pane, verissimo quidem cibo, qui de Cælo descendit, id est, Christi sanctissima carne, pretiofoque Sanguine, quo de in præsentia loquimur, refici, potari, atque sanctificari deligant: neque ciues potiores esse, quam peregrinos, quam alienos; exteris, quam nostrates.

De Corporis, & Sanguinis magnitudine, pro angustia temporis, satis multa. Animam illam diuinam deinceps breui considerandam censeo, prorsus verò firmissimè, quamquam hac in re, minime vobis me monitore opus esse existimem. Neque enim quisquam veltrum is est, qui impia credulitate delusus, eum animam habuisse neget, cuius *vanissime opinionis* (5) fuisse quondam nonnulli, stultissimè quidem ita existimantes. Quorum falsum commentum cum præstantissimorum hominum, & iudicio, & prudentia, & ratione contritum sit, tum summæ Christi nostri autoritas, atque sententia reiecit, & sustulit, quem rectè nostræ fidei fundamenta iacentem, quam & ipsam nunc moris vetustate firmatam, amplectimur; eum sæpe de anima audimus verba promentem, quemadmodum illud est: *Tristis anima mea est vsque ad mortem*: 15.

& item

Isa. 43. 10-11

Matth. 20  
12.

& item *Animam meam pono pro ouibus meis*, atque illud *potestatem habeo ponendi animam meam*, & *venit filius hominis ponere animam suam in redemptionem pro multis*.

Quam sanè Patri gratissimam, diuinoque verbo deuinctam, vsque adeò virtute præditam, immò fontem virtutum sublimemque fuisse, nobis credendum est, vt ea nos velut clarissimo speculo ad virtutem comparandam vti oporteat, vsque adeò lumine veritatis præclaram, atque sapientiæ splendore præcellam, nihil vt ignorarit, quod verbum sciuerit, tantum in ea gratiarum fuisse, vt plus quicquam nullus vnquam hominū, sed ne Angelorum quidem capescere possit, hanc pro nobis crucis ignominia subdidit. Hanc supplicij adixit, hanc morti adiudicauit, per hanc ex pristinis inimicitijs Angelorum reuocamur in gratiam, & qui se quondam, velut seruis nobis hospitio recipi, sibi seruiui, se lauati, adorarique fuerant nunc (anima Christi pro aberrantibus pridem ouibus morti exposita) alloquuntur humanissimè Sanctos, hortantur in viriorum prælio dimicantes, iuuant inbecilles, ad virtutem verò torpentes, ac legnes expectatos, & expeditos, habiles, & strenuos reddunt adorari se prohibent, conseruos se clamant, non Dominos, fratres se dicunt, Amicos suauissime profitentur, per hanc Deo Patri, cui debito pro supplicio primorum parentum, magno iam pridem odio fueramus, perfectæ beneuolentiæ iucunditate conciliamur, & qui dudum Regibus igneum se, ac terribilem plebi Israeliticæ demonstrat, per hanc Christi diuinissimam animam, se facilem, se benignissimum præbet, & præclarissima

humilitatis insignia, summumque, & mansuetudinis, & lenitatis vexillum, exhibet. Sed quoniam vos multis, & magnis de rebus breuissimè dici postulauistis, de anima hæc hætenus.

Tunc tribuenda opera, ac potius omnis cogitatio, & cura ponenda est, nec profecto in nobis quicquam virium relinquendum, quod non id, hoc loco maximo cum stupore, ingentique admiratione conferatur: diuino enim de verbo, sanctissimo animo coniunctissimo, oratio nobis habenda est; verum nequidem forte exiguum in mentem veniat, quid ipsum est verbum, quo de loquemur, summum bonum cuius inter Philosophos, summa dissentio, illorum ingenia, quamquam nobilia, atque acerrima cuncta contriuit. Deus verus, Deus inquam verus. Quid hinc? per quem mundus ipse perfectus est, nosque creati, quid tandem effecisse, vt nos libertate donaret, se hominem effinxisse. O rem mirificam, ò singularem dilectionem, ò profundissimam Charitatem, Deum inquam, Deum esse hominem factum, Deum excelsum, humilem hominem assumpsisse; summum omnium spiritum induisse carnem peccati similem sed peccato, culpaque vacantem, vestisse lutum nostrum, vt nos luto eximeret, è media Paradysi amœnitate, immò verò è paterni pectoris profunditate (semper enim in sinu Patris est) summa non reliquisse, petiuisse ima, obscura adiuisse, vt nos ad summa vberet, & ex imis exutos, & ex obscuris liberatos Cœlo donaret, quos in humeros suos errantes extulit.

Hic, hic Patres deuotissimi vosmet totos per Deum optimum mihi præbete, erigite animos, sensusque

Q

vestros,

vestros admoueat, oro; quis quid huic humilitati anteponendum ducas? quid recordatione ista, ac memoria dignius? quid charitate ista profundius? quid amore isto præstantius, ardentiusque? quid hac bonitate sublimius? quid hac iucunditate voluptuosius? cui lachrymas non moueat? imò verò cui ex intimis mentibus, huius amoris magnitudo non eruat? vbi mihi fortis, vbi ad commouendos, concitandosque animos virilis oratio? qua dicendi facultate, completi? qua conflagrata abundantissima, ardentique dictione, infinita erga nos Dei charitas, enodari posse credenda est? prorsus nulla. Iuuat igitur velut sublimi quadam in specula constitutum, vnde omnes exaudire possint, summa pro rei amplitudine Apostolicum illud proclamare: *O altitudo diuinitarum sapientiae, & scientiae Dei, quam incomprehensibilia sunt iudicia eius, & inuestigabiles viae eius*; pro infinita autem clementiae suauitate, Davidicum illud saepe congeminare, *quam magna dulcedinis tua multitudo, Domine, quam abscondisti timentibus te, vbi sunt misericordiae tuae antiquae Domine*; hic prorsus, hic prorsus, omnes hic igitur mentes stupere conuenit, hic admiratione deficiendum, hic relaxandus est animus, hic vires effundendae profecto sunt, nec turpius, nec ingratius, nec insensibilis quidquam, infinira clementia non moueri. Sinite ergo me Patres, sinite affectus profundere, immo verò vos vna mecum effundite; neque id iniuria, sed prorsus rectissimè.

*Tollebant enim exteri ad sydera ciues suos* (6) qui inanis gloriae fama capti, mortem sibi pro Patria consci-

uissent, illos miris laudibus efferebant. Ad eos ornandos non inuiti torrentes eloquentiae conspergebant, donabant statui, honoribus illustrabant, quorum praecepta vita, amissisque corporibus, animae in Baratrum Diaboli trahebantur. Nos verò Christum nostrum, quem pro vita, quam integerrimè dedit, sanctissimèque vixit, atque omnium sapientissimum, quo nemo neque integrior, neque sanctior, aut vnquam extitit, aut post hac existere poterit, omnis innocentiae exemplum habemus, non laudabimus? non efferemus? non prædicabimus? quem tanta nobis beneficia contulisse experimur, vt nos etiam aeterno mortis periculo liberarit, ei non amplissima oratione gratias dicemus? quem verum, ac Summum Deum, rata, atque certissima veritate cognoscimus, eum non adorabimus? de eo non loquemur? ei non animos proster-nemus?

Sed tam multam operam, tam maximis in rebus sentio me equidem haud posse consumere, atque etiam rei amplitudine deterri. Maiorum nostrorum, siquidem illi dumtaxat corpore reuiuiscerent, nam animae felicissimam vitam viuunt, alicuius viri grauissimi hoc sanè magnificum munus esset, qui & ætate prouectus, & sanctitate clarus, ac denique sapientia præditus, cum verbis leuiss, & grauib, tum sententiarum lumine faceret id, quod tanta res postulat orationem splendescere. Quorum si alterum absit, aut inanium verborum sonitu, aut subtilitate, sententiarumque inculta oratione, promantur, Auditores ipsos, & propèmodum offendi, & admodum conturbari solere. Quibus me rebus sanè



sane nobilibus ; ac præstantissimis priuatum inficiari non vereor . Eniter tamen etsi supra vires quantacumque facultatula possem : verum, vestra me, Patres, voluntas è cursu reuocat, quæ, quamprimum censer orationi modum habendum . At id equidem vos affectos certò scio, vt ad ceteros præstantes viros, qui conciones illustres, hæc de re, hodierno illæ, sunt habituri, maximo cum ardore audiendos ire pergatis . Rectissimè id quidem, nam & ingenio, & studio, doctrina præditos, egregiè dicturos arbitror, & hac mea oratiuncula sane illustrius ; sed si quid in dicendo possem, extorquerem profectò à vobis longiusculam moram, vt sapientissimo, atque eruditissimo vestro Conuentu, in omni vita mea, vel diem fruerer, verum, hæc aliàs .

Sacramentum deinceps quot miraculorum exornationibus decoretur, id quod reliquum est, sedulò amplectemur . Cum igitur panem ipsum, quem aræ Sacerdotes imponunt, simul ac sacra in eum verba effusa sunt, tum quamprimum in veram Christi carnem conuertri, firmissima subtilitate credendum sit, neque verò in nouam aliquam, sed eam, quæ gloriosissima nunc Christo conregnat . Tunc ea, vt vocant, aut accidentia, aut species, per sese non conuersa, absque eo, cui inerant, vt dicunt, subiecto, potentia diuina perstare . Magnum autem, vt est in Cælis, Corpus ipsum, & vt Cruci affixum est, neque id quantitatis, sed totius substantiæ ratione, ipsis sub speciebus contineri . Idem præterea ipsum vnum, iisdem horis compluribus esse locis, neque id situ aliquo, sed præsentia . In ea postremo tota,

quam rectissimè Hostiam nominamus, atque in eius omni quamuis tenuissima parte, totum Christum, existere : multiplicari verò, aut exaggerari, plura vt corpora sint, quam simplex, aut satiari eo, si multum, aut inebriari, si nimium quisquam sorbuerit, siue frangi, vel consumi, aut morderi dentibus, aut ardere ignibus, aut denique rodi posse sordibus, specierum, quæ non conuersæ perstant, proprietates istæ sunt, non conuersi in carnem panis .

Perdifficiles sanè res, & perobscuræ, Patres amantissimi, neque tamen aliquo exemplorum cum adiumento cognitu penitus impossibiles, vt enim diuinam illam omittam omnipotentissimam Dei virtutem, qua est nihil eorum, quæ diximus miraculorum, quod id cum omnibus in rebus, tum in hoc Sacramento effici non queat, subiecta certè è multis pauca exempla, si ante oculos proponantur, comprehensa tamen animo, cætera etsi ampliora sint, posse tamen fieri, ad fidem plurimum adducunt . Quando enim non modo abijs, qui medioeres ingenio computari sunt, Philosophis, quorum tamen complures id assequuti sunt, sed ab summis illis Philosophorum Principibus, vnquam hoc negatum, vnquam non comprehensum, & cognitum est, hominum animas immortales esse oportere . Eisdem verò propter admirationem eius naturæ, in qua egregium quiddam, atque præclarum esset, eorum quibus inessent, corporum, quæ & ipsa semper tota complerent, singulis quibusque minutissimis partibus, perfectissime totas adesse . Angelos autem quorum est eximia quædam, præstantque natura, cum aliquo in loco ipsa sua:

præsentia semper sint, locum tamen ab ipsis non occupari, & Maiores nostri asserunt, & Philosophi non dissentiunt. Deum præterea omnium Summum, ac præstantissimum, quæ omni æternitate præditum, neque principium habuisse, neque finem. Philosophi fatentur, eundem totum istum Mundum amplum, & prope infinitum, eiusque omnes partes perfectè complere disputant. Quæ res magnæ, atque amplissimæ, cum ab illis comprehensæ, & eis probatæ sint, quos si Christiano tempore comparare velis, perfectè omnes veræ lucis iudicabis expertes. Nos in hoc nostræ redemptionis, nostræque fidei nobilissimo Sacramento ea, quæ, vel similia, vel maiora, tam multa mira, atque stupenda fieri diximus, quamquam ingenij aditu occulta, atque obscura sint, Summi tamen Dei nostri infinita illa potentia fieri posse negabimus? non firmissimè credemus? non summo quodam ardore, pro nobis facta omnia complectemur? non semper magnificentissimis laudum præconijs extollemus? non integerrima vita venerabimur? colemus? adorabimus? imo verò magnopere.

Itaque qui non insania exardescere vellent, eos supra vires perscrutari, & sapere vetat Apostolus, ut præsertim de rebus, quæ nisi fide consequi, quivis ingenio excellens, minimè possit. Admirabili enim religione freti, & incredibili quadam eloquentiæ magnitudine præditi, atque florentissimis ingenijs illustrati Ecclesiæ viri, cum rem istam, magnam cum gloria accuratissimè persequerentur, nisi fide sua, pro infinita amplitudine nunquam plenè sunt consecuti. Quare non est cur ego, ut me

ad me aduocem, paucitatem doctrinæ verear, cum illi vetustissimi Ecclesiæ Patres, quorum & indultiam, & diligentiam admiramur, integritatem colimus, ingenia, cum nouimus, prædicamus, id plenè perficere minus quiverunt. Nos verò omnes non est, cur magno cum discrimine eiusce profundissimæ rei rationem curiosius, quam necesse est scrutari velimus, cum maiores nostri subiectissima quidem, atque ingenti cum reuerentia huius loci obscuritati cesserint. Acceperant enim ex mente sapientissimi Salomonis, cum qui Maiestatem curiosius scrutaretur, gloriæ magnitudine obrui, sed ea habere rata oportere, quæ sua amplitudine capescere nequeamus; quæque ab eo, qui nobis probatur Deus, sapientissimè, potentissimèque iudicata videmus.

Trahor hoc loco vehementissimè, Patres, *illis ut respondeam* (6) qui iniquissimè a Patrum institutis degenerantes impia fraude, & Diaboli pernicioso commento, imperitorum animos anili superstitione obligauerunt, quos perfectò cum suauissimo isto de Sacramento hæretici pessimè sentiant, illorum similes dixerim, qui febri exæstuentes, si quidem immoderatus cibos sumpserint, cum post periculosius elaborarent, identidem si sæpius egerint, cibis etiam delicatissimis obruuntur. Audere enim dicuntur stultissima temeritate asserere Corpus Christi simul ac confectum est, diuinis illis verbis, atque populo adoratum, tum primum esse desinere. Hoc si cui probatur, is Patrum instituta infirmat, is Apostolorum sententias conterit, is Christum, qui veritas est, mendacij inculcat. Quo enim pacto ut cætera prætermittam, id quod ingens Christianorum

Provis.  
272

sola-

solatium est, Christum quoad mundus perstabit nobiscum futurum existimabimus ? Quanam via verissimam, ac purissimam Christi carnem, communicabimus, si ea in panem, pristinum redit ? sed gratia est, inquirunt, in pane, quæ conducat accipientibus, quemadmodum & in Baptismo gratia est in aqua, quæ abluat. O sordidissimi homines, ò sceleratissimi hæretici, ò impie, atque crudelissime belluæ, Christus carnem suam sacratissimam asserit, & vos triticeum nescio quem panem simplicium mentibus Christianorum obijcitis, ac ne prorsus hæretici videamini, & funditus sustulisse religionem, sanctum panem gratia conditum inducitis. Animadvertite miseri, oculos aperite, excitate vos somno, tenebris effundentibus vos eximite, vestrasque aures vociferanti Christo accommodate. *Nisi*, inquit, *manducaueritis carnem filij hominis, & biberitis eius Sanguinem, non habebitis vitam in vobis*, atque illud *Caro mea est verè cibus, & Sanguis meus est verè potus*, & item. *Qui manducat meam Carnem, & bibit meum Sanguinem habet vitam æternam, & qui manducat meam Carnem, & bibit meum Sanguinem in me manet, & ego in illo*. Ac tandem diuina illa verba: *Τὸ ὅτι τὸ Σῶμά μου*, sumite. Pane ergo, ac non carne potius sub Sacramento verissima illum communicasse discipulos arbitramini, quamquam autem eum sæpe panem sese dicere certò scierimus, ne putaretis tamen, ò hæretici, panem illum vestrum triticeum, atque, vt dicitis, gratia conditum, huic nostro comparandum, quem quotidianum dicimus, Græci verò *Πάνιον ἀπὸν* idest supersubstantialiam panem vo-

cant, Panem profectò carnem suam diu asseruit. *Panis*, inquit, *quem ego dabo mea caro est pro vita mundi*. Joan: 6  
52

Nos igitur, qui Sacramentaliter, Carnem verissimam nos manducare arbitramur, vestrum istum panem, non carnem, sed ex carne in panem, nescio quem triticeum, vt dicitis sanctum, velut exitiosum repudian-tes, ab his vestris ineptijs magnopere dissentimus, vbi enim in isto hoc vestro pane, non dico caro, quam stultissimè inficiamini, sed Sanguis pretiosissimus, quem Corpori inesse, pura, stabili, ac salutari assertione tenemus ? vbi sapientissima anima, quæ ab illo Corpore sane gloriosissimo, nunquam abesse credenda est ? vbi potentissimum Dei verbum, id quod animæ æterna societate vinciri, Catholica fide pectoribus Christianorum defixum est ? Quid vos tam humili abiectione sedari, quid tantum vobis detrahere vultis ? quid vos diuinæ potentie magnitudine, clementia thesaurorum exhaustire nitimini ? quid religionem diuina autoritate institutam, & præstantissimorum hominum consensu firmatam, labefactare, funditusque euertere impudentissimè quidem contenditis ; & calice Babilonio inebriati, commentum sordidum, & obscurum, temerè ac false defenditis, quod luce putatis clarius ? sed ad istos, atque cæteros satis, atque aliàs fortasse pluribus. Longa enim, luculenta, graui, & quod opus est, vera oratione ad hosce homines refellendos perorandum, imò potius pertonandum esset. Verum enim verò quoniam ad finem expectatione vestra, quæ mihi minime negligenda est, summopere impellor ad reliqua properandum, censeo.

Cum

Cum verò ità à principio diuifmus vt inter ceteros locos illum diceremus, Maioribus nostris vifum, effe confiderandum, quibus magnificis rebus, ex fefe foeliciffimè gelftis, vetuiffimi Ecclefiz Patres, hoc Sacramentum præfigurarint, rem breuiffimè abfoluemus. Verum quia nec omnia vno, vt aiunt, oris hiatu dici, immò effundi poffunt, fi quid minus copiofe è fcripturis dicemus, quam id voletis, cum tempori, tum veftræ feftinationi assignare debetis, qui multis, & magnis de rebus, quàm breuiffimè dici postulauiftis. Sed ià ad inftituta pergamus: Apoftoli fententia eft, ea, quæ veteris inftumenti Patres gelfiffent, propter nos, qui rerum earum veritatem lucidiffimè quidem experimur, in figura illis omnia contigiffe. Ac ne Sacramentum, iftud, rem nouam, & commentitiam, neque eam propheticos viros cognoffe, neque gelftis ex fefe rebus præfiguraffe, quisquam inficiari poffit, nobiliffimo Melchifedech munere confirmamur; quem & Regem Salem, & Dei Sacerdotem excelsum, Patriarchæ illi fanctiffimo Abraham, cum is prælio captum fratrem, Regibus hoftibus propulfatis reduceret, redeunti victori occurriffe accepimus, quem cum benedictione donaret (id enim erga alios Sacerdotibus meris erat) panem finul, & vinum, huius fcilicet Sacramenti figuram, fcripturæ illum obtruffe teftantur: quid verò duodecim illos candidiffimos panes loquar, quos cum Dei iuffu è puriffima fimila Sacerdotes per fefe confeceiffent, aureæ menfæ fenos altrinsecus impofitos, ac Deo oblato, foli confumebant, ac tum item novos fingulis hebdomadibus imponebant, fæculi autem hominibus, neque ex

eis fumere, neque quicquam guftare licebat, præter eos, qui ab vxoribus, & omnis coitus genere, nonnullos ante dies abftinuiffent. Quid præterea manna illud Coelicum? nonne in huius fignum diuinum penitus, ftupendumque miraculum fuit? quod roris in modum cum noctu plueret album manè compertum, earum rerum, quas quisque cuperet, eum guftum cuique præberet. Quadraginta annos innumerabilem prope, & contra Dominum murmurantem, ingratum populum aluit. Quid tandem agnum illum in lege, qui cum immaculatus, tum mafculus, tum anniculus, tum ftatura menfis, & quidem primi, præclara die, tum noctu comedi iuebatur, neque is quidem, lixus, neque crudus, fed igni torridus, atque affatus, nullo offe confracto, ex agris naftis lactucis. Paruane res cognitu iftæ? ac non potius magnificæ, & ad confiderationem, erga id Sacramentum excellentiffimæ: fed incidit tempus difficillimum, quo tumultuariè potius dicere, quam grauiffimè, vt tanta res pollulat, maturare oporteat. Eft enim cum, ampliffimus, tum verò vtiliffimus perorandi locus, fed quoniam haud honeftandæ rei caufa laborandum eft, cum fit ipfa & præclara, & honeftiffima, & vos alio ire conftituiftis; Ad reliqua pergamus.

Supereft enim fecundus nobis confiderandi locus, quem breui quidem, abfoluentes, quid emolumenti? quid præfidij? quam maxima vtilitas? ex Sacramenti huius receptione, nobis obuেনiat confiderabimus. Ac primò quidem fic Patres optimi habetote: nullo vnquam in genere commodorum, poftquam in lucem humanum, genus editum eft, quemadmodum.

in hoc Sacramento, Dei erga nos opulentissimas diuitias paruisse. In hoc enim Domino nostro, quod non perparum est, primum quidem omnis innocentie omnique integritas restituta est: (*sub intellige de gratia in presenti, & de gloria in futuro, ut in Nota 8.*) quas res primi nostri parentes amiserant, ut & innocentie comparandæ, & sequendæ exemplum pudicitie, omnisque continentie viam præbitam esse intelligeremus. Hic omnis scientie amplitudo, immò ipsa est nobis sapientia tota subministrata. Hic omnis veræ humilitatis vexillum. Hic mitissimi hominis forma, hic complectendæ mansuetudinis disciplina tributa est. Quò fieret, ut & mente hebescere, & animo tumere, & superbi etiam, & immites, & improbi esse, verissimo præceptore edocti, tandem aliquando desineremus. Parua ne ista exemplorum emolumenta? Eius præterea mortis, totiusque Sacratissimæ Passionis, in dies memoriam renouantes, hic teneamus. Quæ dum erit in nostris mentibus infixæ, firmissimo, tutissimoque nos muro septos arbitrari conueniet, ut nulla improborum Dæmonum vi, quibuscum cotinuum est nobis spiritualeque prælium, singulari illa, & suæ passionis misericordia muniti, & fortissima suæ Crucis virtute roborati, atque protecti, neque superari, neque vinci possumus, neque vllum de nobis immanissimus, & crudelissimus hostis acerbissimum supplicium sumat: nisi quantum nos, non quidem ad perdendos, sed siue ad erudiendos, siue ad purgandos, siue ad coronandos victores, bonitas illa summa concesserit.

Hoc etiam in Sacramento, & eorum culpa nobis criminum relaxatur,

sine quibus, ne à perfectissimis quidem viris, viui solet, & illorum mortalium poena, si quidem summa cum reuerentia sumatur, quia etsi illorum culpa sacra confessione absterla sit, maxima tamen post hanc lucem nos non plenè purgatos manet. Quid multa? tanta est huius vis, tantæ summæ potentie magnitudo, ut si quem etiam detestandis criminibus obrutum, minùs confessum repperit, quod casu nulla ei consistendorum peccatorum facultas fuerit, (*intellige si communicandi necessitas urgeat, ut in Nota 9. & 10.*) si quidem id obtigerit, modò summa cum reuerentia, maximo cum ardore, summa cum fide accipiat, ei ad purum, etsi sordida, etsi scelestissima donet, (*dummodo propositum habeat quam primum considerandi, ut in Not. 9. & 10.*) Remittendis enim peccatis mirabili sua sententia se hoc Sacramentum constituisse Christus asseruit. Hoc gratis donatur, & quibus donati sumus ea in nobis ob singularem quandam Sacramenti virtutem conseruantur, quemadmodum & portione, & alimento, & valetudine corpus.

Largitæ denique gratiæ, plus minusue, ut quisque deuotior fuerit, ita cumulatiue augentur; fortitudinem autem qua & nostrarum passionum perturbationibus obistamus, & virtutes faciliè consequamur, huius solùm virtus, & magnitudo tribuit. Accuratam verò quandam diligentiam, atque industriam, & ut aptius dicam, mentis lumen, quo perspicacissimas, versutasque tot perfidorum hostium, comprehendamus insidias, quas nobis infinitis propè modis capiendis, dies, noctesque dormientibus, ac vigilantibus machinantur, & occu-

occulunt, huius auxilio Sacramenti donari, quo & eas intelligimus, & à nobis depellimus, & perfringimus, & vincimus, & de hostibus triumphamus. Nihil est etiam à maioribus nostris, aut Sapientissimè dictum, aut præclarissimè factum, aut aliqua in re egregiè gestum, quod non huiusce suavisissimi Sacramenti auxilio, lumine, ac fortitudine sit perfectum. Nam verberibus torti, igne fatigati, ferro trucidati, morte mulctati, fortissimi Christi Martyres, huius sola virtute Sacramenti verbera perfregerunt, ignem extinxerunt, ferrum humiliarunt, morti obstitērunt, subegerunt Tyrannos, domuerunt feras, contriuerunt Idola, superauerunt tortores, omnia denique supplicia deuicerunt.

Huc, huc patres, huc adducere possem, vt ea ante nostros oculos versarentur quot, quantasquē, quam summas voluptates, præclarissimū nostri Maiores acceperint, quot ex huius summi Sacramenti stupore varios mentis excessus incurrerint, quot ex huius suauitate pene defecerint, quot ingenti amore prope modum arserint, quot miro illustrati lumine secreta perspexerint, scripturarum sublimia enodarint, obscura quæque disseruerint. Et neque eo torpore, quo nos segnes obruimur ignaui, sed amoris Christi incendio conflagrati, ardentia potius, quam calentia corda gestarint. Sed quod vestra me expectatio properare impellit, vnus tantum nobis exemplo erit strenuus, ac præstantissimus Christi miles, & neque obscurus, sed profec̃dò clarissimus Nostri Ordinis Dux Franciscus. Hunc accipimus, tanta Christi in hoc Sacramento suauitate affectum, & ob profundissimam Domini nostri, quā

animo Franciscus versabat cum humilitatem, tūm, quæ certè non satis cogitari possit, erga humanum genus excellentissimam charitatem, vt cum frequenter suo more communicaret, sæpius illum cum ad Altare accederet, vires corporis defecisse.

Quis igitur hunc Deum nostrum Summum, ac verissimum, satis admirari possit? quisnam cum cultu, ac Religione collendum, adorandumque non censeat? quid eius præstantius bonitate, ac beneficentia? qui cum se totum hic nobis largiatur, etiam maiora pollicetur, ac tribuit. Nam cum vita excedimus in suum nos consortium, si quidem bene moratam consuetudinem gessimus, in Caelos admittit, & si, & corpora ista nostra, in humum versa, vel exusta ignibus, vel vorata feris, vel tortoribus dilaniata, atque consumpta, mirabili suæ potentiz magnitudine huius virtute Sacramenti, resuscitabit: idque quod maximè proprium erit, in optimam quandam, & hac nostra sublimiorem, præstantissimamque naturam, immò verò conditionem. Ità æterna in Caelis Christo societate deuincti satiabimur, & vt propheta lætus decantat, illius vbertate domus, & summarum torrentibus voluptatum potabimur, atque illius maxima multitudine dulcedinis perfruentes, seniel per Christum morte eruti, nunquam posthac morituri, eā, quæ finem nescit, vita perpetua donabimur. Hæc, Patres, ipsa per se veritas, quæ nequē falli vnquā, neque fallere potest, nobis facturam professa est, vt eos qui hoc Sacramento reficiuntur, & suscitaturum se dicat, & nunquam eos morituros, nosque in illo, & se in nobis perpetuò

*Psalm. 11.*  
9.

*Isa. 10.*

tuò manfuros confirmet, & nequè aut famè vnquam, aut fiti, veritaris fcilicet, afficiendos: fed huiufce iam partis finis eft.

Extrema nunc noftræ Orationis parte, id quod reliquum eft, quodq; noftrarum eft partium, ac magnopere nobis conducit, quonam modo eos, qui tam maximum Sacramentum fufcipiunt, paratos effe oporteat, edicemus. Id etfi breui dicendum eft, non tamen non accuratè conficiendum, cum & ad nos ipfos omnis oratio dirigenda eft, & id præclare intelligendum, quid fequi, quid fugere, atq; euitare, operæ pretium fit. Quarum duarum rerum cognitu, cum & illa Philofophiæ pars, quam fcilicet tertiam in mores, & vitam diuidunt, hic tota verfetur, & fcripturarum facrarum omnis ad nos docendos vis ad virtutes confugiendum, & à vitijs abeundum præcipiat, quid fit iucundius non intelligo. Quid eft enim, in omni vita nobis tantopere querendum, quam vt omnem bene viuendi difciplinam, rectèque degendæ vitæ rationem, & teneamus, & amplectamur? Quis igitur alienum ducat noftræ effe dignitatis, qui nos Chrifto deuouimus, eique in Baptifmate confepulti fumus? quid vt optimum expetendum? quid fugiendum, vt malorum extremum? quidue in omni munere vitæ fummum, ac veriffimum fit exquirere. Moralis profecto locus, & qui per fe fola, & magna oratione indigeat.

Verum vt vos prudentiffimi eftis, quibus pauca fat erunt, & ego vehementiffimè cohortor ad modum ita habendum, vt fic pauca dicturus. Sed his ipsis fi obtemperabimus, Summum Deum confido hodierna die, legem in nobis viuendi, & di-

fcipulinam, fiquidem ea aut nutat, aut prolapfa eft, & confirmaturum, & erecturum, vt ad id veriffimum Sacramentum fufcipiendum, quod ad nos attinet, paratiffimi accedentes, haud quaquam vel indigni, vel abalienati repudienur. Oportet ergo, Patres, cum ad hunc Summum Cœli, terrarumque Dominum accedimus, quem omnes amare, pro eius eximia fuauitate debemus, fide nos pura, & fimplici, & firmiffima, nihil in fide hæfitantes, fummam cum reuerentia, mente pronos, aninio demiffos, confeffione puriffima lotos, & quod iuftum, atque honeftiffimum, Summoque Chrifto acceptiffimum effet, lacrymarum primum fontibus expiatis, accedere. Acam enim in Sanctis Viris, noftrisque maioribus, confuetudinem fanè laudandam accepimus, tùm cum Domini noftri cruor ardentius in cordibus fidelium afluabat, qui cum erat proximè communicandum, orationi infiftere, cura, & negotijs vacare.

Quem nos morem rectiffimè quidem imitari oporteret, quod Sacramentum, cui à Patribus, ac primarijs, clariffimisq; Principibus, fummam cum reuerentia honos omnis eft habitus, apud nos quoque maximo in honore permaneat, vt non minuiſſe maiorum instituta, fed, fi id fieri poteft, exaggeraſſe; neque ab eis degeneraſſe, fed optima velut indole, illorum præſtantibus moribus enituiſſe videamur: quibufcum & omnis rectè viuendi ratio, & virtutum amplitudo morata eft. Diuinis præterea legibus obtemperandum, quas qui peruerit, is eft iniuſtus, Diuina præcepta edifcenda, illorumque feruandorum, & gratiam, & facultatem ex Deo peti oportere,



neque ea, quæ ad beatam vitam pertinent, ventre metiri. Benè morata conscientia, atque optimè instituto animo regi malle, cui qui non parebit, is, cum sit eius ad comparandam virtutem anhelare, Deo, cuius optima quæque sunt munere, vera ratione iniuste restitisse intelligetur. Vitæ pudicissimæ cum ab electis fœminis, tum à viris, quorum & sapientia maior, & animus fortior esse debet, longè constantissimè inferuendum: improbissimas autem nualarum cupiditatum, perditarumque voluptatum in nos coercendas, ac perfringendas acies. Alijs verò qui nulla largitate, nulla beneficentia in alios mouentur, sed contra odio in fratres, & tenacitate, cæterisque perniciosis facinoribus se obligatos sentiunt; mortiferum virus scripturarum in eis propulsandum esse testimonijs, ac funditus è mentibus eruendum. Neque deniq; id remorandum, vti rectæ vitæ, quam Diuinis decretis honestare oportebit singularia in nos studia, minus habescere patiamur.

Pari nos præterea studio, pro communi defendenda animarum, corporumque salute, vitijs esse aduersos oportere, in er nos vero & ad officia, quæ Deus iubet, firmissimam coniunctionem habendam: quam coniunctionem, & ad virtutes comparandas, & ad vitia profliganda, confirmatam, perpetuamque si tenuerimus, confirmo vobis, Patres, immò Christus confirmat, & magnis nos præmijs esse donandos, & Sacramentum non quidem supplicio, id quod de indignis verissimus Apostolus asserit, sed & gloriæ, & emolumento nobis tum dignis esse futurum.

Eostandem, qui ijs, quæ diximus non parebunt, non ex Deo sunt, ma-

xima indignos manent supplicia: quos hortari velim, vt fœda relinquunt, & perditam vitam suam reformidantes, pœnas quas luent, ante oculos sibi proponant. De sua enim salute, de suo periculo summa eum sollicitudine cogitantibus, atque ex labe malarum consuetudinum, ac fæce emergere obnitentibus, Salvatore nostrarum animarum affuturum eis confido, quo & boni, & benè morati, & optimarum artium studijs expoliti, atque virtute clari, & integritate sanctissimi, tandem aliquando quoadant. Quo fiet, vti & hæc in vita decora quadam omnis officij præstantia honestentur, & apud immortalem Deum primarij, eam perpetuis abundantem bonis, vitam beatissimam æterna siquidem cum gloria viuant.

Hactenus, Patres, si quid præsidij ad rem conficiendam ex Deo accepimus, pro rei summa obscuritate, pro ingenioli mei captu, proque cum angustia temporis, tum ingenti vestrâ festinatione, omnes partes tota iam oratione arbitror esse complexus. Quarum primam magnitudinem satis inter cæteras existimo absolutam, in qua quidem illud, primo loco considerantes personam Christi, quoniam duabus est confecta naturis, eum humana, tum Diuina, carne purissima, sanguine pretiosissimo, sanctissima anima, summaque verbi Diuinitate constare diximus. Miraculorum verò summorum, quæ in Sacramento fiunt, magnitudine id decorari ostendimus, tum similitudine nonnulla firmauimus. Rebus præterea à Maioribus magnificè gestis præfigurari hoc Sacramentum, & confirmari aperuimus. Tum in hæreticos paulisper inuecti sumus, dein-

de quid emolumenti consequeremur ita mouimus, vt diceremus modis compluribus, & culpas criminum, & pœnas dimitti, vt quisque esset vel amore ad Christum affectus, vel benè de pœnitudine meritis, augeri gratias, easdem conseruari ad virtutem comparandam, & contra hostes lumen subministrari, & vires, veram nostrorum corporum resurrectionem promitti, satietate nos gloriæ reficiendos cum Christo, coniunctam perpetuam vitam gesturos, æterna denique, ac beatissima vita donandos. Postremo dedimus operam vt rectè degendæ vitæ rationem, & quomodo accedentes ad totius vitæ fontem parari conueniret, quam possemus breui, & accuratè comprehenderemus, eosque primùm, ac præcipuum purissimam fidem, veram, cum ad proximos omnes, tum ad Deum timore, & summa reuerentia conditam dilectionem, corpus castissimum, mentem liuore, ac mortali quouis crimine solutam asserre oportere commonefecimus.

Reliquum est, vt à nobis veniam mihi concedi, & obsecrem, & orem. Atque hæc ego primum, ita enim vobis velim persuadeatis, non vt vobis, qui me longè studio præcurren-

tes, melius me ea tenetis, præciperem, loquutus sum; sed si quo, plusquam est opus, vel fortunarum vestrarum, vel liberorum, vel coniugum, vel Reipublicæ occupationes, molestiæque tenerent, siue summopere afficerent, quibus hæc, aut vos fugissent, aut ea minus perspiceretis, illa tandem aliquando monerem: quæ si sequemur, tantum ex ijs præsidij, non solum ad salutem, sed etiam ad dignitatem obuenturum confido, vt etiam hic egregij, atque ornati, quoad viuemus, honori nobis, atque emolumento sint, & apud summum posthac Deum, æterna profectò nos gloria honestent. Errata igitur mihi si quæ sunt, Patres amantissimi, pro singularibus studijs vestris, atque illustrissimis moribus, munificentissimè dimittetis. Nimius autem si quid vobis, vel oneri, vel molestiæ fui, mihi pro vestra humanitate quemadmodum id oro, minimè imputabitis. Vos verò interim, & corporis, & quod præstantius est, animæ bonæ valetudini operam dabit is mē profectò ætate memores. Qua quidem re nihil gratius, nihil mihi potest iucundius obtingere. *ὁ πάλαι ἐν*  
1422. IESVS.

N O T A E

## Nota I.

*Patris mei M. Da.* Per hos apices Albertus significare voluit, Magistrum Dalismanum Patauinum Ministrum Provincialem, Proninciæ S. Antonij, quem propterea Patrem suum appellat, quique ipsum ad hanc orationem habendam hortatus est, & coegit.

## Nota II.

*Me hunc laborem ne longe quidem minores adhuc experiri solitum.* Dubiam hæc sententia quæstionem in historia habet: videtur enim Albertus innuere hanc primam esse concionem, quam ipse saltem in re sacra ad populum habuit. Quem sensum amplius aperiant quæ sequuntur. *Esse exercitandi*

*mei causa, ac illa. Primum tamen fragili cimba.* Hoc autem cum eius vitæ, & studiorum ætate minus convenire videtur. Nam cum anno Christi 1415. quo à Conventualibus ad Observantes migravit trigagesimum ætatis annum habuisse dixerimus, anno Domini 1423. quo hanc orationem dixit, septimum supra trigagesimum habuisse constat. Nec simile vero videtur hominem à puericia Religionii addictum, si nondum græcè, saltem Latinè disertum, tanto tempore rostris abstinuissè. Ego tamen in priori sententia persisto, nec absurdum censeo Albertum ætatem suam usque ad trigagesimum annum Donato primum, Priscianoque, seu magis Guarino, vel ut alij volunt, Chrysoloræ, aut Casari, deinde Ciceroni, ac Demostheni, vel Quintiliano, hoc tempore per Poggium è scrutis ad scamna euecto; postea Logicorum argutijs, & naturæ cognitioni, & scholasticis sacræ doctrinæ disputationibus impendisse; & colligendis tunc varijs eloquentiæ sosculis animum à Divinis distraxisse, potius quàm illis imbuissè. Neque secus ad eum profectum, quem in his rebus adeptus fertur, pervenire potuit sub magistris, et si bonis, sed mundanis inter discipulos eiusdem conditionis, & sodales tunc minus asceticos; præsertim cum historia doceat ipsum sacras literas à S. Bernardino post trigagesimum ætatis annum didicisse, sub cuius magisterio; ut severioris disciplinæ studio, tùm sanctimoniam morum, cùm sacræ Philosophiæ se assuesceret, non multum erat si sex, vel septem annos in eis consumpsisset, quibus post Rhetoricæ pulverem, plures infumperunt Cyprianus, & Augustinus, ut & Hieronymus Dei manu lividus vapulare debuit, ut suavitatem Tullij cum Prophetarum aspera sanctitate commutaret. 1301

### Nota III.

*Obedientiæ virtus.* Hoc auspiciandi solatium non Religiosis tantum frequens est. Ausonius Poeta versus suos petenti Theodosio Augusto rescribens sic se excitat;

*Nil dubites, Auspice bono mortalia quarunt*

*Consilium, certus iussa capeſce Dei.*  
*Scribere me Augustus iubet, & mea carmina poscis.*

*Penè rogans blando vis latet imperio.*  
*Non habeo ingenium: Cæsar sed iussit, habebø.*

*Cur me posſe negem, posſe quod ille putat.*  
*Inualidas vires ipſe excitat, & iuvat idem*

*Qui iubet: obsequium ſufficit eſſe meum*  
Immo etiam orationis vitia, si quæ committantur, in dicendi, scribendiq; authorem vertunt, quod Albertus hic facit: pace, inquit, eius, dixerim in eum culpam referetis qui me tanto onere levandum eſſe non cenſuit: & ante ipsum utrumque Paulus Horosius historicus ad Augustinum ſcriptionis hortatorem initio libri 1. *Præceptis tuis parvi Beatissime Pater Auguſtine, atque utinam tam efficaciter, quam libenter, quamquam ego in utramvis partem parum de explicato movear, rectenè, an ſecus egerim: tu enim iam iſſo iudicio laboraſti, utrumne hoc quod præciperes, poſſem: ego autem ſolius obedientia, ſi tamen eam voluntate conatuque decoravi, teſtimonio contentus ſum.*

### Nota IV.

*Pro honeſtiſſima conſuetudine.*  
Hanc conſuetudinem recitandi in principio ſermonis Anglicam Salutationem, ad implorandam Deiparæ Virginis auxilio Spiritus Sancti gratiam concionatores omnes Catholici per totam Occidentis Eccleſiam etiamnum hodie obſervant. Sed citra, ultraque montes diverſimodè: Itali enim cis montes ante exordium ſermonis, erecto corpore, & iunctis manibus, oculos, & mentem in Deum ſurſum pauliſper colligunt: dein genuſtexi verſus altare maius, vel effigiem Crucifixi, quam ſinguli pulpito affixam ea parte habent, perceptibili voce recitant integram Salutationem Anglicam, ijs verbis latis quibus ab Eccleſia publicè, & privatiim recitanda proponitur. Ultramontani verò exordium ipſum hæc præce concludunt, melius exiſtimantes poſtquam captarunt populi benevolentiam, eundem ad communem orationem convocare, per quam & ipſi rectè dicendi & iſte cum fru-

fructu audiendi gratiam obtineant. Nec mouet ipsos ratio Cismontanorum, quod nimirum sermo non sit interruptendus hac prece, & sic tam qui dicit, quam qui audiunt omnes eam submissa voce recitant: non enim existimant exordium, seu, ut alij vocant, prooemium esse partem sed dispositionem præuiam orationis. Ex hoc autem Alberti more, quem in hac, & altera de poenitentia oratione, quas ad populum dixit, obseruat, constat vltromontanam consuetudinem non omnino tunc apud Italos insolitam fuisse, nec tamen ab omnibus obseruatam, ut ex aliquibus eorum ipsius iam typo publicatis sermonibus liquet. De eius origine quidpiam habet Paulus Aresius lib. 2. artis prædicandi cap. 5. & 6. videndus Petrus Canisius de Maria Deipara lib. 5. cap. 31. ubi hanc Salutationem in Apostolicis, alijsque Patrum ac diuersarum gentium vetustissimis liturgijs solitam ostendit, ex quibus in Breuiario Romano vsu venit, ut ante singulas officij Diuini horas recitetur, & ex his postea fortassis Concionatores nostri eundem morem iure merito ad sermonum suorum exordia transfulerunt.

### Nota V.

*Cuius vanissima opinio.* Veterem Apollinistarum hæresim hoc loco indigitat B. Albertus. Illi, quod ad præsens pertinet, animam rationalem, seu mentem humanam à verbo Dei in dispensatione Diuinæ Incarnationis assumptam fuisse negabant, sed carnem sine mente animatam; quasi dicerent, sola animæ sensitiua præditam, & locum animæ rationalis in ea per verbi Diuinitatem, seu mentem Diuinam suppleri, contra fidem Catholicam, quæ docet verbum carnem, & hominem factum esse. Hæc est enim fides Catholica, ut credamus, & confitemur quia Dominus noster Iesus Christus Dei Filius Deus, & homo est. Homo ex animæ rationali, & humana carne subsistens: Deus non per conuersionem Diuinitatis in carnem, sed per assumptionem humanitatis in Deum; non per commixtionem naturarum in vnâ substantiam,

sed per earum hypostaticam vnionem in vna verbi Dei Diuina persona. Interea qui plura cupit, poterit videre Bernardum à Lutzemburgo in Catalogo Hæreticorum, Gabrielem Patreolum in Elencho omnium hæresum, Seuerinum Binium in Concil. III. Romano sub Damaso Papa, & in ipsius ibidem notis tom. 1. Conciliorum part. 1. pag. 514. Cardinalem Baronium ad annum 373. & Spondan. in Epitome eiusdem anni, qui Sanctos Patres, & vetustos Ecclesiæ historicos, tum qui Apollinistarum hæreses retulerunt, tum qui refutarunt, exactè citant.

### Nota VI.

*Tollebant exteri ad sydera ciues suos.* Græcos, & Romanos, Gentiles, Oratores, & Poetas, Populos, & Principes, exteros vocat, quia non domesticos fidei, ut Paulus loquitur ad Galatas 6. Ad eorum exemplar, quoniam de Patria bene meritos, quos, etsi inanes laruas, Deos, & Herocos vocitabant, summis honoribus, & præconijs exornabant, Christianos prouocat, ut Christum verum, solumque Deum, de toto hominum genere optimè, maximèque meritum, condigno, quo fieri possit, honore, amore, laude, & religione colant.

### Nota VII.

*Illis ut respondeam.* Et infra. *Audere enim dicuntur stultissima temeritate asserere, Corpus Christi simul, ac confectum esse Diuinis illis verbis, atque à populo adoratum, tum primum esse desinere.* Hæc hæresis vel eadem est vel ei proximè affinis, quam Alphonsus à Castro lib. 6. aduersus hæreses verb. Eucharistia hæresi 12. his verbis memorat. *Corpus Christi verum non esse in Eucharistia, nisi tantum in usu, hoc est, quando quis viuitur ea accipiendo, & edendo illam: Alias autem extra communionem Corpus Christi in ea non esse.* At eandem esse ex ipso Alphonso habemus cum subiungit ista. *Ex hoc errore alium similem errorem deducunt velut putridam aquam ex fonte corrupto.* Dicunt enim

*enim Eucharistiam nunquam esse seruandam in Altari, aut in quocumque alio loco post Missæ celebrationem, propter quamcumque verissimilem futuram necessitatem. Quod enim hic per communionem, & Missam Castro, id ipsum Albertus per populi adorationem intelligit, idest totum, ac solum tempus, & cultum omnem qui medio tempore consecrationem inter, & communionem à consecrante, populoque factum impenditur. O cæca hæreticorum libido contradicendi Catholicæ veritati. Vident hi cæci, & cæcorum duces manere sub speciebus Sacramenti verum Corpus, & Sanguinem intermedio illo tempore, vt adoretur à presentibus, & Sacerdos populo sumendum distribuat: & non vident, quia nolunt, eadem ratione debere manere, vt à tardius, vel alio tempore accedentibus adoretur, vel digne sumatur; præsertim cum ipsi secundam Missam eodem die per alium errorem, non admittant. Nec magis hic cæci quam in moribundos Christianos sœni sunt, dum in extrema illa necessitate, cum tota Diaboli potentia pugnatueros, hoc singulari futuræ gloriæ pignore crudelissimè destitutos relinquunt.*

*Quod autem habet Alphonsus huius pestiferi erroris inuectores fuisse Bucerum, & Lutheranos ex hoc Alberti loco corrigendum est, qui centum circiter annis Buceri, & Lutheri damnata nomina præcessit: neque hæresim, nunquam prius auditam, finxisse vir doctissimus, & sanctissimus dicendus est. Malo proinde dicere Alphonsum vel cursu calami, vel typographorum inscientia vnico verbo lapsum, inuectores pro renouatoribus habere, quam eam B. Alberto impietatem impingere: ante quem annis integris mille hæc hæresis detecta fuit per Sanctum Cyrillum Alexandrinum, qui tom.2. operum edit. anni 1604. pag.728. col. 2. in epist. ad Calosyrium sic scribit: Porro alios esse etiam audio qui mysticam benedictionem nihil ad sanctificationem proficere dicunt, si quid ex ea fiat reliqui, in alium diem. Insaniant verò, qui hæc asserunt, nec enim alteratur Christus, neque sanctum eius corpus immutatur, sed benedictionis vis, & facultas, & viuificans gratia, perpetuò in ipso existit. Quam senten-*

*tiam cum Castro, etsi ex alio, vt videtur, quàm nos exemplari in refutanda hac hæresi descripsisset, manifestum est ipsum non ignorantia historici, sed amauensis, vel typographi errore inuentorem, non innouatorem habere. His autem verbis designatos per Cyrillum Nestorianos fuisse, author mihi est Iodocus Coccius tom. 2. Theauri Catholici, lib. 6. art. 1. in initio, sed quisquis fuerit vetus, aut recentior huius erroris inuentor, ipsum egregiè conuellit Castro, & ante ipsum Albertus noster, quod in illo tunc Concilio peropportunum fuit, cum in illa solemnitate peroraret, quæ non consecrandæ tantum, vel suscipiendæ Eucharistiæ, sed eius diuturniori adorationi, & solemniter per vrbes delationi, in sacris processionibus consecrata fuit. De quo videndus Nicolaus Serarius in opusculo de sacris processionibus cap. 9.*

#### Nota VIII.

*In hoc enim Domino nostro quòd non perparum est, primum quidem omnis innocentia, omnisque integritas restituta est. Loquitur hic B. Albertus cum Apost. ad Ephes. 1. Qui benedixit nos omni benedictione spiritali in celestibus in Christo, in quem locum S. Ambrosius, omne donum gratia Dei in Christo est, & si quis spreto Christo benedicti se à Deo putes, errare se sciat, & iterum, immortalis factus es, factus es liber, factus es filius, iustus es factus, factus es frater, factus es coheres, simul regnans, simul glorificatus es, omnia tibi gratuita data sunt. Vnde alibi Apostolus, sed non sicut delictum, ita & donum, si enim vnus delicto multi mortui sunt, multo magis gratia Dei, & donum in gratia vnus hominis Iesu Christi in plures abundauit; & hinc Isaia 40. dicitur suscepit de manu Domini duplicia pro omnibus peccatis suis, in quem sensum D. Athanasius lib. de humanitate verbi ait de Christo, solus omnia recuperare potuit, & idoneus fuit, & Agapitus Papa epist. 1. validius factum donum libertatis, quam debitum seruitutis, & D. Bonauentura 4. dist. 4. art. 1. q. 1. dicit, in Sacramento baptismi omnis culpa deletur, & restituitur*

Ad Rom.

tur homo in pristinam innocentiam quantum ad animam . Hæc vero non ita intelligenda sunt quasi in statu hoc naturæ lapsæ , omnes gratiæ , & omnia donata status innocentie , seu hominis integri restituantur , etiam renatis in Christo , cum id scripturis , & ipsi experientiæ manifestè aduersetur . Neque id voluisse B. Albertum est verisimile , licet generali , vt alij , locutione vtatur : sensus ergo est , omnem gratiam , & integritatem supernaturalem quam habemus , per Christum haberi , communi modo loquendi quo aliquis dicit , omnia habeo à tali , quo non intendit dicere omnia quæ sunt , se habere , sed omnia quæ habet à tali habere . Quo sensu S. Io. Chrysostomus hom. 13. in Ioann. de Christo dicit , *ipse fons est , & radix omnium bonorum* . Præterea absolute omnis gratia , & integritas per Christum nobis restituta est , etiam multo maior , & copiosior quam fuerit in statu innocentie in præsentii initiatiue per gratiam , & in futuro consummate per gloriam . Quò sensu glossa intelligit illud ad Rom. 8. *Quomodo non etiam cum illo omnia nobis donauit* .

### Nota IX.

*Etsi sordida , etsi sceleratissima donet* . Docet hic B. Albertus quod passim Theologi cum D. Thoma 3. parte quæst. 79. art. 3. Scotus 4. dist. 9. quæst. unica , & alij , Eucharistiam interdum primam gratiam conferre , & peccatum mortale delere ; potest tamen , inquit S. Th. hoc sacramentum operari remissionem peccati dupliciter : vno modo non perceptum actu , sed voto , sicut eum quis prius iustificatur à peccato : alio modo etiam perceptum ab eo qui est in peccato mortali , cuius conscientiam , & affectum non habet : fortè enim primo non fuit sufficienter contritus , sed deuotè , & reuerenter accedens consequetur per hoc sacramentum , gratiam charitatis , quæ contritionem perficiet , & remissionem peccati ; & 4. dist. 9. quæst. 1. art. 3. quæstiunc. 2. Si aliquis facta diligenti discussione sua conscientia , quamvis fortè non sufficienti , ad Corpus Christi deuotè accedat , aliquo peccato mortali in ipso manente quod eius cognitionem præterfugiat , non peccat immo magis ex

vi Sacramenti peccati remissionem consequetur : Vnde Aug. dicit in quodam sermone , quod quando corpus Christi manducatur , viuificat mortuos . Porro vt licet quis communicet sine præuia confessione debet copia confessarij deesse , & necessitas communicandi interuenire : neque enim cum debita reuerentia accedit qui nulla necessitate constrictus , post commissum peccatum mortale , sine præuia confessione , quæ præcipua est dispositio à Tridentino , Theologis & ipso Alberto infra requisita , communicat : vnde dum summam reuerentiam , summam fidem , ardorem summum hic requirit B. Albertus illam necessitatem tacitè insinuat , & alteram de inopia confessarij expressè ponit . Varij autem assignantur casus huius necessitatis . Secutus loco citato n. 3. exprimit casum scandali his verbis , *si autem non occurrat opportunitas confitendi , si potest sine scandalo vitare , ne tunc communicet , tenetur non communicare , sed expectare confessionem propter eandem rationem , quæ dicta est nunc* . Si vero occurrat scandalum nisi statim communicet , utpote si est indutus , & postquam indutus est , occurrat sibi conscientia de peccato mortali , de quo non fuit confessus , & non habet in promptu idoneum Confessorem , tunc cum contritione , & voluntate confitendi tempore opportuno potest celebrare , vt scandalum euitetur , & similiter de alio communicaturo , qui non celebrat , utpote consuetudo est in aliqua religione , vel Ecclesia , ut omnes non sacerdotes communicent in simili casu , scilicet si tunc cum debet communicare non habet idoneum Confessorem potest tunc non confessus communicare . Censetur etiam sufficiens necessitas ea , quæ oritur ex articulo mortis , quatenus quis stante non copia Confessarij periclitaretur mori sine viatico ; item necessitas dandi alteri viaticum , necessitas celebrandi ex officio pro populo quando non potest declinari sine infamia , & aliæ nonnullæ in quorum aliquibus conueniunt , in alijs discrepant auctores . Ceterum iure Tridentini Sacerdos , qui necessitate urgente sine confessione celebravit , tenetur quam primum confiteri , quod tamen ad laicos non extendi docent Hiquerus , Herinx , & alij . Quæ

verò dispositio requiratur in sic communicante non spectat huc discernere, communiter equidem, & probabilius requiritur contritio, saltem existimata.

### Nota X.

*Remittendis enim peccatis* &c. Per Eucharistiam conferri remissionem peccatorum docetur cap. *species*, & c. *quid sit sanguis*, de consec. disp. 2. licet non sit præcipuus, & primarius eius fructus, ut docet Trident. sess. 13. can. 5. in idem conspirant Patres apud Suarem disp. 62. sect. 1. citati, & Theologi passim.

### Nota XI.

En 1422. Hinc apparet B. Albertum eo anno scripsisse hanc orationem. Dictam autem fuisse ad aliquem confessum Patrum ordinis in proëmio, deorsumque orationis facile videtur, & Vvaddingus in Comitij congregatos affirmat. Sed hæc generalia non fuisse constat, nam inter Foroliviensis anni 1421. & Ferrariensis 1424. non reperiuntur alia, nec locus Comitiorum exprimitur. Ego verò in Capitulo, seu Congregatione aliqua Provinciali Prouinciæ S. Antonij habitam hanc orationem inde suspicor, quod Albertus in exordio dicat se hanc dicendi Prouinciæ suscepisse, postulante, hor-

tante, suadente, instante præstantissimo Patre suo M. Da. claro Theologix Professore, quem non dubito fuisse Magistrum Dalismanum Patavinum, cui postea Ministri Prouincialis officio cum vita defuncto Albertum ipsum per Patrum suffragia fuisse dictum fuisse, iam in vitæ historia docuimus. Immo & diem, & anni tempestatem, cogendis ad Comitij Patribus, opportunam nobis innuere videtur verbis his paulò inferius. Ad id (finem orationis) equidem vos affectos certo scio, ut ad ceteros præstantes viros, qui orationes illustres, hac de re, hodierna die sunt habituri, maximo cum ardore audiendos ire pergatis; per quæ verba Corporis Christi solemnitatem indicare videtur, in qua multæ de Sanctissimo Sacramento conciones haberi solent. Nec in secreto Comitio, sed in publico templo perorasse, ea docent quæ in Epilogo, de auditorum coniugibus, liberis, & cura Reipublicæ commemorat. Locum etiam eiusdem Prouinciæ S. Antonij designat codex Capistranensis, ad nos post hæc scripta delatus, in quo ad prima orationis verba in margine notatur Zeronæ 1422. immo author ipse in eiusdem codicis epistola, quæ nostratum 9. est ad Guarinum: *orationiunculam meam*, inquit, *quam de Corpore Christi, ut scis, ad Populum Veronensem, anno superiori habuimus, idest 1522.*

## O R A T I O I I.

In Laudem Pœnitentiæ.

### ARGVMENTVM.

Latine ad Populum dicendi munus, & sibi, & sui similibus ingratum ait, quod cum aliqui grauiter ferrent, & recusantibus religiosis irascerentur; ille rectè recusatum defendit, & facti rationem alibi promittit,

simulque refellere id munus ab ipso instanter poscentes. At quod nunc est, boni successus fiduciam in virtute obedientie, auditorumque iudicio, & beneuolentia collocat: atque in primis, in auxilio Diuina gratie, quam



quam Dei Matris intercessione, per Salutationem Angelicam, seu solitam, ut vocat, precationem inuocat. Pœnitentiæ laudes ab eius necessitate auspicatur. Reliquam eius laudem ab utilitate, per plurimorum excellentissimorumque effectum coaceruationem, prolixo, & pulchro præconio

comprehendit. Hortatur deinde Patres, ad quos maximè dicebat, ut pœnitentiam diligant, & amplectantur, eiusque usum per partes breuiter docet, & eterno præmio, per Euangelij verba propositum, suadet, & neglectum per æternæ pœnæ interminationem debortatur.

**A** Plerisque, & multis locis, suauissimi Patres, hoc munus dicendi, quod in præsentiarum non satis equidem libenter suscipio, instantius, frequentiusque exposcor, quod ego agere, cum sæpè recusum, illi ipsi qui hoc fieri vehementius expetunt, irasci mihi non desinunt. Nec mihi modo, verum etiam reliquis omnibus succensere videntur, quos, quod illi postulant, liberè satis, ac fidenter sibi inficiari grauius ferunt, quod eorum peccatum, eò est tetrius, quò illud non in paucos agunt. Nam sunt plurimi, aduersus quorum resistantiam, non modo acrius, verum etiam indignius effugerunt. *Quicumque enim quod mirum est dicere, Serui Dei hoc nostro tempore appellantur, id negotium publici muneris Grammaticè dicendi ad populum suscipere prorsus borrescunt.* (1) Neque id iniuria, habent enim, mea sententia, ut hoc non deformiter negent, causam quandam sui huiusmodi instituti, cuius rationem alio quodam loco aliquandò forsitan asseremus, simul omnibus illis respondentes, quos aduersus eos, qui hoc agere laudabiliter negligunt, vitia potius, quam rectè facta durius, atque acerbius commouerunt, nostramque tunc causam agentes, illorum etiam, ac multò magis iniuriam in aduersarios refellendo tuebimur.

Nunc, quod est instituti operis agere, pergamus, de laude pœnitentiæ pauca pro tempore differentes, tantò confidentius, quantò & tu Reuerendissime Præsul hoc fieri iubes; in quo mihi obedientiæ virtus spernam affert, & vos integerrimi Religiosi adestis, in quo conformitas prepositi familiaritatem parit, & vos egregij, ac doctissimi viri adhibetis iudicium, in quo vestra discretio disciplinam tribuit, & vos omnis populus suspensi ora consistitis, in quo mihi attentio ardorem, diligentiamque exuscitat, & postremo nos cuncti simul, quod prius dicendum fuit, de Deo nostro confidimus, in cuius manu, ut Sancta Scriptura commemorat, & nos, & sermones nostri sunt constituti. Ad illius igitur Christi nostri Dei excellentissimam, summamque maiestatem obseruandam, ne quid in dicendo offendiculi patiamur, intercessione pudicissimæ Matris eius mente ardentissima accedantus eidem Virgini Matrique Sanctissimæ precationem solitam offerentes. AVE MARIA gratia plena Dominus tecum, &c.

Et si non benè dignæ vitæ (quantum attinet ad impuros homines, ac perditos loquor) beatè tamen uiuendi cupiditatem omnibus, & corruptis, & integris in esse hominibus (2) quoniam compertum est, non est quispiam sanè, nedum apud

*Vide Epist.  
xxviii.*

Christianos, sed nec apud Barbaras quidem Nationes, qui hac de re vel ambigat, vel contendat. Veram beatitudinem ipsam non faciliè posse quemquam consequi, qui peccatis grauioribus irretitus sit, idest, illis, quæ latiore consuetudine iam mortalia dici solent, Christiani satis exploratum habent. Nihil enim in illam beatitudinem ingreditur coinquinatum, ab qua, vt Beati Ioannis Apocalypsis testatur, canes, veneficique pelluntur. Superest igitur ad consequendam beatitudinem, vt media curatione morbo careamus. Omnium autem adiumentorum, vt à peccatorum sordibus eruamur, nec aptius est quicquam, quam quod errata nobis displiceant, quæ res pœnitentia dicitur; nec alienius, quam quod nos peccasse delectet, quod obstinatio vñtatiùs nominatur. Quæ cùm ita sint, obstinationem missam facientes, de pœnitentia ipsa quædam dicemus, quæ, & tempori congruant (nam quadragesima hodie cœpta est) & à remedio consequendæ beatitudinis non abhorreant.

Nè autem multis immorer, præconium sanctæ pœnitentiæ, primò quidem ex hac vna re latissimè nobis patet, quibus sit in Cœlum laudibus efferendum; quod pœnitentia quidem, ea profectò est, ob quam ad nos miseros afferendam, piissimus Pater Christum de sublimioribus misit, sicut Isaias ex persona Saluatoris testatus est, dicens, *Spiritus Domini super me, euangelizare pauperibus misit me, sanare contritos corde, & predicare captiuis remissionem, cæcis visum, dimittere contrafactos in remissionem, predicare annum Domini acceptum, & diem retributionis*. Ecce audiuius pau-

peres, cæcos, captiuos, contrafactos atque contritos: Pauperes, inquam, haud dubium quin virtutibus; cæcos veritatis percipiendæ; captiuos Diaboli, contritos, atque contrafactos ab integritate benè institutæ naturæ. Quibus tamen omnibus largioris gratiæ Spiritu vnctus Saluator, in anno accepto Domini, idest, in tempore nouæ legis, æternæ retributionis diem illam in atrijs Domini super millia potiozem, certissimè pollicitus est. Sed non nisi contritis corde primum, idest, pœnitentibus de peccatis, vt facile intelligeremus, quæ præmia pœnitentiam consequerentur. Ac nè solo blandimento promissæ beatitudinis, Christus ad pœnitentiam Apostolos animaret, eosdem æternam mortem sententia minitante perterrituit; cùm alio loco dixit: *Nisi pœnitentiam egeritis omnes peribitis*.

Nè verò amplior formido spem salutis eriperet, eandem pœnitentiam, medentem morbis omnibus medicinam saluberrimam nobis attulit, sicut ex euangelica lectione comperimus, vbi homo ille, qui ab Ierusalem in Hierico descendebat, licet à latronibus spoliatus extiterit, licet plagis confossus, Sacerdote etiam, & Leuita illius minimè miserentibus; piissimi tamen Samaritani cura sanatus refertur, eo clementiùs, quo vini asperitatem, lenissimo misericordiæ oleo temperauit, alligauit vinculis charitatis, quando nos peccatores sua dilectione deuinxit, at in humeros suos, quasi in iumentum, extulit, quando dolores nostros ipse tulit, stabulario commisit, quia maioribus Ecclesiæ credit: futuræ curæ pretium protulit, duos id quidem denarios, quia iuxta

Apo-

Apocalyp.  
21. 27.

Cap. 22. 15

Isaia 61. 1

Luce 4. 16

1. Thimer.  
5. 17.

Apostolicam veritatem : *Qui bene præfunt Presbyteri duplici bonore digni sunt*; vt, & in hoc sæculo gratia meliores, & in altero gloria habeantur beatiore. In cuiuslibet autem hominis sine, *extra diem extremam iudicij*, (3) se rediturum spondit, atque impensas omnes instauraturum pollicitus est, quod fiet quando maiore præmio nos in Cælis donabit quàm simus labore hic acriore defatigati : *non enim sunt condignæ passiones huius temporis ad futuram gloriam, quæ reuelabitur in nobis*, sicut Apostolus Romanos hortatus est.

Rom 8. 18

Coloss. 3. 3.

Matth. 3. 2.

Qua propter recte quidem Christus noster, in quo sunt omnes *Thesauri Sapientiæ, & Scientiæ Dei absconditi* pœnitentiam primò prædicans, eam ante omnia ex vberissimo omnium doctrinarum sui pectoris fonte produxit, dicens : *pœnitentiam agite, appropinquauit enim Regnum Cælorum* : Sed, quod est longè incredibiliter mirabilius, nobis quidem omnibus, quorum quisq; à puero baptizatus est, eum nec iterum liceat baptizari, si fortè post baptismum, vel in maximis peccaremus, pœnitentiam ipsam aduersum culpas omnes alterum genus, vt ita dixerim, baptismi constituit, vt facillè conijceremus pœnitentiam in primis homini esse perneccellariam, quam ad terras è Cælo Christus traduxit, quam Sacramentis annumeravit, quam denique sibi pro nobis adiudicauit, sicut scriptum est : *Vidimus eum nouissimum virorum, virum dolorum*. Et, Dominus posuit in eo iniquitates omnium nostrum. Et, iniquitates omnium nostrum ipse portabit, & propter scelus populi mei percussus eum. Et, ipse

Isaia 53. 4.

ibid. 6.

ibid. 11.

ibid. 8.

peccatum multorum tulit. Ac ple- *ibid. 15*  
raque multa quæ de scripturis Sacris in vnum corpus coacta idem efficiunt, quæque breuitatis causa omitto.

Nec tamen præteribo *Ioannem Baptistam*, omnibus mulierum natis maiorem, (4) quem, vt *pœnitentiam semper in primis populis prædicandam afferret, Christus edocuit, Christus misit, Christus iussit*. (5) Ita enim & ipse ante Christum prædixerat : *pœnitentiam agite, appropinquauit enim Regnum Cælorum*. Et ne perlaberetur, præcepta leniter, sed tenacius animis adhæresceret, clamore, terroribus, & vocis contentione, & in sensum audientium, & in mentes introgressa persisteret, aiebat : *genimina viperarum, quis docebit vos fugere à ventura ira*. Et iam securis ad radicem arboris posita est. Omnis arbor, quæ non facit fructum bonum, exciditur, & in ignem mittetur; facite ergo dignos fructus pœnitentiæ. Cumque ista Ioannes diceret, tanta animi constantia loquebatur, vt neque Herodi à vero parceret, neque carcere tereretur, neque morti cederet, pœnitentiamque prædicans, eam camelorum veste acerrima, cibo locustarum, ne dum parco, sed vili laxantis aquæ potu moderatissimo : Deserti loci habitaculo, verbisque potentissimis, & ardentissimis confirmabat : Et, vt vel inuitum omne genus hominum, inquam, tùm Phariseorum, Saduceorumq; tùm Publicanorum, tùm deinde militum, postremò turbarum huiusmodi, & vitæ exemplis, & doctrinæ persuationibus pœnitentiam intra audientium præcordia, velût telis validissimis, ingerebat.

Sed quid loquar de his, qui vi-

S 2 de-

debantur esse columnæ: Petrum dico, & Iacobum, & Ioannem, qui, quo à Christo ad secretiora omnia familiarius vocabantur, eo, ut de penitentia, & de reliquis omnibus certiores possunt ferre sententiam? Nonne Beatus Petrus Ecclesiæ Princeps, cum Apostoli de Sancto Pentecostes ebrii putarentur, ipseque eis, qui ita desipiebant, verbis plurimis de Iesu testificaretur, compunctis corde, & querentibus quidnam facerent, ad lamenta penitentiae se protinus conuertit dicens: *penitentiam agite; & baptizetur unusquisque vestrum, in nomine Iesu Christi in remissionem peccatorum vestrorum, & accipietis donum Spiritus Sancti*. Alio quoque loco, sicut eadem Apostolorum acta testantur, Iudæos, pie quidem de penitentia subeunda audientes, idem Petrus admonuit, ut ab eis mortis Christi facinus perpetratum aboleretur; *Et nunc fratres*, inquit, *scio quod per ignorantiam fecistis, sicut & Principes vestri, penitemini igitur, & conuertimini, ut deleantur peccata vestra*.

Iam verò quid Iacobus Minor, quamvis non sit iste Frater Domini, sed nec Ioannis; qui ipse Christo simillimus extitit, quamobrem, & Fratereius est appellatus, vultu placidus, moribus admirabilis, castitate mundissimus, constantia solidus, asperitate seuerus, religione præcipuus, veritate rectissimus, doctrina salutaris; dignitate præcelsus, vita clarus, morte clarius, gloria beatitudineque clarissimus, quid inquam is de penitentia dicat, audiamus. Apud quem penitentiam laudantem arbitror dictum: *super exaltat autem misericordia iudicium*. Miscri-

cordia verò penitentibus exhibetur, penitentia est igitur apud illum, quantum exitimo, verbum insitum quod potest saluare animas nostras. Ea est opus perfectum, sine quo fides mortua est. In hac si quis offenderit, factus est omnium reus, etiam si totam legem seruauerit, quia à penitentia resiliens, omnes iustitiæ eius, iuxta Prophetam Ezechielem, nequaquam recordabuntur. Hæc est sapientia, quæ desursum est, pudica, pacifica, modesta, suadibilis, bonis consentiens, plena misericordia, & fructibus bonis, iudicans sine simulatione, hoc est, Diabolo resistere, ut fugiat à nobis, hoc est, patientem esse, usque ad aduentum Domini: hoc est tristantem æquo animo psallere, & orare; hoc est vngi à Presbyteris (6) oleo, hoc est alterutrum confiteri; hoc est clamor cordis orationis assiduus. Et, ut apertè concludam, audite quid in fine Epistolæ idem Iacobus inferat. *Si quis autem ex vobis*, ait, *errauerit à veritate, & conuerterit quis eum, scire debet, quoniam qui conuertit fecerit peccatorem, ab errore via suæ saluabit animam eius à morte, & operit multitudinem peccatorum*. Hoc est ergo operire multitudinem peccatorum conuerti facere peccatorem. Tunc verò conuersus est quisque cum penitentiam, quam peccando expulerat, penitendo reuocavit.

Ioannem verò Euangelistam, cum esset dilectus Domini, & volucer Trinitatis, ac Matris Virginis curæ & familiaritate sublimis, quod maxime credendum est, remedia illum penitentiae non fugerunt; sed pietate iam lenis, dulcedine mansuetus, candore virginitatis præfulgens, can-

vixit

vitæ munditiam , quam à puero in senectam ipse possederat , in omnes filios suos spe tutissima penitentiae transfundebat , ostendens primò nulli deesse , de quibus penitentiam arripere oporteret , cum omnes sint peccato obnoxij . *Si dixerimus inquit , quoniam peccatum non habemus , ipsi nos seducimus , & veritas in nobis non est .* Et paulo post , *si dixerimus quoniam non peccauimus mendacem facimus eum , & verbum eius non est in nobis .* Tum denique docet neminem desperatione frangendum , quia multis , & quia maximis , quia diuturnis , & quia turpissimis , quia frequentibus denique criminibus obrutum ; cum habeamus Christum , tanto nobis sui sanguinis pretio , & tanta largitate propitiantem , dummodò penitentiam prompta confessione suscipiamus . *Si autem , inquit , confessi fuerimus peccata nostra , fidelis & iustus est , ut remittat nobis peccata nostra , & emundet nos ab omni iniquitate , & post pauca : Filioli , ait , mei hæc scribo vobis ut non peccetis ; sed & si quis peccauerit , aduocatum habemus apud Patrem Iesum Christum iustum , & ipse est propitiatio pro peccatis nostris ; non pro nostris autem tantum , sed etiam pro totius Mundi .*

Taceo præcipuum Vas illud electionis Apostolum Paulum , qui penitentia stimulante peccatorum Principem se se vocat , pro quibus Christus saluandis ad infima nostra descendit ; eadem urgente penitentia , se Apostolorum minimum esse dicit , qui Ecclesiani Dei fuerit persecutus . Se autem ipsum misericordiam asserit consequutum , ut in se primò ostenderet Christus omnem patien-

tiam ad informationem eorum , qui credituri essent illi in vitam æternam . Suam verò præteriti temporis conuersationem accusans , supra modum se dicit , & supra omnes cōtaneos suos in genere suo , Dei Ecclesiam persecutum , in expugnandaque illa abundantius profecisse : de quo tamen post conuersionem , ut mirabilia infinita præteream eius Apostoli , fructuosissimè auditum est : *quoniam qui persequebatur nos aliquando , nunc euangelizat fidem , quam aliquandò expugnabat , Deusq ; ipse conuertens animas , dignè quidem , de tanta atrocissimi hostis reuersione , testificatione , perfectione tunc laudatus est , & hodie quoque dignissimè laudatur ; cumque tandem filijs suis Corinthijs , pro diluendis culpis , penitentiae documenta proposuisset , quantis eam laudibus persecutus sit , & quanto ordine sapientiae illam distinxit , attendamus . Et si contristati vos , inquit , in Epistola , non me p. nitet , & si p. niteret , videns quod Epistola illa ( & si ad horam ) vos contristauit : nunc gaudeo ; non quia contristat , estis , sed quia contristati ad penitentiam . Contristati enim estis secundum Deum , ut in nullo detrimentum patiamini ex nobis : quæ enim secundum Deum tristitia est , penitentiam in salutem stabilem operatur : seculi autem tristitia mortem operatur . Ecce enim hoc ipsum secundum Deum contristari vos , quantam in vobis operatur sollicitudinem , sed defensionem , sed indignationem , sed timorem , sed desiderium , sed emulationem , sed vindictam . In omnibus exhibuistis vos , incontaminatos esse negotio .*

Magis magisque præterea, nobis diuinitus adiutis, dilectissimi, copiam de Scripturis Sacris, tum nouis, tum veteribus pro laudanda penitentia, exempla suppeditant, si plusculum temporis haberemus. Sed quoniam quam primum terminanda oratio est, vno complexu, & vno impetu multa fundemus, vt magnam quidem atque eximiam poenitentiam ostendamus: cuius magnitudinem prædicantes, quanta sit ipsa potentia poenitentiae, qui nesciunt, non aduertunt; eorum verò, qui sciunt, quis vnquam cuncta dixerit? verum si tantummodo crediderimus, eam esse, ad quam totos nos conuerti oporteat, deuotis nobis, & colentibus eam, se forsitan non parua ex parte longè libentissime demonstrabit, quamam ipsa, quantaue sit, idest, quæ sit eius vis, quæ sit eius utilitas, quæ sit eius postremo potentia.

Quoniam, quantum mihi quidem videtur, ea profectò est desperatorum omnium tutissimus portus, perditorum refugium, delinquentium omnium patrociniū, quæ scdōs purgat, turpes exornat, Deo inimicos conciliat. Hæc perdita instaurat, perita conseruat, acquirenda conquirat. Hæc impios iustificat, iustos lætificat, lætos glorificat. Hæc senectam reuocat, iuuentam corrigit, vtramque conseruat. Hæc morbos diluit, ægrotationes delet, ægritudines curat. Hæc portenta innouat, soli imperat, Cæli ordinem vertit, sed non peruertit. Hæc flagella differt, vindictas transfert; iratque Dei atrocissimas sententias aufert. Quo nos igitur, fratres, oro dicite, quo nos miserrimos verteremus, si poenitentiae nobis remedia præripe-

rentur? desperandum profectò esset, & cum vitijs solummodo paciscendum, cum Diabolo insuper sempiterna coniuratio facienda.

At verò nunc contra, magis nobis lætandum est, quoniam ex hæc poenitentia parata, oblata, præbitaque liberalissimè in nos miserō Deus suæ misericordiae pelagus fundit, suæ lenitatis mansuetudinem affert, suæ clementiæ dulcedinem præbet. Hæc honores restituit, carceres refert, secretorum abdita pandit; hæc ora leonum obturat; hæc vincula soluit; hæc ignes irrorat; vt amictus humanos ardore refugiant, & carnes Sanctorum mandere recusent, vt dolores non inferant, vt oblectamenta præbeant, vt speciem quarti, quasi filij Dei, inter tormentorum instrumenta exhibeant, & quod incredibile forsitan poenitentiam minus experientibus videatur, illi ipsi quos poenitet non rectè factorum, dum tristius morerent, simul lætitia efferuntur.

O sublimitas poenitentiae, quæ neminem abijeis, sed omnes complecteris, neminem dedignaris, sed cunctos suscipis: Tu tartaro animas adimis, tu Diabolo præripis, tu peccatis exuis, tu ignotos celebras, tu viles dignitate sublimas, tu illa ipsa es, quæ filios Dei ex filijs Diaboli facis, quæ putentia redolentes gratos constituis, vt audiant ecce odor filij mei sicut odor agri pleni, quem benedixit Dominus: quæ turpes pulchros reddis, quibus dicatur *pulchra es amica mea, & macula non est in te*. Quæ Angelos lætos facis. Quoniam gaudium est Angelis Dei super vno peccatore poenitentiam agente: quæ denique Paradiso animas inferis; quemadmodum ait Saluator. *Pœnitent-*

Daniel.  
911.92

*nitentiam agite, appropinquat enim regnum Cœlorum.*

Tibi extranei sunt hospites, tibi exteri sunt conciuēs, tibi pauperes sunt coniuēs; omnes docēs, omnes pascis, omnes diligis æque atq; tuos.

Tu mœrentes, hilares reddis, tu turbulentos, quietos constituis, tu infestos pacificas, tu debilia fortificas, tu delicata roboras, tu ineompta componis. Tibi efferati miteſcunt, tibi indomiti manueſcunt, tibi crudeles liqueſcunt, tu arida ſœcundas, tu ſicca reuiſeſcere facis, tu exanimata viuificas. Non pompas diuitum aſpernaris, non dignitatē ſublimium deterreriſ, non fortium vires paues, non potentium arrogantiam aliquando contemnīſ; ſed omnes ad te trahiſ, omnes ſuperas, omnes in tuum Dominium vendicas.

Meminim⁹ Dauid fornicaria labe pollutum ante te fleuiſſe: ſcimus Nabuchodonofor potentiffimum Regem, quamuis ſuperbia elatum, per te gloria eminenti reſſoruiſſe: Maſſen ſanguinaria eadē ſœdatum, poſtquam per pœnitentiam coanguſtatus eſt ſpiritus ei⁹, valde pœnituiſſe, Dominum Deum ſuum intente obſecrauiſſe, eumque ad hæc omnia à Domino iterum regni gubernacula ſuſcepīſſe; ſe ſe verò pleroſq; reliquorum Regum, potentium, atque Pontificum ad te conuertīſſe cognouiμ⁹. Nam per te Conſtantinum perſecutorem, fidei deſenſorem poſſedim⁹, vindicantem ab aduerſarijs Chriſtianos, religionem noſtram plurimū augmentem. Theodoſium occiſorem ſub iugum tuum legim⁹ colla miſiſſe, ac plectenti ſe Ambroſio Sanctiſſimo Chriſti Antīſtiti paruiſſe. Marcellinū Pontificem Max. tua onera comperim⁹

tam libenter ſubiſſe, vt Pontificio ſe priuaret, vt ſepultura, ſententia ſua careret, vt ſe ſepelientes ſpiritali animaduerſione feriret. Recordamur denique te fortiſſimis fortiorem ſamſonem perdomuiſſe.

Ne verò longior euadat oratio, ſingula quædam breui quidem ſuperioribus referamus. Hæc eſt igitur pœnitentia, quæ Petrum ſlentem ſuſcepit, hæc Mariam lacrymantem excepit, hæc adulteram mulierem tutata eſt, Publicanum diluix, Zacheo ſalutem præſtitit, filium prodigum in gratiam pij patris, atque in hæreditatem reduxit. Larronem è Cruce in Paradīſi amœniſſima, tutiſſimaq; euexit. Ipſumque Iudam proditorum nefarium Chriſtus, quod dictū mirum eſt, fuiſſet haud dubium iucundè complexus, niſi veram pœnitentiam reieciſſet, immò verò in eo plus Chriſtum, quam proditoriam venditione offendiſt, quod pœnitentiam complecti contempſiſt, quia in altero ſaluti Corporis Chriſti, in altero vero Diuinitati ei⁹ iniuriatus eſt.

Et, vt vno verbo cuncta complectar, hæc eſt profeſſio pœnitentia, qua nullares in vniuerſo genere creaturarum potitur, præter hominem ſolum dum hanc vitam etſi miſeram degit; nam neque Angelorum Sanctorum quiſpiam, aut perditorum. Dæmonum, aut animarum, quæ iam hoc corpus mortale, & caducum non amplius agunt, pœnitentiam capeſcere queunt, quod alij ſemper culpa vacarunt, alij nunquam culpa carere poſſunt. Animarum autem corpore ſolutarum, quæ iucundum habuere in gratia Chriſti occaſum, pleræque vel tranquillæ adiuuunt in Cœlis, ſolutæ pœnibus peccatorum,  
vel



vel eis quietem vitæ æternæ exoptantibus firma spes est, qua se cum Christo aliquando victuras certissimè norunt, quamvis interim in locis pœnalibus culparum pœnas luentes, promentura peccatorum plus minusue plectantur. Quæ verò animæ molestiam in peccatis sui corporis extinctionem perpeſſæ sunt, quia cum in his artibus viuerent ea egerunt digna plagis, quorum eas quando emigrauerunt minus pœnituit. Hæ profectò in baratrum Diaboli sine mora sempiterno æuo sunt deuolutæ. Soli igitur homini quoad vixerit pœnitentia ipsa singulari quodam Dei beneficio præbita est. Neque enim quisquam tam deformiter despicerit, vt æstimet aut Mundi machinam, quæ sensu caret, aut animantes, quæ ratione non præditæ sunt, pœnitentiæ aliquando esse capaces. Quamobrem *abeant hereticorum calumnia* (7) quoniam non est cur apud nos contraria pœnitentiæ à quoquam dici sinamus tam aperta veritate certissimos; non est cur de pœnitentia nos dubitare oporteat, tanta grauissimorum testium autoritate admonitos, non est cur ab ea arripienda nos torpore retardet, tam ardentibus persuasionibus concitatos, non est postremo cur ab assumpta pœnitentia, inertia, ignauiaque nos reuocent; tanta præcipuorum virorum sanctitate firmatos.

*Quæ cum ita se habeant, Patres Carissimi* (8) reliquum est, vt vos hortor, quo pœnitentiam semper in primis diligatis, eamque intimis præcordijs omninò recipiatis; vtque eandem opere ostendatis: quæ omnia fient à vobis sine reprehensione si contritis primùm cordibus ieiunia celebretis, si disciplinarum rigorem,

cilicij asperitatem, cineris vilitatem assumatis, si pectora vestra tundatis; si lacrymarum inibribus vos vberius perfundatis, per singulas noctes cum Sanctissimo Propheta lectum conscientie vestræ lauantes. Neque hæc satis, oportet enim erga fortunas aliorum nos esse homines frugi, vt ne quid vel vi vel fraude rapianus, & vt rapta restituanus. Erga proximos autem beneficos, vt nostras indigentibus Eleemosynas libenter, atque abundanter impartiamur; misericordes, vt si quid nos læserint dimittamus; benignos, vt eos semper imprimis ardentissimè diligamus. Erga nos verò continentissimos, vt nulla luxuria fœdi; moderatissimos, nulla re superflui, nulla perturbationi animi turbulenti, sed omnibus grati, nullis onerosi, omnibus bene morati reperiamur; prudentissimos, vt mortis meditationem, vt antiquioribus nostris, hisque maximis, longeque clarissimis placuit, præ oculis semper feramus. Erga Deum postremo religione nos præcipuos esse conuenit, pietate deuotos, fide claros, spe firmos, charitate arduos; vt sua beneficia recolamus, suos ministros reuereamur, suas Ecclesias frequentemus, ædificemus, tueamur, sua verba attentius audiamus. Quo enim Dei cultus est auctior, eò deuotio maior, qua deuotione freti hoc præsertim tempore deuotissimo Quadragesimæ, scurrilia, ineptias, iocos, & quæcumque frœnis effusioribus laxata, animos viriles effeminant, sollicitudinis euitabimus.

Hæc est pœnitentia, quam qui ex mente perturbant, vel sua, vel aliorum, hos æternis flammis arduos, certissimum est. Qui verò illam fuerit alacer, ac libens complexus, cum

Ivan: 6. 25

Matth. 25.  
46.In le 7. &  
Euangel.  
Missa fr.  
ad memoriam

eum æternis gaudijs fruiturum, Christus confirmat, ubi ait, *Qui bona egerunt, ibunt in vitam æternam; qui verò mala in ignem æternum, & alio loco, ibunt ibi in supplicium æternum*, sempiterna gloria carituri. Iusti autem in vitam æternam, æternam beatitudinem semper victuri. His autem ex rebus illud proculdubio perfecerimus, quod hodie ex Sancto Iohanne lectum audiuius: *Conuertimini ad me in toto corde vestro*. Euangelium quoque compleuerimus ut omnia, quæ ibi scripta sunt, rectè gerentes, nullo hypocrisis prauitate, nulla auaritiæ tenacitate, nulla gulæ voracitate fœdabimur, sed læ-

titiz oleo linitis capitibus, & aqua Christi lotis vultibus nostris, non hominibus, sed retributuro nobis abundantius Deo, Principi nostro, qui cuncta in abscondito intuetur, ieiunasse videbimur.

Hæc de laude, & exhortatione, pœnitentiæ pro angustia temporis satis dixerimus: pro dignitate verò illius nihil satis. Neque id iniuria, magna enim, & præclara est penitentia, quam tanto nobis consilio Deus præbuit, quam Prophetis præuidentibus nunciauit, quam dènique Apostolica doctrina peruexit. Amen.  
1432. (9)

## N O T A E.

## Nota I.

*Quicumque enim, quod mirum est dicere, serui Dei hoc nostro tempore appellantur, id negotium publici muneris grammaticè dicendi ad populum suscipere prorsus borrescunt.* Exordium huius orationis ad eò ænigmaticum est, ut commentarium potius expositorium, quam breuem notam possulet: Multa enim complectitur, quæ alioquin difficulter capiuntur: seruos Dei Latine ad populum dicendi genus horrere, id tamen ad eò instantè, adeoque frequenter ab ipsis exposci, ut quibus negaretur, ij omnibus sanè indignè, & effratè irascerentur, ut eorum passionem Albertus tetrum peccatum, & seruorum Dei iniuriam appelleret: quam alibi forsitan tueri, & harum rerum causas explicare promittit.

Mirum sane cogi eos, ut Latine dicerent ad populos, qui Latinam linguam non intelligebant, nisi multò minùs eo tempore, quam hodie. Non ad eò mirum tamen cur id facere horrerent, & recusarent serui Dei, tùm ob hanc ipsam inutilitatem proponendi

verbum Dei ea lingua, quam auditorum pars longè maxima non caperet, contra ipsum verbum Dei: *ubi non est auditus, noli effundere sermonem*: tùm quod non linguis Rhetorica dictione poliendis, sed conscientijs Euangelica doctrina expurgandis studium suum impendere statuerunt. Habet præterea Rhetorices professio annexum nescio quid fastus, pompæ, & ostentationis, quæ summæ humilitatis amatoribus non congruebat, habet floridus stylus, sine quo Latina dictio non placet, tantum oblectationis aurium incitamentum, ut mentem ipsam ab vtiliore rerum attentione quandoque suspenderet, & non rarè prorsus abstrahat. Serui Dei, de quibus Albertus agit, profundos scripturarum sensus, & robustas Prophetarum sagittas, simplicemque Euangelij stylum, non Ciceronis lenocinium, ad inculcandum virtutis amorem, & vitiorum odium eligeant, scientes veritatis pulchritudinem gentilium oratorum pigmentis non indigere; præsertim tùm rudi populo persuadenda res esset. Nec orator noster conquestus est, quod oratorius ornatus cruditis, & doctis auditoribus exhiberetur, sed

T quod

*Ioanne* : & occurrens obiectioni, quæ fieri possit subiungit : *dices* forte aliquis *si inter natos mulierum maior est Ioannes*, numquid etiam maior est Saluatore ? *Abst.* Ioannes enim natus mulieris, Christus autem Virginis natus est : eisdem per omnia terminis loquitur S. Augustinus serm. 21. de Sanctis, & in indice apud eundem S. Ambrosium de Ioanne Baptista legitur : maior omnibus natis mulierum : consonat Chrysost. hom. 27. in cap. 11. Matthei. Scriptura quidem non dicit Ioannem maiorem esse ceteris Sanctis, sed ceteros Sanctos non esse maiores Ioanne, coequauit ceteris, non preposuit. Sed cum tanta sit iustitie altitudo, ut in illa nemo possit esse perfectus, nisi solus Deus, puto quod omnes Sancti quantum ad subtilitatem Diuini iudicii inuicem sibi aut superiores sunt, aut inferiores. Ex quo intelligimus, quoniam quia maiorem se non habet, omnibus maior est, hoc denique sequens sermo demonstrat, dicens, qui autem minor est in Regno Cælorum maior est in eo : quis autem est minor, & maior ? Christus uidelicet, minor in corpore, maior in spiritu. Vide ergo quia omnibus Sanctis est maior cui solus Christus est prior. Ceterum textum illum Matth. 11. inter natos mulierum non surrexit maior Ioanne Baptista, alij strictius interpretantur, & forte conformius ad litteram, ut significet æqualitatem, non superioritatem, ut Lyranus : alij ut significetur esse maiorem Prophetam, quibus fauet S. Lucas c. 7. dicens maior inter natos mulierum Propheta Ioanne Baptista non est, ut Menochius, & Titi- nus, qui addit, agit tamen hic Christus de solis hominibus veteris testamenti, & præcedentium sæculorum quibus præfertur hic Ioannes, primò munere prophetandi, ut iam dixi : secundo donis, ac privilegijs gratia, & spiritus Sancti, ut S. Hilarius, & Ambrosius exponunt, 3. vii. sanctitate, ac meritis, ut S. Hieronymus, Auctor imperfecti Et Aug. Quidquid verò sit de hac sententiarum varietate, satis nobis sit Alberti nostri sententia, & locutionem Ambrosio, Augustino, Chrysostomo, & alijs probari.

*Ut poenitentiam semper in popu-  
lis predicandam afferret, Christus edo-  
cuit, Christus misit, Christus iussit.* His paria dat Aug. traq. 5. in Ioan. *verax erat, quia à veritate missus erat, si veritas Ioannem miserat, Christus eum miserat, sed quod Christus cum patre facit, pater facit, & quod pater cum Christo facit, Christus facit, nec seorsim pater aliquid facit sine filio, nec seorsim aliquid filius sine patre, inseparabilis charitas, inseparabilis unitas, inseparabilis maiestas, inseparabilis potestas, secundum hæc verba, quæ ipse posuit, ego & pater unum sumus, quis ergo misit Ioannem ? si dicamus pater, verum dicimus, si dicamus filius, verum dicimus, manifestus autem, ut dicamus pater & filius, quem misit autem pater & filius, vnus Deus misit, quia filius dixit, ego & pater unum sumus, quomodo ergo nesciebat eum, à quo missus est ? dixit enim ego nesciebat eum, & postea missione Ioannis à filio identidem replicat, & hom. 43. inter 50. probat quæcumque facit pater, Christum facere, & serm. 63. de verbis Domini ; testimonio scriptura doceamus non solum per ipsum facta, & creata omnia, sicut ex Euangelio commemorauimus omnia per ipsum facta sunt, & sine ipso factum est nihil : sed per ipsum etiam regi, & disponi quæ facta sunt. Agnoscitis ergo Christum Dei virtutem, & Dei sapientiam, agnoscite dictum & de sapientia, attingit à fine usque ad finem fortiter, & disponit omnia suauiter. Non ergo dubitemus per ipsum regi omnia, per quem facta sunt omnia, nihil itaque pater sine filio, nihil filius sine patre facit, & serm. 44. inter 50. ipsum Ioannem creauit Christus, postquam creatus est Christus, & creator, & creatus, creator ante matrem, creator matris, creatus in matre. Et quid dicam creator ante matrem, ante Abraham ego sum ipse dixit, & infra, omnia visibilia, & inuisibilia, cælum, & terra, & Virgo Maria, quia & Virgo Maria de terra, & Christus factor terra, & passim patres opera Diuina ante Incarnationem Christo attribuunt, ut li-*

berationem ex Aegypto, dationem Legis, & manne in deserto, aquas de petra &c. Quod si hæc Christo tribuantur, quanto magis opera incarnationem subsecuta, qualis est missio & prædicatione Ioannis Baptiste, cui & ipsa scriptura, quæ de eodem intelligitur, suffragari videtur Malach. 3. *Eccce ego misso Angelum meum, & preparabis viam ante faciem meam.* Verumtamen verba B. Alberti in rigore sermonis intelligenda sunt de Christo vt Deo, non de Christo vt homine, vnde dicitur Ioan. 1. *Fuis homo missus à Deo &c.*

## Nota VI.

*Hoc est vngi à Presbyteris oleo.*

Hoc in moralem sensum vsurpat, quæ non derogat literali, per quem hic locus Iacobi Apostoli, extremæ vñtionis Sacramentum significat, oleum enim in sensu morali, Dei gratia est, quæ per peccatum amissa, per poenitentiam recuperatur. Hæc est, de qua legitur Psalm. 44. *Dilexisti iustitiam, & odisti iniquitatem, quæ sunt partes poenitentiarum.* Propterea vnxit te Deus, Deus tuus oleo latitæ, idest gratiæ, quæ per absolutionem confertur, præ confortibus tuis, idest iustis, & innocentibus; qui licet sint confortes gloriæ, maius tamen est gaudium in Cælis super vno peccatore poenitentiam agente, quam super 99. iustis, qui poenitentia non indigent. Iusto enim iustitia remanet, poenitenti autem, & amissa gratia restituitur, & ipsius poenitentiarum merito, noua confertur, & sic vngitur oleo latitæ præ confortibus suis, à Presbyteris, beneficio scilicet absolutionis. Nec refert quod ille locus psalmi intelligatur de Christo, qui peccatum non fecit, sine quo poenitentia non est, nam plurima, quæ in Sacra Scriptura dicuntur de Christo, intelliguntur etiam de membris eius, qui sunt non minus poenitentes, quam innocentes. Albertus ergo morali hac applicatione non derogat communi sensui Ecclesiæ, quæ illum locum Iacobi ad litteram accipit de Sacramento extremæ vñtionis.

## Nota VII.

*Abeant Hæreticorum calumnie.*

Antiqua hæresis, ante Alberti nostri tempora, erat Nouatianorum, qui dicebant eos, qui semel lapsi sunt, nunquam postea consequi remissionem, quantumlibet eos poeniteat. Alias multas commentus est Lutherus, qui vt Alphonsus à Castro loquitur, ad hunc scopum suam doctrinam visus est dirigere, vt peccatores à poenitentia diuerteret, & ad peccandum impelleret. Sed vtumque hæresiarcham cum suis perniciosissimis erroribus fusè, fortiterque refutat idem Alphonsus lib. 12. aduersus hæreses verb. poenitentia.

## Nota VIII.

*Quæ cum ita se habeant, Patres Carissimi.* Huc vsque noster Orator totus in poenitentia laudanda versatus est; hic verò se totum ad Religiosos tunc præsentis conuertit, eosque ad poenitentiam diligendam, intimis cordibus recipiendam, & opere ostendam horrat. Quod vt rectè fiat, omnia verè poenitentis officia breuiter ante oculos ponit.

## Nota IX.

1432. Hæc æra in authographo meo subscripta est huic orationi, & in ipsa oratione mentio est primæ diei Quadragesimæ, tanquam qua dicta fuit, & in fine author vitur epistola, & Euangelio, tanquam eo die lectis, quo dixit, quæ FERIA IV. Cinerum publicè in Ecclesia ex Missali Romano legi solent. At Lucas Vvaddingus ad annum 1433. n. xi. in Comitij Generalibus eodem anno Bononiæ celebratis, vltimo die Maij dictam narrat, in quem diem non poterat cadere FERIA IV. Cinerum, quæ sex circiter septimanis præcedere debet lunam decimam quartam mensis Martij, nec ex ordinis vsu est, vt Comititia Generalia celebrentur in initio Quadragesimæ, sed ex S. Francisci instituto sub festum Pentecostes, de qua re vide notam nostram in epistolam Alberti vigesimam secundam, quam ad Nicolauum Nicolium Urbino dedit, vbi cætera huius rei declarandæ opportuna reperies.

ORA-

## O R A T I O I I I.

## Pro Electione Ministri Generalis.

## ARGVMENTVM.

*Exordium à transitione sumit ab omiſſa ſolemni feſtiuitate Pentecoſtes, qua illuſtrem orationem requirit, ad neceſſarium argumentum electionis ſupremi capitis tantæ Religionis. Quam cauſam, quod morali potius, et laconico, quam culto et Rhetoricis circuituionibus vago ſermone tractari conueniat, propterea huius, non alterius modi diſtinctionem expectandam eſſe, atque auditores attentionem ſuam ad verborum ſenſum percipiendum, magis quam oblectandi ſtudium, aut ornatum conuertant, magiſque multò ad ea pro rei magnitudine rectè agenda, quæ perceperint. Totam exhortationem dirigit in eum finem, ut vir integer ad communem utilitatem*

*fratrum eligatur, cuius partes, et officia proſequitur per media, hoc eſt, pacem, veritatem, charitatem: quæ clarè explicat, et eleganter, fortiterque inculcat: et modum, ne hæc inuiti, et coacti, vel ſiniſtra quapiam intentione, ſed ſpontanea conſcientia, et (quod prefixus finis fuit) ad ordinis decus, neceſſariam conſeruationem, et, ubi opus eſſet, reſtaurationem, adque Dei gloriæ, integerrimæ Chriſti Matris, Angelorum, Patris Franciſci, aliorumque Sanctorum, quos laudum litania quadam inuocat: ipſuſque Matris Eccleſiæ, et Eugenij Pontificis letitiam, et certam ſatiſfactionem perficiant, et inuocato demùm ad hæc Spiritu Sancto abſoluit.*

**Q**uamquam nos omnes, Clarissimi Patres, geſtorum maximorum *Sacratissimam diem illam præuenientes* (1) quæ, vt vetuſto more, & propter typici numeri Sacramentum, græca appellatione dicitur Pentecoſtes; orationem illuſtrem, ſi modo id efficere poſſem, in hoc vigiliarum ſanctarum præuio tempore, & me quidem, pro officio, cui immeritus præſum, Fratribus exhibere, & vos pro deuotione celebratis audire oportere non dubitem, quia

tamen eligendi nobis Paſtoris idonei, qui tantæ Religionis noſtræ præſideat, hodierno die præcipua quidem, atque ea cunctis cura habenda eſt, ſed alijs authoritate, alijs charitate, cunctis vtilitate. Ac ne propter anguſtiam temporis, in exordijs diutiùs morantibus neceſſaria tempora reliquis præripiantur agendis, atque ei maximo negotio, quod internixima noſtra præclarum eſt: oro vos primùm, religioſiſſimi Patres, ac fratres in Domino amantiffimi, vt à me cultum aliquem.

ſermo-

sermonem non expectetis, qui sine longa dictione, à quoquam etiam eloquentissimo viro exhiberi vix potest, præsertim cum Rhetorici campum eloquij expetens eloquentia, sine multis verbis non exhibeat elegantiam.

Ac tum deinde vos omnes pariter, & instanter per crucifixam mundi salutem, & obsecro, & obtestor, ut tantæ gerendæ causæ, quæ nunc versatur præ manibus, toto, & sano sensu toti, & sani studeatis incumbere; studio quidem imprimis magna cum attentione audiendi, quæ per nos Dominus veraciter persuaferit, actum demùm omni diligentia, ea, quæ sunt recta, gerendi: splendeat enim licet sermo doctrinæ, nisi vitæ sanctimonia componatur, citius sordet, languet, deflorescit, emoritur: nam & dicentis, & longè veriùs audientis conatus omnis inanis est, ubi fructus agendi ab utroque non carpitur. Opus enim dicentis, & persuasionis est ornamentum, & persuasi exemplum. Actio verò audientis, & lætitiæ persuadentis, & fructus audientis merito æstimanda est. Ego verò, ne longum faciam, implorato Spiritu Sancto, & per illius elementiam exorata gratia ipsius (de quibus duabus partibus, si nobis vacauisset, fuisset à nobis studiosius disserendum) me totum ad exhortanda corda, atque animos vestros breuiter quidem, quantum cum Domino potero, sed iuxta Patrum veteres sanctiones, diligentissimè conferam.

Omnis autem exhortatio, ne vos Patres multis immorer, tribus hæc in re distributionibus, vel maximè constat; ut primò vir aliquis probus, ut pace, deinde charitate, veritate

media; ut denique non inuito à nobis animo, pro nostræ religionis saluberrimo capite eligatur: quorum primum in eo, quem præficiemus, postremum in nobis ipsis, medium verò in adiumentis medijs reperire fas est. Propitio igitur Spiritu Sancto, qui in agendis omnibus, veluti summus auriga noster nobis præficiendus: ne quid aut temerè, aut insipienter agamus, & comite gratia illius sine qua semper per deum iter errandi, ac cæci vagantur: hoc vos Patres imprimis exhortor, & moneo, ut quemadmodum regula illa nostra Euangelica, atque sublimis edocet, & proclamat ad seruitium, & communem vtilitatem fratrum, virum nobis in custodem, ac patrem communem totius nostræ Religionis præficiamus, ea sanctimonia præditum, quæ tantum ministerium deceat: ea sapientia clarum, quæ tantæ classis gubernaculis moderetur: ea postremò discretionem, modestiam, moderationem, iustitiamque pollentem, ut & contumaces per constantiam arceat, & fragiles misericordiæ sinu confouendos excipiat, & probos honorandis ministerijs pro virtute præficiat, illustret officijs, & illorum in rebus, præsertim grauib, sapienter statuendis, feliciterque gerendis vta-  
tur consilij salutarijs.

De cuius eligendi nobis integri capitis, ac paulò post de electi viri virtutibus complura non dico: satis enim superque sunt ea, quæ diximus si ab his ipsis virtutibus is, qui alios gubernabit nunquam descuerit, si ut est virtutis fecunda natura, qua fit, ut virtus altera ex altera pendeat, ita quoque à paucis optima quæque manabunt. Sanctimonia quidem fa-

teoropus est in regimine, quæ & merita in maioribus, etiam pro communi utilitate efficiat, & iram zelantis Domini à transgrediente fratrum turba cohibeat; sanctimoniam verò Fides, Spes, Charitas omni tempore pepererunt, ut B. Augustinus in libro Enchiridion apertissimè profiteatur. Quæ omnia, quo pacto illi deerunt, ut reliqua perfectionis insignia assequatur, quem præter vitæ integritatem vsus quoque gerendarum rerum edoceat, ac eruditorum Sanctorum, veterumque, in quibus vera sapientia vigeat, sobriæ consultationes, & sana nimis consilia dirigant. Et præter propriæ cuiusdam regulæ normam, & continentiam, quod ad se attinet, cæteris ita præsideat, ut iuxta Beatum Petrum *factus gregis ex animo* omnibus consulat, omnibus pro meritis, quæ sunt propria cuique, dispertiat. Non inflatur honore, non insolescat dignitate, non ardeat cupiditate, ne director, & prædo, & magis quam pastor, meritò possit haberi: ac ne dominatione tyrannica, quod asserente Domino, Principum, qui sunt gentium, proprium est; durè in subditos dominetur, & imperet.

Nam præclarè nimis à Beato Dominico, quem deuotionis causa nominò, frater enim in Christo nostri Patris Beati Francisci, in Christo patruus itidem nobis est. Hic, durum, aiebat, imperium contemptum prouocat, & scissionem inducit; cuius rei testis est stultitia Roboam, quem acriter imperantem populis adeò repulit, ut ne nunc quidem cicatrix illa obducta sit. Tunc enim decem diuissæ tribus, atque à domo Dauid prorsus rescissæ, nusquam in regiam obedientiam domus Dauid vllò tem-

pdre rediisse leguntur. Igitur, ut de virtutibus statuendi nobis noui Pastoris, ac patris iam sileam, quæ prima partitio nostra erat: nunc de adiumentis medijs, quæ secundo loco dicenda posuimus, & quibus nos ipsi fortissimè fulti, virum nobis, si detur, probum inuentum iuxta cor Domini rectè præficiamus, aliquid breuiter explicemus.

Et quidem, cum iuxta Apostolum Paulum arma militiæ nostræ, non carnalia, sed spiritualia sint, ac Deo potentia, adiumenta sanè omnia ad charitatem, & pacem referenda putamus, quæ duo inter fructus Spiritus enumerat idem Apostolus. *Fructus autem*, inquit ad Galatas, *Spiritus sunt Charitas, gaudium, pax; patientia, benignitas, bonitas, longanimitas, mansuetudo, fides, modestia, continentia, castitas*. Quæ quidem omnia ex ordine disserere, quoniam & longum & difficile est, sola charitas, pace comite, nobis sufficiat. Nam quid vnquam deerit ubi vel sola charitas erit? iucunda est enim, pacifica, mansueta, ac modesta charitas, quandoquidem nullo conscientie agone tristatur, nulloque irritamento fracta malorum, ad intolerabilem nequitiam defluit. Patiens in aduersus perpetiendis, benigna in bonis, etiam hostibus exhibendis: fidelis, cum nulla perfidia violatur, continens ac casta, cum nulla obsecne scditatis labe polluitur. Bona, & longaninis cum in his omnibus vsque ad vitæ terminos, & in sanctis hominibus perseverat, & cum electis sceminis semper graditur.

Cum itaque charitati bona omnia suppetant, præcipua tamen quadam cognatione simul affectæ pax, & charitas,



ritas, indiuidua societate pariter comitantur. Charitas quoque, cum & ipsa sit amor, vt & Spiritus Sanctus amor est, sed alter temporalis, alter æternus, amicitiam præcipuam habet comitem. Pax verò concordie iuncta est. Verùm & paritèr omnes charitas, pax, amicitia, atque concordia procul dubio pariunt vnitatem. Sed ipsæ illæ virtutes quales erunt: si admissa fraude, dolo, simulatione, ac mendacio falsæ, fallentes, simulatæq; erunt? Certe inanes futuræ sunt. Ergo & veritas eis adijcenda est, ne nos fictio vlla vanæ ostentationis, summa cum iactura decipiat; Ad has igitur sex pro duabus conflatas virtutes, si nos totos, tanquam ad sapientissimas quasdam dominas consulendas sinceriter conferamus, vt quisque in portum tutissimum, ita in illarum nos domicilium sine vlla dubitatione recipiemus. Erunt nobis reuera cuncta felicia, facilia, prospera, vt nè infructuosa quidem sit exhortatio nostra, nullus labor persuasionis inanis.

Nec verendum est quo minus putemus illas nobis omni curâ colendas, omnique studio semper adhibendas rebus cunctis gerendis. Comperta est enim illarum omnium, & dignitas, & vtilitas, quibus quidem summis virtutibus fiet, vt abiectio malo tempore, qui frequenter comite negligentia remissiùs quippiam nos agere compellit, maximo quidem, sed sobrio incitamento semper omnia nostra, præsertim hodie opus illud nostrum, quod ingentis est operis. Designandus est enim nobis hoc vti-  
nam faustissimo die pater communis, pastor ouium Euangelicarum. Querendus Dux exercitus Christi, à Sancto Spiritu exorandus. Hunc

quales erimus, talem eligendum à nobis, omnis ratio persuadet.

Ne igitur in malum aliquem hominem incidamus, quod est miserè; nec sponte nostra corruptum quemq; malimus, quod est perditæ malitiæ, damnatæ nequitie, ac postremæ malevolentie: ac nè quando his vitijis subiectis nobis dicatur: *Dabo eis Regem in furore meo*: Adsit nobis pulcherrima charitas, quam persuadet Religio: Adsit pax, quam & natura ipsa proclamat; Adsit concordia, quam Christianum nomen sublimiter edocet: Adsit veritas, quæ suis viribus nixa, omni tempore superat, vincit, triumphat: Adsit denique vnitas, quam parit Ecclesia, quam præbet gratia, quam tribuit Christi Domini, ac Dei nostri summa benevolentia: Verùm ex his quæ amicitia Christiana confletur, quis dixerit? ea verò omnia adeò præclara sunt adiumenta, vt audenter dixerim, nihil, quamvis clarissimorum operum spe vlla permagna nos erigit, si hæc ipsa non erigent. Non enim, vt ait quidam è Patribus, quisquam rectè fertur in spem, cui malæ conscientie scrupulus inest. Pior autem conscientia nulla profectò est, quam quæ pacem abijcit, charitatem spernit, vnitatem scindit, concordiam persequitur, amicitiam spernit, veritatem fictione corrumpit, & contra Apostolum Paulum *in mendacio detinet*; præsertim cum ad hæc tam præstanter egregia tantis incitamentis ab omni prorsus torpore, non dico mortis, sed vel negligentie ex-citentur.

Etenim quid aliud institutio nostra proclamat? quæ charitatis est, non naturæ, nisi, vt ea nos concordia diligamus, quæ matris ad filios amo-

amorem præcellat. *Nam si mater,* inquit B. Franciscus, *diliget, et nutrit filium suum carnalem, quanto diligentius debet quis diligere, et nutrire fratrem suum spiritualem.* Pace ergo vnanimi nos inuicem complectamur. Verum quoque, ac Diuinum, idest, Christianum dogma; nulla sanè re cæteris religiosis ritibus præstat, qui vnquam fuerunt, quique futuri sunt, quam charitate, quam vnitatem, quam amicitiam, pace, concordia, veritate: Eo enim vel maxime est, vt amoris legem, Christi legem vocemus, quod charitatem præcipiat, pacem, & amicitiam colat, concordiam seruet, seruandæ vnitati omni tempore studeat, veritate semper præcellat.

Hæ sunt delicie, quibus Mater Ecclesia, & vt lacte suos paruulos alit, & vt solido cibo fortiores filios nutrit. Hic est panis noster, charitatem dico, dico pacem, dico amicitiam, vnitatem, concordiam, veritatem; quem panem qui fastidit, & super quo quisquis nauseat, eum desperata salute mors vastissimi deserti sequetur, conquisitio terræ promissionis merita consumptione frustrabitur. Quid quod ne barbaros quidem, etsi Christianæ charitatis, ac veritatis ignari erant, vnitatis tamen, pacis, amicitie, atque concordie, virtus hæc permaxima latuit? Quod ne longum faciam, vnico & præclaro exemplo firmabo.

*Scipio ille Africanus* (2) vt veteres historiæ ferunt, cum deleta Numantia, cæteras Hispaniæ partes, pace componeret, Thyresium quendam Celticum Principem consuluit, qua ope res Numantina, aut prius inuicta durasset? aut post fuisset euerfa? Thyresius autem audacter

respondit, concordia inuicta, discordia exitio fuit. Quod Romani tanquam sibi, ac de se dictum, exempli loco acceperunt; quippe quibus iam de seditionibus discordantis totius Urbis nunciabatur. Græco per ambitionem irato nobilitati, quod inter Authores Numantini fœderis notaretur. Numantia autem citerioris Hispaniæ, haud procul à Vacceis, & Cantabris, in capite Galliciæ sita, vltima Celtiberorum fuit. Quod igitur nostrum institutum nos edocet, quod Christianum dogma proclamat, quod mater Ecclesia proponit, quod Barbari pro gloria coluerunt, nos non colemus? pacem, dico, concordiam, amicitiam, vnitatem, & quæ nostrarum tantum partium sunt, charitatem, & veritatem, quæ nomina idcirco vestris auribus frequenter inculco, & replico, vt per aurium instrumenta infixæ intra nostra præcordia, nulla valeant obliuione deleri.

Diximus satis de adiumentis, quæ nos fauore mirabili, quem debeamus nobis præficere, sine vlla simulatione iuuabunt. Postremò nunc loco exhortandi potius paucis mihi estis, o probi Patres, o progenies Franciscanorum, o proles Minorum, qui de Euangelico fastigio nati fuistis; quos vita Apostolorum illustrat; quos tituli illi præclari, regie Christi passionis, in patre tantæ existimationis exornant; quos decorat cæterus Sanctorum; quos illuminat splendor doctorum; quos claros reddit elegantia, atque constantia prædicatorum; quos fortes facit frequentia humilium; quos redimit nobilitas aduentantium: sed de morientium fortitudine, de omnium hunc cæterum intransiuntium multitudinem, quid loquendum est?

nulla enim Religio, nullus ordo nos vincit, non dico eis omnibus, quæ prædiximus, sed ne dignitate quidem honoratorum, usque ad summos apices Apostolatus, non diffusionem illa longè omnium saluberrima, qua soli toto etiam barbarico orbe, Christi sonum pertulimus; non deuotione maiorum, qua ad nos etiam peccatores, & honore Religionis, & amore tanti parentis, quem admirantur, Christo præ cunctis similitudinum mira dilectione afficiuntur.

Compleo quod iam cœpi, si mirandam illam erga nos Diuinæ providentiæ curam vobis ante oculos proposuero. Quibus cum volatilium more nullus de messium fecunditate prouentus sit, omnia tamen, etsi non ad luxum, quod præcipuè nolle deberemus, Religiosam tamen paritatem, quotidie suppetunt, ac quod cunctis maius existimo, si qua interdum desint, aut quid defierit iucunda sanctæ paupertatis fragrantia, si simus veri parentum filij, de inedia plurimum gaudeamus. Erigite itaque dilectissimi animos, & pariter imploremus merita vetustissima Patrum, exsuscitemus gratiam maiorum nostrorum, asciscamus nobiscum fratres nostros, accersamus Religionis filios, toto orbe dispersos, cuncti in vnum coacti aggerem, vno simul agmine ad deuotionem rei tantæ gerendæ, nobis inuicem nostros animos concitemus: Et quæ Deo, quæque primoribus nostris, nostram necessitatem ante oculos ponant, tametsi qui beati sunt, de visione Sanctæ Trinitatis, nostra omnia nouerint, solita sancti amoris diligentia significemus.

Pio quoque gemitu, sub Patrum præcordia subornantes, eos Chri-

stianæ compassionis, clementi suffragio in has voces lamentabiles erumpentes, ad nostri miserationem, pro communi, proque priuata utilitate flectamus. Itane, inquentes, o integri Patres, o pij parentes, nec minus clementes alumni, ita ne vlla nos ratio, et si male meritos abhorrebitis? vlllo nos pacto aspernabimini? vlla seueritate nos destitutos vestris auxilijs relinquetis; quibus paterna, ac materna viscera Christiana, veracissima clementia, sunt dulcia, pia, suauia. An non aderitis nobis hac hora orbatis? non solum vobis, qui fuistis primarij morum, & vitæ huius authores, obseruatores, exhibitores; verum etiam omni nunc merito successore solis, priuatis, destitutis, & viduis.

Veni, pariter conclamemus, optime Pater Franciscæ, Euangelici expletor eloquij. Veni o vestigium sequendæ viz, ac vitæ, quam perfecti quique amplexi sunt, quam Apostoli inceserunt, quam mater Domini seruauit, & coluit, quam postremo Christus instituit, sacravit, & fecit. Veni o imago crucifixæ salutis, o signaculum victoriæ, pacis, & similitudinis Christi, o nostra spes veniæ, forma iustitiæ, ac norma perfectionis, virtutis, & charismatum domicilium: sed & tu Pater Antoni, tuis nunc confratribus subueni: Tu Euangelici sator seminis, adsta tu exemplum constanti, nobis consule, tu veritatis tuba nos edoce, Tu miraculorum fulgor, declara quem eligas, & maiore miraculo, huic Capitulo nostro præsideas, illud regas, illud efficias, atque compleas, qui nusquam, qui nunquam reliquisse compertus es, quisquis te iustam vllam postulationem efflagitauit. Te Fra-

tres colunt, te Padua seruat, te Sancti diligunt, te peccatores implorant, te denique omnino omnis orbis miratur. Ne nos, ò Pater, te oramus, magnopere vlla ex parte hae hora deseras, tuis sacris ossibus assistentes, salutemque gregis, iam non pusilli, sed maximi, ac hereditatis Dominiæ postulantes, læti abs te abscedamus, benignissime Pater Antoni, qui huc fatigati maximis laboribus venimus.

Erigite inquam, iterum dico, dilectissimi, animos vestros, & eandem nobis, summa eura putate, ne in gloriam nostram maculam vllam ponentes infamiæ, notam religioni nostræ, vel exiguum inurere comprobemur, quin potius demus operam, vt ordinem tantæ gloriæ, amplificatione quadam clarissima, ab exeidio luctuosæ eladis instaurantes (quod ab optimis Patribus, verisque filiis sine gemitu dici non potest) cum inuidia, nostri laudatissimi nominis etiam hostibus, gloriam religionis auxisse credamur. Quæ omnia desperata salute fieri à nobis nequibunt, nisi diligentiam adhibendi nobis sani, atque integri capitis, sano, atque integro sensu, miroque ardore restaurandæ quidem, atque reedificandæ, si opus est, euerse funditus nostræ Religionis arripuerimus, non odio immani, non cupiditate regnandi, non amore vllò corrupto, non pertinacia resistendi, non malevolentia deiiciendi, non peruersitate iudicii, ab hoc sancto proposito nos abripiat, aut alterutra, sed nequissima persuasio, aut culpanda fraus, aut nostra vlla carnalitas.

Virum Sanctum, quem orantibus nobis Spiritus Sanctus præbuerit, eligamus; pacificum qui vnanimes nos gubernet; clementem; qui errata

fragilitatis remittat, & possit compati infirmitatibus nostris, prudentemque, qui gerenda consilio dirigat; iustum denique, qui obstinatos zelo tuendæ, ac seruandæ Religionis percutiat. Hæc si rectè fecerimus, Patres optimi, tanquam reflorescat nostra religio, ædificabitur sæculum, lætabitur Ecclesia, congaudebunt Angeli, congratulabitur Christus, collatabitur Deus, Trinitas. Illa quoque integerrima Mater Domini (vt de B. Francisco nihil dicam) in cuius pio gremio nostra religio, & aluit, & creuit, iucundo præsidio nobis aderit, vt Euangelium filij, quod ante professi sumus, tanta faultrice adiuti, sine macula grauioris calumniæ, obseruemus. De Pontifice Maximo, ac Papa omnium Christianorum, Eugenio Beatissimo, nihil dico, qui ob id, in fine orationis nostræ, à me consulto seruatus est, vt certo nouerimus, eam nos, vel lætitiæ, vel dolorem illaturos sancto pectori eius qualem, vel bonam, vel secus prouisionem, nostræ immò suæ religioni fecerimus.

Moralem magis, quam aut acutam, aut exultantem, aut eruditam orationem, optimi Patres, ad vos habuimus; tum quia ita res postulat; indagatio enim rerum sublimium, etsi excellens est, minus tamen habet vtilitatis ad vitam, tum verò ac maximè quia Christianos loqui ad ostentationem scientiæ, ac ventosam iactationem, non deceat. Adsit nobis omnibus Spiritus Sanctus, quo per imperium potentie prohibente, ab agendis perperam reuocemur: quo per elementiam misericordiæ, adiuuante ad gerenda recta, quæ deceant, conuertantur, & volentes, & vt sapienter orat Ecclesia, etiam rebellantes nostræ voluntates. Amen 1443.

## N O T A E.

## Nota I.

*Sacratissimam diem illam praeuenientes*. Ex his, & quae sequuntur, manifestum est, hanc orationem habitam fuisse, in Vigilia Pentecostes, quo autem anno, quoque die, mense, & loco, sequens nota, ex margine nostri codicis descripra, & ordinis historia docent. *Sermo habitus Padua in Capitulo generali* 1443. 8. vel ut codex Capistranus 9. Maij, quibus addenda est, Sancti Antonij tanquam praesentis inuocatio: conuenerant autem tum illuc, ut scribit Vvaddingus, ex utraque ordinis, hoc est, ultra citraque montes, familia, & utroque sodalicio, Conuentualium scilicet, & Obseruantum, ad ea comitia fratres bis mille. Quibus, quod saepe diximus, praefuit Albertus noster, totius Ordinis Fran-

ciscani Vicarius Generalis, & Comitorum Prouisor, & Praefes ab Eugenio Pontifice constitutus, qui propterea hanc orationem instituit, pro officio, inquit, cui immeritus praesum.

## Nota II.

*Scipio ille Africanus*. Hanc historiam clarius refert Beyerliack. tom. 2. theat. vitæ hum. verbo concordia, fol. 351. col. 1. & 2. litt. D. E. cuius verba ad lectoris commoditatem hic describenda censui: sunt ergo hæc. *Scipio Africanus quum Numantinos saepe victores iam fregisset, obsessosque tandem expugnasset Tyresium Principem celticum rogauit: qua de causa Numantia aut prius inuicta, aut post euerfa fuisset. Respondit Tyresius concordia victoriam, discordia exitum praeiuit. Bruf. lib. 2. cap. 4.*



# BEATI ALBERTI

## SARTHIANENSIS

### ORD. MINOR. OBSERV.

## EPISTOLAE.

### EPISTOLA I.

FRATRI BONAVENTURÆ VENETO (1)

#### ARGVMENTVM.

*Julianum adolescentem sibi carum, cui pro lubrica aetate prestanti præceptore opus erat, Venetijs Paduam ad Bonaventuræ contubernium transiisse gratulatur, mutuamque suam, & huius benevolentiam, suamque de eo estimationem explicat, & Julianum eius humanitati, & ad virtutem auxilio, & consilio obnixè commendat, se pro illo eadem obstringens.*

**N**Vper ex Iuliano nostro literas accepi, Idibus Octobris Paduæ datas, (3) quibus se constituisse dicebat, consilio tuo, & quidem optimo, ac suasionem, rogatuq; alterius, carissimi fratris Andreæ Florentini, Venetijs prorsus decedere, idque tandem effecisse, atque in præsentia, & tecum, & cum cæteris confratribus, qui mihi semper maximæ æstimationi fuerunt Patavij commorari. Quæ res ita mihi iucundissima fuit, ita sanè lætitia quadam incredibili me affecit, ut quantum ex ea voluptatis acceperim profecto nec oratione complecti, nec verbis consequi, nec quavis dicendi copia apud te possim disserere. Tanti

equidem te facio, mi suavissime Bonaventura, tamque vehemens in te, est amor meus, ac tanta tui existimatio, ut ad amorem meum nihil possit accedere. Quamobrem nihil mihi iueundius, nihil gratius contingere potest, quàm si inseparabili quadam coniunctione ij, quos ego amo, & tibi deuinciantur, & hæreant, & cohabitent, præsertim verò nunc cum Iuliano meum apud te esse certò scio: cui quid commodius, quam amicitia tua? mihi verò quid, quod maiore me lætitia, ac gaudio esset, vnquam fore possit, procul dubio non inuenio, maximè hæc iniqua ætate nostra, cum bonorum, mira paucitas est, adeò ut rarum experi-

periti existimem, cui cum altero honestis in rebus sit vera cum benevolentia, & charitate consensio. Itaque si quid pro mutuo nostro amore, vel gratia, vel autoritate, apud te possum, Iulianum meum, imo nostrum, nunc summo tibi conatu, cunctisque viribus commendasse velim. Cui, quia per ætatem prona via est, vel præceptore præstanti, quo in præsentia caret, vel optimo quodam socio, quem te vnum esse non dubito, opus esse cognosco. Quare dabis operam quod de te spero, si me amas, nè in aliquo illi defis, diligentissimè con-

ficias, si quid adiumenti ad utilia studia, si quid humanitatis ad iucundam conversationem, si quid consilij ad honestam societatem ei contuleris, id totum in me factum existimabo. Tibi verò gratias, & si vires meas petexiguas esse nosti, vicumquetamen, vel habebō, vel dicam. Amplè siquidem, quamquam non rebus ipsis, quibus me beneficijs tuis imparem sentio, voluntate tamen præcipua tibi pro illo satis facturum me vadem spondeo, etiamsi amplissima quædam in eum feceris. Vale *Ex Verona* (3) 1422.

## N O T A E.

## Nota I.

*Bonaventura Veneto.* Hunc Ordinis Religiosum fuisse, tum ex adiuncto vocabulo fratris, tum illis Epistolæ verbis: *Et tecum, & cum cæteris confratribus*, tum ex altera ad eum Epistolâ, hoc anno data, satis constat. Sed qualis fuerit non reperio, præter ea quæ Albertus de ipso in utraque Epistola scribit. Nam, quem huius nominis fuisse regularis observantiæ sodalem, & Catharinæ Cornariæ Cypri Reginæ, dum viveret, confessarium apud Vvadingum reperio, & anno 1538. cum incolis eiusdem instituti, & Cœnobio Castri Franchi, ad Capucinos transisse, Alberti Synichthonus esse non poterat. sed alius ætate posterior, nisi centum, & quinquaginta amplius vitæ annos illi concedamus: sed de Iuliano nihil, nisi ille sit, quem in alijs literis inferius, inter nobiles Venetos Guarini discipulos Andream Iulianum commemorat.

## Nota II.

*Idibus Octobris Paduæ datas.* Præsentem hanc Epistolam anno 1422. ab autore scriptam ex eius fine constat, idque Veronæ, quo anno, ut postea

videbimus, Mense Septembri, prius Veronam ad Guarinum se contulit Albertus, cum Græcæ literas docentem audiret: Unde fit, ut has quibus ad alias Paduæ Idibus Octobris datas respondet, vel versus finem Octobris, vel initio Nouembris exarasset. Immo & reliquas omnes, quas hoc anno Veronæ scripsit, non ante Septembrem dedisset.

## Nota III.

*Ex Verona.* Si phrasis ista ab Alberto ubique seruata, vitium latinitatis habere videatur, at non solius Alberti, sed seculi illius phrasis fuit, qua etiam vtuntur, qui eo æuo eruditione conspicui habitus sunt, Aeneas Syluius, Antonius Campanus, Poggij Florentinus, Antonius Panormitanus, Ambrosius Camaldulensis, Io: Franciscus Mirandulanus, & qui ad eum scribebant, Antonius Faentinus, Philippus Beroaldus, alijque passim. Et fortassis non tam vehemente crisi digni sunt, dum præpositionem, quam nos hodie subintelligimus, illi in Ablatiuis exprimerent, quod autem Ablatiuis efferrent, etiam propria locorum nomina, ubi nos Genitiuis vtimur, non latinitatis vitium, sed



sed sensus diuersitas est, Genitiuus enim quietem, Ablatiuus motum à loco significat, vnde non video cur nobis etiam hodie, non liceat subscribere Romæ vel Româ, per primum significantibus, quod nostræ in Vrbe scriptæ fuerint, per secundum, quod eas Româ emisimus: nulla etiam est, vel vnquam fuit lingua, cuius & phrasæ, & ipsæ dictiones plu-

rimæ non mutantur cum tempore. Quamquam igitur aliquæ posteris antiquatæ sint, non proinde priscis illegitimæ censendæ sunt.

*Laudamus veteres sed nostris utimur annis*

*Quid in Fastis libi.*

*Mos tamen est aquè dignus uterque coli.*

## EPISTOLA II.

FRANCISCO BARBARO. (1)

## ARGVMENTVM.

*Albertus Franciscum laudat, & replicatis argumentis, ad literarum commercium secum seruandum hortatur, & quodam vtriusque voluptatis commodo, & honestatis iure exposulat, non exiguo Lectoris in hoc genere documento.*

**N**ON satis apud te, *Barbare humanissime* (2) indignitatem, qua magna perturbor (3) explicare valeo. Insperanti enim, & quod est longè importabilius, atq; inuito mihi subrepit, id genus mutitæ, qua me in ipsam perturbationem existimationis abs te in me, quod cum venia dixerim, non rectè factorum incidisse, grauiter fero.

Ego enim cum ab ineunte amicitie cognitione, quæ inter te, ac doctissimum Guarinum Veronensem (4) summa per diu contracta est, magnificum illud, & amplissimum munus nactus essem, ut medius, quem pro vestra humanitate benemeritum, de alterutro iudicassetis, recipi possem, ita vtriusque vestrum studio exarsi, tui verò, quo cum frequentius essem conuersatus, adeò amplius dilectione incensus sum, ut mihi certissima quadam veritate per-

suaderem, speque adducerer, neutrum vestrum, eas ad res, quæ ad beneuolentiam comparandam pertinerent, & in me consolando, & ad amicitiam augendam fouendo, atq; alendo, vilo vnquam tempore, quouis in negotio defuturum.

Quam spem existimationum mearum, verè loquor, cum eloquentissimus Guarinus noster, mira erga me diligentia, ac studiosissima opera sanè indies augeat, atque confirmet, tu, pace tua dixerim, adhuc ore reprimens, ac prope conuellens, fefellisti: Nam, & cum per me coram egissem, ut oratione tua graui, & te viro eloquentissimo digna, me gratulum futurum cohortareris, atque loquacem, si ita iudicares, reprimeres, & quæ soleres in dicendo obseruare, tua pro humanitate doceres, nunquam penitus impetrari potuit. Idego aliquot post mensibus,

libus, cum imperitissima Epistola mea, (4) tum tumultuariè ac maxima festinatione, quæ natura improvida semper, & cæca est, ad te talem virum data postulauissem, tu, & magnopere obsecranti, & plurimum oranti, ne verbo quidem obsequi uoluisti. Cumque idem, per fratrem mei Ordinis, (6) virum sanè frugi, ac modestissimum, mihi que iustus de causis amicissimum idem tentauerim, num si ex te impetrari posset, ut per exiguas literas tuas, vel tribus versiculis exaratas, & quas sæpè longas pollicitus fueras, ad me datas esse, & si non redditas, lætari, gloriariq; mihi liceret, nunquam aliquid præter solitas pollicitationes illum elicere potuisse, mihi ex eo renunciatum est. Hoc ego, mi Barbare suauissime, quamquam ægrè tuli, nisi occupationibus tuis tribuerem, quibus maximis te nuper designatum Prætozem, & teneri, & summè occupari aiunt, superbia elatum inhumanè quidem te effecisse causerem, atque existimarem, siue ut mitius, commodius, & æquius dicam, ruditate literarum mearum, quas ad te ineptas, atque incomptas dedi, perturbatum esse, quod exangues, exiles, & tenues, ieiune & insuauiter fluere, tandemque stomachatum, grato illo in me animo tuo, & solita beneuolentia, refugisse. Quod si id causæ fuisse fatebere, tum maximè te scribere, debuisse, nullus qui rectè sapiat, dubitabit. Tuarum enim partium, erat, opem orationis tuæ flagitanti afferre, mihi præsertim, qui ita debere fieri orauissem, & quem cum pro amicitia, qua tibi coniunctissimum, esse me arbitrabar, tum etiam pro religione, loquor equidem purè, & Christianè, quæ sentio, qui nedum

amicè monentibus, verùm & ijs, qui inimicissimè me lacesserent, gratias habiturum professus sum; non modo æquissimè laturum, verùm etiam gratissimè suauissimas reprehensiones tuas me optimam in partem accepturum fuisse, ambigere haud quaquam debueras. Ac ne multa consecder, vel sola utilitate mea, hoc abs te faciendum fuit. Nihil enim mihi cum iucundius, tum maiore emolumento fructuosius vnquam fore credidi, quam si suauissimas literas tuas, vel pro humanitate tua mihi blandientes, vel pro erratis meis me mordentes, accipio. Pari equidem lætitia efferor, curam, aut me reprehendis, aut doctrinarum salubria mihi præcipis, nisi quod ignorationi meæ, etiam inter præcepta eruditionis, paulisper indoleo, quibus quam flagranti opera vacare exoptem, & quam diligentissimo studio inferuire, ac ingenti quadam solertia incumbere velim, profectò nosti. Sed agresti ingenio, & tardiore memoria fretus es, forte inquis: Hoc cum verissimè de me sentires, quamquam non vereor, ne id sentias. Verum esto ita putes. Ego verò plus inferam, mihi os confusum, hæsitantem linguam, memoriam perexiguam, neque tenacem, ne dicam nullam, esse. Nihil denique præter voluntatem, quam æstuantem fateor, atque ingeniolum, & illud quisquam forsitan putabit insanum. Quæ res, etsi veræ sunt, tu qui pro animi tui bonitate, haud tam humilia de me sentire soles, nisi quid aliud causæ afferas, nunquam ab scribendo iustè cessasse sanè mihi videberis. Quamquam etiam animi, atque ingenij acutos quosdam motus, & celeres, diuturnamque memoriam

moriam, ac præstantissimis rebus maturam, summè habilem, me non habere mihi facile persuaferim; tu tamen quosdam non admodum nobilissimis ingenijs præditos ita limari posse, vt diligenti quadam eruditorum opera, atque summo discen- tium studio, & politiores eorum res in dicendo se habeant; & eorum ingenia auctiora, atque accuratiora reddantur, fieri posse non dubitas.

Quamobrem, si post hac, quas pericundas mihi futuras haud equidem sum nescius, vel inter ista, quibus in præsentia flores, honorum, tuorum onera, molestissimosque labores, vel inter turbulentas ambitionum occupationes, ad me literas tuas dederis, magnum mihi atque amplissimum tuæ humanitatis officium te præstitisse & lætabor, & magnopere gaudebo. Hoc quam primum facias obsecro, atque oro. Quæ quidem res cum fuerit impetrata, maximæ mihi voluptati erit. Tibi verò, & si non dignas gratias dicere potero, saltem habebø, si modo abs te quicquam literarum, ad me gratuler esse perlatum: sin- verò minus, huic meo studio rectis- simo quidem, vt iudico, atque opti- mo obsequi, ac satisfacere volue- ris, præsertim cum nullo in genere officij, atque humanitatis, neque mihi percontato, aut aliquid quæ- renti vnquam defueris; agam tecum, lege Euangelicæ mulierculæ, & *ἡμῶν* inhumanum iudicem instantissima, atque importuna expostulatione fle- ctentis: scilicet de reliquo mea culpa sit, si te quamquam prætorem in- cæteros, tamen in me reum, nisi mihi omnibus in rebus, quæ postu- lauero morem gesseris, quo ad mihi longissimas reddas, conquiescere.

non sinam. Quo autem animo, ea res à me gerenda sit, potiundæ vide- licet amicitix tuæ causa, ac tui mihi magnopere amantissimi, vel irascen- tis, literarumque tuarum accipien- darum cupiditate, non ignoras.

Non enim te fugit, virum, qui pro eruditionis præstantia, & graue, & verum hisce de rebus iudicium, habere potes, nihil tam liberale, tam magnificum, egregium, tamq; munificum esse, & homine sapien- tissimo dignum, quam beneuolen- tiæ summo quodam studio, ac sinceris- simo amicitix cultu contineri, con- iungi, fortissimèque vinciri, atque eam omnibus in rebus humanis Le- lij sententiæ præstare debere, quod ea nihil melius, nihil naturæ aptius, nihil conuenientius, & quod ad se- cundas atque aduersas omnes res magis conducat ab illo summo Principe Deo (ne Deos nefariè dicam) datum profectò sit; & rest tibi vt in mentem veniant, cures diligentissime velim, quas maximis, & Reipublicæ, & domesticis negotijs occupatus, minùs fortè perspicere potes; quamquam vires tuas, præstantioribus rebus, ac longe amplissimis dignas putem: Quod vnum si cogitabis ad me, qui valdè te diligo, & valdè amo, vicis- situdinem literarum tuarum, quæ amicis maximo beneuolentiæ indicio sunt, reddere, vel in summis occu- pationibus non grauaberis. Sola enim res est, quæ vt Turpilius Comicus inquit, absentes, præsentis facit. Quare mihi quam primum satisfacere, honesta quidem petenti obsecro, non retardes. Vale ex Ve- rona 1422.

## Nota I.

*Francisco Barbaro.* Quatuor nobis B. Alberti Epistolæ ad clarissimum hunc virum suppetunt, ex quibus non pauca virtutum, ac dignitatum eius argumenta sumuntur. Prima est, quam nunc tractamus, in qua, ut vides, Barbari humanitatem, eruditionem, eloquentiam, gravitatem, suavitatemque, & cum eruditissimo Guarino, ac cum ipso Alberto, contractam amicitiam commemorat. Et licet cum eo neglectum, & olim promissum, literarum commercium acriter exposculet, cedit tamen eomiter causæ taciturnitatis: erat quippe tunc Barbarus Tarvisij Prætor, cuius muneris molestissimis laboribus, ut Albertus ipse loquitur, quibus maximis cum teneri, summeque occurrere dicebatur, silentium attribuit: Quis verò quantusque fuerit vir Barbarus iste, tam carus amicus Alberti, quæque strenuitate sua, consilio, & prudentia in alijs deinde munij Reipublicæ præsterit, eumulatè sparsim in sua historia Veneta narrat Petrus Infirianus, alijque rerum Venetarum Scriptores, & hæc inter alia Petrus, Lib. 9. pag. 329. & 330. *Quam urbem (Brixiam) paulo ante Zacharias Barbaro Proprator ingressus, ab omni hostium incurfu tutam reddidit. Fuit autem hic Francisci illius filius, qui Bello Philippico, eandem Urbem Brixiam, à gravissima obsidione, sua eximia virtute liberavit, dignus certe tanto parente filius, à quo Hermolaus ille, græca, latinaque eloquentia vir insignis, procreatus est.* Hermolaum autem etiam ab eximia pietate, & pastoralis zelo, vigilantia, & factis, inter Tarvisinos primum, ac deinde Veronenfes Episcopos laudat Vghellus. Itaque Franciscus Zachariæ pater, Hermolai verò avus fuit. Ipsum Gesnerus Chrysoloræ in Græcis discipulum, clarum Philosophum, & summum in utraque lingua oratorem appellat, & quæ scripsit ipse, vel à Græco in Latinum vertit, recenset.

## Nota II.

*Barbare humanissime.* Appropriatissima Antithesis, qua nomen communi sensu amarum, eleganter dulcoravit Albertus. Alij enim Barbarum vocant, si quis contra Grammaticæ leges vocem proferat aut peregrinam, erasam, rudem, asperam dictionem; Græco, Latinouè sermoni misceat, vel sermonis puritatem non seruet, si quis moribus peregrinis inurbanus, sævus, crudelis incultus fuerit: qui nimirum non iudicio, & ratione, quod humanum est, sed phantasmate, primis apprehensionibus, & vehementi appetituum impetu, & corrupta consuetudine ducuntur, & plus de genere, quam de specie habere videantur, hoc est, plus de animali, quam de homine, quod inhumanum est. Quia propter Albertus noster, ut uniuersum huiusmodi vitiorum genus, rem acutangens, solo humanitatis vocabulo tollat, à quibus omnibus cum Franciscum alienissimum iudicaret, cum re ipsa humanissimum pronunciant, ut vacuo vocabulo Barbarum ostenderet; Quo igitur quisque magis, minusve à ductu rationis, & moderamine sensitiui appetitus recedit, in eo magis minusve inhumanus, adeoque barbarus censendus est. Vocem à *Bar*, quod apud Chædoes peregrinum significat, ad Græcos transiisse ferunt, qui cum cæteris nationibus, morum & sermonis cultu, iudicio, & ratione præcellere censerentur, quoscumque alios à moribus suis, & discipulis alienos duplicata syllaba, Barbaros vocabant. Quia ratione Romani postmodum eodem cultu politi, Græcosque secuti, gentes omnes Barbaros appellabant.

## Nota III.

*Indignitatem qua magna perturbor.* Indignitatem, vel indignationem suam qua magna turbatur, intelligit, vel quod sequenti sententiæ magis congruit, indignitatis suæ opinionem, quam apud Franciscum fortasse conceptam verebatur,

tur, inuito mihi subrepsit, id genus mæstitia, qua me in ipsam perturbationem existimationis, ab te in me, quod cum uenia dixerim, non rectè factorum in-eidisse, grauius fero; Indignatio enim ipsa, perturbatio est; causa autem indignationis, suspicio, seu timor existimationis, non rectè factorum, sed indignitatis suæ apud Franciscum, qui illum prius plurimi fecisse videbatur, ut in reliqua Epistola fufius explicat: ergo Albertus indignatione sua formaliter turbatur, indignitate autem non rectè factorum, quam timebat, obiectuè, ut scholæ loquuntur.

## Nota VI.

*Doctissimum Guarinum Veronensem* Huius meminit Conradus Gesner, in Bibliotheca vniuersali, ubi cum Chrysoloræ Bisantini quondam auditorem, Græci & Latini sermonis peritissimum vocat, de utroque, Chrysolora scilicet & Guarino, Spondanus in prosecutione Baronij ad annum 1397. num. 6. ceterum una cum ista legatione putamus uenisse in Italiam ibique resedisse ingenti rei literaria bono, Emmanuelem Chrysoloram ex illustri familia Constantinopoli oriundum, potius quam postea cum Emmanuele ipso Imperatore, cum plerique omnes eius aduentum hoc vel sequenti anno constituent, non autem nisi post triennium Imperator uenerit. Is uero mox incipiens docere literas Græcas, quæ per annos penè septingentos, temporum iniquitate in Italia conticuerant, Venetijs primum, & mox Florentia, Romæque, ac demum Ticin Italorum ingenia adeò excitauit, ut non solum eam linguam feliciter susceperint, verum etiam latinam, quæ multam barbariem à longo tempore contraxerat, in antiquum nitorem restituerint. In quorum primis recensendus Guarinus Veronensis, qui auctor fuit unius ex scholis, quæ ad utramque linguam addiscendam instituta fuere. Sed de Guarino fufius eius conciujs Onuphrius Panuinius antiqui-

tatum Veronen. lib. 6. p. 64. ubi de illo ait: Hic est, qui eloquentiam, in auorum memoriam deperditam, longo postliminio primus reduxit, cuius ætate cum bona litera, ob triualium Grammatistarum inexplícabiles ambages, in tenebris angulis delitescerent, primus ipse more Platonico, multos annos peragrata Græcia, exhaustisque ad satietatem uersè doctrina, à præstantissimis Philosophis atque Doctoribus, eruditissimis, demumque in Patriam restitutus, eas in apertam lucem, tum scribendo, tum docendo laboriosissimè reuocare cepit. Cuius dubium est, an boni mores, uitæque sanctitas, an optimarum artium cognitio, plus nobis præstiterit. Ipse etiam adolescens quum Chrysolora Bisantini auditor fuisset, Græcas literas primus Italicorum, post Imperij Romani casum, in Italia suscepit: scripsit uerò &c. sed nec pauca accessio Guarini laudibus, ab his Alberti, quæ damus, monumentis facta est: decuit enim Alberti bonitatem, & gratum animum cum laude profiteri, per quem ipse tantopere profecit.

## Nota V.

*Imperitissima Epistola mea,* & infra, ruditate literarum mearum, quas ad te ineptas, & incomptas dedi; Hæc modestia & religiosa humilitas plena sunt hæc Beati viri opuscula, per quam, cum alios, etiam aduersus quos scribit, extollere, ita se, suæque semper extenuare solet. Vnde aliud etiam documentum Albertum scilicet multo plures Epistolas dedisse quam nos consequi potuimus.

## Nota VI.

*Per Fratrem Ordinis mei.* Hunc Becinum fuisse, ad quem Albertus sequentem dedit Epistolam, ex ipsa satis constat, quæ etiam hic in codice posterior sit, ratio tamen suadet, eam ante præsentem scriptam fuisse.

## EPISTOLA III.

IOANNI BECINO VENETO.

## ARGVMENTVM.

*Hominem prius dissolutæ vite, à graui corporis morbo, ipsius Alberti studio releuatum, sed ab animi inueterata agitudine nondum plane liberatum, eruit tandem, & Becino ad rem maximè idoneo commendat, vt cum ex nostris, inquit, quodam in loco colloceat, & vt græcè loquitur, ex puteo malarum consuetudinum liberet, atque extrahat, id est, vt interpretor, Religiosum Minoritam Regularis Obseruantie faciat, quod hominem ipsum iam cupere, & vt Becinum proposito potiundi authorem haberet, desiderare Albertus in Epistola docet. Rogat præterea, vt Taruifium cum Bernardino Senensi, nunc Sancto, iturus Franciscum Barbarum inibi Pratorem oret, vt ipsum Albertum literarum suarum communionem ditiores faciat.*

**N**ihil ego, suauissime Pater, seu dictu, seu cogitatione, ipsa æquè mihi iucundius, aut satius arbitror, quam si cum mearum primas ad te dare constituo, ea mihi occasio præbeatur; vt & eorum saluti tecum vnà congratuler, & charitatis compendia audentius præ cæteris abs te postule. Quid enim vtrique nostrum, vel magnificentius, vel præclarior, quam aliorum vtilitati consulere? quam ex re maiorem, aut apud nos voluptatem aut apud homines laudem, aut apud Summum postremo Deum gloriam cumulare, nobis commodius, æquius, honestius; quam si egregijs in proximos gestis rebus, non modo eis, non inuidere videamur verum etiam *Maiorum nostrorum socios*, (1) nos omnium opinione ascriptos, & fauere & opitulari recte quisquis existimet. Quamobrem non vereor, ne tibi

videar, aut inuerecundius, quam æque, vel ætas, vel nulla mea dignitas patiatur, aut ineptius quicquam abs te petere, & obsecrare, si te vt in *Petrum bonum*, (2) nostri si quidem amantissimum omne studium tuum, curam, & diligentiam conferas; omnemque operam conuertas, orem. Est enim id tum, charitati erga alios accommodatum, tum verò Christi Domini nostri legibus, & voluntati, mirum in modum consentaneum.

Hic igitur iam vsque à Kal. Iunij molestijs atque angoribus contrariæ valetudinis affectus, præsertimque totius capitis doloribus ita laborauit, ita oppressus est, vt penè insaniam prolapsurus, non tam κεφαλαῖς, quam ἐκεφαλῶν carere hominem putauisses. Cui cum ad recuperandam valetudinem diligentissimè adfuissem, tum verò postquam ad se se redijt in consilij capien-

*Id est caput  
pius quam  
cerebro.*

piendis, quibus salutis suae confuleret, non instantissime modo, sed ferè importune, atque etiam acrius illi institi. Nihil equidem sibi blanditus sum, nihil penitus asfentatus; eo vel maxime, quia à doctissimis medicis, adeò dubia res afferebatur, ut facillime eum quamprimum vita excedere vererentur. Itaque eum ego illum exhortarer, ut leuare se animi ægritudine, quam ægrotatione corporis mallet; & suaderem ut vanissimæ, ac perditæ vitæ suæ, & re, & animo, prorsus renuntiaret: assentiri equidem se ea mente respondit, quæ alacri ab animo esset profecta; suasionem autem meam, vel ex eo optimam sibi videri, quod & virtute prædita esset, & animo suo summe accommodata. Quem quidem ea quæ dicerem, agere sæpè conantem, ignauia quædam, nescio quæ, perterrita, quæ se ad virtutem comparandam, animi firmitudinem habere diffideret, ac malarum cupiditatum iam pridem perniciofa eum oblectatio adduxisset; verum se esse nescium, quo auctore id gereret. Putare se se etiam in re tanta cuiuscumque non egere consilio, impudentissimum quidem arbitrabatur. Cumque ego animo sæpe reuoluerem, quem mihi istam ad rem pro illo iuuando aptiorem deligerem, omnium pæc dixerim, nullus mihi idoneus, ac tu in mentem venire potuit, qui erga illum summa eum benivolentia, pari coniuncta prudentia, inuigilabis, cuiusue tibi salus admodum cara futura est, ac pietas, quam in eum referes, & æque amplissima. Quo circa, quam tua semper in me maxima, atque clarissima beneficia extiterunt, non dubito in huiusce ge-

neris honestissimis rebus hoc à te petere, ut in Petro nostro itatuas, non solum in officij tui fructum, verum & pietatis merita debere te quæ- rere. Ille enim in te vno, vsque adeò spem suam omnem locauit & fixit, ut præter te quemquam, qui tanto sibi adiumento futurus sit, cuius tantæ euræ salutem suam fore confidat, habiturum esse neminem speret. Tu igitur si me amas, si dignum me, ut semper facere consueuisti, tuis beneficijs iudicas, te illi ducem, ac moderatorem quendam, & quasi gubernatorem præbeas, procudubio velim. Qui probitate, ac mira prudentia, vel, ut verius dicam, ingenita, singulariq; charitate, vnus ad rem istam prope efficiendam, optandus es. Dabis itaque operam, ut & qui tibi omnem causam suam, seque ipsum commendat, & tradit, te opitulari, atque obsequi certo sciam. Quo fiet, uti cum illum ex nostris quodam in loco, te ipso auctore locaueris, & penè quondam mortuum, *ἐκ τῆς φρέατος συνηθῶν τῷ κακῶν* liberaueris, atque extraxeris, & mihi, ultra quam dici potest, tem- *Id est ex pueris malarum consuetudinis.* gratissimam feceris. Veto hæc de re plura ad te loqui, cum summa tabellariorum festinatione, tùm verò nè tibi penitus diffidere videar. Si hoc abs te impetrauero, tibi profecto, ac si res mea acta fuisset, habeo gratiam.

Sed de his satis. *Cum Tarui- sum ut scribis*, (3) eum clarissimo Christi oratore Bernardino nostro coneesdes, quam humanissimum illum Barbarum, dignissimumque Prætorem conuenturum te arbitror: hoc meo nomine eum orabis, tu qui apud illum, quantum vis,



potes, vt me; quamquam minimè dignum, aliqua tamen ex parte, cum reliquis amicis, ac necessarijs eius, in societatem suauissimarum, literarum suarum venire patiatur; quarum mihi communicatio, & si tardissima videatur, diutissimè enim non modo eas concepiui magnoperè, verùm etiam instantissimè exoptaui, tamen gratissima semper futura est. Sum equidem audior, plusquam

*Id est videretur, σφόδρα* aliquarum è suis. Ad hunc

ego, quamquam mihi prope persuaserim ne verbum quidem facere, nisi longissimas suas ad me dederit: si non tabellarij ad modum festinantes impellerent, aliquid nugarum nostrarum in præsentia scriberem. Tù me apud illum exexcusatum diligentissimè reddes, suisque me literis sanè eruditissimis, tua intercessione facies ditiozem. Vale ex Verona 1422.

## N O T A E.

### Nota I.

*Maiorum nostrorum Socios;* sui, & Beccini Ordinis Maiores intelligit, quibus id semper maximè studio fuit, post animarum suarum salutem, egregijs in proximos rebus gestis fauere illis, & opitulari; nempe sequaces Seraphici Patris, de quo in solemni eius officio canitur. *Non sibi soli vivere, sed & alijs proficere vult, Dei zelo ductus.* In quo genere plura præstitit ipse B. Albertus. Quæ vero huiusmodi beneficia Ecclesiæ, & sæculi Principibus, & populis contulerit ordo Minorum, & indices conferat, nos per anacephalæosim indicauimus, in Epistola ad Lectorem nostræ Epitomes analium eiusdem Ordinis.

### Nota II.

*Petrum Bonum.* Mirum cur proprio nomine, & cognomine detegat personam, quam in eadem epistola, vanissimè, & perditæ vitæ iam adæ vocat. Sed minimè mirum est, quod Albertus Euangelicæ vitæ Professor, & Euangelij præco, Euangelistas, & Paulum, immò Christum imitetur. Matthæus se ipsum è telonio vocatum dicere non veretur. Paulus se persecutorem Ecclesiæ, Christi voce conuersum, præ-

dicare non erubescit. Alij Euangelistæ Mariam Magdalenam, mulierem in ciuitate peccatricem, sed à septem demonijs Christi gratia liberatam narrant. Petrum negasse Christum, sed poenituisse, & sexcenta eiusmodi tum illi, tum Christus ipse, tum Christiani historici sine admiratione, sine culpa faciunt; Faciunt autem ad gloriam Dei, vt ipsius gratiæ fortissima virtus magis, magisque eluceat, qua peccatores quotidie ex puteis malarum consuetudinum mirabiliter, & supra spem hominum extrahuntur. Faciunt ad vtilitatem nostram, ne in profundo peccatorum immersi, de Diuina misericordia desperemus. Faciunt ad conuersorum cautelam, vt recogitantes, quid fuerint de peccato propitiato non sint sine pauore, vt eo feruentius gratias agant liberatori suo. Sic Albertus Petrum Bonum, non ad vituperium nominat, solummodo peccatorem, sed ad ampliorem honorem, iam poenitentem, sed suis viribus humiliter diffidentem, & poenitendi status, loci, ac directoris idonei audium. Quid hic mali est? Immo ex vno malo peccatoris plurima bona, & eiusdem, & narrantium, & lectorum comoda.

*Felix, quem faciunt aliena pericula cautum.*

## Nota III.

*Cum Taruisium, ut scribis etc.*  
Vide notam penultimam in Epistolam

ad Franciscum Barbarum supra, &  
confer cum ijs, quæ hic scribit Al-  
bertus.

## EPISTOLA IV.

ANTONIO FLORENTINO.

## ARGUMENTVM.

*De neglectu veteris amicitie, & literario silentio Antonium redarguit, cum ipse plures literas, non accepto responso, ad eum dedisset. Inde silentij causas disquirens, eam præcipuè suspicatur, quod ipse verbis oratorij, & ab Antonij consuetudine penitus alienis usus fuerit, quem proinde usum, si Antonius monuerit, se mutaturum offert.*

**P**Vtaui ad hanc usque ætatem nunquam sanè ex te mihi accidere posse, Antoni mi suauiissime, ut etsi perditis meis de facinoribus, pessimè meritis tibi videar, tam me vel indignatus, tua ab amicitia longè repelleres, vel publicanum hominem, quem forte me putas, contemptui iure optimo habendum existimares, tu præsertim quo cum tanta mihi vis amicitie summa perdiu contracta est, ut profectò in te vno quidquid benevolentie, quidquid humanitatis, & solatii, & iucunditatis, & commodi, & gratie, ac denique auctoritatis, summam ad amicitiam conficiendam sperari solet, nactum esse me quidem non dubitarem. Sed quemadmodum iudicabam, ita id esse considerem, & ut lætari, & magnopere iucunditate gaudere, constanterque apud omnes gloriari, medijsfidijs haud vnquam meritis sum.

Verum enim verò opinionem hanc ad te meam, quod equidem incredibiliter, ægrè, ac molestissimè fero,

vchementissimè falli, in præsentia certò scio, cum animus tuus, ut mihi persuasum procul dubio est, sit à me alienior. Eiusce verò negotij, quod, ut censeo res ità se habeant, quid magis indicio esse potest, quam diuturnum erga me silentium tuum. Quo profectò etiam si literarum mearum nunquam ad te quicquam dedissem, nisi plus iusto usus fuisset, haudquaquam videberis: cum verò plures ad te mearum, longas quidem, & modo, & sæpe datas, aliàs non dubitem, quas & redditas arbitror, quam excusationem afferre possis, non venit in mentem, nisi tu contra, vel ad te perlatas negaucris, vel de me queri malueris, qui *Guarino Veronense*, præceptore eloquentissimo *fretus* (1) illius omnes ad res gerendas, mira diligentia, ac maxima gratia donari meritis sim, ut fortasse oratorij verbis, & tua ab consuetudine penitus alienis, ità usus fuerim, quod & te mouerit, & capiendæ rei facultatem omnem ademerit. Egregiè id quidem sentis, ne dicam inceptè, maximè

maximè vero cum reliqua omni ætate mea, eis nostratibus, ac sanè vilibus, me uti solum tu optimè quidem noris. Quod tamen si ita censes, ut me siue is, doctissimus sanè vir, erudierit, siue ego flumen ex eo eloquentiæ vsque adeo mea studiosissima diligentia hauserim, ut tanta mea industria dicendi copiam, atque elegantes grauium verborum sententias, me comparare potuisse, tibi

persuadeas. Ego Summo illi Principi gratias agam, à quo tam egregio ingenio præditus sim, ut tanti existimari tuo iudicio possini, ac tandem ad patrum dicendi morem me conferam, ni tu moderatius, quid tuis literis fieri iusseris, aut mihi communibus, & vñtationibus posthac vtendum esse me admonueris. Vale ex Verona 1422.

---

N O T A.

*Guarino Veronense præceptore eloquentissimo fretus. Per hæc, & quæ sequuntur manifestè proficitur Albertus, se ornatum latini sermonis, ex Guarini præceptionibus, mira diligentia, & maxima gratia didicisse. Quem etiam in Græcis literis addiscentis audiuisse se alibi fatetur, nulla vel*

*Emmanuelis Chrysoloræ, vel Ioannis Lascaris facta mentione, sub quibus alij dicunt Albertum Græcis literis inebuisse, contra similem professionem ipsius Alberti, quam suo loco notabimus, & fortè conciliando diuersitatem harum opinionum.*

---

EPISTOLA V.

BONAVENTURA VENETO.

ARGVMENTVM.

*Grata scribenti gratias agit, Angelum Tuscum, sui Ordinis fratrem, quem charissimum sibi parentem vocat, eximie laudat, ipseque in se olim officia, & beneficia, grato animo proficitur.*

**I** Vcundissimæ tuæ fraternitatis literæ, quas ad me pridie Idus Iunias dederas, decimo sexto Kal. sextiles mihi redditæ sunt, quibus, & pro singulari in me solita beneuolentia tua, qua haud dubium refertissimè mirificum quendam amorem tui animi redolent, & pro summa hilaritate rerum, quas mihi

gratissias fidelissimè quidem, ut certo scio, per illas renuntiasti: si qua tamen accessio amicitiae nostræ sperari possit, quantum alacrior ad perpetuè eam colendam redditus sim, hoc sanè grauiissimo tuo iudicio relinquo. Cumque his tuis in literis complura ad me pergrata attuleris, tum vco illud longè incundius, longèque

gèque gratus, abs te diligentissime præscriptum est, de quo me id penitus nescientem certiorem fecisti, carissimum scilicet mihi parentem, ac virum profectò integerrimum, *mei ordinis fratrem Angelum Tuscum*, (1) qui suo merito & nunc Prouinciæ præsit, cui illius nostri ordinis maiores præfecerunt, summum illum Christi oratorem, virumque Sanctissimum, Fr. Bernardinum Senensem visendi causa, istas nuper partes petiuisse. Est enim Angelus iste vir talis, qui de me, pro summis beneficijs eius ita sit meritis (taceo enim reliquos, qui virtuti illius plurimum debent) ut si maxima sua in me officia, & quo me semper amore complexus sit, quantumque illi debeam, dicere vellem, quamquam vacuo animo essem, & magna dicendi copia præditus, equidem id me consequi posse disiderem. Quis enim quauis oratione complecteretur, *cum ego in Etruria illius curæ commendatus existerem*, (2) sua omnia erga me studia: omnem operam? curam, industriam, mentem denique omnem? Quibus sanè me rebus dies, noctesque, meæ salutis incredibili quodam, sanctissimoque metu sollicitus, ita deuinxit, ita obligauit, ut veritus, ne sustinere sua in me innumerabilia officia non possem, vel non capere animus meus, aut in accipiendo siue in remunerando, cumulandoque verbis, illius acta illustrare non valeam, habere, quam dicere gratias malle delegi. Quod verò abs te, illi de me persuasum dicis, *Vt cui non antea probaretur, meum consilium*, (3) quo ego optimum factu censui, ut ad præstantissimum Guarinum audiendum me

contulerim, nunc magnopere lætus probet, atque laudum magnitudine efferat, hoc mirum in modum mihi scias esse gratissimum, tum quia tanti viri autoritate afflammor, & solidor, ut quibus artibus virtutes faciliè comparantur, quarumve tandem parta emolumenta, & mihi, & cæteris vtilitati, vsui, iucunditati, veræ, solidæque gloriæ esse possunt, in his esse elaborandum mihi statuerim: tum etiam, quia ut sum, tuque id nosti, non tam ægrotatione, quam ægitudine affectus, hominum de me iudicia, maximèque grauium summopere pertimesco; Quæ cum sedata ac repressa intelligo, & tibi gratior, & mihi posthac certior visitabo.

De vitæ vero meæ, ut dicis, integritate, qua me apud illum mirificè laudasti, quod fecus esse is vereretur, quamquam amore fallaris, sed tamen ita prorsus existimas, fecisti quidem pro suauissima consuetudine tua, qui & de te cæteros metiri soles, & me, quem ita diligis, optimè de te meritum arbitraris; atque in dies prædicas. Ego enim cognoui te quidem gratissimum omnium, idque nunquam destitui prædicare, neque verò tu mihi habuisti modo gratias, si quid ego de sola beneuolentia erga te mea meritum sum, verum & eumulatissimè reddidisti. Quamobrem reliquis tuis rebus omnibus, pari me in te studio, & amore, eademque voluntate, atque ardore, quo erga te esse soleo, recognosces. Plura in hanc rem scriberem, nisi perspectum apud me, & exploratum diligentissimè esset, haberi inter nos, quam dici gratias oportere.

Oratiunculam meam de Corpore  
Y Christi,

Christi, quam & elegantem, vt dicis, & eruditam, & grauem, summis quoque precibus obsecras, vt verò ipse sentio, impolitam, & tenuem ac subrusticam, cum primum librarius, qui mihi se illam scripturum pollicitus est, eam absoluerit, & si stylo ineptam, saltem diligentissimè emendatam, ad te perferri faciam. Si quid eruditionem tuam in ea offendet, & ignorationi meæ, & pudori attribues, quo mihi iuben-

tibus, vel ineruditè nolui non parere; sin verò aliqua ex parte oblectabere, in primis Deo, deinde *Eloquentissimo Guarino Veronensi gratias habendas*, (4) existimabis. Nam ipsius præceptoris mei nobilissimi, & opera & industria factum est, vt si quæ ea digna res est, ego illam conscribere, & scierim, & potuerim, & hortatu, ac voluntate, & iussu id venit, vt vel inuitus voluerim. Vale ex Verona 1422.

## N O T A E.

### Nota I.

*Integerrimum Ordinis mei fratrem Angelum Thufcum*, nihil in hoc viro laudando mentitum, nihil illi adulatum Albertum fuisse testantur, quæ de eo scripsit Vvaddingus tom. 6. anno 1405. n. 21. & ad ann. 1455. n. 93. quibus locis cum Angelum à Ciuitella agri Aretini vocat, & fratrem laicum fuisse docet, sed tantæ prudentiæ, & sanctimonix vitæ, vt Prouinciæ Thufciæ obseruantum Vicarius bis, terque præfectus fuerit, quam summa integritate gubernauit. Et post relatas alias eius virtutes, corpus ipsius quadragesimo secundo post mortem anno, integrum, hærentesque capillos conspectos fuisse narrat.

celestium, quam alij per multos annos in publicis Academijs. Talis Magister Ioannis Capistrani tyrocinio præfectus est, postquam celebris ipse I.V. doctor, multa eius professionis opera edidit & in Vicaria Neapolitana multo tempore ius, ex officio iudiciario dixit: talem sibi ex nostris spiritalis vitæ rectorem. S. Franciscus Borgia, adhuc secularis, & vitæ sanctimonia insignis, assumpsit, quo ipsum plurimum profecisse, nos alibi fusius docemus. Tales multi in Ordine Franciscano nunquam defuerunt, & etiamnum hodieque sunt. Quid acciderit Sancto Augustino simplicis Antonij vitam audiendo ipse doctor enarrat lib. 8. confels. cap. 8.

### Nota I I.

*Cum ego in Etruria, illius cure commendatus existerem*. Oportet Angelum Alberti olim feuerioris disciplinæ Magistrum, & Spiritus directorem extitisse, eumque illi à S. Bernardino commendatum fuisse, vt amplius explicant, quæ ibi, & quæ sequenti nota exprimuntur. Nec mirari quisquam debet, laicos fratres ascericis doctorum alias ordinis tyronum exercirationibus aliquando præfici, qui in schola orationis per vnum diem plus discunt rerum

### Nota III.

*Vt cui non ante probaretur meum consilium*. Id est latinæ, græcæque eloquentiæ operam dandi. Sic superiori Epistola suspicarus est oratoria sua verba Antonio Florentino displicuisse: Meruebant quippe illi Serui Dei, asceticæ vitæ & moralis, mysticæque doctrinæ, magis quam prophanæ eruditionis & eloquentiæ Zelantissimi sectatores, ne iuuenis Albertus amcenitate ingenij sui, & sæculi eruditorum, Ethnicorumque authorum consuetudine, pinguedinem Spiritus, quo illum imbuerunt, in prophanæ eruditionis, & elo-

eloquentiæ studium conuerteret; ac cum intellexissent, cum ita eloquentiæ studere, ut multum fructum in eo faciens, Cyprianus, Augustinus, Hieronymus, exempla sectando eloquentiam suam in sacris rebus exerceret, tunc magnopere læti, ut ipse loquitur, eius consilium probarunt. Et certe vtilitatem inde senserunt, cum ille eius dicacitatem eleganter, & neruose retunderet, qui ordinem penè vniuersum vituperare conatus est, aliaque eodem stylo conscriberet, quæ ordini ipsi & christianæ populorum disciplinæ, & Ecclesiæ totius bono multum conferre potuerunt, semper interim regularis, quam profitebatur, obseruantie tenacissimus. Immo magis in eos palam inueheretur,

qui per gentiliū blasphemias phrasas, & detestandum aliquando scriptio- nis argumentum, eruditione, & eloquentia, quibus alioquin prædicierant, abusi sunt.

## Nota IV.

*Guarino Veronensi gratias habendas existimabis.* Hic iterum suum latinitatis profectum à Guarino acceptum constanter refert: Quamquam ego ipsum, priusquam ad Guarinum secundo accessisset, non parum in latinis literis profecisse vel inde colligere mihi videar, quoddam harum Epistolarum aliquæ, eodem ipso tempore, scriptæ ab eo fuerint.

## EPISTOLA VI.

FRANCISCO BARBARO.

## ARGUMENTUM.

*Literas Francisco ad Nicolaum Nicolū tutò mittendas commendauit, quas iste à se receptas negat, & apud Franciscum queri rogat, quapropter Albertus nunc secundo Franciscum, & silentij erga se, & erga Nicolaum negligentia arguit, rogatque, ut quasitas literas apud eos quibus Franciscus eas fortè commisisset, vel ad Nicolaum, vel ad se, remittere velit. Guarinum laudat.*

**P**osteaquam nearum primas ad te scribere cœpissem, suauissimi atque præstantissimi antiquitatis authoeis, *Nicolai Nicolii nostri*, (1) ex Florentia literas accepi: in his cum multis de rebus me amici more admoneat, tum de vna maxime, quam ad te vult significem, magnopere queri mihi videtur. Nam cum ego ad Guarinum nostrum Græcæ & Latinæ eruditionis fontem, pro illius mira doctrinarum copia ebibenda, *Idibus Septemb.* (2) Veronam proficisci con-

stituissem, & ad te per eum nostri Ordinis charissimum fratrem, cuius alijs in literis mentionem feci, & ad Nicolaum per te illi mittendas, longas ineptiarum nearum, ut pro illarum merito loquar, literas dedi, hoc cur facere ausus sim, ut te tanto viro tunc mihi tabellario vterer, quem plurimi facio, breuibus accipe.

Cum enim superiore anno, vel negligentia tabellarij, vel eius culpa, cui mittendas commendaueram, nunquam eas, quas ad se dederam,

Nicolaus redditas accepisset humanitati tuæ summopere confusus, apud quem mihi plurimum licentiae vendicare non veritus sum, alias non minus longas, quæ tua diligentia, tunc illi redderentur, ad te etiam minimè obsignatas mittere, quod & feci, confidentissimè statui. Verùm & eas ipsas sibi non redditas, velut ægrè ferens, satis apud me queritur. Hæc res quid intercesserit, ut ita accideret, vehementer admiror, cum is frater, per quem ad te perlatas esse eius literas certior factus sum, te illas misisse, velut ex te acceperat, & testimonio sit, & certissimè profiteatur. Itaque cum à me longè absit, ut hoc te industria fecisse existimem, solum te precor per Dominum, ut an obliuione aliqua id à te prætermisum sit aduertere cures, ac cum illas inueneris, si fortè apud eos recuperare possis, quibus illas commiteras, vel Nicolaus, cui deferri debent, vel mihi,

cum ad Guarinum scribis, mittere non graueris: vale mea suauitas, & me ania, qui admiratione quadam virtutis sic te diligo, sic te veneror, sic colo, ut nec amoris meo in te, nec existimationi, nec cultui, aut honori, & reuerentiæ quicquam possit accedere. Cogita, cogita, te mihi sæpe dixisse, quod tenacissima memoria fixum teneo, conferuo, nunquam te in amore superari, nunquam vinci solere, quin potius nonnunquam in amicitia torpentes complures ad beneuolentiam prouocasse. Illud præterea Ciceronis, finem iam faciens, reminisci te velim, nihil minus esse hominis, quam non respondere in amore, his à quibus prouoceris. Esset siquidem tunc Barbari potius, quàm hominis; vide ergo ne Barbarus fias, cum tamen alium, quam Barbarum, sed humanissimum, ut soles esse, te nolim. Iterum vale ex Verona 1422.

## N O T A E.

### Nota I.

*Nicolai Nicolì nostri.* Insignem clarissimi huius viri morum & eruditionis memoriam celebravit Michael Pocciantius in Scriptoribus Florentinis. Et laudationem funebrem illi dixit Poggius, qui eius opibus & consilio in literis profecerat. In qua laudatione hæc inter alia protulit: *Operam dedit (Nicolaus) ut Emanuel Chrysoloras Constantinopolitanus Græcorum omnium facile Princeps in hanc Urbem (Florentiam) legendi gratia accersiretur, verissime mihi videor posse dicere etiam his, qui illorum temporum memoriam tenent, approbantibus Nicolai maximè unius verbi ac sollicitudine Græcas literas longè*

*post in Italiam reductas. Quæ quantum utilitatis nostris hominibus attulerint, tum ad eloquentiam, tum ad plurimarum rerum scientiam quis ignorat? videntur præfata illa tempora quibus eloquentia cum sapientia coniuncta vigeat esse hoc sæculo renouata. Ita quicquid utilitatis Græcarum literarum beneficio accepimus, uni Nicolao possumus acceptum referre. Nam à Manuele, tanquam doctrina quodam seminario, multi viri doctissimi prodire. Venit deinde Florentiam, & Nicolao auctore vir peritissimus Guarinus qui & ipse plurimum profuit ad Græcarum literarum cognitionem. Accessit deinde vir præstans ingenio & doctrina Ioannes Aurispa, Ni-*



*colai procuratore . Tum ultimus omnium Nicolai quoque opera ad nos adiit Franciscus Philolophus .* Nicolaus , vt Pocciantius ait , etsi nihil vnquam scripserit , nullum opus docti viri ediderit , tamen vt erat incomparabili ingenij felicitate præditus , Cosmographus , Historicus , & Philosophus insignis ipsa natura ad inuestiganda grauissimorum aucthorum monumenta quasi deperdita & ad reuocandas in Italiam longo postliminio Græcas literas quasi emortuas est progenitus . Quod quomodo præstiterit Pocciantius ipse fusius persequitur . Non defuit attamen pro corrupta quorundam illius æui consuetudine , qui turpem profectò inuestigauam ( quam nauseabundus ad bonum finem perlegi ) flammis quam luce digniorem impotentis animi partum incum euomuit rectius , quam edidit . Erat Nicolaus & bonis , & eruditis viris , sic Alberto nostro amicis , ac properterea Poggij in Religionem opprobria ad se missa concessim ad Albertum transmissit , quamuis vel ab ipso Poggio vel aliunde prius allata , quæ causa fuit , vt Albertus vicissim sua ad Poggium responsa Nicolao cum alijs suis remisisset .

## Nota II.

*Idibus Septembris .* Hinc habemus hoc anno 1432. Mense Septembri Albertum Veronam auditum Guarinum , idque non Græcas tantum sed latinas etiam literas proficentem accessisse qui annus ætatis Alberti fuit 37. illum Græcas literas à Ioanne Lascaro didicisse refert Marcus Vllisiponenfis : sed Lucas Vvaddingus ab Emmanuele Chrysolora . At ipse Albertus tacitis horum nominibus solum Guarinum Veronensem , suum in utrâque lingua Latina , & Græca præceptorem proficitur . Ego verò quidquid de Lascaro dicatur , cum Vvaddingo censeo , Albertum Græcæ linguæ rudimenta saltem à Chrysolora didicisse , in eaque proprio studio , & capacissimo ingenio cum Nicolai Nicolij , aliorumque doctorum hominum consuetudine in ea profecisse vt de latina prius notauimus , idque penè à puero vt ipse affirmat Epist. 20. Ad Guarinum autem

se contulisse , vt vtriusque linguæ nitorem & copiam adipisceretur ; quod & ipse significasse mihi videtur , tum Epist. 3. vbi se eloquentissimo Guarino præceptore fretum , vt loquitur , Oratorijs verbis vsum fuisse fatetur , cum reliqua omni ætate mea , inquit , eis nostratibus , & sane vilibus me vti solitum tu optimè quidem noris . Quod tamen si ita censes , vt me siue is doctissimus sanè vir erudierit , siue ego flumen ex eo eloquentiæ vsque adeò mea studiosissima diligentia hauserim , vt tanta mea industria dicendi copiam atque elegantes grauium verborum sententias me comparare potuisse tibi persuadeas ; ego summo illi Principi gratias agam à quo tam egregio ingenio præditus sim , vt tanti æstimari tuo iudicio possim . Et hac ipsa Epistola 6. nam cum ego ad Guarinum nostrum Græcæ & latine eruditionis fontem pro illius mira doctrinarum copia ebibenda Idibus Septembribus Veronam proficisci constituissem , & Epist. 8. vt illius viri clarissimi doctrinarum , maximeque Græcarum vberitate ditarer . Aliud enim est libare doctrinam , quod prius fecit , aliud doctrinarum copiam ebibere , & vberitate ditari , quo apud Guarinum consummatus euasit . Quod Græcas literas attinet id mihi nimium difficile videtur , vt nisi eas prius didicisset , potuisset cum per non integros decem menses , hoc est ad Kal. Sextiles anni sequentis per quos non ampliùs Veronæ Guarinum audiuit , illam eius peregrinæ linguæ perfectionem consequi , vt Græci illum in Concilio Florentino dicentem in Græcia natum crederent : cum ergo per ætatem & loci commodum potuerit Chrysoloram Florentiæ docentem audire , dicendum censeo id factum , ac postea vtriusque linguæ eloquentiam à Guarino . haussisse : nec memoratur de ceteris Alberti silentium , qui sub Guarini ferula hæc ipsa scribebat , & aliorum studia cum Guarini coronide comparata non æstimabat . An propterea dicendum existimabimus Religiosum Clericum ab adolescentiâ professum , & sacerdotem ætatis annorum triginta septem acri ingenio , doctrinæque audum , nullum vnquam seu

**I**Dibus Septemb. cum *post reuer-*  
*sionem è Florentia, ac reliqua*  
*Etruria,* ( 1 ) Patavium ( die-  
 bus aliquot primùm in itinere pro-  
 rogatis ) me contulissem, de solici-  
 tudine mea, quod ab imperitissimis,  
 nescio quibus, commoda præstan-  
 tium studiorum mihi præriperentur;  
 quodque summa auiditate eruditissi-  
 mum Guarinum visendi, velut im-  
 mensis tum ardoribus tum verò an-  
 goribus cruciarer, longissimas lite-  
 ras ad te dedi. Statueram equidem,  
 ut ad te scripsi, sententia quidem  
 tua, quæ mihi semper existimationi  
 maximè sane fuit, Veronam quam-  
 primum possem, omnibus posthabiti-  
 tis proficisci; ut illius viri clarissimi,  
 & amicitia fruer, quam in sum-  
 mam benevolentiam prouenturam  
 non dubitabam, & doctrinarum,  
 maximeque Græcarum, vbertate  
 ditarer, quæ post omnes studiorum  
 labores, quos in eis consequendis  
 perpeti oportere non eram nescius;  
 cum magnæ voluptati tum incredi-  
 bili fructui esse possent. Quæ pro-  
 fectò cogitatio, atque spes, & be-  
 neuolentiæ ad amicitiam, & solertiæ  
 in me illius ad eruditionem compa-  
 randam, posteaquam virum illum  
 conueni, haud quaquam fefellit opi-  
 nionem meam. Talem profectò,  
 mi suauissime Nicolaë, illum erga  
 me indies experior, cui neque in  
 docendo benignitas, neque in me  
 perferendo vllum patientiæ genus  
 desit. Ita enim rei nouitas, ac dif-  
 ficultas peregrinæ linguæ ediscendæ  
 me mouerat, & quod eius amari-  
 tudo, quæ felle aspergebat omnes  
 græcas suauitates, ita desperatio me  
 fortissimè perterruerat, ut mihi de  
 futuro penè prorsus diffiderem; cum  
 primùm ita vehementissimo labore

me grauari cernebam. At verò con-  
 trā, humanissimus Guarinus, & in  
 me releuando, & concitando, quam  
 ingentibus calcaribus vteretur quis  
 dixerit? Artificium enim ingens il-  
 lius, quo illas, de quibus loquimur,  
 græcas literas facilius omnes disci-  
 puli sui imbiberemus, mira cum  
 arte adhibuit. Tolerantiam deinde  
 ad nos rudes futuros græculos fe-  
 rendos, apud illum cum fortissi-  
 ma patientia vidimus, facilitatem po-  
 stremò eius viri: cum quemquam è  
 discipulis aduersus græcum strido-  
 rem stomachari conspiceret, tam  
 singularem ego ipse expertus sum,  
 ut ob hæc omnia nemo dumtaxat ex  
 sæculi hominibus, neque illo ma-  
 ior, quantum attinet ad rem istam,  
 neque par, si quod valde pro illo-  
 rum virtute animi opinor huius tem-  
 poris eruditi ferant. Hac enim no-  
 stra ætate inter latinos, ne dicam inter  
 græcos, hoc in genere eruditionis, mea  
 quidem sententia, nemo aptior, nemo  
 liberior, nemo solutior, liberalior,  
 doctior est. Mentior si non re ipsa  
 vera, quod dico in dies cumulatissi-  
 me comprobatur. Quis enim equè,  
 ut Guarinus noster, Nicolaë charis-  
 sime, ut tu optimus testis es, gre-  
 gem quidem ob copiam, sed tamen  
 egregiorum discipulorum, nobis ex  
 omnibus doctis, labore literario, in  
 Italia pepererunt? Taceo complu-  
 res, cum de viuentibus, tum verò  
 multò magis de his, qui mortem,  
 ut spero bonam, iam diutius obie-  
 runt. Franciscum tantummodò Bar-  
 barum, Leonardum, Iustinianum,  
 Andream Iulianum, doctos viros,  
 & nobiles Ciues Venetos, prolem  
 Guarini ad eruditionis præstantiam  
 capescendam, ne diutius immorer,  
 commemorasse sufficiat. Multa præ-  
 terea

terea dici possent de hac vna re, cum sit locus amplissimus: sed ego interrim omisis Guarini laudibus, quas verbis consequi non possem, ad me redeo. Bono animo sum mi Nicolae ad has literas Græcas comparandas, cum ardore animi, ac semper imprimis propitio Christo, tum verò ipsius Guarini continua instantia, atque fortissima validissimarum illius rationum, extorquente persuasione, nedùm à nobis impetrante, quod cupit, vide quomodo mihi surrepit, vt quem obmiseram rursus loquenti se offerat, & de quo loqui cessaueram is ab integro diligenti occurrat; sed hoc habet amor, vt quem dilectum silentio præterire constituit; de eo non possit, vel interrupto ordine sermonis, non loqui, præsertim cum castissimis integrorum hominum officijs superatur. Is enim in dies ante oculos omnibus ponit, quàm sit honestum hoc genus occupationis, quo auocamur à vitij; quam pericundum, cum ipsa veritas eruditionis, digna libero homine oblectet mirum in modum animos, at contra ignorantio semper excruciet, quam denique sit utile futurum, non nobis solis, tum ad maiorum scripta aptius capescenda, tum ad sacrarum literarum, quas quisquis est Christianus, toto animo amplecti, meditari, diligere, venerari, colere, ac rueri debet, & eruditionem facilius comparandam, verum etiam

Christianis omnibus, tam mediocribus, quam præstantibus. Quibus nos ipsi, & viuentes verbis consulere, & morientes scriptis nostris relictis in quibus viuimus, semper adesse, ac postremum iam mortui, atque excellentissimis præmijs, apud summum, piumque donati bene, beateque semper, non solum viuere beatissimam quidem vitam, sed etiam suauissima, atque æterna deuincti in Cœlis societate casti, frugig, pudici, sobrij, iusti, fortes, prudentes, sani, pulchri, læti, pacati, & alacres, & quod est longe præstantissimum; summa felicitate, beati tandem aliquando conuiuere mereamur. Cum iuxta propheticam sententiam, *ij qui ad iustitiam erudiunt multos, sint quasi stelle, in perpetuas æternitates futuri*. Tu ergo mi Nicolae, cum idem sentias, si me sponte currentem, tuis literis ad hæc adiumenta sapientiæ, Græcas dico literas conquirendas, concitatoriorem fore, tuo grauissimo iudicio censes, id quam primum, conficias, oro. Impertiet enim hæc tua diligentia mihi vel hoc vnum, vt si quidem ad id Negotij non fiam audior, cum profectò incredibiliter ardeam, nequaquam tamen ad præclara studia fiam remissior. Quod certe non firmiter animis solere accidere non semel sed sæpe numero vidimus. Vale ex Verona 1422.

---

N O T A.

*Post reuersionem à Florentia, & reliqua Etruria.* Reuersio hæc indicat, Authorem prius Paduæ vixisse, fortassis in studijs Theologiæ, Collegij

Sancti Antonij, quæ etiam imperitissimos quosdam sibi præcepturos metuebat, vt proinde immensis ardoribus; angoribusque se cruciatum quereretur.

Res

Res esse potuit, ut Albertus in illo insigni collegio Patavino Sancti Antonij scholasticæ Theologiæ auditor esset, & per æstivum tempus intermissis scholis, parentes, & amicos, Florentiæ & per reliquam Etruriam inuississet, reuersus autem Paduam, detexisset aliquos minus idoneos, qui alijs medijs, præter merita commoda præstantium, ut ipse loquitur, studiorum ipsi præriperent. Vnde ipsius sollicitudo, & angores; vel

certe inrelligit studia, quæ apud Guarinum ardentem cupiebat, à quibus alii qui simplices, & imperiti, ipsius regularis obseruantix, alias boni, & deuoti zelo, ut credebant, bono (quod antea terigimus) ipsum impedire cupiebant, vnde hinc inter ardorem desiderij, & angores impediementi cruciabatur, ac proinde à Nicolao viro erudito, prudenti, & amico consilium, & solatium optabat.

## EPISTOLA IX.

GVARINO VERONENSI.

ARGVMENTVM.

*Albertus, ut Franciscum Barbarum, & Bernardinum Senensem conueniret, Veronâ Tarvisum digressus est, ibique bene habitus utriusque amicorum suasa statuit Bernardinum prædicantem sequi, quem bene fuisse laudat: Huius consilij sui rationem Guarino præceptori reddit, & ipsi & Græculis, ut vocat, condiscipulis suis humaniter valedicit.*

**C**um Septimo Kalendas Sextiles istinc abijissem, (1) humanissimum Barbarum nostrum, dignissimumque Prætozem, atque ætatis nostræ apostolicum virum, clarissimumque Christi oratorem Sanctum nre ordinis Fratrem Bernardinum visendi, & vtrorumque dulcissima consuetudine fruendi gratia, Tarvisum me me contuli. Quorum eruditorum, ac præstantissimorum hominum, (2) & familiaritate, & consortio, ita abundè, ita cumulatissime vsus sum, ut voluptatem, quam ex te mi Guarine egregiam, atque honestissimam capere solebam, salubrium scilicet doctrinarum, & iucundissimæ amicitix tuæ, cum me tibi amicum, quam discipulum dici malebas, per illos mihi in animo conseruari, redintegrari, & augeri sen-

tiam. Quo circa Bernardini consilio confirmatus, ad quem pro vitæ integritate, summa fide afficior, optimum factu censui, si cum virum imitatus, quo pergeret, quouè illud, dux eius Christus deduceret, vna ego ab illo erudiendus, vel menses aliquot proficiscerer. Quam sanè rem eo liberius, atque iucundius, perficiendam aggredior, quæ & honestissima est, ac magnopere conducibilis, & eam suauissimo Barbaro nostro plurimum probari intelligo; tu si idem sentis, idque mihi significes, nouum calcar grauius iudicio tuo, mihi adhibiturus es, quamquam satis exploratum habeam, hæc de re, cum tibi scribendum esset, tua sententia quid decerneres, inaximè verò, cum illius item sententia, res eam mihi, de qua loquor, admodum

persuasa sit, à quo ne in maximis quidem rebus, te facile dissentire solere, certò equidem scis: Vellein mihi Guarine otium mihi concedi, & eloquentiæ non minimam partem, vt scribendo, vel mediocriter consequi posseni, quam disciplinam honestandæ vitæ, quam morum probitatem, quod magisterium virtutis, quo se ipsos homines conferuare, ac tueri possint, in dies homo integerrimus & meæ religionis, vir sane egregius, Fr. Bernardinus noster, & sapienter, & discretè præcipiat. Quis ardor, Iesu bone, quibus viribus, quæ iucunditas, quam splendidissimè, quanta luculentia, viuax illud ingenium, prorsus diuino munere donatum, audientes, & viuacissimè construxit, & ornatissimè oblectauit, & vehementissimè sæpè perterrituit, vt etiam doctissimis viris, cum de pudicitia, ac iustitia, de pudore, de religione, de pietate, de continentia, omnique genere virtutum, cum flagrantissimè, ac mira *ἡμῶν* doctrinarum veritate orantem audierint, tantæ admirationi sit, vt nullis propè magis existiment opus esse magistris viuendi, quam sibi, qui in earum rerum disputatione versentur. Tanta præterea vi, in iracundos, cupidos, libidinosos, proteruos, ac reliqua vitiorum genera, per-tonat, atque inuehitur, & cum res ipsa postulat, tanta facilitate blanditur, vt nullos penè, neque pecuniæ cupidos, neque inani gloriæ deditos, neque libidini adjudicatos, ad virtutem comparandam, non summa auiditate, summo ardore, impellat; ab illo siquidem vno, qui sit ita moratus, ita animo, ac vita institutus, vt ratio postulat, quique disciplinam veram, non ostentatio-

neni scientiæ, sed legem vitæ existimet, qua aliorum salutis rectissimè consulatur, qui obtemperet ipse sibi, & decretis pareat suis, ac verbis cum vita congruentibus, ab illo tanquam præstantissimam, verissimamque doctrinam, omnes sibi velut ex Summi Principis nostri de latissimo fonte manantem dari non dubitant; quam sanè magistram vitæ, beatæque vitæ profectricem, haud dubium arbitrantur. Sed in præsentia de his satis. Non vereor Guar. carissime illa tua fretus humanitate met tibi oneri fore si abs te postulem, vt condiscipulis meis, & te scilicet præceptore nobis clarissimo, & Christi charitate germanissimis græculis meo nomine salutem plurimam dicas, ad quos nunc mearum aliquas procul dubio dare non possum. Iacobum meum veritatis fratrem mihi dulcissimum oratiunculam meam quam de Corpore Christi, vt scis *ad populum Veronensem, anno superiori habuimus* (3) obsecro petere non graueris: quam mihi purissimis digitis suis, se scripturum sponte tua pollicitus est. Quod si eam absoluerit, solita spe te oro, vt Patavium illam ad Gasparem nostrum Cornelium mitti facias, à quo facile eam mihi reddi posse confido. Postquam Bernardinus Fel-trensis, ac Bellunensis prædicarit, ad quos postridie proficiscemur, tum quam primum *Florentiam versus ire pergemus* (4) Tu igitur si quid me auctoritate illic apud quempiam tibi amicorum, ac familiarium, pro te fieri voles, tuis literis, quas Gaspari ad me perferendas dabis, quasque summa auiditate expecto, me facies certiozem. Quantas tibi & quales Bernardinus salutes, per has meas dici vclit, quamue te plurimum

rimum valere optet, arque exoptet, ut suo sensu cupit, ita meis verbis dicere non possum. Vale colende

mi Præceptor. Tarvisij 4. Nonas Septembris 1423.

## N O T A E.

## Nota I.

*Cum 7. Kal. Sextiles istinc abijf. sem.* Ex Epistola 6. & 8. nobis constat Albertum Idibus Septembris anni 1422. Veronam ad Guarinum audiendum accessisse, ex præsentī autem Epist. 9. habemus eum 7. Kal. Sextiles anni 1423. ab eo recessisse, ita ut totum tempus Veronensis discipulatus ipsius sub Guarino fuerit à die 13. Septembris superioris anni, vsque ad vigesimum sextum diem Iulij anni subsequētis, quæ faciunt decem menses, ac dies circiter tredecim. Quo tempore an tam consummatam Græcæ eruditionis copiam ebibere, & vbertate ditescere potuerit, nisi aliquid prius didicisset, iudicent qui illius linguæ discipuli, magistrique fuerunt.

## Nota II.

*Quorum eruditorum, & præstantissimorum hominum.* Francisci Barbari, & Bernardini Senensis. Albertus à Guarini schola recessurus, & sequuturus prædicantem populis Bernardinum, hic incipit consilij sui causas aperire, ac primum quod honestissimam voluptatem eruditionis, & amicitiae, quam ex Guarino percipiebat, per Barbarum, & Bernardinum sibi in animo conseruatam, redintegratam, & auctam senserit. Quod vtriusque consilio transmigraret. Quod Bernardini sequela, & in populis erudiendis imitatio, res honestissima, & maximè conducibilis esset, quam rem Bernardini exemplo, & vberissimo sermonum eius fructu, demonstrat, de quibus copiosus Lucas Vvaddingus tom. 5. ad annum 1405. n. 3. & seqq.

Sed à Bernardino ad Franciscum transeo, neque nota indignum existimo,

ipsum exemplo, veram amicitiam non esse, vel perpetuam esse debere, nec increpationibus facile violari, ut longo Francisci silentio in Alberto violata non fuit, quin eo magis exarsit, ut cultum eius exigendo per binas literas, quas dedimus, Franciscum increparet, argueret, reprehenderet, & vix non re ipsa Barbarum vituperaret. At Franciscus his minimè offensus, non modò non deseruit Albertum, quin potius hoc ipso teste, amicitiam pristinam animo conseruauit, & ubi amico utile redintegrauit, & auxit, sciebat eruditissimus Barbarus, amicas increpationes, amicitiae partes esse. *Corripe amicum, ne forte non intellexeris, & dicas: non feci, aut si feceris, ne iterum addat facere:* Eccl. 19. nec Albertus neglexit præceptum Domini, sciebat uterque melius esse, à sapiente corripī, quam stultorum adulatione decipi. Eccles. 7. & id sapienter tolerauit Franciscus: verum quia sciebat etiam docente Plutarcho tria ad amicitiam requiri, virtutem ut pulchrum, consuetudinem ut iucundum, vsum, ut necessarium, in lib. de amicorum multitudine, idè quod minus est, occupationibus impeditus, distulie iucundum, & quæ maiora, amorem erga Alberti virtutem, & vsum occasione exigente, promptum animo conseruauit, redintegrauit, & auxit: quod & Hieronymus ad Paulinum posse, imò ac subinde debere docet: *Vera illa necessitudo est, & Christi glutino copulata, quam non utilitas rei familiaris, non presentia tantum corporum, non subdola & palpani adulatio: sed Dei timor, & Diuinarum scripturarum studia conciliant;* distulie ergo præsentiam corporum, literarum commercium, quo absentes præsentēs sunt, cœtera conseruauit, redintegrauit, & auxit.

Guarium verò in Francisci Bernar-

dini, & Alberti sententiam concurrisse, postea monstrauit, cum, vt in vita diximus, Ferrariæ senex vt Albertum dicentem audiret, & discipulos suos ad id ipsum concieret, dicere soleret, audistis theoriam, eamus nunc auditum praxim, quasi dicere vellet eloquentiam, quam theoriam vocabat, vt medium tantum praxi, seu sacro sermone vt fini subseruire, ac proinde illa eos vt, hoc frui debere quod Albertus Bernardinum sequendo facere constituit.

## Nota III.

*Quam ad populum Veronensem anno superiore habuimus. De tempore, & loco quo illam orationem, de Corpore Christi habuit, vide vltimam notam nostrâ ad ipsam orationem supra.*

## Nota IV.

*Florentiam versus ire pergemus. Hoc est postquam Bernardinus Feltrensis, & Bellunensibus prædicaret: sed ex sequenti epistola clarum est, ipsum Mutinensibus interim prædicasse, eo fructu, qui in ipsa epistola narratur.*

## EPISTOLA X.

## MARCHIONI FERRARIENSI.

## ARGVMENTVM.

*Gratulatur Albertus impositum sibi populis tam Christianis, quam barbaris prædicandi munus: idque post Idus Nouembris apud Mutinenses Marchionis subditos auspiciatum se fuisse narrat, deleuisseque in ea urbe perniciosas Guelforum, & Gibellinorum factiones, & pacem ciuibus persuasisse. Quæ vt perennis esset, Principem ex ipsorum ciuium desiderio hortatur, vt sua ipsis auctoritate adesse vellet, & fomentum factionum è medio tollat, eosque, etiam inuitos, in pacis studia cogat. Deinde in ludorum pestem, & longam vitiorum cateruam, quam in Reipublicâ perniciem post se trahunt, grauiter, & ardentè inuocatur, obtestaturque, vt illam, tum ex hac ipsius ciuitate, tum alijs ditionis sue locis propulset, eradicet, & funditus euertat. Hinc Brandelisium Mutinæ Prætozem Equestriis ordinis clarissimum virum, tum ob ipsius propria merita, tum ob eius ipsam humanitatem, dum Mutinæ concionaretur, Principis fauoribus enixè commendat.*

**N**ihil mihi vnquam, clarissime Princeps, in omni genere literarum iucundius obtingere solet, quam cum eam, quæ modo tribuitur, etiam apud Barbaros, nedum apud Christianos nobilissimam occasionem sæpè mihi præberi conspicio; quæque & Summo

Deo gratissima est, & aliorum salutis admodum conducibilis. Accedit ad gratiani, quod ego nunc ad te scribo, quem pro religione nulla sane pars honestatis magis decet, quam omnium vtilitati consulere, & ad te talem virum, mihi profecto carissimum, & amicissimum, hisce de rebus



bus literas meas do : cuius quod ad Principum clementiam attinet, nihil neque humanius, neque aptius interesse existimo. Hæc ideo dixi, ut intelligas primùm quantum te amem, qui cum primas mearum, ad te dare constituo, eas ita rerum naturâ tibi gratas futuras censeo, scio enim quantum rebus magnificè gestis gaudeas, ut nihil à me satius dici posse existimem : deinde quantum tuos Mutinenses diligam, quibus cum tui, & eorum, tum Christi nostri amore, quantum ad mores instituentos adutus sum, in nullo defui. Nam cum Prædie Idus Nouembris eò me contulissim, quod tibi gratum, eis vero mirum in modum, utile, & quod his maius est, diuinis præceptis admodum consentaneum, rectissimè credidi, ad eas factiones, quas suo more *Guelfos*, *Gebellinosque* ( 1 ) nominant delendas, ac funditus ex animis euertendas, eis quas Christus tribuit in dicendo viribus, flagrantissimum animum intendi. Cumque omnes, quanta sit ea pestis animorum, post aliquot dies aperta luce intellexissent, me tuadente, sed Dei maxima gratia factum est, ut à cunctis miro animi seruire, eis Diaboli dissentionibus renunciaretur. Habita deinde ad eos de pace seruanda oratione, tanta animorum concordia deuincti sunt, ut & nomen ipsum omnium dissentionum sublatum sit. Verum quo plenius cæpta animo concordia potiantur, eo animo sunt omnes, ut si tu eis tua auctoritate adiumento esse voles, fomentum ipsum omnium factionum è medio prorsus auferant. Quanta sit ista vis charitatis inter Christianos, quæ seruata te plurimum regendis longè securius populis adiuuet; non

dubito quin intelligas, quam si exemeris ex natura rerum, nec vlla domus, ut ait quidam, nec vrbs stare poterit, nec agri quidem cultus permanebit. Quæ cum ita sint, non modeste hortari, verùm etiam magnopere obtestari velim, ut hanc amicitia coniunctionem inter populos, omnibus rebus humanis antepondere velis. Nihil est enim tam naturæ aptum, tam conueniens ad res secundas vel aduersas. Ego si quid iudicij habeo, ita nos esse natos perspicere mihi videor; ut inter nos societas quædam ad virtutes comparandas, & perpetua beneuolentia conferuetur. Quamobrem per Domini nostri charitatem te vehementer obtestor, ut quod te summa cum spe poscere minimè vereor, ne illorum optimis studiis desis, mihi concedere non graueris, quin potius solita beneuolentia tua in me, illud tua auctoritate Mutinensibus tribuas, ut in ea re honestissima, tuo illos fauore, tuis adiumentis sponte currentes adiuues, quo si etiam inuitos in hæc studia cogeret, maiore apud Deum præmio donareris. Desino plura de hoc loqui, ne & tibi diffidere videar, & compluribus negocijs occupato oneri sim. Illud solum adijcio, me etiam de rebus maximis, & te Principe dignis, ut spe adducor, apud te posse vsque ad eò audere, ut non minus tibi persuadeam, atque te orem, quo pestem illam ludorum, virtutum omnium voracissimam, tum ex hac tua, de qua loquor, ciuitate, tum ex omnibus omninò propulses. Cuius summam insaniam, & serpens latè virus, cuius tenuiter docto hinc facilè animaduerti posse existimo, quod hisce detestabilibus, ac

Diaboli

Diaboli turpissimis ludis eos, qui illorum frequentia coalescunt, & educantur, omnis iniquitatis procul dubio effici filios lucidissimo perspectu in promptu est, quod quotidie peierantes Deum ab se depellunt, & immani quæstu, si quando prosperantur, gulæ, luxuriæque deseruiunt, facinorosisque rebus facilimè assentiuntur, atque eo cæcitatibus, eo hebetudinis demerguntur, ut cum omni malorum generi dediti sint, vel sibi de tantis malis blandiri alios, vel ipsi alijs adulari non erubescant. Itaque illustrissime, & amicissime Nicolae, ex his populis in quos tibi à Deo & potestas præbita, & cura commissa est; hoc genus mali sanè immane, & turbulentissimum eradicare, funditusque euertere non retardes. Quod quidem ita Maiorum nostrorum iudicio, sententia, & ratione perniciosum est, ut inde homines, rapiendi cupiditate exæstuant, vi ac fraude, dum vter vtri applaudit, proditoria collusione senudent, & charitate in Deum, proximosque rescissa, insania & belluarum immanitate furentes, ferro sæpè se trucidant, & à rem crudelissimam, blasphemias in optimum Deum, in Christum ac pudicissimam Matrem eius, in Angelos, Sanctosque omnes, ore illo vipereo ingerentes, non absint ab hæresi, qui Deum, Rectoremque Mundi, & omne Cælum perditissimis, quod ipsos attinet, contumelijs replent. Hinc boni dolore afficiuntur, hinc iuuentus omnis nefaria collusionem violatur, & frangitur, dum & animam eo veneno inficiunt, ut corpus, omnemque pudicitiae castitatem, honestatem, pessimo proditorum hominum contubermio, cunctis

malis addicunt. A quibus profecto nefarii hominibus, ipsi addiscentes, vel cum non habent, quas cupiunt, pecunias, ludorum gratia, ætate teneri in vitia præcipientes ruunt, vel latronum, furumque more, furtorum & rapinarum crudelitatibus se ipsos adiudicant: seque omnifunditus eversa virtute scelestissimorum hominum, pellicum, sicariorumque obscenis admodum moribus penitus dedunt. Quo fit, ut eo vsu, ab eis vitium omne virtutis loco habeatur, diligatur, colatur, & ea cæcitate capti, cæterorum deindè corruptores, solo sint apti suspendio. Tu ergo cum non ignores, nihil esse præclarium, nihil magnificentius, optimo & clementissimo Principi; quam si pro virtute, & sibi & cæteris diligentissimè colenda, cum est opus, in eos qui refugiunt Catoniana censura, imò Christiana severitate vtatur, magno animo aggredere, & hoc ingens malum, hanc pessimam labem ex finibus perturbata, unde & qui non resistunt, cum possint, & qui adminicula præbent, & qui inde gaudent, vel ditantur, vel suo malo inopes fiunt, omnes æterno interitu, nisi inde se abstinerint, & satis omnibus fecerint, ingentibus poenis, dignisque cruciatibus, à Deo plecentur. Vellemus tanti mali indignitatem, & sceleris magnitudinem prosequi: sed cum mihi in præsentia minimè vacet, & apud te nimius esse nolim, de his me iam multum dixisse, volo mihi videri, cum tamen pro rei indignitate, ne satis quidem differuisse me arbitrer.

Verum, siquidem vita suppetet, me coram de his rebus tecum alias loquuturum confido. Optimum, & cla-

clarissimum Brandelisium, Præto-  
rem Mutinensem nobilissimum,  
Equestris ordinis virum, pro virtu-  
tibus, quas in eo deprehendi, non  
habeo quibus dignis præconijs illum  
apud te efferam; hic profectò, meo  
iudicio, prudens, & magni animi,  
& quod his omnibus maius est, vir-  
tutum integritate maxima præditus,  
cum Mutinæ prædicarem, tanta me  
humanitate refouit, tanto in Dei  
verbo fauere, & adiumento me pro-  
sequutus est, immò Christum Do-  
minum honorauit, qui dixit: *Qui  
vos recipit, me recipit; ut & illum*

Dei timore fretum esse claruerit, &  
te rectissimè in Christo gloriari con-  
ueniat, qui tanto orneris homine,  
cui & constanti, & iusto, & graui, &  
fidelissimo, tua omnia, teque ipsum  
liberè possis credere, quaqua versum  
omni suspitione abiecta. Hunc ego,  
ni fallor, talem, ut dixi, virum, ea  
fiducia, quam mihi tua humanitas  
præstat, etsi suo merito charum, cha-  
riorem hac mea commendatione cum  
fore confidam, & optem, & sum-  
mopere abs te postulo. Vale ex Bo-  
nonia (2) Idibus Ianuarijs (3)  
1423.

## N O T A E.

## Nota I.

*Guelfos, Gibellinosque*. Quam  
perniciosa fuerint istæ factiones, tam fa-  
migeratæ sunt in illorum temporum hi-  
storijis: sed, quam multi desiderant, il-  
larum originem prodiit Paulus Aemilius  
de gestis Francorum lib. 7. in Ludo-  
uico IX. quem Ecclesia Romana san-  
ctum colit: pag. nobis 212. in fine, *ubi*  
*auorum, inquit, memoria, Siculus Rex*  
*Rogerus veritus, ne si Conradus Ter-*  
*tius Augustus in Italiam veniret, Regno*  
*ab eo pelleretur Caesarum armis Siculo-*  
*rum dominasui semper infestis, missis*  
*in Germaniam Oratoribus, hostem Guel-*  
*sonem, Baviaria Ducem, in Casarem*  
*conciuit, belloque ibi conflato, ex Italia*  
*Duci, & suo, & ut viribus sanctitatis*  
*speciem adderet, Pontificis Maximi,*  
*cuius se beneficarium profitebatur, no-*  
*mine, ingentia missi auxilia: cum his*  
*signa contulit Henricus Caesaris filius in*  
*oppido Gibellino natus: quo etiam me-*  
*moria natalium, velut gentilitio cogno-*  
*mine gaudebas. In hac igitur acie, Io*  
*Gibellino, in altera, Io Guelfo, clama-*  
*batur: eo bello exemplum memorabile*  
*coniugaljs fidei mulieres ediderunt. Vi-*  
*ctor Caesar, cum oppido capto in viros*  
*statuisset durius consulere, emigrare ius-*

*sis mulieres, rerum suarum iure concessò,*  
*quantum quaque bumeris posset, efferen-*  
*darum. Flagrantissimus amor, & menti*  
*consilium, & infirmitati robur dedit,*  
*viros exportarunt: hoc egregio dolo se*  
*captum, delusumque Casare non indi-*  
*gnante, victor etiam victum ducem in*  
*gratiam p'sitis armis recepit, nomina*  
*tamen mansere, ac ex ea die serua-*  
*tum, ut Guelfi Pontificum, Gibellini Ce-*  
*sarum partes dicantur: sed iam memoria*  
*prope exoleuerat: Federicus Siculus re-*  
*stituit, ac immortales pestes eas effecit,*  
*quibus Italia, & vniuersa, & singula*  
*propè ciuitates laborarent. Ac deinde sic*  
*inter alias Mutina, donec Alberti no-*  
*stri auspiciatissimæ prædicationis initio*  
*liberata fuit.*

*Dimidium facti qui bene cepit ha-*  
*bet.*

## Nota II.

*Ex Bononia*. Hinc colligo Al-  
bertum, ut superiore Epistola Guarino  
promiserat, cum Bernardino Floren-  
tiam iuisse, nam Bononia illuc via  
fuit.

## Nota III.

*Idibus Januarijs 1423.* Hic fortè Albertus veteri stylo vsus est, quo prioris anni æra vsque ad diem 25. Martij

non mutabatur, alioquin 1424. scribendum erat, ex huius enim, & præcedentis Epistolæ 4. Nonas Septembris datæ anno 1423. narrationibus manifestum est hanc illa posteriorem esse.

## EPISTOLA XI.

BARTHOLOMEO ALDOBRANDINO.

## S C H O L I O N.

*Hanc non ex Capistranensi, vel nostra Alberti Epistolarum codicibus excripsimus: sed in alio nostri scrinii variorum codice separatim inuenimus: est autem familiaris, & amicū ad scribendum prouocat, non propterea inutilis, ut Note nostre comprobant.*

**E**T si mihi pro ingentibus occupationum molestijs nulla, suauissime Bartholomæe, neque te inuilendi frequentius, neque dulcissima consuetudine fruendi facultas concessa est; Tu tamen qui liberiore sæcularium negotiorum aura, ne dicam procellis, iactaris, profecto absolutum te putes nolim, quo minus literarum tuarum aliquid ad me des. Tametsi enim nobis ad dulcia, & consueta colloquia tempus absit, aderit certè mihi, vel inter somnos meos, literas tuas lectitandi per exiguum temporis spatium, cum super soporati pectus dulcis tua

paginula conquiescet; dicas fortasse quales eas sperem futuras: ego quidem quod ad credulitatem meam attinget, plenas suauitatis, plenas amicitie, beneuolissima charitate, quæ me non parum tanto onere leuabunt, illas fore optimo iure censuerim. Maximè verò si mihi verum officium præstabunt. Præstabunt autem, & cumulatissimè largientur si vera illa solidæ amicitie, libertate errata mea, de quibus inter nos alias, & sæpe conuenimus, corrigas, emendes, feces, polias, tergas, exornes. Desic. Vale ex Sena 1424.

## N O T A E.

## Nota I.

Nullius negotij Epistolam oppressum penè laboribus Albertum gratis scripsisse ne putes. Hic enim, nec paruus amicitie fructus est, & officium, ut qui verè amici sunt, ij profectò per literas

mutua recordatione, & bonorum pariter, malorumque suorum communicatione, se à molestijs, & mœroribus absentes, tanquam præsentem, vicissim eximè recreent, & consolentur; nec frustra nos hanc Epistolam legimus, cuius exemplo, eiusdem officij, fructusque

Ausque monemur, & pariter erudimur, insigni humilitate Alberti, qui scripta sua, non hac sola amicorum charitati tanquam amplioris eruditionis, & solidioris iudicii censoribus, corrigenda, emendanda, secunda, polienda, tergenda, exornanda offert, & ut id faciant, veri amici officium censeat, & æstimat: similia scripsit Nicolaus Nicola cum suam ad Poggium religionis laudationem illi misit.

## Nota II.

*Ex Sena 1424.* Hinc etiam in opinione confirmor, Albertum scilicet hoc tempore in Etruria, non solum Florentiæ, sed & Senis, & fortassis etiam Sarthiani sui Bernardinum comitatum, & ut ipse ait, ingentibus occupationum molestiis, ut opinor in quotidiana, vel frequenti sanè prædicatione, detentum fuisse.

## S C H O L I O N.

Hic hæreo ambiguus, an dicere debeam intercidisse nobis tot Epistolas Beati Alberti, ut anni 1423. non nisi duæ nobis supersint, & sequentis vna. solummodo, ab anno verò 1424. ad trigessimum, per quinque continuos annos nulla: an itinere, & perpetuis dicendi laboribus præpeditum, nullas interea scripsisse. Certè ex ijs quas habemus, discimus claris verbis ipsum plures dedisse, quas non habemus. Discimus etiam aliquando scribere non vacasse. An idem nunc, vel quando alias acciderit, non scimus. Hoc sanè dolemus, plures ipsius ad alios, & omnes aliorum, ad ipsum nobis non suppetere, ex quibus heroicas ipsius virtutes, & acta præclara amplius ediscere possemus.

## EPISTOLA XII.

GVILIELMO CASALENSI.

## ARGVMENTVM.

Posteaquam Albertus Magistrum suum, & prædicandi normam Sanctum Bernardinum ex Lombardia, Bononia, Florentiam, ut prius notauimus, sub anni 1423. initium comitatus est, bucusq; semper eum in Etruria basisse existimo. Nec enim eius vestigia interim alibi reperio, & se per præcedentes annos Tusciis prædicasse indicat Epist. 20. ad Nicolaum Nicolium, & quæ sequuntur huius anni literæ ferè omnes in Etruria scriptæ sunt, atque Bernardinum ipsam, sub ea tempora in Tuscia pacem Senensibus inter se, & cum Finitimis colendam prædicando persuasisse scribit Orlandus Malauoltus initio lib. 2. partis 3. Hist. Senen. Interca Ciues Viterbienses peste peioribus factionibus agitati, intestinis odijs, ac seuis cædibus, se mutuo miserum in modum trucidabant. Igitur Guilielmus Casalensis, Ordinis Minorum. Primicerius, illi Ciuitati compassus, Albertum ad eos ire iussit, ut

quod alibi fortiter faciebat, eos efficacissima sua predicatione ad pacem, & charitatem concieret. Albertus autem, ad omnem sui superioris nutum ceteroqui promptissimus, non imprudenter sanè, rem tunc importunam sibi; religioni, ac ciuibus discriminosam, optimis rationibus per hanc Epistolam dissuadet, & Casalensis, ijs ponderatis, iudicium, & voluntatem rogat, ut quid sibi denique faciendum foret clarius ediceret, vel ad Martyrium pro obedientia promptum se offerens.

**A**ccepi hesterno die literas tuas, in quibus, mea quidem sententia, rectissime arbitaris, non modo tuarum partium esse, si laboranti, ut ais, Viterbiensi Ciuitati occurras, verum etiam operæ pretium fore, si mea opera ea Ciuitas ad concordiam reuocetur. Honestissima profectò hæc animi tui cura mihi videtur, suauissime Pater, & nihil ista tua diligentia salutaris, sed quantum ego sentio, mihi eo difficilius, quæ sit, & dictu incredibile, & factu impossibilis, quæque nec tentari sine metu, nec impetrari sine periculo, nec extorqueri sine temeritate possit (1) ex quo fit, ut ego ipse, qui tibi, quo ad vita suppedabit, parendum à me esse intelligo, non paruo angore, maiore dolore excrucier, dum, si non pareo, timeo tuæ suauitatis offensionem, si satis vero tibi fecero, vereor tui, mei, atque in primis Christi, & amicorum, ac totius nostræ religionis confusionem, ne dicam subuersionem. Quis enim, ut breui cuncta complectar (2) inter eiusmodi homines, nisi penitus amens, tutò se proficisci posse existimet: Homines inquam, non armatos, non togatos, non cordatos modo, sed furentes, dissidentes, proteruentes, atque intestina rabie insanientes, qui incitati furore, partium mortem vltro desperatiùs

appetunt. Quis cum eis consilire audeat, qui non vnica cæde, sed frequenti se fauciant, qui non alienis, sed mutuis vulneribus concidunt? qui non antiquo, sed recenti sanguine madent, qui non extero, sed intestino, & ut ita dicam suoapte bello pertinacius dissident? qui denique non modesto, neque digno libera ciuitate, aut forti homine, sed acri, atque agresti prælio, in morem ferarum in dies Vrbem cruentant. Tu ergo, qui me, ac si filium, pro tua in me humanitate iam diutius diligis, & ad me afficeris, ac valde, ego vero te colo, ac veneror.

Tu tu inquam Pater, tu me miserum, atque inermem, ad hosce homines animosos, qui odiorum facibus ardent iubes accedere: Qui forte me persuadente de pace, alioquin in ipso frequentissimo hominum conuentu sese ad discordiam potius concitabunt, nata occasione tanto peiore, quanto pacatiore. Quid ni, dum enim alter alterum censebit vacuo animo, atque tranquillo esse, maiores vires accipiet audacia, ac facile ero secundus ab eo, qui pro eadem causa fouet in presentia carceres (3) Quamobrem, ut cum venia tua loquar, & si plusculum quam deceat, non aliter tamen quam veritas habeat. Vide quid inferam, si tu me tutum futurum, ne dum illis pro-

profuturum, inter tot aduersa existimas, procul dubio multum me diligis; quia multum de me præsumis: sin verò minùs, certè nihil me amas, quia sine fructu ad apertam periculorum impudentiam, immò verò ad insaniam profundissimam, ac naufragia me impellis. Obsecro itaque præsantiam tuam per crucifixam mundi salutem, vt vel me tanto onere leues, vel si magis placeat, *Pontificis hoc mihi iussione agi mandetur*(4). Tunc accedam lætus, hilaris, alacer, ac libens; neque verò est penes Pontificem Maximum res ipsa difficilis: maiora enim quotidie impetrantur. Tibi autem cum pro tua industria, ac prudentia, tum præsertim pro tua dignitate, vel vt humilior loquar, pro tuo officio in nos, adhibitis etiam magnis ad hoc negotium adiutoribus perleue erit, perque facillimum. Habes ibi egregium Dominum *Cardinalem Bononiensem*, (5) quo cum alias de hac

re ardua verba feci. *Amicissimus etiam mihi Poggius* (6) pro me ageret longè maiora, vt fide adducor, quia longè honestiora. Nunc quia me simul scribentem, ac dictantem harum tabellarum vehementius vrgent, & impugnant, festinantiamque mihi faciunt ingentissimam, his paucis finem facio, oro te ad consideranda diligenter, quæ dixi, animum adhibeas, atque haud insalubre remedium apponas: si verò solum tibi placeat vt vadam, idque tu mihi rescribere non grauaris: ecce modo me ad *Martyrium quasi proficisci existimans, ire iam pergam*, (7) si mihi pauperi vires suppeditarent opum, & non inopix, nunc ad te cursorerem, quandam dirigerem, vt essem de tuo animo certior. Nunc autem vt potero, non vt volam, efficiam, ac tua rescripta in his regionibus prætolsans ad quæcunque tua volet Paternitas, me accingam. Vale ex Aretio 1430.

## N O T A E.

## Nota I.

*Dictu incredibile, & factu impossibile, quæque nec tentari sine metu nec impetrari sine periculo nec extorqueri sine temeritate possit.* Hæc & quæ sequuntur ita fuisse credere nos cogit veritatis amor, & sanctimoniam vitæ scribentis, vt rectè intulerit: Vereor tui, mei, atque imprimis Christi, & amicorum, ac rotius nostræ religionis confusionem, ne dicam subuersionem. Vnde elucet ipsius prudentia, qui & ipsum superiorem, & seipsum, & Christi causam, & Republicam, & Religionem leuiter, vel temere, ex sola suasionem superioris, absque præcepto obedientiæ, absque spe fructus, tantis malis expo-

nere noluit ab Ecclesiastico doctus: *Qui docet fatuum, quasi qui conglutinat ressecam: Qui narrat verbum non audienti, quasi qui excitat dormientem de graui somno.* Cum dormiente loquitur, qui enarrat stulto sapientiam, & in fine narrationis dicit: *Quis est hic?* Ecd. 11. 7.

## Nota II.

*Vt breui cuncta complectar,* Coaceruat hic argumenta, ad ea quæ proposuit comprobanda, quæ & iustum metum, & pericula, & audentis temeritatem demonstrant, vsque adeo, vt superior præcipere Alberto amplius noluerit, imò & suadere destitit, & sane cuitare non poterat, quod sequitur.



## Nota III.

*Atque facile ero secundus, ab eo qui pro eadem causa fouet in presentia carceres.* Causam ergo huius incarcerationis habemus, quia nimirum ille suadebat Viterbiensibus concordiam, charitatem, & pacem, quam causam Albertus post eum agere iubebatur. Quis porro ille fuerit, vel per quos carceribus mancipatus, quamquam adhibita diligentia, discere non potui, suppono tamen factum ab ijs qui pacem oderant hominibus, videlicet factioso tunc animo perturbatis, quales dum afflictibus furunt, efferrantur, nec orationem admittunt, nec Deum, vel Dei Seruos, & Nuneios verentur, aut audiunt, & quamquam in ciuili dissensione, communem Reipublicæ utilitatem falso vtrunque prætexere soleant, nihil tamen non patratur eorum, quæ publicam pietatamque ruinam adferre consueverunt, quo auaritiâ suam, ambitionem, inuidentiâ, odium, vindictam, aliaque vitia, publici boni cæco intuitu, vel fido obtentu, potenter, impotenter exerceant. Quæ modo huius generis de Viterbiensium tunc temporis calamitate profert Beatus Albertus, publico ipsius ciuitatis suffragio comprobantur, in supplici libello quem in vita Sanctæ Rosæ nostræ Viterbiensis descripsit Petrus Corderinus, & Calixto III. Pontifici nomine Archipresbyteri, Canonici, & Capituli maioris Ecclesiæ, atque Priorum populi, & communitatis ciuitatis Viterbiensis, Abbatissæque, & sanctimonialium conuentus, & Monasterij ordinis S. Claræ, vulgo dicti S. Rosæ, obtulerunt oratores duo, ipsius ciuitatis, aliorumque superius nominatorum ad id specialiter legati, vt eiusdem S. Rosæ Canonizationis causam promouerent. In eo enim libello narrant, illam causam S. Rosæ, per multos annos à morte Alexandri IV. Pontificis impeditam fuisse, infelicitate temporum, & calamitate ciuitatis Viterbij, iterumque sub Eugenio IV. ob negligentiam eorum, quibus res incumberebat, & ob malam qualitatem accidentium, quæ superuenerant (atque hæc sunt cæ,

quæ clarius exprimit Albertus) ac iterum sub ipso Calixto propter noua infortunia, & miseria afflictæ ciuitatis, & grauissimas seditiones eiusdem, vt iam appareat non modo quam seuera, & grauis, sed etiam quam diuturna, indurata, & inueterata fuerit illa seditio Viterbiensium, nimirum à morte Alexandri IV. (aut forte prius) qui obiit anno 1261. mense Maij vsque ad Pontificatum Calixti III. cui ille supplex libellus oblatus est 1256. vt vndeque clarum sit, B. Albertum non sine graui causa, & prudenti consideratione, censuisse pacis prædicationem, præsertim sub Eugenio Pontifice, non modo inutilem, sed etiam periculosam fore, dum ciues inueterato odio, & præsentis cædæ, in se mutuo læuerant.

## Nota IV.

*Pontificis hoc mihi iussione agi mandetur.* Tunc inquit, accedam lætus, hilaris, alacer & libens, sed cur etiam non iussione ipsius Ministri Generalis ordinis? Quia Generalis nondum præcepit, & si præcepisset, non tanti à furibundis ciuibus æstimaretur. Nec Albertum ab eo missum magis venerarentur, quam venerati sunt alterum, qui eodem tempore ob eandem causam carceres tuebatur. Quia Pontificis erat Ecclesiastici status paci providere. Voluit ergo Pontificis auctoritate fulciri qua ab ipso offendendo deterrerentur, & si quid auderent, compescerentur; vt etiam in Apostolico Pontificis Breui monerentur, Albertum pro ipsorum communi bono accedentem charitatiuè suscipere, & libenter audire. Non refugiebat laborem, sed grauit, & prudenter cauit, & sua, & aliorum damna supra relata.

## Nota V.

*Cardinalem Bononiensem.* Hic titulus absque alia personæ notitia prolatus aliquos in errorem historiarum huius temporis induxit, scientes quidem eodem tempore, ciuem & Episcopum Bononiensem fuisse B. Nicolaum Albertum Cardinalem S. Crucis, atque

adco

aded existimantes, ea verba sic absolute prolata, de ipso intelligi debere: Albergatus autem, nec ipse se, nec alij vnquam vocarunt Cardinalem Bononiensem, sed S. Crucis. Qui verò hoc tempore Cardinalis Bononienſis dicebatur, erat Antonius Corarius Venetus, qui prius Episcopus Bononienſis, inde postea Cardinalis Bononienſis dici voluit, eandemque appellationem, factus etiam deinde Episcopus Portuenſis, ac demum Oltientis, vsque ad mortem retinuit, vt liquidò monſtrat inſcriptio ipsius ſepulchri apud Ciaconum, in additione Victorelli: Et euidentius ab Albergato diſtinguitur in vtriusque ſimultanea ſubſcriptione decretorum Eugenij IV. Pontificis, & Concilij Florentini de vniõne Græcorum & Armenorum cum Eccleſia Romana, quibus Corarius ſubſcripſit ſic: *Ego Antonius Episcopus Oſtienſis Cardinalis Bononienſis.* Albergatus autem poſt illum ſic:

*Ego Nicolaus Cardinalis S. Crucis ſubſcripſi:* ex editione Iuſtiniani pag. 318. & 374.

## Nota VI.

*Amiciſſimus etiam mihi Poggius.* Quæ Poggium inter & Albertum hoc ipſo anno interceſſerint, alix literæ huius anni inferius proferendæ monſtrabunt.

## Nota VII.

*Ecce modo me ad Martyrium quaſi proficiſci exiſtimans ire iam pergam.* Egreſſa religioſiſſimi Alberti reſignatio ad mortis periculum, ſi non ipſam ſubire ſuadetur, ad eam tamen quaſi ad Martyrium pergere promptum ſe offert, dummodo ſuperior ordinis abſolutam ſuam voluntatem aperiatur, & obedientiæ vim profectioni adiungatur.

## EPISTOLA XIII.

## EIDEM CASALENSI.

## ARGUMENTUM.

*Ad ſuperiorem Epistolam, nullum reſponſum accepit Albertus: Quapropter inter obediendi affectum, & malorum ante expoſitorum pericula, anxius iterum in idipſum ſcribit, eoſdemque ſenſus aperit, & periculorum, & promptitudinis obtemperandi. Inſtat ſibi reſcribi, quid in re ſtatuat ſuperior.*

**O**Mnibus poſt habitis, per quæ debere me tibi plurimum attribucere non ſum neſcius, quam breuiſſimè ad rem venio, ſcripſi nuper ad te literas meas, per quosdam noſtri Ordinis fratres, qui tuas ad me attulerant, egique tecum compluribus rationibus, quantum potui; ne tibi tua ſententia, de meo acceſſu Viterbiuni, ob ingentia pericula, probaretur, niſi prius compertum,

haberes, eam itidem apud Summum Pontificem vehementiſſimè, exploratiſſimeque probari. Dixi præterea in illis literis voti mihi eſſe, tibi quam inſtantiſſimè morem gerere, modo ita cenſeres, ac me de tuo animo faceres certiorẽ. Quod vt fiat, mitto in præſentiarum ad egregiam beneuolentiam tuam duos è noſtris fratribus, vt literis tuis me, admoncas, quid de negotio ſentias, quid

quid iubeas, quid item ex me fieri decernas, simulque perspicias, oro, rerum pondus, grauius id quidem, & sapienter, nec minus quam cautissimè animaduertas pericula, quæ impendent? Quid fortè mali? & quantum dispendij sint illa ciuitati importatura? A nobis enim, si id vsu veniat, quo existimationem non inanem, sed solidam atque constantem, illa ipsa pericula nobis minuant, quæ quidem existimatio, secundum Deum sit quæque salubris, & à nostris maioribus non abhorreat, etiam sine nostra culpa, mihi crede, vehementer, turpiter acta omnia videbuntur. Ipse tùm præsertim stultissime paruisse existimabor. Taceo tutè, quam insulse quam procacitèr, quam imprudentissimè, hoc maluisse fieri iudicabere. Inde in nos audiebunt sæculi homines, etiam petu-

lantes, in me verò tota simul malorum vicinia conclamabit. Ego nihilominus niti me polliceor, Christo propitio, ea gerere, ac rogare, quæ sint ad pacem. Vtrum autem aliena in me malitia conuertenda, sit, me vadem futurum non spondeo. Quamobrem etsi non mihi præciperetur, vellem quidem, ut vel tibi ex Pontifice hoc graue negotium, suo nomine consuecundum, committeretur: Quo saltem assecuto, quamquam non quantum vellet, quantum tamen aptius fieri posset, meus inter hæc animus conquiesceret. Tu modo pro tua prudentia, vide quid statuas, ac mihi quia humanissimus es, id quam primum referibes: Ego vero is ero, qui semper obtemperem. Vale ex Cortona 1430.

## EPISTOLA XIV.

DOMINICO PISTORIENSI.

ARGVMENTVM.

*Non solus Casalensis, Ordinis Prædictus, Alberto significauit, sibi videri, ut Viterbiensibus pacem predicaret; sed et Dominicus hic Pistoriensis, cui Albertus per hanc Epistolam respondit, causam suam etiam cum isto agens, et ut videtur, eas ipsas rationes quas ad Casalensem prius dederat, his literis adiunctas, ut satisfaciatur, illi transmissit.*

**M**irari te dicis, Dominice suauissime, propter ea, quod accessum meum Viterbium differre maluerim, tibi que magis videri, ut eo pergam, cum primum facultas præbebitur; tamen apud me, ut ais, fortè legitima causa induciarum non desit. Tu fortè in-

quis mi Dominice, verum, ne fortè falso existimes causam legitimam, mihi deesse, quin potius fortiter, & non forte censeas mihi non modo vnam, verum etiam complures exploratissimas causas suffragari, ne pergam; nihil aliud in præsentia velim compertum habeas, nisi eas

rationes quàm multas, vt mihi videtur, & quàm efficacissimas, quibus maximè commotus, supersedi negotio, atque illis ipsis rationibus, nostris Maioribus sum conatus persuadere, ne pergerem. Quas ne iterum dictare cogar, tibi que vt satisfaciam, quem credere malo, non fortè, sed fortiter, scienter, ac prudenter, me fecisse, si non accefferim; quemadmodum à me scriptæ sunt, eas subiiciam, & tu illas, adhibito iudicio, ac bono ingenio tuo, quò à Christo donatus es, diligentissime perspicies. Videbis, nisi fallor, non forte, quippe qui neque fortuna, neque casu, quicquam constitui, egisse me quæ egi. Sed ne in forte, ac fortuna, idest, ne in casum ac tristem euentum inciderem, per quàm vigilantissime Christi causam, maluisse tueri, quò & tibi, ac reli-

quis amicis rubor minime ora suffunderet, & me me præterea omni ratione, quæ pro me à quoquam potuisset constari, pudor, non decor, haud quaquam confunderet. Luse- rim ego tecum his paucis. Utinam cum illis iocari sempiternis exultationibus, & tibi, & mihi, tandem aliquando contingat, vbi si iocus, sale; si ludus, maturitate; si omnis exultatio, summa grauitate coniungatur, nemo est certe Christianorum, qui dubitet. Habes defensionem meam longiusculam, quam putabam, sed pace tua dixerim, contra te ambigentem, quam tibi tamen gratissimam certò scio, qui vel paruam occasionem desideras, vt aliquid ad te scribam. Vale & me ama, vt soles. Ex Monte Sancto Aluernæ  
1430.

## EPISTOLA XV.

IACOBO PERVSINO.

## ARGVMENTVM.

*Inter ea quæ exposuimus, Albertus in epidemia morbum, per Italiam eo tempore grassantem incidit, eo que diu afflictus est; sed conualescens tandem nouam accepit occasionem de Viterbiensi profectioe iterum scribendi, ex literis nimirum Iacobi Perusini ad se perlatis, in quibus ipse de eo negotio, sub quibusdam verborum inuolucris, mentionem fecit. Albertus Iacobo per has literas respondens rogat ea de re certior fieri, utque absoluta, & aperta Generalis Ministri propria ad ipsius priores literas responsio, & firmæ voluntatis expressio, vel prece, vel vi importunitatis obtineatur, idque alijs, quos apud Generalem esse credebat, communicatum, commendatumque voluit, vt quidquid ille rescriberet, promptissimo animo, etiam inter pericula exequeretur; quantum per valetudinem, & corporis vires liceret.*

**A**ccepi nuper librum, quem ad me diligenter, & ornate compositum transmisisti, simul cum literis tuis, mihi quidem gratissimis, pro quibus omnibus gratias ago humanitati antiquæ, & charitati in me tuæ, qui semper me, & officijs, & beneficijs obligasti, sinulque te oro vehementissime, vt de negotio Viterbiensi tua diligentia fiam certior, quod quidem tute ad me, vt eum venia loquar, sub quibusdam verborum inuolueris attulisti. Malletm autem, mi Iacobe, vt siquidem apud vos est egregius Pater noster, ac præcipue meus, Generalis Minister nostræ Religionis, illum meo nomine conuenires, atque ex eo quicquam literarum suarum, vel prece, vel vi, igni, ac ferro, vt ita dixerim, extorqueres, eum id à me impetrari non possit, quo possim enucleatius, quid mihi faciendum cognoscere. Ego enim illi, cum is ad me scriberet, respondi quantum attinet ad voluntatis meæ alacritatem, & obedientiæ puritatem, ac mundiciem, eo quo volebat hilariter accessurum. Tantum mihi videri rem eam periculosam admonui, propterea quod mutua se cæde recenter ciues, & crudeliter concidissent, feci vt dixi, ac me paulatim versus Viterbium deducebam, essemque iam propius, si me non peste percussus, grauissima valetudo non parum detinisset. Nunc ergo fac tua opera, ab eo cognosceas quid factum sit,

idque mihi renuncia, atque age vt ex eiusdem ad me literis, aliquid impetres. Confer etiam de re ista, cum amicissimo mihi Magistro Galasso Neapolitano, eique expone, quæ in præsentia ad te scribo, poterit etiam tibi esse adiumento ad rem conficiendam, si volet. Imò verò quia volet tibi, vt spero, vehementer aderit, ac me illi, & imprimis Patri Generali, plurimum, & commendabis, & excusabis, quia non quasi renitens illius iussioni non parui, verum caute intuens Ciuitatis subuersionem, rationem consilij mei illi exposui. Modo videat eius prudentia, de me quid agat, cui me prorsus committo. Si me illuc eundi magno quidem onere leuabit, labor magnopere, & mirum in modum gaudebo: si vero me proficisci potius volet, obedientiæ sanctæ confisus, ac Christo spei non parum conferente, nequaquam accedere deterbor. Scripsissem hæc omnia meo charissimo Fratri Bartholomæo, nisi eum abesse dubitarem, cui has literas, & hoc negotium, si casu adest, pro virtute sua, & pro illius in me charitate, communes facio, sibi que amice scripta hæc ipsa omnia arbitretur, itidemque ipse rem meam, immò Christi, ac si suam, diligentissime gerat: illius me ac reliquorum Patrum, præsertim vero Gabriellis Boletani, orationibus valde commendo. Vale ex Cor-  
tona 1430.

## EPISTOLA XVI.

GVILIELMO CASALENSI.

ARGVMENTVM.

*Albertus adhuc, qua erat conscientia tenerrime, inter syllam timoris offensi superioris & charibdem malorum Viterbiensium angustiat, hac ad eum ea de re ultimas dedit, per quas seipsum totum ipsius voluntati, & prudentiæ committit, remque ita consiciendam precatur, ut nec obedientiæ suæ erga ipsum quippiam subtrahatur, nec ipse diuturna dilatione responsionis excrucietur: Se demum à peste liberatum integra valetudine potiri significat.*

**C**ommando me me totum Patre optime prudentiæ tuæ, causamq; meam, imò Christi, valde difficilem, an scilicet tua voluntate sim iturus Viterbium, nec nò, tibi tuendam prorsus committo, ut ego quid sim facturus, firma tua deliberatione tandem aliquando ex te cognoscam; conficiet autem hæc tua diligentia, ut nec obedientiæ suæ à me quippiam subtrahatur, nec ego diuturna dilatione respon-

sionis excrucier. Ternas iam de re ista ad humanitatem tuam semper mihi colendam literas dedi, fac oro te, illa ipsa humanitate imperante, quicquam ex tuis literis ad me perveniat. Me quidem, si ita facies, quem ad diem istam peste percussum, sub ipso mortis pauore, gravius moeror affecit, sed gratia Christi, nunc integra valetudine potientem, tuis literis plurimum consolabere. Vale ex Cortona 1430.

## EPISTOLA XVII.

EIDEM CASALENSI.

ARGVMENTVM.

*Postquam serpens Euam in mortis damnationem induxit, postquam Cain fratrem Abelem occidit, nunquam deinceps virtuti defuit pedissequa amulatio, nec Seruis Dei, Christum verè sequentibus, aliqua probatio tentationis, accepit tandem Albertus, ut in his literis innuitur, & in sequentibus fusius exponitur, Ministri Generalis literas, quibus eum, ne Viterbium iret, sua licentia liberauit. Sed alia mox molestia insecuta est, à quibusdam studiosè conantibus, ut idem Generalis ipsum adhuc à peste debilem, & pro instanti Quadragesima Corroniensibus obstrictum, aliò prædicatum destinaret. Quæ causa fuit*

ut magno suo mœrore, se iam secundo apud Generalem excusare cogeretur, quod suo modo demissè pariter, & prudenter per duas sequentes Epistolas præstat.

**P**ervenit ad aures meas nuper, suaviissime Pater, quosdam apud te studiosè conari, ut tua in me iussione nescio ad quæ loca transmittas, prædicaturum quidem in eisdem locis, quantumvis impendente iam *quadragesima*: (1) Quos ego non rectè agere arbitror, quippè qui nihil de aliorum iactura atque gravissimo incommodo, pace eorum dixerim, valdè improuidi cogitant, ut suæ vel voluntati, vel cupiditati liberius satisfaciant. Inspiciat itaque diligenter tua prudentia, ac certissimè nouerit, *post liberationem, ac licentiam de me tuam*, (2) ne irem Viterbium, obligationem apud Fratres nostros pro Ciuitate Cortonæ penitus à me factam, ne ipse, qui sum *ad diem hanc* (3) longa debilitate præteritæ valetudinis pressus, cogerer pro congruo, & apto tempore diutius euagari. Quam obligationem meam ita sanè gratam accepit *eiusdem Ciuitatis Episcopus*, (4) ut eam etiam publicè, ne inuito, semel atque iterum, inter prædicandum populo suo manifestarit. Si igitur tempore debito prædicandi iam iam in Ciuitate instante, tu non rectè persuadentibus annuens, me ex ea Ciuitate proturbes, turbabuntur fratres, quibus super negotio me vadem con-

stitui, scandalizabuntur eiues, qui, bus instanter rogantibus assensus fidei meæ sponsio violabitur, ac, quod est longè molestius, ipse Præsul Ciuitatis mihi vehementissimè suecensebit, cuius multò iam tempore beneficijs ita obligor, ut verbi Dei prædicandi admodum beneficentissima libertate, imò verò liberalitate, ac fauore, proque confirmatione iam prædicatæ doctrinæ, ac pro repressione insolentium aduersus veritatem, quam defendendo, conseruando, probando, permultum adauxit, ego illi dignas gratias non queam rependere, & mea Religio, ut mihi quidem videtur, illum haud iniuria diligere debeat, & plurimum venerari. Peto ergo à te obnixius, mi Pater optime, ut ob hæc omnia te nihilo moueant aliquorum consilia, si ab eis, ut de me illis obtemperes per id tempus rogeris. Sed ex quo ligatum his ciuibus me fide & libera sponione ex me cognosceis, hoc parum temporis, te oro, me quietcere sinas; præsertim verò eum idem Episcopus in præsentia sit Romam iturus, atque interim se absente gregem suum, per paruitatem meam alendum, lætetur mirum in modum consolari: Vale ex Cortona 1430.

# N O T A E.

## Nota I.

*Impendente iam Quadragesima.* Has literas Idibus Ianuarij à se datas in sequentis Epistolæ initio affirmat, post

quam iam à peste conualuit, ut iam stylo nouo, annus 1431. signari deberet. At cum author anno 1430. scribat,



bat, iam euidens est; quod ante notauimus, ipsum veteri stylo vsum fuisse, in designando annorum numero, quæ animaduersio multam confusionem ab his eius literis abstergit.

## Nota II.

*Post liberationem ac licentiam de me tuam*, ipsa verba literarum Generalis recitat Alberus in sequenti Epistola, vbi ipsius proposito non parum inferiunt.

## Nota III.

*Ad diem hanc*, Id est ad Idus Ianuarij: ergo anno 1430. peste percuf-

sus est, & initio 1431. iuxta recentiorum computum, ea liberatus.

## Nota IV.

*Eiusdem Ciuitatis Episcopus*. Quis fuerit Cortonenſis hic Episcopus qui suo populo sæpè prædicabat, qui etiam Romam per Quadragesimale tempus prædicatum ibat, qui Alberto nostro tantopere delectabatur, vt gregem suum instruendum absens illi fidenter committeret, docet Vghelus inter Episcopos Cortonenſes numeri 61. vbi Franciscum de Bilijs Eugubinum, Abbarem Sancti Petri, Ordinis Sancti Benedicti Ecclesiam, eam ab anno 1407. vsque ad annum 1444. rexisse narrat.

## EPISTOLA XVIII.

## E I D E M.

*Eiusdem Argumenti, sed coisposior & amalorum insidias magis explicans.*

**H**IS Idibus Ianuarijs ad te *litteras meas dedi*, (1) suauissime Pater, *querimoniam meam de nonnullis*, (2) paulo quam hic, latius continentes, quod te, quemadmodum ad me ante paucos dies, quam illas scripsissem, perlatum fuerat, vehementius impellebant, quo me adhuc penè languentem, & certè superioris ætatis viribus destitutum, contra voluntatem beneuolentiæ erga me tuæ, nec minus *contra institutum tuum*, (3) diutius, ac frequentius, quam mea patiatur facultas, inquietares; quam veritus nè quæ audiueram, vera essent, scripsi ad te licentius obsecrans, ne ijs morem gereres, qui sua, vel religione, vel saltem opinione, de me tecum insensius, atque infestius

agunt. Itaque cum intera penderet animus meus: Ecce tum primum, subito nuncio consternatus sum, qui litteras tuas offerens, ore simul expressit, te prorsus velle, *me Regium proficisci* (4) verè tibi fateor, dicere non possum dolorem meum, ita enim te ardentissimo amore, vel ab ipso congressu amicitie nostræ completor, vt penè dixerim, morior, cum tu aliquid mihi iubes quod implere nequeam, neque id iniuria. Percupio equidem amicitiam nostram, & esse stabilem, ac perpetuam, & in summam beneuolentiam peruenire, quam etiam ipsam pertimesco, vicissim in aliquo violari, nec putari verum, nisi ab eis qui probe omnia metientes, nulla quæ factu impossibilia sunt, in amicitia facienda, &

postulanda sanxerunt. Nam si omnia, ut Cicero ait, facienda sunt, quæ amici velint, non amicitia tales, sed coniunctiones putandæ sunt, cum verò in amicitia, quæ honesta non sunt, postulantur, religio, & fides anteponatur amicitia. Neque hoc dico quia tu mihi turpe aliquid iubeas, verum id ipsum, quod alij, ut cupis, est utile futurum (5) quoniam præripit à reliquis honestatem, fit proculdubio indecorum: At verò cum id, quod vtile videatur, in amicitia, ut quidam ait, cum eo quod honestum est, comparatur, iaceat utilitatis species, ut valeat honestas. Accedit etiam ad molestiam, quod ego ipse literas tuas, testes apud me habeo, in quibus cum plura mihi diceres, quæ ad amicitiam nostram, magnopere cum res Viterbiensis inter nos ageretur, hæc tandem dulcis, ac placidus, intulisti. Igitur mi Alberte liberum te facio, ad quas- cumque predicationes sumendas, si tuo desiderio satisfactum iri à me potest. Tecum enim familiariter agere nostra iam confirmata consuetudo facit, quia neminem mihi magis familiarem inueneram qui posset vita, moribus, & doctrina, Viterbiensis Ciuitatis periculis prouidere. Gaudeo mi Pater, mirum in modum, & tuo testimonio, ac benevolentia, & te mecum agere familiariter, qui agere potes, non modo familiariter verum etiam imperanter, ac fortiter, ut ita dicam, potenter tuo optimo iure vsus, pro ipsa autoritate, quæ tibi in me primum, atque in omnem nostram Religionem præbita est, verum quia te colo & veneror, mira mœstitia afficior, propterea quod non arbitror, te ea mente fecisse me liberum

ad quas cumque, ut ais, prædicationes sumendas, ut si ego ea libertate vsus, quam mihi concesseras, alicui ciuitati mea me sponte ligarem, tu quidem modo properè, ac perniciousiter in ipsa iam Quadragesimæ fronte dissolueres, clamantibus latè ac passim aduersum, ut putant, fidissimam sponsonem meam, illis quibus me libere se fruituros in publica prædicatione sponpondi, non arbitratus posthac cogentes ad me novas literas peruenturas, abs te præsertim, qui me longè ante liberum feceras, ad quas cumque prædicationes sumendas, quamuis huiusce rei rumor, seu post perfectam acceptationem utcumque apud me increpuerit. Itaque diligentissime perspicias oro, quam vera molestia perturbor, qui prius liber à te factus, atque ob id Cortonensibus obligatus, nunc literas tuas accipio, quæ nec de mea obligatione quiequam excipiunt, nec reliquas omnes molestias magni pendunt. Nonne comperit habes mi Pater, quod grauissima valetudine ad diem hanc pressus extiterim, eiusmodi scilicet pestilentia, quæ penè vbique Italiae nostræ populos, de Dei nostri mira clementia male meritos, occupauit? Ex qua mihi defecto viribus, tanta adhuc debilitas superest, ut nequaquam aut meis pedibus longius possim incedere, aut perpetuè orationis, quotidianæque prædicationis, solitum laborem sine magne difficultate perferre. Quonam igitur modo discretissime, vigilantissime, prudentissimeque virorum, ego infirmus, ego debilis, varietatem, & discrimina temporum, duriciem hyemis, acerbiter frigiditatis, vim ventorum montes niuium, profusionem, imò,

allu-

alluuiationem imbrium tolerabo ? qui vix verum tempus, florentemque ætatem, absque corporis resolutione, valeo sustinere. Pone tibi ante oculos iter non dico longum, maxime pro exiguo hoc tempore, sed conclusum latronibus, viaque obfessas prædonibus, si rectum iter peragendum constituam: sin vero minus, peto ut tibi in mentem veniat, quomodo mea feret debilitas Alpinas difficultates, tum montibus, tum horrenda vastitate, tum hominum solitudine, tum errore viarum, tum ferarum incurfibus, tum sterilitate rerum, tum habitaculi penuria partas? quem oportet absque ductore, & bonis vestibus destitutum, atque itinera ignorantem, non pecunijs fretum, non equo vestum incedere, nec præ inopia aliter posse, cum vellem. Taceo de fratribus, quos socios dicis mihi adiungam, qui veniunt fere nunquam, nisi spontè, & sua quadam utilitate sæpius tracti, vel si cogantur, remurmurantes non perseverant. Prætereoque qui inuiti non se exhibent adiutores, ut scilicet qui se exhibent destructores. Num difficultas ferendorum librorum mihi, qui nec præ manibus, nec usquam quicquam nummorum habeo, ad impossibilitatem meam præ valetudine, parua est? reliqua verò omnia comparata meæ promissioni ac iam factæ obligationi, omnino nihil sunt? Quam obligationem tuam, voluntate factam, qui me liberum feceras, ad quascumque prædicationes sumendas, si modo perfringam; considera attentius quid sit dictura illa ciuitas, & quam in partem accepturi sint reliqui. Quid loquuturi sint æmuli: Episcopus autem Ciui-

tatis, quod me magis torquet, hoc molestissime fert, qui & ipse nec suscipit persuasionem, nec parvam recipit excusationem, dicens sibi hoc antea debuisse me dicere, qui non, iuisset Romam, non reliquisset gregem suum, quem lætus, & hilaris, omni populo exultante, verbo Dei à me alendum mihi commiserat. Vadit enim Romam prædicaturus, qui mihi forsitan indignatus, & amicitiam repellet, & aduersum me Romæ aliquid machinabitur: obsecro igitur præstantiam tuam, ut meos angores communes pro tua charitate tibi existimes, mihiq; ægro-tanti, debili, ac languenti, paulum amice compatiare, atque ut tuis verbis utarq; ad me pridem scripseras, meis acceptis literis studium conuertas tuum, ut mihi, non dico gratus, ut tu ipse addis, neque, enim de te ita sum optime meritus, sed animo coniunctus videre: quemadmodum etiam, mihiq; providendum, maxime indigenti, quam *Ciuius Regiæ Ciuitatis* (6) tibi pro mutua inter nos beneuolentia persuadeas. Illos verò consolare, ut potes: potes autem multifarie: maximeque considerent, *quid essent ipsi dicturi*, (7) si ego apud se, promissione mea restrictus, eos in ipso, ut dicitur, procinctu temporis reliquissem. Me verò, ut soles, ama, & sine, si tux humanitati placeet, me vires conquirere, ut vegeto corpore superioris consuetudinis labores tandem aliquando resumam. In fine hoc dico, hoc profiteor, hoc sentio, promptum me scilicet ad omnia quæ iusseris. Tantummodo instantissime per Crucifixam mundi salutem hoc vnum à te peto, hoc expeto, hoc expostulo, opto, atque

exopto, vt cum ante longum tempus me liberum facis, huiusmodi celeribus nuncijs me insperantem, non concidas, qui plus quam dici potest, conturbor, cum tibi impetranti negare aliquid cogor, quantumcumque ratione suffultus, sed vel paruitatem meam inter labores occupationum mearum, quos mihi pro augenda nostra religione censui subeundos (8) alas, diligas, atque tucare; vel si magis placet, vti me tuo filio, vt libet, hoc tanto ante mihi significes, vt neque sim obligatus alijs, quos mea solutione conturbem, neque tibi sim oneri, quem verè diligo, neque aduersarij, qui me obligatum in dies audiunt, aut leuitate vsum, aut violentia expulsum me fuisse existiment. Id ipsum postea fallaces, mendaces, mordaces, quaquaversus disseminantes, ac denique improvido tabellario sæpè ac multum exagitatus, nequaquam ego pro tua pietate, clementiaque excrucier. Vt vero aptius intelligas me ista scribere, non resistentis animo, sed impotentis experimento, & consideratione plura perspicientis,

fugiendique scandali causa, quod tu ipse vitari mea sententia à me cupis: hoc tandem, finem faciens, prædictis adicio, si tibi meis rationibus moto placet, vt in his Regionibus maneam, lætabor, & maximas tibi habebogratias; si autem post Pascha videbitur, vt quouis pergam, paratissimum profecto reperies, si verò omninò ac penitus sententię tuę est, vt modo relictis pollicitationibus meis, neglecta fama, scandalisque omnibus posthabitis, illo accedam, non grauetur tua paternitas, ista itidem mihi cuncta renunciare, & ego accinctus quamuis difficillimum iter, quamuis debilis, quamuis rumores exuscitans, lætus, libensque proficiscar. Magis enim tibi, cum pro amicitia, tum imprimis pro officio tuo in nos obsequar, quoad vitam mihi suppeditabit, reliqua omnia paruipendens, quam tuam iussionem, tuam autoritatem, tuamque dulcedinem, quibuslibet rebus, personis, temporibus anteponens, quauis incommodorum acerbitate, ac dispendio deterrebor. Vale ex Cortona. 1430.

---

N O T A E.

Nota I.

*Literas meas dedi*, Proximè præcedentes intelligo.

Nota II.

*Querimoniam meam de nonnullis*, Aemulos suos indicat de quibus iterum inferius, de me tecum infensus, atque infestius agune, & postea quid loquenti sint æmuli, atque iterum. Neque aduersarij, qui me obligatum in dies audiunt, aut leuitate vsum, aut violentia expulsum me fecisse existiment. Id ipsum postea fallaces, mendaces.

Nota III.

*Contra institutum tuum*, Valde enim inculcat, tam in Regula quam alibi Sanctus Franciscus, & iniungit Superioribus charitatem, & curam infirmorum, ac debiliū fratrum.

Nota VI.

*Regium proficisci*. Bina huius nominis ciuitas in Italia est, altera in Brutiorum finibus, quæ cum aspiratione Rhegium scribitur, Ptolomæo Rhegium Iulium dicta: Altera quam absque aspi-

aspiratione scribendam docuit Manutius in orthographia Regium Lepidi, vel Lepidum, est in Lombardia Cispadana: Et Calepinus vndecim linguarum quo vtor ab illa Rheginos, ab ista Regienfes dici vult. Ad hanc ergo non ad illam Alberto proficiscendum fuisse, ipse satis indicat, tùm seruata eius distincta orthographia, tùm commemoratione Alpium, qui Etruriam, in qua tunc erat, a Lombardia determinant.

## Nota V.

*Quod alijs, vt cupis, est utile, futurum.* Regienfium utilitatem, cum Cortonenfium cause honestate comparat, & ex veræ amicitie regulis hanc illi anteponendam suadet.

## Nota VI.

*Ciuiibus Regiæ Ciuitatis.* Regienfem Ciuitatem intelligit, cuius utilitatem, & sibi maximè indigenti & Casalensi ipsi compatiendi, & ipsius angores communes sibi existimanti postponendam iterum suadere nititur: charitas à nobis incipit, vt necessitatem nostram aliorum utilitati præponamus, & nobis ipsis prius quæ necessaria sunt, quam alijs, quæ tantùm vtilia, proui-

deamus. Neque enim etiam in genitoribus laudandum est, si mortem operantur, vel miseri ipsi viuant, vt proles luxuriosè vitam degant. Sensus ergo est debere Generalem, & ipsum Albertum ex ordine charitatis sibi indigenti, quam Ciuibus Regienfis Ciuitatis non egentibus providere.

## Nota VII.

*Quid essent ipsi dicturi.* Illius di-  
ci Regienfes tacitè monet: *Quod tibi fieri non vis, alteri ne feceris*, vt considerent, quid ipsi essent dicturi, si Albertus libera promissione, & propria necessitate eis obstrictus esset, & eum res agenda foret, abire vellet, atque id nunc in Cortonenfibus considerent, quo monito inrer alia etiam posset Casalensis ipsos vel consolari, vel Alberti æmulos iniuncta suadentes compefcere.

## Nota VIII.

*Quos (labores) mihi pro nostra agenda Religione censui subeundos.* An vt Religionem à Poggij inuectiua defenderet, de quo mox dicemus; an vt alia quæ Vvaddingus indicat anno 1429. num. 8. & 1430. num. 3. & 4. curaret, an aliud quid, dubius sum.

## EPISTOLA XIX.

NICOLAO NICOLI.

## ARGUMENTVM.

Cupiebant Florentini, vt hoc anno veteris ære 1430. & nouæ nostræ 1431. Beatus Albertus Quadagesimali tempore, in maiore ipsorum Ecclesia conciones ad Populum haberet; excusauit se tunc ipse; Quare Nicolaus in mense Sextili siue Augusto præterito, per literas id ipsi vitio vertit; quibus cum tunc respondere non potuerit, nunc se excusat, quod peste laborasset. Quod autem oblatis conciones non admisset, veras causas aperit Nicolao, quarum partem in ipsum quoque reijcit. Mittitque illi recensenda aliqua sua scripta, & per latorem quadam oreticnis communicanda, quæ literis committenda non censuit.

Postea-

**P**osteaquam quærimonias tuas, vt ita dicam, præterito mense Sextili anni superioris accepi, mi Nicolae carissime, non potui præ valetudine respondere literis tuis, in quibus paulum mihi commotus visus es, quod cum prædicandi laborem, quem voluisses, Florentiæ hoc anno in maiore Ecclesia non susceperim, dicisque hoc ipsum debere mihi adscribi, qui mea dilatione pendentes animos in contrariam partem conuerti. Nihil inficior, dulcissime Nicolae, nihil excuso, si quid tibi à me erratum videtur, sed hoc tantum de meo sensu, qui mihi quam cæteris, & quam cæterorum notior est, tibi sincerissime, verissimèque renuncio, me scilicet ea tempestate bellorum, ea acerbitate ciuili dissenfionis, ea denique pestis voracitate, quæ passim tuam indies ciuitatem depopulantur, non magno opere curare, si valdè opportunum tempus, ad rem agendam, *impedientibus fortè perditis, vel etiam gaudentibus inuidis, (1) non*

*se dedit. Musica enim in luctu importuna narratio, silentque inter arma annales.* Si verò tu contra, rectius mecum actum fuisse asseras, proficiscendo libentius, quam declinando prudentius, vt interim tibi assentiar, pace tua dixerim, in te omnis ista culpa est referenda: Tam enim parum de me præsumpsisti, vt, quod ego non prorsus negaueram, tu non vehementer asseruisti. Poteras enim, cum ita tibi videbatur, etiam si omnino negassem, liberè, vt amicitia postulat, acceptare: quod si fecisses, tibi velim persuadeas, me non fuisse tuas sponfiones aliquando fracturum: Sed de his satis. Dabit enim Dominus post hac tempus aptius, & tu interea mecum familiarior semper in amicitia conualesces. Harum portitor quædam, Scriptorum meorum ad te afert, quæ pro tua prudentia dijudicabis, atque ad me remittes, & nonnulla tecum coram de me conferet, quæ scribenda non censui. Vale ex Cor-  
tona 1430.

---

N O T A.

*Impedientibus perditis vel gaudentibus inuidis.* Nemo Propheta in Patria sua. Albertus alibi semper gra-

tus, desideratusque, Thuscus in sola Etruria paritur inuidiam, sed omnia vincit virtute.

---

EPISTOLA XX.

E I D E M N I C O L O .

A R G V M E N T V M .

*Morbum suum, conualescentiam, & consilium commentandi quidpiam aperit. De qua verò re scribendum; dum deliberat, materiam per Poggij, Nicolique allatas literas oblatam eligit. Quid de illis censet,*

*seat, per istas narrat, & quod Religioni iniuriose fuerint, & alijs perniciose futurae essent, inde ad scribendum coactus, non Poggium vituperando, sed ceteroqui laudando, & amicè monendo, sed innocuos laesosque laudando, se id facturum promittit, & factum Nicolai censura, & correctioni subiecit.*

**N**uper equidem, Nicolae charissime, ut te arbitror ex alijs audisse, eram eiusmodi pestilentiae ægrotatione grauissima affectus, quæ latè ad passim omnes penè Italici nostræ populos, ut reliquos taceam, (1) de Dei nostri clementia malè meritos occupauit: ob eam autem causam, id mihi vsu venit, ut quotidianæ prædicationi paulò mihi esset supersedendum, quam superiore tempore, ut tu ipse optimè seīs, nostra reipublica, nostræque Ecclesiae, (2) indies à me habitam, nostris illius, quæ sursum est Ierusalem, futuris ciuibus, quemadmodum & sperare, & optare nos conuenit. Id etenim Christianis nostris hominibus accuratius solebam impendere. Cumque fratrum meorum charitate, & summa erga me diligentia, ac semper imprimis propitio Christo, valetudinem meam Medicorum opera, studioque curarem è vestigio, & mihi & alijs, quibus eram pro eorum virtute animi carus, nonnulla spes meæ recuperandæ salutis oborta est, verum quamquam periculum euasissem, essemque iam liber, adhuc tamen longiore debilitate mihi defecto viribus, à Fratribus ardentè, atque amanter consultum est, ut itentidem à prædicatione aliquanto diutius abstinerem, quo tandem commodius, integra valetudine potentem, labor me consuetus exciperet.

Ego itaque, & si rectè, quantum attinet ad rem istam, & ut mihi qui-

dem videor, tunc illis assensus sum, non censui propterea literarium munus à me penitus negligendum: sed magis scribendum esse quidpiam mihi quidem facillimè persuasi, ut etiam in otio, vel mihi calanio saltem prodessem, qui per imbecillitatem virium, coactus, voce filem, vel alijs Scriptorum meorum sedulitate, quamuis non eloquentiæ dignitate, neque sensuum vbertate, proculdubio non oboessem. Ex quo fieret, ut id perparum temporis, quod reliquum superesset, sobria hilaritate lætus; nequaquam extinctum ducerem, cæteris verò consulerem, quibus forte quod scribimus, est vtile futurum, simplicibus dico, nam sapientibus, longè maiora capessentibus, non conducet, ac me me primum multò magis meis contra me verbis erectius concitarem.

Cum igitur complura mihi anteculos versarentur, quæ scribenda iudicarem, essemque nescius quid potissimum primò assumerem, tùm quàmprimùm venerunt ad manus meas, & illæ ipsæ literæ, quas ad me Poggius nuper dedit, & illæ item eius viri, quas tibi redditas superiore anno, ut quid de illis sentirem, audires, tu ipse ad me diligentissimè transmisisti. Inspexi, illas perlegi, reuolui, perpensi sæpè studiosius. Fateor visus est mihi Poggius noster paulò liberior, ac solutior, quàm non dico, Christianam charitatem, & religiosam sobrietatem, sed animo audacior, &



lingua effrenatior, & calamo festinantior extitisse; quàm officiosam, atque eruditam deceat gravitatem.

Tam enim aduersus Dei Seruos, pene omnes, faciliore licentia exierit eloquentiam suam, tamquè acriter perdonat, atque inuehitur, ut quantum mihi quidem videtur, non modo innocentissimos Seruos Dei, ac reliquos omnes existimem ab eo iniuria laceffitos, verum etiam vehementissimè pertimescam huiusce Poggij autoritate, ac eloquentia, si apud externos à Religione literarum ipsarum peruenerint, perquam facile eosdem Religiosos vocari in odium, ac despectum iri, sæculique homines (quod est grauius) quibus forte ab inquietantis mundi turbulentissima tempestate ad tutissimum, & sanctissimum portum integerrimæ Religionis confugere voti fuerat, complures posse ipsidem literis potissimum euocari.

Quamobrem non credidi, neque me dedecere hoc genus, quod pro Religione mihi assumendum putavi, neque ab re cuiquam videri, neque Poggio nostro molestum esse debere, si non in eum (cum hoc oneris aduersus illum suscipere nolim.) Sed pro veritate, pro Religione, & pro his, qui aliquando hæc nostra forsitan legent ego seruorum Dei omnium, non quidem defensionem, sed laudationem paulisper incumbam; Cum igitur ita se res habeat, Nicolae charissime, feci, ut proposueram, ac scripsi quicquam pro seruis Dei, in eorum laudibus, quantum mihi satis est visum, valde libentissimè immoratus. Hanc itaque

quidquid illa est, quam laudationem vocari placet, antequam ederem, tibi prius haud iniuria destinandam, existimaui, quem & dictorum, & actorum meorum, atque omnium, quæ à me scriberentur, æquissimum iudicem, ac censorem penè à puero mihi constitui.

Cui si dicta mea probari videro, ad complura longè præstantiora meum studium prouocabitur: sin. verò minùs, vel tua autoritate deterritus, ignarus ipse, tum fileam, vel quod magis arbitrator fore, magno ardore animi, & diuturna diligentia, atque hortatu tuo, ad scribendum prouocatus, in dies abs te fiam limatior. Tu modo vide, quid de illa sentias, ac mihi rescribes. Quam ad te mitto, ut si tibi videtur, illam tergas, emendes, feces, polias, atque exornes.

Hoc tamen in fine Epistolæ, te admonitum volo, me in hoc otio redintegrandæ valetudinis meæ, ad hoc negotium eo libentius trahi, quo illud non tam conficiendum, quam proficiendum à me esse cognosco. Id ipsum enim iam tunc ad Poggium nostrum scribere cœperam, ut in principio Epistolæ huius præfatus sum, cum summis interdum quotidianarum predicationum laboribus occuparer, iam verò cum mihi in præsentia vacat, & intermissum opus longo, ut aiunt, postliminio repetò, ut non tam diutius elaboratum intelligas, quam inter sospitatem meam, dum sensim valerem, properè, ac perniciter editum. Vale, & me ama ex Cor. 1430. (3)

## N O T A E.

## Nota I.

*Vt reliquos taceam.* Hic indicat non tantum Italiae, sed aliarum etiam gentium populos hoc tempore pestem passos fuisse, ex quibus narrat Brouius ad hunc annum n. 1. & 2. apud Aragonios arsisse, quod autem addit noster author: *De Dei nostri clementia, malè meritis*, non gentium, aut populorum distinctio est, sed ad omnes pertinet: nam pestis, bellum, & publica fames, pecuniaria Dei flagella sunt, quibus populos, vel proprijs, vel Principum peccatis de se malè meritos castigare solet: vt propterea Regi David cum Regni sui populum numerasset, ex tribus his plagis quam vellet electio data fuerit 2. Reg. 24. ver. 13.

## Nota II.

*Nostræ Reipublicæ, nostræque Ecclesiæ.* Rempublicam, & Ecclesiam sibi, & Nicolo communes designat, quæ aliæ esse non poterant, quam Etrurix.

## Nota III.

*Ex Cor. 1430.* Hoc est ex Cor-  
tona, quæ Etrurix ciuitas est, in qua diximus Albertum cum Iacobinorum legatis post plures annos, Florentiam ad Concilium properantem solemniter exceptum fuisse. Cum autem hic habeamus annum 1430. quo has ad Nicolaum dederat, deest tamen dies, & mensis. Ego verò propter locorum vicinitatem existimo circa vltimum diem Ianuarij scriptas fuisse: nam Nicolaum pridie Nonas Februarij eodem anno mortem obiisse Florentiæ docet Pocciantius.

## EPISTOLA XXI.

## POGGIO FLORENTINO.

## A R G V M E N T V M.

*Audita, quæ Poggius in ordinis detrimentum facere dicebatur, & lecta, quæ ad vituperium scripsit, breuiter exponit, lenius primum, mox acrius, sed amicè hominem redarguit. Contrariam Religionis laudationem aggressus, eadem opera tres res, & factu utiles, & lectu delectabiles, & imitatione honestissimas docet, nam quidquid virtutis in claris Ethnicis esse censebatur, assignatis personis, ordine recenset, & seruos Dei, quos laudandos suscepit, illos in omni virtutum genere superasse, perpetua, & perspicua comparatione ita demonstrat, vt omnes simul vniuersæ Christianæ Philosophiæ exercitationem, non minus disertè, quam grauiter, explicet. Aduersarium deinde ad aduersa prioribus tam distè, quam facta dulciter, & neruôsè hortatur, & orat, atque in pristinis persistentiâ doctè dissuadet, & emendationem autoritate, & exemplis facilem esse, Diuinæque vindictæ certa alioquin expectatione necessariam demonstrat. Denique monet famam illi curandam esse, merita dum viuât acquirenda, rumores hominum fugiendos, iudicia eruditorum magnè pendenda, beneuolentia perspicua deuinciendos animos bonorum. Quæ qui adipiscatur, & quanto suo id boni breuiter docet.*

**N**ON satis dicere possum. Poggi charissime, quantum equidem ægrè fero, vt cum primas ad te mearum dare constituo, ea dicere me oporteat, quæ & mihi molestissima sunt, certè id quidem, & tibi fortè non multum pergrata: maximiè verò quia ita pro ingentibus occupationum molestijs, *quæ quotidie predicando perpetior* (1) ab scribendo maturè auocer, vt quantum res ista postulat, loqui diutius concupiscam. Cum verò angustia temporis excludar, haud dubium penè silere, quàm loqui malim; aggrediar tamen vt Beatus Cyprianus ait, facultate, qua valeo.

Frequens rumor de te, ad me per multos delatus, aures meas, quæ vt Salomon ait, auditu non fatiantur, adedò tædio affectas reddidit, vt iam perferre nequeam, quin etiam in summis laboribus meis aliquid vel ineptissimè ad te virum eloquentissimum scribam. Inculcant aduersum te quidam, & replicant tua prorsus opera factum, ne locus ille nostræ Religionis (de quo dicam intelligis) vt cæptus erat, ædificetur, ac quod longè molestius est, futurum nonnulli suspicantur, vt id murorum, quod fieri cæptum est, demoliat, & proruat, clamante aduersum te, tota ea Prouincia, quod nullius, quam tua apud Pontificem instantia, aut factum sit, aut futurum quippiam. Quam instantiam tuam plerique, vt vulgò fit, variè interpretantur, vt dicant vel nequitia tua, vel odio Religionis, vel errore falsæ de nobis omnibus æstimationis tuæ, vel quod magis omnes penè arbitrantur, suggestu quorundam perditorum, qui hisce fratribus iniquo animo aduersantur, hoc abs te factum esse.

Accedit inter hæc omnia, quod mihi ad Nicolaum nostrum Nicoli literæ tuæ perlatæ sunt, per quas te falso culpari vehementer quereris, de quibus literis, si mihi propositum esset causam eorum fratrum defendere, ac non potius te rogare, dicerem omne quod sentio. Mallem enim, vt hoc tantummodo apud te, & amicè, & Christianè confitear, te in cooperiendis eorum culpis, si quæ perparæ sunt, fuisse concitatio-rem, atque si magis putabas, in accusandis pia charitate, ac mansuetudine mitiorem. Oro te suauissime mi amice, vt æquissimo animo, quod subiiciam feras, ac me parum mordentem salubrius patiaris (2) quam mihi adulanti periculosius compatiaris. Mallem, inquam, te in tot bonis viris accusandis, quos tamen perpauca esse dicis, fuisse castigationem, quam aduersus illos pene omnes, *præter fratrem Bernardinum, & me* (3) in fingendis horrendis criminibus, ac turpissimis moribus, asperio-rem, ne dicam audaciorum.

Verè mirari satis non possum, quonam modo in tantam licentiam, accusationis eruperis, vt cum scriptum sit ab Apostolo. *Tu quis es, qui iudicas alienum seruum, suo Domino stat, aut cadit: stabit autem*. Tu tamen hos omnes, perpauca exceptis, voces simulatores sanctitatis, fatores errorum, sceleribus implicatos, peruersæ agentis, absque virtute, sine scientia, impudentes, insolentes, animo impotentes, superbos, qui nulli subesse velint, & parem spernentes, magis præesse cupiant. Hæc puto te reclamante animo, & conscientia accusante, dixisse. Illud verò quis non

Al. in.

Cyp. ad De-  
nat. Epist. 3  
tom. 1.

Eccl. 1. 2.

P. de Vi-  
tæ 7. c. 1.Ad R. 11  
144

non stupeat? quod præter publica scelera, eis abdita, & seclusa, & domesticis parietibus obsepta tam confidentissimè obijcis, ut loca eorum non sis veritus, vel prohibente literaria facultate, & si non Christiana charitate, officinam scelerum nominare. Miror quomodo non aptius, ex quo eiusmodi ineptijs infollescere delegisti, ea ipso loco, & lupanaria prostituta, & probri libidinum inquinata, & turpissimorum complexuum fœdata labe, tibi procaciter, & petulantissimè nominanda censueris. In quibus ipsi, ut dicis, improbi circulatores, sordidi, capite demisso, cum vulgo reproborum, tumidi, inflatique delitescunt.

Immodò verò, ut cum venia tua dixerim, ut non grauiter adijcis, non in solitudine, sed in summa hominum frequentia, in locis delictiosis, amœnis, iucundis (5) voluptuosius se se immiscent. Atque ut cum gemitu, tua illa verba, talia, qualia sunt, in calce subnectam, nec proprio nomine, ut dignum est, eloquar. Qui & ipsi, ut ais, non ut menti vacent, sed corpori, rectius ventri dixisses. Nam quod dicis, neſtare illo, nedum exteros, peregrinosque allici, sed etiam ciues tuos suauius delectari, valde eosdem ciues, quam sint homines frugi commendas, dum non solum hi sunt, qui non continenter, non sobriè, non seuerè, ut naturæ dignitas postulat viuunt; sed potius illi ipsi, ut mihi quidem videtur, temulenti, & ut ita dicam, meribubuli, abs te seuerius appellantur.

Quod verò ais, potum illum esse Iouis neſtar, siquidem ioco magis, quam ex sententia tibi hoc dicendum

censuisti, nihil te inculso, qui forte gentiliū literarum facetijs delectatus, illorum sententijs velut porcorum siliquis, id quod de prodigio Luc. 15. 16 filio Euangelica autoritas personat, tuum ventrem, quamuis inaniter, satiari maluisti. Te inquam in hoc genere nihil culpo, quod Poetarum, Oratorum, Historicorum, ac Philosphorum sententias vel legas, vel tuis scriptis inseras, si modo inter legendum nihil ipse nocere, si scribendo nihil alios lædas, quæ & se te imitari debere arbitrentur; & te his iudicent nimium delectari, atque eisdem Ethnicorum literis, plusquam oporteat, & quam deceat, attribuire. Si postremum nihil in te fidei, nihil autoritatis, & veritatis, & charitatis ad scripturas sacras, Paganorum frequentiore lectione, attestatione, scriptioneque minuatur, quod an fieri possit in te, tu ipse videris. Ego verò in mei similibus, nisi difficile fieri posse, non video.

Si igitur tam continenter, ut perstrinximus profanas literas colas, ut dicere cœperam, non te accusem: nam hæc quæstio de externorum sententijs, cum Christianarum literarum mundicie miscendis, atque interfrendis, à doctissimis Ecclesiæ viris, ac maximè apud Hieronymum nostrum elegantissimè absoluta est in ea notissima Epistola, quam cum ad Magnum Oratorem Urbis Romæ scripsisse non es nescius: at verò contra, si seriò potius, quam iocando, potum illum esse Iouis neſtar conscripseris, & si de hoc sentire, quia Christianus es, neque sanè aliam ob causam, minimè ausim, si tamen forte id sentias, penè dixerim, nihil aliud verius sentire mihi videris, quam quod Iouem Deum tuum esse

Tom. 1. Ep.  
34. ad Ma.  
grum.

con-

confirmes. Neque enim nisi tribus subiectis his modis vsu scilicet, iure, & conditione, aliquid alterius esse dicitur; vsus autem, aut malus est, qui loquendi latiore consuetudine abusus nominatur, aut bonus, qui & ipse rectus vsus vsitatus dici solet.

Eliquata igitur ratione, ac sententia vnum horum conficitur, vt si abusu potum Iouis esse sentias, præclare, & verè dixeris. Fuit enim, sicut vitij reliquis Princeps, sic omnes quoque gulæ ebrietate, ac crapula debacchatus: si autem recto vsu, suum dicas potum, falsum id quidem sit, atque absurdum: nam quis rectè vtetur, si eum abuti concesseris? sicut è contra nemo rectè vtens abutitur eo, quo vtitur, sin. verò iure, vel potestate sit eius potus, idque tu asseras hoc turpiter desipis. Quo enim pacto suum esse nectâr existimes, cum nec ipse quidem suus extiterit; Sed vitiorum, sed Dæmonum, sed omnis iniquitatis seruus. *Qui enim facit peccatum, seruus est peccati*, vt veritas ait, quod si postremo contendas, neque peruerso vsu, neque iure æquissimo dici Iouis potum, restat profecto, vt vel nullo modo sit Iouis potus, & tu eius esse potum, illud vestrum, nectâr, improbè dixeris: vel dicas potum esse condicione. Quod si censeas, egregiè id quidem facis, vt Christiano ore Iouem tuum esse commemorares. Immo verò si id sentias, quid hoc est stultius? quid iniquius? quid infidelius dici potest? hoc enim dicere, quid aliud est, quam verissimo Deo maledicere? quin potius quid aliud est, quam Iouem Deum suum esse manifestissimè dicere? nemo enim potest esse conditor, & creator, nisi Deus existe-

rit. Nos igitur Christum Deum nostrum esse contendimus, dicimus, & constantissimè profiteamur, in quo nobis omnis spes comparandæ salutis locata est.

In ore autem Christiano, vt apud Hieronymum verissimè dicitur, *quid facis Iupiter æternus? & me Hercule, & me Aedepol, & Polux, & Castor*, ac cætera magis portenta, quam numina? suum itaque dicant Iouem, qui volunt, & quos Christianos non esse dubium est, vtque præclare Beatus Cyprianus ait, Iouem suum isti exprimant, non magis regno suum, quam vitij. Principem exprimant, inquam, illum, in terrenos amores, cum ipsis suis fulminibus ardentem, nunc in plumeos colores albescere, nunc aureo imbre defluere, nunc in puerorum pubescentium raptus ministris aubus profilire.

Huius impii Iouis nectâr, tuæ sententia, horum Sanctorum animos vehementer allexit, vsque ad eò vt haud iniuria amœnissima patria se priuari querantur. Qui non abstinentia affecti, non panibus, quos sæpius à foricibus rodi contingit, non alterius generis cibis, non modo vilibus, vt fabis, lente, oleribus, ac potibus acidis, verum etiam, sicut ea pecora domus ab aliis accipiunt, tabe miseranda confectis, & reuera est, sed vt dicis, idque ipsum ego, & grauiter, & acerbissimo animo, itidem iussissimè repetam, illo vestro nectære, Iouis potu allecti morantur. Latinus mi Poggi dixisses, tamen nihil minus, quam turpius, si eos ebrios, atque ructantes hesternam crapulam, qua vsque ad vomitum fatientur, procul dubio nominasses.

Hei talia ne decent, Poggi mi sua.

suauissime, eruditionem tuam, prudentiam, moderationem, modestiam, & Christianam professionem? an non rectè perspicis non posse ista ab homine tincto literis, ne dum doctissimo, vt tu ipse, mea sententia is es, nisi turpissime dici, quamobrem nullo profectò neque tu vel falsa opinione fallaris, vel temerario iudicio pericliteris, neque reliqui, ad quorum manus literarum vel peruenerunt, vel forte peruenturæ sunt, tua auctoritate magis quam veritate deteriti, ab ipso nitidissimo portu *Sacrarum Religionum* (6) ad quas forsitan abinquietantis sæculi turbinibus confugere voti fuerat, eiusmodi verbis tuis, vel aliorum persuasi fallacijs, auocentur.

Patiare igitur, mi Poggi charissime hoc loco, non contra te, quem magis errore quam malevolentia deliquisse mihi persuadeo, non vt tibi in aliquo adsum, cum me adiutore ad bona studia, bonosque mores nequaquam indigeas; postremò, non vt tute ipse tibi consulas, qui iam is es, quem probè emendatum confido: sed pro veritate, pro iustitia, pro Religione, pro pietate, pro eis, qui hæc aliquando lecturi sunt, ac denique pro istorum integritate, non defendenda (cum hoc oneris contra te suscipere nolim) sed paulum commendanda, in eorum laudibus immorari.

Tu itaque adesto animo, atque erecto corde sis, teque ipsum ad ea quæ sum dicturus vultu, fronte, oculis totum in præsentia, oro, conuertas. Tu eos Poggi, non summo in honore habendos putas? qui summo conatu, non *Diogenis acerbitatem*, (7) non Curtij paupertatem,

tem, non ob mundi gloriam, vel si magis placeat illius amatoribus, ob virtutem, Socratis Tebani contemptum, sed Christi lenem ac suauissimam austeritatem felicius imitantur. Qui non alterius Socratis fractam, spem, quem dicere solitum aiunt, *quod supra nos nihil ad nos*, sed spei suæ robustam, inconcussamque firmitatem super electum summum, angularemque lapidem, de quo Petrus dictum est, *super hanc petram*, *Matth. 16*  
*edificabo Ecclesiam meam, aduersus* 10.  
*quam nec porte inferi preualebunt*, solidius collocarunt. Qui non Platonis insalubrem Academiam, sed gremium Ecclesiæ delegerunt; Qui non Aristotelis, ac Crypsippi acumina, sed *ascensiones in corde suo*, *in*, *Psal. 13. 6.*  
*valle lacrymarum* disponentes ascendant in palmam crucis, & apprehendunt fructus eius, spinas, Christi sanguine tinctas, lingentes, quæ quam rosca mella sint eis longe suauiores.

Qui non Democriti stultas atomos, quibus mundum hunc nostris expositum obtutibus mentiens conficit, sed diuinas literas venerantes audiunt. *In principio fecit Deus* *Genes. 1. 1.*  
*Cælum & terram*. Qui non Epicuri luxuriam, qui & ipse turpissimis flagitijs inquinatus, dicebat: Post mortem nihil esse & mors ipsa nihil est. Non Sardanapali ingluuiem; qui cum infelici mortem obiret, non autem quæ probis viris digna iudicaretur, quale exemplum sordidissimæ ante actæ viræ reliquerit superstitibus, Cicero tuus, vt reliqui docti, testatur. Is enim in sepulchro moriens hæc scribi iussit, habeo quæ edi, quæque consumpta libido exhaust. Non, inquam, hos, qui iuxta Apostolum desperantes,

tes, semetipſos impudicitie tradiderunt; Non denique Fabricij continentiam, ij, de quibus loquimur, ſunt conplexi: Sed mortificationem Chriſti in ſuo corpore circumferentes, ſupplent ea quæ deſunt paſſioni illius, & quotidie cum Paulo clamant qui autem ſunt Chriſti, carnem ſuam cruci, cum vitijs, & concupiſcentijs affixerunt.

Non Pythagoræ ænigmata, qui cum ſuperſtitioſè mutus indiſcretum, quinquennale ſilentium ſuis diſcipulis indixiſſet, ob id fortè uſu venit, ut nihil ab eo, vel in membranis, vel in chartis præclare ſcriptum futurorum utilitati relinqueretur, nihil enim eum ad conſulendum poſteris ſcripiſſe ferunt, ſed publicis æneis literis ſtatuit ſtateram non tranſiliendam, arundinem domo pellendam, ignem gladio non ſodiendum, ac poſt multa ſecula primò Euſorbium, deinde Talidem, tum demum Nermotinum, quarto Pyrrhum, ad extremum Pythagoram in ſe ſe renatum, ſacrilega temeritate, & ſtultiſſima leuitate atque cæcitate perhibuit. Verum hi Euangelij maniſeſtiſſimam veritatem diligunt, de qua ait Apoſtolus, *Nox præceſſit, dies autem appropinquauit* etc. nos autem reuelata facie gloriam Domini ſpeculamur.

Deiciunt Gorgiæ vanitatem, omni leuitate inaniorē, qui de quaqua re propoſita, humana eruditione fretus, ac ſuo ingenio conſiſus, publicè ſe ex tempore dicturum pollicebatur: ſed iſti audiunt Dominum ſuum, verius eis dicentem; *Noliſe cogitare, quomodo aut quid loquimini, dabitur enim vobis in illa hora quid loquamini. Non enim vos eſtis qui loquimini, ſed Spiritus Patris*

*veſtri, qui loquitur in vobis. Eſ ego dabo vobis os, & ſapientiam cui non poterunt reſiſtere, & contra dicere omnes aduerſarij veſtri.* Triumphant de grauitate Cralli, quem ſemel tantum in vita riſiſſe ferunt, malentes Chriſtianam grauitatem, & grauē ſobrietatem, de qua dicitur. *In populo graui laudabo te, cuius planta pedis ſicut planta pedis vituli eſt.* Quo etiam in ipſo laborioſæ prædicationis boatu, boni Chriſtiani ita verborum ornamenta ſeſcuntur, ut vtiliora quam tumidiora diligentes, abundantius quam religioſam deceat grauitatem, nimia profuſione non inſoleſcant.

Suppeditant Solonis, Liturgique ac reliquorum Græciæ ſapientum inſtitutis, maiorem in modum ſapientie facultatem, immo vero tribuunt, quam illa haud habebant, excellentiſſimam ſanctitatem; cum Euangeliorum præcepta, Apoſtolorum leges, ac Patrum vigilantius documenta ſcrutentur; vincunt Marci, Catonis, Reguli, Atilij, Romani Imperatoris, fidem, nec minus ſuppedit eis, vnde Curtij conſtantiam antecellant. Eorum enim facta præclara, luculentium hominum elegantiffima loquacitate, in Cælum quidem laudibus efferuntur. Sed Cælum ipſum, vacua pietate deluſi, ſunt minimè conſequuti. Quippe alterum, aiunt, captum à Carthaginēſibus, miſſumque Romam, ut ſi perſuaderet Romanis Carthaginēſium reddi captiuos, eum liberum facerent; ſin verò minus, adſtrictus iuramento rediret, veniſſe Romam; perſuaſiſſe contrarium, ſponte rediſſe Carthaginē, ex quo incluſum anguſto ligno, ubi ſtare cogeretur, clauisque acutiſſimis vndique con-

Luc. 11. 15

Pſ. Cant. 112. 2

Pſal. 34. 1

Eccl. 17. vel ardere

Ad Galat. 5. 24.

Pythagora  
dogmata  
ſubſus re-  
creſcet  
Gualenſi  
par. 3. 80.  
regij c. 8.Ad Rom.  
13. 13.  
2. Corin.  
3. 18.

Matth. 10. 19.



xum; ut se nullam in partem inclinare, sine penis atrocissimis posset, tandemque post excogitados, horrendosque cruciatus, peremptum à Carthagenensibus triumphantem, ut pro illorum desiderio loquar, eum mortem obiisse. Alterum verò, se se pro patria liberanda in abruptum hiatum, equo concito armatum precipitem dedisse scribunt. At verò isti quos suscepimus laudandos, inuitam potius Christi Martyrum, atque insuperabilem fortitudinem, & in se ipsis plerique magno cum ardore affectant experiri, & in alijs admirantur. O felicem eorum mortem, immo vitam, quam, nec mora, felicitas superna consequitur.

Proinde pugnant cum Cicerone tuo, ac Demosthene, cum Gracchis, cum Crasso, cum Antonio, & Græco Lyfia, ac reliquis summis Oratoribus, non verbis, sed rebus: quoniam illorum linguam, istorum pectus, qui sapiunt, admirantur, illorum dicta præstantiora, istorum facta nobiliora, qui non insaniunt, efferunt. Cresco fortunis præstant, ille quidem, ac reliqui sui similes auri, atque argenti immensa pondera congregantes, potentiores isti, cum audiunt Apostolum dicentem, *habentes alimenta, & quibus tegamur, his contenti sumus: & tanquam nihil habentes, & omnia possidentes*, mirabiliores existunt. Maxime quippe, ut tuus Tullius inquit, homines admirantur, eum, qui pecunia non mouetur. Quod, in quo viro perspectum sit, hunc dignum perspectu arbitrantur, ob eandem causam, fidem, & admirationem concipiunt. Quod eas res spernit ad quas plerique auiditate inflammati rapiuntur, immò verò ut præ-

clare quidam ex nostris ait, libidine incensi, pro his rebus digladiantur, quas possunt amittere inuiti.

Congrediuntur cum Liuiò, Herodoro, ac reliquis historicis, non rebus veris narratis, sed fortibus opere ipso confectis, superare autem Carneadem, Zenonem, Cleantem, Heraclitum, Empedoclem, Pythagoram contendunt, ac reliquorum, quorum nominibus nonnulli terrore ore instantur: tum Philosophorum, tum Oratorum, tum Historicorum perditam vanitatem, ne dicam stultissimam temeritatem, nihilo magni pendunt, cum iuxta Apostolum, de his omnibus Romanis loquentem, *illi ipsi dicentes, se esse sapientes, stulti facti sunt*. Non his se comparant, rerum exploratissima notione, sed autoritatis dilectione, usque adeò, ut Christum nostrum, verum, summumque Deum, sibi ipsis longè satius, omnis virtutis loco, procul dubio destinauerint.

Illi enim cursus syderum laboriosa indagatione compererunt, isti se se nosse laborant; illi Cælorum, maris, terræque amplitudinem metiri, se ipsos ignorant, isti mentis aspectu puriore, & cordis affectu rectiore latitudinem Paradisi deambulantes, dicunt illud Apostolicum, *nostra conuersatio in Cælis est*; illi vires lapidum, succos herbarum, fructus arborum, iras animantium, quid cui prodesset agnoscere curauerunt, quod quo nasceretur, purgaretur, frequentaretur, domaretur, animaduertunt summa cum diligentia, istis curæ est, montes peccatorum suorum, aspera facinorum, prærupta flagitiorum, quæ vel carne victi, superiore acta vita fecerunt, vel se facere posse

Ad Rom. 1  
22.

Ad Philip.  
3. 10.

verentur, cum gemitu, qua facilius euitentur, meditari, cum dolore perpendere, cum acerbissima seueritate horrere, plectere, vindicare, quaquaversum curiosa eruditione neglecta eatenus, ut neque Ptolomæi illius Philadelphi nobilissimi Aegyptij Regis, exactissimam diligentiam multi faciant, qui totius gentilis; humanæque eruditionis, ac Diuinæ sapientiæ Bibliothecam, summis nummorum sumptibus, magna cum gloria sibi coemit, sed quemadmodum Beato Petro consulente, etiam intelligunt oportere per bona opera certam suam ipsorum vocationem, atque electionem facere satagentes, timidiore cura, ne de libro vitæ aboleantur, elaborant, de quo libro, ad amicum Moysen loquitur Dominus, cum, inquit, qui peccauerit mihi, delebo eum. Utque nihil, quo Deus læsus exagitur, in libris conscientiarum suarum sedum possideant, de quibus dicitur, *et libri aperti sunt*, sollicitiore in dies sancto pauore, velut angorum acerbitate penetrantur, castigantur, purgantur, solidantur, sicut scriptum est. *Posuisti firmamentum eius formidinem*.

Ex quo fit, ut sæpe numero æque atque de sublimi specula humana, ac Diuina plurima contemplati, quanta sit rectitudinis Diuinæ asperitas, quanta humanæ obliquitatis impuritas, eo perniciosior, quo sibi ipsi latentior, quamquam Deum mundissimos seruos habere deceat, quanti contra sint miserandi hominis, tùm recessus culpæ, tùm labes flagitiorum, tùm gurgites scelerum, vsque ad apertissimam, & obstinatissimam inipudentiam perspicientes, vehementissimè frequentius expaue-

scunt, cum alios, tùm se enim verò multo magis. Inde sese iudicant, ne iudicentur, cum, ut Propheta docet, nequaquam in id ipsum bis misericordissimus iudicet Dominus, Apostolique præcepta intentissimo corde hauriunt, vtiliter, saluberrimèque dicentis. *Si nos metipsums iudicauerimus, non utique iudicamur, dum iudicamur autem, à Domino corripimur, ut non cum hoc mundo damnemur*.

Inde purissimo mentis aspectu, flagranti animo, & diuturna huiusce rei consuetudine, sua, quoad posunt, omnia intuentes, id tandem assequuntur, ut se totos, quàm sint deformes, assequi posse diffident, & neque superbia elati, neque, ut superbiorum mos est, se multi existimantes, atque etiam ostentantes, verùm humilitatis suæ in ima deflexi, cogantur iam iam pene angustia moribundi, super altissima calamitate, cum omnium hominum pietate, tùm sui iactura commoti, lacrymarum fluuios rogantes, orantes, obsecrantes ad Deum emittere, atque molestijs pressi, sancti, & fidelis David, fortissimos gemitus clamare. *Delicta Domine, quis intelligit, ab occultis meis munda me, et ab alienis parce seruo tuo. Et ne intres iudicium cum seruo tuo Domine, quia non iustificabitur ante te omnis viuens: immò verò, ut quidam è Patribus ait, vè etiam laudabili vitæ hominum, si remota misericordia discutias eam*.

Inde cum audiant Dominum suum præcipientem, quando hæc omnia feceritis, dicite serui inutiles sumus quod enim facere debuimus, fecimus: in se prorsus remissi, de se penitus desperati, eò liberius feruntur in

1. Corin. 11. 31.

2. Petr. 1. 10.

Exod. 32. 33.

Apoc. 20. 12.

Psal. 88. 41.

Psal. 18. 13.

Psal. 142. 1.

Luc. 17. 10.

Psal. 117.  
8. 9.

in Deum, quo de eo solo omninò confisi, atque spe freti audiunt: *Bonum est confidere in Domino, quàm confidere in homine; & bonum est sperare in Domino, quàm sperare in Principibus*, seque, haud morà, Deo suo liberè committentes, imò verò se se in illum proiicientes, qui eos in humeros errantes extulit, cum audius alloquuntur. *In te proiectus sum ex utero, de ventre matris mea tu es protector meus*. Admirantur autem Divinæ lenitatis facilitatem, ac suæ humanitatis ingenitæ mansuetudinem, quod nos perditos, opulentissima largitate redemit, quod eisdem malos servos benignissimè habere dignetur, quod illos, qui abs se Dominum nimium audaces perpulerant, tam frequentissimè, ut ad se redeant, vocat, quærit, rogat, & pollicetur, quod eos, qui verè reuertunt, comiter, & facit, ac dulciter suscipit, quod prolapsos erigit, & frequentius curat, atque ne in vitij immorentur, castigat de malorum immanitate, docet, ut caueant, de virtutum splendore commonefacit, ut appetant, de pœnarum autem futurarum acerbitate deterret, tum gelu confecta, tum glacie, tum fame, tum putoribus, tum tenebris, tum Dæmonum turpissimo contubernio, tum fletu, ac stridore dentium, tum auditu blasphemæ, tum dolorum, gemitu, quid plura? siti, angoribus, pœnis, molestijs, & quod est longè gravius, perpetuitate damnationis affecti, apud inferos subtus, qui conturbantur, aded contrusi continentur, exulant afflicti animos, nigri corpora, fumo tumidi oculos, membra denique ipsa indefectis ignibus torridi, in quibus improbos arsumiri, nisi non Christianus, nemo est sanè qui dubitet.

Psal. 111.

His atque huiusmodi cogitationibus eruditi, quibus interest sapientia de Divina bonitate succensi, isti, ut dicere cœperam, admirantur, & stupent, quia hominem Deus, non solum nimia charitate dilexit; sed quia in Cælum ex cœno tam sublime tamque feliciter hominem ipsum, Diabolo præreptum victorioso prælio, & æquissimo iure euexit, & in se ipso ad Patris dexteram perpetuo confellurum collocavit, clamant, & dicunt: *Quid est homo Domine, quod memor es eius*. Itaque spe subnixi supernorum civium gloriam, præstolantur, metu verò compressi dies illis iudicij lugubris, ut sæpius metu mentem dilaniet, in quo se audiunt veritate incutiente timorem, de omni verbo otioso, quod locuti fuerint, etiam si à sceleribus, & culpis maiusculis vacui sint, rationem, apud Dominum reddituros, tunc scilicet, ut apud Hieronymum eleganter est dictum, cum ad vocem, tubæ pauebit terra cum populis, cum lugubre mundus immugiet, & tribus ad tribum pectora ferient, cum potentissimis quondam Reges nudo latere palpitabunt, exhibebitur tunc cum prole sua verè tunc ignitus Iupiter, adducetur & cum suis stultus Plato discipulis, cum Aristoteli argumenta non proderunt. Tunc verò isti, quos existimas rusticanos, cæteris metu coercitis, quos nunc pœnæ, quibus plectentur, manent, vehementissimè lætabuntur.

In Reg.  
Admon.  
tulo de  
more  
iudicij.

Quapropter mea quidem sententia, hi sunt qui se dignos agunt, ut ab omnibus diligantur, colantur, tutentur; amicis grati, inimicis haud insensu, alienorum periculorum solliciti, suæ verò iacturæ non negligentes, quæ de terrenis scæcis eruti

damnant quod erant, de futura vita  
amant quod futuri sunt, de erratis  
suis se in dies afficiunt, de inquietantis  
sæculi turbinibus, grandi tempestate  
se euasisse plurimum gratulantur,  
& solo altior eorum animus, mundo maior,  
omnique terrena potestate sublimior,  
eatenus se excolendum virtuti, ac iustitiæ  
dedit, ut postiora obliti ad ea, quæ ante  
sunt, se extendentes, illis vita sit  
tædio, mors iucunditati, aurum luti  
loco existiment. *Ad Phil. 3. 13.* Distincta laquearia  
gemmis, & crustis marmoreis domicilia  
vestita, eiusmodi hominibus sordeant,  
quibus curæ est, ut vitij neque cedant,  
neque sub eis iaceant, sed contra ea  
laudabiliter dimicent.

Inde vitam perditorum deplorant,  
suam autem tenacissimis quibusdam  
continentiæ frænâ astringunt. Iam  
vero sensus omnes, qui illecebris  
malè suauibus faciliè capiuntur, ne  
ab importunissimis Dominis voluptatibus  
superentur, tam castigant, ut quæ  
prospectum oblectant, & lenocinantes  
spectaculorum contagiones, quo ab eis  
salubriùs euitentur, ductis in terram  
luminibus fugere annitantur, suauitatem  
asperitate commutant, ipsam vocum  
molliorem modulantiâ, iucundumque  
concentum nisi grauius ferre non  
sustinent, lenem contactum, sueulentam,  
robustam, ac virentem astatem, in  
putorem, in sordes, in squaloremque  
verterunt, qui contrariâ valetudine  
sæpius gaudentes, suspirant ad patriam,  
& pias aures Domini Sabaoth  
validissimis, atque importunissimis  
voeibus, illud quotidie elamantes  
pulsant. *Psalm. 119. 3.* *Heu mihi quia incolatus meus prolongatus est;*  
fama autem, atque infamia, algore,

& inopia, omnique genere molestiarum,  
eum sapiunt, libentius quam vulgi  
fauoribus, ac tardioris intelligentiæ,  
imperitorumque populorum inanibus  
rumoribus gloriantur. Et quod ijs  
omnibus maius est, se totos subiectione  
humillima superantes, & vincentes,  
& animo domissi, & pauidi, ac trementes,  
ne forte calus eis obrepât, & corpore  
fragiles, imbecilli, inualidi, palentes,  
exangues, tam se pro Christo negligunt,  
ut omnem intellectum in Christi obsequium  
captiuantes, se despectos, & stultos,  
pro Christo existimari non vereantur,  
& Apostolo obsequuntur dicenti. *1. Cor. 3. 18.* *Si quis videtur sapiens in hoc sæculo, stultus fiat, ut sit sapiens.* Et præsentia  
odientes mundum calcant, diuitias  
aspernentur, & ad futura se in dies  
soliciti præparent.

Eecce quales hosce homines censeam,  
quos tibi à me, non pro illorum merito  
expressos, putes velim, sed multo magis  
pro angustia temporis designatos. E  
quibus complures eam, quam dixi, vitæ  
mundiciem excellentissimam degunt,  
reliqui bonam, omnes verò saltem  
non malam. Qui cum penè cuncti ante  
in sæculo, ut tibi placet, perditam  
vitam egissent; nunc Dei sui præsidio  
adiuti, eiusque gratiæ auxilio roborati,  
labem superioris zui deterfam, in  
expiato, ac puro pectore diutiùs  
possederunt, consiſq; Diuinitus,  
eandem sibi de futuro vitæ  
sanctimoniam pollicentur, & ad  
ipsam æternorum collum sublimem  
speculam oculos erigentes, vnde  
exaudiri haud inane operiuntur  
iucundissima collacrymatione; grauius  
enim ferunt se Cælo fraudari,  
ac differri diutius, & molestissima,  
atque

atque acerbissima expectatione con-  
 geminant. *Asperges me Domine hyssopo, & mundabor; lauabis me, & super niuem dealabor;* quibus mitissimus Iesus respondet in eorum de se corda fiduciam ingerens. *Si fuerint,* inquit, *peccata vestra, quasi coccinum, velut nix dealbuntur,* indeque ipsi, Dominum suum pro se, quique vicissim, atque anxij rogant. *Quando veniam, & apparebo ante faciem Domini, & ostende nobis Domine misericordiam tuam, & ostende faciem tuam, & salui erimus.* Ac suis quidem virtutibus nihil. Dei verò sui viribus omnia præclare acta adscribentes, & hic in terris Paradisum amenissimum è Cœlis traduxisse videntur; & tamen à Deo suo Corpore peregrinantes, & à patria exules, ad manentem futuram ciuitatem suam aspirantes, summis animi ardoribus, atque incenso, mentis affectu ire, & si graui corpore pressi, ac peruenire contendunt, illa ipsa sua corpora prius excuti, & eadem potiora congruo tempore recepturi, vt integro homine potiti, liberius in Deum suum, nulla molestia præpediti, ferantur.

Tu igitur dilectissime mi Poggi, is eris, qui eiusmodi homines contemnas? quorum ego à puero, si quidem sapio, solo nomine recoreor, ac non potius, vt eis, quemadmodum Christianum decet, obsequaris, & affectus tuos erga illos viros, summo honore habitos, summa cum reuerentia dedicabis? eloquentiam, verò tuam omnem, & elegantem, & tersam, & abundantem, & politissimam, & quod me magis delectat, apertam, & planam, & dilucidio rem, nonne abs te, illis debendam magis

censebis? omnia autem, quæ à te egregie, atque honestè, & probè geri valebunt, vt tantis viris præcipuis, & claris perpetuò assis, nonne procul dubio tibi constitues? immò verò tu te, vt ipse adducor; alacer, ac libens, id tandem efficies?

*Sed sunt plerique, qui usque adeò in tenebris, atque in nocte ceca diutius confederunt, vt exuiquam ante actis vitij posse non credant* (8) nam cum alta, & profunda radice, longoque senio, perditorum vita obduruit, & diuturna vultustate inoleuit, honesta omnia difficilia, immo verò impossibilia, pro suis moribus opinantur. Impudicitiam enim pudicitia posse mutari, impudici non arbitrantur: & cum, qui luxuria turpiter, & delicatè, molli terque defluerit, quique & ventri, & gulæ, & deliciis inferuerit, vt continenter, vt sobriè, vt parcè, seuerèque viuant, fieri posse inficiuntur. Auaritiam parsimonia mutari negant. Donatos honoribus, ac laudibus celebratos; inanissima gloria non intumescere, profectò desperant. Quapropter aliorum licet rectè facta, ex suis infectis metientes, peiorem in partem quæque interpretantur, quorum cecitatem, ac perniciosum errorem, cum de se loqueretur qui fuerat quondam & ipse, animo cæcus, beatissimus scilicet, & eloquentissimus Martyr Cyprianus, Carthaginensis Episcopus, quodam loco scriptorum suorum elegantissimè, fortissimèque refellit, ac retrudit, cum ea de se dicit, quæ quantum ad rem nostram pertinere existimabo, breui hoc loco subiiciam, vt rectè perspicias, quo testimonio, & qua eloquentia, impudentium temeritas reuincatur.

Ego,

Epist. 1. ad  
 Donat. 1. 1.

Ego, inquit, cum in tenebris, atque in nocte ceca iacerem, cumq; in salo iactantis seculi, nutabundus, ac dubius fluctuarem, vita mee nescius, veritatis ac lucis alienus, difficile prorsus, ac durum pro illis tunc moribus opinabar, ut quis in nouam vitam interius animatus, quod prius fuerat, exponeret, & corporis licet manente compage, hominem animo, ac mente mutaret, quia impossibilis, aiebam, tanta conuersio, ut repente, ac perniciouser exuatur, quod ut genuinum, situ materiae naturalis obduruit, vel usurpatum diu senio vetustatis inoleuit. Quando parsimoniam discit, qui epularibus cœnis, Et largis dapibus assueuit? & qui pretiosa veste conspicuus, in auro, atque in purpura fuit, ad plebeium ac simplicem cultum quando deponitur? fascibus ille oblectatur, bonoribus esse priuatus, & inglorius non potest, hic stipatus clientium cuneis, & frequentiore comitatu officiosi agminis honestatus, pœnam putat esse, cum solus est. Tenacibus semper illecebris necesse est, ut solebat, vinolentia inuities, inflet superbia, iracundia inflammet, rapacitas inquietet, crudelitas stimulet, ambitio deleat, libido precipitet.

Hæc interim, Poggi, de Cypriano partim, quæ cum prima fronte, aduersarijs suffragari videantur, quantum idem Doctor, illa ipsa cuncta quæ dicta ex eo sunt, labefactata constituat, vide quid ipsæ itidem inferat. Hæc egomet, ait, sæpe mecum, nam & ipse, quam plurimis vite prioris erroribus implicatus tenebar, quibus exui me posse non crederem, sic vitij adherentibus obscurant, eram despera-

tione vilior, malis meis velut iam proprijs, ac vernaculis fauebam; sed postquam vnde genitales auxilio, superioris cui labe deterfa, in expiatum pectus, ac purum desuper scilumen infudit, postquam celitus spiritu hausto, in nouum me hominem natiuitas secunda reparauit, mirum in modum protinus confirmare se dubia, patere clausa, lucere tenebrosa, facultatem dare, quod prius difficile videbatur; geri posse, quod impossibile putabatur, ita ut esset agnoscere terrenum fuisse, quod prius carnaliter natum, delictis obnoxium viueret. Dei esse cepisse quod iam Spiritus Sanctus animaret. Et post pauca. Vite iam facultas datur, castitate sobrietas, mente integra, voce pura, in medellam dolentium, posse venenorum virus extinguere, animorum despicientium labe, reddita sanitate, purgare, infestis iubere pacem, violentis quietem, ferocientibus lenitatem, immundos, & erraticos spiritus, qui se expugnandis hominibus immerferint, ad confessionem, minis increpantibus cogere, ut recedant, duris verberibus urgere confluentes, & volantes, ac gementes incremento pœne propagantis extendere, flagris cadere, igne torrere. Complura dicit iste Doctor, pro re ista tuenda, quæ inferere longum esset.

Non fugit autem doctos viros, quid Afer noster, Beatissimus Augustinus, vnus quidem inter omnes præcipuus, & clarissimus Doctor, quonescio vtrum apud Latinos, inter Græcos verò quis sui par, & animo dilucidior, & ingenio audior, & eruditione præstantior, quisquam extiterit. Quod, inquam, is, con-

tra eorum hebetudinem, qui eiusmodi erroribus implicati tenentur, quos interim explodimus, & de alijs, & de seipso præcipue senserit, libri eius testantur, ac de se quidem in libris confessionum suarum ita se quondam ait, non alieno ferro, sed sua ferrea voluntate, ac spurcissimis voluptatibus fuisse ligatum, ut de vera humani generis felicitate, & difficillimis, & grauissimis concertationibus, quibus inter se magno ingenio præditi Philosophi dissenferunt, victus luxuria, ac libidine, penè Epicuro palmam tribuerit. Qualis tamen post iste vir in Ecclesia fuerit, nemo nisi ignarus veritatis ignorat.

De cæteris autem libro de Christiana Doctrina tertio, post multa, quæ ad rem nostram magnopere pertinerent, quæque breuitatis causa omitto, aduersus eos, qui vna vxore libidinose abusi, antiquos Patres nostros, castè, ac temperanter vxorum plurimarum fecunditate uti potuisse, vehementer negabant, quid & verè, & eleganter loquatur quæso aduerſas. *Sed qui effrenata, inquit, libidine, vel per multa supra defluentes euagantur, vel in ipsa vna coniuge non solum excedunt ad liberorum procreationem pertinentem modum, sed etiam immanioris intemperantia sordet, inuerecunda omnino licentia seruilis cuiusdam libertatis accumulans, non credunt fieri potuisse, ut temperanter multis scæminis antiqui uterentur viri, nihil seruantes in usu illo, nisi congruum tempori propagandæ prolis officium. Et quod ipsi laqueis libidinis obstricti, vel in vna non faciunt, nullo modo in multis fieri posse arbitrantur: sed isti possunt di-*

*cere, nec honorari quidem, atque laudari oportere viros bonos, & sanctos, quia ipsi cum bonorantur, atque laudantur, intumescunt superbia, tanto audiores inanissima gloriæ, quanto eos frequentius, atque latius lingua blandior ventilauerit. Qui ita leues fiunt, ut eos rumoris aura, siue quæ prospera, siue quæ aduersa existimantur, in quaslibet inuehat voragines flagitiorum, aut in facinorum etiam saxa collidat. Videant ergo quam sibi arduum sit, atque difficile, nec laudis efca illici, nec contumeliarum aculeis penetrari, nec ex se miseri alios metiantur. Pleraque hic adduntur ab Augustino copiose, ac sapienter, quibus, quod facile est cuiquam per se ea legere, ac ne longior euadat oratio, supersedeo.*

Taceo præterea Bonifacium, ante constupratorem, post è vestigio Martyrem. Silere non possum latronem cum Domino cruci affixum, qui de obfesso parricidiis itinere in crucem agitur; de cruce verò in Paradisi tutissima, atque amenissima euolat. Præterea alium Cyprianum Romanum, primo quidem Magum, post Martyrem. Atque ut illustrius veritate patefacta intelligas, nec temporis breuitatem, nec multitudinem flagitiorum, nec errata, deformia efficere posse, quin mutata diuturna consuetudine, ex veteri usu in nouam probitatem emergant, quicumque illi fuerint, qui se quondam vitiis addixerunt, paulùm iterum me conferam ad illam alterum Cyprianum, cuius superius meminimus, Oratorem Carthaginensem, qui Lactantio nostro teste, magnam sibi gloriam ex artis Oratoris professione quæsierat, & admodum multa con-



conscripterat, in suo genere miranda. Erat enim, ut ait, idem Latantius ingenio facili, copioso, disertus, & quæ sermonis maxima virtus est, aperto, ita ut discernere non queas utrumne ornatior in eloquendo, aut facilius in explicando, an potentior in persuadendo fuerit. Ut igitur clarescat patentius posse, & faculitenebras reuelari, & caliginem malorum detergi, ac prioris vitæ errores illuminari, vide quid placidè, ac iucundissimè idem Cyprianus adiciat. Quantus, inquit, hic animi potentatus est? quanta vis, non tantum ipsum esse subtrahit perniciosi contractibus mundi, ut quis expiatus, & purus, nulla incurstantis inimici labe capiatur, sed adhuc maiorem, & fortiorem viribus fieri, ut in omnem aduersarii grassantis exercitum, imperioso iure domineatur.

Vidi ego, Poggi, proinde hisce oculis plurimos optantes bona omnibus, & proprias fortunas tribuere, qui aliena rapere consueuissent: probra etiam omnia eis illata, æquo, ut taceam læto, animo tolerantes, qui paruo conuicio exagitati facile digladiabantur. Quotidie insuper ieiunantes, qui lautissimis prius epulis marcidum corpus distenti, tridui crapulam, quam violenter ingesserant, violentius, ac deformius emouebant: se se vero plerosque conspexi tenui, vilique veste amicientes, neglecto capite, nudis pedibus, & lutatis incedere, aquam suavius bibere: sortes hi equidem, atque incolumes; qui primum neque pelli- bus, neque trifaria uti veste, aut capitis pretioso operimento, aut multiplici, strictoque calceo, quamlibet delicatè, & molliter, quam-

exquisitissimis potibus ac cibis vitam suam, grauissima cum valetudine, aut degere vix posse, aut tueri solere. Magnoperè itaque, mi Poggi, censeo quemuis hominum ab hac seruorum Dei nobilissimorum iniuria iure æquissimo arcendum; ab qua quicumque non abstinuerint, iustissimè quidem illos plectendos esse perinde atque confido, quemadmodum improbos pueros Helisco Sancto illudentes, vsorum feritate dilaniatos, & geminos quinquagenarios milites, qui superbè ac procaciter ardentissimum Dei virum, Tesbitem Heliam impetuerunt, diuino igne consumptos Sancta Scriptura referente cognoscimus.

Quæ cum ita se habeant, tu interim his paucis quæ sequuntur diligenter attende. Ego verò iam mihi ipsi modum, atque huic laudationi meæ finem imponendum, constituo, quam pro Seruis Dei à me pertenuem perexilemque habitam fateor; quamque equidem inuitus modò suscepi. Si quos ea, vel delectat, vel sibi illam conducere arbitretur, Deo nostro maximas gratias, in quo viuimus, mouemur, & sumus, & mecum habeant, & agant. Si quis autem, illius ruditatis molestia afficit, omnes profectò, pro sua humanitate, ad quos est hæc nostra laudatio peruentura, quibus eam pariter tecum communem facio, quo ego tandem ex ignoratione emergam, atque euadam doctior; illique ipsi eruditi, ac præstantes viri, sua diligentia, cura, atque industria, huic oro, meæ, & ignauæ, & inscitæ vigilantissimè, sollicitissimè, ac misericordissimè medeantur.

Ad te verò, Poggi, me modo totum

totum conuerto : ac primùm quidem præstantiam tuam instantissimè obsecro, vt in omnibus, quæ apud te perpetua oratione expressi, mihi proculdubio non arguenti, non defendenti, sed amicè, & Christianè monenti, ingenita illa tua humanitate dimittas ; si vel parum in his verbis te læsum ex me existimas. Propterea enim, quod plerique me rogauerunt, vt ad te scriberem, putantes literas meas non parum apud te, pro mutua inter nos beneuolentia, valituras. Ideò his paucis tecum lusi, commotus fateor paulùm ipsa, ni fallor, rei indignitate ; præsertim, cum in eos fratres, quasi omnes, præter Fratrem Bernardinum, & me, tam acriter, & acerbè inuehereris : quos colere, ac venerari potius debuisses præter admodum paucos : quorum perpaucorum etiam nora, arque comperta scelera, si ea in alios cunctos, quos probas innocentes, referenda censeris, eo insipientiæ, & erroris, eoque impudentiæ demergendum te video, vt omnes Apostolos Christi cum Iuda existimes proditores. Immo verò ira se magis veritas habet, vt sicut ignis experimento conflatum aurum purius comprobatur, ita bonorum vita improbis comparata, & dignitate præstat, & laude.

Peto abs te præterea, quemadmodum in tuis literis polliceris, apud Pontificem Maximum hoc iustum negotium non impedias. Iustum dico, quia auctoritate Bullæ cæptus est locus, & tunc cæptus est, cum decreta illa, de quibus & me vocas in testem, & te dicis opificem fuisse, non auctorem, nondum in notitiam peruenissent ; cum certo scias, nec tunc edita in lucem prodijisse, cum

tot expectantes fratres Romæ pro his explendis, ac propalandis constitutionibus diutius adessemus, impediēte vel peste, vel quouis alio negotio, de quo haud dubium te existimo certiores. Postremum obtestor humanitatem tuam, vt his feruis Christi, non modo neq; verbis accusando ; neque rebus ipsis eos lædendo insensus esse nolis : sed velis potius tuis illos adiumentis prosequi, eis in cunctis adesse, eos quoad vita tibi suppeditabit, non aspernari imperitos sermone, sed in vera scientia crucis Christi gloriantes colere, diligere, ac tueri. Præsertim verò me Albertum tuum, cui magis his ad te paucis occasionem præbitam putes velim, religionis æmulos arguendi, cohibendi insolentes, commonefaciendi ignaros, ac pigros, & nutantes animos hominum trahendi, prouocandi, & accendendi, qui laqueis sæcularibus irretiti, quò à Deo vocantur intentius, eo se nodis Diaboli inextricabilius deuinciri quotidie patiuntur, quam te in aliquo offendere maluisse, què nisi paulisper tecum iocanti, hoc in genere exercendæ faciliatis, ac poliendi ingenij, limandæque huiusce nostræ locutionis, vt taceam eloquentiæ, pene dixerim puerilis, æquissimo animo te arbitrarer larurum, non fecissem ne verbum quidem.

Sed quia me ab istorum vulgo eximis, ac per hoc non vulgarem, sed singulari quadam & vita, & doctrina præditum me egregium facis, habeo huic existimationi tuæ de me tam bonæ ingentes gratias, simulque in ea re tibi congratulor plurimum, cum ex bene instituto animo tuo hæc tua de me opinio certè proficiatur. Tamen Alberto tuo, tibi quidem

ex animo vera testanti, velim credas, complures inter hos fratres esse, qui cum aspectu, & auditu iustiores, tum verò eruditionis præstantia longè me doctiores existunt. Si tamen ipse tuo iudicio is sim, quem doctum, censendum putes; Eos igitur & propter me tibi amicissimum, illis ipsis verum, compertum, & exploratissimum testimonium perhibentem (nam inter eos quatuordecim annos versatus sum) & propter eorum merita non parua ex parte præclara tuendos suscipias. Me verò, ut soles ama. Nobis autem omnibus de loco illo non modo impedimento non sis, sed cura potius, ut locum illum, quem dicunt de Gangareto, vel ut vulgus loquitur de terra illa tua noua, pro singulari adiumento, & commodo illius patriæ habeamus. Quod quidem aliquando futurum opera tua, prorsus non desperamus; cum ad istam provinciam te contuleris, ad quam si vita eoines fuerit, *nec ab infestis prædicamur* (9) hominibus Christo propitio, ut te scio percipere, post Pascha prædicando me conferam. *Nunc in his locis versor, quæ sicut luto sordida, sic non nihil hæretica prauitate infecta reperio* (10) Aduersus eiusmodi homines quantum, datur quotidie pertono. Quos Deus miseratus ad fidem veri Pontificis Christi Papæ Martini V. & ad gremium Ecclesiæ per paruitatem horum fratrum, ac seruorum Dei, contra quos exeris eloquentiam tuam, redire permisit. Harum portitor te, plenius edocebit.

In fine, Poggi charissime, hæc dico tibi curandam esse famam tuam; merita dum viuus acquirenda, rumores hominum sopiendos, iudicia

eruditorum magni pendenda, beneuolentia præcipua deuinciendos animos bonorum. Quorum omnium mea sententia primùm quidem virtutum probitate te ipsa vera tibi haud iniuria comparabis; alterum morum mundicie, & bonitate, qui moralis locus, cum maximè in actione versetur, cum tenere perparuum est, si non diligenter agatur. Alterum autem facile tibi ascisces, si rem eam de loco isto, non secus, ac tuam vigilantissimè geras. Reliquum etiam egregiè conficies, si præstantium iudicio adquiescas. Postremum denique, imò verò simul omnia assequeris, si purgata primùm infamia, quæ in provincia tua latet, ac passim, contra te volitat hos fratres diligas, quorum laudationi sumus paulò diutius immorati. Conciliabuntur tum tibi, mihi crede, viri integerrimi longè facilius, cum & animi beneuolentia, & rei beneficentia, summam erga illos charitatem expresseris.

Quorum apud Deum opera fiet, quemadmodum bono animo sum, ut bene tibi instituaturs animus, augeatur opinio, cumulentur merita, ac te illi probi homines, quibus gesseris morem, mirum in modum magni faciant, & sancti viri, quorum animus tuo facinore paulum ab te factus fuerat alienior, tuis beneficijs deliniti te diligant, tibi cohæreant, & fortissimo charitatis vinculo copulentur. Ita enim, ut mihi quidem videtur, Poggi dilectissime, non iniquè cum huiusmodi hominibus comparatum est; ut quibus pro obsequio debemus officia nostra, ea etiam aduersarijs tribuamus, illis muneribus prouocati, quæ, nisi ingratus, nemo est, qui abnuat. Cum verò

reâè sapiamus, curamus, quæ ab alijs non accepimus, ea beneficia abundanter tribuere, quibus nobis vel inimicissimos obligemus. Qui si nos contra lacessunt, nostrum est æquo animo ferre: quæ in quo homine reperiuntur, eum non solum & beneficium, & magnanimum iudico; verum etiam, quod incredibiliter præstat, virum illum equidem constanter Christianissimum esse dico. Qui

etsi ab imprudentibus, à perditis, & corruptis hominibus, qui penè semper leues iniurias sanguine expiandas contendunt, is ex numero hominum eiiciendus, ex finibus humanæ vitæ exterminandus, atque in vltimas terras exportandus, qui non se læsus vindicet, censeatur, ego tamen eum contra mitem, lenem, facilem, ac mansuetissimum hominem prædicauerim. Cortonæ 1430.

## N O T A E.

## Nota I.

*Predicando perpetior.* Quo tempore hoc scripserit author, non vt solet subseribit: sed hic locus indicat non eodem anno 1430. scripta esse, quo ipse à morbo conualeseens, ea ad Nicolaum transmisit, sed præcedenti, quo ante contractum contagium, in sermonibus ad populum declamandis distendebatur, & Nicolai, Poggijque litteras accepit; quod ipse ad Nicolaum in epistolæ fine elarius docet, & ex hac ad Poggium iterum colligere licet, vbi ait, se eum scriberet, quatuordecim annos inter obseruantes versatum fuisse, vbi in autographi nostri margine notatur 1429. hoc opus editum est, si enim annos enumeres à 1415. quo se obseruantibus adscripsit, ille annus 1419. erit ipsius inter eos conuersationis reâè decimus quartus.

## Nota II.

*Ac me parum mordentem salubrius patiaris.* Sapientis, & viri amici consilium Eccl. 7. v. 6. *Melius est à sapiente corripri, quam stultorum adulatione decipi, & prouerb. 16. v. 19. Vir iniquus læsat amicum suum, & ducit eum per viam non bonam; etenim vitij semper seruiunt blandimenta, lenocinantur dulcia delictis, virtutibus aufera, & fortia sunt amica, vt reâè Petrus*

Rauen. vel si poetæ magis placeat.

*Lingua assentatrix vitium peccantis aceruat,*

*Et deletatum crimine, laude ligat:*

*Nulla sit vñ lapsa reparanda cura salutis,*

*Blanditur fonti, dum male suasus honor.*

*Libera sit potius vox correctoris amici,*

*Serpere nec fibris caca venena finat.*

*Jacob. Bilius in adu. abul. sacra.*

## Nota III.

*Præter Fratrem Bernardinum, & me.* Hæc iterum inferius reperit, & magnam præ se ferunt Alberti commendationem, quod vniuersæ Religionis vituperator acerbissimus ipsum exipiat, & solum soli sanctissimo, doctissimoque Bernardino Senensi, vt erat eius discipulus, sic vitæ, ac virtutum optimè æmulum associet. Quo etiam collimant, quæ ipse Beatus Albertus, ex Poggij ad se litteris vel ipsidem ipsis vituperatorijs, vel alijs vnâ missis refert in hæc verba: *sed quia me ab istorum vulgo eximis ac per hoc non vulgarem, sed singulari quadam vita, & doctrina præditum me egregium facis &c.* Certè multi tunc erant non solum per totam Italiam, & extra, sed in eadem ipsa prouincia Tusciæ eiusdem instituti docti, sanctique viri, & miraculis illustres; et ramen aduersarius vnicum par Bernardinum, & Albertum

tum nominatim eximendos censuit: quo non extra gregem tantummodo ipsos extulit: sed eminentes, & singulatiter insignes, etiam inter proceres religionis, vita, & doctrina esse significauit.

#### Nota IV.

*In fingendis horrendis criminibus, & turpissimis moribus asperiores, ne dicam audaciores.* Hinc pergit Albertus Poggij in religionem probra eidem exprobrare, non quod illi eadem impingat vitia, sed quod infontibus impegisse, vitio vertat, & quamquam pluribus, iisque claris, & fortissimis argumentis, eadem probra postea reprobet, non fortiori mea sane sententia vsus est, quam hoc ipso, vt ea tantum detegat, quemadmodum alio tempore, & loco Diabolum pinnati cerui specie laruatum, dolum detegendo disparere, confestim euanescere, & disperire fecit. Etenim non sola hæresis est, quam ad suam originem reduxisse, refutasse sit; sed quæcumque hominum actio, quæ ex ira, odio, inuidia, audacia, acerbitate mentis, ex omnidenique inordinati animi perturbatione procedunt, quem ex fructibus cognosci veritas ipsa nos docet, & cognoscere nobis concedit. Qui fructus in vehementi, & impotenti oratione Poggij manifesti sunt, aliter enim turbati animi passio, & aliter tranquilla, & recto iudicio ordinata voluntas, partus suos edere solent, & longe disparem produunt affectum radicis. Hæc probabilem, suauem, pulchrum, amabilem; illa vel primo aspectu fidem sibi derogat, turpitudinem prodit, audientem exasperat, charitatem vel diminuit, vel impedit, seque alijs horrendam, ac despicabilem reddit. Hinc tot Rhetorum flores, & figuræ, tot beneuolentiam captandi genera, & modi, quibus etiam celare prorsus animi sui motus aliquando non possint, exornare saltem, ac dulcorare conantur, ne quos conciliare cupiunt, magis exasperent, irrentque: quod & Christiana charitas, non raro suadet. *Responsio mollis frangit iram, sermo du-*

*rui suscitatur furorem.* Prouerb. 15. v. 1. *Et mansuetus Moyses, dilectus Deo, & hominibus, verbis suis monstra placauit,* Ecel. 15. r. 2. Quem imitatum in hoc opere nostrum Albertum effectus consequuti ostenderunt. Nam quæcumque in hac epistola petijt, obtriuuit, & Poggij amicitiam sibi conseruauit. Vide aliam eius epistolam ad eundem quæ ordine 89. est. Inter Poggij opuscula edita extat eius Responso, qua se excusat, & epistolam sic incipit. Tantum abest mi Alberte, vt grauius feram, quæ à te scribuntur, vt etiam maximas tibi, & habeam, & debeam gratias, quod me pro tua in me beneuolentia, & charitate admonere voluisti, eorum in quibus me aberrasse arbitratus es.

#### Nota V.

*In locis deliciosis, amcenis, iucundis.* Hæc Poggij querelaram causa fuit, quod cœnobij fundo fratribus iuste acquisito, Deoque, & Religioni dicato, se vel suos tanquam amœnissima patria, & in eo nascente Iouis, vt prophanè vocat, nectare priuatos lamentatur, eaque data fuisse tam vili hominum generi, vt ipsius quidem discrio prædonibus domus, hoc est foricibus, seu canibus, & catitis comparandi sint. Quos tamen Albertus Dei seruos, & Sanctos vocat, & ipsa vilitate, seu vt religiosus dicamus, Evangelica paupertate, & nectaris illius aliarumque voluptatum voluntario contemptu meliorum rerum, ac cœlestium deliciarum dignos demonstrat.

#### Nota VI.

*Sacrarum Religionum.* Non ergo proprij tantum instituti, vel suorum fratrum philantia, sed communis ordinum omnium religiosorum causa, & animarum salutis zelo, & vt prius dixit multorum instantia hanc religiosæ vitæ laudationem instituit. Quo etiam spectant, quæ fufius ad Nicolum in superiori epistola in hanc sententiam scripti.

## Nota VII.

*Non Diogenis acerbiter* : Considerabit fortassis quispiam, ut Diogenis, aliorumque gentilitatis procerum, quos in virtutum certamine Christianis religiosæ vitæ professoribus in hoc opere postponit author, personas, & qualitates, ex quibus eum his comparantur explicaremus. Sed res alioquin eruditæ familiaris tam longa est, ut excrecentes notæ textum superarent : molestam propterea, ac superuacaneam omitimus, ne paginas frustra duplicare cogamur : videre poterit, qui cupit Diogenem Laertium in vitis Philosophorum, Ioannem Gualensem nostrum de dictis, & factis eorundem, per Lucam Vvaddingum Romæ edicem, eorundemque Philosophorum sententias, & Apophtegmata in Polianthæ, ac theatro vitæ humanæ, quæ confirmant, elucidantque omnia, quæ author noster in hoc opusculo ex gentilibus in medium producit. Id verò hic omitendum non duxi, aptè quidem ipsum, & ad hominem, quod aiunt, huiusmodi comparationem in Poggium assumpsisse, quem ante dixerat Poetarum, Oratorum, Historicorum, & Philosophorum gentilibus literis nimium delectari, eisdemque plusquam oporteat, & quam deceat attribueret : quo ille cernat, præstare prophanis Christianam Rhetoricam, & Philosophiam, quæ sola vera, eum falsa & ficta Ethnicorum composita veram virtutem & docet, & operatur, & sola cælestis, æternumque præmium, & solidam laudem expectat, & promeretur.

## Nota VIII.

*Sed sunt plerique, qui usque adeo egrotant, ut exuiquemquam ante actis vitiis posse non credant.* Utillissima, & pulchra præoccupatio. Talis fuit vector ille malorum, quem suavi, facillique consilio, & procul dubio etiam precibus, Albertus ipse, quod in eius vita diximus, Venerijs olim ad fugam reduxit. Tales innumeri in sacris historijs repetiuntur, & vti nam aliqui

non semper sint, qui ut Augustinus eleganter expressit, catena consuetudinis peccandi, per Diabolum desperatione emendationis conflicti detinentur : sed semper etiam fuerunt qui à summis flagitijs, & inueteratis sceleribus ad summam sanctitatem morum, & maximam copiam cælestium gratiarum, repente conuersi reperiuntur. Qui cum Psalmista dicere possunt : *secundum multitudinem dolorum meorum in corde meo consolationes tuæ letificauerunt animam meam.* Sed satis ad rem persuadendam Albertus hoc loco ex Augustini, Cyprianique, & aliorum rari documentis, quàm exemplo produxit. Verè quondam Seneca Epist. 107. dixit. *Non quia difficilia sunt, multa non audemus, sed quia non audemus, difficilia sunt* : quæ ille Socratis exemplo confirmat. Duo autem hoc argumento præstat Albertus Poggio suo, alterum, ut videat facile ipsi Dei gratia viam esse, si recipiscere vellet ad Dei, atque hominum, quos offenderat, recuperandam amicitiam : alterum ut intelligat, male se collegisse, si qui seruum Dei, in quos inuictus est, in sæculo flagitiosi fuissent, eosdem factos religiosos post conuersionem tales esse oportere.

## Nota IX.

*Nec ab infestis præpediamur.* Infestos hoc loco non inimicos intelligit, quos nullos habuit, præter paucissimos vitæ ipsius malè æmulus, sed importunos exactores prædicationis ipsius : qualem in eius vita diximus fuisse Franciscum Barbarum, Brixianum, tunc Prætozem, qui ipsum ad pacem suam in se mutuo ciuibus persuadendam rogabat : in eo tamen ab alijs eadem importunitate distractus ante octauum post annum, eo se conferre non potuit. Tales etiam hoc tempore fuerunt Cortonenfes, Regienfes, & Florentini, ac Minister Generalis, qui Albertum, ut vidimus, ad Viterbienses, aliosque prædicatum proficisci enpibat. Tales multos refert Vvaddingus in actis vtriusque Bernardini Senensis, & Feltrensis, Ioannis Capistrani, Iacobi Piccni, & aliorum huius

us instituti hominum, quorum prædicatione adeò grata; & proficua probatur, ut populi Ciuitatum, & Principum literis, & procuratis diu ante mandatis Pontificijs, & adhibitis aliquando militaribus custodijs ne alio migrarent, eos ad se certatim rapere, & retinere, nitebantur.

### Nota X.

*Nunc in his locis versor, quæ sicut luto sordida, sic non nihil heretica prauitate infecta reperio. Vbi fuerit Albertus quando hæc scripsit, nisi forte Florentiam intelligat per illa, verba præcedentis Epistolæ ad Nicolum; quam (prædicationem) superiore tempore (fortassis anno præcedenti quo ad Poggium scripsit) ut tu ipse optime scis nostra Reipublica, nostraque Ecclesia accuratius solebam impendere, per quæ an Urbem ipsam Florentiam, an alium illius ditionis locum (qualis Cortona est) designet, dubium est. Florentinam Rempublicam forte designat, (quam nostram vocat) id est sibi, & Nicolo communem. Sed ut Cortonam*

intelligat, magis mihi persuadeo, ubi nimirum inter prædicandum morbo correptus est, iacuit, & conualecebat. Cum hac ad Poggium epistola dicat, hos hæreticos ad fidem Martini V. Pontificis, & gremium Ecclesiæ per illos seruos Dei, quos Poggius vituperabat, conuersos fuisse; Ego, fratricellos intelligo, qui tempore schismatis, ante Martini Pontificatum liberius per omnem Italiam grassabantur, & regularis obseruantie Minoritarum studia, & acrem inquisitionem, sibi grauem, multisque vtilem ad salutem, alijs ad supplicium, sentiebant. Maxime verò Ioannis Capistranensis, & Iacobi Piceni quos Pontifices ad id specialiter hæreticæ prauitatis inquisitores designarunt: quibique Albertum, & alios operam suam in Tuscia contulisse, ex hoc eius loco habemus. Quamquam dum veri, ut loquitur, Christi Pontificis Martini, hac differentia ipsum ab Antipapis discernere videatur, possit etiam intelligi de schismaticorum reliquijs, qui ante Martinum sub diuersis Antipapis diuersis quoque forsitan erroribus imbuti fuerunt.

## EPISTOLA XXII.

NICOLAO NICOLI.

### ARGVMENTVM.

*Scripta quadam sua anno superiori Nicolao promissa iam tandem mittit, rogatque, ut ea, postquam illis vteretur, Andreuccio Senensi, viro docto, & utrique communi amico communicet, ubi de sua professione Neapolitana.*

**C**VM essem superiore anno, mi Nicolae charissime, vrgentibus maiorum iussionibus Neapolim accessurus (1) decreueram, tum ad te mittere spiritualia munuscula memoriz apud te meæ, libellos scilicet duos (2) quos ipse nuper edideram. Quod cum certa

ratione ante non fecerim, ecce nunc, siquid erratum est, emendo peccatum meum, & tu veniam dabis. Oblata ergo in præsentia aptiore occasione fidelius, ac tutius, quæ velim ad te mittendi, post reuersionem meam ex Neapoli, ac reliquo omni eiusdem Ciuitatis Regno, mitto ad



re eisdem libellos, quos huic nostrarum baiulo, qui pro rebus gerendis illustri Comitis Vrbinatis Florentiam accedit, ad te perferendos dedi. Horum opusculorum alterum libens quidem, ante hoc ferme triennium, ipse confeci, cum ab ægrotatione paulum conualescerem: alterum verò inuitus elaboravi, habitum publicè ad populum Vrbeuetanum, in capite Quadragesimæ, cum eiusdem Ciuitatis Episcopo instantius flagitanti, immò verò iubenti, id negare non possem. Hi libelli titulos habent singuli prænotatos, quos tu cum amicis omnibus, ut libebit, tùm verò Andreuccio nostro Senensi, homini quidem docto; sed quod est satius, & sanctius vtriusque nostrum amantissimo legendos, & scribendos tribues. Ità enim illi nesciaturum, cum is nuper huc venisset, pollicitus sum, ut vel tu eos ad illum, vel ego quantocius mitteremus. Tui itaque, atque *Ambrosij doctissimi Monachorum* (3) præstantissimo derelinquo iudicio perpendendum, vtrum ego clamator importunus, contra quod oporteat, & quod deceat rectius sileam, ne iuxta Ciceronem,

stultitiæ meæ complures domesticos faciam: an vel perexiguus orator ad scribendum me penitus dedam, ut tandem aliquando mediocrem eloquentium gregi annumerer, & nostris Christianis hominibus, vel in paruis causis, vel in maiusculis prosum, consuetudine auctus, & tua frequentiore admonitione limatus: aduersa corporis valetudine, quæ me diu tenuit, dum ad te nunc scribo, ita premor, ut quid velim dicere, penè non sciam, & quod scribo, cum conor eloqui, vix stylum manu tenere queo. Sateat ergo vitij oratio, modo amicitia beneuolentiæ non perdat officium, immò verò partes suas Christiana charitas non omittat. Abbatem dignissimum, iterum, atque iterum dico, Ambrosium nostrum Monachum, religione consortem, ætate fratrem, dignitate parentem, ut meo nomine salutes, ac me illi commendes, plurimum precor, cuius, ut ante dixi, grauissimo iudicio vna tecum nostra iudicanda committo. Vale, & me, ut soles, ama, & pro me ad Christum instantius ora ex Vrbe 22. Octob. 1433.

N O T A E.

Nota I.

*Vrgentibus Maiorum iussionibus Neapolim accessurus*. Poterat hoc iter effecisse, ut multæ Alberti literæ superioris anni nobis non suppetant. Totum enim Regnum peragrasset (procul dubio prædicando) ipse in alijs posterioribus Nicolao scribit. Tam magnæ quondam Græciæ, quam totius penè oræ Italiciæ, quam multo labore laustrauimus.

Nota II.

*Libellos duos, quos ipse nuper edideram*. Horum libellorum titulos author non exprimit: sed alterum eorum fuisse laudationem Religionis ad Poggium, inde colligimus quod se illum ante triennium confecisse, scribat, cum ab ægrotatione paulum conualesceret, quæ ut epist. 20. vidimus, illi laudationi conueniunt: alterum libellum credimus esse orationem de laudibus

bus poenitentiae, de qua in hac epistola scribitur. *Alterum verò inuitus elaborauit habitum publicè ad populum Vrbeuetanum in capite Quadragesima, cum eiusdem Ciuitatis Episcopo instantius flagitanti imò vero iubenti id negare non possem.* Quae omninò conueniunt cum cis, quae in ipsa oratione habentur, & in nostris ad eam notis, atque imprimis in ipso exordio statim. *Quod munus impraesentiarum non satis equidem libenter suscipio, & hoc est, quod in hac Epistola dicitur. Alterum verò inuitus elaborauit.* Et iterum versus finem. *Hoc praesertim tempore deuotissimo Quadragesima.* E paulò post. *Quod hodie ex Sancto Iohanne lectum audiuimus:* Et iterum. *Euangelium quoque compleuerimus &c.* ubi refert verba Iohannis in Epistola seu lectione Missae, & summam Euangelij eiusdem Missae exponit, quae Feria quarta Cinerum in Ecclesia leguntur. Et hoc quoque est quod in hac Epistola dicit, habitum publicè ad populum Vrbeuetanum in capite Quadragesimae. Ex quibus clarè consequi videtur, illam orationem de laudibus poenitentiae habitam anno 1432. vt in fine ipsius orationis notatur, idque coram Episcopo Vrbeuetano, quod ijs verbis orationis huius Epistolae consonis ostendit. *Quando & tu, Reuerendissime Praesul hoc fieri iuber; & coram Religiosis, & populo ciuitatis, vt iterum loquitur. Et vos integerrimi Religiosi adestis, & vos egregij, ac doctissimi viri, & vos omnis populus suspensè ora consistitis.* Quibus verbis auditorum tunc suorum ordines secernit Albertus. Atque ego his conuineor; vt censeam eam orationem fuisse secundum libel-

lum, quem Albertus ad Nicolum cum hac Epistola misit, & eandem ipsam iubente Episcopo ad vrbeuetanos habitam; ubi etsi nulla tunc fuerint ordinis comitia erat tamen aliorum Conuentualium, alterumque Obseruantum Franciscanorum, aliaque aliorum ordinum cœnobiorum, quorum Religiosi peroranti Alberto assistebant; ad quos vt ad exteros auditores ipse sermonem dirigere potuit. Nec obstat Vvaddingum dixisse, quod Alberus eam orationem 1433. Bononiae in generalibus ordinis comitijs habuerit: poterat enim Vrbeueteri prius habitam alibi postea mutatis mutandis receisse, quam mutationem ipse author in alijs literis ad Nicolum scriptis indicat, dicens alia eiusdem orationis exempla, ab hoc nostro per ipsum emendato, in aliquibus differre: vide Epistolam XXV. à nobis post hanc scriptam lectionem, ex cuius nostra nota colliges orationem illam silo nouo habitam fuisse anno 1433. nimirum in fine Februarij, vel initio Martij, in quos dies incidit Feria quarta Cinerum, quamuis Albertus signauerit annum 1432. scilicet silo veteri, quo vrebatur, & annum nobis primo Ianuarij praeteritis vsque ad 25. Martij protrahebat.

### Nota III.

*Ambrosij doctissimi Monachorum.* Is fuit Ambrosius Camaldulensis, sui ordinis Generalis, Graecè, & Latine eruditissimus, Eugenio IV. Pontifici, & Cosmo Mediceo maximè familiaris, & in Basileensi, & Florentina Synodis Pontifici utilis.

## EPISTOLA XXIII.

### ANDREVVCCIO SENENSI.

*Duos illos Libellos per Nicolaum tradendos esse monet.*

**H**omini cuiusdam fideli, quantum mihi videtur, & diligenti, qui pro rebus gerendis Illustris Co-

mitis Montisfortis, vel vt vulgo dicitur, Vrbinatis Florentiam accedit, libellos nostros ad Nicolaum perferendos

rendos commisi, quem sum instantius meis litens obsecratus, ut ad te illos, cum eos ipse peruiderit, legendos, ac scribendos det. Ita enim mi Andreucci, data occasione non modo fidelissimi, verum etiam velocissimi nuntij fieri debere sum arbitratus. Tu verò eos cum voles, ut

me vehementissimè postulasti, poteris à Nicolao nostro non solum alienarum rerum, sed quod est maius, ac rarius, suarum largissimo tributori eosdem libellos facillimè mutuari: Quos cum impetraueris, eos leges attentius, ac me diliges. Vale ex Urbino 22. Octob. 1433.

## EPISTOLA XXIV.

GASPARI CORNELIO.

## ARGUMENTUM.

*Tota familiaris, & festiua, in eaque iueundè ludis, accusando, excusandoque mutuum decennale silentium inter se, & Gasparem, iam tandem solutum.*

**D**ecennale ferme silentium, mi Gaspar in Christo charissime, quo mecum maluisti diutius pariter tacendo confingere, cum ex Bononia nuper ad me scriberes, tua tandem humanitate rupisti. Quamobrem diuturnam rusticitatem erga te meam, iam abs te superatam esse confiteor: nam si ut poteram, & tua amicitia postulabat, ad te sæpe scripisssem, fuisssem, quantum arbitror, primo quidem tua dulcissima dilectione in Domino frui- tus. Deinde essem, quod te non scribentem longo iam tempore vicisssem, gloriatus. Postremò verò, nisi fallor, fuisssem ad te ipse scribens, te non parum in Domino consolatus; compluribus quidem curarum cruciatibus in gubernandis fratribus angis- solutum, sed in alenda amicitia, pace tua dixerim, somno profundissimo dormientem. Quid dico dormien- tem, imo verò ne culpas quidem diu-

turni silentij ingenuè confitentem: quandoquidem easdem culpas, quas liberè confitendo diluere poteras, magis augeas, dum nescio quæ argu- menta obtendens crimen tuum in al- terum referre conaris. Ais enim, præterea, te haudquaquam ad diem istam ad me quicquam scripissse, quod me occupatum quotidianis prædica- tionibus audieras; quasi verò nisi ego siluerim, & mihi non vacauerit le- gere, & tu scribere non poteris. Dicis præterea ob hoc tacuissse te, quod fueris arbitratus, quam verò leuiter ipse videris, amicos mihi ex animo excidissse distento tantis labo- ribus, quid sibi velit iste distentus non satis intelligo, nisi forte disten- tum voces distractum, effractum, effusum ad omnia, aut distentum intelligas, qui sit inflatus, turgidus, & ventosus. Quod si hæc sentis, habeo huic existimationi tuæ de me tam bonæ ingentes gratias, cum il-

lum me his verbis appelles, nescio & an arbitrare, qui & in rebus gerendis non satis integer, & admodum insolens sit. Hæc sunt argumenta tua, quibus te iustis ex causis decem circiter annos rectè tacuisse excusas. Verum ut ego sentio te multo rectius simpliciter excusasses: quod pro me equidem facere nunc aggredior. Ego inquam, ego de errore meo, nec me tuebor, nec excusabo: imò verò ecce rusticitatem meam tantum, ut dixi, paulò confiteor à te victam. Non prætendo occupationes, non labores prædicandi iugiter Euangelij, ut pro me ipse facis, rectè ne an perperam, scileo, quia verò magnitudine laborum meorum, ut ais, præpeditus, vel tuas literas legere non potuerim, si illas scripsisses, præsertim tanto chariores, ac faciliores, quanto rariores, cum frequenter multorum legam, vel ad te paruulam scedulam exarare, qui etiam in mediis occupationibus libellos quosdam non paruos edidi. Quos si videre volueris, prius est, ut te ad me longo iam tempore non scribentem non tueare, sed turpiter fecisse accuses, ut te læsisse amicum confiteare, ut postremò te victum intelligas. At verò ut hac de re & mihi, & tibi, tanto salubrius, quanto communius iam consulam, superest mihi Gaspar carissime, ut eum ambo in excitanda, fouenda, & confirmanda amicitia torpuerimus, errata nostra superioris temporis nobis inuicem dimittamus. Posthac verò aganius frequentibus epistolis inter nos diligentius, qui tam culpando silentio tanto in tempore egimus negligentius. Sed de hoc satis: nunc de aduentu meo Venetias, quem tu vehementer & amice expectare vide-

ris, quantum attinet ad superiora tempora, quibus venire distuli: hoc tibi respondeo, voti quidem mihi diu fuisse eo accedere, quamvis autem complura impedimenta, ipsaque præsertim impotentia mea tardiùs proficiscendi causa fuerint: hoc tamen velim tibi persuadeas, prudenter factum esse, quod huc vsque non veni, ne aut temerè accederem, si intempestiuè, aut inconsultè differrem, si nunquam venissem, spei itaque plurimum mihi est, frater in Christo charissime, nisi iter meum aliquid intereipiat, ad vos Christo propitio, & si vita comes fuerit, proficisci; at verò hoc ipsum non admodum propere efficiam, tamen tandem aliquando si mea valetudo ferat, ut in altero, idest dum differo, mihi præpares animum tuum; in altero autem, idest dum interim hæc pauca ad te seribo, quia mea præsentia delecteris, quam licet sinus exigui, te pereupere minùs ambigo. Accipe itaque has Vicarias, & ut ita dicam, præcursorias literas meas, non ad te solum, sed & ad reliquos amicos in Christi visceribus honorandos, tam nostri ordinis fratres, quam omnes, qui se in his literis meis nominatos arbitrentur, & tu illos suis nominibus expressos putes velim, quam & sæculi homines Christianissimos, Guarinum dico, F. Barbarum, ac plerosque ceteros, qui nos amant, vel potius amare solent. Hoc quidem quantum mihi videtur iustissimè dixerim, cum apud nos scribendi ad inuicem diligentia omnis sublata est; innuò verò negligentia vsu iam consuetudinis inoleuerit. Vale ex Arimino 1433.

## EPISTOLA XXV.

NICOLAO NICOLO.

## ARGVMENTVM.

*Indefessum Nicolai studium in conquirendis libris, & promouendis literis laudat, se lustrato Regno Neapolitano, ac tota penè ora Italica, nullos veterum libros, quamquam diligentissimè quasitos, reperisse nunciat: & sterilitatis huiusce causas fusius profequitur, librorumque, & literarum in eo Regno contemptum exagitat. Nicolaum ex aduersitate mœstum, scripturarum exemplis consolatur. Tertullianum cautè legendum, admonet. Denique de libellis suis ad Nicolum nuper missis, ac de Guarino Magistro, aliquid.*

**C***Vm ex Urbino (1) post curam valetudinem meam (2) Ariminum me contulissem, profecto inde mihi in Lombardiam, literæ illic tuæ redditæ sunt. Quibus lectis, quam magno sim affectus, & gaudio, & mœrore dicere sanè non possum: quorum mihi alterum tuæ prosperitas, alterum tuæ aduersitas præbuerunt: vtrumque verò amor erga te meus. Nam, vt lecta antea referamus, de tuis literis, mi Nicolae charissime, cum pro nouitate illarum (diu enim ad me non scripsisti) tum verò maximè pro hilaritate rerum, quas ad me attulerunt, sum plurimum gratulatus. Quem enim amicorum tuorum, inter quos pro tua humanitate, haud mediocris mihi locus præbitus est, non lætitiæ ingentissima efferat, audientem prosperitatem bonæ valetudinis tuæ, tanto iucundioris, quanto salubrioris. Neque enim istam tui corporis sanitatem, vt in plerisque nouimus, libido effusior populata est, inquam, non grassatur voluptas insaniior, non*

*luxuria fœdior, & quam consueuisti à teneris, vt dicitur, annis in acquirendam ampliorem veritatis notionem, consilio prudentiore potiri, immò verò in omnium, & doctrinarum, linguarumque peritiæ cupiditate consumere. Verum hæc sæpe noxia sunt: & frequentissimè tam malis, quàm vanis insunt. Illud autem, quod est longè præstantius, & quod apud te fateri ad me maximè attinet, quis non miretur non solum amicissimorum, sed inimicissimorum, perditorumque hominum te, virum iam senem, tam incredibili ardore animi, & tam continua sanctorum scripturarum non modo deuotione Christianissima, & lectione instantissima; verùm etiam propriæ manus laboriosissima scriptione feruere. Tibi ergo, non quantum per me fieri (quid enim illud nisi perparum est) sed quantum per te optari potest alacer, ac libens satisfacere vellem: non quidem tanquam homini defecto viribus, non vt iam diuturnis laboribus, ac vigilijs flaccescere*

inchoanti, non denique quia cano capite, & frigido sanguine, ut in antiquioribus fieri solet, remissius laboranti, sed velut nouello cuidam viro, nunc præclarissimam viam sanctorum studiorum florentissima ætate ingredienti, quem pro robore ætatis, ac subtilitate ingenij, proque summis studijs, quibus summa diligentia feruoris incumberet, fore grandi fruge sæcundum, & vberimis fructibus opulentum, non dubium est, præsertim verò *de Biblia illa* (3) quam Græca & lingua, & literis exaratam, apud nostræ religionis fratres Arimini reperiri à fratre Bernardino accepisse te scribis; cuius tamen habendæ cupiditate, ni Nicolae, frustra laboras. Nam nedum nostri Conuentus, sed omnium religionis, omnisque illius Urbis peragrata prouincia nihil græcarum, literarum à me repertum est, sed & ipsi fratres annosi, admodum veteres, & antiqui, qui omnes Bibliothecarum libros frequentiore lectione hætenus percurrerunt, quicquam assidue quando fuisse in eorum locis græcæ eruditionis penitus negant: ex quo fit, ut vel de alia ciuitate quæ te fugerit apud te Fr. Bernardinus ista narrauerit: vel illum de illa ipsa obliuio profunda scellerit; vera tamen se attulisse existimantem. Tute ipse ergo poteris ab illo fieri certior, qui tibi quam mihi est longè vicinior: adeò ut superflue à me quæras de eius sospitate tibi referibi. Audio enim illum *in nostram Etruriam* (4) nuper ingressum, vel Aretium, vel Cortonam, vel Perusiam applicuisse, in vna illarum, siue in altera qualibet nostræ patriæ ciuitatum Diuinæ prædicationis salubriter, ut assolet, verba saturum. De libris verò cæte-

rarum prouinciarum quod quæris, tam magnæ quondam Græciæ, quam totius penè oræ Italicæ quam multo labore lustrauimus, inciderimus ne inter eundem in libros quosdam veterum tam Ecclesiæ quam sæculi magistrorum? breuiter tibi respondeo, nihil ad manus nostras, *quamquam diligentissimè quæsuerimus* (5) peruenisse, nedum vetustatis, quod potuit & diuturnitas, & negligentia aboleuisse, sed ne communium quidem opusculorum quorum solent tam veterum, quam nouorum referta esse omnia. Omnis enim eapatria iacet in tenebris, nullum literarum lumen, nulla eruditio, & quæ quondam græcis literis, & Pythagorea ambitione floruerat, nunc ignara rerum, & literarum fœda consumitur: quæ olim græcis, & latinis doctorinis fuerat expolita, nunc vtrisque expoliata est, ac Barbarum potius frendens Pythagoreum tantum silentium quinquennale, quod ad literas attinet, immò plusquam centennale concelebrat, verba ab alijs mutuata, si integrè loqui velit, quæ ad vltimas terras rerum hætenus documenta transmiserat; apud ipsam verò Neapolim, & reliquum etiam omne Regnum vacare literis penè non possunt, & penitus nolunt: quorum alterum miseræ est, alterum superbæ, ac negligentæ. Incurfante enim eandem prouinciam superiore tempore Rege Aragonum, & urbem ferro, incendioque vastante, ita milites eius depopulati sunt ciuitatem, ut præter alia ludibria, magna quædam classis de spolijs onusta libris præcipuis, ab eis in patriam sæuisissimi hostis adueheretur. Quæ cum in medium pelagus posita, æquora vento flante sulcaret, maris tempe-

state

state vorante summersa est. Quod ego naufragium, etsi lugubre, diuinitus tamen factum non ambigo, vt neque latrocinij dediti malè parta conquirent, neque apud sponte ignaros, ac literas aspernantes sacra illa diutius remanerent. Dedecori enim fore, mi Nicolae, quod mirum est dicere, sibi penitus existimant ij, qui regio genere gloriantur, si dent operam studijs vel humanis, vel Diuinis. Ita de stirpis nomine inflati, ita de sanguinis nobilitate tumentes, vt vel hoc turpissimum sibi esse non iudicant, si ab Patrum institutis degenerantes Maiorum suorum veltigia non sequantur: nam illa est Ciuitas, vt tuus Cicero ait, quæ summum Poetam, ac eruditissimum hominem Aulum Lucinum Archiam Anthiochiæ natum, quem cunctæ Græciæ, & omnis Asia celebrabant, Ciuitate, præmijisque donauit. Ea est Ciuitas, quæ Maronem illustri tanto nomine, ac celebritate notissimum diutius possederat. Illa est postremo Ciuitas, quæ non longe anre nostram ætatem Illustrissimum, & Christianissimum Regem protulit, Regem dico Robertum, qui intermissa studia literarum, imò verò oblitteratam diligentiam disciplinarum, & penè funditus euersam instaurauit. Nunc verò in tantum dedecus venire omnes regiæ dignitatis, quòs maximè eruditos oportere esse non dubium est, vt beatum putes eum, quisi doctrina careat, stupris, & corruptelis, otio, & infinitis vanitatibus non deditus sit. Non ergo ex illis locis de me queraris, à me inquiri negligentius libros, vbi diligentius ventres, quam chartæ replentur, & vbi sepulchrum patens gutturis Baccho, quam animus Mineræ

amicitior est. Sed his relictis, quibus emendatio magis expetenda est, quam supplicium, me me paulum ad te confero, quem de tuis angustijs, quas ad me scribis, quamuis eas mihi communes facio, illud tamen iuxta sententiam sacrarum literarum verissimè admonitum volo, fuisse scilicet vnquam neminem, sed neque esse, neque fore queraquam ex ijs dumtaxat, qui Deo placuerunt, idest qui piè viuere statuerunt, qui passione plectente, velut probanda vasa figuli, Babilonium ignem effugerit. Verùm interea consolatur nos species quarti quasi filij Dei, *id est, nostri Dei, atque hominis Christi*, (6) qui voraci flammæ se ingerit, ignes irrorat, pueros vt Dei canticum concinant docet, combustiisque vinculis, quibus ligati in medium ignis præcipites ruant, corpora timens flamma non tangit, sed relinquit intacta, & non solum arsfuros liberat Deus, atque incendij ministros comburit, sed è media fornace erutos, Rex paulo ante furens, conuersus dignitate sublimat. Pleraque sunt istiusmodi exempla, quæ de scripturis sacris, in vnum corpus coacta idem efficiunt, quæque breuitatis causa omitto. Tu verò hæc omnia quanto iam tempore perlegeris, quis ignorat? nunc superest, diuturni temporis lectionem breuissimi momenti perpeffione compenses: nec te apud omnes inaniter legisse testeris: quod quàm turpe sit, tibi tali viro, tu ipse videris: quid enim sunt scripturarum sacrarum documenta, nisi animi quædam contra Diabolum ornamenta, quibus nostræ mentis classe munita, in huius mundi turbulentissimo pelago, cum pyratarum cruenta dæmonum turba nauali nobis prælio dimi-



dimicandum est: nec minore animo, si oporteat, terrestres pugnae congregatione certandum: ut ex omni parte trophæa referentes, hinc quadriga Evangelica vestri, in patriam triumphemus, illum in equis albis inter exercitus cœlestes secuti, qui vocatur fidelis, & verax, cum iustitia iudicans, ac pugnans, cuius oculi ut flamma ignis, in cuius capite diademata multa, qui habet nomen quod nemo novit nisi ipse, qui vestitus est veste aspersa sanguine, & vocatur nomen eius verbum Dei, de cuius ore procedit gladius bis acutus, ut in ipso percutiat gentes, quas reget in virga ferrea, qui calcavit torcular vini furoris iræ Dei Omnipotentis, habens in vestimento, & in femore suo scriptum: Rex Regum, & Dominus dominantium: in quibus ego cœlestibus Divini hominis verbis intelligi oportere arbitror, Christum neque fallere posse corruptum, qui sit fidelis, ac verax, iudicans cum iustitia, ac pugnans, neque falli ignarum, qui flammeos oculos, idest ardentem notionem possideat, neque insuper angores nostros nullo præmio donare ingratum, cui sint diademata multa: neque præterea salutem nostram nulla miseratione tueri inclementem, cum sit vestitus veste aspersa sanguine: neque deinde errata nostra nulla castigatione ferire iniustum, de cuius ore procedit gladius bis acutus, neque postremo virtutem eius deficere impotentem, qui sit verbum Dei habens nomen quod nemo novit nisi ipse Rex Regum dominus dominantium. Non est ergo Christus noster, aut depravatus, aut inscius, aut bonorum immemor, aut immitis, aut iniustus, aut denique impotens. Nunc itaque, Nicolae Caris-

sime, tantum, talemque Dominum super equum album sedentem, idest carni immortali, & corpori virgineo præsentem, nos etiam, ut dicere cœperam, in equis albis, idest gloriosis corporibus, integrisque sequemur: si neque adversis rebus fracti, neque secundis effusi, languidiore, quam clariores, hosti cesserimus. Quæ si præclara sunt omnia, tu, qui tot, & tanta legisti, cur huiusmodi adiumentis non orneris? si turpia quam ob causam his fœderis? si levia, quamobrem supereris? si fortia, quo pacto non animeris? nam & gloriosa sunt appetenda, & turpia fugienda, & levia contemnenda, & fortia superanda Philosopho, sapienti, forti viro, quanto magis Christiano, cui nihil est gloriosum, nisi quod de felicitate beatum, non in terris, sed in Cœlis; nihil turpe, nisi quod de sceleribus vitiosum, non in Cœlis, sed in terris; nihil leve, nisi quod de Christi onere virtuosum, non de iugo gravissimo legis veteris, sed de levisima, ac mitissima sarcina Evangelij; nihil postremò forte, nisi quod pro Christo victoriosum est, non in delicijs, sed opprobrijs, probris, supplicijs. Age ergo, mi Nicolae dulcissime, mi Parens optime, & hæc posteris, & qui vitam degunt, tui ingenij, immo tuæ fidei monumenta relinque, ut intelligant te tot Bibliothecas tanto tempore haud infructuoso, quamvis laborioso sudore expetisse, vertisse, legisse, exarasse: dicant de animi tui virtute, de constantia, de moribus, de meritis, dicant, inquam, verissimè prudentes viri, quod solidæ gloriæ est, atque addant, te re ipsa verba complevisse, factis verba superasse, opere perfecisse

cisse, & molestias omnes, quamvis sæuiente mundo, vicisse, illius integris viribus, robusta mole firmatum, qui ait: Confidite, ego vici mundum. Sed de his satis, superque tibi grauissimo homini, à me præsertim, qui tibi & eruditione, & virtute sum longè impar. Quæ cum ita sint, non fuisset, nec hæc ipsa quidem dicere ausus, nisi quidam ad me rumor, ante dies paucissimos pertulisset, te esse *ob angustias* (7) virili penè animo destitutum. Iam verò de Tertulliano, quem in Alamania repperit, de Basilea Theutonicorum, ad te perlatum dicis, quamquam non opus sit, tibi censori sincerissimo, & optimo rerum æstimatori, hoc tamen pro angustia temporis loquor, cauendum tibi esse hominem non solum eloquio rusticanum, vel vt mitius interpreter, legentibus in loquendo difficilem, quo equidem illum minus vitupero, hoc enim apud Christianos calumniam non meretur, sed fide corruptum, quod religio nostra non sustinet. Relege Augustini librum, quem de hæresibus edidit; & videbis Tertullianum, non solum hæretica prauitate fædaturum, sed animo minus firmo, & vt ita dixerim, vago de Christiana veritate ad Cathaphrigas confugisse, quibus fuerat ante insensus: de Cathaphrigis autem pulsum, sua quedam hæreseos conuenticula propagasse. De his partim nostri Hieronymus, & Lactantius testes sunt, à quibus noster Augustinus, quod vehementer admiror, in hoc dissentit, quod in prædicto eius libro dicit, Tertulliani vsque ad sua tempora multa extitisse opuscula eloquentissimè scripta, cum tamen supradicti Hieronymus, & Lactantius dicant, cum in loquendo difficilem,

& multum obscurum, quamvis insententijs crebrum, & præter hæresim, omni disciplinarum genere peritissimum. Cuius differentiarum causas, inter tam doctos Ecclesiæ viros, præsertim in causa eloquentiæ, quæ vel manifestissima est, tuo iudicio, & eruditorum sententiæ derelinquo: fidei tamen eius, immo perfidiæ, res notior est. Restat nunc pauca dicere, de opusculis nostris, quæ ante non permultos dies ex Urbino ad te perferri feci, de quibus quid sentias præstolabor. Quod si apud me ingenuè fateare, grande profecto beneficium mihi præstiteris, tanto præstantius, quanto celerius, vt vel tuo testimonio gaudeam, si probaueris, vel contra si repuleris, nica stoliditate affectus, salubri dolore fiam abs te quotidie emendatior. Libello autem illi nostro, quem à me nuper editum, de laude *pœnitentiæ* (8) accepisti, mallem vel pauca hæc verba præponi, quam sic imperfectus maneat, vt videlicet non diceret, post exordium. Benè, beatèque viuendi cupiditatem, & cætera, vt ad te scriptus est, sed magis post proemium, tale illi esset, principium. Etsi non benè degendæ vitæ, quantum attinet ad impuros homines, ac perditos loquor, beatè tamen viuendi cupiditatem omnibus corruptis, & integris inesse hominibus, quam compertum est, ac reliqua quæ in eodem contextu orationis sequuntur, quæque vel tarditate mea vel infirmitate minus aduertì, vel scriptoris vitio prætermittenda sunt. Scis enim omnes homines esse, qui beatè; qui verò benè viuere velint, admodum paucos. Exspecto in dies gratissimas literas ad me tuas, quas huc Ferrariam mihi mittes, vbi sum ad Pascha inuitus, idest cogente Ciuium cha-

charitate, ac maiorum nostrorum iussione mansurus. Mihi verò tua scripta, vt censeo, tutò reddentur, si ea ad me perferenda dabis, viro illi græcè, ac Latine omnis linguæ excitatori, rectius fortasse dixerim illustratori, & literatissimo præceptorì quondam meo, nunc verò per ætatem patri meo Guarino Veronensi, qui tamen & ipse non est mihi præceptor, etiam nunc, sed honestioris rei, meliorisque doctrinæ, vt Firmianus Demetrianus hæcenus extitit: namis est, *qui me in literis Græcis, & Latinis linguam tantum instruētibz auditorem, alioquin non satis*

*strenuum in adolescentia habuit* (9) Nunc verò illum ego in Diuinis peccus erudientibus possideo directorem: vt quæ in quotidiana prædicatione habeo à Sanctis Ecclesiæ viris, vt dicam bona, à Guarino tributum, est vt fortasse benè, atque aptè dicantur; vtrumque tamen à Deo est, cui debemus ingentes gratias, quas illi etsi non dicimus, etsi non rependimus, dignas saltem vel habeamus, & tu interim vale, flagitor enim vehementer finem à tabellarijs. Iterum vale ex Ferraria vj. Kalen. Februarias 1433.

## N O T A E.

## Nota I.

*Cum ex Urbino.* Hic narrat ordinem locorum, ex quibus in itinere scribebat, Vrbium, Ariminum, Lombardiam: vbi Ferrariæ hanc tandem scripsit: Quem locorum ordinem si cum ordine dierum quibus literas huius 1433. anni numero signatas dedit, conferre voluerimus, inueniemus eas, quas Urbini 22. Octobris, & quas Arimini postea dedit, præsentibus, quas Ferrariæ 6. Kal. Februarij scripsit, priores esse, cum tamen omnibus idem annus subscriptus sit, vnde Ianuarium, Februarium, & Martium vsque ad huius 25. diem, non anno nobis incipienti sed desinenti adscribere, & annum à Christi Incarnatione, seu Virginis Annunciatione suo more computare.

## Nota II.

*Valetudinem meam.* Non à peste Cortonensi iam dudum depulsa, sed ab ægrotatione Urbinate, de qua nuper questus est Epist. 22.

## Nota III.

*De Biblia illa, quam.* Acui tunc vsus admittebat, vt dicerent Bibliam Chronicam, & similia, sed hunc barbarismum credo magis Librarij ruditate, quam authoris nostri ignorantia irrepisse.

## Nota IV.

*In nostram Etruriam, & mox in altera qualibet nostre patrie Ciuitatum.* Vbi Etruriam patriam suam, vt Nicolo, & Bernardino communem clarissimè vocat.

## Nota V.

*Quamquam diligentissimè quasiuerimus.* Eam curam libros veteres inquirendi, à Cosmo Mediceo inter alios Alberto, & Bernardino incubuisse hæc epistola nos docet, & contestatur Augustinus Florentinus in vita Ambrosij Camaldulensis cap. 4. Huc accessit & Clarissimorum Theologorum studium, qui Quadragesimali tempore prouincias

cias adentes, ac lustrantes prædicationis gratia, eandem operam magnæ soliciendine nauauerunt: velut Mathæus Viterbiensis, Antonius Massonus, Andreas Ariminensis, Thomas Serezanensis, Franciscus Pistorienſis, Albertus, Bernardinus, & præterea multi, de quibus Ambrosius frequenter suis in Epistolis mentionem facit.

## Nota VI.

*Idest nostri Dei, atque hominis Christi.* *Nostri*, non autem *non*, vt quidam mendosè. Si enim Albertus dixisset, non Dei postea iungeret, sed Angeli, aut quid simile, & reliqua, quæ affirmat, debuisset negare, deinde diceret, non ingerit, non irrorat, non docet. Si verò dicamus *nostri* iam filium Dei Patri consubstantialem in forma Christi Dei & hominis in fornace, cum pueris comparuisse tenet, de quo vide Cornel. à lapide in illum locum Danielis, vbi plures interpretes in eum sensum citat.

## Nota VII.

*Ob angustias.* Calumnia conturbat sapientem. Existimo ergo has Nicolai angustias natas fuisse ex inuectiua à nobis ante indicata, quam in eum, aliorum testimonijs immeritum, pro

illius xui facilitate conscripsit Franciscus Philadelphus, vt proinde illum in hac Epistola tam prolixè laudet, ac tam robustè confortet pro officio amici Albertus noster.

## Nota VIII.

*De laude poenitentiae accepit.*

Quod nos ante comparatis huius opusculi, & Epistolarum clausulis inquirebamus, hic iam vltro, & patenter occurrit; secundum scilicet libellum ad Nicolaum ab Alberto missum, fuisse illam orationem de laudibus poenitentiae, vnde firmanetur cætera, quæ ibi subintulimus.

## Nota IX.

*Quime in literis eorum Græcis, eorum Latinis auditorem in adolescentia habuit.* Si Guarinus Albertum adolescentem in Græcis, & Latinis auditorem habuit, iam constat, quod ante diximus, in neutra lingua ignarum eum fuisse quando 37. ætatis anno, iam vir ad hunc præceptorem audiendum Veronam iuit, vt scilicet quæ tam ab ipso, quàm à Chrysolora, vel alijs in adolescentia didicit, ea maturo iudicio vir, Guarini præceptis, & consuetudine limaret, solidaretque.

## EPISTOLA XXVI.

PAVLO VLTERRANO.

ARGVMENTVM.

*Excusat non peractam rem sibi commendatam.*

**R**edeunt nunc mihi ex publica concione, quam ex more, vt scis, quotidie ad Christianos populos habere solemus,

homo; vt mihi quidem videtur, rus incolens, tuæ paternitatis literas ad me attulit, per quas flagitas hoc ipsum, quod per alteras tuas ante non

multos dies instantissimè postulaueras, agi scilicet mea solertia apud Maiores nostros tuum negotium, cuius gerendi desiderio, mi Parens optime, fateor frustra laboras. Excesserat enim, atque abierat nostri ordinis Generalis, tū cum primas ad me tuas misisti. Itaque, quod ad te hucusque non scripsi, non negligentiae, sed desperationis tuae

consequendae cupiditatis fuisse existimes. Quod verò illas, quas tibi postulasti impetrari, literas ad te nec misi, nec impetraui, non praetermissi officii excusatione defenditur; sed tu hoc eorum absentiae, qui satis tibi facere poterant assignabis. Vale, & pro me ora. Ex Ferraria Idibus Febr. 1433.

## EPISTOLA XXVII.

MARCHIONI FERRARIENSI  
CREDENTIALES.

**C**hrisiane Princeps, pax Christi tecum Amen. Harum, mearum baui, & meae Religionis charissimi fratres, ad tuam humanitatem à me missi proficiscuntur, quaedam, quae sum necessaria, arbitratus, meo nomine tibi dicturi.

His igitur tutè quantum Principis clementia postulat, & pias aures, & solidam fidem adhibere, & liberam consensionem non dedignaberis: ac per eosdem minime mihi respondere grauaberis. Vale ex Ferraria 4. Idus Aprilis 1434.

## EPISTOLA XXVIII.

GASPARI CORNELIO.

ARGUMENTVM.

*A Gaspare pluribus literis ad partes Venetas accitus, speque fructus concitatus, messemque falci Euangelicae maturam prospiciens, dat spem se quamprimum Patauium accessurum.*

**C**VM tua beneuolentissimae charitatis ardore prouocatus, tum verò maximè, ac multo magis, magna quadam spe futuri in istis Regionibus fructus incensus,

tandem aliquando eo, quò postulas, appropinquare constitui, vt & tibi suauissimo, atque amicissimo homini moreni gessisse videar, qui tuis consilijs, iam per ternas tuas literas hoc

hoc mihi persuadere conatus es ; & vineam Christi, vt agrum Domini- cum, pro modulo nostro, in prædictis Regionibus excoluisse lætemur: quas quidem magna cum lætitia audio, non modo ob ingentem expectationem seminis auidas, verum etiam ob bonæ voluntatis cupiditatem fructibus ingrauescere: adeò vt maturarum vuarum profluentissimo musto libandus, immò verò inebriandus quilibet Sanctus Prædicator rectè quidem speretur, & segetum vberitate, ac si fructu cumulatilimo saturabundus. Quoniam ergo maturæ sunt vux vinearum botri Diuini, verbi falce secandi sunt: quia verò regiones albæ sunt ad messem, iuxta Euangelicum institutum. *Rogandus est Dominus messis, vt mittat opera-*

*rios in messem suam; quoniam messis quidem multa, operarij autem pauci.* Roga ergo, mi frater optime, vt qui messes, & operarios tua bonitate, non nostra iniquitate, creauit, me vnum, & fidelem dispensatorem, & idoneum Ministrum noui testamenti, non litera, sed spiritu, eadem illum sua bonitate prouocante efficiat; quo grandes ipsius fruges ad horrea illius, & grana solida, idest mansuros fructus, quemadmodum suis discipulis repromisit, verissimè, ac fidelissimè asseramus, si nihil aliud intercesserit, quod nostro proposito aduersetur, credo me quamprimum Patauium profecturum. Vale ex Ferratia Idibus Aprilis 1434.

## E P I S T O L A XXIX.

NICOLA O NICOLI.

## A R G V M E N T V M.

*Nicolaum incusat omisæ responsionis ad priores suas: silentij causas latius discutit, dolet se ea, quæ scripsit oris presentia, & viua voce persuadere non posse, quæ quantum ad persuadendum præstat scripturæ, eruditè docet.*

**S**atis diù miratus sum, Nicolae charissime, quam ob causam, neque mihi, neque imprimis Guarino nostro tibi mecum scribenti, vnquam responderis, quorum vterq; pari quidem amore, vt cenfeo, & si non pari eruditione, qua me ille longius antecellit, te consolatus est. Et quidem, quantum ad me attinet, cur mihi responsum non sit abs te, præsertim qui nihil in officio reipon-

dendi negligere soles, satis apud me elucet, quod scilicet aut nostræ literæ tibi redditæ non sint, aut in eis ipsis te virum eruditum quicquam ineptiarum mearum offenderit, aut denique tibi ipsi tot pondera molestiarum succreuerint, vt neque tempus, neque voluntas, immò verò neque tua infirmitas facultatem tibi respondendi suppeditauerit. Hæc omnia, mea quidem sententia, in-

cauſam venire potuerunt . Sed tamen illud primum ego in dubium verto , alterum verò diſtinguo : poſtremum autem penè affirmo . Nam fieri prorsus poteſt , vt iniqui tabellarij literas meas haudquaquam ad te pertulerint . Hoc enim peccatum frequenter , & fecerunt , & faciunt , niſi ſpes præmij negligentiam illis ademerit . At verò ſi te quippiam in noſtris literis mouerit , id non ſatis diſcerno , niſi aut longitudo , quam tu tamen ſemper deſideras , tædium tibi intulerit , aut eloquendi ruſticitas , quod magis eſtimo , tibi fecerit nauſeam : vbi neque lepos vllus te oblectauit , neque ſententiarum quæuis grauitas tenuit , neque vis vlla dicendi accendit , permouit , impetrauit : verum tu hic mihi reſpondeas velim , cum noſtræ literæ , ſemper quidem , & his ornamentis , & hortamentis , & monumentis caruerint , quid ſibi vult , vt nunquam alias non reſponderis , nunc verò ne verbum quidem reſponderis ? proſecto aliquid afferas oportet . Itaque ad tertium illud me conſero , in quo mihi penè facilimè perſuadeo , tantis te ſiue animi angoribus premi , ſiue corporis moleſtijs vexari , ſiue facultatum penuria cruciari , nihil vt te amicorum affectiones permoueant , nihil eorum te literæ iuuent , aut moleſtia leuent , aut perturbationi ſuccurrant , aut quod vltimum eſt , periculofis deſperationibus liberent . Super'eſſet igitur , vt te ore , non iam literis ex amicis aliquis conueniret , cui proſecto ori à natura hoc excellentius datum eſt , vt quæ mandata literis nihil ferè ſæpe ſentimus , eadem ore erudito , & peſtore ardenti expreſſa mirum in modum torquentes excitent , aſſiſtos conſolentur , aduerſos

concilient , remiſſos prouocent , ignavos animent , frigidofque accendant . Quæ , cum ita ſe habeant , malletm equidem me me ad præſentiam tuam conſuliſſe , vt eſſem hæc ipſa , quæ ad te ſcribo , ore dicturus , quàm calamo nunc ea dicturus . Scio enim , mi Nicolæ , ſcio , ac frequenter expertus ſum , multo vehementius , omni quidem tempore omne hominum genus , & perſuaſum eſſe , & perſuaſum iri , ad rectæ vitæ quælibet peragenda , ne dicam ſceleſta abijcienda , ſi verbo potiùs conueniatur , quam ſi etiam ſcripto fortiffimè reuincatur : quod quidem veriſſima illa veterum ſententia perſpicuum ſit , qua ſcriptorum quidem mortuas , dictorum autem viuas voces ſapienter , ac verè vocamus . *Neque enim Græca illæ percunctatio* (1) peperit ſcriptionem in oratore eſſe præcipuam : ſed primum , idemque ſummum pronunciationi tribuit , quæ ſine voce fieri nequit , non ſemel , ſed iterum audacter profeſſa eſt . Sed quoniam pro negotijs vrgentibus nunc non ſe præbet ocaſio , vt te quemadmodum opto , reuiſam ; agam hoc , ac libens , quod modo vetor , cum ad horam congruentiſſimam ventum fuerit , quæ celerius , vt ſpero , ſedabit . Interim nobiſcum bene agitur , ſi quod corpore , atque voce , ideſt communibus aſpectibus , mutuiſque alloquijs implere non poſſumus , frequentium Epistoſarum officio compenſemus *XIII. Kal. Ma-* *ias* (2) Ferrara decedens , poſt longam illic , & gratam , Deoque faciente , communem omnibus in verbo Dei ſaluberrimam moram , Patavium Chriſto Duee prædicaturus accedam , vt cis ſicut & cæteris ,  
non



non iam gentibus ; sed Christianis hominibus , quod minoris operis , aliquid gratiæ spiritualis impertiar . Eo celerius ad me literas dabis tuæ

in me bencvolentia signa , tuæque prosperæ valetudinis testimonium , dulcissimis apicibus perloquentes . Vale ex Ferraria X. Kal. Maias .

## N O T A E .

## Nota I.

*Neque enim greca illa percunctatio.* Hæc percunctatio , & eius responso Latinè profertur apud Stobæum lib. 4. Apophteg. Demosthenis pagin. 190. n. 19. his verbis : cuidam percunctanti , quid esset in eloquentia præcipuum , respondit ; Hypocrasis , hoc est actio : roganti quid proximum , respondit actio : roganti quid tertium , nihil aliud respondit quam actio : tantum tribuens pronuntiationi , ut in eorum situm existimaret . Eam verò Albertus græcam vocat , quia inter Demosthenem Græcum , & illum quendam fuisse fertur .

## Nota II.

*XIII. Kal. Maias .* Librarij mendum existimo . Quomodo enim conveniunt , quod XIII. Kal. se Ferraria discedere affirmet , si X. Kal. idest triduo post literas Ferrariæ consignet . Mutandum ergo numerum puto , & primo loco scribendum X. Kalend. secundo verò XIII. ita ut Epistolam dederit XIII. affirmans se X. idest post triduum abiturum , vel die , si malueris , iuxta Ephemeridem sequentis epistolæ , hanc scriptam fuisse Ferrariæ XIII. Kal. sed X. Kal. Rodigio simul cum sequenti missam , atque hunc diem in fine notatum fuisse : quod tamen cum illis verbis *Vale ex Ferraria* non bene cohercet .

## S C H O L I O N .

Cum hanc , 22. & 25. Epistolam inueniamus à B. Alberto scriptam ad Nicolum , primam quidem annò 1433. secundam 1434. licet subscribatur 1433. secundum veterem modum computandi sæpius animaduersum , ut & hanc ipsam eodem anno 1434. ut colligitur ex circumstantijs , corrigendum venit , quod ex Pocciantio supra relatum Epist. 20. Not. 3. Nicolum videlicet mortuum Pridie nonas Februarij anno 1430. cum ex 25. constet eum 1433. vel 1434. ad B. Albertum literas dedisse , & hanc ad eum eodem anno x. kal. Maij Ferraria dederit B. Albertus , quod non fecisset , si Pridie nonas Februarij Florentiæ mortuus esset Nicolaus ( ut refert Pocciantius ) ex loco enim tam vicino mortem eius debuisset intelligere . Vnde in sequentem 1435. vel posteriorem aliquem annum mors eius coniicienda est , vel certè dicendum erit , hunc esse alium Nicolaum Nicolum ab eo , de quo Pocciantius , & ad quem priores ante has tres literas dedit B. Albertus , pro quo fundamentum non inuenio ; quin potius eundem esse , Epistola 25. indicat , eius studia , magnam lectionem , diligentiam in libris inquirendis , & instruenda Bibliotheca commemorans , ut de Nicolao refert Pocciantius . Nec de alio Nicolao Florentino illius æui inuenitur memoria ; dicendum ergo arbitror , vel præli mendum irrepisse , vel Pocciantium in annorum numero lapsum esse .

## EPISTOLA XXX.

FRANCISCO, MARESCALCO, (1)  
& PHILIPPO BENDEDEO.

## ARGUMENTVM.

*Pridianum discursum suum cum Francisco Marescalco, & Philippo Bendedeo, ad quos scribit, repetit de grauitate sententiarum Sanctorum Ecclesie virorum, & vana quorundam sui temporis verborum venatione, idque in leuibus, turpibusque argumentis: nominatim verò de libello inscripto Hermaphrodito Anton. Panormitani, contra quem, si illi duo amici vellet, ut Albertus aliquid scriberet; quod instanter exposcebant, petit, ut Antonij ad Poggium, & Poggij ad Antonium de hac re literas ad se mitterent, ut ex altero coarguendi, ex altero reuincendi materiam sumat.*

**N**Vdiuertius cum post exaturatam, vel potius refectam inediam, in cœna vestræ dilectionis pariter commeantes, & molesto quidem, quantum ad popularis auræ contemptum, turbulentæ vulgi impetu septi; sed quod ad charitatis laudem atinet pia Christianorum frequentia inuicem comitati essemus, de inanibus nostri temporis scriptoribus, in itinere, Philippo nos paulum præcedente, mi Francisce, simul fabulari collibuit in ea comparatione Sanctorum quam fecimus ad istos profectò indignam, quandoquidem Sanctos Ecclesie viros, & veræ sapientiæ sectatores, diximus sententiarum potius pondus, quam verborum sonitum esse sequutos.

Istos verò contra, qui sapientiam profitentur, præter elaborata, præter turgida, præter expolita, & ut ita dixerim, emendicata verba, totum esse inane, ieiunum, exangue, quod

dicunt; nec neruos, aut lacertos, nec dum Christianos, vel ut nouum nomen excudam, Philosophos, sed nec oratorios quidem habens. Quippe qui nihil præclarum, nihil sanctum, nihil graue, nihil virile scriptitant, quod aut decoris, idest honesti, aut Religionis, aut sapientiæ, aut intenti ad virtutem animi, aliquid afferat. Sed nunc viles causas, quod est ignobilis, nunc nullas, quod est vel cauti, vel ignaui, nunc postremò turpes, quod est corrupti hominis (2) frequenter assumunt.

Hæc sanè dicebamus errori hominum superborum condolentes; non autem detrahentes doctrinæ, quam non habent indocti, & habere aspernantur ad doctis, nec infirmantes sapientiam cruditorum, qui saltem, quod nesciunt, à quibusuis, siue eloquentibus, siue impolitis, nec studioso labore ediscere erubescunt, nec laborioso sudore per se se eruere ex illorum libris saltidiunt, siue

insuauibus, siue suauibus, dummodo ipsa veritate pascantur, atque à tenebris ignorantie liberentur, & in ipso vero, quod assecuti fuerint, conquiescant.

Cumque & hæc, & pleraque istiusmodi morbi colloqueremur, in *sceleratissimi libelli* (3) Hermaphroditi, nec minus perditu illius authoris, nisi respicerit, mentionem incidimus: quem ut citius coarguerem, et si res postularet, confutando reuincerem, me vehementer, & sæpe hortatus es, hoc vel maximo argumento tua dicta confirmans, ne non solum, si tacuerimus, scribentis stultitia perspicua non fiat, cum satis, superque per sese pateat (4) sed quod est grauioris iacturæ, ne ipsa nostri temporis iuuentus indomita, cui per ætatem prona in pericula via est, amplius, ac desperatius corrumpatur; cum certò sciamus, absque huius detestabilis authoris incitamentis ad luxuriam, eamque fixam, atque inhumanam, in ea pubescentis adolescentiæ ætate campus vitiorum quam latè pateat, quamue adolescentium conditio magnis exposita periculis nutet.

Addidisti præterea, te non iniuria, me in ista congressione hortari, cuius nihil, neque vtilius, neque sanctius interesse existimares; quam si hoc munus susciperem, quoniam pro religione nulla sanè pars honestatis me magis deceret, quam omnium salutem consulere; nec minoris emolumenti apud te esse, si ad compescendum hunc procacem aliquid temporis triuero, quam si quotidie populis Christianis, genere quodam peruagato dicendi, omnem disciplinam honestandæ vitæ, morumque probitatem, atque virtutis magistelle-

rium omne præcepero: præsertim verò, cum non desint alij Ecclesiæ viri, quamuis ad messem perpauci sint, qui in iracundos, cupidos, libidinosos, blasphemos, irreligiosos, proteruos, ac reliqua vitiorum genera in dies inuehantur, & percontent. Hunc verò nullus, maximè ex sæculi hominibus, pulsare præsumat, vel vocare in ius audeat, verentibus, vel putidam linguam eius, vel ob ignauiam torpentibus, vel fortasse suis ipsorum vitij adulantibus: Nos autem nequaquam calumnias improborum timere debeamus, pro veritate certantes, cum sciamus, & verè, & eleganter dictum apud Hieronymum: *non minoris esse peccati sequi malum, quod bonum putaueris, quam non audere defendere quod bonum pro certo noueris* (5) cum igitur exploratam, ac certissimam habeamus pudicitie honestatem, fæditatemque luxuriæ non minus compertam, alteram impugnare, expugnare, & oppugnare, alteram tueri, laudare, & colere, præclare aiebas esse virtutis.

Ego verò, Franciscè, pro his omnibus tibi respondi, non inimici more, sed diligentis Christiani amore agendum, cum eo mihi prius videri, idest ut ante parentis affectu admoneretur; deinde irascentis ludicis asperitate deterreretur, ut sicut periti medici facere solent, primum turgidum vulnus oleo liniamus, ac tum deinde ferro secemus, ne nimia misericordia virus putridi membri totum corpus inficiat. Hoc enim magis ad nos spectare, piissimum, in Hierosolymitam Samaritanum ardore fidei imitantes, qui vini asperitatem lenissimo misericordie oleo temperauit.

Quoniam igitur nunc mihi quidem, non furor ille poeticus, siue in bonam, siue in alteram partem interpretari malueris, sed ipsa mentis tranquillitas liberata parumper in hoc locelli à tumultuantium strepitu populorum, ipseque in primis Christus Dominus noster occasionem præbuit in hoc otio aliquid tranquillius, quietiusque dictandi, obsecro vos, mi Franciscè, ac Philippe, ut si aliquid vultis me scribere, antequam ingens laborum annus, ad

frequentiores, & doctiores homines prædicandi me premat, illas epistolas, quas Poggius, & Panormita ad se inuicem scribunt diligentissimè perscriptas ad me mittere nihilo differatis: quoniam ex altero, quamuis tenuiter arguente, coarguendi; ex altero verò, quamuis insipienter respondente reuincendi nonnullam materiam sentio aptissimè mihi præberi. Valete mei fratres in Domino suauissimi: *ex Rodigio* (10) X. Kal. Maias 1434.

N O T A E.

Nota I.

*Francisco Marefcalco, & Philippo Benededeo.* Quinam isti fuerunt Alberto nostro tam amici, ut fratres in Christo charissimos vocet? Ferrariz fuisse suspicor, à qua Rodigium, vbi Epistola scripta fuit, viginti quinque dumtaxat P. M. distat, pios profectò, & eruditos fuisse discursus, quem cum Alberto habuerunt, argumentum ostendit.

Nota II.

*Quod est corrupti hominis, & infra, perdit illius auctoris nisi respiciuerit.* Hinc Poggins ad Panormitanum, quod in Alberti vita scripsimus, ne, inquit, arguatur vita impura, libelli obscenitate. Et ipsa veritas Christus Deus noster: ex operibus, inquit, eorum cognoscetis eos.

Nota III.

*Sceleratissimi libelli.* De hoc factis diximus in vita Alberti.

Nota IV.

- Cum satis superque per se patiant. Vide supra Epist. 21. Not. 4. vbi turpia detexisse reprobasse est, ut

enim pulchra solo sui aspectu delectant; ita turpia horrorem sui pariunt, & qui de istis verecundiusculè loquuntur, figuris, & enigmatibus ea cohonestare satagunt. Immo ipse imprudentissimus Dæmon aliquem decepturus, se varijs aliarum rerum formis obteggit, & aliquando in Angelum lucis conuertit, & ut Cyprianus loquitur. *Ita Diabolus artifex, quia idololatriam per se nudam sciebat horreri, spectaculis miscuit, ut per voluptatem possit amari: omnis turpitudine tenebras quærit, & qui malè agit, odit lucem, si vel impudentissimus, vel furibundus haberi nolit.*

Nota V.

*Non minoris esse peccati, sequi malum quod bonum putaueris, quam non audere defendere quod bonum pro certo noueris.* Hæc verba, ut hoc loco allata, apud Hieronymum non reperio: sed author fortassis alludit ad sensum Hieronymi in illa verba psalm. 33. tom. 3. *Diuerse à malo, & fac bonum, vbi sic loquitur: Hoc est destruere vitia, & edificare virtutes: nihil prodest, si destruis, & non edificas, hoc est si destruis vitia, & non edificas virtutes. Ac si dicat. Quis est homo, qui sine his velit vitam, quia*

*in eo nullum bonum est, qui nullum malum destruit: voluit enim Marescalcus persuadere Alberto, non magis ad ipsum pertinere, vt alijs prædicando ædificet virtutes, quam vt Hermaphroditi libellum oppugnando destruat vitia.*

## Nota VI.

*Ex Rodigio.* Alij cum aspiratione Rhodigium vocant, & Vernaculè Ro-

uigo, estque oppidum ditionis Venetæ 25. vt dixi- M. P. à Ferrara distans sedes Arienſis Episcopi, & viri doctissimi Coelij Rodigini, ac Bartholomæi Rouerellæ Rauennatium Archiepiscopi patria. De eo agunt Leander Albertus in Romanulæ pag. edit. Latinz 543. Ferrerius in lexico geographico pag. 628, & Io. Bapt. Pigna in historia Principum Estensium lib. 2. pag. 114.

## EPISTOLA XXXI.

BONAVENTURÆ VENETO.

ARGVMENTVM.

*Eum ad se Paduam venire rogat.*

**V**ellem te, chare frater, pro communi vtilitate nostræ Reipublicæ Christianæ, paulum alloqui: sed cum mihi ob quotidianas occupationes, te adeundi facultas minimè detur, restat, vt pro tua humanitate te te ad nos visendos huc Paduam quamprimum transferre,

non dedigneris, tanto hilarius, quanto tardius: iam enim 12. anni penè elapsi sunt, quibus ad inuicem rusticati, nec præsentia, nec literis nos alterutrum, vel obliiti, vel ingrati, conuenimus. Vale ex Padua, v. Non. Maias 1434.

## EPISTOLA XXXII.

FRANCISCO MARESCALCO.

ARGVMENTVM.

*Nuperas preces repetit.*

**S**cripsi ad te nuper, & ad Philippum nostrum communes literas, rogans instantius, quo mihi satis de quibusdam Epistolis Poggij, & Panormitæ, quas ad se inuicem scriptitarunt, actutum facere deberetis. Id ipsum nunc à te peto, immò vos ambos postulo,

ne me ex illarum carentia ab scribendo, quæ tecum in itinere proposueram, diutius retardetis, nec ob dilationem mihi obsequendi, apud me in sugillationem negligentie veniat, quos semper diligentissimos existimaui. Vale in Christo Iesu, ac pro me ora. Ex Patauio Non. Maijs 1434.

H h

EPI-

## EPISTOLA XXXIII.

PHILIPPO BENDEDEO.

## ARGVMENTVM.

*Tenerum Bendedei in se affectum Albertus grauiter, & amcenè perpendit. Philippi nominis interpretationem in Bendedei laudem conuertit, laudesque ab eo sibi tributas deprimit, & sibi non conuenire, doctè declarat, & quæ deceant modestè admittit. Quæ mala hyperbolice laudes, laudanti sequantur, exponit. Guarinum in Panormitanum prouocat, salutet amicos.*

**A**Ccepi nuper & tuas, & meas, & aliorum, vt abs te volebam, literas. Sed in tuis cum omnia me magna incunditate affecerint, præter laudes meas, tum vel maximè hæc me de te præcipuè oblectarunt: summa animi tui gratificatio, paritas eloquij, aperta sinceritas, ardor viuax dicendi, extricata sententiæ, atque, quod est longè præstantius, erga amicum affectus tener, si dici liceat, plusquam maternus, immò vt aptè loquar quod sentio, amor in me tuus, sine vitio zelotypus, plusquam vxorius. Quid enim aliud rectè dixerim, nisi Philippe dulcissime, cum tu ad paruam absentiam literarum inuearum, vt verbis tuis vtar, fueris inquietus, subiratus, tristis, excruciatu hæleris, tacueris, frontem rugaueris, contraque exultantem te, & visceribus ipsis commotum, superbiola quadam elatum, & pro ipsis literis gloriosum, vt scribis, effecerit. Quæ omnia equidem rectè interpreteror, idest amicè ab te facta, & vnde tibi tristitia obrepfit, inde mihi risus obortus est, quemadmo-

dum & tibi ipsi, & cæteris amicis accidisse perscribis, quibus ego, vt optas dulciter, sobriè, lubenterque corrodeo, & te (si meo amori accedere quicquam erga te possit) ob hoc ardentius diligo, tuoque vulnèri adeò promptus subuenio, quamuis non rectè vulnus dixerim, in Christianum hominem Christiani hominis Christianum amorem, nisi fortè eo sensu dicatur, quo Sponsa Christi, ac fidelium mater Ecclesia, in Canticis queritur dicens: *vulnerata charitate ego sum*: quod in bonam partem intelligi oportere, nemo est sanus, qui nesciat. Neque enim charitas mala vulnera efficit; alioquin non rectè dicitur ab Apostolo. *Charitas non agit perperam*. Huic ergo sancto vulnèri tuo, adeò, inquam, promptus subuenio, vt qui mea occasione illud acceperas, quando ad ambos, te dico ac Franciscum, scripseram, mea item opera nunc cureris, quando ad te singulum tantummodo scribo; nisi forte mihi cautius providendum quisquam putauerit, ne qui ambobus tunc scribens, te in fratrem, & socium ad inui-

inuidiam concitaueram, dum nunc te solum conolor, ille se derelictum iustissimè causetur: sed hoc periculo facilè liberabor, si, vt volo, ac peto, hoc agetis, vt & communes sigillatim, contraque sigillatim communes, semper ad vos literas æstimetis. O sanctum amorem, ò castam dilectionem erga me tuam! verè profectò nomen congruens tuis moribus sacro de fonte, parentum pietate, traxisti; at verò virtute vicisti, adeò vt non iam quia amator sis equorum, sed quia obseruantissimus Christi præcipuorum Prædicatorum, qui equorum nomine in scripturis sanctis significantur, iustissime Philip- pus dicaris. Neque hoc dico quia veteribus, aut vita, aut doctrina re ipsa sim comparandus. Sed quia, tu mihi ea opinione, ea existimatione, ac veneratione loquaris: tanquam si vnus è Patribus, sancti- monia, atque eruditione præclarus insigniter euasissem. Quod ego prorsus laudis genus reijcio: ob idque maxime in ipso huius Epistolæ nostræ principio dixi: tuarum litterarum magna iucunditate me omnia, affecisse, præter laudes meas, in quibus omnibus, pace tua dixerim, tuo vitio parum inepte dicta attribues, qui ausus sis, me homunculum imperitum, qui vix scripturas sacras, pene dixerim, adhuc totas diligenter perlegi, & sacrarum litterarum interpretem, & Euangelicæ legis tubam, licentiùs, faciliùs, ne dicam leuiùs, nominare. Nam si quidam Philosophi in humanis rebus disserendis longe acutissimi, quamuis ventositate vanissimi, comperta ignorantia sua, duce tamen ratione, & veritate è schola sua, vsque adeò elatum, & iactans nomen sapien-

tiz pepulerunt; vt se Philosophos, idest sapientiæ amatores quam sapientes appellare maluerint; quanto magis ego tardissimus, imperitissimus, insandissimus, qui scripturas sacras, vt dixi, iterumque, & iterum dicam, vix adhuc totas perlegi, & oratorias primis penè labris, Guarino nostro præceptore doctissimo, in adolescentia paululum parum attingi, oblatam eiusmodi abs te laudem, non quidem malevolentia, sed amoris errore à me explodam, præsertim tam summam, atque in scripturis Diuinis: quarum non dicam me, qui nihil sum, sed præter Apostolos, quibus ad eas intelligendas apertum esse sensum à resurgente Domino, Lucas Euangelista testatur, plenam intelligentiam habuisse neminem credo. Ac ne nimia hoc humilitate dictum existimes, fateor equidem, me in Christiana lege meditanda versari, illam tenere cupere, & vt quicquam ex illa eriam aliquando conari, atque eam velle in dies multo magis veraciter intelligere; ac tum demum, vt mea mediocritas tulerit, Christianis populis sapius pro animarum charitate, quod tantillum intelligimus, enodare. Ex quo fit, sapienter quidem, quantum arbitror, vt neque sicut Aquila, arcana contemplaturus, super altitudinem nubium me substolam, ne superbus ad ima periculosus detrahar, neque vt talpa per ipsum solum irrepturus terræ latebris, omni quidem tempore hæream: neque postremò vt noctuam, meæcæcum confitear, quæ tenebras diligit, osa lucem. Ita verò quodam loco & noster Hieronymus ait, *ut mihi excelsa non vendico, ita terre herentia me supergredi posse credo*. Cuius



forte elegans dictum mihi superbus arrogauerim. Verum tu amicè cuncta accipies, atque ad me suauissimas literas tuas dabis, ad amicitiam conferuandam sane frequentiores: sed ad paruitatem meam extolendam temperiores, castigationes, grauiores. Quod si continere te non poteris, amoris intemperantia, audacter dixerim, mallem nullas, ne forte aut te adulatio blandientis linguæ, aut me elatio prurientis auris, aliquando tandem leuius ventilaucrit, aut utrosque esca illectos inanis rumoris aura, ut quidam è Patribus ait, in quaslibet inuehat voragines flagitiorum, siue in facinorum, etiam saxa collidat. Vale incolumis, ac mei memor, suauissime Frater. Atque illustri Leonello Principi me commendes, quem magis amo, quam dicere queam. Ad ipsum cum ero quietior diligentius exarabo, non vnâ epistolam, sed fortasse libellum. Apud communem verò

præceptorem nostrum Guarinum, idem mihi officium prorsus efficies, quem digno quidem præceptoris honore meo nomine admoneris, non esse & illa penitus negligenda, quæ in Hermaphroditum librum, non modo maledicum, verum, etiam putidicum simul aliquando contulimus, si famam suam velit tueri, quæ hic à plerisque sanè literarum studiosis, nec meo iudicio contemnendis pro sua epistola satis carpitur: si quod mihi se facturum pollicitus est, ut peto, & oro, dicabit, fac ad nos copia literarum, perueniat, cum aliquid præclarum ediderit. Franciscum Barbarum humanissimum his adiunges, qui cordis mei altissimo loco quiescit, quiq; extremam hic pagellam complere, videatur. Iterum vale, & amicos salutandos expressos puta, eosque, saluta in osculo sancto. Ex Patauio XV. Kal. Iunij 1434.

## EPISTOLA XXXIV.

LEONELLO ESTENSI PRINCIPI.

### ARGUMENTVM.

*Persuasit Albertus Nicolao III. Estensi, Marchioni Ferrariae, ut legem sanciret contra superfluas caudas vestis mulierum. Post absens variorum ore percepit illam legem abrogatam esse, alijs dicentibus confirmatam potius. Ille, facti dubius, ad Leonellum Principem, qui absente Patre gubernabat, scripta hac epistola, abrogationis primi decreti incommoda, & confirmationis dignitatem exponit: rogatque, ut pro Patris, ac suo honore tuendo, proque Ferrariensis, aliorumque populorum utilitate, primum decretum ratum, firmumque velit.*

**C**œpi iam pridem ad te scribere, non epistolam, sed libellum (1) quem adhuc habeo in

manibus, nec mihi illum pro angustia temporis vacat explere, cogentibus adco occupationibus quotidianis.

tidianarum prædicationum, quas ex more, ut scis, ad Christianos populos habere solemus, ut quæ me delectant studia privata, muneribus publicis intermissa conspiciam. Itaque cum necdum completum opus mittere possim; nolui tamen ad te scribere nihil, sed quod nequeo longis epistolis, agam brevibus schedulis, tuque vicissim paucis, cum multis non poteris, me scriptis tuis suavisimis, atque charissimis consolabere.

Mallet tamen rebus, quam verbis, satis meo desiderio per te fieri, quod quidem & ipsum fateor ardentissimum: nihil sane neque expetit, neque petit abste Principe nobilissimo, nisi pro te ipso primum omnem sanctimoniam puritatem, nitorem morum, & tui tuendi nominis, conservandæque famæ omnia præclara præsidia. Pro tuo autem populo institutiones sanctissimas conservari, & novas, quoad per te fieri potest, quotidie augeri, quibus & fræna perditis adhibeantur, & bonis ad virtutem aditus latissime pateat.

Hæc idcirco dixerim, quoniam ad me nuper, nescio quis rumor, utinam inanis, attulerit eas leges, quas dixeras caudarias, à Patre tuo, ut aiunt, muliebri importunitate devicto, ante suæ peregrinationis profectiorem abrogatas fuisse; alij verò contra, tanta illum dicunt constantia in sententia perstitisse, ut quantumlibet nobilibus viris pro fæminis suadentibus, ne ad horam quidem in hoc dedecus, non modo fæditatis, sed leuitatis assentiri voluerit: sitamen aut nobiles aut viri habendi sunt, qui ad leuitatem fæmineam satiandam, ab honestorum

morum firmitate desciverint. Addunt quoque plerique, quod præclaræ quidem virtutis est, eum quem dixi, Patrem tuum non iam amplius supplicantium muliercularum molestias ferre valentem, tandem & viris, & mulieribus aduersantibus respondisse: si quæ est mulier, quæ se malam haberi velit; aut si quis est maritus, qui malit scortum suam coniugem, quam uxorem putari, ijs caudas dumtaxat ferre concedimus: cæteras verò, & graues, & honestas matronas portare caudas prohibemus, etiam edicto publico; quippe quas etiam statutz iam per nos poenæ subijci volumus; si secus quam statuerimus, facere ausæ fuerint.

O verè præclaram vocem, & Christiano Principe dignam, quæ viros effæminatos perculit, & muliebrem repulit impudentiam, quæ stabilis sententiæ latæ firmitatem ostendit. Immo grauis animi testimonium, & ad reliquos æmulanda virtutis exempla transmisit. Quale enim esset, mi Leonelle charissime, ut lex heri lata hodie abrogaretur: nonne & maiestatem leuitatis, & conscientiam criminis argueret; dicente *Beato Petro. Canis reuersus ad vomitum suum, & sus tota in volutabro luti* (2) Nonne licentiam impudentibus, & impunitatem facinorosis polliceatur? Taceo læsionem existimationis cum tui, ac semper imprimis Patris tui, tum totius omnino ciuitatis, cuius opes non dico diuitiarum, sed morum hæc pestilentia populatur: quid quod cæteræ ciuitates, si quod fertur sit verum, hoc exemplo prius incensæ, nunc ab studio similia faciendi deterrebuntur. Ex quo fit ut non nostrorum

rùm tantùm peccatorum pœnas luamus, qui fræna malis non adhibuimus, & adhibita non seruauimus: sed etiam aliorum errata, qui hoc flagitio, & facinore, admonitione nostra abstinendum censuerant.

Nobis quidem de ingenuitate, atque inerudita vanitate male meritis, *cuncta profecto imputantur* (3) qui eos illicibilibus inconstantiae nostræ irritamentis ad inania vanitatis impulimus, & à veris, & grauibz sinceritatis solidæ auocauimus. Quamobrem te obsecro vehementissime, quia Christianus es, mi frater in Domino suauissime, sed quia Dominus es, mi Domine excellentissime, vt animum meum, qui cunctabundus huc atque illuc paulo momento impellitur, huius incertæ dubitationis angore mœrentem, certissimo testimonio tuo liberares: vt siquidem hæc mala ita se habent, saluari tristitia; sin verò minus, solida Christianæ charitatis iucunditate afficiar, cum videro, meo quidem satù, sed faciente Christo Diuini verbi semina in vestris mentibus profecisse, dicente Ioanne Apostolo. *Maiorem bonorum non habeo gratiam quam vt audiam filios meos in veritate ambulare.* Quæ quidem veritas, cum semper vincat, omni tempore crescit in augmentum Corporis Christi: quod teste Paulo est Sponsa Ecclesiæ.

Adeò cordis nostri arua fecundiora, non solum voluntaria Domini pluuiâ irrigata, verùm & iactis feminibus fixta, aut centenos fructus, quod summum est, attulisse gaudeamus, aut, quod est extremum, tricenos iuxta Euangelicam veritatem ex animotum noualibus allatura speremus, vt in altero egregij, ac rari, idest præclari, atque ijdem perpauci; in altero verò communes, idest quantum satis est, boni reperiantur, præsertim à Christo, qui & iustissimus Dominus, & clementissimus Pater est; apud quem Christianarum mentium nulla procul dubio dubitante, aut iniusti antiquæ impuritatis pœnas acerbissimas dabunt, aut iustos laborum, angorum, sudorum, dolorum, ac meritorum triumpho præclarissimi perennitet profecto manebunt.

À te autem hæc omnia, mi Léonelle, & populo tuo, quia ardentissimo corde percipio, vt & male absint, & bona proueniant, pro his omnibus ad Dominum nostrum preces humillimas oblaturus; sicut ante iam feci, & si non corpore, saltem mente, ori suo Christianæ pacis sancta oscula imprimens, iterum, iterumque, ac teritiò Trinitatem veram, quæ Deus est, confessionem laudis constantissimè signans, tibi, ac populo sæpius repetens dico.

Vale ex Patauio IV. Idus Iunij 1434.

## N O T A E.

### Nota I.

*Non epistolam, sed libellum.*  
Ego omne studium adhibens, vt inuenirem hunc libellum quem incœpisse

saltem se cum spe perficiendi significat Albertus, incidi in M. S. de hac re libellum inter opera B. Ioannis à Capistrano, qui Alberti nec methodum, nec stylum præferebat, & Vvaddingus

gus inter Alberti opera hoc non recenset : unde vel non absolutum , vel perditum existimo , nec fragmentum ad posteros peruenisse . De officijs honestæ fœminæ , virginis , nuptæ , in moribus , & cultu corporis legendus S. Paulus ad Corinth. 7. & ad Tit. 2. & eius ibidem interpretes . Præterea Tertullianus lib. de habitu muliebri , & altero de cultu fœminarum , & obiter in oratione de pallio . Cyprianus de disciplina , & habitu virginum , & de disciplina , & bono pudicitiz : Hieronymus in vita Pauli Eremitæ , & Marcellæ , & in epist. ad Lxtam , & pluribus alijs , quæ tom. 1. operum reperiuntur . August. de adulterino habitu virorum , & mulierum tom. 10. sermon. 147. pag. 393. S. Anton. in sum. moral. tom. 2. tit. 4. cap. 51. & alij veteres . Recentior autem extat lingua Gallica liber insignis Fratris Jacobi du Bose , Franciscani Parisiensis inscriptus *l'honneste Femme* . Et Italicè alius Ioan. Leonardi Fundatoris ordinis Clericorum Reg. Matris Dei , de vano ornamento fœminarum , cui appendit epistolam cuiusdam Paulini viri illustris , de eadem re ad suam neptem . Multa alia sunt loca scripturæ , quæ vestis abusum reprehendunt , & quorum interpretes non possunt non multa in eundem sensum contulisse quæ in indice biblico notantur verbo *abusus vestium* .

## Nota II.

*Dicente Beato Petro . Totus Petri locus epist. 2. cap. 2. à ver. 20. vique ad finem huic rei accommodatissimus est , ac proinde hic integrum describere placuit . Si enim , inquit , resurgentes coinquinationes mundi , in cognitione Domini nostri , & Saluatoris Iesu Christi , his rursus implicati superantur , facta sunt eis posteriora deteriora prioribus : melius enim erat illis non cognoscere viam iustitiæ , quam post agnitionem retrorsum conuersti ab eo quod illis traditum sancto mandato . Contigit enim eis illud veri prouerbij . Canis reuersus ad suum vomitum , & sus lota in volutabro luti .*

## Nota III.

*Nobis quidem &c. imputabuntur &c. qui impulimus , & supra admonitione nostra , & infra meo quidem satum . His clarè significat Albertus , ipso impellente , legem illam caudariam contra inanem , prodigum , & perniciosum luxum vestium muliebrium sancitam fuisse : quam proinde leuiter abrogari , sibi etiam dedecori fore , non leuiter metuebat .*

## EPISTOLA XXXV.

IOANNI BENCINO VENETO.

## ARGUMENTVM.

*Albertus Taruistum prædicatum instanter vocatus , se excusat quod Vincentinis pro secunda die Augusti promisso suo , & ciuium expectatione obstrictus sit , sperans se aliquando Taruisini esse satisfacturum .*

**H**esterno die cum valde essem grauioribus diffentionibus conciliandis intentus (1) quidam nun-

tius ad me venit afferens literas , tam tuo nomine , quam viri honorabilis Christophori Donati Taruisini  
Præ-

Prætoris, cuius virtuti sæpe, cum hic esses apud me, testimonium præbuiſti: nunc verò illum vocas hominem secundum cor meum: quod cum tibi homini sinceriter vera testanti facili credam, quid mihi molestum non esse existimas, quod & tui, & illius, ac reliquæ omnis Tarvisinæ Civitatis sanctissimæ petitioni non valeo satisfacere? Profectò molesta mihi res est: sed quæ prorsus sine scandalo, aliter fieri nequeat: nam in ipsa nuper publica concione prædixi; me penitus secunda die Augusti Vincentiam accessurum. Quod si secus facerem, existimare debes, quia inconstantiæ, ac levitatis arguerer. Ipsi præterea socij mei, ex Vincentia ad me proximè redeuntes, magnam omnium postulationem nostri illuc accessus mihi exposuerunt: cum ergo illis civibus, me accessurum media penè, non

fide, sed spe quadam, fuerim, ante pollicitus, se vehementer deceptos conquererentur. Verùm ne tantum mihi crederem, consului hic fratres: qui omnes voce consona me Vincentiam accedere debere constituerunt. Itaque mi Pater optime, & reliqui omnes, qui ad me scripserunt, hæc pauca suscipite, quibus, cum iam nunc ad pulpitem iturus, respondere non possim, has tibi, & illis communes facio. Te verò, & illos rogo, pro æquo animo ferre velitis, si vobis nunc non obsequor. Dabit enim Dominus benignus, & misericors aliquando forte aptius tempus, cum volet rogatus operarios in messem, albis iam Regionibus, destinare. *Clara iam nunc die* (2) vocor ad pulpitem; ideo plura scribere non valens, dico valete. Ex Padua iij. Iulij 1434.

## N O T A E.

## Nota I.

*Dissentionibus conciliandis intentus.* Non sola prædicatione, sed privatis, publicisque discordijs conciliandis, distrahebatur Albertus. Vbique desiderabatur. Sed vbique simul esse non poterat. Sed ut ante vidimus, & nunc præ manibus habemus, ea ipsius sinceritas fuit, ut quibus accessum semel promiserit, eos nunquam fallere voluerit.

## Nota II.

*Clara iam nunc die.* Quasi diceret præter solitum: nam, ut alibi dictum est, populus aviditate illum audiendi, viciniorem dicturo locum occupare contendebat, ac tot horis protrahebat sermonem, ut summo mane ad pulpitem accedere oporteret: Ferrariæ aliquando per quinque continuas horas declamasse scribitur.

## EPISTOLA XXXVI.

## PAULO VERONENSI.

## ARGUMENTUM.

*Paulo multa præclara scribenti rescribens Albertus, responsi sui brevitatem excusat, sed sui inter alia celebratas laudes, tam urbanè auertit, ut ele-*

*eleganti paradoxo ostendat, sicut multa vera falso, sic multa falsa verè dici posse, adeoque Paulum etsi falsas Alberti laudes, eas tamen verè dixisse, quo ego se humiliter abijcit, & alterum à mendacio humaniter excusavit.*

**S**Tatueram quidem iam pridem, Paule frater, plurima ad te scribere, te complecti, tecum in literis ludere pariter atque iocari, & iocis nostris, quoniam illi quidem de religione profecti essent, seria multa miscere. Nunc verò Deus testis est, quia vix hæc pauca eloqui possum: malo tamen ea ipsa tandem aliquando, quam nihil unquam penitus ad te scribere. Otium enim omninò mihi magis deest, quam facultas, ut percipio, ad te multa dictandi, quamvis forte utroque caream. Sed hoc alij videant. Tu verò hæc interim, qualiacumque sunt, quia vel pauca sunt, hilariter suscipe, quibus liberè profiteor te mihi esse amicum, ac me tibi, ita ut totum tibi me dedam, quidquid sim: quemadmodum & tu te in me dilectionis magnitudine effudisti, vel si rectius dicitur transfudisti.

Ecce tuus sum omninò Christianissimè: si tibi satis non fuero, in te culpa est omnis hæc referenda, qui me tantis nolo dicere falsis laudibus cumulasti, hoc est enim quod tibi dixi per hunc ipsum perlatorem harum ineptiarum mearum, virum tui observantissimum, mihi Patrem, utriusque nostrum amantissimum; omnia videlicet in tuis literis præclara mihi videri, præter laudes

meas, quas tamen ab te non tam ridiculè dictas, quam veraciter creditas, quamvis falsas, mihi de tuo benevolentissimo animo persuadeo. Non enim fugit ista sententia, *Maiores nostros, doctissimos Ecclesie viros* (1) quos non piguit dicere, facile quidem esse videre, & veraciter, & non vera fideliter dici posse.

Nam qui, aiunt, sic credit ut loquitur, & si non vera loquitur, fideliter loquitur; at verò contra qui non credit quod loquitur, & si vera loquitur, infideliter loquitur. Tu igitur quoniam ea de me credis, quæ mihi sentio deesse, fideliter non vera dixisti, sed quod fideliter dixeris, quidquid dixeris, tuæ dilectioni attribuo. At verò quod non vera scripsisti, Francisco nostro Marscalco imputare debetis: cui tamen de falsitate minus succenseo, qui talem me prorsus existimans, talia dixit, & tanta tibi de homine non solum ignaro, sed extremæ profectiois abiectissimo abortiuo, benignissimè potius quam verissimè, pollicitus est. Vale, & pro me ora, mihiq; de tua responsione qui otiosus es, aliquid Christianæ dilectionis per literarum signa præbebis. Ex Vincentia XV. Kalend. Septemb. 1434.

## N O T A.

*Maiores nostros doctissimos Ecclesie viros.* Augustinum designare

videtur, qui Patriarcham Iacob excusat à mendacio, qui se interroganti

Patri Iſaaco, num eſſet primogenitus eius Eſau? reſpondit ſe eſſe, & ſimilia. Non quod illa vera eſſent, quæ dicebat: ſed quoniam vera ſaltem per figu-

ram eſſe, ab ipſo credebantur. Vide Auguſt. contra mendacium, cap. 10. poſt initium tom. 4.

## EPISTOLA XXXVII.

BEATISSIMO PAPÆ EVGENIO

## ARGVMENTVM.

*Percepit B. Albertus, & quotidianis colloquijs expertus eſt, quorundam errores, qui ſuo tempore detrabebant gloriæ Martyrum, eorum præſertim, qui ſe ultro obijciunt periculo mortis, ut Chriſti fidei teſtimonium ferant. Ipſe contrario zelo, & ſubeundi martyrij cupidine aſtuans, eos commentario ſcribendo reſellere meditatus eſt. Interea dum otium per quotidianam prædicationem non eſſet, ideam ſaltem operis deſcripſit in hac Epistoſa; Eugenij Pontificis iudicium, iuſſionemque ad ſalutaris obedientiæ meritum poſtulaus: in qua primum aduerſa obſtinationis damna perpendit; quæ ipſum ad ſcribendum concitabant. Hinc obſtacula conſilij ſui, propter quæ breuiori Epistoſa, priuſquam opere ipſo agendum cenſuit: exponit deinde meditati operis partitionem. Totâ interim oratione, & Martyrum gloriâ, & ei obſtantiũ dedecori, & exhortationi Martyrij ſemper inſiſtit. Mox breue præconium Martyrum, peruſo vituperantium dogmati opponit: denique preces ſuas Pontifici porrigit, rogatque deſcriptorem præcipui operis, cum abſolutum foret, ut vel hanc ipſam Epistoſam, tanquam edificiij veſtibulum, ac totius operis argumentum, non ſeparet, & fauſta Pontifici apprecando Epistoſa finem imponit.*

**C**VM aduerſus ampliſſimæ gloriæ fortiffimos viros, Beatiſſime Pater, quos Martyres Chriſti latè iam, ac paſſim Eccleſiæ conſuetudine nominamus, quosdam nefarios homines inſolentius garrire cognoſcerem, illicò fatcor, pro Martyribus contra impudentes excandui. Nec ſum paſſus eos, ad quos imitandos (2) amor in me quidem impatiens, ante aliquot annos de munere Chriſti ad ſimilia ſuſpirans vota perurget, inſanorum moribus lacerari, ne lingua male-

dica cæleſtis munditiæ in Martyribus ſanctimoniam tam iniuſtis quam grauiffimis conuicijs infectetur, neq; eximiam Chriſti de tam inſignibus ducibus claritatem nefandiſſimæ criminationis maledictis obnubilet: ac ne Matris Eccleſiæ de tam præſtantibus filiis gloriæ micantem fulgorem indigniſſimæ infamiæ fediore, nota commaculet, vitiet, & obſuſcet: neque poſtremò longè patentis Martyrum præclariffimæ famæ, de tam glorioſis triumphis egregium, præſtantiſſimumque odorem, ſabeo,



ut dicitur, thure, & suauissima fragrantia redolentem, in horrendæ mortis fœtulentum nidorem, putores abominabiles exhalantem, teterima mendacissimæ obtreccionis peste conuertat. Quos & ipsos Martyres, pro rerum gestarum magnifica quadam, summaque probitate, nostros heroes (si hoc nomen Christianæ disciplinæ sanitas, ac sobrietas pateretur) rectissimè appellari Maiores nostri, iidem vetetes, atque charissimi consueverunt.

Quamobrem nè apud Christum veritati insensu, diuturni silentij poenas acerbiores iuste pendamus, statui tandem, istos procaces, tanquam inuerecundius oblatrantes, atque quos fuimus satis superque diutius molestè perpeSSI, & Patrum institutis, & ratione certissima, & quod est grauius, scripturarum sanctarum autoritate refellere: quam sanè ad rem probè conficiendam, quamquam & me, & Christianos omnes niti summopere oportere, venenosi morbi, *teterrimique erroris* (3) iactura communis mihi facilimè persuaserit; Plurima tamen sunt, quæ nobis impedimento esse videntur. Quæ profectò omnia, si aptè à quoquam refutari debebunt, nemo est nescius, omnia ea vacui temporis otia commodissima postulare. Mihi fere verò quotidie apud Christianos, vti nam & vtiliter, & feliciter, conione publica differenti pene nullæ sunt otia, nullum à magno etiam labore, vacuum tempus. Quamobrem licet erecto animo sim, ad temeritatem insolentium confutandam; cum tamen mihi in præsentia, pro angustia temporis, minimè vacet, censui interim hoc, quantum arbitror, optimo consilio

mihi magis vtendum, ut prius hac mea qualicumque epistola perfidiam improborum apud sanctitatem tuam deplorem, quam negotium condendi totius operis maturius subire, festinem.

Quod ut perspicuo ordine à me fiat, quatuor partibus epistolam constare disposui. In quarum prima timorem meum, quamuis singulari quadam in spe sublimiore, iuxta vocem propheticam constitutum, tibi aperte, & simpliciter confiterer; quid præterea mihi consilij esset in causa agenda exponerem: errorem, deinde aduersariorum, & blasphemantium gloriam Martyrum explicarem: ultimo verò loco, quia inter se isti insani, contra quos agimus, & agemus, varijs opinionibus nutent, diligenter edicerem. Quæ omnia ab ordine proposito, & adiuvante Domino, cum rectè effecero, tu Christiana pietate istam epistolam nostram, si ita fieri debere censebis, probabis, & ego ad prædicandam Sanctorum Christi testium gloriam, & ad tuendam Martyrum ignominiam, quod de honore Domini augendo, de dilatanda Ecclesia, de fidei stabilitate firmanda, de veritate ferenda, de moribus fidei componendis, mirabili cupiditate arserunt, aduersus immanissimum errorem illorum, qui inanissimis cæcæ falsitatis rationibus sordant gloriam triumphantium, promptus, libens, & ardens postea scribere pergam.

Hunc interim, ut cœpta profectui iam incipiam, duo sunt, quæ maximè ab scribendo me reuocant, vnum ipsa causæ magnitudo, quæ de media rerum ab ipsis Martyribus magnificè, ac probè gestarum, amplitudine, ac dignitate profecta.

est. Vereor equidem, ne tantæ veritati asserendæ, & tam ingentis ponderis causæ tuendæ succumbens; minus idoneus tractator accedam. Nam si tanta est Martyrum gloria, ut eam laudandi causa dumtaxat assumptam, vix quilibet peritissimus, atque eloquentissimus, dignè pro ingentibus trophæis agere queat, quanto magis, quiuis ingenio excellens, doctrina præstans, ac lingua præpolitus, haudquaquam poterit, tam vastam molem, æquis, ut ita dicam, humeris sustinere? qui sibi non modo commendandam, verumetiam ab aduersariis pugnaciter tuendam statuerit, illis præsertim, qui tantæ de se audaciæ congregientibus formidinem præbeant. Quis enim illo amplius in congressu est formidandus, qui tam fortissimos duces audeat quouis temerè gladio obrectationis appetere.

Sed quoniam hoc opus nostrum, ad te præcipuè censui dirigendum, hoc est item maximum in causa, quod me reuocat. Cum enim coram illo res agitur, apud quem iudicio fortasse oporteat, pro eruditione, pro gravitate, pro auctoritate periclitari, quale obsecro est munus, quod onus, magnis de rebus apud Summum Ecclesiæ Principem diutius proloqui? cui cum non est præbitus dignus honos, quam ineptè cum loquentibus agitur. Quis igitur non pertimescat, ei scripta dirigere, à quo possit, qui scripserit, non solum pro studio eruditionis à causa excidisse existimari, veluti de quo Martyres laudati multa desiderant: sed pro tutanda Martyrum gloria, multo id magis de Martyribus malè meritis credi: & quod est durius, pro auctoritate, si ab

vero in aliquo aberrauerit, queat à potestate Petri diiudicari, corripui, plecti, contemni. At rursus ubi auoeor, ibi me ipse reprehendo, non solum ignauit, sed iniussit. Nam quem veritatis amicum magnopere non delectet, vel rectè scribentem à Sede Petri in Domino colaudari, probari, prouocari? vel longius aberrantem reuocari, instrui, corripiendoque corrigi.

Hæc sanè mihi, Beatissime Pater, in assumpta causâ cuncta contingunt, quæ me, ut dixi, vehementius ab scribendo deterreant: verum nos benè gerendæ huius totius rei summa, cum spe Christum Dominum nostrum Ducem nobis præstantissimum exhibemus, quem comperitum est Christianis neminem unquam deseruisse, qui illum tota fiducia præ se tulerit: huius igitur Christi nostri summo adiumento confisi, & præclaro eius præsidio nos totos dedentes, hoc quamuis inculto opusculo nostro, quod condere disposui, & ad te institui, causam Martyrum commendandam simul & tuendam modo suscepi, ea vel maxima ratione, ne Martyrum contumeliam, iniuriam Ecclesiæ, probrium Christi, Religionis opprobrium, & Christiani nominis iacturam, quæ omnia efficiunt, qui constantiam Martyrum criminantur, diutius tolerarem, ac ne scelerati homines fragillum animos, tergiuersationum cauillationibus irretitos, & ad ineptias assertionis committitæ deuolutos, à veritate fidei solidioris decipiendo, mouerent.

Nunc quod sequitur consilium rei gerendæ, atque intentionem meam, tibi Beatissime Pater, exponam, & rectè id quidem, quamquam

quam enim mihi constituam, toto conatu tuendæ causæ Martyrum incumbendum, optauerint tamen fortasse nonnulli audire quo ordine. Quibus breui respondeo, eam melle distinctionem suis partibus stantem seruare, quæ partitionem triplicem complectatur, cuius primo quidem loco, Martyres pro exilis ingenij nostri viribus extollemus. Tum deinde in hostes Ecclesiæ de Martyribus malè meritos inuehemur: Postremò quid te Summum Principem Christianorum, pro Ecclesiæ filijs facere conueniat, exponemus: & quidem fieri posse non credo, quòminus nobis contingat, aut primo illo bona ingenia concitari, aut altero deprauata prosternei, vel emendari, quod profectò magis optamus, aut tertio tua graui censura huic grauissimo, detestandoque morbo, quo mea sententia nihil tetrius, & moderato rigore quantum Christiana veritas, & pietas postulat, occurratur.

Seruato tamen proposito eiusmodi triplex partitionis non illepido ordine, antequam ad partem illam errorum, improborum explicandam perueniam, quædam mihi adijcienda constitui. Et si enim laudis, ac vituperationis singulæ partes sigillatim, suis locis dirigendæ, absolui diligentius à me debeant, tota tamen oratione laudandi sunt Martyres, tota in illos perditorum hominum facinorosum dedecus lamentandum, tota denique refellendus est hostis, & quasi per omne corpus inuectionis mucrone confossus, fortius lacerandus, ne nimium respirare permittus, nouis in nos viribus valens insurgat, sed potius inculcata importunius percutiione, tanquam frequentibus te-

lis, atque ictibus ingeminaris, deficiat.

Exhortationis autem robustior vigor, non tam in ipso calce libelli, neque tam vestræ beatitudini, quam perpetua serè oratione, ad similia Martyrum vota, præclarissima imitanda, idest ad Martyrium pro Christo vltro arripiendum, omnis omninò Christiani pectoris ardentissima fides, quæ per dilectionem, vt ait Apostolus, operatur, summis conatibus excitanda, summis viribus excitanda, atque ingentissima impauidi cordis, & perpetuæ stabilitatis mole firmanda est: non quo omnes fideles, aut posse, aut debere, spontaneos pro Christo Martyres fieri arbitremur, sed quo, abiecto errore, qui malè de Martyribus sapit, discant, qui volunt, & qui nolunt ab his, qui tanto animo, egregij pro Christo, tam fortia, præclaraque audent, opus agi non obtrectatione, sed honore summo dignissimum, rem virtutis permaximæ, & apud Dominum meriti præstantissimi: rem de Diuina sanctione, de Apostolica operatione, de Euangelica eruditione manantem. Quid plura? rem Christiano nomine dignam, innocentium cruore sacratam, Martyrum honore dicatam, Ecclesiastico dogmate confirmatam, doctissimorum sententia roboratam, Sanctorum penè omnium documentis, clarissimis illustratam, cœlesti, atque ingenti præmio destinatam.

Horum omnium, quæ enumerauimus siue præcepta, siue personæ, digesta, diffinita, grauis, & probatissima disciplina hoc diffiniuit, hoc statuit, confirmauit, non eos damnatos, neque damnandos, vt perdati homines criminantur, qui se

vltro

*ultra pro Christo persecutoribus offerunt* (4) ut infideles prosternant, & erroribus relucantur, ut fidem Ecclesiæ compluribus patefaciant, longius porrigant, & in ultimas terras, si fieri potest, asportent. Sed esse potius eos ornamentum Ecclesiæ, & decus Religionis, atque è numero electorum militum Christi, fortissimos sui corporis domitores, victores diaboli, sæculi magnanimos contemptores, etiam si nihil horum, hæcenus extiterunt. Qui de hominum mundi tyrannica rabie triumphantes, mortem suam, iuxta propheticam vocem Christo pretiosissimam præbuerunt, & tanto præstantiorem, quanto præter fidei, & Christi confessionem, quæ causæ præcipuæ sunt, maiore animo, & nulla data cuiuscumque alterius persecutionis occasione, magis sponte, quæsitam.

Sed iam nunc Beatissime Pater nè vel te, vel lectorem longius traham, vesanus explicandus est error, quem nostro loco contra blasphematores Martyrum, exposituos polliciti sumus, ut in quæ intendere animum, cum qui legerit, oporteat, certo sciat, nec generatim, & sub nube loquentes, notionem utiliorum abominandæ hæreseos legentibus occultemus, quos potius nefandæ falsitatis admonitos speramus illam nobiscum vehementer detestatos, atque quod vel maxime ab omnibus postulamus, imbecillitatem nostram, quæ contra hostes Martyrum dimicatura est, suis orationibus adiuturos, tanto ferventius quanto non vnus nobis confutandus hostis obijcitur: sunt enim tam innumerabiles per orbem, latè vagantes: in Italia verò nostra ingen-

tior copia qui non sunt à Christiano nomine alieni: vtrum ab opere, à merito, à præmio, ipsi viderint. Sed quod est calamitosius, tales sunt, quorum plerosque religionis, & servorum Christi institutum decorant.

Hi præfatos audent, & ad nos vsque præfatos posteros Christi Martyres impia temeritate damnare, futuros verò, ac præfatos, qui animo insignes, audaci mente, & corde impavido, pro Christi confessione mori percipiunt, meticulosa procacitate, & ignauissima insolentia terrere conantur. Aiunt enim, immò contendunt, imputenti prorsus, quantum mihi videtur, atque imprudenti nec minus falso, sacrilegoque commento, omnes omnino homines, siue sint illi futuri, siue vitam nobiscum degant, siue hæcenus fuerint, tanquam proprios parricidas æternæ morti, atque extremæ damnationi esse obnoxios, qui inter paganos, & alios hostes Christi, fidem Catholicam liberius prædicantes, ultra quondam animosius defenderunt: vel modò non rogati, non inuitati, & ut totum complectar, ab non credentibus non præuerti, aut præoccupati, sponte defendunt, annunciant, prædicant, monent, publicant, manifestant, præsertim verò si hoc asperis verbis agatur, atque ut occidantur ab iniuria laceffitis, non ut illi conuertantur ad Christum, si de industria ad eorum sana concedant, quæ vulgato inter Saracenos nomine vel Chinise, vel Moschete vocantur. Propterea, inquiunt, quod illorum templa consulto ingredientibus, aut abnegatio fidei, aut periculum mortis, quamvis ex confessione Christi, certò sæpe, immò penè semper, imminet, aut illos dispendium, ex-

tinctioque sequatur. Sed ò nequissimam vocem dicere Martyres non esse, qui sunt, & quos reuera quanto ex animo promptior, tanto sublimior confessio potius præclara veritatis exornat.

Addunt præterea, vt moderari videantur insaniam, confessionem fidei non esse abhorrentibus ab illa tyrannis, paganis, atque infidelibus ingerendam: ne margaritas ante porcos, aut sanctum dare canibus videantur; nisi cum illam sibi à nobis exhiberi, aut deuotio desiderantis exposcit, aut sagacitas interrogantis explorat, aut violentia persecutoris extorquet. Isto verò, quod extremoloco posuimus, illud fit, inquit, vt cum hostis fidem persequitur, religionem vastat, nemini liceat sponte confiteri, nec vltro confitendo infidelibus reluctari; fugere autem, si quidem fieri possit, ad sapientiam pertinet, & per hoc, legem perfectæ mentis non abroget. Si verò carpere fugam minimè vacat, arreptum tyrannicis manibus, non data optione aut negandæ fidei, aut perpetiendæ mortis, posse sibi remedia seruandæ vitæ, siue parata fuga, siue impartita pecunia comparare; iustèque id & rectè quidem licere. Data autem optione, mortem quamuis durissimam subeundam. Et hæc quidem in persecutione.

At verò in pace Ecclesiæ, inquit, haudquaquam sponte confiteri debere, neque non præbita optione, neque data à paganis occasione, neque quauis causâ per se se inuenta, id est à quoquam, data opera se offerre. Verum quod sequitur totam illos pectoris insaniam effundere cogit. Quod si de vltro-nea, aiunt, confessione quisquam

à sui patricidio liber existit, hoc ad prædicatores Diuini verbi maximè spectat, quibus per orbem Evangelium serere tanquam necessitas quædam annunciandæ veritatis imposita est. Cæterum Christiani cœteri, quibus illud officium, eiusmodi sarcinam non imponit, hanc prorsus temerariam audaciam esse, & eò magis mortiferam, quo prohibitam sibi omninò existiment: quoniam procurandæ sibi spontaneæ mortis causâ, sicut & inferendæ meritò in omnibus Christianis, tanquam præsumptio detestabilis est semper damnata. In illis verò, inquit, multo est peruiacior audacia, si sponte sua id agant, quos per subiectionem alteri obtemperare oportet, & quibus instituto quodam professionis canonicæ maiorem aliquem, ac patrem omnibus, qui simul humiliores in congregationibus vitam agunt, religionis ordo præfecit. Quorum subiectorum vltima salus, si tam arduum opus per se aggredi attentauerint, ne dicam verè amissa, certè dubia est, nisi maiorum suorum in hunc congressum, aut iussione cogantur, aut hortatione mittantur, aut laxatione latioris licentiæ permittantur. Quid illud tandem, inquit, quale est, eos fecisse nostra causâ homicidas? qui inuocati incurrimus, inò quos nostra occursione, vt interficiant, irritamus, ac pene inuitos cogimus? cum aut in nos indignatione feruntur, suæ laceratæ fidei, immò perfidiæ iniurijs agitati, aut legis, quam habent, sanctio, si tamen habenda sit lex, quæ tam turpia præcipit, nostro illis facinore obseruanda est, quæ apud eos indubitata contradicentibus pœnas indi-

cit. Si quis autem audax, plusquam sapiens, & furens, plusquam feruens nobis obijciat, veteres quosdam Martyres se persecutoribus promptius obtulisse; discant illi, inquirunt, hoc fuisse, quando & fides, & lex, & Christianum nomen, omni penè mundo ignota erant, & ipsorum quoque Martyrum nesciebatur à paganis professio: ad quos oportebat, vel sic aliquando veritatis notitia, perveniret: *Nunc verò mille iam quadringentos, triginta, septemque annos (5) ante quos Dominus noster, ex Virgine natus est, Evangelicæ candor doctrinæ, lumen sui fulgoris ad mundi fines usque porrexit, & Apostolicarum clangor tubarum, toto vehementius orbe perstrepsit, usque adeò ut fidem Christi, sanguine Martyrum irrigatam, Ecclesiæ institutis fortioribus solidatam, eruditorum hominum rationibus, defensionibus, & argumentis tutatam, atque illustratam, & auctam, aut nullus, aut prorsus rarus, etiam infidelis ignoret; etsi non omnis eam suscipiat, amplectatur, & credat; quo fit, inquirunt, ut qui se vllis infidelibus yltroneum prædicatum ingresserit, nihil eos docuerit quod ante nescierint, se verò casso labore, etsi non cassa damnatione, perdiderit.*

Hæc sunt, Beatissime Pater, quæ de pertinacia resistentium, vel forsitan invidentium Martyrum gloriæ, amaro pectore, & maximo cum dolore, tibi narranda, diutius fortasse quam debui, conseruavi; quos equidem perditos in quotidianis colloquutionibus molestè perpessus, verbis quibus potui, & quæ illos audire deceret, acriter, & pugnaeiter refutavi. Nunc verò si iusseris, scriptis

eos improbare disponens, perstrinxi, ut potui, illorum vanas, sacrilegas, ac prophanas opiniones, quibus non minus quam mala, ac nefaria eorum in corpore gesta vita, pertimesco confessionis constantiam enervari, qui fidem religionis, religionem fidei insulsa Vefania funditus euertere moliantur.

Postremò tandem iam loco B. Pater, ut ad calcem aliquando perveniamus, orationis quarta partitionis distributio exponenda se obtulit, ut scilicet doceamus, quam varijs opinionibus, stulti isti, contra quos agimus, inter se inuicem dissidentes fragiliter, & inconstantissimè nutent: ita ut profecto ipsa eorum in re tam certa diversitas, imò aduersissima, ut ita dixerim, sententiarum novarum, falsarumque varietas, & in alijs dissentio, eos erroris manifesti conuineat. Quem sane errorem immanissimum, atque mortiferum quidam illorum, & pertinacius tenent, & occultius docent tanquam novæ stultitiæ repertores. Quidam verò ingenio tardiores, & resistendi artis ignari, velut autoritate territi cedunt. Alij potius opinantur: verum illorum multo est copia ingentior, qui nihil definitum de nefaria sententia arbitantes, titubant, hærent, hæsitant, & in neutram partem, quamvis toti perturbati, declinant. Dum enim apertè prospiciunt rem tantam ambigè ventilari, sicut non penitus hæresi manum porrigunt, sic Martyrium, quod ante vel optare felicissimum fuerat, quantum corde in sententiam Ecclesiæ transeant, opere tamen ipso agere deterrentur, cui libenter arripiendo prius flagrauerant.

Et quod extremi periculi est, in-

iniecto eorum mentibus grauissimo de Martyribus scrupulo, eo stultitiae, ac cecitatis sunt deuoluti, ut quos pro Christo fortiter mortuos beare solebant, nunc verane salute cum Domino potiantur addubitant, maxime alijs veritati inimicissimis contra istos fragiles vehementius asserentibus priores Martyres, qui se ipsos pro fide nostra sæculi potestatibus obtulerunt, fuisse damnatos: futuros verò, etsi non alio scelere, vel hoc vno damnandos, quod aut vi tormentorum fidem negabunt, aut negandi discrimini, pondere supplicij vincendi, se credent. Quod si vel accidit, vel acciderit, quanto satius, aiunt, susceptæ ultro poenæ temeritate procaces illi abstinuissent, quis cæcus non videat? At etiam negantes, quanto dedecore religionem nostram, & sædam factam, tabescentem afflicent, quis quibus verbis, aut vllis sermonibus explicet? O ingenia obtusa, quæ tandem impudentiam suam mendacio affirmant horrendæ blasphemix. Hæc sunt, inquiunt, quæ de Martyrio veteres Ecclesiæ censuerunt, ne nos forte de magnarum rerum congressu, & appetitu loquentes, quisquam maleuolus arbitretur tanquam friuolis opinionibus niti, atque à Patrum præstantissimis sententijs deuiare.

Sed quam apertissimam falsitatem hoc loco dicant, non est opus detegere. Quibus autem fictis rationibus fulciantur, & quam deprauata intelligentia maiorum dicta repugnantia ad se trahant, & scripturarum sensum violenter extorqueant, cum ad partitionem refutandæ huius hæreseos ventum fuerit, commodius arbitror differemus; hic verò contra istos, quis non clamitet? ò

indolem obscenam, ò eruditionem pestiferam. Nam cur non magis Martyribus, nequaquam detractiōnem, sed imitationem se debere conspiciunt: ad quam si se inferiores esse intelligunt, hoc ipso subactam, atque abiectam virtutem suam, si tamen eis vlla est, Martyribus substernere debuissent: quam ad sequendos nobilissimos illos sentiebant imparem. Sed iam ad finem pergamus, longior enim euasit hæc Epistola, dum in explicando metu, qui me hætenus à scribendo deterruit, atque in referenda mea in causâ tractanda intentione, simul cum sætulentâ opinione stultorum sumus, plusculum quam putaueram, immorati.

Predicanda sunt autem nunc mihi, si modo tua beatitudo probet, & iubet, fortissimorum Martyrum gesta, & magnifica, quæ res primum sibi locum in nostra partitione sortita est, quamuis totius operis, idest diuisionis propositæ trinx particulæ, tres potius libelli fortasse, non ineptè appellabuntur. In Martyribus autem laudandis, ut tibi Patri omnium Christianorum arcanum meæ mentis simpliciter eloquar, non solum me oblectat, & trahit magnitudo factorum; sed nescio quis in me amor, quem velim esse Christi, impatientius vrgens ad similia vota pro Christo imitanda suspirat. Quod onus & laudis, & imitationis utinam tandem aliquando faustè absolendum, felici ut dicitur temeritate arripuerimus; quamuis non arbitrer præcipuo nobis adiumento, ad vtrumque gerendum, neque Christi nostri suffragia, neque Martyres, quos defendimus, defuturos.

Tu igitur Beatissime Pater, ne me-



rito sanctæ obedientiæ caream; im-  
pera, atque adesto censor, ut iustus  
ita & pius, ac pro laude Martyrum  
dicere exorsum, tale per hanc Epi-  
istolam me existimato facere debuisse  
principium, non quo ab alio futuro  
exordio condendos libellos, iam  
summa mentis intentione conceptos,  
tanquam à suo capite priuare debere  
me putem, sed quo nunc incipiam  
de Martyribus scribere, qui hacten-  
us silui: de quorum honore plura  
loqui, & dictare constitui, si hæc  
Epistola nostra tibi, non dicam stylo,  
sed veritate placuerit. Quæ quo-  
niam sequuntur operis scienda neces-  
saria plurima continet, non mihi  
videtur ab edito post opere rese-

canda. Eam igitur qui scripturus  
est, addat oro libellis, cum editi fue-  
rint, habet enim non solum exor-  
dij aliquid simile, quod tamen ita  
vocari pro longitudine nolim: sed  
argumentum proprium omne com-  
plectitur, quo tanquam vestibulo,  
reliqua futuri ædificij erigenda stru-  
ctura queat absque villo errore diju-  
dicari. Dominus Deus Omnipotens  
sempiterno ævo tuam tueatur  
clementiam, Domine Beatissime,  
& merito excellentissime, Christiano-  
rum omnium Pater, & Papa,  
Christi Vicarie, Successor Petri, &  
mundi totius æquo iure præstantis-  
sime Domine. Amen.

## N O T A E.

### Nota I.

*Beatissimo Papæ Eugenio.* Duo  
mihi suppetunt vetera huius operis  
exemplaria. Alterum secundis Alberti  
curis expolitum, & eodem nitido cha-  
racterè, quo reliquus codex descri-  
ptum, sed absque inscriptione. Alte-  
rum prioris elucubrationis, & alieni  
characteris, ex quo hanc operis Epi-  
graphem descripsimus. Cur autem  
hanc Epistolam author ad Eugenium  
direxerit, ipse in sequentibus docet,  
præterquam quod in Pontificis obsequia  
segregato non expediebat opus absque  
ipsius voluntate incipere, quod ad eius  
mandata, ut euenit, vocandus perfi-  
cere non posset.

### Nota II.

*Ad quos imitandos Amor me  
per urget:* eadem infra expressius repetit.  
Nec solum verbis, sed re ipsa deside-  
rium suum, subeundi pro Christo  
Martyrium, ostendisse ea quæ Cayri  
contigisse in vitæ historia narrauimus,

clarè demonstrant. Vbi ad mortem pro  
fide tuenda condemnatus, designati  
Martyris præconium reportauit, & con-  
firmat periculum, cui se exposuit, quando  
contra expressum Soldani mandatum, di-  
tionum eius fines transiit, ut Euge-  
nij Pontificis perficiendæ commissioni  
non deesset, & Aethyopes, Indosque,  
ad fidem, & Ecclesiæ Matris obedien-  
tiam conuerteret: quod in eadem eius  
vita retulimus.

### Nota .III.

*Teterissimi erroris.* Indignam, &  
sinistram de Martyribus opinionem sic  
vocat: & infra blasphemiam, & erro-  
rem immanissimum, & vesanum, &  
quod caput est, abominandam heresim,  
nec immerito, nam S. Hieronymus ean-  
dem peruersam opinionem, eodem  
abominando titulo indigitauit, cum  
aduersus Vigilantium scribens tom. 2.  
pag. 409. Scribit, inquit, *aduersus he-  
resim tuam, quæ erupit aduersus Eccle-  
siam (ne in hoc quasi reperiatur noui seclæ  
glorieris) Tertullianus vir eruditis-  
simus*

*simus insigne volumen, quod Scorpia-*  
*cum vocat, & quibusdam interiectis.*  
*Et multo, inquit, tempore dormiens, &*  
*sepulta, tunc à dormitantio (sic Vigi-*  
*lantium deridet) fuscitata est.* Scorpiacō autem Tertulliani contra Gnosticos vniuersum conatum in Martyrum detractores exerit. Ex quibus Vigilantium vnum fuisse, apertius docet Hieronymus per hæc quæ sequuntur. *Miror, quod non dicas nequaquam*  
*perpetranda Martyria, Deum qui sangui-*  
*nem bircorum, taurorumque non*  
*quarar, multo magis hominum non re-*  
*quirere. Quod cum dixeris, immo etsi*  
*non dixeris, ita habebis, quasi dixe-*  
*ris. Qui enim reliquias Martyrum,*  
*asseris calcandas esse, prohibes sangui-*  
*nem fundi, qui multo honore dignus est.* Sic enim legit Pamelius in argumento Scorpiaci, quamvis meus Hieronymus habeat, nullo honore dignus, fortassis Vigilantijs sensum referens. Hæc eadem hæresis, cuius authorem fuisse Euenomium refert eodem loco Hieronymus, iterum in Hispania fuscitata fuit, præsertim contra eos Martyres, qui se tunc vltro fidei hostibus offerebant, quando Saraceni Mauri rerum potiebantur, maximè in Vrbe Cordubæ. Sed tunc ipsorum gloriam insigniter tutatus est S. Eulogius Cordubensis electus Episcopus Toletanus, & Martyr, in opere, quod *memoriale Sanctorum* inscripsit, & habetur tom. 9. par. 1. Biblioth. vet. PP. quæ sic laudat Card. Baronius in notis ad Martyrol. Rom. 24. Nouemb. *ut omnino eiusmodi ita scripta*  
*sunt, ut in pyxide Spiritus Sancti cala-*  
*num intinxisse S. Eulogius videatur.* Tempore B. Alberti nostri restabant aliquæ eiusdem pestis reliquæ, maximè in Italia, quas ipse tollere, & voce, & scripto studebat. Et quamquam opus integrum exarare non licuit, ob impedimenta, quæ in eius vita diximus, in hac tamen Epistola, seu operis idea ita hæsit sensibus S. Eulogij, ut licet eius scripta legisse non censeam, quæ quippe longè post è tenebris in lucem prodierunt; dixisses tamen eodem spiritu doctum vtrumque, in eademque pyxide calamum intinxisse. Quod enim promittit Albertus hos hæ-

reticos, & Patrum institutis, & ratione certissima, & scripturarum sanctarum autoritate refellere, id ipsum triplici hoc argumentorum genere præstant Testullianus in Scorpiaco (etli de persecutionis fuga excedat) & Sanctus Eulogius magis ad Alberti consilium. Scripsisse etiam in illos, qui in Hispania Martyribus detrahebant, ignoti nominis authorem, opus nondum typis editum, inscriptum *Indiculus luminosus*, docet Ambrosius Morales in Commentarijs ad Memoriale S. Eulogij.

## . Nota IV.

*Qui se vltro pro Christo persecu-*  
*toribus offerunt.* Qui veri Martyres sunt, congruo, condigno cultu colendos esse Fides Catholica docet, sed quod indiscriminatim omnes, qui se vltro pro Christo persecutoribus quoquo modo offerunt, veri Martyres sint, & SS. Patres, & graues Theologi negant, sed quos vel internus Dei instinctus, vel extèrius manifesta necessitas fidei ab iniuria defendendæ, vel confirmandi labentium Christianorum animos, vel ipsos persecutores conuertendi spes ad id faciendum impellit, eum firma fiducia euadendi proprii lapsus periculum. De qua re videndus solidi iudicij vir doctrinæ, prudentiæ, & pietate clarus Eminentissimus Dominus Cardinalis Brancatus de Laureæ Ord. Min. Conuent. part. 2. de Fide; & eius propagatione, vbi disp. 7. & disp. 2. art. 11. Omnes huius dubij venas distinctim detegit; & Catholicè docet, quid in eo tenendum; quid reiiciendum sit; neque S. Eulogius, qui pro se vltro offerentibus defendendis acerrimè disputat aliud à fidelibus exigit, quamvis enim indiscriminatim alicubi loqui videatur, semel saltem suam mentem aperuit, cum diceret: *Et licet formidolosus facultas collata sit de-*  
*clinandi rabiem persecutionis, non ta-*  
*men passim hoc obseruandum est à per-*  
*fectis, qui iam præscia Redemptoris po-*  
*tentia denotati, & conscripti, quasi ab*  
*immensis legionibus ad exercitum præ-*  
*liorum Dei electi sunt.* Vbi, ut vides, & formidolosos à fortibus, & perfectos

ab imperfectis, & præscij Dei instinctum à propria temeritate, & electionem à præsumptione ac fatua animositate discernit. Quod Seraphicus P. N. Franciscus vt columbina simplicitate, sic Evangelica serpentis prudentia plenus, in sua regula cavit cap. 12. *Qui- cumque Fratrum*, inquit, *Divina inspiratione voluerint ire inter Saracenos, & alios infideles, petant inde licentiam à suis Ministris Prouincialibus, Mini- stri verò nullis eundem licentiam tribuant, nisi eis, quos viderint esse idoneos ad mittendum. Quam regulam cum neu- tiquam violandam censeret noster Al- bertus, obseruantissimus, & zelantis- simus eius professor, non hac de se- opinione contentus sensum suum, dum se ad Martyrium offerentes defendit, manifestè declarauit, non solum cum se delectari profiteretur, à Sede Petri longius aberrantem reuocari, instrui, corripiendoque corrigi, cumque obse- craret, errori obrectatorum per Pon- tificem occurrì, non vt cumque ta- men, sed, inquit, moderato rigore, quantum Christiana veritas, & pietas postulat: Sed amplius, cum diceret. *Non quod omnes fideles, aut posse, aut debere, spontaneos pro Christo Martyres fieri arbitremur, sed quo abiecto errore, qui male de Martyribus sapit, discant, qui volunt, & qui nolunt, ab his qui tanto animo egregij (id est ex vulgi grege selecti) pro Christo tam fortia, prae- dæraque audent, opus agi, non obrecta- tione, sed honore summo dignissimum.* Horum autem, & in sacris historijs in- numerata est multitudo, vt in ipsius vita diximus, quorum vt Sanctus Eulogius loquitur, *O incomparabilis magnanimitas, ò fortitudo admiranda, laudanda, atque imitanda Sanctorum, qui etiam si torpeat inimicus, ac persequi Eccle- siam Dei sinat, irrumpere tamen late- bram eius, & inuitare ipsum ad bellum iubemur, vt hostem frigidum strenuus Agonobeta accendat, præferat latentem, erigatque ad conferenda certamina desi- dem.* Et quamquam effuso cruore, con- sternatis membris, succumbat, feret ta- men ad Sedem Patris captiuus ex hoste triumphum spiritus belliger, victoria laurea positurus. Quales proinde, quod*

dixi, innumeros tanquam gloriosos, cum Christo triumphantes, solemni veneratione colit Ecclesia, eiusdem iudicio relinquendum est vt discernat, quis Dei impulsu, ac debitis circum- stantijs, quisque secus, mortem pro Christo ultro oppetierit. Quæ nimirum Spiritu Sancto veritatis certissimæ doctæ, nec falli potest, nec fallit, cum Sanctos Martyres nobis colendos proponit. Quod Albertus noster se velle non se- mel in hac Epistola professus est.

#### Nota V.

*Nunc verò mille iam quadrim- gentos triginta, & septem annos.* Ex hoc æræ calculo, posset aliquis pu- tare, authorem hanc Epistolam eodem anno scripsisse, cum ipse, licet contra suam consuetudinem, nullam anni quo scripsit notam huic Epistolæ subscribat, ei tamen exemplari, quod Vvaddin- gus describi curauit, præfiguratur an- nus 1435. quod ego verius existimo. Nam in Epistola ipsa, significat sibi, cum illam scriberet, ferè quotidie apud Christianos concione publica differenti penè nulla oria fuisse, nul- lum à magno labore vacuum tempus, quo proposuimus opus prosequi posset, contra eos hæreticos, quorum in Italia plures tunc fuisse queritur. Hæc autem anno 1437. contringere non poterant. Nam cum sub finem anni 1435. ancho- ras prima navigatione in Orientem soluisset: nec nisi 1438. redierit, constat ipsum ibi hæsisse per totum an- num 1437. vbi non poterat, vt in Ita- lia, quotidie ferè prædicare, Pontifi- cæ commissionis laboribus, & itineri- bus impeditus. Vnde existimo prius illud exemplar vetus, quod in Italia anno 1435. scribi curauit, postea le- rosolymis emendasse, & annum illum 1437. quo id fecit inseruisse. Inde verò hæc coniectura maximè mihi con- firmatur, quod priori exemplari, sua, vt videtur, manu hæc inscripserit. *Hæc Epistola contra Martyrum vituperatores alium habet ordinem in Epistolis nostris, & ille seruetur, non iste.* Præterea in eodem ipso priori exemplari charta dili- genti studio rasa est, & loco prioris

notæ diuerso atramento scriptum, triginta, & septem, ita etiam vt cum prioris notæ sparium omnia capere non posset, illud septem extra lineam in margine positum sit. Neque verosimile est ipsum petiisse Pontificis mandatum ad opus propositum Ierosolymis scribendum, vbi rerum necessarium longe minor erat commoditas, quam in Italia: sed magis voluisse vt anno 1435 in Italia existens, Pontificis, cuius obsequijs iam tum destinatus erat, licentia à quotidiano prædicandi munere liberaretur, vt operam ytili, & ne-

cessario conscribendo vacaret, Pontifici verò, vt in vita dixi, id minimè visum fuisse, cum eodem tempore illum, vt fecit, in Orientem missurus erat. Et ego his omnibus persuasus hanc Epistolam hoc loco inter alias illius anni 1435. collocaui. Cæterum omnia hæreticorum dogmata, & argumenta, quæ tota hac Epistolæ parre recenser, absolute refutare voluisse, censendus non est, sed partim refutare, partimque bono sensu declarare iuxta ea, quæ in præcedenti nota diximus.

## EPISTOLA XXXVIII.

PATRIBVS, ET FRATRIBVS REG. OBS.

## ARGVMENTVM.

*Accepta præcedenti Epistola Pontifex accersit Albertum, eum in Orientem legaturus, qua de re cum præsens ageret, exposuit quosdam Fratrum scrupulos de maiorum Cœnobiorum, & argentei templorum suppellectilibus vsu, retulitque Eugenij Pontificis oraculum, quod per hanc Epistolam, eiusdem Pontificis iussu, Fratribus intimaui.*

*Honorandi Patres, Deuotissimi Fratres.*

**P**ost deuotam in Christo Iesu commendationem, & cordialem salutem, fraterno affectu, vobis intimandum iudicavi, quod Sanctissimus Dominus, die 9. Iunii huius anni, dignatus est mihi respondere circa calices, cruces, paramenta, utensilia, & domos ipsas, quæ vel in magnitudine, qualitate, aut opere, videntur statum nostrum excedere, ait enim, quotidie inter fratres de his disceptari, idque graui suæ Sanctitatis molestia, & proinde omnino velle, huiusmodi scrupulosis quæstionibus, modum, & finem imponi: iniunxitque mihi, vt eius vobis mentem aperirem,

& decretum transmitterem. Statuit, vt liberè absque vllò conscientie reatu fratres nostræ obseruantiz, tam in Cœnobijs, quam in oratorijs, vtantur rebus prædictis, quantumvis videantur excedere in quantitate, qualitate, pretio, aut numero. Insuper prohibet ne vllò prætextu distrahantur, aut destruantur, sed in templorum vsu referuantur. Cupittamen, & iubet, vt deinceps ea dumtaxat admittantur, aut procurentur in domibus acquirendis, quæ nostro pauperissimo instituto congrua iudicebuntur. Hoc oraculo satisfactum vult omnium fratrum conscientijs, displicebitque valde, si

amplius pro huiusmodi terminandis dubijs ad ipsum recurrerint. Hoc cupierunt nostri prædecessores sibi declarari, neque obtinuerunt. Debemus itaque nos lætari, quod ad eò placidam ægris conscientijs medellam sua Sanctitas adhibuerit. Insuper omnibus Italiæ Vicarijs potestatem concessit, suos subditos absol- uendi ab omnibus peccatis, & cœn-

suris, quæ usque ad illud tempus vel commiserant, vel incurrerant exceptis falsificatione literarum Apostolicarum, homicidio voluntario, bigamia, & mutilatione membrorum. Valete in Domino Iesu, & pro sua Sanctitate orate. Ex loco S. Spiritus extra Ferrariam 13. Iulij anno 1435.

N O T A.

**P** Romis euidenti argumento mon- stare, quam parum fuisset, pro quo in Deum translato Poggius tam- acerbè in totam Religionem inuectus est. Atque id hæc Epistola est: quis enim crederet Religiosos tanti zeli pau- pertatis, ut de magnitudine ampliorum ædium, quæ à Patribus Conuentuali-

bus ad ipsos transibant, & eorum sa- cra suppellectili, ad eò anxijs conscien- tijs Pontifici molesti essent, velle tan- tum terræ, vel tam amplum palatium, in colle montis Caroli possidere, ut adeo diram à Poggio vituperationem, propterea mererentur.

E P I S T O L A XXXIX.

RICHARDO TRAMONTENSI.

A R G V M E N T V M.

*Dum B. Albertus Venetijs sue Hierosolymitanæ nauigationis necessaria pro- uideret, desiderabat Richardum inter socios habere, quem ex literis col- ligo studijs forsitan Patauij tunc incubuisse: Quare per duas Epistolas, quas hic exhibemus, illum hortatus est, ut ad se Venetias venires, inde cum ipso Hierosolymam profecturus.*

**S** Cedula tua, quæ mihi reddita est, dicit te, nescio quibus nexibus, detineri, ne comes gratissimus huius transmarinæ, & verè Christianissimæ Hierosolymitanæ peregrinationis, nobis iunga- ris: verum alius quispiam aliud mihi de te persuasit, non te scilicet causa

studij auocari; sed quadam diffi- dentia grauiorum sumptuum occur- rere nequeas. Sed ò te ferreum ho- minem, qui primo quidem vlla oc- casione fragilium studiorum possis à feruore tam religiosi arripiendi iti- neris quouis pacto remitti, ut cunam vagientis Dei infantis conspiciere non

non desideres, vt terram quam Dei Filius, non solum pedum vestigijs informauit, verum etiam pretiosi sanguinis viuificis fontibus irrigauit, & videre oculis, & osculari labijs, & fræcundare moribus minime appetas. Taceo magnos viros Hilari-  
onem, & Hieronymum nostros, quorum alter noluit eam ante diem extremum penitus non videre, alter verò, post multorum annorum longissimam moram, noluit in ea non mori. Immò verò noluit alibi mori: vetulas mulierculas tibi obijcio Hyspanas, Gallicas, Alemannas, ac reliquas totius Christiani orbis, quæ summis difficultatibus, laboribus, medijs mortibus à visendis sanctis illis locis quotidie prohiberi non possunt. Deinde quis non miretur te mecum venturum aliqua futurorum sumptuum timida cogitatione ventilarî. Nolo hic scribere quanta bonorum fidelium, sine mea diligentia, pro complendo itinere stipendia nobis suppetant. Profectò stuperes, & gauderes charitate in nos perspecta bonorum, ac maximè nostrorum, Ferrariensium, tam magnorum, quam pusillorum, qui pondus omne dari assumpserunt desiderio fructus. Non quæro, ait Apostolus, datum, sed requiro fructum. In hac hilaritate

dantium, quidquid mihi pro Deo factum est, tibi præbitum æstima, & veni, & rumpe vincula, & tolle moras, non terror penuria impensarum, sed prouocor amplitudine gratiarum, non solum quas habemus ab ore Summi Pontificis, sed quas illis in locis à Christo Domino expectamus. Frater Iacobus Delphinus summopere te rogat, vt venias. Ego verò Vicario Prouinciæ huius pro te satisfaciam, & duos pro te vno ei tribuam fratres; si consilium meum feceris, experieris animum erga te meum alium quidem esse quam hætenus. Veni saltem, nos nunquam forsitan redituros vltimò inuisere, & complecti. Nec verearis morbos, vt dicis, virulentos, quia vbi in tanta populi frequentia viuimus, & tu viues. Si soluemus tibi nauem tam longè venienti, quid times non soluturos, tam paruo nos spatio visitanti? quid amplius tibi dicam non habeo, nisi quod si hoc renuas, quod offerimus, pace tua dixerim, te iterum, atque iterum ferreum hominem appellauerim, qui tanta humanitate minus dulcescas. Vale à tuo proposito, & vale. Ex Venetijs 7. Septembris 1435.

## EPISTOLA XL.

EIDEM FRATRI RICHARDO.

**E**Xposui voluntatem tuam Hierosolymæ Sanctæ Patri communi (1) Is procul dubio ægrè fert, te propter nescio quam

scientiolam tuam acquirendam, nolle nunc nobiscum Hierosolymam pergere, & dicit se non posse tibi licentiam vllam post se veniendi dimittere,

tere, sed secum proficiscendi, si vis liberè tribuet. Licentiam ergo aliunde tibi procura. Quod verò dicis de socio vno ex meis tibi pro comite itineris relinquendo, credo te scire. *non habere me socium, præter unum Antonium Cremensem* (2) Restaurus, & Angelus in Tuscia sunt. Laicus quidam ex nostris Bononiæ infirmus remansit, Clericus Hyppolitus, me volente, propter adolescentiam in Italia remanet, quem ad Vicarium huius Prouinciæ modo remitto. Fra-

ter Ludouicus Senensis non est mihi socius, nisi huius itineris, sed potius Pater. Et puto te intelligere, non posse me, nec debere de homine veterano, cuncta quæ vellem statuere. Quem ergo socium postulas? satis fecisses nostro consilio, & vocationi tuæ hilariter acquiescere; qui te ad omnia parata occisis vitulis, & altilibus indignum reddidisti, tam iucundè vocatus. Vale, & nos ama. Ex Venetijs 15. Septemb. 1435.

## N O T A E.

## Nota I.

*Hierosolyma Sancta Patri communi.* Is fuit Iacobus Delphinus, in superiori Epistola nominatus, quem primum ex obseruantibus Terræ Sanctæ, seu Hierosolymorum Guardianum Eugenius Pontifex anno præcedenti constituit, & in eadem forte nauim cum Alberto, & socijs illuc transferebat.

## Nota II.

*Non habere me socium præter Antonium Cremensem.* Paucos admo-

dum socios hic nominat Albertus, cum alij quadraginta fuisse scribant, sed forte eos inter socios non numerat, qui negotio administri, & subdelegati Commissarij esse debebant: ut ipse hic indicat, de Ludouico Senensi loquens: aut cæteri post scriptam hanc Epistolam illi adiuncti fuerunt, seu potius in secunda missione ad Aethiopes, & Indos. Attendenda etiam sunt verba Epistolæ 44. ad Ducem Burgundiæ, *Adueniens multos mecum fratres adduxi*, quæ à secunda legatione rediens scripsit.

## EPISTOLA XLI.

BEATISSIMO PAPÆ EVGENIO.

## A R G V M E N T V M.

*Iniunxit Pontifex Alberto à se discedenti, ne ex Italia abiret, nisi prius ad ipsum scriberet. Iam verò, ut videtur, omnibus ad nauigandum paratis has ad Eugenium rei nuncias dedit, benedictionem petit, & se rem fideliter acturum, & Apostolica Scdi sincerè obtemperaturum, proficitur.*



**M**emor tuæ mihi nullo tempore contemnendæ iussionis, Beatissime Pater, audeo Apostolicas, sed pias aures, meis ineptijs confidentius appellare; dixissem potius importunius molestare, nisi non modo Apostolicas, verùm etiam pias aures præmissem. Et si enim summo apice loci superioris, idest Apostolici fastigij, paruitatem humilium terri oporteat; quia tamen celsitudini Christianæ sublimitatis, pietas ipsa comes indubitata ac fidissima vineta est, paruulos tanquam sub alis suis foueri non est iniustum. Licet ergo alterum ab scribendo me arceat, alterum tamen prouocat, præsertim diuncto pondere iussionis tuæ. Accipe igitur me promptulum, vt ita dixerim, paruulum tuum, Beatissime Pater, non solum pro maiestate te reuerentem, nec tantum tibi pro pietate confidentem, verum etiam pro iussione tua tibi obtemperantem: non enim me fugit, quamuis hominem imperitum, quid tu mihi præceperis, cum Florentia à tua Sanctitate discessi, ne scilicet ex Italia abirem, nisi prius meas literas ad tuam sublimitatem dirigerem, recessum meum tibi certius explicantes. Nunc ergo ago, quod iubeor, & peregrinationis meæ ad loca sancta transmarina professionem tuæ eximietati penè iam cœptam, vel in-

promptu paratam esse significo. Tuum est autem, qui veri Pastoris Petri successionem canonica sublimitas, nostrum iter confirmando tueri, benedicendo protegere, nostræ autem paruitatis erit subiectus, humiliorque parere. Quod quam promptissime facere, omni quidem tempore cupiam, iube, & experieris, an renitentem pulsaueris? an verò submisit obedientem repperis? Sanè hoc tibi de mea exiguitate, obsecro, persuadeas, nihil mihi esse, ac fore vnquam acceptius, nihil optabilius, quam Sanctæ Sedi Petri, cuius tu vicem tenes, obtemperare. Ac ne in aliquo, vel paruo fidei sensu, contra Apostolica præcepta perfluamus, nèque aberremus à recto tramite Ecclesiasticæ veritatis; iterum quod diximus repetamus. Vicem Petri te tenente, scripsi vicem, inquam, personæ, non Sedis. Nam & fidem, & sedem, & auctoritatem eandem omnino possides, etsi non personam eandem. Christus Dominus noster misericorditer de Cælo eidem personæ tuæ Petri præbeat Sanctitatem, sicut illi eandem tribuit largiter potestatem. Opto te prosperè valere, in augmentum Christianæ Religionis, & Cœlestis gratiæ, vt tibi sicut potestate debetur orbis, sic re ipsa cuncti colla submittant. Ex Venetijs 1435.

## E P I S T O L A   X L I I .

### B E A T I S S I M O   P A P Æ   E V G E N I O .

#### A R G V M E N T V M .

*Incolumis Hierosolymam appulit Albertus, & rebus ibi per aliquot menses ritè cognitis, concepit ingentem spem uberrimi fructus, si ipsi per Pontifi-*

*cis voluntatem ulterius progredi liceret, per quem Florentia discedenti iussu est, ut intra annum in Italiam rediret: ergo vel multorum animas, et sperabat, Christo lucrari, vel suam pro Christo tradere promptus, has literas, et Antonium Bononiensem latorem, Nuncium ad Eugenium destinavit, per quas petijt, ab illo Christo, et Catholicam Fidem prædicandi potestatem, et facultates amplissimas, et necessaria adiumenta in ipsis literis explicat.*

**S**pirans inflata Gentilitas, Beatissime Pater, de suorum magnificentia civium insolentius gloriata, ad memoriam posterorum scriptum reliquit, Alexandrum illum Macedonem Regum omnium, vel orbis, vel Græciæ, ut asserunt, præstantissimum abiectio cuidam homini præclarissimè respondisse: etsi te non convenit magna recipere, Regem non decet parva præbere; postulaverat enim ille exigua quædam, cui cum permagna darentur, abnuït; se illis proclamans indignum. De Salomone quoque scriptum sæpius legimus, dedit Deus Salomoni latitudinem cordis, quasi arenam, quæ est in littore maris: quod in illo ad amplam largitionem, & magnificam quandam exhibendarum rerum profusionem pertinere veteres censuerunt: quam & ipsam in Reginam illam Saba, sapientiæ miram cultricem, largissimo contulit apparatu, sicut Regum liber testatur, ubi de Salomone apertissimè dicitur. Rex autem Salomon dedit Reginæ Saba, omnia, quæ voluit, & petiuit ab eo, exceptis his, quæ ultro obtulerat, in munere Regio. Si hæc de Regibus, aut in sæculo vanis, aut in vera religione fanis, gloriosè dicuntur: Quid de illo credendum est, penes quem super omnes omnino Reges, & super omnem quoque sub Cælo potestatem, summa potestas est constituta, qui claves habeat Regni Cœ-

lorum, & à quo ritè ligatos in terris, ac solutos, ligari etiam in Cælis, ac solui non dubitemus, qui Petri, imo verò qui Christi, et si rectius dicitur, qui Dei personam gerat: neque hoc in nocte veteris instrumenti, ubi gratiæ parcior charitas, & auara benignitas, & contractior humanitas, angustis, & indignis limitibus terminata imperfectissimè loquitur, & dicit, diliges amicum tuum, & odio habebis inimicum tuum, sed in fulgentis diei novi testamenti claritate, conspicua, ubi Evangelica sublimitas clamat, *Diligite inimicos vestros, benefacite eis, qui oderunt vos, et orate pro persequentibus, et calumniantibus vos.* Vbi Apostolico culmini dicitur. *Dimitte fratri tuo, non dico tibi usque septies, sed usque septuagies septies,* ubi etsi non alterius cuiuslibet rei, charitatis tamen inuicem exhibendæ inuenimur continuo debitores, dicente Apostolo. *Nemini quicquam debeatis, nisi ut inuicem diligatis,* ubi postremò, & de ipso Filio Dei legimus, *qui posuit animam suam pro nobis, & de Patre scriptum inuenimus. Sic Deus dilexit mundum, ut Filium suum unigenitum daret.* Ut ex his omnibus quanta nobis habenda sit largitas, nosceremus, prodigæ scilicet cuiusdam, & ut ita dicam, interperantis sine vitio effusionis, ad largitionem amplissimam pertinentis. Quæ cum ita se habeant, Beatissime Pater,

Pater, nequaquam ambigimus abs te petere, quæ non dico Regem sæculi, instantissimè postulatam, sed mundi totius Dominum, quem te iure æquissimo credimus, rogatum, aut negare sit contumeliæ, aut non tribuere auaritiæ videatur. Peto igitur pro ausu, quem mihi in te Christianæ, atque Apostolicæ largitatis beneficentia præbet, Vt qui me filium eximie Sanctitatis tuæ, cum abs te è Florentia postremum discessi, ad redeundum in Italiam visis post annum locis Sanctis coegeras, nunc me liberum facias ad quas-cumque orbis partes, quasuis admodum remotissimas, siue fidelium, siue infidelium peragrandas, & ad quantumlibet barbaras nationes ad-eundas, & gentes extraniore conueniendas, eis vndecumque liberè ex nostra Religione assumptis adiutoribus meis, & illis fratribus comitibus fretus, qui mihi negotio vel seminandi latius verbi Dei, vel ampliandæ, confitendæque fidei, vel dilatandæ passim gloriæ Saluatoris, vel publicandi diffusius hominis Christi, aut viles, aut idonei, aut necessarij videbuntur: huic vero meæ, quantum arbitror, religiosæ petitioni illæ, si placet, adijciantur cautelarum conditiones, quas harum nostrarum baiulus, mihi Pater, Ludouicus Bononiensis, cum quo mihi Religio nostra communis est, vira comite, ad culmen tuæ Apostolicæ celsitudinis diligentius feret. Homo, verè dixerim, reclus corde, & incommisso fidelis, quo in integritate iustæ, & amicæ conuersationis nemo est mihi notior, & quod mihi magis in eo placet, qui sit ab assentationis peste, & hypocrisis fictione remotior: hic cum per nouam de-

locis sanctis prouidentie tuæ provisionem officio curandæ fratrum familiæ Hierosolymis constitutæ nuperrimè cesserit, cui illum multos iam annos noster ordo præfecerat, nunc ad Sanctitatis tuæ velligia osculanda se confert, quem tibi commendare superfluum puto, qui vltro rectorum hominum notitiam expectas, & honorum semper contubernio delecteris. Tantum humanitatem sublimitatis tuæ humiliter obsecro, vt quæ te iustissimè postularit, vlla ei ratione non neget, præsertim quæ sibi publica utilitas vendicat, vt se habet, meæ paruitatis, mea quidem sententia, postulatio; cui si animum inclinabis, seret, arbitror, tua nobis satisfactio fructus vberissimos. Spes enim quædam pergrandis ingentium frugum, & magni cuiusdam futuri in externis regionibus fructus nescio quo pacto, subluens in animo mihi suborta est, quæ me ab Italia reuocet, arceat, atque propellat: Vbi tot quotidie prædicationum labor, vtinam non inaniter, perstrepat, vt ad nationes longe distantes proficisci vehementius exhortetur. Vnde nullus Ecclesiæ Catholicæ, ac Fidei Orthodoxæ Diuinæ factionis fructus accrescit, deficientibus qui otiosos conducant, & fortasse, quod tristius est, qui Dominum messis admodum rogent, vt regiones fieri albas ad messem, aut operarios in illam, tanquam ministros fideles, & idoneos, mitti velit: Hæc ipsa verò quæ flagito, à meæ Religionis Maioribus cumulo mihi hætenus fuisse concessa, tuæ eximietati aliquando coram exposui, in quibus nunc tibi molestus non essem, nisi illa tua autoritas verbo me vrgens, post annum ad redeundum.

in Italiam coegisset. Oro igitur, aut eadem pro gloria Catholicæ fidei inter Paganos, Hæreticos, & Schismaticos commoranti, quasi inter Scorpiones, & colubros incedenti ampliora mihi concedi, aut me ad veteres omnes mei ordinis siue licentias, siue permissiones, siue præcepta remissum, ab ea cohibitione, quam me in Italiam redire iussisti, ut auctior in alienis Prouincijs Diuinæ magnificentiæ honos inde perueniat, tua concessione laxari. Verum ne apud tuam Sanctitatem sim garrulus, impudens, & ineptus, vno tantum præclaro exemplo de magnificentia Christiani Principis expósito, finem facio. Theodosium illum Christianorum Principem nobilissimum, atque piissimum accepimus, Maioribus nostris clarissimis referentibus, dicere solitum, illum se diem penitus perdidisse, in quo nihil beneficiæ præbuisset: quam-

uis hoc de Tito, Vespasiani filio, nonnulli certius arbitrentur: quem delitias humani generis appellauit antiquitas. Opto, te Beatissime Pater, hoc ipsum de tua Sanctitate erga me arbitrari: ut vel sic tandem postulata concedas, nec te moueat petentis indignitas, aut postulata gratiæ magnitudo. Recordare potius huius rudis Epistolæ nostræ principium, vbi etiam infideles, & Christi veritatis ignaros diximus in suis Regibus tanquam præclarissimum statuisse, si pusilla, & prope nulla rogati, maxima tribuissent, nec quid mereatur is, qui aliquid postulat, sed quid illum deceat, qui daturus est, eos debere conspiciere. Ego vero interim Petri fiduciam reminiscar, qui fragili pro Christo cymba relicta, non est veritus quod magnis donandus esset muneribus, à Domino liberius sciscitari. Ex Sancta Hierusalem Kal. Martijs 1435.

## EPISTOLA XLIII.

SCIPIONI FERRARIEN. EPISCOPO MUTINEN. (1)

### ARGVMENTVM.

*Vt faciliorem, frequentioreque ad Eugenium Pontificem Antonius haberet accessum, per hanc Epistolam ipsum, eique commissa commendat. Scipioni in Aula Pontificis potenti, sed quia familiaris illi fuit, ipsam imprimis literario ludo à Scipionis Africani, Ethnici hominis, rerum gestarum oblectatione, ipsoque homine laudando debortatur, cum quo nihil commune præter nomen habuit. Qua occasione in eos inuebitur, qui eloquentia, & eruditione abusi, se totos inani gentiliū rerum studio dedunt, & eloquentiam suam, acta minima occasione, in se ipsis mutuo lacerandis, mutuisque conuicijs, & obscenis argumentis exercent. Monstrat quidquid in Duce Africano virtutis censebatur, id longè præstantius in Machabæis, in Dauide, in Salomone, in Patriarcha Iosepho, in Prophetis, in Apostolis, in Martyribus reperiri; quorum acta magis, quam*  
ina-

*inanem Ethnicorum damnatorum hominum gloriam legere, loqui, scribere, & imitari Christianam eruditionem decet, Christianas virtutes solidioris gloriæ, & honestatis esse Amicos, denique nominatim salutat, ad quos ob festinantiam latoris scribere non potuit, & prolixum responsum à Scipione postulat.*

**C**VM in locis Sanctis, & transmarinis munere Christi plurimum valco, non possum Scipionis mei, etiam in Caluaria orans monte, ubi à Salvatore nostro Martyrum vexilla, simul & Regia trophæa erecta sunt, non recordari. Nec mihi parua videtur res, cum Scipio in mentem venit: te dico meum quidem Christianum Scipionem, haud verò illum Africanum, cuius te tantum gesta delectant, quam autem id ob causam, & rectè an perperam ipse videris: fortasse quod cum eo tibi, qui à tuis, & si non à nostris tantus est habitus, idem nomen obuenerit, quamuis dispar cognomen. Verum utrum sit præstantius, tuumne, an illius, post videbimus. Interim hoc mihi persuadetur, nulla te potiore ratione ad illum ita vehementer affici, atque tanta in illius laudibus te, nolo dicere inaniter, tempora terere, & ut ab alijs terantur, ac si melius dicitur conterantur, sedulò agere te, si tamen is es, qui erga illum hæcenus extitisti; nisi quia idem voceris, illiusque tibi nomen, & laudi esse, ac fore, & ornamento putes. Nam ut pacetua dixerim, quæ alia ratio esse potest præter stultissimam cur tantum illi semper tribueris, nisi quædam simillimi nominis oblectatio? Quæ & ipsa qualis sit, & quam deceat Christianum, omitto.

Respondebis, indolem te potius ac virtutem animi, & ingentia illius facta diligere. Ita verò, atq; rectif-

*sime* (2) quasi pagani hominis res gestæ, & qui pecora, & monstra, pro Deo coluerit, tam amplè, tam dignè, ac tantæ habendæ sint, ut pro eiusmodi infidelium, & per hoc in tartaro perditorum ingentissimis, & clarissimis, rectius fortasse dicerem, ventosissimis, & iactatione Diabolica tumidissimis, turgidissimis, clarissimis gestis rebus, Christiani quidam contra se inuicem, & in Italia eloquentes, præter offensam Dei nostri, summo cum dedecore digladiantur, & perihent. Taceo læsionem existimationis eorum, taceo exempla ad posteros, & præsentibus transmissa, atque relicta, nacta perquam pusilla occasione se inuicem lacessendi, atque grauissimis, ne dicam *immundissimis consueijs* (3) insectandi: quorum profecto vesaniam ita sæpe abominatus sum, ita exhorui, ita grauiter, & molestissimè tuli, ut penè dixerim, emori maluissem, quam in illa scripta, siue inania, siue maledica, siue crudelia, & ( quod pestilentissimæ iacturæ est, ac nefandæ corruptionis ) turpia, fetulentia, obscæna, vel forte incidere. O ingenia! ò eruditionem! ò indolem! ò exercitationem præclaram! ò denique tempus non Philosopho, ne dum Christiano otio dignum.

Nostra omnia præclara sunt, quid externa delectant? sed religio, ais, me in illo delectat, cæterisquid genus hominibus mihi placet magis. Non est Religio sacrilegium. Amor Reipublicæ?

blicæ? Machabæi vincti; quorum Eleazarus per media hostium agmina veterana, armatum regium Elephantem solus appetijt, nec timuit, cadente super se bestia trucidata, interimi, *ut liberaret*, ait Scriptura, *populum; & acquireret sibi nomen æternum*. Fortitudo? quis David fortior? qui dictum in laude eius est. *Tu unus pro decem millibus computaris*. Sapiencia? Salomon præstat. Noster Ioseph castimonia superat. Prophetæ veritatis notitia antecellunt. Rerum contemptu Apostoli vincunt; mortis victoria Martyres superiores existunt. Sed immemor multis, cum res in aperto sit.

Ego verò iam vocor à Tabellario, tanta celeritate; quæ dictaueram, postulante, ut verè, mi Scipio, reuifendi, ac corrigendi, ac transferibendi; quæ primum assumpto calamo dictavi, tempus mihi non suppetat. Itaque si impolita est dictio, si subrusticè etiam ipsis apicibus scripta, festinantia tribues portitoris; qui me nimium virgens, rescribere non permisit: verum quid ago? placandus est mihi Scipio meus, iam mihi forsitan subiratus, contra Scipionem non meum, sed neque velim suum, acerbius, ut æstimat, disputanti: at verò fieri non potest, ut mihi Christiano, & amicissimo homini, pro infideli, & damnato succenseat. Quamobrem neque mihi restat conciliandus, qui de Pagano-  
rum conuicijs se læsum non putat, qui de me, ut ardentius loquar, est optimè meritis, vel ego de illo: & si non altero beneficio, saltem amore dumtaxat, quem erga illum sincerissimum gero, quem his paucis idèò admonendum putavi, ut ad Diuinam potius inardescat.

Scipionem te igitur meum, non illum sanè Africanum, de quo spirans inflata Gentilitas, tanta, quantum mortalialia, atque inania iactat; sed quod est longè incomparabiliter excellentius, Christianum imploro, non Romæ natum, sed Romanæ fide renatum, nec ob Rempublicam sæculi tutandam, sed ob religionem pietatis colendam, præstantius cognomen Christianum sortitum; non pulso Italia Hannibale, sed Diabolo ex animo profligato; nec domita Africa, sed carne subiecta; non denique forti animo patria ingrata contempta, sed mente constantiore, sæculo ipso nobis infensus obistente calcato. Hæc est enim mi Scipio gloria solidior, hi præstantiores tituli, hæc honestiora cognomina, hi nobis gloriosiores triumphus, hæc gesta Christiani pectoris fortiora.

Te te, inquam, Scipionem meum, quem talem, ut dixi, Christianum, & credo, & opto, & spero, instantius imploro, rogo, oro, atque exoro, ut causam meam, quæ Christianæ Reipublicæ est, apud Sanctissimum Christi Pontificem Eugenium Papam, & mundi Dominum, diligentius agas, quam ad te perferet *Ludouicus Bononien.* (4) harum baiulus literarum, ætate Pater, cum quo mihi religio nostra communis est: Tibi verò, ut asserit, multo penè quam mihi familiarior. Quo fit, ut illum tibi commendare superfluum sit. Accedit autem ad Sancti Patris, & Pontificis Summi humiliter osculanda vestigia. Hactenus his in locis Sanctis, multos iam annos curandæ fratrum familiæ, maior Hierosolymis constitutus, quædam autem postulaturus, quæ mihi concedi à summo apice.

Apostolatus deponco. Peto, mi frater, coneris conspectui Beatissimi Patris illum inferre, quæ tua cura, & tibi amicorum industria, non semel cum illo conferat, ut faciliore aditu, quæ postulo consequatur.

Angustia temporis facit, ut amicis scribere nequeam. Meo igitur nomine, non graueris *Nicolaum Nicolum* (5) ac Poggium Florentinæ salutare. Leonello autem ex mea, vel persona, vel nomine aliquid exarabis, salutans præceptorem meum Guarinum Veronen. Franciscum Marefcaleum, Augustinum, nolo dicere Villanum, quamuis de Villa,

sed verè Vrbanum, Philippum etiam Bendedeum, ac reliquos omnes. Si qui verò sint prælatorum, qui ad rem nostram adiumento tibi videantur futuri, fac ut sapias. Nolim autem abs te æquo animo tolerare, nisi tuam longissimam Epistolam ad me miseris: ecce scripsi diutius quam rogasti me, si non te fallit obliuio, & quod nolui tibi polliceri, roganti reddo, scio certissimè incultam Epistolam hilariter, & gratissimo animo acceptanti. Vale ex Sancto Sepulchro Domini Nostri Iesu Christi 23. Martij 1435. (6)

## N O T A E.

## Nota I.

*Scipioni Ferrarien. Episcopo Mutinensi.* Hæc sua manu scripsit Vvadingus, in margine autographi nostri, quod non ira intelligendum est, ut fuerit Episcopus, quando Albertus hanc Epistolam ad illum dedit 23. Martij, cum Vghellus dicat eum fuisse creatum Episcopum 30. Octobris eiusdem anni, qui eum vocat Scipionem de Mainentibus Ferrariensem, & à doctrina, & maxima eruditione laudat, profertque Epitaphium ex templo Ferrariensi S. Francisci à suis fratribus ipsi positum, in quo doctissimus, prudentissimus, optimus, & vir rarissimus appellatur: Quibus dotibus procul dubio meruit, ut etiam ante adeptum Episcopatum, præcipuum aliquem locum in Eugenij Pontificis aula haberet, quod ex his Alberti ad eum literis, non obscurè colligitur: & ex alijs ad eundem de ambitu dignitatis, quas postea dabimus, apparet ipsum post adeptum Episcopatum singulari confidentia apud Eugenium valuisse.

## Nota II.

*Ita verò, atque rectissimè.* Per Ironiam sic dixisse sequentia doceant, & quidem adeò perperius est Alberrus insectator eorum, qui in Gentilium rebus æstimandis, laudandis, & imitandis nimij videntur, ut præter hæc, & alia, quæ alibi notauimus, in Epistola superiori ad Eugenium Pontificem timuerit Martyres nostros, heroes appellare: si inquit, hoc nomen Christianæ disciplinæ sanitas, & sobrietas pareretur: Si enim eloquentiam quærimus, non desunt nobis Chrysostomi, & Chrysologi multi tam veteres, quam noui. Si virtutum exempla, quæ in Ethnicis, vana, & imperfecta fuerunt, in disciplinæ nostræ libris innumera, summa, sancta, & imitatione dignissima reperiuntur. Nec ea Sancti Patres ex eis nobis aliquando depromunt, ut ipsos gentiles imitemur, sed ut pudeat nos pro Cœlesti, & æterno Regno non satis decerare, vel quantum illi faciebant pro terrena, & momentanea, vel pro ipsa naturali honestate virtutis, vel pro leui aura laudis,

& va.



& vanæ gloriæ. Chrysoſt. hom. 17. in Matth. *Recogitate*, inquit, *Græcorum Philoſophos*, & tunc ſciatis, quanto ſupplicio ſimus digni, qui leges Diuinas transgredimur, quando illi quidem pro deſtruenda deformitate humana tam multa fecerunt. Vos autem neque idem ſtudium tribuiſſis pro celeſtibus. Et S. Auguſtinus de Ciuit. Dei cap. 18. *Nobis proponuntur neceſſaria communitionis exempla* ( Gentilium ) *ut ſi virtutes, quarum iſta utcumque ſunt ſimiles, quas ipſi pro Ciuitatis terrena gloria tenuerunt, pro Dei glorioliſſima Ciuitate non tenuerimus, pudore pungamur: ſi tenuerimus, ſuperbia non extollamur. Quod ſi ea, ad hoc ipſum nobis neceſſaria, vel vitia dixeris, caſtius tamen, tutius ex ipſorum Sanctorum Patrum monumentis, tanquam ex puris, decolatiſque fontibus ſauriuntur, quam Ethnicorum libris, in quibus multa vanitate, multo vitiorum luto, & ſeditate permixta ſunt.*

## Nota III.

*Immundiſſimis conuiſijs, & infra Turpia, ſœtulenta, obſcœna.* Vide quæ diximus in vita Alberti, & in prima nota ad eius Epiſtolam ad Nicolaum Nicolum.

## Nota IV.

*Ludouicus Bononiensis.* Hic non Magiſter Conuentualis, ut ſcripſit Rodulphus Toſſinienſis, ſed Reg. Obſ. Frater laicus fuit, & ad magna negotia tractanda idoneus, & vltimus ex illis ſex, quos in vita Alberti diximus fuiſſe ſegregatos ad obſequia Pontificis, nec ſine fructu: multas enim graues legationes, & repetitas obiuit ad Principes Orientales pro diuerſis Pontificibus, & pro Duce Burgundiæ, ad Regem Perſiæ, quos qui voluerit in indice noſtræ Epitomes, vnico intuitu ſub ipſius nomine videre poterit. Quod autem Albertus in hac Epiſtola dicat ipſum in locis Sanctis, multos annos curandæ fratrum familiæ maiorem fuiſſe, hoc intelligo, quod Hieroſolymis Guardianus fuerit, quod fratribus laicis ſin-

gularis in multis Cœnobijs indiſtriæ concedi ſolet. Eadem enim phraſi vtitur inferius in Epiſtola ad Chriſtophorum Epiſcopum Ariminenſem, vbi de Nicolai Oſmenſis Guardianatu Hieroſolymitano diſſerit.

## Nota V.

*Nicolaum Nicali.* Hinc denuò confirmatur quod diximus in Scholio ad Epiſt. 25. Si enim verum eſt quod Pocciantius refert Nicolaum obiſſe anno 1430. pridie Non. Februarij quomodo iam ſexto poſt anno Albertus cum ex ſe ſalutari iubet? Nihil melius occurrat, quam Pocciantij notas corruptas eſſe, & pro anno 1430. imprimi debuiſſe 1436. quo ſi Nicolaus obiit Florentiæ pridie Non. Februarij facile id ignorare poterat Albertus Hieroſolymis, eodem anno ſcribens die 23. Martij eiufdem anni. Quod verò Nicolaum, & Poggium ſalutare, Leonello autem, nempe Eſtenſi, ſcribere ſalutando Mareſcalcum, & Bendedeum, Guarinum, & Villanum roget, confirmat mihi imprimis ſuſpicionem, quam ſuperius expreſſi, hos nempe Ferrariæ fuiſſe, nam ibi eos Leonellus, per Scipionis literas rogatus, ex Alberto ſalutare poterat. Deinde viros nobiles fuiſſe, qui per Principem ſalutari iuberentur, Scipionem demum tunc Florentiæ cum Pont. fuiſſe, vbi Nicolum, & Poggium oretenus ſalutare poſſet.

## Nota VI.

23. *Martij 1435.* Manifefſtus alicui videbitur error huius chronologiæ: nam cum conſtet Albertum menſe Iunij huius anni in Italia cum Pontifice, tractaſſe de profeſſione Hieroſolymitana, & menſe Iulij Ferrariæ ad ordinis Patres, & menſe ſeptembri ad alios Venetijs ſcripſiſſe, priuſquam proficiſceretur, non poterat fieri, ut ei uſdem annimenſe Martio Hieroſolymis ad Scipionem ſcripſiſſet. Vnde Vvaddingus hanc Epiſtolam anno 1436. ſcriptam refert. Et ſic habetur in codice Capiſtraneſi: ſed attendenda eſt diſtinctio ſtyli veteris, & noui, quam ſæpius ante notauimus,

## EPISTOLA XLIV.

## DVCI BVRGVNDIÆ.

## ARGVMENTVM.

*Is fuit Philippus Bonus Princeps eo tempore Christianissimus, & potentissimus, qui loca sacra Hierosolymorum frequentibus, copiosis, & appor-  
tunis elemosynis sustentabat. Hæc ergo Alberti ad ipsum Epistola, tota,  
in actione gratiarum, & bonis apprecationibus versatur.*

**S**ic te putarem, Serenissime Prin-  
ceps, pro tuis elemosynis hu-  
mana præmia præstolari, quan-  
tum salua religione fieri posset, hu-  
manas tibi laudes referre conarer.  
Verum quia te magis arbitror, re-  
tributorem Deum in cunctis tuis  
operibus, ut Christianos Principes  
deceat, omni mente pereupere, vanis  
mortalium adulationum assenta-  
tionibus superfedeo: reddens tibi po-  
tius vices gratificationis, quas Sancta  
Scriptura, Sanctarum omnium actio-  
num doctrina, atque hortatrix, per  
Apostolica ora misericordibus polli-  
cetur; quam perditas aucupationes  
inanium rumusculorum, quas lin-  
gua quæstuaris, & palps de-  
ceptio falsarum laudationum gloriosis  
 sæculi hominibus frequentius tur-  
gida parere, ructareque solet. Con-  
fero itaque me, quod satius existimo,  
ad Diuinas literas, documentis om-  
nibus grauioribus, & per eas verò in-  
tegrum, ac excellens laudis genus,  
tibi tutius exhibeo. Nam si Apò-  
stoli, quibus à fidelibus, omnia  
quæ voluissent, pro sua dignitate  
merito debebantur Christianos illos  
tanto præconio extulerunt, qui bona  
sua eis impertiuissent, quibus erant

cuncta communia, & inter quos,  
quamuis nemo esset, qui diceret ali-  
quid esse suum, non erat tamen  
quispiam indigens inter eos, quia  
distribuebatur unicuique, prout opus  
erat: quero, qua laude dignus sit,  
qui suas diuitias tribuit tanto indi-  
gnioribus (ut secundum mundi su-  
perbiam eos appellari) quanto pro  
Christo minoribus, & tanto egentio-  
ribus, quanto pro Christo pauperio-  
ribus? maxime cum illi, de qui-  
bus Scriptura loquitur, inter multos  
Christianos versarentur: nos inter  
plurimos Barbaros habitemus, illis  
quoque fideles promptè tribuerent,  
nobis infideles promptius auferant.  
Adde quia tunc Diuinus ignis to-  
lerantiores illius temporis fideles præ-  
cul dubio faciebat, licet à nullis vitæ  
adminicula præberentur. Ex quo fit,  
ut maioris sit meriti, imbecillioribus  
subuenire: sed neque illud parui mo-  
menti mihi videri solet, quod Pau-  
lus, & Barnabas, qui tradiderunt  
animas suas pro nomine Domini  
Nostri Iesu Christi, alias Ecclesias  
pro sustentandis fidelibus, qui Hie-  
rosolymis habitabant expolauerunt,  
tu sponte tribuisti. Illis, & multi,  
& hilariter, & non parè seminabant,

ne parcè mererent ; nobis rari , rariùs dant sua suffragia , præter te-  
vnum , præsertim in tanta copia :  
ego itaque nuper huc novus officia-  
lis adueniens , multos mecum fratres  
adduxi , sed multo plures inveni ,  
quibus penè omnibus ( vt eorum ver-  
bis vtar ) abundum ex hoc loco erat ,  
nisi reperissem sacrum locum Montis  
Syon , pijs eleemosynis tuis , à de-  
bitorum angustijs liberatum , quibus  
antea diutius premebatur . Insuper ,  
& quæ nunc misisti amplissima pecu-  
niarum subsidia , fidelis tuus Nun-  
tius mihi fideliter reddidit . Pro qui-  
bus eximietati tuæ , cum omnibus  
fratribus meis , istis in locis degenti-  
bus , gratias agens , munus oratio-  
num nostrarum fideliter , libenter ,  
ac liberaliter offero , optans te in Do-  
mino semper bene valere , vt non

solum te aliquando in hac Sancta  
terra videamus , pro deuotione fidei  
vestigia Christi lacrymosius osculan-  
tem , verum etiam , ac multò magis ,  
si ita Deus tandem aliquando statue-  
rit , pro zelo augendæ Christianæ  
Religionis , feliciter præliantem , pa-  
cato in se prius , ac tranquillato no-  
bilissimo illo Regno Francorum ,  
Quod quidem quanta pro tuenda  
fidei , atque Ecclesiæ iactura sæpius  
facere solitum accepimus ; magis  
quam vacare domesticis litibus , ac  
ciuilibus , immo plusquam ciuilibus  
bellis , de quibus si dicere velim , me  
tempus deficeret . Diuina te semper  
tueatur clementia , Domine præ-  
stantissime , ac merito illustris Prin-  
ceps . Vale ex Sancto Monte Syon ,  
pridie Nonas Octobres 1436 .

## EPISTOLA XLV.

FRATRIBVS ANTONJO , & LVCE ORD. MINOR.  
pro Christo Hierosolymis in Carcere constitutis .

### ARGVMENTVM.

*Hos duos Religiosos , in carcere pro Christo constitutos consolatur , & ad  
Martyrium constanter , fortiterque consummandum fortiter , & seruen-  
ter cohortatur , se ipsum , si opus esset , cruciatuum , & mortis pro Christo  
tolerande socium offerens .*

**S**criptum est , dilectissimi Fra-  
tres , spes quæ differtur affligit  
animam , lignum autem vitæ ,  
desiderium veniens . Afflixit vos diu-  
tius , & vehementer excruciauit ar-  
dor pro Christo , & desiderium pa-  
tiendi . Nunc quia desiderium ve-  
niens delectat animam , consequens

est vt quantum pro Christo patimini ,  
non quidem vt homicidæ , sed vt  
Christiani , vt ista res tanquam li-  
gnum vitæ delectet : propterea quod  
nihil est beatius , quam pro Christo  
diuturno tempore cruciari , pro quo  
passi contumeliam , veluti magna  
gloria digni habiti , læti , & alacres à  
con-

conspēctū Concilij ibant Apostoli gaudentes. Ecce habetis quod tanto desiderio à Domino postulastis: nunc sequitur, ut gaudeatis, alioquin aut præsenti rei, quam concupistis, contumeliam facitis, tanquam quæ non sit, ut credebatis, felicior, aut vos imprudentiæ arguemini, quia requi absentem, charam, & pretiosam, præsentem verò vilem, atque abiectam existimaueritis: sed absit à vobis fortissimi Christi milites, ut vel parua cogitatio horum criminum vos conturbet: quia tantum prius existimastis fructum Martyrij, ut pro illo carpendo, *impetum in hostilia castra fortiter, & animo ingenti feceritis* (1) & arseptum, ne diriperetur à vobis, patienter, & fortiter restitistis. Video & gratulor dilectissimi Fratres, quorum apprehensam bestiam, & PseudoProphetam, idest mundum, & immundissimum Mahometum, et si vobis pertinacius resistentes ambos, dextra leuaque tenetis, & Serpentem veterem, quem Isaias Leviathan, Iob Behemoth appellat, impetu feruoris Christi, vobis crudeliter repugnantem fugatis, quippe qui & Diabolum, licet antiqua superbia furibundum, & aduersantem Sathanam, qui de Cælo magnus Draco, & terrificus cecidit, Dominus Iesus iuxta Apostoli pollicitationem, sub vestris Sanctis pedibus velociter conteret, & diem illam felicem, & beatissimam horam, qua vos tundi, exdi, trahi catenatos, & nudos contigit, *ea præsertim via* (2) qua Christus Crucis onere pergrauatus incessit. Ibatis, ut ferunt, mites, pacifici, capite demisso non quidem pauore, non verecundia, sed Christi agni imitatione, nihil aliud voce, quam mutua; & fra-

terna cohortatione, Iesum dulciter resonantes. Agite ergo fiducialiter, quod fortiter cœpistis. Tantum à vobis absit ut mutata Christi confessione, supplicio liberemini. Caute humanas persuasiones ne tacentibus vobis iniuriam blasphemantium Christum, idest negantium, illum Deum, & Redemptorem, & volentibus impijs, vestram, idest Martyrum carnem mercari, vos non Martyres, sed mortales, atque carnales, in vestram contumeliam, & Christi opprobrium, & in velamen oculorum Christianorum, vel sani ad nos, vel sanandi dumtaxat corpore, sed mente abiecti vllatenus reuehamini. Attendite vobis ne paratam coronam pusillo animo amittatis, nec vos terreat, quod nolentibus, fragilibus, & infirmis hoc fecistis, quia iusto, ait Apostolus, lex posita non est, & quid iustius illis, qui vltro pro Christo mortem constantissimè expetunt? Renouantur in vobis antiqua miracula, non putabimini vos talia aufuros, nec à me quidem tantum negotium aggressuros, vicistis opinionem, vincite mortem, & possidetis coronam. Et quamuis non dubium vobis adesse cœlestia remedia, tamen admoneo vos fratres, & hortor, ut agones, & victorias Martyrum vtriusque sexus vobis ante oculos proponatis. Quod si viua præsentia meæ paruitatis vobis necessaria est; *ego ad vos, mundo resistente, medios inter gladios conuolo* (3) non enim me vetat metus, sed ne incenso iam igni qui vel carnales, vel impios cruciat, oleum adiecisse blasphemem, maximè vobis fortiter, & inconcusso corde perfecturantibus. Valete dilectissimi. Christi pietas socium me vobis faciat

pœnæ, quem fecit comitem desiderij, Valet ex Sancta Domini Be-

thleem 10. Octobris 1436.

## N O T A E.

### Nota I.

*Impetum in hostilia castra fortiter, & animo ingenti feceritis.* Hoc est, vt explicat pro carpendo fructu Martyrij, vnde apparet istos Religiosos, Martyrij desiderio, fidem Christi Saracenis prædicasse: idque dissuadentibus alijs, vt in hac Epistola indicatur illis verbis: *Nec vos terreat, quod nolentibus fragilibus, & infirmis hoc fecissis.* Sed Albertus ipsorum patientia confirmatus, id Spiritus Sancti instinctui refert, illis verbis Apostoli: *Iusto lex posita non est*; & iterum. *Renouantur in vobis antiqua miracula*, quasi dicere vellet aliorum qui se vltro Martyrio exposuerunt, vide si placet ipsius Epistolam 37. contra vituperatores Martyrum, & nostras ibi notas. Et notanda sunt alia verba huius Epistolæ, *vicijs opinionem*, idest vt existimo eorum, qui temerè negant, vllum esse Martyrem, qui vltro se obicit periculo patiendi Martyrium, *vincite mortem*, idest constanter pergitte, vt constet non temere vos obiecisse, & possidetis coronam.

### Nota II.

*Ea præsertim via.* Est Hierosolymæ vna, quæ via Crucis vocatur,

per quam nimirum Christus Crucem suam in Calvarium baiulauit, & per quam, vt videtur, isti fratres bono omine ad carceres tracti fuerunt.

### Nota III.

*Ego ad vos, mundo resistente, medios inter gladios conuolo.* Tum hinc sanè, tum ex ijs, quæ scripsit Albertus contra vituperatores Martyrum, tum ijs quæ Cayri ipsi acciderant, tum ex amplissima illa infidelibus prædicandi facultate, quam à Pontifice petijt, manifestum est quam ardentè ipse Martyrium sibi cupiuerit, sed æquè quam vbique prudenter: nam neque hic sine necessitate se obtulit, cauens etiam, ne accenso per istos fratres igni oleum iniiciat, nec apud Pontificem defendit quoscumque se temerè morti obijcientes. Neque Cayri carceribus, nisi ad Martyrium se extrahi permisisset, nisi persuasus causam Christianitatis, & Eugenij Pontificis propositum ipsius Martyrio irritum iri: quod ipse tunc superstes postea feliciter perfecit, & tamen iusti Martyrij desiderio, his verbis expresso claudit Epistolam. *Inter catenas, & fustes mei nominis memento, vt Christi pietas socium me vobis faciat pœnæ, quem fecit comitem desiderij.*

## EPISTOLA XLVI. FRANCISCO MARESCALCO, ARGVMENTVM.

*Mense Septembri anno 1435. Venetijs Hierosolymam abiens Albertus, tunc ultimas in Europa ad Eugenium Pontificem dedit Mense Septembri, nunc Vene-*

*Venetias redux anno 1437. primas has ad Marescalcum inde dedit, gratias agent quod iste omnium primus reduci, per literas reditum gratulatus fuerit: cetera familiaria sunt.*

**V**eteris, & quod est nobis antiquius, Christianæ amicitiz nostræ sinceritas, quanta erga nos soliditate stabilis, apud te nec minus fortis permaneat, Franciscè charissime, etsi satis mea de te fides, atque opinio me facile adducebat, hoc tamen argumento sum factus certior, qui primas omnium ad me, ex Sanctis, & transmarinis locis nuperrimè redeuntem, diligentissimè scripseris. Hoc non solum reliquos amicos, quod pace eorum, dixerim, sed me ipsum, qui posterior scribo, diligentiore festinatione scribendi, & celeriore salutatione congratulandi, præuenisti, vicisti, superasti. Quo in officio, cum alios non accusem, quibus forte postea, reditus noster est agnitus, te summè laudo, & amplector, & in media hac Epistola, tamquam è corde medio resaluto. Si tamen hoc verbum, Ciceroniani illi tui, etsi non tui, saltem huius tempestatis admittant, qui de sententijs non curantes, verba tantum expolita perquirunt, quos ut scis, soleo ludens, non quidem Rhetoricos, sed *Brethonicos* (1) nominare. De quorum alternis, & mutuis digladiationibus, pro abiectis, & quod est admodum tristius, pro perditis, & fœdis tam causis quam hominibus, tanta ad me nuper à grauissimis viris perlata sunt, ut penè dixerim, non modò non redisse, sed potius emori, quam talia audisse maluerim. sed hæc alio tempore deploranda seruentur. Te verò ut dicere cæperam, resaluto, & gratias ago amoris in me tuo. Me autem

negligentiæ in scribendo accuso, quamuis nostræ occupationes in causa fuerint, & spes quædam ad vos citius proficiscendi, quam paulo dilationem effecit, & diligentia huius Sancti Antistitis (2) & amor ciuium huius egregiæ Urbis Venetiarum, quibus nisi primum iuxta Apostolum aliquid gratiæ spiritualis impertiar, *me abire non patiuntur* (3) Quod autem Christo propitio ex transmarinis locis, atque ex Sancta Hierosolyma, Italicis oris, tam inuiti, quam insperati, alias desperati, quod ad reliquos attinet, redditi sumus, quæ res tibi valde iucunda est, quantum multa in hanc causam scribere vellem, nihil aliud nunc dico, quam Deo gratias. Quod verò Scipionem nostrum scribis factum Episcopum, quamuis paulo ante audiueram, siquidem, ut in laudem veterum Israel aut Iudæ Regum Scriptura commendat, per vias David toto, ac recto corde ambulaturus est, dicere non possum, quantum exulto, sin verò quod Deus vnus, verus, optimus, maximus, & solus auertat, via illi Achab impijssimi Israelitici Regis, & via lata multorum magis placuerit, quantum eum diligo, tantum pro illo contristor & paueo. Nisi modo labor dicendi ad populum auocaret longiorem Epistolam texerem, quod te certè scio percupere. Ex causa ergo da veniam breuiarati, nihil dico de eloquentia: cuius si quam partem nos hæcenus habere existimasti, debes Saracenicæ barbarie non parum arbitrari oblitteratam. Com-menda me omnibus, ut libet, & ut ratio

ratio amicorum habenda suggererit, atque imprimis Domino Episcopo, illustri Leonello, & *praeceptori communi* (4) Ceteri vero nominatos se putent, atque id amicissimè. Longior enim euaderet hæc Epistola, si omnium, quos diligo, nomina recenserem: sunt enim permulti; imo verò omnes, maximèque amici, vel nostri ordinis, vel seculi homines. Valeant omnes, tu vale mi Franciscæ dulcissime, ut in buccam venit, sic ad te scripsi celeriter, nec

festinantiam scriptionis diligentia, examinationis valui compensare. Quare si non est nitida Epistola, si non habet mixtam cum decore grauitatem, si redolet sordes negligentia, debebis æquo animo tolerare. Iterum vale, & ad me tu, & alij sæpius scribite. Est enim id genus exercitationis meorum laborum non parua, nec iniucunda leuatio. Ex Venetijs statim postquam tuas accepi idest 7. Idus Septembris 1437.

N O T A E.

Nota I.

*Brethonicos.* Oedipus non sum, ut abstrusi huius nominis sensum eliciam; nisi fortè dicere voluerit Brethyonicos, idest vnguentarios: nam Brethyon vnguenti crassioris genus est. Sed quid ad rem? forte magis quod sequitur. Erat veteris æui in Anglia, Franciscanus dictus Guilielmus Brithonus, vir doctissimus, & variaz eruditionis; cuius opera etiam viuente auctore, non solum in Anglia, sed etiam in Gallia, & Italia, multis magno erant in pretio, & etiamnum in Bibliothecis extare dicuntur. Is multum interesse dicebat, ut quis cuiusque verbi propriam, & natiuam significandi vim intelligat. Nam licet methaphoris, aiebat, & alijs figuris possumus uti, tamen proprietatem sermonis ignorare non debemus. Quapropter librum scripsit, quem Vocabularium Bibliorum vocant; in quo multa vocabula S. Scripturæ genuina significatione clariora reddidit. Ad huius fortè cognomen alludit noster Albertus, illos, de quibus loquitur, Brittonicos dicere volens, quasi magis dictionarios quam Rhetoricos: quemadmodum, si quempiam Grammaticum magis, quam Philosophum dicere velimus, eum potius Calepinicum, quam Cathegori-

cum nominemus, idest magis additum dictionibus Calepini, quam Cathegorijs Aristotelis.

Nota II.

*Huius Sancti Antistitis.* Beatum Laurentium Iustinianum intelligit, tunc Episcopum Castellani, ac postea primum Patriarcham Venetiarum à Nicolao V. Pontifice creatum.

Nota III.

*Me abire non patiuntur.* Hic inter alia loca elucet, quàm grata vbique fuerit Alberti prædicatio, & quàm indefessum ipsi studium prædicandi fuerit, qui post tam longam peregrinationem, & maris molestias, statim quasi è nauibus descendens, huic labori alacriter incubuit, ut infra. *Nisi me labor dicendi ad populum euocaret, longiorem Epistolam texerem.*

Nota IV.

*Præceptori communi.* Guarinum Veronensem indigitat, non hic solum, sed alibi sæpius, quod semel à nobis notandum fuit.



## EPISTOLA XLVII.

THOMASIO BIBIO CYPRIO.

## ARGVMENTVM.

*Saluum se Venetias rediisse, ac Thomasi literas Rhodi recepisse narrat, ipsiusque Catholica fidei integritatem inter infideles, hereticos, & schismaticos laudat, & inter Aula Regia adulatorem, quorum mores, & studia persequitur: ac Thomasio, per sui inde abreptionem, fugiendos suadet, & moras debortatur. Animum laudat, sed fructus impedimenta pretendit, & explicat, atque aulis omnibus communia deplorat, præsertim cum Principes, ut tunc Cypri Rex, adolescentes sunt. Regem ex se amplecti iubet, cui omne bonum optat, & precatur. Libri cuiusdam meminit, quem per Thomasium, ad se in Italiam mitti rogat.*

**S**ALVOS nos tandem, atque incolumes, ut optaueras, & rogaueras, Thomasi charissime, ac spectatissime Medice vigesima, & prima die Augusti (1) portus, & Ciuitas ipsa Venetiarum, Diuinitate propitia, exceperunt, consumpto feliciter maritimo itinere, quod quidem à nobis agi ex portu Cyprio Salinarum, ut scis, nona die Iulij ceptum fuerat: inter eundem verò, literæ mihi tuæ Rhodi redditæ sunt: quibus adiuncta erant remedia, quæ à te antea postulaueram; in quibus literis, ex querimonijs tuis, de nostro recessu, amore in erga nos tuum, quamuis optimè nobis exploratum, apertè percepi. Reddo itaque tibi his paucis dilectionis vicem, petens à Domino, ut dirigat omnitemporarias vias tuas: tametsi te existimem pro Catholica in te Romanæ fidei firmitate, inter multos patriæ tuæ, nec dicam hæreseos, certè nefandi schismatis labe corruptos, diutius com-

morantem, sicut lilium, ut dicitur, in spinis splendescere: Quo sit, ut licet tibi violandæ integræ fidei tuæ periculum minimè metuum; quod solidæ radici Apostolicæ eruditionis incumbis; tanquam tamen inter scorpiones, & colubros incidenti, officium beneuolentissimæ compassionis exhibeo, qui in tales incideris homines, immo qui inuitus cum talibus conuerferis, & quod est grauius, ac longè molestius, quam eruditus viris, ac grauib, ac moribus sanis, fide integra, & veræ Religionis, atque instituto seruorum Dei fulgentibus careas, quorum me consuetudine in Domino fruitum, & vel nouo, vel veteri colloquio, solatioque leuatum, ex tenebris Orientalium excitatum, si ad Christianos schismaticos; ex perfidiæ fetulentæ, colluione, si ad Saracenos; ex perditorum morum labe, si ad utrosque te referas, me ad Occidentalem veræ fidei micantem fulgorem, nullis unquam

quam errorum tenebris aduolendum, admodum redille delectat. His tu, & mille maioribus molestijs, si curas diligentius, ut propè diem eruaris, atque euadas liber, rectissime sapi: sin verò tardus es, pace tua dixerim, insipientiæ te accusem. Neque enim vides, quam moræ, quam negligentiz, atque induciarum, quam denique cuiusvis metus afferas rationem, ut bonum securè, ac liberè degendæ vitæ amittas; nisi forte putas, tuo arbitratu, si diutius in patria tua steteris; vel græcam, per te duriem leniendam, vel infidelium vires, atque pericula vestris viribus succumbenda, vel voluptatem Cypriam, quæ tamdiu infusa, ista tua, id est, in Veneris domicilio dominans, muliebri leuitate, ac mollitia dissoluta est, in seueritatem, grauitatem, continentiam, siue Stoycam, siue Catonianam, siue Christianam potius conuertendam. Quæ equidem omnia desperata penè arbitrans, à te longè dissentio. At verò, inquires, ea vel sola causa me tenet, ut regios mores, & institutam, & regiam. Hic verò ego, ò te felicem, dixerim, si modo hoc assequi possis: Quid enim publicæ utilitatis potest in rerum natura fieri salutaris, quam teneram Regis adolescentiam bonis moribus, optimis doctrinarum monumentis, & sanis consilijs instituere? vnde quam formatus, instructus, atque directus, ne dicam in omne hominum genus, certè in vnam vnus Regni amplissimam, Christianam Rempubicam vel benè administrandam omne studium conferat, vel in rectè administrata tutò quiescat, quo ut Christianis Principibus exemplo, & infidelibus possit esse formidini. Equidem adolescen-

tis Regis egregij ab ipsa natura præclarissimam indolem probè nòui, & cerèum, ut dicitur, ingenium, si modo periti plastæ erudita manus illi adhibeatur. Rex præstantissimus, præterea pater eius etiam iam mortuus, ea laude est, quem dignè promeritis, Rex filius imitetur. Sed mihi crede, grandis est versutia, non modo Dæmonum, verum etiam perditorum hominum, qui florentem ætatem, atque ob id in vitia præcipitem, & in qua malorum campus facinorum latissime pateat, assentationibus circumueniant; & tecto, ac dissimulato periculo, honesto ad hanc diem adolescenti Regi nefandissima persuadeant. Solent eiusmodi, non magis homines, quam feræ belluz, intra aulas præcipuè Magnatum, Regibus, ac Principibus, præsertim iuuenibus adulari, laudare non rectè facta, errata cuncta consulere, & tanquam pro studio honoris, ac salutis maiorum, aduersus rectissimos viros, sceleratissima gerenda ingerere, se se verò tanquam maiores natu præferre, qui genere, qui diuitijs, qui meritis in Regem, & suis, & maiorum suorum, tanquam præ cæteris longè præstantes, neminem omnipò ferant, nulli præter se primas partes habendas putent: paribus inuident, maiores lacerant, minoribus rapiunt, aduersus omnes nituntur, resistunt, iactant, ambiunt, mirantur, insultant. Si quæ verò est laus meritum, si qua bonorum apud Regem exultatio, si quis honos, contra instant, assident, fingunt, petuunt à latere Regis, quoad iustos ab eo omnes appellant, quoad boni vocentur in odium, in suspicionem, in exilium, in proscriptionem, in mortem. Hic est mos

mos vetus nostræ tempestatis : hoc antiquissimum institutum in domibus magnatum : hæc est impudentia, quæ in domibus Regum mollibus protegitur vestimentis , ne deprehensa, non vilis, sed obventa auro, pretiosa putetur. Tu si inter hæc te putas multa posse mereri de perditis, à vero longè aberras. Itaque magis mihi amicè admonendus videris, ut nisi Christo propitio noua quædam spes tibi suboriat, instaurandæ iam euersæ patriæ tuæ, pro qua Deum instantius oro & obsecro, tuæ potius, ac tuorum, tam æternæ, quam temporariæ saluti consulas, quam aliorum quotidie impendentibus periculis inuoluaris. Sed de his satis. Commenda me maioribus, ut ratio postulat. Regem verò imprinis, pro amore, quem erga me gerit, meo nomine dulcius amplexare, cui non solum salutem, fidem integram, atque victoriam hostium nostræ Religionis, vitam, ac mores ornatif-

simos, qui Christianum Principem deceant, è Cælo ab Omnipotente Deo vberius subministrari feruentissimè postulo, sed etiam pro ætate, pro malitia hominum, qui se magis, quam Regiam Maiestatem tueri satagunt, more veri amantis, etiam quæ tuta sunt, vehementissimè pertimesco. Dominus illi adsit, amen. Amicos saluta, inter quos Paulus Perusinus apud nos Princeps est, si tua opera efficere possis, mi Thomas, ut si non gratis, vel aliquo emolumento impenso, ab Episcopo Ebronensi libellum quendam paruulum habeam, in quo & acta cunctorum Conciliorum, & errores omnium nationum orbis enumerantur, profecto rem gratissimam mihi feceris. Eo enim valde indigeo. Cura tu maximè, si illum obtineas, ut ad me tutò, & quam celeriter in Italiam perferatur. Vale ex Venetijs Pridie Nonas Septemb. 1437.

## N O T A.

*Vigesima, & prima die Augusti.*  
Nota hic diem, quo Venetias appu-

lit, & quo è Salinarum Cyprio portu soluit.

## EPISTOLA XLVIII.

CHRISTOPHORO EPISCOPO ARIMINENSI.

## A R G V M E N T V M.

*Nescio quis rumor ad Christophorum perlatus sit, quod Albertus libellum scripserit contra scædum Hermaphroditum Antonij Panormitani. Quapropter, cum Albertus, post suum ex Oriente reditum, Venetijs vocatus, apud Pontificem Bononiæ per dies aliquot moraretur, Episcopus illi per aliquem suum nuntiari fecit, se illius libelli copiam percipere.*

Na

Alber-

*Albertus ergo per hanc Epistolam illi respondet, se eo tempore nihil contra quemquam scripsisse, præter vituperatores Martyrum: contra quos Epistolam dedit ad Eugenium Pontificem. Aduersus Panormitanum autem hætenus nihil, præter familiarem Epistolam ad Marescalcum, et Benedicum, quos laudat. Has, cum gratas Christophoro percepisset, utraq; misit, et simul hanc Epistolam, in qua rogat ab Episcopo precum suffragia: ut viuendo, scribendo, dicendoue non erret, rem Diuini verbi præconibus necessariam; in quo officio ostendit, sermonem doctrinæ quantumlibet splendeat, nihil edificare, si vitæ sanctimonia associata non sit. Tota deinceps Epistola in prophanæ, conuitiöse, scædæ, et nefandæ eloquentiæ sectatores inuebitur, optatque si scæda facta non emendent, ea saltem occultè committerent, ne pernicioso exemplo, et impudenti scriptitatione, malum in plures serpat, prolixius ostendens eruditionem, cum corporis voluptatibus coniungi non posse.*

**A**Nte non multos dies, ut præclare nosti, cum post reditum nostrum (1) ex transmarina Sanctorum nostræ salutis locorum peregrinatione ad pia vestigia sublimis Beatitudinis Eugenij Papæ Sanctissimi meritò osculanda essem, ascitus, aliquanto temporis spatio Bononiz coram illo versatus sum, ubi redeunti mihi domum ab eo tempore communi, in quo propter dicendi consuetudinem in omnium ore quotidie eram assiduus, semel forte accidit, ut homo quidam, sicut arbitror, tuus, idemque quantum mihi visus est, Presbyter Christi nobis occurreret, quædam mihi tuo nomine referens, quæ tibi modo explicanda constitui. Aiebat libellum, nescio quem, siue Epistolam quandam nostram te vehementius videre, legereque percipere: quam nuper, ut dicebat, aduersus perditum hominem, si non se ad meliora conuerterit, Antonium quendam Panormitam, ad repudiandum maledicum illum suum, vel potius impudicum, sceleratissimumque libellum, quem inscribit *Hermaphroditum*, edideramus. Huic ego è vestigio apertè re-

spondi, nullos me hoc tempore libellos, sed neque Epistolam ullam aduersus quempiam edidisse, præter vnā, quæ contra Martyrum vituperatores ad Eugenium Papam delata est: hanc si velles me liberè daturum spondi. Is, cum hæc ita narrarem, libera assertionem firmavit, te gratissimo animo accepturum, si etiam quæ non peteres, nostro ad te studio deferrentur. Quæ cum ab illo audissem, facilè mihi, fateor, persuasi, non te rectè de nostro erga te amore, & prompto animi obsequio posse existimare, si non tribucrem postulanti, quæ non insipienter fortasse respicienti quoque audacter ingererem, non quidem ad te erudiendum, qui maiorum nostrorum delicatè similia saginatus, non opus habes nostro fursure vesci, sed ad me corrigendum, si in aliquo à vero aberrare perspiceres: sin verò, munere Christi, me rectè sapere scribendo censes, adderes pro tuæ charitate literis nostris, orationis tuæ saluberrimum patrocinium, ut viuendo quoque, sicut scribendo, ac dicendo rectè nunquam desipiam.

Ego præsertim, cui conferendæ popu-

Mith 1.

populis, ac publicè disseminandæ Euangelicæ eruditionis onus ingentis operis impositum est. Quo in officio, ut veritas ait, *Si sal euanuerit, in quo salietur, ad nihilum valet ultra, nisi rot mittatur foras, & conculectur ab hominibus*. Splendeat enim licet sermo doctrinæ, & ardeat, & ædificet, nisi vitæ sanctimonia componatur, citius sordet, languet, desitescit, emoritur. Accipe igitur Pater optime nostram, hanc illi sociam qualemcumque Epistolam, quam contra hostes Martyrum nuper edidimus, & pro me ora attentius, ita certò salueris, ita te possideat æterna suauitas, ut non modò pro Martyribus, quæ reliqua polliceor, verborum veritate perficiam, sed antequam vita excedam, rerum imitatione consummem.

In Hermaphroditi autem libelli nefarium authorem, quamvis longo mihi iam tempore voto fuerit, pro feelere turpitudinis eius, plurimam detonare, ob negotium tamen, quod ad Christianos populos quotidie deferendi habemus laboriosum, quia mihi non vacat, scias me nondum aliquid scriptitasse: extare autem adhuc ex nostris vnâ Epistolam, quam hoc fermè triennio, ante nostræ profectionis initium, ad Ferrarientes honestos adolescentes, & Christianè educatos, ac liberalitèr institutos, Franciscum Marefcalcum, & Philippum Bendedeum amicos nostros familiaritèr scripsimus, in qua, & cum altero eorum, qui eas partes mecum assumpserat, nefarium opus abominor, & eis paritèr exhortantibus, me quippiam aliquando scripturum videor polliceri. Quod ipsum iam effecissem, si non laborum meorum prædicta ratio restituis-

set. Sed adierit aliquando, si Deus dederit, aptius tempus, quo stylo possimus abominanda diluere, quæ sumus in tot iam Italæ Ciuitatibus lingua respuere, & delere conati.

At niallem equidem, & hoc mihi, fateor, est longè optatius, ut eo statu reatèr degendæ & fidei, & vitæ, res Christiana instituta esset, quo neminem eorum, qui veritatem tueri solent, oporteret aduersus improbos, tam morum quam fidei corruptores, pro tutanda religione, libros aliquos cudere. Sed contra in hac temporum nostrorum iniquitate, ita quidam perniciosissimè literati; infructuoso satù, mores improbos ferunt, ut omnia tutamenta doctrinæ, pro armis expugnandæ veritatis, honestatis, famæ, legum; religionis, libertatis, & amicitia debere sibi videantur summis viribus acquirenda contendere. Quo fit; ut is, qui veritatem tueri debet, debet autem eam, quoad potest, si modo id facere norit, si præsertim qui faciat desit omnis Christianus tueri. Qui ergo debet, & potest veritatem; fidem, & Religionem defendere, fit sanè magno cum dedecore, ut eis virtutibus; immò Deo noxiè; atque obnoxie sit futurus intensus, si non defenderit.

Atque vtinam, quæ coargui debent; leuia essent, & facile toleranda, fortasse pius aliquis ea potius dissimulanda censeret: nunc verò, quod luctuosum est, quis nisi iniustus æquo animo feret? cum apud plerosque illorum, qui literis expoliti haberi volunt, vsque adeò præstantia eruditionis flagitiorum labe permixta sit, & tantis libidinosarum, sordium spurcitijs ac fecæ corrupta, nec minor superbiæ tumore excata, ut omnem studiorum, artium, do-

Arinarum, ac præsertim eloquentiæ splendorem, & copiam, tum rectè, & solum videantur assecuti, si honesta omnia præceptorum documenta ad licentiam impiæ maledictionis traiciant, aut ad procacitatem detestandæ temeritatis traducant, aut denique ad magisterium nefandæ eruditionis, & fœdæ luxuriei alterne corruptionis convertant.

Hi profectò ignari sunt, eruditionem, ac voluptatem, duas res repugnantes, nullo modo posse coniungi, ne dum apud Christianos, quos Deus haudquaquam in immun-ditiam, ut tuba illa Euangelij Paulus Apostolus aperte testatur, verum in  
1. Thel. 4.7 *sanctificationem vocauit*, sed ne apud Gentilium quidem quosdam præclariore, qui ex communi vulgi errore, in aliquam veritatis lucem emeruisse, atque euasisse crediti sunt. Cicero, ne multos enumerem, quem isti sicut dicendi suauitate diligunt, ita saltem in hac sententia veritate imitarentur, in oratione pro Marco Celi-o de cura studiorum diligentius loquitur, quæ vigilijs, ac studio dicit elaborari, quæque non rectè acquirunt qui laborem fugiunt, qui obstricti sunt voluptatibus, qui amoribus scruiunt; non qui luxuriæ, qui conuiujs, qui lasciuiarum libidine occupati, impeditique tenentur.

Neque cupiditates, & studia facile in eodem homine esse posse, nec fieri, ut animus libidini deditus, amore, desiderio, cupiditate, & copia impeditus, possit ingens illud, quod ab honestis viris in cogitando, dicendo, atque agendo fit, vlla ex parte sustinere, nec aliam postremò causam esse vllam, præter voluptatis appetentiam, fugamque laborum,

cur tam pauci semper fuerint, & nunc quoque sint, qui in bonarum artium institutis, atque in hoc labore versentur, quamuis tam magna fuerint præmia eloquentiæ, tanta voluptas dicendi, tanta laus, tanta gratia, tantus honos. Obterendæ sunt igitur, inquit, omnes voluptates, relinquenda studia delectationis, ludus, iocus, conuiuium, sermo penè familiaris deferendus, Quæ res in hoc genere literarum, homines à labore, studioque deterret.

Noster quoque Hieronymus huic sententiæ congruens. *Literæ*, inquit, *marisupium non sequuntur, vigiliarum comites sunt, sudoris sociæ, ieiuniorum, non saturitatis, continentie, non luxuriæ*. Et ut ad altiora præcepta veniamus, Scriptura Sancta nos admonet dicens. *In maleuolam animam non introibit sapientia, nec habitabit in corpore subdito peccatis: spiritus enim discipline auctor, effugiet fictum discipulum*. Salomon, etiam, ut ostenderet nobis asperum esse studium sapientiæ, nec delicata, & mollia consecrari: *Cogitavi*, inquit, *in corde meo abstrahere à vino carnem meam, et animum meum transferrem ad sapientiam, deuitemque stultitiam, donec viderem, quid esset utile filiis hominum*.

Huiusmodi homines, amplectende Christophore, sanè maleuolè perditos, & fide sapientes, sed verè corruptos, quos scio mecum, pro vitæ gravitate & abijs, & aspernaris, vel huc vique progressa malitia cohiberet: nam tum profectò, aliqua ex parte, magna molestia leuæmur, sed peiorum comparatione, parua sunt omnia, quorum caput est primum, impudentia malorum, quæ celanda committunt; ea nullo pudore palam

In regula  
Almouch  
de concupis-  
cibus. 171.  
172. 173. 174.

Sep. 1. 4.

Ecc. 1. 1.

palam gerentes, atque docentes, si corrigere nollent, vtinam quoad possent, vel clam omnibus agere conarentur. Nam si se perderent, saltem ab alijs corrumpendis sibi laudabiliter temperarent. Est enim nonnulla, etsi non integra, laus, vitia nostra pudoris velamento protegere, quæ passim effusa possunt ceteros ingentis iacturæ colluione nefaria violare: obiecta verò, quamvis se desperatius nefandissimis flagitijs dedunt, nequaquam alios maiore damnatione corrumpunt.

Solum enim crimen hæreseos, cuius labes, quo secretius serpit, eo non tam morum, quam fidei ædificia demolitur, & fundamenta veritatis euertit, quo verò apertius auersatur, facilius obfistendo obteritur: nec effugijs, vel involueris latentium tenebrarum obtegitur, nec abditis secluli cubiculi confouetur, sed lucis splendorem non ferens excatur, hæret, capitur, truncatur, perit, emoritur. Præter hanc, inquam, labem nefandæ hæreseos, quæ damnabilius in secreto sæuit, quam in publico noceat, nullum est crimen tam nefarium, tamque tetrum, quod non longè veniabilius sit, si quodam pudore naturæ occultius fiat, quàm si quadam, vt ita dicam, impudica impudicitia, atque aperta temerè

procacitatis impudentia perpetretur, quoniam alterum quidem, etiam in his, qui vitiosi sunt, ab ipsa spectantium verecundia, & à timore existimationis, atque ab amore adumbratæ saltem virtutis manare censendum est, ne aut illos offendas, aut illam lædas, aut postremum perdas; alterum verò, sola insolentia lasciuientis stultitiæ sibi vendicat: quoniam non nisi infano furore intemperantis petulantia ducitur, quem pudor honestatis, & probitatis, à spurcitia turpitudinum minus areet.

Hæc aduersum nostri temporis imperitissimè literatos, quia locus Epistolæ ita se obtulit, à me pauca pro tempore dicta sunt. Quorum vitia, si virtutibus essent obiecta, vel potius profligata, multo magis vellem vitæ suæ sinceritatem, ac sanctitatem defendere, & sanè longè lubentissimè lubricas adolescentiæ vias morum emendatione protegere, quam insaniam, etiam nonnullorum prouectæ ætatis, in flagitijs licentiam, atque impunitatem reprehendere. Quæ terribila duo peccata, quidam sibi illorum abusu male sanæ eruditionis, & pollicentur, & vendicant. Verum de his hæcenus, atque alias maximè, si hæc pauca nostra te probare comperimus.

N O T A.

*Ante non multos dies post reditum nostrum.* Hæc Epistola, vt vides, nec tempus, nec locum, quibus data fuit, signatum habet, tempus tamen ex his primis eius verbis conijcere possumus. Albertus quippe, vt ipse Epist. 47. refert, ex Oriente Venetias appulit die

21. Augusti 1437. ibique prædicando decenterus est, saltem vsque ad Nonas & septimum Idus Septembris, vt patet ex Epist. 46. & 47. illis enim diebus literas ibi scripsit, ita vt quamquam Vvaddingus habeat, illum statim post reditum, Bononiam ad Pontificem per-



rexisset; id tamen, non sequenti statim die factum existimemus, sed accommodè intelligendum esse. Demus ergo eum, vel ipso mense Septembri, vel etiam fortassis Octobri apud Pontificem Bononiæ fuisse, ubi & quando Ariminensis Nuncium se excepisse in præsentem Epistola narrat, ante non multos dies, quàm eam dederat, ac tum reliquum erit, hanc dedisse mense Octobri, vel forte Nouembri eiusdem anni 1437. immo forsitan mense Februarij, vel

Martij styli veteris: id quod alia hæc ipsius Epistolæ verba corroborare videntur: *Hoc sermè triennio ante nostræ professionis initium*: etenim cum Epistola 30. ad Marefalcum, & Bendedum, de qua loquitur, dederit 22. Aprilis anno 1434. consequens est, ut hanc non multo ante Aprilem dedisset anno 1437. stylo scilicet veteri, per ipsum vsurato, ut sermè triennium ab illa data ad huius expeditionem numerare possit.

## EPISTOLA XLIX.

CHRISTOPHORO EPISCOPO ARIMINENSI.

### ARGUMENTVM.

*Albertus, cum ex Eugenij Pontificis imperio, Religionis statum in Terra Sancta cognosceret, reperit irreplisse quædam, quæ sine selecto Presule, non facile restaurari possent. Proinde suasit Fratribus, ut Nicolaum Osmensem, hoc est Auximanum postularent: & in Italiam redux obtinuit, ut Pontifex eundem Guardianum, ut vocamus, Montis Syon, ac totius Terra Sanctæ Praefectum institueret. Sed cum Albertus abesset à Curia, alij quidam amore Nicolai, alijque odio reformationis, quam ab ipso verebantur, in eandem causam conuenerunt, & coloratis Argumentis persuaserunt Pontifici, ut absoluto ab eo munere Nicolaus, alium instituerit, & ipse Nicolaus, ut non petitam dignitatem libenter abiecerit. Quæ Albertus Venetijs insaudiens duas scripsit Epistolas, hanc ad Ariminensem Pontifici familiarem, alteram, quæ sequitur, ad Generalem Ordinis Ministrum. Quibus petit, ut Nicolaus etiam nolens, & reluctans, restitatur necessario oneri, ac promerita dignitati. In priori hac, quid ab amico fidenter postulandum sit, quid securè concedendum imprime; hinc petitionis suæ causas exponit, & necessitatem explicat. Contra nitentium aliorum imprudentiam, aliorum astutiam detegit, quibus clarius perspicendis Episcopum ad Ministri Generalis Epistolam remittit, cuius ad eum exemplar misit. Nicolaum deceptum, & resignationem suadentium amicorum imprudentem iniustitiam demonstrat, quæ cum vera dilectione consistere non potest. Fructus Praefectura Nicolai recensens, ipsum eximie laudat, idque agens, omnes firè optimi Reſtoris partes enumerat, eaque ex illo promittit, contraria vitia insectatur, & petitionem enixius urget, accusationes diluit, & non ambientibus, sed sugientibus, & reluctantibus, sanctissimi veterum vsus exemplo, conferendas praefecturas differit: ad quas quatuor boni-*

num

*num genera confert, & qui abijciendi, quique complectendi, in conferendis officiis sint, prolixo, doctoque dilemmate demonstrat. Humilitatem interim ex Maiorum perfectionis, propriaque imparitatis consideratione nasci, eiusque fructus quosdam eximios, & necessitatem declarat, in eosque sui, inquit, similes inuebitur; quibus, cum de virtute loqui, & scribere libet, exercere tamen non placet, sed ab utroque abhorrentes, ac tum scribentes, tum agentes, qui persequuntur, & oderint, hos plane iam desperatos esse, quibus dein conferenda regiminis munera sint, clara dissertatione concludit, & Nicolaum in hoc genere non vulgarem, sed egregium esse. Epistolam denique prolixitatis excusatione, sed à cause bonestate, veritate, iustitia, & religione amplectendam claudit.*

**S**olet à veteribus, vir eximie, nullius maculæ loco poni, sed virtuti magis ascribi, si illa ab amicis liberè postulantur, quibus mos est, ut esse debet, ea etiam inimicis non postulata tribuere; tum maximè, cum neque petentis sinceritas, neque dantis bonitas, potest in alicuius delicti crimen, aut dando, aut postulando vocari. Verius, mea equidem sententia, nihil est, quam quod dicimus, & dicemus. Si quis ius suum, vel pietate motus alienum rectè poposcerit, id à sanis iudicibus dandum esse dubitat nemo. Iustitiæ æquitatem, si cuius sit, comprobetur, etiam non petenti tribui debere compertum est. Si vera esse ista omnia quispiam neget, stultitiæ suspicionem meretur: sin verò omnes homines, ut par est, vera esse concedant, nauata opera nostra est. Nam mihi per ea manifestissimè apertus est aditus, quæ voluero abs te, facile omnia postulandi, nec vlla iniqua desperatio impetrandi. Quod enim causæ caput, non mihi cuncta consequendi initium fiat? ubi & iustissima flagitantur, & non propria, sed aliena commoda studiosè queruntur. Immò verò, ubi non terrenæ cupiditatis, sed Diuinæ religionis emolumenta spectantur. Quæ

sanè duo sanctissima in petendo libertatem, in acquirendo sibi fiduciam vendicantes, sine omnis mali suspitione, ab humanitate misericordiar, & à iustitiæ fonte proficiuntur. Quæ cum ita sint, abs te, cui iustitiæ adesse laus est maxima, & à quo æquitatis gubernacula moderari, magna cum mercede officiosa exactio, non vereor illa rogare, quæ causæ sanctitas, & rectissima veritas, meritò tribuenda esse procul dubio persuadent.

Igitur, humanissime Pater, est aliquid pium, fructuosum, ac pernecessarium, quod mihi tua venerabilitas promptissimo animo postulanti, tanquam pro iustitiæ pondere, & pro amoris, & honoris erga te mei præcipua quadam vicissitudine largiatur: Qua de re, ita te velim, non inaniter exorare, ut omnem curam, studium, & diligentiam tuam, perficiendo honestissimo negotio adhibere non dubites. Quod ut apertè perspicias, quædam mihi sunt paulò altius repetenda, Sanctæ Hierosolymæ, ac nostræ salutis, & redemptionis tuæ celeberrima loca, cum valde gubernatore aliquo, & probò homine indigerent, illumque me authore, fratrum pars maior à Sancta beatitudine Eugenij Papæ instan-

ſtantiuſ poſtularẽt, factũ eſt, eum adhuc etiam Bononiæ, vt vir bonus, & doctũ, ac ſancta opinione ſuauiſ noſtri ordinis Fr. Nicolaus Oſmenſis, eiſdem regendis locis, ac fratribus gubernandis, ab ipſo Sanctæ Eccleſiæ Summo Paſtore præficeretur: hunc poſt diſceſſum meum quidam à ſuo honore, non niſi turpiter, ſunt conati depellere.

Quod ipſum eſſet aliqua ex parte ferendum, niſi huius priuationem, damna communia illius Terræ Sanctæ, & proficiſcentium peregrinorum incommoda maiora conſequerentur: quæ proſectò tam multa ſunt, vt eis ſubleuandis laborem tuum magno cum merito impertiare. Eſt enim hæc cauſa eiufmodi, quam nec induſtrius, nec miſericors, nec officioſus deferere debeat, quin ea, quo id fieri poteſt, apud Paſtorem Summum, & diligenter agatur, & agenda, atque inſtauranda ardentius procuretur. Nam quis non iniquo animo ferat, vt in eum hominem, qui præcipua virtutum fama, & meritorum laude elaret, falſis accuſationibus erigantur iniuſti? inuidiam conſent, honore priuent? quæ res, præter communem iacturam Sanctorum locorum, mihi videtur maxima huius deformandi hominis cauſa, atque illius famæ plurimum detrahendæ; & ad extremum, magnam contumelia ſpoliandæ ſine iuſta ratione dignitatis. Ad quam procul dubio deponendam, ſi iuſſus venit, vim iniuriæ perpeſſus eſt; ſi prouocatus, errorem; ſi ſpontaneus, timiditatem, atque puſilli animi leuem, inſiſtenteſque metum, quem ab aduerſarijs (vt taceam ab amicis) criminis loco haberi ſolere, exploratum habemus.

Verumtamen quis ferat, ſi non peccanti auferatur iſ honos, qui non petenti delatus eſt? illos verò quis non abiiciendos cenſcat, qui ad ea, quamuis onera, tamen per quam ſalutaria, turpiter deponenda, probum hominem prouocant? vnde damna ineredibilis iacturæ ſuboriantur? huius accuſationes à quibus fontibus profluxerint *quis auctor*, & *caput* (2) earum extiterit, haud equidem neſcio. Quam autem ob cauſam nunc dicere omitto: ſed ſunt qui nolint eum, qui modo in regendis gubernaculis (quam incepto taceo) eſt Hieroſolymæ ante triennium conſtitutus, ad Italiam ab Oriente redire. Sunt item, qui Nicolaum iſtum, quem nuper Eugenius Papa *maiores* (3) Hieroſolymis grauitate ſanctiſſima inſtituerat, ab Italia ægrè patiantur illo modo diſcedere, abire, propelli. Hæc duo hominum genera, negotium totum evertunt: nam Sanctæ beatitudini Papæ, velut ineptum Nicolaum abſoluendum proponunt: Nicolaum verò laborum metu, ne proficiſcatur, deterrent: & ſit proſectò, vt alij amore præſentis, alij abſentis moleſtia, ne dicam odio, in vnã ſententiã abiiciendi ab officio Nicolai pariter coeuntes, & pium Sanctiſſimi Papæ animum, mendacio circumueniant; dum veras rationes, vel potius paſſiones occultant, & metum inanem Nicolao inuentiant, quem falſis rationibus tertere conantur.

Quas omnes proſectò facilè hic modò diluerem, ſi contra eas, vel modicè dicendum cenſerem. Verum ne multa dictare compellar, mitto ad te alteram cum iſta Epiſtolam noſtram, quam ad Patrem communem noſtræ totius Religionis, ante paucos dies

dies pro Nicolao tuendo edidimus, in qua videbis rationes aduersariorum nos apertissimè refellisse. Quibus tamen Nicolaus noster territus est; non quia veras, qui contra sentiunt, eas attulerint, sed quia Nicolaus, qui per humilitatem in nullo gerendo negotio se æstimat tanti, eas arbitratur haud dubium esse veras, præsertim quæ ab his profectæ videntur, à quibus non se ambigit diligi: atque equidem etiam credo, assentior illos diligere Nicolaum, eaque dilectione fieri, ut nè parùm quidem velint illo carere: sed an sapienter, an sobriè, an iustè diligant, prorsus inficior, nulla enim in amicis diligendis sapientia esse potest, quæ iustitiæ rationem non habet, iustitiæ verò æquitatē caret, qui maioribus minora præponit, ac perinde nec molestiæ sobrietas esse potest, vbi insipienter iustitia, vel excessu præstat, vel defectu inferior est.

At verò quis nesciat, bonum illud esse præstantius, quod sibi publica emolumenta rectius vendicant, quam aut priuatis vtilitatibus, aut non ita communibus anteponant: cum igitur Sanctorum locorum diligentior conseruatio complures vtilitates, etiam quas communes, & magnas nouimus, antecellat, perspicuè iniustus est, qui Nicolaum amoris iniusti persuasione prohibuit, ne vel impositum publicæ vtilitatis onus, charitate, obedientiaque suscipiat, vel susceptum ignaui animi timiditate reiiciat: quæ quidem omnia, non rectè nostra supputatio comprobaret, si non cuncta præclare quæ in officijs religiosè administrandis, cum præcipua virtutis laude, de homine honestissimo, & modestis-

simo dici solent, in istum Nicolaum apertè, & Christianissimè quadrare viderentur. Verum pro ista non improbandæ rationis parte, breuiatis causa, ad nostram Epistolam te remitto, de qua paulo superius mentio facta est.

Fructus autem publici muneris, à Nicolao nostro, si Hierosolymam proficiscatur, amplissimos obeundos nemo sapiens dubitet: cuius famæ odore allecti, ex nostro ordine multi & boni, & sancti viri, cum ipso pariter commeabunt. Per eius præterea operam, temperatis sumptibus, paulò hæcenus effusior vita, quadam frugi parsimonia commutabitur: is, sicut decet religionem, sanctissimis institutis subditorum mores componet. Genus vitæ melioris sua illic disciplina constituet. Industria verò præcipua improborum morum præteritis corruptelis sapientissimè prouidebit. Hæreticos, atque Schismaticos, quorum, maximèque Græcorum, Hierosolymis permagna copia est, exemplo vitæ, atque eruditionis præstantia, ut bono animo sum, ad frugem, ut dicitur, bonam morum, fideique adducet. Infidelibus, sicut res postulabit, nunc mansuetudinens, nunc veritatem, nunc constantiam exhibebit. Peregrinis autem Christianis, pro vario conditionis genere, claris honorem, minoribus adiumenta, mediocribus consilia præcipua tribuet. In rerum abundantia, temperantiam; in penuria, patientiam; in pace, gaudium sanctum; in persecutione, fortitudinem asseret. Animabus inferiorum suorum præcepta religionis, corporibus verò illorum curam diligentissimæ distributionis daturus est: in conuictu, quem communem cum

subiectis religionum superiores habere oportet, bonis humanitatem, honorem, ac præmia; malis iustitiam coercionis, dulcedinem compassionis, exhortationem emendationis exoluet: sibi sanctimoniam, religiosæ conuersationis, omnibus amorem, nulli regiminis arrogantiam aliquando præbebit. Quibus omnibus, sanè præstantibus rebus, nihil in vita melius pro locis Sanctis accidere potest.

Quid enim, aut vtilius, aut iucundius, aut honestius dici potest, quam ut illic, ob Sacramenta fidei, & homo integer instituat, locetur, persistat; qui cum ad suos, tum ad se munditiem rectè degendæ vitæ, ad infideles veritatem vere credendæ fidei, ad credentes suauitatem opinionis, ad omnes fructus deuotionis, Deo auctore, transmittat. Talis, mea sententia, esse debet, qui ad regenda gubernacula Sanctorum locorum præficiendus est. Mihi verò pro sua virtute de Nicolao ea spes est, ut eorum, quæ diximus, aut omnia sibi adesse putem, aut admodum pauca defutura: quæ & ipsa, Christo propitio, in illo perficienda eo minus despero, quo, si Hierosolymam proficiscetur, Sanctorum fratrum, qui illum sequentur, prudentia, consilio, charitate, ac præsidio subleuabitur: ipse præsertim, qui per humilitatem suam, sapientium virorum, ac Seruorum Christi, qui in via Domini triti sunt, consiliorum adiumenta minime aspernabitur. In neminem se præferendi superbia eriget. In subditos benemeritos nequaquam subiiciendi iactantiam ostentabit: quæ vitia, omnium sapientum iudicio, si insunt ei, qui præsidet, in omni genere dignitatis,

oblitum illum tandem humanæ conditionis, ad impurissima nefariæ licentiæ conuercentes, crudelissimum Tyrannum efficiunt, qui non ob publicam vtilitatem prudenter inuigilet, sed ad solius sui insolenter nutriendas delicias superbè fusporet.

Quæ cum ita se habeant, humanissime Pater, & nimium in Domino venerabilis, te obsecro, te vehementer obtestor, per sacrum dogma nostræ Religionis, per professam regenerationis fidem, per repromissam meritorum coronam, ut tua sapientia, atque industria, pro causa Nicolai, immo potius Christi, is esse velis, qui saluti fidelium, & augmento religionis, in gubernatione Sanctorum locorum aduersus contraria sapientes, prouidisse videre: utque id ipsum apud neminem efficias, oro, præter beatitudinem eius, qui verè Papa, Pastor, & Pater omnium, Christi in terris personam magna sollicitudine gerit. Cuius eximie Sanctitati salubriter vellem persuaderes, ut *Nicolaum nostrum* (4) qui per errorem gerenda bona publici muneris, & obeunda communis utilitatis officia prætermisit, pristinis negotijs administrandis, etiam iniunctum restituendum existimet: ne multorum entolumentis priuatus error officiat; nec Sanctis locis aliena aut iniustitia, aut, ut mitius interpreter, stultitia noceat.

Quare propter accusationes, quæ in Nicolaum conferuntur, ab re prælarè gerenda, debet abduci nemo: quoniam illæ quidem sunt potius maledicta, quàm crimina, & conuitia magis, quàm accusationes dicendæ sunt. Quæ si in alios coniecta sint, malam in partem haud dubiè accipi possunt, si ad Nicolaum

laum referantur; nequaquam in bonam, quamvis ab amore, sed tamen stulto, manare videantur, quo cæcati quidam asserunt, ob id Nicolaum tanto onere leuandum esse, quod solitariae vitae otia honesta cum natura, tum usu libentius expetat: quasi verò non omnes serui Dei hoc ipsum efficere debeant, & plurimi maiorum nostrorum, qui clarissimi habiti sunt, hodieque habentur, ei vitae, quantum in ipsis fuit, penitus se dediderint, quorum tamen plerique regendis Ecclesijs, etiam inuiti, foras ab otio ad negotium prodire impulsu sunt; geninam suæ totius vitae, & priuatæ, & publicæ, tandem laudem reportantes: vnam quidem humilitatis, siue modestiæ, qui ad honores, libidine gloriæ inflammati, sponte non rapti sunt: alteram obedientiæ, qui vocati ad onera, immo iussi, pro charitate veniunt, non proteruè, non pertinaciter, non pugnaciter resisterunt.

Et ò Deus immortalis! utinam huius contraria omninò consuetudo, sublata à Christiano more non esset. Multi profectò hoc præcipuo laudis genere, in Ecclesia Christi nostra ætate florerent, si non sanctissimum illum veterem usum iam pene prorsus aboluisse conspiceremus. Mos vetus erat, qui quos fructus vberes tam pareret, nemo dixerit, ut illi gubernacula regenda susceperent, qui ad ea cogerentur inuiti: quod genus immortalis laudis in Basilio, & Gregorio Nanzianzeno, viris Sanctissimis, eruditissimis, eloquentissimis, & summis Græcæ, Ecclesiæque luminibus: itemque in nostris, Gregorio, atque Ambrosio, doctrina quidem inter Christianos, ac Sanctitate dictorum paribus, & Latinæ

linguæ splendoribus enituisse memorie proditum est: & ut antiquiora repetamus, Marcus ipse Euangelista amputasse sibi pollicem legitur, ut Sacerdotio reprobis haberetur, quod tamen ipsum violenter susceptum, summa cum gloria, ad finem vsque vitæ Alexandriæ, atque in Aegypto administravit, produxit, compleuit.

Ita cupiam Nicolaum etiam renitentem, tua opera Hierosolymæ præfici. Cogita, obsecro, ipse tecum quanta res sit, in qua pendere magnum pondus Religionis videatur; non sane priuatæ alicuius, sed Christianæ omnis, si quorum sint mysteriorum loca consideres. Quibus cum sapienti administratione regendis bonum aliquem præfici oportere non dubium est: cum esse Nicolaum Osmensem mihi persuadeo, cui quis par sit inter nostros, non mihi venir in mentem. Quoniam, etsi nemo inueniatur, cui in regendo conditio nulla probitatis desit, interest tamen quis, quo defectu laboret, & idèò habenda ratio est eius, qui paucis virtutibus caret, quarum defectus rei plerumque non multum officit, & eius, qui quamvis magnis virtutibus polleat, non minoribus tamen secleribus se deuinxerit: item eius, qui nullo virtutis decore vestitur; cum tamen vitij multis abundet: atque eius, qui morum omnium nitore, ac munditia præditus, sed nullo penitus vitio subiectus est.

Horum ego quatuor hominum generum media duo, ab omni prorsus dignitate alienos esse debere existimo, quam si nondum sunt affecti, eos nec admittendos, nec ut eam ullo modo acquirant, censeo permittendos, sin autem dignitatem

villam palam corrupti iam tenent, tentandum esse, ut corrigantur. Quod si effecerimus, præclare negotium actum est, atque id magno cum gaudio: quoniam quem hæcenus perditum molestius tolerauimus, emendatum casta exultatione letamur. Is si postremo in sceleribus diutius perstare maluerit, haud dubium est, quin sit omnino à dignitate reiciendus, honore priuandus, gradu pellendus, gloria perturbandus. Restant duo genera reliqua, è quibus primum quidem summo affectu est amplectendum, efferendum laude, honore prosequendum.

Nam quis non magna veneratione suscipiat, attollat dignitate, locet alto fastigio, quem multis virtutibus fulgere perspexerit, etsi nonnulla desideret, præsertim, quæ cum desint, non magna in regendo iactura est. Neque verò nunc Stoica illa disceptatio, imò superbior potius ambitio, me ab ista disputatione deterret, qua constituitur sapientem in virtutibus non posse consistere, qui vel vna caruerit. Apud Christianos enim, à quibus omnis veritas manat, longe sapientior est explorata de virtutibus, & comperta distinctio: quoniam altera est summorum virorum inspecta perfectio ab eorum virtutibus, qui inferiores & exitere, & habiti sunt. Hi tamen omnes in numero sapientum merito computantur, si præsertim ad finem vltique vitæ, in virtute versati, cæpto suo, & voto, & instituto, & decreto persisterint, quæ tamen ratio, quo pacto stare possit, equidem haud video, si de sapientum grege pellen-  
 dus est, cui quamuis virtutes reliquas habeat, vna desit. Sed hos cum sua insulta sapientia relinquamus,

qui iuxta Ieremiam Prophetam *Sapientes fuerunt, ut facerent mala, bene autem facere nescierunt.* Iuxta Apostolum verò Paulum: *dicentes se esse sapientes, stulti facti sunt.*

Quarum illud genus sine omni vitio proborum est potius expetendum, quam ut exhiberi possit; quoniam quos imiteris paucissimos habet, & quos habet, ut eos sequare plus est, quam efficere possit communis hominum, & naturæ infirmitas. Præter Apostolos enim, & eorum nonnullos sanè simillimos, summos viros, reuera huius generis exempla apud nostros rarissima sunt, quanto magis apud cæteros omnes penitus nulla. Quem enim reperias tam meritis, & virtute refertum, firmum, præstantem, qui nulli vitio pareat, cui honesta adsint omnia? qui nihil committat, nihil aberret, qui etsi non scelestè aliquid (nam hoc ferendum non est) tamen ineptum gerat, cuius tam fortis, & stabilis non aliquando laxata virtus, licet non deserta, remissius agit. Quæ non infirmitas, quamquam non euertat, non labefactet seuerum illud viuendi genus, & rigidum, & graue, & sanctum, fragiliore tamen concessu paulò facilius soluat, etsi non dissoluat. Quotus verò quisque effugere potest, ne sua aut facta, aut fama, aut ipsius sermo, tanquam labeculis quibusdam conuictiorum, maledictis, atque inimicorum infamiae aspernatur. Quis denique est, qui omnem vitæ suæ cursum, nullo ætatis robore, nulla vi voluptatis, nullo æqualium conuictu, non cum laude duxerit? Maiores tantum nostri, illi quidem viri sapientissimi, atque sanctissimi, iidemque perpauca, ex hoc genere extiterunt, qui summis immortalis

Dei

Jerem. 4.  
29.  
Rom. 1.11.



Dei muneribus instructi, atque ornati, omnem vitæ rationem, re magis quam verbis sapientissimè, mundissimèque gesserunt; qui nunquam vlla ex parte morum suorum continentiam absoluerunt, nullam in consilijs imprudentiam, in cogitatione, stultitiam, in verbo inconstantiam, in re gerenda negligentiam, in gestu leuitatem, in moribus corruptionem, in potestate insolentiam, in aduersitate deiectionem, in prosperitate elationem exhibuerunt.

Sed hæc Sanctorum præcipuorum, tam rara, quam præclara insignia, animo nobis colenda sunt, quoad possumus. Ea non tam in libris, atque sermonum laude, quam in moribus proficientes præbere debemus, si cui è nobis tantum munditiæ nitorem, ac tam sublimem vitæ gradum Diuina pietas largiatur. Ad hunc nos grandem profecto Sanctitatis, atque insignem meritorum statum, etiam nunquam peruenturos, suspirare, ac niti summopere, & honestissimum, & iustissimum, & plenum decoris est. Pars enim non sanè inferior est, ad sapientiam, & iustitiam capefcendam, intelligere nos esse doctioribus, melioribusque minores. Nam is saluber mentis nostræ prospectus, magno solet esse incitamento bonæ indolis animis, vt stimulat alienæ virtutis consideratione elaborant studiosè eas partes probitatis acquirere, in quibus se viderint magna laude paucis antecellere. Quas si etiam summo labore, & magno quodam annifu tandem conati assequantur, opere pretium est, vel tardè virtute maioribus, aut coæquari, aut comparari, aut conferri; his præsertim, qui non mediocres in quaqua re habiti sunt, sed

illustres, summi, & ornatissimi. Sin denique summa diligentia, cura, & industria studiorum, ac sudoris, neque in sapientiæ splendore, neque in meritorum vbertate similes clarorum virorum euadere non possumus, non tamen parvus comparatus est fructus apud nos intus detumuisse, superbia, humilitate creuisse, qui nostræ infirmitatis angustijs prægruati ad eorum præstantiam nequaquam attingere. Qui cum nobis resistent omni tempore laudandi, venerandi, & admirandi, colendi eos simul nobis sequendos, etiam non habituri illa, quibus excelluerunt, non sine fructu, quem nunc diximus, ante oculos proponere debeamus.

Verùm quod digna mœstitia lamentandum est, quosdam similes mei, nostra ætate, loqui de virtutibus, quam facere plus delectat. Atque interdum, ne audire quidem de eis, neque loqui, neque scribere, neque diligere iuuat: quæ profecto desperati de se hominis, ac male de virtutibus meriti, extrema vitia sunt. Quid enim durius dici potest, quàm non ad bonum illud vel suspirare, quo careas, neque in altero diligere, quod te non habere compertum habeas? Ego, vt totum dicam, quod sentio, non exiguæ spei hominem habendum sentio, qui ea indole insigni præditus est, vt quem sibi noverit virtute præstare, diligere malit, persequi nunquam, contraque peruersi animi nefarium scelus est, illum & factio flagitioso, & animo infectari, cui ornamenta clarorum virorum inelle videas, à quibus sis ipse tuo vitio alienior; verum hæc de quarto hominum genere, plura fortasse, quam breuitas Epistolæ, &

tuz occupationes desiderent : ex quo genere , quamquam ad regenda Christianorum gubernacula , siue ad conseruanda Religionum fœdera , aut paucos , aut admodum nullos reperire possimus ; non propterea animo debemus exidere .

Repudiatis enim medijs , de quibus dixi , duobus hominum improborum generibus , & quarto in dignitate suæ paucitatis sublimiter persistente , auctore Domino , de ipso nobis genere primo , quamuis fragilium , tamen virtuosorum quidam occurrent , quos moderandis regiminibus assumere valeamus ; nisi fortè quis ita desipiat , vt quos vllò , etsi exiguo , vitio laborare perspexerit , haudquaquam ad dignitatem aliquam debere admitti vllò tempore arbitretur . Quæ certè insanissima falsæ opinionis temeritas , omnem Sanctæ Ecclesiæ , & Christiani populi statum funditus euertit , atque peruerit . Nam cum sublimes illos quarti generis viros , de quo penè post Apostolos exempla sunt nulla , quoniam defunt , asciscere nequeamus , si fragiliores , sed tamen meliores abijciamus , superest , vt aut perditos homines mediorum duorum generum Christianis regendis præficiamus , aut penitus nullos . Quæ quidem non sanæ doctrinæ iniustiores partes , quam ineptæ , & stultæ sint , perspicuum est . Fit enim ex illis , vt si nefariè malos præficiendos putemus , Lupos Christi gregibus iniecisse ; immo oues in ora Luporum contrulisse meritò iudicemur : sin- verò nulli , neque ex malis , neque ex bonis in Christiana Religione præficiendi erunt , nutabit Ecclesiæ , peribunt Christiani fideiiores , populi vagabuntur , quoniam nullo sa-

pientiz pulcherrimo ordine distincta Christi Ecclesiæ sine capite vertetur in monstrum : Christiani sine doctore complectentur erronea , populi sine duce prædæ patebunt , oues erunt sine Arietibus steriles , & sine pastore vagantes , quæ morsibus , & interneconi dæmonum , Tyrannorum , atque Hæreticorum , tanquam luporum liberiùs expositæ interibunt .

Est igitur singulare consilium , quod & ipsum nobis maiores nostri sua sapientia pepererunt , vt abiectis ab re Christiana administranda palam facinorosis hominibus , eos instituamus , qui integri sunt ab his penitus vitij , quæ ab immanitate scelerum non abhorrent , fragilia verò , quæ ex nobis aliquando etiam inuitis quotidie oriuntur , facileque dilui possunt , à melioribus geramus . Tantum in his virtuti pareamus , ne in vita nostra sit fœditas , quæ tolerabilis à sapientibus haberi non soleat ; ne in gerendis temeritas , quæ magnopere noceat , ne vlla errata , quæ sopire queant sua damnabili prolapsione virtutem . Cætera omnia facilia sunt , quæ sustineas , in quo insint , maximè si reliquarum virtutum decore instaurata , possint meliorum excusatione defendi , & tanquam magno ære compensata meritò tolerari .

Hoc ego in genere , vt ad causam redeamus , Nicolaum nostrum non modo talem esse existimo , qui enumerari cum cæteris debeat , verum etiam , quia consilio , & sapientia multum potest , qui possit facile multis ex hoc bonorum numero , nico iudicio , præstare . Equidem suauissime Pater , pro hac causa oraui te satis , & vereor ne longitudo mea aliquod tempus tuis negotijs

tij, si me simul tam multa scribentem totum legas, præcipiat. Nam de molestia, quam tibi ingesserim, nihil dico, quoniam avidè cupienti solet sermo, qui placet etiam cum verbosior est, videri parva tempora consumpsisse. Cupiditatis autem, ac dilectionis erga me tuæ, præter reliqua omnia argumenta, illud est ingens, quod etiam ex scripturis nostris à me per Sacerdotem quemdam ex tuis illa volueris mutuari, quæ sunt

multò quam ista Epistola longiora. Quo mihi persuadeo, te nulla literarum nostrarum prolixitate posse terri: maxime cum ea ad te scribuntur, quæ sunt eius naturæ, cuius est, ni fallor, hæc nostra Epistola. Talia enim per nostram paruitatem ad te nunc literis perferuntur, quæ palam est, quod ea tibi religio, honestas, veritas, & iustitia iure optimo vendicant. Vale ex Venerijs XV. Kal. Iulias 1438.

## N O T A E.

## Nota I.

*Christophoro Episcopo Ariminensi.* Hic erat Christophorus à S. Marcello Vicentinus, Eugenij IV. Pontificis primum Referendarius, intimusque familiaris anno 1431. Ceruienti Episcopatu donatus, anno verò 1433. cum Bartholomæo Archiepiscopo Spalateni ab eodem Pontifice ad Basileensis Concilij Patres Legatus, anno 1435. ad Cathedralam Ariminensem translatus, quam cum annos novem cum laude rexisset, Senensi demùm donatus est: inter cuius Sedis Præsules Vghellus ipsum hoc laudat Elogio: *Hic cum Sanctissimus moribus esset, decedens meruit, ut per solidum diem in Cathedrali exponeretur, illumque, ut planè sanctum, supplex Senensis populus veneraretur.* Certè Albertus noster tres Epistolas tanta reuerentia ipsi scripsit, ut virum optimum eum fuisse oportuerit, in quibus nempe ipsum Maiorum delicata simula, quasi diceret, sacræ doctrinæ medulla faginatum, vocat meritò præstantissimum, homines maleuolè perditos, & fictè sapientes pro vitæ gravitate abijcientem; & aspernantem: virum eximium; & in tertijs, causam rei subditi, quem Episcopus commendauit, prius quidem expositam, totam tamen ipsius Christophori Sapientiz, & charitati commisit, seque in singulis ipsius orationibus commendat.

## Nota II.

*Quis auctor, & caput.* Quæstuarium illum, seu procuratorem non Sanctum Terræ Sanctæ hic denotari credo, de quo postea plurima Albertus in Epistola ad Cardinalem Sancti Angeli, quam suo loco daturi sumus.

## Nota III.

*Maiorem.* Sic Sanctorum locorum Rectorem, & Hierosolymitanum Guardianum vocat, non solum hoc loco, sed alia etiam Epistola ad Scipionem Episcopum Murinensem, quam iam supra dedimus, vbi de Fratre Ludouico Bononienti loquitur.

## Nota IV.

*Nicolaum nostrum.* Quantum vir fuerit hic Nicolaus, non obscure in his literis ostendit Albertus, at quis fuerit, nondum dixit. Ergo ne quis desideret, erat hic in seculari vita Nicolaus de Romanis, Sacræ Theologiæ, & Iuris vtriusque peritus, rebus magnis obeundis idoneus, quem proinde Gregorius XI. Pontifex sibi à Secretis ascitum in pretio habuit, & creauit Archidiaconum Vercellensem, multisque alijs pinguis emolumentum beneficijs dotauit, adiuncta facultate condendi

pro suo arbitratu testamentum, cuius ille executorem scripsit Guardianum Cœnobij Auximani Minorum; quibus & libros, & alia legauit, seseque Regulans Obseruantie Sodalitio adscripsit, retento deinceps cognomine, non Domus, sed Patrie; vnde Auximanus, vulgo Osmensis, ab Auximo, seu Osma Piceni Vrbe dictus est. Hinc pic-

tate, scientia, & autoritate clarus, aliqua Religiosis vtilia doctè scripsit. Prouinciam S. Angeli laudabiliter administrauit, & cum B. Iacobo Piceno in Bosna laborauit. Obijtque Romæ in Conuentu Aracelitano, vbi inter alios eiusdem Sodalitatis viros clarissimos sepultus, locum resurrectionis adeptus est.

## EPISTOLA L.

GVILIELMO CASALENSI.

## ARGVMENTVM.

*Modeste primùm exposulat Nicolai remotionem ab officio, in quo non solum matura deliberatione Generalis, & eruditorum, proborumque virorum consilio, sed Summi quoque Pontificis voluntate constitutus fuit. Quod non absque instituentium, institutique estimationis periculo, & graui Terre Sancte iactura fieri potuisse contendit. Ea deinde, quæ Osmensis idoneitati obiecta fuerunt, hominum ambitioforum argumenta, quibus viros optimos officijs, quæ ipsi male appetunt, & peius exercent, pellere nituntur, in ijs per totam Epistolam refutandis est auctor. Quod quasi nihil agens, ac velut lusu quodam suauiter, fortiterque facit. Humiliter tandem orat Prælatum, & pro ipsorum vtriusque, proque Nicolai honore tuendo, pro Terra Sancte non ferenda iactura, pro hominum vitandis iudicijs, pro reprimendis ex officio maleuolis, & boni conseruandi amore, Nicolaum oneri, & honori restituat: omnia tam dilucide tam disertè, ut hæc Epistola nulla nota nostra, vel ad lumen, vel ad robur indigeat.*

**N**ON possum esse, quod liberè fateor, quieto, & tranquillo animo, clarissime Pater, cum ex Bononia, recentibus, & frequentibus literis, & fama, & nuncijs quotidie mihi affertur Nicolai nostri Osmensis ab officio illo suo nuper facta demotio: quem tanto studio, ad prohibendam Sanctorum locorum in moribus corruptis calamitatem, Hierosolymæ regendæ præfeceras: ea præsertim gra-

uitate, quæ non modo de virorum eruditorum, proborumque consilio, verum etiam, quod imprimis dicendum fuit, de Summi Pastoris, ac Principis mundi mente, & voluntate, qui Christi in terris personam gerit, sententia sineceriore profecta erat. Huius profectò, quamuis à magno onere absolutionem, vnde cumque illa manarit, quia opinio famæ, & honoris eius vehementius læditur, non sine ratione grauius fero.

Nam

Nam si inuitus à suo gradu depulſus eſt, quis non eum, quantum apud homines ſe res habet, magna iniuria laceſſitum putabit, quem multorum ſententiæ ante probauerunt; ſi verò volens, & ſciens ad abiectiõnem, vt fortè putat, inutilium moleſtiarum peruenit, non ſolum ignauit, ſed leuitatis, & inconstantię, non dicam crimen, certè vel maculam non facile diluendam, incurrit: Neque enim quiſpiam ad ſubeundas ſiue laborum ſarcinas, ſiue periculorum discrimina illum, ante coegerat, quominus poſſet omnia facile, tum ſaltem abijcere, cum inuito, ac ferre nolenti, vel non valenti abs te illi imponebantur. Quod ſi feciſſet, nullus aduerſus eum iuſtè poterat commoueri, cuius officij vel minima notio nullum adhuc, ne oppidum quidem, attigerat, vt nunc Italiam penè omnem peruaſit: verum, dixerit aliquis, alijs conſulentibus, aut prouocantibus hoc illum feciſſe: ego verò, audaçter dicam, neminem ſapere, qui eis conſilij aſſentiatur, vnde ſine fructu opinio leuitatis exoritur. Sed etſi aliqui ad hoc illum quouis conſilio concitauerunt, eos dico de exiſtimatione huius hominis nullam, de conſeruatiõne verò Sanctorum locorum paruam rationem habere.

Quæ enim poteſt eſſe; in quòquam de Sanctis locis, niſi omninò infulſa, ratio prouidendi, ſi pro homine religioſo; & docto, & frugi, ac ſancta fama celebratiſſimo ganeo aliquis, vt ita dixerim, & irreligioſus, atque effrenata mente immitis, aut conſtituatur, aut permaneat; quod ſi alium ſubrogandum religioſum virum putabis, is erit, quantum æſtimo, de quo magis publicæ utili-

tatis diſpendium ſubſequetur; præfertim ſi è numero prædictorum extiterit, qui maior illis conſtitutus à populis in moribus, & fide inſtituendis, & ab Italia propellatur: ſin verò ignarus quidam illic futurus eſt, quæ ſequantur incommoda probè noſti, vbi à viro aliquo ruſtico, nec proficiſcentes fideles exempla deuotionis, nec cohabitantes inferiores præcepta Religionis, nec aduerſantes fidei noſtræ vel documenta, vel conſtantiam, vel tutamenta vlla penitus reportabunt; quod ſi poſtremò doctum aliquem miſeris, quis, oro te Pater, is erit in quo tot partes integritatis, eruditionis, modetiæ, famæ, & multarum præterea virtutum, vt in hoc vno Nicolao conueniant?

Sed ſunt, vt ad me perlatum eſt, qui dicunt Nicolaum iſtum in rebus agendis non multum valere, corpore verò eum gracilem eſſe, negotijs minus exercitatum, ad tolerandos labores perquam fragilem, otia potiùs quietis diligere: illic autem, & pro muris, & tectis Eccleſiarum inſtaurandis, & pro Saracenorum rabie comprimenda, homine viuâ, vt dicitur, & ardenti conditione, aſtuto, & pene dixerim vaſtro, aliquo opus eſſe. O obtuſam hominum cæcitatē! quaſi verò murorum, quædam morum ratio potiùs Chriſtianis, & Religioſis habenda ſit, quorum alteri ſi non adſint, non magna iactura eſt: Ibi maximè, vbi ſapius à Barbaris, ſalua in nobis Religione noſtræ fidei diruuntur. Alteri verò, ſi de medio ſient, nè muri quidem in ſublime porrecti, quamuis fulgentibus auro laquearijs, aliqua ex parte poſſunt prodeſſe. Religio enim fidei ſine morum ſingulari præſtantia, aut funditus ex mentibus Chriſtianorum

evertitur, aut, vt mitius loquar, colluione nefandissima violatur. Nonne præterea lenem magis, atque humanam facilitatem, Christianam, mititatem, veram sinceritatem, Cœlestem simplicitatem in Christiano homine, infideles homines aut admirabuntur, aut laudabunt, aut imitabuntur, quam aspera seueritate, & vulpina calliditate, & diabolica mendacitate deterrebuntur? in sua, præsertim Patria, vbi & decernendi pro se, & vindicandi aduersum nos, ampla eis & libera facultas tribuitur.

Fragiles autem corporis vires mirum est quia iam vehementer quidam aduersus Nicolaum nostrum promoveant: quasi verò eum, non præceptorem, & Patrem Seruorum Dei constituendum Hierosolymis putent, sed vel militem, vel athletam, vel nautam aliquem, vel metallorum fossorem, excisorem lapidum, montium subuersorem, aut quempiam ex his, qui duro operi mancipantur, qui quoniam eis corporum permagna fortitudo necessaria est; idcirco Bubalorum, Boum, Porcorum, Apro- rum, Ceruorum carnibus opus habent, qui armorum, & reliquarum rerum pondera vehunt, qui pugnis, & calcibus, & diuerforum telorum generibus, sua inuicem membra debilitant, qui remos trahunt, quorum latera ad clamandum, & ad dicendum sunt valida, & qui sub sudore, atque imbris dormiunt. Hi si ita de Nicolao sapiunt, multum desipiunt, quoniam, vt noster Hieronymus ait: *Religio nostra non athletam, non nautas, non milites, non fossores, sed sapientia erudit sectatorem.*

Sed etsi aliqua debiliore valetudine

prægrauatus, necessaria itinera non pollet incedere, mos ei patrius etiam sano erit, vel inuito seruandus, vt iumento aliquo, ac maximè asinario subueharur; neque enim furor Saracenicus pateretur inter eundem pedestres homines Christianos remisso gradu, nisi magno cum periculo posteriùs remanentium, tardius euagari, qui ea celeritate fideles peregrinos conducunt, vel potiùs trahunt, vt vix eos Sancta loca tranquillè ad paruum horam patiantur inuifere.

Verùm esto Nicolaus noster insigni ignominia maculetur, si diligit otia, si tardus sit, ac remissus, si fragilior in rebus gerendis, num propterea, illa quibus præditus est, considerata non erunt? virtutem animi loquor, prudentiam, vitæ sanctimoniam, doctrinam, religionem, quibus non muros sed mores in fratribus, in Christianis, in infidelibus instituere, componere, construere queat. Vidi ego plerosque eorum, qui Religionis, & Seruorum Christi censeantur nominibus, diligentiam erigendarum ingentium machinarum, & subuehendorum maximis molibus ædificiorum probe callere, qui verò noscet ad bene, beatèque viuendum, vel præbere formulam, vel præbitam conseruare, ac fouere, aut nullos, aut admodum paucos.

Sed etsi aliqua in re gerenda, siue ignauia, siue inscitia remissior fuerit Nicolaus, ita enim se habet humana infirmitas, vt sibi ipsa per sese minus semper sufficiat, vt à vero aliquando aberret, & inertia, & desidia sæpius superetur: si inquam Nicolaus talis futurus est, quero primum ab his, qui in huiusmodi negotijs sapientes sibi

sibi videntur, quis in officijs administrandis, non frequenter inutilis sit? nec tamen reliquis in rebus admodum utilis. Ego præter Apostolos, & Apostolicos nonnullos viros, neminem arbitrò extitisse: sed neque esse, neque fore, qui in officijs administrandis vitio omni caruerit, vt neque per morem, atque vsum, & proprium, & priuatum, & humanum, neque per ætatem, neque per errorem, etsi non corrupto, saltem per quam fragili animo in rebus gerendis quidquam peccauerit; aut agendo, aut non agendo, quæ & agi non debent, & agi debent.

Ita ne igitur stulti erimus, vt quoniam sine vitio instituta religionis nullus administrat, præficiendum rebus gerendis vllum penitus desperemus? minimè: immò verò cum abundant, qui sceleratè, qui perditè, qui nequiter causam religionis tuentur, rem communis utilitatis negligunt, publica emolumenta negligunt, tunc maximè etiam fragiliores, dummodo non peiores institui debere censendum est; tantum absit notanda enormitas ab his quibus gubernacula regenda committimus: absit, inquinatæ vitæ, & famæ læsa opinio: absit intemperans animus, & corruptus, absint affectatæ morum sordes; absit contemptus, cum pro se, tum pro alijs rectè degendæ, ac iustè regendæ vitæ; absit deinde neglecta cura, semper melioris querendi; absit postrenuè nequitia præficiendorum, vlllo modo penitus corruptorum. Hæc inquam omnia pro sacris locis longè absint, propellantur, abijciantur, tam ab his qui instituuntur, quam qui instituunt, & tum nullo cum metu illi instituuntur, quibus etiam plurima defunt.

Nam hoc in genere omnem hominem decet, & Christianum maximè decet, magna cum spe bono animo esse, non defuturum Deum, fidelium, qui, quæ defunt, & reliqua suppleat; qui minus rectè facta, si modo non sint scelerata, non imputet, qui aucto rectorum institutorum spiritu, fieri crudeliter puniendâ non sinat. Deinde, in quo satis Nicolaus ipse non fuerit (quod de corporis dumtaxat viribus loquor) num à fratribus, num à socijs, num à subditis, vt Pater à filijs releuandus, iuuandus, fouendusque non erit? nam quid causæ est, vt minoribus præficiantur maiores, nisi vt illis in omnibus quæ agenda contingunt, obtemperandi prompta voluntas, istis autem honestis in rebus imperandi sit discretâ potestas.

Equidem (vt quod sentio eloquar) penè nulla ratio est instituendæ religionis, quæ non ad prædictas causas facile deducatur, aut ab eis emanet, proficiatur, deriuetur. Quæ profectò ambæ omnis veræ religionis causæ pacem pariunt, quietem augent, concordiam fouent, dum inter iustè obtemperantes, & rectè operantes, & rectè imperantes, diuisa pondera, grauiora onera, leuiora efficiuntur: nam quod maiores per sese efficere nequeunt, iubendo agunt: quod verò minores disponere nesciunt, obediendo consummant. Et fit profectò apud eos, qui mutua sibi inuicem suffragia exhibent, vt alternis, communibusque subsidijs ad calcem ea perducant, quorum exitus, & proprio, & priuato præsidio non patebat. Hoc est arbitror, quod Scriptura Sancta nos admonet dicens: *Frater qui iuuatur à fratre, quasi firma Ciuitas*. Et alio loco



idem Salomon ait. *Melius est duos esse simul quam unum, habent enim emolumentum societatis suæ, si unus ceciderit, ab altero fulciatur: vob soli quia si ceciderit non habet subleuantem se, & si dormierint duo fouebuntur mutuò, unus quomodo calefit? & si quispiam præualuerit, contra unum, duo resistent ei, & funiculus triplex difficile rumpitur.*

Quæ cum ita sint, suauissime Pater, prostratus vestigijs tuis, ea humilitate, quam mihi erga te omni tempore habendam professus sum; nec minore fiducia, quam paternus in me amor tuus de te habere liberè finit, te obsecro, atque oro, te instanter admoneo, primum tibi cauendos esse contra Nicolaum nostrum talia subornantes, quoniam cum fallacibus argumentis nitantur, indigni sunt, quibus in damnum, & nec ferendam iacturam Sanctorum locorum fides adhibeatur. Deinde propterea quod non mihi modo, qui huius administrandæ promotionis auctor visus sum, verum etiam tibi, ac multo magis Nicolao, alteri promouenti, alteri promoti hanc absolutionem turpissimam esse duco, prouidendum magnopere censeo, & diligentius occurrendum suspicionibus

hominum, qui id factum, vt vulgo fit, variè interpretantur; non quo omnia de nobis hominum iudicia, etiam quæ falsa sunt, vitare possimus; sed quo illis sit, maximè nostra sapientia, silentium indicendum quæ iuste in nobis, vel leui occasione vel verisimili, ac probabili præbita coniectura carpi, ab aduersarijs posse videntur.

Postremò cura mi Pater optime, pro tuo studio, pro tuo more, pro tuo instituto, atque officio, vt Nicolaus noster pristino honori, quamuis magno cum onere, etiam nolens, sed potius renitens, & pugnans restituatur. Quod vnuni, si tua industria compleatur, taceo quam mihi rem gratissimam feceris, illa dico potius quæ profecto maiora sunt. Certè Sanctis locis præsidia permagna præstiteris, maleuolos à temeritate præpediendæ saluberrimæ prouisionis compresseris, Nicolao iustitiæ libram iustissimam exhibueris, bonorum tibi omnium, qui rectè sapiunt, & amorem, & laudem comparaueris, quibus sanè plus lætitiæ, Nicolai dignitas allatura est, modo recuperata, quam præbuerat ante suscepta. Vale ex Venetijs 1438.

## EPISTOLA LI.

IOANNI CAPISTRANENSI.

### ARGVMENTVM.

*Redditam Capistranensi sanitatem aggratulatur, sed luget Nicolai Auximani ab officio Hierosolymorum Præsècti depositionem, seu potius Sacrorum locorum per id factam iacturam: optat virum bonum illi substitui, quod*

*quod egrotus ipse Capistrano commendat, atque ipsi suam aduersus Marti-  
tyrum recuperatores Epistolam postulanti promittit. Amicos suos Ve-  
ronæ communes illi facit, & Gallicanæ Nationis ordinis tyrones quof-  
dam illi commendat.*

**S**ALUTO te, Pater optime, & de re-  
integrata valetudine tua plu-  
rimum in Domino gaudeo,  
sicut de ægrotatione doluisse Chri-  
stianæ pietatis argumentum esse non  
dubitas. Molestiam dimotionis, vel  
potius depulsionis, iniuriarum atque  
dedecoris plenæ, Nicolai nostri Of-  
mensis ab officio illo suo, certè fa-  
teor, molestissimè tuli: & nunc  
quoque acerbè fero: sicut non solum  
veritas, sed & charitas, & Christia-  
nus amor, vt mihi persuadeo, po-  
stulare videntur, quam huius homi-  
nis absolutionem, quam ipsa beati-  
tudinis Eugenij Papæ summa solem-  
nitate, quidam, quos noui, & quo  
animo, noui, non minus astutè,  
non dicam maleuolè, quam impru-  
denter, atq; impudenter subripuisse;  
quàm rectè impetrasse mihi videri so-  
lent. Quorum temeritatem commo-  
dis remedijs compressissem, si non  
me pectoris angustia, & huius anni  
crudeliorum frigorum ingentior tuf-  
sis, mihi penè intercludens anhelu-  
tum, quadraginta iam dies impedi-  
mento fuissent. Vellem de hac re  
plura tecum conferre, & præter cæ-  
tera huius negotij malefica, hæc duo  
teterima lamentari; vnum, quod  
nec ad necessaria gubernacula Sancto-  
rum locorum, & saltem posthabito  
Nicolao, siue abiecto, alius quis-  
piam idoneus subrogetur: alterum,  
quod si quis deinceps pro Nicolao  
adhibeatur, vereor, nè talis futurus  
sit, de quo magna Sanctis locis ia-  
ctura suboriatur; non solum à multis  
bonis præpediendis, quæ facili pro-

uenire permaxima potuissent, sed  
etiam, quod multo durius est, à ma-  
lorum licentia effusissimè, perditis-  
simè laxanda. Sanè illic, mea sen-  
tentia, mala pene omnia, aut sal-  
tem permulta, à probo quodam ho-  
mine, quem æstimaueram Nicolaum,  
honestè potuissent arceri, sicut illa  
bona sanè permulta, atque præclara  
laudabiliter prouocari. Epistolam  
nostram contra Martyrum vitupera-  
tores, sicut postulaueras, nunc emen-  
datam, per harum baiulos ad te  
mitterem; si vel ego tantum scri-  
bere possem, vel, qui scriberet, ali-  
quis mihi adesset. Faciam tamen,  
quamprimum potero, vt ad te per-  
feratur: maximè, si quo te loco con-  
tinueris, & morari contigerit, me  
feceris certiore. Veronæ, quo nu-  
per audio te curasse debiliorem vale-  
tudinem tuam, sunt mihi amici qui-  
dam, sanè charissimi, & literati viri,  
quos si etiam tibi in amicos compa-  
rare volueris, non erunt opinor in-  
suaues. Petes illos à fratribus, atque  
ad te ascisces, quos simul, oro te,  
Pater meo nomine salutans pluri-  
mum, Christiano cum osculo, dul-  
cissimè complexabere. Fratribus, vt  
pro me orent, me commendare ob-  
secro, non graueris, & filios nostros  
illos ex Francia benedicere, quorum  
alterum audio grauiter infirmari: sit  
manus gratiæ Christi salubriter super  
illo amen. Vale, & me ama, quia  
& ego te in Domino diligo, cau-  
samque Terræ Sanctæ, pro augendo  
tibi cumulo meritorum, non æsti-  
mes relinquendam 1438.

## EPISTOLA LII.

ANDRÆ LANCIANENSI.

## ARGVMENTVM.

*Vnum ex tyronibus Gallis, ante memoratis, nomine Marianum, corpore, & animo curandum Lancianensi enixè commendat: & nescio quæ munuscula ad ipsius tunc egrotantis solatium mittit.*

**P**erlatum est ad me nuper, frater in Domino dilectissime, filium quendam ex nostris, quem nobis Galliæ pepererunt, tua curandum diligentia, à nostris maioribus ad te missum, ut & in moribus Christianis, ac disciplina Religionis instituas: & bonam corporis valetudinem, qua nunc mala laborat, tuæ illi charitate procures. Quare his te paucis hortandum putaui, ut erga illum, cum in salute corporis, tum in animi institutione, nostro sis amore erectior, ea præcipue tua misericordię vsus temperatura, quam indigentiorē partem hominis eius siue interioris, siue exterioris, consulta ratione potius pro tempore, & pro infirmitate illius postulare cognoueris. Dignus est planè hic bonus adolescens, ut illi præstes omnem humanitatem, non solum pro suo merito, & nostro hortatu, quos diligis; sed etiam pro tuo instituto, & nostro testimonio: quod ei de stabili Religionis proposito sincerissimum exhibemus. Nam is apud Cyprum, atque in ipso Rhodo, cum esset nobiscum, magni ex sua Gallia quidam illum molestius vellicantes, nun-

quam eum, non modo reuocare, sed ne parum quidem ab cœpto salutis itinere mouere, aut diuertere potuerunt. Restitit, contempsit, omnia sua Christo lætus distribuit. Quis ergo in eo colendo, atque curando, non se illi facilem præbeat? quamuis, aut leui aliquo animi vitio, ut solet accidere, aut corporis infirmitati subijciatur. Quem enim reperias in rerum natura, cuius etiam præstantissima vita non saltem minoribus flagitijs aspergatur, & cui minutiora peccata subtilius obrepentia, velut in cibo exquisitissimo muscæ sædiores, maximè infestiora non sunt. Verum hæc ex abundanti, apud te præsertim, qui & Christi gratia, & nostri amicitia flagras plurimum; quo mihi persuadeo, nulla eos ex parte abs te posse pacto aliquo deferri, quos iussa Christi, & iura nostræ amicitie curandos præcipiunt. Mitto ad te solatia charitatis, ad nostri adolescentis, & filij Mariani molestias releuandas, ut credens à nobis se vehementius diligere, labores valetudinis patientius ferat. Vale ex Venetijs 1438.

## EPISTOLA LIII.

BEATISSIMO PAPÆ EVGENIO:

## ARGVMENTVM.

*Nicolaus Osmensis in Italia relicto, Minister Generalis in Sacrorum Terre Sanctæ locorum præfectura alium substituit, qui cum Pontifici non placeret, ei ad se venienti persuasit, ut officio se abdicaret. Ipse Pontifex instituit Gandulphum Siculum, Regularis Obseruantia virum. Isti quoque, sicut prius Osmensis resistebant osores disciplinæ: atque ille maxime, qui clauum illius regiminis per plures iam annos indignè torquebat, seseque in eo perpetuare nitebatur. Albertus, Sacrorum locorum zelo accensus, hanc Epistolam ad Pontificem scripsit, suadens, & orans, ut ambitiosum illum amoueret, & clauum Gandulpho tradere cogeret: nec desistit, donec ita factum fuit, ut in eius vitæ historia narrauimus.*

**N**Vper, Beatissime Pater, ex quo Eremitam quandam cum nostris literis, pro negotio construendi, si Deus tandem dederit, celeberrimi hospitalis ad tuam Sanctitatem direximus, quem iam ad te credimus peruenisse; *vir venerabilis Episcopus Castellanus* (1) me repente ad se asciiuit asserens literas Domini Arsenij, tuæ Sanctitatis nomine ad se esse delatas, quibus contineretur, debere eundem Episcopum, simul cum alio Episcopo Treuesino, super negotio reformandæ Terræ Sanctæ cum mea paruitate conferre. Ac post competentem collationem, quemlibet per se nostrum, ad se quamprimum renunciare, quid sentiat; propterea quod mercatores ex Syriaeum, qui nunc præest, postulauerint confirmari? Ego cum prædicto Episcopo Castellano, ut iusseras, quæ pro causâ Terræ Sanctæ expedire censerem,

simpliciter, & liberè contuli: nam Episcopum Teruisinum, qui celerius hinc ad Ecclesiam suam profectus est, nec videre pro labore quotidie prædicandi, nedum alloqui potui. Post longam verò confabulationem, nolens mihi Castellanus Episcopus de suo sensu aliquid aperire, monuit, ut iuxta præceptionem tuæ beatitudinis, apud te sensa mea meis literis velocius propalarem. Quod ego, quamuis superfluum putem, paucis tamen, ut tuæ beatitudini paream, curabo diligenter efficere. Ac principio quidem, prostratus vestigijs tuis, plusquam dici possit admiror, quam ex causa postuler literis sensum mei animi de reformandis Sanctis locis Sanctitati tuæ exponere, quem toties, coram pedibus tuis positus, apertius explicauim, videri scilicet mihi, ut probus quispiam ex nostra Religione abs te locis Sanctis præficeretur: quoniam id fieri debere,

Terræ

Terræ Sanctæ calamitosa, non tam murorum, quam morum ingens, & ruinosa necessitas postulat: Tu verò, B. P. opinor, ut mitis, cum nolles alienorum non rectè factorum auditu pias aures tuas affici, non me interrogasti, quæ illa esset morum calamitas? Ego autem apud Apostolicum non sciscitantem nequaquam censui mihi aliena exaggeranda facinora, ne detractoris aduersus proximos meos impurissima labes nomini meo adscriberetur: præsertim cum his, quæ postulabantur, te facillè assentiri conspicerem. Nolui, fateor, cum non esset necessarium, cuiquam putari detrudere; sed ne nunc quidem, contra quempiam, vel calami, vel linguæ laxabo prorsus habenas: tantum hoc dicam, ne impostæ mihi obedientiæ desim, illum, qui huc usque Sancta loca Hierosolymæ regit, bene gubernandæ familiæ Seruorum Dei, usque ad eò esse aut ignarum, aut omninò nolentem, quorum alterum imperitiæ, alterum fragilitatis, vel malitiæ est; ut si illum censeas confirmandum, tanquam nauem desperato gubernatori, periculoso naufragio perituram, ita loca Sancta, & Seruorum Christi familiam inepto illi administrandam commiseris, tanto maiore iactura, quanto animarum, & morum, quam corporum, atque rerum damna luctuosiora esse non dubium est. Si horum causas scire voles, cum tandem iusseris, aut scribam, licet inuitus, aut coram tuæ cuncta Sanctitati exponam, & tunc videbis perspicuè, quæ mea fuerit modestia in alienis vitijs subticendis, quæ veritas futura in me sit in perditorum conuicijs explicandis. Interim quoad tua nos iussio magis vrgeat, per Ro-

manæ fidei grauitatem, per Sedem, cui præsidet, Petri, per dignitatem, tui Principatus, per potestatem clauium Regni Cælorum, te vehementer obtestor, ut veterem illum gubernatorem, tot iam annis sine reprehensione vllius insolentem, atque inter barbaras Saracenorum nationes, à censura tua tam longè remotum, sed non sine barbaris moribus diu versatum, à Terra illa Sancta, amoueas, reuoces, & propellas: ac præesse fratribus ambientem, etsi non dignè punias, saltem ad Italiam reuoces, quamuis si seuerius ageres, in locum eum quempiam detrudendum, haud dubium, iustius relegares. Virum autem venerabilem nostræ Religionis *Gandulphum Siculum* (2) quem eisdem Sanctis locis religiosè administrandis verè vtiliorem, & salutari consilio paulò antè, constituisti, confirmes, cogas, ac tueare: quamuis illum quidam, quos noui, & quo animo noui, de quibus quædam tibi referet hic perlator, nouo præstigiarii genere, ab officio depellere moliantur, sicut & Nicolaum Osmensensem magno cum dedecore hæcenus abijcere studuerunt. Nec apud te plus valeat B. P. emendicata, ne dicam redempta, ab illo mercatorum Syriæ supplicatio, quam Sanctorum fratrum iustissima postulatio, quorum tibi honesta desideria vir iste fidelis, ac nostrarum baiulus iustissimè explicabit: scit tua sincera Sanctitas, cum sis in Seruorum Christi cœtu penè à puero educatus, quantum inter se differant verorum Seruorum Dei sapiens, & exploratum de Religione iudicium, & sæcularium hominum stulta suspicio, carnalis prorsus mundanorum sententiæ non minoris insipientiæ tenebris

nebris obuoluta, vana vulgi, ac negoriorum existimatio. Quorum tamen necessitatibus, quoad curationem attinet animarum, & in ipsa omni Syria, atque in tota Aegypto salutaris satisfaciet sapiens quilibet, sobrius, & modestus: qui etiam fratres sanctiore institutione nouerit gubernare, quam insipiens vnus aliquis, & ganeo furibundus, disciplinæ peritioris penitus expers, & qui reliquos nescierit, cuius ipse exterioris est vitæ sanctimonia exortes efficere. Si præterea, quidem nescio, Episcoporum sententia à nostra dissentit, pace eorum, vetus tibi prouerbium replicabo: Vnumquemque sui doloris magis conscium esse, quam alieni, & neminem esse, cui non sit notior sua valetudo, quam alteri. Nam sæpe præter me vnum scit sanè nemo, etiam Physicus peritissimus, qua parte doleam caput. Pro hac certè causa risum esse rusticum quendam imperitiæ, vel potius stultitiæ vulgo referunt: quem cum Medicus defessum doloribus sollicitè rogaret, quid plus doleret? Heus, inquit, sine vlllo meo narramine Medicum non decet ignorare quid doleam? & eleganter sane noster Hieronymus: Legimus, ait, quendam apud Romanos nobilem cum eum amici arguerent, quare vxorem formosam, & diuitem, & castam repudiasset, prætendisse pedem, & dixisse eis: & hic foccus quem cernitis, videtur vobis nouus, & elegans, sed nemo scit præter me, vbi me premat. Ita prorsus B. P. ingenium meum est, vt de aliena Religione ad purum, & sine vlllo penitus errore, neminem, quamuis religiosum hominem, credam rectè censere; cum sæpe contingat, vt de ea, in qua

fuerit, ad extremum spiritum educatus, sapientem & probum virum, à vero longius aberrare. Si ergo tua Sanctitas volet fieri certior, quid efficere debeas de homine, quem prouocaris, vt pro gubernatore in Sanctis locis diutius habitaturum confirmes, iube districtius, vt tua præceptione fratres omnes, qui cum eo ibidem versati sunt, tuo conspectui præsententur, atque eos coge nementiantur; sunt enim in Italia, qui cum redire nolint, *tanta est conuersationis eius suauitas* (3) Sunt item, qui inimicitias furoris eius formident. Sunt deinde qui, nisi vocentur, ignauia quadam pigri, nec pro veritate, quamuis periclitetur, foras prodire audeant. Sunt præterea qui ei velint, vt cum eo inaniter aliquando lætentur, periculosius assentari. Sunt insuper quos mendacijs deceperit, ne vera cognoscant. Sunt insuper quos beneficijs delinuerit. Sunt postremò quos, non dicam pretio, sed precibus ipsis redemerit, ne vera contra se dicant. Hi autem omnes, aut penè omnes, vera aduersus eum non liberè fatebuntur. Sed mala communis iacturæ etiam perniciosæ tacebunt, dicentes: fiat tantum pax in diebus nostris: coge ergo omnes iurare ne mentiantur; immo adiura, atque interminare, ne mentiantur, sed quæ vera sunt, simpliciter, & apertè profiteantur: & liquido prouidebis quam sint vera, quæ narro: Hoc autem de his, qui inde iam ad Italiam redierunt. Reliquis autem, qui adhuc Hierosolymis vitam amariorem cum suspirijs degunt, quo sint affecti mœrore eorum literis cognoscere poteris, quas iste nostrarum portitor illorum scriptas, & manu, & nomine ad te

afferet. In quibus quanta abs te diligentia curari se flagitent, eorum humiles precum instantiæ, per se clamitant. Hæc cum ita se habeant B. P. & illi Sancti viri, & ego peccator, cum eis pariter exoramus S. T. instantius omnes fratres, qui in Domino Sancta loca, ob passionis Dominicæ reuerentiam reformari satagimus, ut sicut instituiisti animo, ita

diligentius illa cures: quo possint, qui cupiunt, sub Sancto aliquo capite, quem elegeris in disciplina Religionis Christo vacare, in seruire Sanctitatis, & amore pietatis nostræ salutis illic acta Sacramenta, recolere, atque in pace tranquillæ degendæ vitæ Domino quietius militare. Ex Venetijs 1438.

N O T A E.

Nota I.

*Vir venerabilis Episcopus Castellanus, & post Episcopo Taruifino.* Isti duo Episcopi fuerunt, Castellanus quidem B. Laurencius Iustinianus, & prius Canonicus regularis S. Georgij in Alga: Taruifinus autem Ludouicus Barbus ex ordine S. Benedicti, prius Abbas Patavinus S. Iustini, vterque nobilis Venerus. Quos etsi religiosissimos, & magni nominis viros, à mercatoribus tamen Venetis in Syria persuasos, ut alium nobilem ciuem suum, quem alij amorem cupiebant, in Terræ Sanctæ gubernio perdetuare conarentur. Albertus sanè vel sciuisse, vel metuisse videtur. Vnde ipse Pontifici ferio suadet, ut neglecto in re Religionis

mercatorum Syriz iudicio, vel affectu, auocaret potius ipsos proprii ordinis religiosos, qui hominis ineptum regendi modum præsentis experti sunt, & melius omni alio quantumlibet religioso, & integro viro seiebant, quid sibi in proprio capite dolebat.

Nota II.

*Gandulphum Siculum.* Vide quæ de bono hoc viro, ac tota re diximus, in vita Alberti.

Nota III.

*Tanta est conuersationis eius suauitas.* Ironiè dictum, cum asperitatem intelligi voluisset.

EPISTOLA LIV.

IULIANO CARDINALI S. ANGELI. (1)

ARGUMENTVM.

*Huic Principi de negotio Terra Sanctæ longam Epistolam apud se exarauit Albertus, quam ob rationes mittere differt: propterea breues has mittit cum aliquo viro venerabili, cui rem fusiùs exposituro fidem haberi, & rem ipsam per Cardinalem curari rogat.*

Lon-



**L**ongam ad te Epistolam (2) exaraueram, Iuliane vir Illustris, quam necdum emendatam, partim pro festinantia perlatoris, partim alia quadam ratione, quam cum voles exponam, nunc mittere distuli. Interim breuem hanc scedulam, sicut me præsentem pro tua solles humanitate, læta fronte suscipito: nec minore hilaritate baiulum illius excipiens, vt ei in his, quæ honestè postulaturs aduenit, & tuæ claritatis vetustissimo more, & tuæ virtutis merito, & nostri erga te amoris, atque honoris rationem, te facilem exhibeas, oro. Est enim eæ cœlestis lenitatis interiùs Sancta vñctione perfusus, quam per mansuetudinem, vt videbis, homo etiam illius exterior dissimulare non queat. Quare dignus est, qui abs te audiat attentius, & cui quæ nostro, & quæ suo, ac Seruorum Dei nomine explicabit, haud dubium vera esse.

concedas. Exemplaria sanè literarum, quas nuper ad Papam Eugenium scripsimus (3) huic Epistolæ interclusa, tibi nunc legenda, sicut faciendum antea constitueram, mitto, vt vel paruam occasionem habeas meditandi, quod sint tibi, vt Patri, loca ista sublimia Terræ Sanctæ diligenter, pièque curanda. Vnde etiam ea pro suauitate, ac dignitate nostræ illic actæ redemptionis ab importunis tuenda penitus arbitreris: quamuis meo iudicio, si per literas prouocari ad hoc posses, qui tua sponte curris, concitator certè, atque ardentior fieres, si quæ dictaueram, nunc ad te mittenda putassem. Verum dilationis, vt opinor, non insulsa ratio est. Vale & exiguitatem meam vnice dilige, qui te & digno amore complector, & alto cordis honore ac reuerentia prosequor, Domine eximie, & meritò honorabilis Pater. Ex Vnetijs 1438.

## N O T A E.

## Nota I.

*Iuliano Cardinali.* Hic fuit Cardinalis Iulianus Cæsarinus, Romanus, vir eximius, ac toti Vrbi suo tempore notissimus, pluribus, & magnis titulis doctrinæ, prudentiæ, aliarumque virtutum, & rerum pro Ecclesia in Oriente, & Occidente gestarum meritis, verè magnus, quæ in eius vita celebrant Ciaconius, & qui eum Commentarijs auxerunt, alijque Sacri Historici. Is in Concilio Basileensi sub Martino V. & Eugenio IV. PP. Legatus cum aduocaret eum cœtum multa in Eugenium, & Pontificiam potestatem indignè moliri, ijs defectis in Italiam ad Eugenium accessit, & Florentinæ Synodo, Ferrariæ primum sedenti interfuit, vbi præ-

ter egregiam operam Græcorum vnioni impensam, Eugenius cum peculiarem Terræ Sanctæ protectorem instituit. Et hoc nomine Albertus hanc, atque sequentem Epistolam de rebus Sacrorum locorum promouendis ad ipsum direxit, vt pro sua hac autoritate, malis remedium adhibere vellet; & ille negotium ad Alberti vorum, & maximam Sacrorum locorum utilitatem, denique perduxit, eo modo quo in Alberti vita factum narrauimus.

## Nota II.

*Longam ad te Epistolam.* Est quam præsentì immediatè subiiciemus, contra Quæstuarium, præcipuum Terræ Sanctæ malorum machinatorem.

## Nota III.

*Quas nuper ad Eugenium Pa-*

*pam scripsimus. Est quinquagesima  
tertia Epistola superius descripta.*

## EPISTOLA LV.

EIDEM CARDINALI S. ANGELI.

## ARGVMENTVM.

*Postquam Albertus primum ex officio lustrasset Sacra nostra redemptionis loca, semper deinceps exarsit zelo melioris in eis constituendi regiminis, & conuersationis regularis. Quæ, cum à bono capite plurimum dependere sciret, egit pro præficiendo Auximano, quæ binis iam productis Epistolis explicata sunt. Nunc verò, cedente Nicolao, substitutus est alius vir bonus, eiusdem Sodalitij Obseruantie, Gandulphus Siculus; at qui excludendo Auximano studuerunt; huic etiam constituendo obnisi sunt. Albertus ergo videns desiderium suum, hoc est Sanctissimorum Christi monumentorum, non tam murorum, quam morum restaurationem bis artibus iterum præpediri, statuit necessarium tandem remedium, securim ad radicem apponere. Igitur probe gnarus turbarum fontem, & fomentum fuisse ineptum quendam Terræ Sanctæ Procuratorem, quem proinde Quæstuarium vocat, hanc Epistolam scripsit ad Iulianum Casarinum Cardinalem S. Angeli, & Ferrarie nuper in Sacra Synodo constitutum Terræ Sanctæ Protectorem, ut homuncionem illum Sacrorum locorum ruinae magis, quam rerum prouisioni aptum, amoueri omnino curaret. Totus est in describendis miseri nebulonis turpi vita, malis artibus, maioribusque malis, quæ Terræ Sanctæ locis, & Christianæ Religioni, inde timeri poterant, si remedium efficax non apponeretur: qua occasione cuiusdam Sinaitæ Monachi, & Sergij illius damnatæ memoriæ Magistri Mahometis Apostatarum exempli demonstrat, nullum esse malum tam ingens, quod non pariat malorum Lerna, & mater ambitio; de quo plura, & pulchra Cyprianus de ieiunio, & tentationibus à num. 3. usque ad finem. Sed tanti studij, & conatus Beati viri fructum si curiosus lector desideret, videat historiam vitæ ipsius supra Cap. 14.*

**P**OST priorem superioris anni (1) prouisionem, vir insignis, & merito præstantissime Domine, qua Nicolaum Osmentem Sanctis redemptionis nostræ locis, sublimis Beatitudo Eugenij Papæ præ-

fecerat, iterum secundo eius eximia Sanctitas, calamitatem Terræ Sanctæ miserta, de altero gubernatore censuit prouidendum. Quamobrem nuper illi, ut scis, salutari consilio visum est, virum venerabilem nostræ

stræ Religionis, *Gandulphum Siculum* (2) eisdem locis religiosè administrandis, Patrem omnium Hierosolymæ instituire, quod & fecit; sapienter id quidem, & omninò Christianissimè. Verùm hunc probatissimum virum, Gandulphum nostrum, quidam, vt audio, nouis præstigijs ab officio depellere moluntur, sicut & Nicolaum maximo cum dedecore hæcenus abijcere studuerunt; quorum iniquis persuasionibus Beatitudo Domini Nostri Pape pene iam assensu videtur: nulla quidem nequitia corrupta, sed tantum malitiøsæ illorum circumuentionis, absque omni vitio illius, ignara; nec tamen sine mendacio talium fallentium perniciosè decepta.

Quæ cum ita sint, me peccare non credam, si fontem tibi erroris huius ostendero: immò verò de iactura silentij, apud te male mereri existimem, si malitiam decipientium occultauero; tibi præsertim, qui & obesse vlli non cupis, & prodesse potes, nec dubito, quin etiam velis. Verùm illa potior ratio est, propalandæ à me tibi Sanctorum locorum iacturæ, quod pro deuotione Terræ Sanctæ quam habes, & pro affectu nostræ illic actæ redemptionis; cum te Patrem fratrum omnium, in ea terra habitantium, vel potius peregrinantium, in Concilio Ferrariæ commorantem flagitaremus, tu magna humilitate, & Sancta pietate, & vera charitate, patronum semper futurum humanissimè obtulisti. Indignum igitur censeo, si te lateat, vnde origo tam variæ mutationis, & fons ipse turbulentissimus manat. Dicam itaque, pro tuenda veritate, quæ mihi pro modestia vitandæ procacitatis, & fugiendæ detractionis visa

sunt hæcenus silentio contegenda.

Caput totius causæ, in qua toties, & tanto iam tempore, Sanctorum locorum reformatio agitur, penes quendam insolentissimum residet, quem Procuratorem Terræ Sanctæ, sane non necessarium quidem futurum, imprudentes ante aliquot annos instituerunt. Hic est, de quo apud tuam eximietatem aliquando sermo est à me habitus, qui à puero gregarius miles extitit, vel potius de turba plebis vile mancipium, non integer ab his vitijs, quibus illud hominum genus implicari solet. Is cum valde iactandæ potentie insolentia semper fuerit elarus, atque hucusque in comminando ferus; ad gerenda tamen, quæ militis virtutem probarent, nemo ignauior, in stabulo quam in bello assuetior; amicitior tabernæ, quam prælio; accomodatior sternendis animalibus, quam experiendis viribus, atque equorum frenis, imo coquorum veribus versandis, atque exhauriendis gulæ partibus aptior, quam aut telorum ictibus excipiendis fortior, aut sæuis mucronibus in hostem ferendis audacior. Hunc tandem nequaquam Religionis amor, sed metus forte viuendi cum relinquere sæculum compulisset, religio quædam à callidè fallente decepta, malè de illo habitura, excipit.

Mentior, si non vita illius nefaria testis est. Nam nullo ordini Clericatus insignis Sacerdotem non æstimat, nullo gradu sublimis maioribus subijci designatur. Stultus iam Senex, non Senes sapientes honorat, ignarus non eruditos veneratur, non patribus desert, Sanctimoniam nitidos infamat, deuotos ridet, zelo Religionis accensus, fatuos vocat. Quos

verò sibi conciliari cupit, miris assentationibus decipit: quos suis vitijs iratos nouit, si fallere posse se putat, mulhercularum eos lacrymis flebit: si non putat, vel clam eis eos carpit, vel palam eos, non deprehensus, mendacio fallere satagit; deprehensus autem negat. Nulli verus, sapientibus multiplex, simplicibus sagax, omnibus mendax. Huius, præter reliquas leuitates, Græcorum more, omnis magna Barba ingens gloria est, in vestitu vanus, in incessu temulentus, in sermone varius, procax, inconstans. Gloriat in nescio quarum bullarum apparatu, quas vehementissimè sibi auferri veretur, ne eis priuatus, sibi vana, & dissoluta pro voto vagandi, ac fallendi præripiatur facultas.

Eas, ut arbitror, à Concilijs, atque ab ipsa Petri Sede, aut importunus extorsit, aut fallens subripuit, quibus tamen fretus, intra Gallias, atque Hispanias, Alamanniam, & Italiam, Vrbes, Oppida, Vicosque omnes, Quæstuarius impudens perulustrans, solus quidem à fratribus, sed comes dissolutorum, eques pompaticus, Prouincias discurrit, domos penetrat, voluntarios expoliat, ab inuitis extorquet, cautos etiam, fascinare contendit, propriam pietatem simulat, qua vacuus est; alienam paupertatem ostendit, quam falsò mentitur; Religionem Terræ Sanctæ mentibus ingerit, quam persequitur; *necessitatem Sanctorum locorum iurat, quæ nulla est* (3) nam pro fratribus sustentandis Christiani Peregrini alimonie plusquam satis Hierosolymæ afferunt. Pro muris verò ædificandis, si tandem facultas detur, vnus solus prædiues in Italia pius ciuis sumptum omnem

erogare paratus est. Perspicuè igitur irreligiosi hominis huius discursus inanis est, vbi nulla alimentorum cogit necessitas, superflua quærere: immò vbi insatiabilis vrget cupiditas, egentium eleemosynas vsurpare, pauperum vitam crudelissimo furto prædari, surripere, populari.

Quoniam ergo, Iuliane vir Illustris, Si Hierosolymæ homo integer quidam præficiatur, astutus iste circumforaneus, ab illo suo veteri vsu vagandi cohibendus est: & quod satius est, penitus abrumpendus, à delicijs verò voluptatis, quibus sine reprehensore effusus insolescit, arcendus, atque ad humilitatem obtemperandi, quam nescit; ad viuendi certum ordinem, quem ignorat; ad asperitatem Religionis, quam hætenus abiecit, compellendus, traiciendus, & tanquam inanis bellua furibundus, *Hipocratis vinculis*, ut dicitur, *alligandus* (4) Idèd, ut paulò ante dixi, rabula iste inquietus, causam totam Terræ Sanctæ importunius vexat, inquietat, abrumpit; nunc illum muneribus corrumpens, nunc alterum mendacio circumueniens, modo fletibus durtiem se non cognoscentium leniens. In compitibus impudens adstat, insolens aulas magnatum incurfat, importunus curias potentium frequentat, forum inquietus discurrit. Huic itaque plus monstro quam homini, aduersus Religionis, & honorem, & honestatem crudelia bella gerenti, quis bonus rerum æstimator, & sanæ mentis verus arbiter, non censeat, æqua iustitiz lance seuerius occurrendum. Sed & hoc munus, Iuliane charissime, tuum esse quis nesciat.

Si igitur optas, grandiora tibi merita cumulari, si Sancta loca per huius

ius digno odio infectandam insolentiam decolorari non cupis, si vis nostræ Religionis gloriosam inediam conseruari; *habentes enim alimenta, & quibus regamur, his contentissimus*, si multorum Seruorum Christi feruentissimos animos æterna beneuolentia tibi eupis conciliare; qui hanc petulantissimam, tam vilis auaritiæ, quàm prodigæ effusionis occasionem, mira animi insolentia aspernantur; Te rogo, mi Iuliane Pater, te per nostræ salutis pretiosa Sacramenta obsecro, & obtestor, vt apud Beatissimum Eugenium Papam diligentius agas, quo istum inuercendum, atque instabilem Helluonem ab illis suis vagis, ac varijs dissecratis æstimet compefendum, qui professione mendicis, sitim quærit auro extinguere, qui Euangelicam paupertatem commaculat, qui Religionem fœdat, qui mentes vulnerat, qui scandala serit, parit mendacia, conceitat iras, fouet ambitiones. Quid plura? si illum forte offendas, potentem quendam, atque potantem, sed periculo occurrantium crapulatum è vestigio iudices: qui aspectu ipso teterrimo, vinariam potius temulentiam spirat improbissimi cauponis, quam deuotam Religionis redoleat grauitatem.

Nam huius literis prouocatus is, qui nunc Hierosolymæ præsidet, ambit, suspirat, veretur, ne sibi vir probus quispiam subrogetur; quo metu terribus redimit quotidie mercatorum Syriæ tam vilia quam emendicata suffragia, quæ pro se ex Oriente ad Pontificem Maximum deferantur; minatur præterea ille talis, per hunc talem, se tandem iratum hæc, & illa facturum, si quispiam fuerit ausus eum loco depellere. Veniat,

inquit, Hierosolymam licet dignissimus, mittatur à Papa, viderit cui facile cedam. Nec satis est blasphematori, vt optimè nosti, clarissimorum Martyrum, Confessoribus Christi detrudere, & qui illos diligunt mendaciter infamare, atque aduersus eorum, immo fidei defensores falsa confingere, nisi etiam contra Christianam Religionem prophanus, sed de communi tandem fide cessurum suspicionibus comminetur. Nesciunt, inquit, isti qui me mea dignitate pelli procurant, quid faciat desperatio. Atque, vt apertè intelligamus, quid dicere velit, breuem, & elegantem, ac verè se ipso dignissimam retexit historiam. Quam sanè cum horrenda fidelibus, fugiendaque sit, huic Epistolæ non infererem, nisi eam posteris vtilem futuram existimarem.

Ad fugiendæ ergo, vitandæque exemplum perfidie singulare, cui, nec raro quidem, par aliud æquari soleat, tam nunc tibi narrare verbis paucissimis pergam, vt prospicere omnibus liceat, quovsque periculorum, quovsque ruinæ, quovsque cœcitatibus, ac perfidie soleat impetrandi cupiditas humanam mentem, stultam quidem, ac temulentam immergere, gurgitare, prostrernere: cum eam ad mortalem, perituramque gloriam ambientem, honorum amor possederit. Accipe ergo breuem, sed lugubrem historiam. In Syna, inquit, monte, quo lex diuinitus data est, Græcorum vetus monasterium extat, vbi ex Monachis, quos Caloyros vulgus appellat, quidam paulò ante fuit, vir sanè, qui alterum se ipso non facile inueniret deteriore. Is à reliquis Monachis, nescio quo exagitatus conuicio,

uicio, cum Christianam fidem penitus abieciſſet, vnus ex Saracenorum militibus factus eſt, qui apud Arabes, Mammaluchi vocantur.

Cum igitur abnegatus iſte acerbè ſubiratus, vicem inimicis Monachis ſtatuiffet rependere, obtinuit precibus à Tyranno Aegyptiorum, ac ſuper Monasterium, vnde iam Apoſtata factus fuerat, magnam extruxit Saracenorum Eccleſiam, quæ communi vſu Syrorum, aut Moſcheta, aut Chinifcia dici ſolet; Hoc eo animo homo perfidiz in probrum Chriſti, & decus Chriſtianæ Religionis effecit, vt qui iniuriam vindicare, quam obliuiſci malebat; Arabum more, clamoribus, & maledictis, Monachis hoſtibus eſſet inſenſus; ſicque factum eſt, vt ex hoc vno homine, aduerſum reliquos Monachos, tanquam in magna Sylua ex parua Scintilla magnum conſiaretur perfectionis incendium: quoniam inexpugnabili odio eos, qui ſe hætenus cum eis Monachum laceſſiuerant, mille rroleſtiarum generibus impacatus iſte ſtatuſerat infectari. En igitur, inquit, quo peruehat animum deſperatio.

Nunc verò, mi Iuliane, quis ſapiens, & intelligens hæc: vides enim quam obſcura ſit fabula, & vnde perfectum ſenſum, etiam perſpicaces, ac ſudantes elicere vix poſſumus. Sed tandem fortasſe ſolis ſapientibus, magnum poſt laborem, atque industriam, adiuncta etiam oratione, tanquam de Prophetiſis oraculis intelligere detur, iſtum ornatiffimum hominem, tam elegantem hiftoriam, non ſtylo, cuius eſt ignarus, ſed aurco ore narrantem, & laudeis ſermonibus recitantem dicere velle, ſe deſecturum à fide, negatu-

rum Chriſtum Dòminum, abiecturum Religionem. Atque vt ſciat nos altiorem verborum eius intellectum aliquando aſſecutos, potuiſſe penetrare tanquam de ſecretis, & latentibus foueis, abditos ſenſus illius velut ſerpentes regulos ex abſtruſis eruere conati, apertius quid ſentiat proferemus.

Attendite, obſecro, diligentius ò boni fideles, quos ſenſus habeat iſte Propheta. Hic enim eſt ſapientia iuxta Apocalypſim Ioannis. Qui habet intellectum computet numerum beſtiæ: Audite me apertioribus verbis interpretantem, quid dicere velit. Hic eſt ſenſus eius qui habet ſapientiam, ſcitote Chriſtiani, me ſuperbiùs regnare volentem, nec valentem, iam iam pœnituiſſe, quod vnquam fuerim Chriſtianus, & perennem ſalutis fontem velle deſerere, id eſt, credite me, propter honoris mei quamvis ſolitam in alijs Sanctis viris mutationem, baptiſmum planè reſpuere, communionem abijcere, Religionem mutare, non in Sacratam quandam, ſed ſacrilegam ſectam perfidiz, & hoc tenete, ſi non mihi meus reſtituatur, & confirmetur honos, me Apoſtatam perfidiorem futurum: etiam ſi paulo aſperius agitato, dignitatem mihi tanti Principatus, quo nefariè abutor, curabitis auferre: ò Chriſtianæ Religionis zelum, Iuliane vir inſignis, qui torqueat digno ſupplicio tam ſuperbæ ambitionis affectum, qui priuet in delicijs quieſcentem, qui extinguat, exhauriat, necet, honorum longa ſuſpiria, & periculorum ingentium pernicioſa fomenta.

Nam quid eſt hoc aliud comminari, quàm ſe ipſum malefico illi Sergio ſimilem profiteri? Quem ſiue Neſo.

Nestorianæ hæreseos, siue Romanæ Ecclesiæ, vel vt alijs placet, Antiochenæ, sed Iacobitarum dogmatis Clericum, aiunt perditio illi Mahometo ex latibulis responsa de futuris, tanquam Diuina oracula solitum exhibere. Et quod mendosius est, non terreni hominis vlla fallacia, sed veritate cœlesti: cum dolosum eundem Sergium, ipse Mahometus Angelum Gabrielem, diuinitus ad se missum, ex abditis ad se loquentem assereret, qui sibi reuelaret secreta, qui de futuris se admoneret, qui præberet populis præcepta salutis. Atque adeò homo impurus, cuiusmodi præstigijs, gentem in Arabia simplicissimam, prudentiæ exortem, literarum ignaram, & tantæ malitiæ neficiam, crudeli imagine Sanctitatis, tanquam imago bestię dolosæ deciperit, nullam sane ob causam, vt fertur, nisi quod dignitatem quandam honoris, ad quam superbius ambiebat, pro voto in Catholica Ecclesia, vel alio quouis loco, ipse Sergius nequiuisset acquirere. Qua ex re vehementius indignatus, mari transmissus, in Arabiam se contulerit; vbi nefarij Mahometi, & imperiti vulgi institutorem, velut erroris improbiissimi, spurcissimique fomentum se tandem præbuit, eo nostræ fidei magno dedecore, & Christianæ Religionis summa iactura, vt quod lugentes aspicimus, exempla quæ paria detrimenta nobis intulerint, non facile suppetant, quamuis ea censetas ab ipso penè orbis initio repetenda.

Nam non dico, quem dabis quondam fuisse, sed quem deinceps fore putabis, qui vnquam temporis, & vsquam locorum, tanta mala, & tantorum maximè annorum Christi

Ecclesiæ importarit, sicut ille parricida, & proditor Mahometus, iam octingentos, & eo amplius annos, damnis lugendæ populationis Christianos affecit? nonne nostra hac tempestate, et si flentibus oculis, & summo animi mœrore confectum videmus, vt abiecta Euangelica, atque Apostolica veritate, puritate, Sanctitate, grauitate, Saraceni, Turci, Barbari, Tartari, gentes profanæ orbem penè totum possideant? vbi sub lege sacrilega carnalium præceptorum quis enumeret turbas, aut turmas vulgarium populorum, vt taceam nobilissimas regiones, Regna, Prouincias, Persidem dico, atque Aegyptum, Syriam, Iudæam, Arabiam, Palestinam, & præter Occidentales oras, quæ adhuc in Trinitatis recta fide Christum Deum, & Redemptorem vel ore fatentur, omnes penè Aquilonis, & Orientis Africæ, idest Meridionales plagas vsque ad Hispanias fœda pollutio inquinatæ legis infecit.

Prætereo veteres, & præclarissimas Vrbes, Babiloniam, Alexandriam, Carthaginem, atque Athenas, & in ipso toto corpore Græciarum, ac totius orbis quot, & quantæ extitere Christiana pietate sublimes, insignes, & ornatissimæ Ciuitates, quæ tamen & ipsæ in egregijs quondam ciuibus, abnegatæ, præreptaque pietate fidei, à veritate Religionis, impietati deditæ rescuerunt. Cuius profecto omnis deditiois, tam Vrbium nominatarum, quam maximæ partis, sicut breuiter descripsimus, orbis, vt ad propositum aliquando reuertar; tota & causa, & caput, & male iacta fundamenta ab ipsa appetentia principatus exorta sunt. Vnde in ipso perditissimo Sergio, de quo

Rr

sumus



sumus diutius quam putabam locuti, tanta & tam nefanda fidei detrimenta, tanquam de barbaro aliquo inferorum, & tanquam de semine diaboli duxere principium: quin & ipsum detestabilem Sergium miserę, quidem sed non miserandę superbę cęcata ambitio tantum extulit, vt pro amisso fumo vani honoris, in occasionem tam ingentis glorię Deo præripiendę, immo iam præreptę, & dammandarum funditus nullo numero animarum materiam se se dederit, quia dignitatem terrenę sublimitatis, quamuis fugaci pernicitate labentem, cum damnis communibus, & priuata iactura impacato animo, vendicare non habitam, quam cum salute omnium maluit aspernari.

Hoc memorabili exemplo extolentię, atque ambitionis, Iuliane clarissime, si rectę sapere, quam insanire malimus, fundamenta nobis humilitatis tutissima iacienda sunt, & omnis est aspernanda gloria sæcularis; ne quos inaniter iuuat efferi, aut mundum adepti, aut amissi honoris perniciofa tristitia prouocati, ac mero venenatę appetentię, & stultę promotionis incensę, ad eorum malorum genera deuoluamur, in quę solet omnis mortalis glorię malę appetens, difficile tandem eripiendus, contrudi, vel fortassis nunquam eripiendus præcipitari. Nam quid est aliud dominandi libido, nisi gurges flagitiorum? quid principandi amor, quàm puteus immanitatis, & scelerum! quid oblectatio imperandi, nisi peccandi cum impunitate licentia? quid denique est voluptas subiiciendi, nisi opportunitas sæuiendi? etenim qui gradus honoris erat hactenus Christianis penę omnibus oneris, ad communia tantum commoda,

quamuis summo cum labore, sudoreque percipienda; nunc præter admodum paucos, factus est omnibus libertas satiandę luxurię, prædandi facultas, & tumoris occasio.

Quamobrem vt ab hac labe periculose superbę, absque alijs vitijs liberarentur ex nostro ordine fratres, magnum, aduersum hoc præsertim, flagitium, studium fuit Patribus, & religionis nostrę maioribus, ne ambitiosus iste, per cuius fabulę occasionem tanta iam diximus, nos contra se garriat noua figmenta moliri: commentitia inusitata confingere, insolita decreta componere. Non ne iam olim in nostro ordine vetus mos est, vt quamuis prælari Prælati Hierosolymę, atque in eius Sanctis locis præfuerint (nam de reliquis taceo) post tertium tamen euolutum annum, nouis illuc missis, veteres ad Italiam reuocentur; ne quod est humilitatis officium, nimio vsu dominandi, atque imperandi, in vsurpati veluti principatus tyrannidem, conuertatur: quamuis non dominari dicendi sint, etsi diutius ex officio imperent, qui nulla superbia elati, & per Christi iustam mansuetudinem, mansuetamque iustitiam fratribus seruientes humiliter, atque obedienter minoribus præfunt.

Verum, quia properamus ad finem, mi Iuliane charissime, hoc est præcipuum, quod apertę profiteor, vt scilicet hæc omnia mala, quę diximus Hierosolymis, atque in Italia, ita se habeant, illius improbissimi quęstuarij detestabile studium, esse in causa, atque ea tota, in cuius describendis præclaris moribus, vel potius teterrimis morbis, ab ipso penę exordio, pars Epistolę nostrę consumpta est; quamquam omnes

in eum reliquas eius partes conuerti, & velim, & postulem. Rectè etenim omnis in eum conferenda causa est, qui causæ totius caput extiterit, omnis, inquam, controuersie huius de Sanctis locis, & malorum principium illius ipsius nimia, atque astuta cura, damnabili vigilantia, fraudulentaque opera ortum est, totumque illa infracta, sed perniciosa diligentia, cum discrimine, dedecoreque efficit, qui quos putat se posse decipere, eos male sollicitus conuenit, eos adit, pulsat, prouocat, discurret, fingit, fallit, mentitur.

Supereſt ergo, Iuliane vir ingnissime, vt tuo studio, & Christiana pietate fretus, hunc, de quo mihi pro communi ad te utilitate Sanctorum locorum sermo iam prolixior habitus est, ex tanto temeritatis supercilio censeas deponendum. Quod nullo modo, quantum opinio mea fert, commodius efficere poteris, quam si eum illis quibusdam literis, & bullis; falsis quidem, atque fallentibus, priuari procures: in quas tanquam in sue fidei validissimum argumentum, & certissimum testimonium, atque, vt veriùs loquar, sicut in ministras cupiditatum suarum, spem omnem videtur inanis gloriæ collocasse. Hoc si feceris, erit tunc operæ pretium, audaciam pestiferi hominis à sue voracitatis infamia depulisse, in cuius quæstum in-

satiabilem dolemus; vt de reliquis prouincijs sileam, totam esse conuersam Italiam. Erit iucundum, deinde, Religionem nostram turpissima per hunc egentium extortione vexatum, à dedecore fœdæ infamæ & nominis nefandi eripuisse. Erit postremò suauitas innocentibus, Sanctissima illa loca iam esse tandem ab huius monstri barbarici, & publicæ pestis dominatu impio liberata, & p. eis, atque honestatis, pudoris, & temperantiæ ornamento pacata, tranquilla omnia reddidisse.

Quæ sanè, & cuncta, & singula monstro illi, si velit, salutis parient ingentem occasionem, Religioni nostræ gloriam, virtutem parsimonie frugalitatis, & continentie laudem, latèque effusæ famæ fragrantiam, & suauitatem Sancti nominis afferent. Tibi denique ipsi, egregiè & merito illustrissime Iuliane, honorem & merita comparabunt: si, quod etiam in extrema Epistola te rogare non desino, compressa auara immanitate huius sceleratissimi Quæstuarij, cum in occasione cupiditatis atque luxurix, gulæ, impunitatis, iniustitiæ, vagæ excursionis, dissolutæ licentiæ peccatorum, & nefandi omnis dedecoris, ac magni discriminis diutiùs manere non pariaris. Quod vt facias te iterum atque iterum & oro & obsecro. Vale.

## N O T A E.

## Nota I.

*Superioris anni.* Huic Epistolæ nullam in codice nostro inuenimus temporis, vel loci notam subscriptam: sed ex

his verbis clarum est scriptam, etsi non missam fuisse, anno 1438. Constat enim Nicolaum anno superiori hoc est 1438. Terræ Sanctæ præfectura donatum, eam abieciſſe, & huius anni initio sub-

stitutum fuisse Gandulphum; nec dubito Venetijs datam, ut alias duas præcedentes; ubi nimirum Albertus tunc disponebat secundam suam ad Orientales professionem, unde in codice Capistranensi subscriptum inuenio *Ex Venetijs 1438.*

## Nota II.

*Gandulphum Siculum.* Alij Gandulphum vocant, & Albertus venerabilem, & probatissimum virum. Per B. Ioannem Capistranensem, à Iuliano Cardinale Protectore missum, Hierosolymis in officio confirmatus, & stabilitus est, illis in Europam remissis, qui eius gubernio reluctabantur. Deinde per Eugenium Pontificem Sedis Apostolicæ Commissarius per Indiam, Aethiopiam, & Aegyptum constitutus est. Extat apud Marianum Florentinum eius ad Pontificem Epistola, Hierosolymis in Sacro Conuentu Montis Syon data primo Februarij 1444. quam Vvadingus tom 5. sub eodem anno descripsit num. 54. in ea narrat Constantinum Aethiopum Imperatorem, conuocatis Principibus, & Ecclesiarum suæ ditionis primoribus, decretum vnionis in Concilio Florentino editum, solemniter publicari, & ab omnibus lætanter acceptari scisse; celeberrimam, & minacem legationem ad Sultani Saracenorum misisse: quo iubebatur Tyranno; ut Christianos melius haberet, eorumque Ecclesias, quas ante destruxit, resciri iuberet. Legatum deinde Cayri honorificè, & reuerenter habitum, magno comitatu, Christi Præsepe Bethleemi, & Sacrum Sepulchrum Hierosolymis adorasse: Franciscanos eorum custodes, & cultores humaniter, & amicè habuisse, & ab eis vicissim susceptum, & recreatum, sui admirationem, terroremque per omnia Saracenorum loca circumtulisse, publicum præconium à Sultano exisse, quo omnibus ipsius subditis præceptum est, ut Christianos deinceps bene, & humaniter tractarent, omnia legationis acta & effectus, lectu sanè ob raritatem splendoremque iucundissima, describit & Europeorum Legatorum abiectioni, & nimix subie-

ctioni opponit; simplici quidem, sed sincero, & candido stylo. Nos Epistolam ipsam descripsimus supra cap. 14. vitæ B. Alberti.

## Nota III.

*Necessitatem Sanctorum locorum iuras quæ nulla est.* Ita sanè fuisse, cum Albertus hæc scriberet, facile credendum suadent ipsius grauitas, doctrina, Sanctitas, & intima rerum cognitio, postquam Pontificis autoritate, & iussu, cuncta ex officio perlustrasset. Sed longè diuersus postea factus est rerum status, & conditio. Quapropter Christiani leætoris conscientiam prouoco, & obtestor, ne ex hoc Alberti loco quidquam de modernis Terræ Sanctæ Religiosis, aut eorum Rectoribus sinistrè iudicet; dum non legerit ea, quæ de ipsorum necessitate, & sumptibus, nos peculiari commentario, de locis Terræ Sanctæ scripsimus, atque nostræ Annalium ordinis epitomæ inseruimus sub an. 1342. quæ non maiori voluptate, satiandæ suæ curiositatis; quam intimo dolore, & compassionem calamitarum ipsorum, & admiratione incredibilium sumptuum, quos ipsos facere oportet, perlegat. Et ego huc transcriberem, si & rem actam agere, & notas in tractatus commutare non nollem. Tunc videbit pauperes Minoritas non absque extraordinaria Dei prouidentia posse tolerare, quæ patiuntur, nec sine causa procurare, quamquam summis laboribus, tam multa milia aureorum, quæ singulos eorum præfectos erogare cogit Turcica rabies, & avaritia, Græcorumque Schismaticorum æmulatio, & inueteratum odium in Romanæ Religionis affeclas, & propugnatores. Cerrè B. Alberti argumentum de Peregrinorum subsidij ita mutatum est, ut liqueat eos multo plus dispendij fratribus adferre posteriori æuo, quàm prisco illo tempore referebant emolumentum; cum Europæi Principes, Prælati, & viri nobiles, & pecuniosi faciliiori accessu, & ardentiori charitate Terræ Sanctæ peregrinationem frequentabant.

## Nota IV.

*Hypocratis vinculis alligandus.*

Hypocratis vincula videtur describere S. Hieronymus apud Guallensem, de Philosophis part. 4. cap. 4. *Hypocrates adiuras discipulos suos, atque docet, & in verba sua iurare compellis, extorquet sacrum silentium, sermonem, incessum, mansuetudinem, habitum, moresque describit.* Rectè quidem, nec magis apta dissoluto, & indisciplinato Religioso, vt cogatur, quod S. Paulus ait; *omnia bonè, & secundum ordinem facere.*

Censebit forte quispiam, nec B. Albertum huiuscemodi literas debuiss. scribere, nec scriptas per nos publicari; sic magis consulturum vtrorumque honori, & famæ, tam personarum, de quibus scriptæ sunt, quam totius religionis, cuius filiorum imperfectio detegitur. Sed, quod Alberrum attinet, vetus ista querela est, cui ipse abundè satisfecit alia longiori Epistola; seu iusto opusculo ad Paulum Romanum, de insolentibus corripiendis, quam suo loco proferemus, quæ nostro etiam factò tuendo, non parum suffragatur. Nam quo consilio ab ipso scriptæ fuerunt, vt illi dum viuerent, emendarentur, & occurreretur publicis malis, quæ per ipsos fiebant, & non minoribus, quæ iustè, & prudenter timebantur futura; eodem ego eas in lucem profero, vt si qui cæci sunt, videant, in quo æternæ salutis, & famæ periculo versentur, & resipiscant: quibus autem lumen, Dei beneficium, adhuc integrum est, eaueant præcipitia, in quæ non hos tantum, sed alios multos tam homines, quam Angelos appetitus dignitatum,

& imperandi perniciofa, damnataque cupiditas, proiecerit.

Et quamquam nec B. Albertum, nec me peccatorem lateant ipsum nomina, cognomina, patriæ; horum tamen nihil ab vtrouis nostrum proferatur. Sed quicumque hæc fecerint, non vt ipsum consulere famæ, quam iidem ipsi turpissimis factis, publicè proflitauerunt; quod nec Diuina de Sanctoribus etiam hominibus obseruat Scriptura; sed quoniam indigni sunt quorum exeeranda nomina per Christianorum ora pronuncientur, qui non Dianæ damnatæ fœminæ delubrum, sed veri, & boni Dei Iesu Christi, nostri Redemptoris, ineffabilis Incarnationis, Natiuitatis, ieiunij, prædicationis, miraculorum, passionis, sepulturæ, Resurrectionis, Ascensionis, & futuri ad iudicium aduentus, Sacratissima templa incendebant, & in cineres reducere minabantur; non iusta desperatione, quam prætendebant; sed impiissima ambitione, qua ipsi flagrabant, & iusto Dei iudicio, ad nihilum redacti, vel singulari misericordia ad pœnitentiam reducti sunt. Nec me mouet ordinis infamæ timor, cui potius gloriæ est, id genus apostemata vri, secari, excindi malle, quam vt pestiferum virus in totius corporis viscera serpat. Cum ergo valuerit historiarum finis, & fructus sit maiorum, bonorumque factorum exempla proponere, quo lector quæ turpiter, infelicitateque facta, in alijs reprehendit, caueat ipse; quæque sanctè, prosperèque gesta collaudat, ipse vicissim amplectatur; non minus in posteros, & Rempublicam peccat, qui hæc, quam qui illa tacet.

## EPISTOLA LVI.

## EPISCOPO ARIMINENSI.

## ARGVMENTVM.

*Id ipsum negotium Terræ Sanctæ huic Episcopo, apud Pontificem grato, Albertum commendasse existimo per nuncium, & has literas, vt vocant, credentiales, quas eidem nuncio ferendas tradidit.*

Vt

**V**T me cognoscas grato arripuisse animo tuas oblationes; quibus te sponte futurum fautorem meum apud Beatitudinem Eugenij Papæ Sanctissimi, cum abs te abscederem, liberè obtulisti: ecce nunc sine vlla cunctatione, tanquam pro meo iure repeto, quæ tu sine avaritia, immo cum magna beneficentia, fueras ante pollicitus. Peto ergo à te, vt his, quæ tibi hic no-

strarum perlator apertius explicabit, piam aurem præbeas, securius credas, benignè assentiare. Est enim vitalis, cui non solum nostro nonvne, quamvis simus exigui, sed etiam suo merito te exhibeas fauorabilem, eo feruentius quo nihil præter communis vtilitatis honestissima commoda postulaturus aduenit. Vale ex Venetijs 1438.

## EPISTOLA LVII.

FRANCISCO BARBARO.

### ARGVMENTVM.

*Christophorus donatus, vt olim Prætor Taruifinus Albertum cupiebat illius Urbis populo prædicaturum; sic idem nunc Brixienfium pariter Prætor, multis & urgentissimis Nuncijs & literis ipsum illuc etiam vocat. Albertus in ea re Francisci Barbari iudicium per hanc Epistolam petit.*

**V**etus mos amicitie est, Francisce mi suauissime, amicorum commissa diligenter celare: proinde quæ ad re scribo apud te permaneant, præter veros amicos, & idoneos homines, nemini propaganda. Prætor Brixienfis fascibus literarum me quotidie penè obruit, vt Brixiam me conferam, suppliciter postulans. Tu verò, quem plurimum diligo, quamvis mihi tuis literis hæcenus persuaferis eundem accessum, cum post nihil scripseris, cuiusdam mihi, fateor, non levis suspicionis scrupulum iniecasti; ne forte salubriore consilio sententiam priorem mutaueris, vel patriæ, ac temporum conditione perspecta, vel alia qualibet causa, quam tibi ratio

consulta suggesserit. Ecce palam tecum, vt præsens, proloquor, quæ animo reuoluo; quia suspectum est mihi tuum hoc silentium, inter tot maxime strepitus literarum, quæ ad me frequenter mittuntur, quæque, vt æstimo, non te latent. Nunc ergo per Christianæ nostræ amicitie iura te obsecro, vt quid de nostro ad vos aduentu sentias, apud me amicè, simpliciter, & apertè loquare: & ego tunc, vt efficere posse me videro, tuo præsertim adiutus consilio, melius aliquid statuam. Voti mihi erat longissimam ad te, & plenam amicitiarum Epistolam exarare. Sed per occupationes quotidianas mihi vix hæc pauca vacat scribere. Vale ex Venetijs 1438. 6. Idus Maij.

EPI-

## EPISTOLA LVIII.

CHRISTOPHORO DONATO PRÆTORI  
BRIXIENSI.

## A R G V M E N T V M.

*Respondet non certa pollicitatione, sed certa spe Brixiani eundi, cum ablata fuerint impedimenta, quæ ipsum hæctenus retardarunt: idque exemplo, & adductis verbis S. Pauli.*

**S**I futuri fructus in quoquam ex populo Brixienſi ſpes nulla me prouocaret, ſolus in me, vir egregie, honos, & amor tuus, hunc quem tantopere poſtulas, ad vos proficiſcendi laborem me ſubire cohortarentur; immò verò penè inuitum, & repugnantem impellerent, vrgerent, & violentiùs cogerent, non modo præceptum Dominicum, quo nobis dicitur, *omni petenti te tribue*; Verum etiam religioſum officium tuæ diligentis inſtantiæ, quo factum eſt, vt tanto iam tempore, & tam frequentibus nuncijs, ac literis me nullius momenti hominem, proſerendo vitæ ſemine ſuper colendis agris Brixienſium cordium deuotione præcipua accerſieris: verùm dixerim inhumanum omninò hominem, vt taceam ruſticanum, atque agreſtem, & ferum, quod ſi facere ſatis tibi commodè queat, huic Sancto ardori tuo vlla ex parte deſit. Quare, vt ab ea labe me liberem, tibi me promptum exhibeo; nulla quidem certa pollicitatione, ſed ſpe quadam egregia. Neque hoc velim mireris, quùm ob ingentia pleraque impedimenta, quæ hoſtis ille nefarius no-

ſtræ ſalutis nobis vterno uſu ſuo parare ſolet; mos iſte apud nos hæctenus inoleuit, vt nulli Ciuitati acceſſum noſtræ paruitatis audeamus promittere; ſed ſpem animi volentiſſimi omnibus aperire. In quo utroque facto, ne nos quiſquam non rectè facere arbitretur, Apoſtolicum, quantum mihi videtur, regiminis gubernaculo, vt in altero cauiores inuenti, non ſit in verbo noſtro eſt, & non, ſed eſt in illo ſit: in altero verò comperti beneuoli, etiam quod efficere non valemus, nos ardentè velle, eos qui cupiunt admonemus. Itaque vir illuſtris, præſcripto quidem inſtituto, quantum ab illa indubitata ſponſionis fide nunc me apud te tempero, tantum in alacritatem piæ voluntatis me totum proijcio: qui ſicut penitus venire non ſpondeo, ita non prorsus inficior, interim *Omnes ſine intermiſſione oremus, humiliter obſecrantes, vt tandem aliquando proſperum iter habeam, in voluntate Dei veniendi ad vos; deſidero enim videre vos, vt aliquid cum Paulo Apoſtolo impertiar vobis gratiæ ſpiritualis ad confirmandos vos, ideſt ſimul conſolari in vobis, per eam, quæ*

1. Cor. 1.

Ad R. m. 1

*que inuicem effidem vestram, acque meam: nam ut aliquem fructum habeam in vobis, saepe proposui venire ad vos, & prohibitus sum, usque adhuc. Verum quoniam à*

*Domino gressus hominis diriguntur, rogemus vt viam nostram dirigat, atque in vobis vberiores fructus, ingentis honoris compensemus. Vale ex Venetijs 6. Idus Maij 1438.*

## EPISTOLA LIX.

EPISCOPO CYPRIO EBRONENSI. (1)

## ARGUMENTVM.

*Albertus è Cypro in Italiam anno superiori soluens, accepit ab hoc Episcopo librum Pistoriensi in Thusciam conuentui consignandum; scribit ergo se in Italia incolumem esse, sed in Etruriam nondum migrasse, nec adhuc baiulum inuenisse, per quem librum mitteret Pistoriam; missurum tamen, vel selaturum, cum se obtuleris occasio, petitque alium librum ab Episcopo ad se mitti in Italiam.*

**E**X tua Cypro hætenus recedentes, tandem, Christo propitio, sospites peruenimus ad Italiam. Qua de re, scio te mecum Deo nostro gratias cumulatè referre; dicamus igitur & nunc seinel pariter Deo gratias. Librum tuum, quem Pistoriensi Conuentui assignandum, cum abirem à Cypro, abs te accepi, necdum misi, nec eum illuc attuli, propterea quod neque ipse in Thusciam sum profectus, neque per quem tutò deferri posset, adhuc nobis quispiam fidelis occurrit. Quiescat tamen tuæ mens Reuerentiæ securissimo somno, quoniam ita fideliter omnia complebuntur, vt apud te nil certius esse debeat. Inter multa præterea multorum in nos officiorum præclarissima merita, quibus es de nobis optimè meritis, quoniam ea

nobis munificè, & humanissimè præstitisti; illud esset sanè præstantius, si tuo studio, & cura libellus ille tuus, qui de *heresibus* (2) aliquando apud me fuit, ad me ad Italiam celerius perferretur. Valde enim, fateor, illo indigeo, etletque mihi, supra quam dici possit, admodum opportunus: nunc maximè, cum nobis *multa erunt de vnitæte fidei conferenda cum his Grecis* (3) quos iam ad Italiam pro fideli concordia Romanæ grauitatis suscipienda *aduennisse letati sumus* (4) Pro libello autèm ipso præter augmentum erga te nostræ dilectionis, quæ solet acceptis beneficentiæ muneribus cumulari, si quam voles tibi temporariam vicissitudinem exhiberi protinus ordinabo. Vale ex Venetijs 1438.



## N O T A E.

## Nota I.

*Ebronensis.* Est Hebron Sytiz Civitas, olim Episcopalis, Patriarchæ Hierosolymitano immediatè subiecta, nunc Pagus: cuius rudera indicio sunt frequentius Urbem quondam fuisse habitatam. *Mirans in not. Episcopatum.*

## Nota II.

*De heresibus.* Videtur hic idem liber esse, quem superius Epistola 47. per Thomassium Bibium à Cypro ad se in Italiam mitti rogat, in quo nimirum, ut ibi loquitur, acta cunctorum Conciliorum, & errores omnium nationum orbis enumerantur.

## Nota III.

*Cum nobis multa erunt de unitate fidei conferenda cum his Græcis.* Hinc satis constat Albertum, non so-

lum in Oriente, sed etiam in Italia Schismaticorum, etiam Græcorum, unioni suam operam impendisse, multa cum ipsis in Concilio, & extra ipsum conferendo.

## Nota IV.

*Quos iam ad Italiam aduenisse latati sumus.* Ergo hæc Epistola data fuit post diem nonam Februarij anno 1438. quo die Græci Venetias apulerant, & antequam fiebant collationes de unione, quæ priuatæ imprimis coeptæ sunt, circiter ab Idibus Aprilis, publicæ verò ab 8. die sequentis Octobris, propter quas, Albertus illum libellum Ebronensis tantopere desiderabat. Cumque Epistola Venetijs data fuerit, iam constat Albertum Græcis venientibus obviam iuisse, fortassis in comitatu Cardinalis S. Crucis, & Marchionis Ferrariensis, quos Pontifex Venetias misit, ut illos cum honore Ferrariam ad Concilium conducerent.

## EPISTOLA LX.

## BERNARDINO SENENSI.

## ARGUMENTVM.

Anno 1439. mense Iunij, erat in ultima dispositione Græcorum unio cum Ecclesia Romana, sub unius Romani Pontificis unici Ecclesiæ universalis capitis obedientia, voluit Pontifex, quo maior esset solemnitas, & letitia, ut præcipui Italia concionatores eam quotidianis sermonibus publicè habendis celebrarent, iussitque Alberto præsentì, ut Bernardinum nominatim vocaret, quod per hoc Epistolium facit.

**G**loria ingens Domini Dei nostri exhilarare debet faciem corporis nostri, per sobrium mentis gaudium. Accipe rationem:

Græci qui hic sunt ex veteri perfidia sua, ad simplicem Romanæ fidei gravitatem celerius conuolarunt, cuius boni, ut sis particeps, Pater op-

S s

time

time, & videas quæ magna ſolem-  
nitate conſtituenda ſunt, *Iubet San-  
ctiſſimus Dominus noſter* (1) vt  
quaprimum ad pedes Sanctitatis ſuæ  
te conſeras: rediturus Senas, cum  
voles, ſi primum nonnulla coram

eius Sanctitate grauiter firmabuntur,  
quæ per Prædicatores omnes Italiæ  
fieri cupit in conſeruationem exortæ  
lætitiz. Vale ex Florentia 8. Iulij  
1439. hæc de mandato Sanctiſſimi  
Domini noſtri breuiter ad te ſcripſi.

---

N O T A.

*Iubet Sanctiſſimus Dominus no-  
ſter.* Non fruſtra vocatus eſt S. Ber-  
nardinus cui prædicanti Spiritus San-  
ctus verba dictabat. Nam etſi Græca-  
nicæ linguæ, ante, & poſt ſermonem

tunc Florentiæ habitum, prorfum igne-  
rus, ita tamen Græcorum auribus ele-  
ganter græcè dixit, vt illi crediderint  
eum linguæ ſuæ peritiſſimum fuiſſe.

S C H O L I O N.

Hoc loco codicis Capiftranenſis reperi ſequentes Eugenij Pontificis literas,  
Alberto iam ſecundum in Orientem proſecturo datas. Quas quoniam  
Vvaddingus inter alias huius expeditionis literas Pontificias non habet,  
nobis viſum eſt eas hic inferere, idque ſatis opportunè: etenim cum hoc  
eodem anno 1439. pridie Non. Iulij decretum vnionis Græcorum à Græ-  
cis, Latinisque ſubſcriptum, in publica Sèſſione Concilij Florentini,  
vtriſque præſentibus, publicè lectum fuiſſet, & Græci iam die 21. Iulij  
abirent; Armenique in via ad Concilium venientes, ſe etiam Romanæ  
fidei conformaturi, & Eugenij Pontificis obedientiæ ſubiecturi eſſent,  
ardentiſſimo Eugenij bono zelo, & in omnes charitati id ſatis non fuit,  
niſi omnes omninò Orientalium nationes, & Schiſmaticorum Sèctas, ad  
eiuſdem fidei vnionem in vnum corpus, ſub vno capite, vnoque Chriſti  
in Terris Vicario, coniunctas videret. Miſſis ergo ex regularis obſer-  
uantiz profeſſoribus, ad alias nationes, multis Minoritis, Albertum  
noſtrum ad Iacobitas, Cophos, Aethiopes, & Indos deſtinauit, cum  
literis apud Vvaddingum relatis, ac præterea ſequentibus, quas ille non  
vidit.

---

E P I S T O L A L X I.

EVGENIVS EPISCOPVS SERVVS SERVORVM DEI  
Venerabili Fratri Ioanni Patriarchæ Iacobinorum.  
Salutem, & Apoſtolicam Benedictionem.

**N**On ambigimus quidem, Fr.  
chariſſime, quæ hic ad lau-  
dem Omnipotentis Dei, & totius

vniverſalis Eccleſiæ gaudium geſta-  
ſunt, tuz quoque fraternitati, fama  
vulgante, eſſe iam cognita. Nos  
tamen

tamen pro affectu, & officio nostro, hæc ipsa tuæ fraternitati insinuanda censuimus, vt nostrorum in Domino gaudiorum fieres particeps: cum enim, disponente Deo, in Beati Petri Apostolorum Principis Sede Sancta, S. Romana Ecclesia, licet immeriti, confederimus, ipsiusque Apostoli Successores simus, cui à Domino collata est potestas ligandi, atque soluendi, debemus profectò feliciæ Dominici gregis, quem regendum suscepimus, incrementa fratribus nostris vbique terrarum annunciare, vt tanquam fideles serui, ex Domini sui successibus secundis gaudeant, vt nobiscum vnà Omnipotenti Deo gratias referant. Tuæ itaque Religioni, Frater charissime, cuius nobis merita singularia multorum sunt relatione comperta, significamus Græcam, Latinamque Ecclesiam periculofo, ac diuturno abs se inuicem dissidio separatam, Deo tandem miserante, in vnionem, concordiamque rediisse. Aduenit namque ad nos, sua sponte, & à nobis admonitus, charissimus in Christo filius noster, Ioannes Paleologus, Romeorum Imperator illustris, vnà cum venerabili Fratre nostro Ioseph Patriarcha Constantino-politano, & loca tenentibus trium Patriarcharum, & Archiepiscopis, Clericis, ac Monachis, & nobilibus plurimis, nobis suppeditantibus sumptus necessarios, Concilij Oecumenici celebrandi gratia, & cum longissima, diligentissimaque præcessisset disputatio, tandem Romanæ Ecclesiæ fides ab omnibus mira concordia, & ritè comprobata, ac certissime suscepta est. Verum hæc omnia planius, & melius fraternitati tuæ dilectus filius Frater Albertus, ordinis Minorum, vir magnæ religionis,

& casto zelo fidei seruens, referabit; quem huius rei gratia, ad fraternitatem tuam duximus dirigendum; decretique copiam ostendet, quam secum defert, vt vberius in Domino gaudeas, quem etiam commendamus fraternitati tuæ, & illum, ob Dei, B. Petri, nostramque reuerentiam, suscipias in omnibus commendatum. Sanè illi plurima commisimus secretius cum tua fraternitate tractanda, pro honore Dei; populorumque nobis subditorum perpetua salute; cui, hortamur in Domino, vt in omnibus fidem adhibeas, tanquam nobis ipsis, atque in his, quæ rationabiliter suggeret, fauorabiliter annuas. Nuntiamus id quoque pro abundantiori gaudio fraternitati tuæ, cum Imperatore memorato legatos etiam aduenisse Trapezuntij Imperatoris Valachorum, Hiberorum, Ruthenorum, & omnium omninò græco ritu, & more viuentium. Expectamus autem in breui adfuturos & Armenios, qui veniunt parati ad obtemperandum Romanæ Ecclesiæ per omnia. Cum iraque, venerabilis frater, tanta cernas Diuinæ pietatis indicia, non dubitamus mentem tuam, Christiana pietate, flagrantem, ad referendas nobiscum Deo gratias, ex omnibus medullis cordis esse conuersam, & id cupere omnibus votis, vt Ecclesia Catholica toto terrarum orbe diffusa, vnà sit, idem sapiat, idemque sentiat, atque sub vno Pastore grex vnus fiat, & sub varietate linguarum concors sit omnium fides, vt omnes, vno spiritu, & vno ore glorificemus Deum, & Patrem Domini Nostri Iesu Christi. Data Florentiæ anno Incarnationis Dominicæ 1434. VII. Kal. Augusti Pontificatus Nostri anno nono.

## EPISTOLA LXII.

MATTHEO BISSARRO.

## ARGUMENTVM.

*Albertus sub anni superioris finem, vel initio presentis, soluit Venetijs pro secunda sua professione in Orientem, & ex via scripsit hoc anno 1440. literas plures, ex quibus prima mihi est ista ad Bissarrum, in qua gratias agit pro beneficijs ab eo, & alijs in Creta acceptis, & se ac socios, inter medios gladios pro fide proficiscentes, eorum precibus commendat. Socios suos laudas, & Presbyterum ipsi à Bisarro commendatum.*

**Q**ua pondus negotiorum vrger me pauca ad te loqui, volo exigua charta non exiguum, sed magnum & antiquum in te amorem nostrum tibi significare, palam professò contestans, illum, si crescere potest, solo ardore virtutum tuarum erga te quotidie augeri. Quamquam autem, egregium adiumentum nostri itineris, quod ad nos ex tuis impensis, ac reliquorum fidelium apud Cretam, allatum est, tanquam opus misericordiæ me delectet, tamen flagrans charitas, & animus quo ista omnia à te fiunt, mihi sane plus placet. *Non quero, ait Apostolus, datum, sed requiro fructum;* Restat mi Matthee charissime, vt tu nos, & qui nos diligunt, in ipso iam prociñctu periculorum, ad ardua fidei profecturos, ac verè medios inter gladios conuolantes, seruentibus orationibus

iuues. Quod vt facias, cum omnibus mei ordinis, & reliquis vtriusque sexus Sanctis fidelibus, hoc magis rogo, vt tibi cæteris plus curæ sit. Comes nostræ peregrinationis, præter cæteros super humanam opinionem idoneos, Presbyter Ioannes fide & magnanimitate vincit testimonium tuum, quod illi apud me hætenus verum ac sincerum præbuiſti. Amicis autem nostris, quum plurimi sint, quibus scribere nequeo, post charam in Christo salutem, hanc scedulam communem facies, in quibus Baptistam nostrum de Valmaran, & illum doctum Ognibonum, non putes postremos, Reliqua quæ circa nos aguntur, ex dulcissimo meo Fratre Antonio Cremenſi, vt soles, audies: Vale, & pro me ora attentius. Ex Candia Cretæ Kalend. Martij 1440.

## EPISTOLA LXIII.

FRATRI BARTHOLOMÆO IANENSI (1)

## ARGUMENTVM.

*Excusat se, quod sæpius non scripserit: itineris sui rationem, & ingentem spem magnas res pro fide, & Ecclesia Christi consummandi aperit, etsi id pro*

*pro sua humilitate parce admodum, & quasi nolens volens: promptissimum ad Martyrium suslinendum animum profitetur, mille mortes pro eis tolerandas, felicissimas vias vocans. Preces apud Deum fundendas petit, & literarum baiulum Bartholomæo commendat.*

**P**rouocatus hæcenus dulcibus querimonijs tuis, quibus te literas meas valde desiderare significabas, scripsi ad te superiore mense Martio, ex Candia Cretæ, non quidem admodum longam Epistolam vnam, sed verè absque vlla diligentia tumultuariè, celeriterque dictatam: urgebat enim nos angustia temporis, qua cogebamur vel nihil, vel ineptum aliquid, quo ad elegantiam attinet, ad te scribere. Sed malens apud te videri amicus, quam disertus, elegi, quantum arbitror Christianissimè, potius illa, qualiacumque sint, ad te dictare, quam nihil, quæ & ipsa nescio, si ad te vnquam peruenerint. Nunc verò vt magis gaudeas, nisi pro peccatis meis, nobis Christi dextera subtrahatur, sumus in dies ex Rhodo Carras, vel vt vulgo dicitur, Cayrum (2) iucundissimè profecturi: tanto Diuinæ misericordiæ fauore adiuti, vt ne illud quidem eupere potuissem. Nimis esset longum singula prosequi, præsertim quia hic secreta sunt valde nostra consilia, nec etiam propter improbos, nisi ore ad os, cum amicis tantum & Deum timentibus, securius conferenda. Magna nobis est spes sub protectione Diuini fauoris, egregia quædam pro gloria Christi, in augmentum fidei & Orthodoxæ, Catholicæque Ecclesiæ consummandi, qua in re probè gerenda, si quis mille perpetiatur mortes, quis, nisi non Christianus, eas non potius dixerit felicissimas vias? (3) Itaque tantummodo ora, mi frater in Do-

mino dilectissime, atque orari facias instantissimè, vt pro præsidio nos foueat Christus, rem causam suam agat, euentu prospero, atque in finem, nec abs spe cadere sinat nos famulos suos, quorum est animus de munere eius non solum pro augenda fide, nullo labore terreri, sed etiam, si opus fuerit, iucundè occumbere. Si prosperum faciet Dominus pium desiderium nostrum, conabor, cum rediero, ex ordine ad te cuncta significare. Tu verò vaca interim diligentius, vt plenè fias & lingua & literis græcus, qui fide Romanus es; si ad me scribere voles, mitte huc Rhodum literas ad ciuem quendam Venetum, Ioannem Martini, per quem, quàm est amicissimus, nobis tutò cuncta reddentur. Hunc baiulum nostrarum, Antonium Belucam libenter excipies; optat enim à me, de te edoctus, te habere amicum. Is venit Constantinopolim, ab Imperatore vocatus, nec paræ authoritatis est apud Græcos, profecturusque forsitan ad Italiam, tibi in aliquo vtilis est futurus. Rescribe ad nos cum omni diligentia, quo in statu res fidei cum Græcis sit (4) & tibi soli credemus, quoniam apud nos pro affectionibus varia à plerisque feruntur. Et hoc in fine petimus, vt quàm celeriter illud efficias. Iste autem portitor tibi adiumento erit, vt tutò ad nos literæ perferantur. Vale, & me ama, neque orare desinas, quousque rescribam, ex Rhodo XV. Maij (5) 1440.

## N O T A E.

## Nota I.

*Fratri Bartholomæo Ianensi, alias de yano de quo Vvaddingus; Gracis autem, ut ad Concilium venirent, non segniter aut frigide persuaserunt Fr. Bartholomæus de yano vir doctissimus, & piissimus, & Fr. Albertus Sarthianensis, ad hoc ab Eugenio missi. Dum autem Albertus hanc Epistolam scripsisset, erat Bartholomæus Constantinopoli, ut Græcos in fide, quam in Concilio professi sunt, fortius confirmaret: sed Vvaddingus non immerito lamentatur, quod multi tales missi non fuerint, qui Marci Ephesini peruvacissimi Schismatici præligijs occurrerent, & falsas eius, perniciosissimasque suasiones refutarent, quibus ille post mortem Imperatoris, Græcos iterum ad vomitum revocavit.*

## Nota II.

*Ex Rhodo Carras, vel ut vulgo dicitur, Cayrum. Non immediate per mare, ex Rhodo ad ostia Nili, sed per viam terrestrem Hierosolymitanam, ac inde per desertum Syriæ ad Aegyptum, ut narrat Vvaddingus tom. 5. ad an. 1439. n. 39. & satis intelligitur ex literis Pontificijs huius missionis, & commissionis B. Alberti, per quas Hierosolymam expressè destinatur, cum specialibus literis Eugenij Pontificis ad Cophtos, & eorum Prælatos Hierosolymæ congregatos. Nicomedes etiam Aethyopum in S. Ciuitate Abbas in literis ad Pontificem, sequenti Octobre Hierosolymæ datis, apud Iustinianum in actis Concilij Florentini. Cum ad nos, inquit, deuenerunt Nuncij tui ob causam fidei, magnam ex eis consolationem accepimus: nec insolens est iter Cayro in Rhodum, & ex Rhodo Cayrum, per viam Hierosolymitanam: nam & Albertus ipse in sequenti Epistola ad Eugenium narrat Legatos Aethyopum ad*

*Concilium, quos Rhodi expectabat, per eam viam protectos fuisse: fuitque rebus deinde in Aegypto, & Aethyopia gerendis necessarium, nedum valde opportunum, ut Orientalium nationum, & Sectarum homines, Hierosolymæ commorantes, & per Syriam, & Palestinam dispersos, cum quibus ante biennium de fide & Ecclesiarum vnione tractauit, ostensis nunc ac declaratis decretis vnionis Græcorum, & Armenorum in bono proposito confirmaret, eorumque fauore & auxilio ad ipsorum Principes & Patriarchas facilius & fructuosius progrediretur, sciretque omnem rei dispositionem, antequam accederet, ut Vvaddingus factum fuisse narrat. Nec refert quod Albertus hoc loco neque Hierosolymæ, nec altcrius mediterranei loci mentionem faciat, qui non totum iter describere, sed duos eius extremos terminos, Rhodum & Cayrum indicare voluit.*

## Nota III.

*Si quis mille perpetiatur mortes pro fide scilicet, & Ecclesia obitas, non dixerit felicissimas vitas, & infra, de se, & socijs loquens. Quorum est animus non solum nullo labore terreri, sed si opus fuerit iucundissime occumbere. Hæc, præter alia multa, quæ pro occasione sparsim notamus, manifestè demonstrant, quantus fuerit zelus Alberti pro fide, Ecclesia, & salute animarum: quantus animus, quam ardens desiderium fuerit pro illis Martyrium occumbendi.*

## Nota IV.

*Quo in statu res fidei cum Gracis sit. Hoc est, postquam ex Concilio Florentino redierunt in Patriam. Nec mirum est de hoc dubitare Albertum, Ephesius enim, insensibilissimus Latinorum*

rum inimicus, postquam redijt, statim omnia turbabat, vt existimo significare Albertum, cum adiungit. *Quoniam apud nos pro affectionibus varia à ple-risque feruntur.*

## Nota V.

*Ex Rhodo XV. Maij.* Albertus præcedentem Epistolam in Creta dedit

Kalendis Martijs: vnde colligo hanc scrip-tam ab ipso fuisse, non redeundo ex Aegypto, & Syria, sed cundo ex Ita-lia, & ipsa Epistola id ipsum confirmat; dum non res gestas narrat, sed spem gerendi præbet; sequenti vero mense Decembri, Rhodum reuersus, ad Eug-enium Pontificem inde scribendo res iam in Aegypto gestas narrat.

## EPISTOLA LXIV.

BEATISSIMO PAPÆ EVGENIO.

## ARGVMENTVM.

*Albertus rebus pro voto in Aegypto peractis, in Italiam rediens, hanc Epi-stolam ex Rhodo ad Pontificem dedit; per quam & sui itineris, & re-rum gestarum rationem, pro temporis & otij angustia, breuius reddit: reliqua in locum, & tempus, opportuniore referuans.*

**D**E toto ordine nostri itineris, ad Sanctitatem tuam integrè scribere, Beatissime Pater, etsi ad multa legenda, quod libenter facis, esset tibi admodum liberum, tempus à summis negotijs, quibus quotidie occuparis, ipse tamen eelerimus nauigiorum à nobis recessus, præter alia quæ me vrgent, impedi-mento mihi futurus esset, ne cuncta necessariò scribenda complecterer. Ac primò quidem, quod attinet ad re-ferendas Domino Deo nostro vel mediocriter gratias, pro clementis-sima illius erga nos cura, proque miro exitu hucusque negotij, quod dextera manus eius verè perficit, pro spe denique non inani, ad quam corda nostra prouexit atque euexit maximorum futurorum per hanc occasionem bonorum, quibus iam facta bona materiam itidem spei exhibent commodissimam; Sane ad id

vnquam faciendum nullo tempore erimus satis idonei; ad explicanda, verò omnia diligenter, quo & continetia partium prædictarum, & pericula ingrediendi ad Saracenos, & difficultas egrediendi ab eis, ac pos-tremò labor inter eos latendi, tuæ Sanctitati notissimi fiant, eerte pro his omnibus, & Epistolam longio-rem, & tempus mihi aptius deside-rare debetis: igitur quod angustia temporis in præsentia solum tribuit, tantummodo necessarijs breuiter in-eumbamus. Sciat itaque tua Sancti-tas, Eugeni Papa Beatissime, post fratres, quos ad te ex maximo illo Cayro ante præmiseram, in quibus Dominicus Senensis, tuus antiquior filius, prior est, nos Domino pro-tegente, *pridie Non. Octobris* (1) huc Rhodum venisse, vbi & nunc su-mus, eum legatione solemni magni illius Patriarchæ Iacobinorum, ad quem



quem anno superiore nos miserat. Caput verò legationis prædictæ est vir quidam Andreas nomine, quem magno cum periculo, pro rabie Sarracenorum, vix tandem ex Cayro, veluti ex fornace ferrea Aegypti, & tanquam prædam ex ore immanis belluæ eripuimus, hominem non parui apud suos loci. Quod verò ad nostros, tu ipse iudicabis, cum ad te ille pervenerit. Hic cum sit Abbas centum & eo amplius Monachorum, vetustissimis illis Monasterijs eam impendit, quæ Sanctos Patres & ædificasse & inhabitasse, atque in eisdem eos diem suum obiisse asserunt; Antonium dico, & Paulum, quos Principes Monachorum extitisse tradit antiquitas. Inter multos autem suos, ac penè dixerim inter omnes, hic solus est ausus laborem ad te veniendi, & discrimen arripere, alijs supra modum verentibus furibundam insaniam infidelium, quibus si palam fieret negotium fidei, solam crudeliorem mortem adiunctam omnium Christianorum Aegypti essent & venientibus & remanentibus illaturi. Qui eorum metus non mihi videtur à ratione penitus abhorre, eum inter infideles Paganos continuò habitantes, sic eis de re sua familiari, de liberis, de parentibus, de vita corporis, de fide denique, & spiritu ipso quotidie dimicandum. Hunc verò Abbatem, quem vocant S. Antonij, tantum supra cæteros audentem, solus ardor, ut dicit, fidei ad te trahit, & urget, ut suo labore, & opera præclara, illa sequatur unio, quæ non modo Iacobinos, verum etiam Regem illum Aethyopum, quem Regum omnium asserunt potentissimum, cum Iacobinis ipsis pariter complectatur. Cui quidem nomina-

tissimo Regi, eum Patriarcha Coptorum, qui & ipse Iacobinorum in spiritualibus caput iam diu sit, omnium procul dubio unionem, quam eum Romana Ecclesia Patriarchæ prædictus sit habiturus, iste Abbas à Rege maximo Aethyopiæ probatum iri non dubitat: quod eum viderimus, per sapientiam Christi, Eugeni Papa Beatissime, esse confectum; da, oro te, gaudium, quod huic lætitiæ præponendum existimes: nam quæ eloquentissimorum hominum tunc præconia, quæ voces laudum, quæ præcordia ipsa, aut quis Sanctus affectus de tantis bonis dignè poterunt exultare? ea prædicare, atque extollere? Etsi enim Græcos, atque Armenios, Regemque Trapezuntiorum ad Sedem Petri rediisse, tuis temporibus, tuæque iam opera, & industria, propitio Christo, summè lætandum sit, totum tamen, quod eum venia prædictorum, iam eum Romana Ecclesia unitorum, dictum esse maluerim, exigui valde momenti res est, si eam velis ad concordiam Regis Aethyopum, & populi illius, ut de Salomone legimus, veluti arena maris innumerabilis, comparare: cuius ob singularem libertatem, ob vastissima Regna, quæ tenet, & quibus imperat, ob copiam gentium subiectarum, ob bellieam virtutem, ob summas quoque divitias, tanta potentia esse refertur, ut omnis ei obiecta reliquorum nunc imperantium Monarchia, Tribunitiæ potestatis nomina sortiantur, nisi quæ de illo à suis referuntur, fabulæ sint, & vana iactatio. Quem & ipsum centum Regum Patriarcha ille suos vocat Imperatorem, è quibus XIII. Paganorum Deo & sibi Marte subiecerit, sed de hoc alias diligentius.

Nunc

Nunc verò , Beatissime Pater , iuxta prophetica vocem , *ad te iam veniunt Legati ex Aegypto* : quorum iste Abbas Andreas , vt diximus , caput est . Verum vt apertius intelligas quoniam etiam modo Aethyopia , praeueniat manus suas datura Deo , idest tibi , qui pro vero Deo , cum reliquis Ecclesiae Patribus , & praepositis , & mortuis , & viuentibus , Deus in terris es , quemadmodum de praesidentibus dicitur , *Dñs non detrahes* , & *applicabitur ad Deos* , & *ego dixi* , *Dñs estis* , & *constitui te Deum Pharaonis* , vt igitur sicut dicere coeperam , hæc intelligas B. P. diligenter quæso attende ; ob summum metum Saracenorum factum est , ne scilicet illis fidei negotium proderetur , vt istius Abbatis qui mecum est , comes itineris nobiscum , ex Cayro Rhodum , per Damiatam , qua perreximus , proficisci nequiverint . Fuerat autem inter nos constitutum , cum essemus in Cayro , vt Abbate mecum proficiscente , reliqua omnis societas , quæ ad Sanctitatem tuam secum ventura esset , in duas diuisa partes , duabus ad nos vijs sese Rhodum totam tandem conferret , ne simul omnes , atque eadem via , essemus nimia multitudine Saracenis conspicui . Harum duarum partium primam statuimus esse debere hominum ex Aethyopia venientium , vt & Patriarcha in ipsis , ad tuam Sanctitatem venientibus Aethyopibus , sicut eum habent , Prælatu Aethyopiæ videretur , & tua Sanctitas de rebus Aethyopiæ haberet , eum quibus Aethyopibus , vt cupit , conferret . Ex his autem omnibus , ordine instituto , per iter Hierosolymitanum , sex Aethyopes venturos ad

nos Rhodum expectabamus : sed vi ventorum in Cretam traieci , nos præcellerunt , vt iuxta propheticum vaticinium , Legatos Aegypti praeueniat Aethyopia : altera pars Iacobinorum ex Cypro ventura est , sine quibus , quoniam iste Abbas ex ipsis est , hinc ad tuam Sanctitatem abire non possumus . Cum ergo isti venerint , vt diligentius ordinauimus , tum quamprimum , Deo propitio , adiunctis nobis ex Creta etiam Aethyopibus , ad S. T. legatio præclara peruentura est . Tu verò interrim B. P. Apostolicis nos benedictionibus prosequendos , vel potius aduocandos , tutandosque exillimans , etiam orationibus tuis adiua , vt studia tua , nostros labores præcuntia , hoc Sancto concordie Seminario , in fide ac moribus optimis , toto terrarum orbe lato satu consperso , ea bona præclarissima pariant , quibus & infidelium blasphemantium perfidia conuertatur , & Schismaticorum rebellantium cæcitas auferatur , & hereticorum oblatrantium superbia subijciatur , & Iudeorum malignantium durties molliatur , & quod prius dicendum fuit , Christianorum verè Catholicorum , sed malè , sed superbè , sed inuidiosè nimium , dissidentium sumultas periculosa , per viscera Charitatis Domini Dei nostri concilietur , conflata in concordiam Christiani pectoris sempiternam . Dominus Deus optimus , B. P. cuius vicem geris , in terris te , ac Sedem Petri tueatur , augeat & conseruet , in gloriam sui nominis , & augmentum Christianæ Religionis . Amen . Ex Rhodo Kal. Decemb. 1440.

## N O T A.

*Pridie Non. Octobris.* Cum Albertus præcedentem Epistolam XV. Maij Rhodi, cundo scripserit, & nunc referat se Pridie Non. Octob. Rhodum rediisse, iam constat ipsum intra quinque vel verius quatuor menses, legatione

sua in Aegypto perfunctum fuisse: nam literæ, quas ipsi ad Pontificem deferendas Patriarcha Iacobinorum dedit, scriptæ sunt 11. Septembris apud Iustinianum in Actis Concilij pag. 352.

## EPISTOLA LXV.

## D V C I B V R G V N D I Æ.

## A R G V M E N T V M.

*Philippi Boni Ducis Heraldus, ex Hierosolymitana peregrinatione rediens, Albertum in Rhodo rogauit, ut quæ in Oriente ad obsequium fidei gessit, Duci perscriberet: sed Albertus maluit res arcanas ipsius Heraldici Heraldici fidei nuntiandas, quam volantis folij fortunæ committere, quod in aliorum manus venire posset: ideò rogat Principem, ut Nuncio fidem præbeat, magnam de Philippo famam insinuat, & veterum Francorum res pro fide, & Ecclesia strenuè gestas, ipsi imitandas auguratur, & prolixiorē Epistolam opportuno tempore se daturum promittit, quam tamen nondum vidimus, etsi Albertus dicat se illam in chartulis dictatam habuisse.*

**C**Rebra fama bonitatis tuæ, Philippe Illustris, & testimonium virtutum tuarum, quod tibi apud me neque pauci, neque contemnendi testes, fideliter, & sincerissimè sæpe perhibuerunt, atque in dies perlubent, me, penè dixerim, compulerunt inuitum, ad scribendum libentissimè tibi non modo hæc pauca, verum etiam *Epistolam quandam longissimam* (1) honoris, & dilectionis erga te meæ, ea quidem narrantem, quæ & te clarissimum Principem, & me exigui momenti hominem decere putavi. Quam Epi-

istolam nostram, quia celeritate perfectionis nauigiorum, nec dum ex chartulis nostris eruere potui, in quibus fuerat primò dictata, ideò illam modo non queo penitus ad te mittere: sed erit, Christo auctore, ut hæc nostra dilatio, meliore fœnore compensetur. Nunc itaque quod solum festinantia ingens, & variz mihi occupationes concedunt, his te paucis rogo instantè, ut huic iuueni, nostrarum portitori, & huiusmodi, atque Heraldico excellentiz tuæ, de Sanctorum nostræ redemptionis locorum peregrinatione deuotius redeunti

deunti, ut mihi ipsi, plenissime, & sincerissime credas de his, quæ me primus omnium vehementer rogauit, ut ad te scriberem, quorum quidem egregiorum pro Christi Ecclesia & fide gestorum partem illi tibi referendam commisi: pleniorẽ verò rerum narrationem ad Christi, atque Eugenij Papæ Sanctissimi gloriam & laudem maximè pertinentem, nam eius studio quæ præclara omnia, & eo autore quæ digna, gesta sunt, afferendæ tibi Epistolæ nostræ, de qua supra dixi, causa maiore, & consilio grauiore referuo. Donet tibi interim, ac semper, de Cælo Deus Omnipotens, Philippe clarissime, Sanctos illos tuæ Illustris Prosapie Patres, & reliquos Christianissimos, omnis clarissimæ Francorum familiæ Principes, magno omninò, & summo æmulandæ virtutis studio imitari, *qui viri fortissimi* (2) ut ad memoriam posterorum digna celebritate historiarum proditum est, summo ardore fidei, & deuotione Religio-

nis accensi, omne vitæ suæ, quamuis longissimum tempus, insignia Dei bella gerentes, tutandæ S. Ecclesiæ, & Christiano augendo præclaro populo consumpserunt: horum si tu mores immortalis gloriæ fueris promptè complexus, præter conscientie sanctimoniam, dabit tibi Dominus Euangelica pace florere, & subactis tibi, atque omni Gallorum, amplissimo ac vetustissimo Regno inimicis nequiter aduersantibus, de fidei hostibus perpetua laude triumphare. Opto te in bonis prosperè agere, & à cladibus malorum Dei misericordia liberari. Vale Illustrissime & Christianissime Princeps. Ex Rhodo summa celeritate, & currentissimo calamo, ut inepti ipsi apices protestantur, cuni iam laboriosi nauæ, è portu egressuri, atque à litoribus funem soluentes, alterutro studio sibi inuicem conclamarent, sub celebritate Paschali, & die Sancto Prothomartyris Stephani 1440.

## N O T A E.

## Nota I.

*Epistolam longissimam*, & infra, *pleniorẽ verò rerum narrationem referuo*. Hæc & quæ sequuntur, tum hic, tum in sequenti Epistola ad Leonellum Principem Ferrariensem, ampliorẽ parturire videntur noticiam rerum ab Alberto nostro in Oriente gestarum. sed neutram vidimus, nisi fortè eadem sit verique mittenda, quam secundo loco ad Leonellum dabimus. At illa nec longissima est, & vsque adeo rerum narrationem non refert, ut potius tota versetur in excusationibus omnia reticendi, ne scilicet res suas scribendo, se ipsum laudare videretur.

Multas Alberti schedas, & lucubrationes interiisse, vel adhuc alicubi latere, ex hoc, atque alijs Epistolarum eius locis constat, & forte plures fuerunt, quarum non meminit.

## Nota II.

*Qui viri fortissimi*. Extat crassum volumen Hanouicæ typis Vechelianis anno 1611. impressum, in quo congestæ sunt, diuersorum scriptorum historiarum, de rebus Hierosolymis, & alibi, in Oriente per Francos, contra Saracenos, hoc titulo, *Gesta Dei per Francos*; sed caueat lector ne per Francos hic intelligat solos illos, quos nos

Gallos appellamus: multa quidem illi fecerunt, præferim S. Rex Ludouicus, sed multa etiam alij Principes, populique Occidentales ferè omnes.

Quos Turei & Saraceni communi vocabulo, Francos vocant, ut in eodem volumine satis declaratum est.

## EPISTOLA LXVI.

LEONELLO PRINCIPI FERRARIENSI.

### ARGVMENTVM.

*Non minus Burgundus cupiebat, quam Leonellus ex Alberto rescire res, quas in Oriente gesserat. At ille in rebus suis referendus resentissimus, quod id propriæ laudis appetentiam saperet, parauit potiùs Epistolam, contra hoc ipsum vitium, quam dum nondum mittere poterat, hanc quasi præambulam misit, per quam ex altera utilitatem, et sibi, et alijs prouenturam exponit.*

**T**VLit animus nuper, Leonelle Christiane Princeps, aduersus vanissimam laudum appetentiam, qua frequenter, atque in omni penè rerum à nobis gestarum narratione, leuissime nimis vtimur, aliquid utiliter ad te scribere; super qua re longissimam ad te dictaui Epistolam, ea præsertim ratione, quod cum res quasdam egregias, & priuatas, & publicas, Domino auctore, etiam præclarissimè nos gessisse contigerit; haudquaquam sit hoc vilius de nobis modestiæ testimonium, si nos eas, tanquam gloriæ appetentes, admodum celeriter, quamuis rectissimè, referamus. Magna contra ex parte erit in audientibus, & legentibus, sopita suspicio, si ad notitiam hominum gesta nostra, alijs potius referentibus, perferantur. Quo penè semper, & fides maior, & auctoritas amplior, rebus nostris accessura est; quamquam autem propriarum rerum, de quibus loquimur, idest quas ipsi gesserimus, fidelem nar-

rationem, rectè, ac sinceriter à probis, & Sanctis viris, posse fieri non dubitem; nequaquam tamen velim sine ratione factum à me existimes, ut hac de re mihi placuerit longius disputare: sed meum, ut arbitror, cultum propositum, cum fuerit consummatum, hoc est si, ut gero animo, quamuis fortè in medioeriter, dum tamen, & verè, & sapienter illud explevero; erit mihi præter reliqua commoda maximum documentum humilitatis, atque in effusis laudibus continentis. Apud te verò quoddam falsæ æstimationis effugium, & ne tu mihi succenleas, etiam remedium singulare, quoniam ad te scribens, & quæ gessi, Christo propitio, annum iam integrum malens tacere, quam proloqui, ea nunc noluerim (ut forte vehementissimè cupiebas) ex ordine recitare. Si præterea, quæ eentè sunt, aut suarum laudum insolentia summa leuissimi, aut in proprijs, quæ fecere, narrandis ardentissimè cupidi, & iactantissimè

arrogantes, habebunt, si volent, ea nostra disputatione, unde ad grauiorem leuinitatem traducti, à petulantia pestifera gloriæ vanioris de se ipsis seu vera seu falsa narrandi, per contemptum detestabilem laudum liberentur. Prædictam verò Epistolam nostram, contra suarum laudum arrogantes, iam pene perfectam, nunc edere potuissim, si non maxima scriptorum penuria, & celer valde nauigiorum recessus hoc effecissent, ut illam ad te in præsentia mittere non potuerim. Et si enim dictata sint omnia, angustia tamen temporis non suppeditat facultatem, ut ea ad te, cui inscribuntur, mittenda ab integro politius rescribantur, quod attinet dumtaxat ad venustam formam pulchrorum apicum, & elegantem faciem literarum, ut tandem in chartis papyricis, atque his incompositis obeluse sententiæ, tanquam ex medijs spinis creptæ suauiores rosæ, sertis iucundioribus inferantur. Hæc cum ita sint, Leonelle charissime, tu longissimam, quam sum pollicitus, Epistolam patientissimè expectabis. Hac interim vicaria nostra schedula, veluti nobis præsentibus recreatus: cui pro amore erga nos tuo, & reditus noster voto

& absentia nostra molesta est. In literis autem nostris eloquentiam non requiras, quam cum nullo tempore neque profecti fuerimus, neque eam siue volentes, siue debentes potuerimus exhibere; nunc tantum id maximè verum est, quando ex nonnulla, quamuis inuita, cum infidelibus molestissima nobis consuetudine, stridoreque barbarico, sordes vel aliquas in elegantia contrahentes Saracenicum magis, & tumultuosum clamorem, tanquam caninam, ut aiunt, facundiam, quam Romanam eloquentiam sapiamus. Putato igitur, & hanc, & illam Epistolam, quæ ad te peruentura est, sine multa latinitate, partim quidem de nostro itinere simpliciter differentem, quæ gloriam nullam redoleat: partim verò, ac multo magis leues appetitores suarum laudum, tum beneuolè, tum acriter arguentem. Vale, & me, ut soles, ama, amicosque saluta, quibus & has communes facies, & Patri Episcopo, ac Præceptori communi me commendabis. Ex Rhodo die Sanctissimo Prothomartyris 1440. commendo tibi harum baiulum, in his, quæ illum iusta postulare, iusto iudicio comprobabis. Iterum vale.

## EPISTOLA LXVII.

EIDEM LEONELLO.

## ARGUMENTVM.

*Hæc est longa illa, quam in superiori pollicitus est, contra appetitores vana laudis, per quam docet, quantopere cauendum nobis sit, à narratione rerum, quas ipsi gesserimus; primo ne maleuolis, elati animi indicio, calumniandi nos occasio præbeatur, secundò ut ex aduerso, modestia nostra*

*stra omnibus innotescat, tertio exemplis Philosophorum, quarto exemplo S. Pauli Apostoli, & Christi Redemptoris, quinto documentis Euangelij: propter quæ dum auctor noster, res suas consultò reticet, silentij suis peculiare causas adducit. Narrat tamen parçè, quæ celare non poterat: venire se in Italiam, ducta legatione Aethyopiæ, & Aegypti Iacobinorum ad pedes Eugenij Pontificis, ut Romanam silem edoceri, in unum Christi Catholicum ouile compaginarentur: ex quo quanta causa gaudij Ecclesiæ prouenerit, explicat, eamque Eugenio Pontifici acceptam refert. Tum de Rege Aethyopiæ, eiusque nominibus, & potentia, ac de Patriarcha Alexandrino Iacobinorum, Aethyopiæ, & Aegypti. Ad caput reuersus, iterum excusat, quod res à se gestas non scribat, ea addita ratione, ne in contumeliam Sedis Apostolicæ, primo alios mirandis nouis compleuerit, quam Eugenium Pontificem cunctorum, quæ gesta sunt, fecerit ante participem.*

**S**Olet mihi sæpe videri, Leonelle Christiane Princeps, eam narrationem rerum, quas ipsi probè gesserimus (1) vel semper, vel pro tempore summo opere nobis, si sapere velimus, esse cauendam: maximè verò, quo ad recta ratio aliud fieri debere persuadebit, ne malucolis inuidiosa æmulatione, quærentibus occasionem calumniandi, eandem minus cautiore, tum nostra non necessaria gestorum narratione, tum etiam quibusdam malè elati animi vanissimis indicijs tribuisse videamur. Hoc cum fecerimus, proculdubio præclare sequetur, ut ipsa nostra de rebus gestis, & stylo, & verbis, per sapientiam compressa loquacitas, ab insolentia iactationis abrupta, summam quandam compositi ac sapientis animi moderationem, atque modestiam ipso nostro casto silentio, & Sanctæ taciturnitatis testimonio proloquatur. Huius præclari generis, ab insolenti laude temperantiæ, cuius Philosophos penè omnes, veluti animalia, ut dicitur, gloriæ extitisse Christiani cognoscimus, exemplum egregium, & nulla è mentibus nostris obliuione delendum, in Apostolo nobis Paulo

præbitum est. Qui Diuina sapientia, summa eloquentia præditus, in rebus gestis, ac gerendis, omnium victor, vas electionis, claro cognomine appellatus; ut erat tamen, ob insigne mansuetudinis, in nulla re intemperantis animi, omni quidem tempore de se ipso, non solum humilia, sed penè abiecta, & vilia sentiebat: Ea proinde animi lenitate, arte mirifica, in illo fiebat, ut patratore factorum memorabilium, quæ semper duratura nunquam exciderent, intra mentis arcanum contruderet, quæ maxima ac cœlestia cognouisset. Cum autem illum publica utilitas compulset confutandæ hæreseos, atque ædificandæ Ecclesiæ filiorum, quos in Christo genuerat, tum solum & primum sese commendans, ea quæ annos quatuordecem abdita etiam charos latuerant, mysteria sublimia patefecit: sed hoc ipsum cum quanta modestia fecerit, quis cæcus non videat? purgat enim se laudantem, excusat, refellit, optat, veretur, & ante laudationem quidem suam, quamuis pernecessariam, tanquam concilians indignabundas auditorum mentes, *utinam*, inquit,



inquit, *sustineretis modicum quid insipientia mea, sed ego supportate me.* Post laudationem vero, in qua pseudo-Apostolis semetipsam longe prætulera, *insipiens factus sum,* ait, *ego enim à vobis laudari debebam, sed vos me coegistis.* In vno sagax, in altero solers, in utroque modestus. Verum dixerit forsitan Sciulus quispiam astutior, quam sapientior iacturam permaximam veritati huiusmodi virtutum nostrarum silentio prouenturam. Atego aduersus hanc vocem sententiam meam confidenter, atque audaçter pronunciauerim, nequaquam scilicet sobrijs Christianis esse verendum, ne res illustres ad sensus hominum, & ad animos eorum non perferantur; si nos eas ob insigne humilitatis, & ob pudorem Christianæ verecundiæ tæuerimus; cum religiosæ virtutis natura præstans magis ita se habeat, ut quo eam plus per modestiam occultaueris, eo plus illa se effera, plus assurgat, odoris Sancti, & integræ famæ communi eam conspersione latè vulgante; quantoque magis illa insit diligentia latebrarum à gloria sæculi, tanto, Deo reuelante, & studijs hominum facientibus, palam est: etenim salutaris occultationis mitiore ac pia opera, allecæ hominum mentes tanquam diuinitus prouocantur, ea potiùs omni studio propagare, ad quæ tutè, ut ita dixerim, *secretanda* (2) niti maluerimus. Si ista non credis mi Leonelle Frater, præter infinitam molem innumerabilium exemplorum, Saluatoris tibi testimonia conerepabunt, ingerentur documenta, tonitrua pauenda, terrebunt: Qui & ipse præter id primum, quod ab anno ætatis suæ duodecimo ad trigessimum vsque latuit:

propter quod, pleraque suæ sapientiæ non aperuit, propter quod dignus habitus à populis, Rex fieri noluit, propter quod Dæmones illum laudantes compescuit, atque ut huius generis infinita præteream, quæ & ipsa omnia humilitatis nobis documenta fuere, quis Christianorum non videat, normam nobis fugiendæ iactantiæ præbitam esse: quandoquidem & fragiliores suos fideles admonuit dicens. *Cum facis elemosynam, noli tuba canere ante te, & nesciat sinistra tua, quid faciat dextera tua, & cum oraueris, non eris in angulis platearum, sed intra in cubiculum tuum, & clauso ostio ora Patrem tuum.* Apostolus quoque, qui & ipsi omni Ecclesiæ perfectionis Principes erant futuri, cum adhuc essent infirmiores, ea quæ, ipso iubente, supra testâ palam erant toto orbi dicturi, ante tamen eos in aure docuit, ut emortua prius per mansuetudinem lenitatis, & per sobrietatem laudationis, vana iactantia, altiore dogmate, quam Pythagoras ille præbuerit, per humilitatem primum bene, tacere, post bene proloqui nosset, & vtili nimis silentio, vtiliore castæ eloquentiæ sermone suis moribus moderari perdiscerent. Quæ cum ita sint Leonelle suauissime, quamquam mihi ad te scribenda plurima cogitanti se ingerant, quæ ingentem gloriam suis auctoribus valeant comparare, nihil tamen eorum diligenter magis statui, quæ ad narrationem rerum plenissimam pertinerent, quam ut nos noscas sospites ad Christianos Catholicos iam redisse. Quod ipsum & tibi gratum esse non dubito, & id ipsum, ego ex causa quam postea dicam, plusquam diei possit optaucram. Reliqua verò penè omnia, quæ

quæ annum iam integrum ab Italia absentes gesserimus, consultò prætereo. Nam si velim cuncta, aut sapienter, aut eloquenter, cum tamen neutrum queam, tibi ex ordine recensere, quæ & acerbis nostri itineris difficultas, & acti per nos negotij, Christo duce, atque auctore, amplitudo postulare videantur, vereor primum, ne id gloriam quandam inanem stultæ iactationis redoleat, maximè apud eos, qui ignari quemadmodum Christianæ gentis intentio in rectè factis referatur in Deum, æstimant sobriam in scribendo rerum gestarum laudem, tantquam aucupium quoddam propriæ excellentiæ hominum conspectibus callidius exhiberi. Accedit deinde quia non Epistola nobis erit, sed penè dixerim longa historia retexenda, si omnia prosequamur, quæ præclarum factum tam integræ causæ desiderare cognoscimus. Postremò ipsi exigui temporis permagnæ angustię nos prorsus excludunt, ne ad te cuncta dicemus: tamen si nobis facile persuadere possemus, aut obtrectatores non iniquo animo ac maleuolo laudes nostras, si quas malle-mus dicere, interpretaturos, aut te ipsum, siue quicumque hæc nostra lecturi essent, longitudinem quantamlibet gratissimo animo accepturos. Hæc cum ita se habeant video mihi id tantummodo commodius faciendum, ut egregiè gesta nunc propè cuncta prætereant, quæ alio loco sine vllius fastus suspicione, ex me ipso præsertim, aliquando forsitan securius poteris audire; quæque vel Deo inspirante, vel fama vulgante, vel re ipsa manifestante, vel alijs postremò narrantibus, tibi atque cæteris notissima erunt, præsertim

ea tibi ex parte significante Alberto illo tuo Ferrariensi, qui quam mihi pari nomine est valde simillimus, tam me iucundo cognomine longius antecellit, vsque adeò, ut non exiguo vocabulo mihi videatur, ut vocatur *Dulcillus*, *vel si latinius dico, Dulcettus* (3) sed maiore quadam compellatione dulcissimus sit habendus. Cum quo me spero celeriter ex Rhodo, quæ prima Cycladum est, & vbi nunc ambo sumus, ad Italiam reuersurum, *quamprimum ille legationem suam e Syria ad Ecclesiam discedendam expleuerit* (4) nos verò nostram ex Aegypto ad Sedem Petri tulerimus. Ex ipsa autem, quem nominauimus, vetustissima Prouinciarum Aegypto optamus vehementer hunc Principem huius nostræ legationis, quem ex nomine Christianorum Aegyptiorum nobiscum nunc ducimus, Eugenij Papæ Sanctissimi speciosissimis iuxta Apostolum pedibus, iunima cum exultatione substernere: Virum sane inter suos non exigui loci, quem Abbatem & Patrem dicunt magni numeri Monachorum, eius procul dubio Monasterij in quo veterem illum Anthonium Aegyptium Monachum, Principem maximum Monachorum, notissimum orbi terrarum, maiores nostri & vitam longiorem duxisse, & diem sanctiorem obiisse commemorant. Hunc nos, quanto cum periculo, tanquam prædam ex ore Leonis, ab illa Saracenorum, quæ ab Incolis Cayra dicitur, famosissima, & vetustissima Vrbiū, eduxerimus, quoniam pene nihil gestorum tibi significare proposui, & hoc vnum de industria, & illa, ut iam dixi, quasi cuncta prætereo. Finem dumtaxat rerum omnium tibi nosse suffecerit:

erit; ob id, scilicet, illum venisse nobiscum, quos Pontifex Maximus huic negotio destinaverit, ut ex persona magni illius Patriarchæ, sui, ac omnium omnino Iacobinorum, misso eodem Romam pro legatione. S. Concordiæ, sicut & unico consilio & publica inter nos conventionem, simul statueramus, etiam Regis Aethyopum, & cunctæ Aegypti erga communem fidem causa ventiletur: in quam cum in plurimis, maximisque articulis impingentes, à regula fidei periculose valde, atque obstinate aberrant, eadem tamen causa, cum Romana primum gravitate, diligenter discussa, fructus ex ea tandem pacata discordiæ, celestisque unionis, Ecclesia Christi, & Cælo ipso æquo iure exultante, proveniant. Iuvat me Leonelle iterum atque iterum præ lætitia tam illicibili, si de Sanctis loquamur mentibus, deque Diuinis suavitatibus castissimæ voluptatis & repetere, si modo non tædeat legere, & exargere, quod dixi futurum, scilicet ut & Ecclesia Christi, & Cælum ipsum, suppressa prisca discordia, ac nova aucta concordia, æquo iure, idest sinceriter, & non inepta iucunditate, exaltet: nam si hosce æterni odoris iucundissimos fructus nostra ætate in Ecclesia Christi, non dicam contingere, non gustare, sed tantum eminens spectare contingat, quis vllis verbis integram fidelium lætitiā explicauerit? quid iucundius, quid lætus accidere potest? quam abiecta antiqua sterilitate, videre Diuinas arbores felicibus radicibus latè virentes, celesti pluuiâ rediuuias, spiritu virali amenas, superna fecunditate feraces, fructus Diuinæ sationis, & Apostolici cultus, quibus summa auiditate Chri-

stus vescatur, vberimos edidisse; quæ prius aridæ, sædæ, ac steriles, æternis adurendæ parabantur incendijs, & Diuino, eodemque vltice, secandæ ferro, solis aptæ videbantur struendis infernalibus rogis. Nunc verò, quæ voluptas præstantior dici potest, quam restinctis veteribus odijs, intueri in Ecclesia pacificam charitatem, atque ab antiqua illa, & male decrepita nongentorum, & eo amplius, ut ferunt, annorum diffensione, & maxime hæreseos similitate, in amplexus pristinæ quidem, sed & quod est longe suauius, Evangelicæ amicitie, & Apostolicæ necessitudinis iam redisse. Equidem hoc loco, micharissime Leonelle, ipsa spe frugum, veluti suauissimæ rei recordatione commotus, pro qua laborum meorum grauissimam perpersionem ignoras, quod ad me attinet, vocem lætitiæ erumpere conantem compressem. At verò pro Eugenio Beatissimo, resistente mundo, libera voce, sublimius acclamauerim: ò Pontificem præclarissimum, & veri Pastoris Christi, nec minus Petri imitatore: qui summo studio pauendæ sollicitudinis, mille diris mortibus, etiam in vltimas vsque terras, errabundas oues pij Pastoris exquirat. Verum inter hæc omnia, ut ad finem cito pergamus, & tibi, quam supra pollicitus, rationem exhibeam; opto, quamprimum fieri potest, ad Italiam remeare: cuius honesti mei, ut arbitror, desiderij, præter reliquas omnes, atque eas per multas causas, illa præcipua est, quod mihi videor apertè perspicere, necdum Deo nostro pro meis sceleribus placuisse, *ut vel illi exhiberer, per Martyrij gloriam* (5) iuxta Scripturam S. holocaustum medullatum,

ae suauissimum : vel vt Sedes Petri statuerat , pro Catholica fide augenda , in Aethyopiam transigrarein , ad Regem illum Aethyopum , potentia , vt ferunt , ac diuitijs , vti nam etiam recta fide , omnium præstantissimum : Quem nos quidem valgo , & vsu penè quotidiano , *Presbyterum Ioannem appellare soleamus* (6) Sui verò hoc de illo nostrum nomen ridentes , euni pro gloriæ ac potentiæ magnitudine , & pro honoris exhibitione Constantinum , communi dignitatis nomine vocant ; veterem illum Romanæ Reipublicæ Principem iactatione potentiæ referentes , qui prior Christo ex Augustis , vt memoriæ præbitum est , post Philippum , fidei baptisma suscepit . Atque aded illi quidem in suo illo Rege videntur vetustatis memoriam reuocare , & ostentare vires ; vt licet Rex ipse eorum , exempli causa , siue Iacob , vti iste qui modo Aethyopiæ præest , siue aliud quippiam nomine proprio vocitetur , præter vsurpationem Romani nominis , atque terroris etiam ; cum non vereantur Regem Regum , velut imperantem omnibus orbis Regibus appellare , quæ sanè superbissimi nominis varia iactatio omnimodis execranda est , ac detestanda fidelibus , cum tantæ gloriæ clarissimus titulus , neminem præter Christum decere , & ratio persuadeat , & fides edoceat , & rectissimus ac vetustissimus vsus ostendat , Quem quidem Christum nostrum , Ioannis Apocalypsis diligentissima perspicacitas , pro summæ illius gloriæ maiestate , sapienter distinguens , Regem illum solum cunctorum Regum , & Dominum dominantium , subacta omni omnino sæculi potestate merito statuerit nominandum .

Illum ergo Regem Aethyopum , vt ad propositum redeamus , qui centum Regum Imperator esse refertur , è quibus tredecim Barbarorum duro Marte subiecit , Constantinum per dignitatem , vt prædiximus , dicunt ; quamuis nomen aliud in Baptismate fortiat ; quæ mihi differentia tam minus admirationis asferre probatur , quam magis cum doctis viris de his rebus loquendum sit . Neque enim tu ipse es nescius , doctissime Leonelle , & nunc vsque apud Romanos Cæsares , atque Augustos , penes quos summa rerum est constituta , & olim apud Aegyptios , siue Pharaones , siue Solomeos , siue nunc quoque Soldanos vocari solitos , quamquam eorum quisque , & modo , & hætenus , propria non dignitatis , sed personarum nomina tortirentur . Itaque & nos quidem eiusmodi vsus cum reliquis non ignari , potentium congruas appellationes , pro tempore & pro sublimitate gradus , dammare non audemus ; nisi cum quisque superbi nominis insolentia , nimium se extulerit . Atque hac mente ea locuti sumus , quæ de Rege illo Aethyopum superius diximus . Quem cum nequaquam aliquando viderimus , sua tamen perimulta in Agypto didicimus , ab his qui se illum vidisse , & sua omnia nosse profiterentur . Verum de illo hæc hætenus . Nam de Patriarcha illo suo , cum quo fidei causam agentes , sæpe & multum locuti sumus , si fortè vel breuiter aliquid scire desideras , nihil aliud in præsentia dico , nisi quod etsi habitatio ac mora illius , non in Aethyopia sed in Agypto , atque apud Caram continua sit ; Aegypti tamen totius , & omnis Aethyopiæ curam gerit . Quam verò ob causam , neque  
in

in Alexandria, cuius insigne officij possidet & titulum dignitatis, neque in Aethyopia, cui & imperat, & capita praeficit, sed in ipsa semper Cayra vitam degat, nimis est longum disserere: satis est nosse in his, quae ad Deum pertinere videntur, hoc est in spiritualibus curis, Patrem cum esse & Pastorem, & caput duarum illarum Prouinciarum, alterius vetustissimae, alterius maximae, ditissimae, potentissimae, & cuius, ut reliqua praetermittam, vulgi maxima multitudo, & ingens frequentia populorum incredibilis esse refertur; quae & fortissima est, & miro ardore fidelis, si non esset multis errorum, sordibus, credo per suorum pastorum, vel ignorantiam, vel perfidiam, inquinata. Nobis autem pro longitudine, ac difficultate itineris, patria illa penè inaccessibilis est. Nam quam & deserti horrenda vastitas, & infidelium insana ac sua barbaries vndique cingere perhibetur, nullis sane ad eam, nisi cum capitis quoque certo periculo, & mortis vicinia volentibus proficisci, vllus patet accessus. Patriarcham verò, ut dicere coeperam, post Romanum tamen Episcopum, omnibus Praelatis Ecclesiae, hae quidem ambae Prouinciae praestare confirmant: Iacobini praeterea eiusdem Patriarchae proprium, & terribile genus, hoc cum esse quod diximus etiam vehementer contendunt; tenentem, ut aiunt, loco preclaro Euangelistae Marci veterem illam, sed ut ego sentio, vere vacuum Sedem; & spirituali edificio, omni, ut diximus, Aegypto atque Aethyopiae imperantem. De cuius, à subditis omnibus, quamuis preclaris Regibus, exhibita illi summo cum honore, summa obedientia, deque

conditionibus, ac reliquis moribus si dicere prosequar, grandis nimium futura erit Epistola. Quod ego quia fieri nolim, atque ut tandem aliquando finem dicendi faciam, haec ad te de nostro itinere scripsisse sufficiat, atque ad ceteros nobis notos, eosque maximè, qui cum haecenus fuerunt nostri, etiam deinceps sese fore amicos nostros pollicebantur, hodieque, ut arbitror, in amicitia perseverant. In quibus post te quidem, si non acriter ferant, sed pace eorum, ante reliquos omnes, praceptor communis praecipue Princeps est: Augustinum verò Villensem illum, Franciscum Marefscum, Philippum Bendedeum, ut nequaquam se putent profunda apud nos obliuione sepultos, tute illos non estimas nostro silentio posthabendos. Hoc autem, in scribendo, ut prauides, diligentius obseruare curavi, ne per occasionem narrationis omnia explicans, viderer me ipsum vanis praconijs, rerum magnificè ac probè gestarum, inaniter praedicare, atque extollere, voluisse: *non quia quaeque preclara* (7) si id tempus, & locus, & causa aptè postulant, & rectis mentibus, rectè ac sine vitio narrari non queant: sed quia mihi modo hac potius parte modestiae vi collibuit, ut vel me admonerem, non facile, quae egregiè quamquam gesserimus, proprijs aut Epistolis, aut sermonibus efferenda, quae tamen & ipsa ab alijs bene ac sapienter facta, & nos ipsi saepe honestissimè praedicamus, & maiores nostri summis in Caelum, laudibus, summoque splendore, & gloria omnis eloquentiae extulerunt: ex quo fit procul dubio, ut quamuis mihi modo hoc scribendi genus, tanquam linguae, & calami

castimoniam complectendam exilimauerim; haudquaquam propterea mihi ipsi à me ipso putem esse præscriptum; quominus ea possim, quæ tacui, cum voluero explicare. Itaque vel tibi, vel reliquis amicis, de his alias forsitan plenissimè scribens, suauissime Leonelle, ea omnia, quæ silentium nostrum per modestiam, huc vsque protexit, cum libuerit, plenissimè referam, si mihi hoc faciendum esse, aut consulta ratio per-

suaferit, aut communis vtilitas consuluerit, aut vrgentis postremo causæ necessitas vlla compulerit. Præferim, si ea primum, vt dignum est, post reditum nostrum Eugenio Pontifici Maximo coram retulero, ne in contumeliam tantæ Sedis, primo alios mirandis nouis compleuero, quam illum cunctorum, quæ gesta sunt, fecero ante participem. Vale ex Rhodo 1440.

# N O T A E.

## Nota I,

*Narrationem rerum quas ipsi probe gesserimus esse cauendam.* Albertus quidem hæc, quibus excusaret se à narrandis alijs hominibus res à se in Oriente gestas, priusquam Eugenio Pontifici referret, cuius auctoritate gesta sunt, nos de hac quæstione hic nihil: eam enim fusè & vniuersim tractauimus in Epistola, quam à nobis ante multos annos exegit Illustrissimus D. Michael Iustinianus Abbas: quæ quoniam ad rem elucidandam aliquid conferre poterit, integram hic cedere visum est, vt sequitur.

ILLVSTISSIMO DOMINO  
MICHAELI ABB. IVSTINIANI  
PATRICIO GENVENSII.

FR. FRANCISCVS HAROLDVS  
HIBERN. ORD. MIN.

**P**resentiam tuam (clarissime Iustiniane) desideratissimam, sanè mihi, reddere solet colloquij tui iucunda vtilitas. Neque enim à te vnquam non lætior, doctiorque recedo; cum & res ad profectum optimas, & opportunas, atq; ad voluptatem semper nouas ad-

ferre consueueris. Sed aded abundat erga me humanitas vestra, vt absenti quoque mihi non liceat modo, sed etiam amicè per te præceptum sit, tecum pariter absente conuersari; vt presentis fructus & oblectamenta etiam absenti mihi non desint. Cum nuper inter nos de historica seripitione sermo incidisset, nouam quæstionem, sed antiquis rationibus dubiam excitasti: an rectè sentiant, qui arbitrantur propinquorum facinora à nemine literis commendari debere, quod inanis gloriæ studio id fieri videatur, vt maiorum præconijs, magni ipsi haberi possimus, vt specie quadam Idololatriæ, vel viuos nos, vel vanas defunctorum vmbas, ab alijs adorari cupiamus. Proinde quæcumque huiusmodi scripturi sumus, non rectam rationem, non amorem veri, non communem vtilitatem, sed nostri philautiam eccam illam, & eecorum ducem, ea nobis dictare credendum esse; etenim propinquitatis affectu facile fieri, vt vel fingere aliquid velimus, vel vltra modum extollere, vel præter æquum excu-

excusare, vel in aduersum acrius inuehi. Et quidem propter hæc, antiquo iure, propinquos & familiares, à ferendo testimonio, iudicioque prohiberi; præterquam quod laus in ore proprio semper sordescere visa sit: vt quam rectè Salomon: *laudet te alienus, & non os tuum, extraneus, & non labia tua.* Timenda est semper censura, quæ, Catonis nomine, pueris etiam instruendis proponitur.

*Nec te collaudes, nec te culpa-ueris ipse.*

*Hoc faciunt stulti, quos gloria vexat inanis.*

Atque ex his quidem illi, quamquam diligentis operæ pretium æstiment magnorum virorum acta, & consilia, alijs ad imitationem exponere; id tamen vt ipsi faciant, aut qui iidem cum ipsis censeri possint, neutiquam expedire.

At ego, cum hæc tecum discutere gestirem, tu iussisti, vt illo temporis alijs rebus concessio, ego rem à me scripto, vt rogasti, disputandam tibi traderem: sed suadendo, vt facerem, fortius dissuasisti, dum diceret, plurium te ac doctissimorum hominum sententias, in eandem rem colligere velle, & inter eas, meam etiam collocare. Hæc enim, vel sola præfatio doctissimorum hominum deterruit me, ne suffragium meum, nec iudicio solidum, nec stylo comptum, nec eruditione amenum, nec sententijs floridum, in illo musarum choro productum, illicò me græculum demonstraret: sed occupauit etiam animum meum periculosis dilemma, & calamum diebus multis suspendit; nam si à sententia ferenda me subtraherem, tu me statim violatæ amicitie reum.

constituebas; si cum illis consentirem, quorum opinionem iam exposui, me ipsum condemnabam: qui de Franciscanis rebus, ex officio scribo; quibus vita, & voto coniunctus sum. Si verò de suis, cuique scribendum edicerem, illi continuò accusationem suam repetebant: nempe me causam propriam in his agere; atque adeò ab hoc tribunali, vti testem non idoneum, repellendum esse: propterea quocumque me verterem, factum meum non tam profuturum argumento, quam nociturum auctori præuidebam. Malui tamen hoc qualecumque disferimen, oppetere, quam vel officium amico, vel suffragium veritati denegare: mollia enim officia sunt, & virtute vacua, quæ nulla difficultate, nulloque nostro, vel damno, vel periculo præstamus. Igitur, vt mihi eueniat, eo sanè autoritas & ratio me pellunt, vt pronunciem, non licere solum, sed etiam expedire, vt suorum res gestas aliquis conscribat, immo quandoque scias, eum id communis, vel propria necessitas, vel condigna vtilitas, maiorumue autoritas postulauerit. Etenim qui

*Quidquid est potentia*

*Magna creauit, nec regis*

*Minore prouidentia,*

Is mihi non minus videtur occulta sua vocatione hominum corda tangere, ac trahere voluntates, cum hunc ad coniugium, illum ad cœlibatum, istum ad religiosæ vitæ rigorem, alium ad sæptum, alium ad Striam vocat; Titium castris, Caium aulae, Antonium Eremitæ adaptat; quam cum docti cuiuspiam, & integri viri mentem, & calamum, in certa seripcionis argumenta, ad gloriam suam, & Reipublicæ vtilitatem



tatem dirigit, aut etiam impellit. Quid prohibet autem, si quempiam ad suæ gentis, aut proprias res ita scribendas, Diuina vocatione concitari dixerimus? cum iam constet Moysen è fluctibus, & communi contribulium nece ereptum, ut sua, & populi sui res tùm gereret ipse, tum ipse narraret: aut reliquos veteris testamenti scriptores negabimus à Deo vocatos, ut scriberent? & tamen Iosue quoque bella sua, & populi ductum; Iob prioris vitæ suæ prosperitatem, filiorum delicias, personæ sanctimoniam, tentationem, victoriam, & restitutam suis meritis substantiam, & prolem, denique pecus ipsum enumerat. Dauid quid vitæ suæ canere prætermisit? Vrsum & Leonem occidisse, ipse nobis auctor est. Quid sapientissimus Salomon omisit suæ? Samuel de se ipso & sua matre? Tobias de se & suo filio? Estheris acta scripsit Mardocheus, eiusdem sanguine patruelis, & educatione pater. Cæteras res Hæbræorum numquid non omnes fere, qui scripserunt, Hæbræi? Post Christum quis vel sanguine, vel patria, vel etiam persona, vel saltem patrocinio coniunctorum opera, iubente Deo, nobis non tradidit? dicemus igitur Patriarchas, & Prophetas, dicemus Euangelistas, dicemus Lucam in actis, Ioannem in Apocalypsi, Paulum in Epistolis, vanæ gloriæ, Philautiæ, vel Idololatriæ criminibus laborasse? dicemus ne omnes aliquid finxisse? vel supra modum extulisse, aut præter æquum excusasse; seu ipsorum testimonijs fidem, vel sententijs obedientiam denegabimus? blasphemiam! et si nobis obiecerint auctoritatem Diuinam, quæ illorum libris inest, non

permittere paritatem. Ego potius id mihi in luerum sumo: nam quidquid Deus, ac Diuini homines, vel fecerunt ipsi, vel alijs faciendum dictarunt, illud nobis exemplo, hoc documento esse debet: Nec video cur Deus Moysen scribere iuberet, ut fidei Diuinæ auctoritatem habeat, & non possit imperare Cæsari Baronio scriptionem, ut crederetur ipsi fide humana, & tamen humilis & modestissimus Baronius, etiam de se ipso aliquid. Legant Augustini & Confessiones, & alia de se, de Patre, de Matre, & de laudibus Adeodati filij, ut ipse vocat, peccati sui. Legant Hieronymi Epistolas, Gregorij Nanzianzeni vitam à se scriptam. Et hos, aliosque similes, qui innumeri viri præstantes, suas, & suorum res conscripserunt, à testimonio, iudicioque repellent? Credent Iosepho Iudæo, vel disertissimo Philoni, & alijs eiusmodi Iudaica narrantibus? erudent Polibio, vel Thucididi Græcis, Græca scribentibus? erudent Crispo, Suetonio, Tacito, laudatissimis Romanarum rerum Scriptoribus Romanis? erudent denique Iulio Cæsari victorias fortitudinis suæ, & ingenij machinas, & stratagemmata, nudè, rectè, venustè referenti? erudent oppidò, quamquam gentilibus, quibus terrena gloria patrimonium fuit, eum cœlestem non expectarent. Credant ergo Christianis, in quibus religio mendacium, verecundia vanitatem cohibet, dummodo inspirante Deo, vel suas, vel suorum res, grauitè, & modestè scribant. Porro quis nesciat quanta nunc sit, & semper fuerit fides Epigraphis, & Epitaphijs, quæ incidi curarunt aliqui sibi ipsis, Patres filijs,

*filij, filij parentibus, mariti charis vxoribus, nepotes Auis & Ataus, elientes Patronis, amici denique amicis, vt memoriam illis ponerent, non nisi corrolo ere, vel comminuto marmore perituram: de quibus loquens Iulius Iacobinius, vir eruditissimus, in Epistola præfixa ad comment Ioan. Baptistæ Frontei de prisca Cæsiſorum gente, sic censet. Meo quidem animo, à doctis & literatis viris consultum mortalibus est, vt scilicet quæ plures homines præclare fecere, facta ipsi perscriberent, & in pluribus quasi tabellis expressa, hic atque illic exempla ob omnium oculos obijcerent: ex quo homines rerum laudabilium præsidys, ad omnia munia existerent, indusque fieri prudentiores possent. Sane qui eruditi viri vitam contexuerit, non geminis viliora reputat, si quæ ex ipsius operibus fragmenta, ad personam pertinentia, colligere potest. Quam fidem habebimus nauigationum, itinerum, nouarum conquisitionum, propagationis fidei, priuatarum actionum, consiliorumque relationibus, in quibus & auctor & nuntius ferè semper idem? Omnium consensu, nemo ad historiam conscribendam est magis idoneus, quam qui rebus gestis interfuerit; sed ille quis certius, quam qui gesserit? quis diligentius, quam qui suum in opere habet? quis cautius, quam qui actionis defectum, & scriptiois mendacium simul sibi exprobrandum timeret? Cum de alienis scribimus, quæ nobis notiora esse, aut commodius, certiusque discere potuimus, quam quæ ab apertis primum auribus Domini nostræ, perpetua traditione, audiuius, quæ à soluta infantis lingua, per partes interrogauius, quæ*

*in Maiorum trophæis, in picturis, & sculpturis, in ipsis operibus, oculis nostris conspeximus, & in secretis documentis manus nostræ contrectauerunt? quæ seriorum custodes, nulli liberius, aut libentius, quam domestico pudent. Quod si de Patria scribendum sit, indigena itinerum vias, actionum opportunitates, & obstacula, hominum mores, & alia his cognata percallet; in quibus alienigena ad singulos passus, vel cespitat, vel sæpius cadit. Verum, tametsi, quæ aduersus hæc prius allata sunt, prima fronte prohibere videantur, vt nemo suæ ciuitatis, aut patriæ; nemo propriæ Religionis acta, nemo Christianis Ecclesiæ Christi hiltoriam, nemo Gentilis præscorum heroum facinora, non miles rem bello gestam, non Senator consulta, non iurisperitus Principum decreta, vel scita plebis, non nauta cursum Oceani, non medicus herbarum vires, aut curationis modus, non etiam mercator libros rationum, conscribere deberet: nam, & hic obolum debitoribus addere, creditoribus deniere possit; nulli denique in arte sua credendum fore, atque adeo omnium iudicio, & consuetudini contraria esse, quispiam suspicari posset: ego tamen de rebus suis, vel suorum scripturienti, quamuis hæc scriptiois impedimento fore, debere nullo modo consentiam, certè tamen, vt moderationis documento, & cautelæ sint omnibus suaderem; vt etiam ipsi mihi optarem, vt optima mente opus aggrediamur: vt nihil tribuamus philautiæ, vt adulationem procul pellamus, vt non tam laudare nos, quam alios nostrarum, vel aliarum, de quibus scribimus, actionum imitatione laudabi-*

les faciamus. Denique ut in scribenda historia, nihil eorum committamus, quæ vel superius obiecta sunt, vel posterius meritò nobis obijci possint. Sic enim in omni tribunali testes erimus, omni exceptione maiores. Nec terret illa propriæ laudis prohibitio, nec enim Encomiastes esse debet, qui res gestas narrat: & si quid vel improbat, vel commendat, non id affectui, sed orationi concedit; nec malevolentia, aut fauori personæ, sed integritatis, & rectæ censuræ, de facto ipso, quod ea ratione, vel imitandum, vel deuitandum efficacius inculcet, ut excitet lectorem, non tam admiratione personarum, quam amore virtutum, & cognitione authoritatis bonorum omnium, ad quæ, quos vult, eligit, & quos vult, relinquit. Etenim cum Christus Dominus opera nostra bona, ad gloriam Patris, ab hominibus videri posse concedat, certè Salomon haudquaquam illi contrarius, non historiam sed vanam extollentiam prohibere censendus est, cum & ipse præscribat, Patrem à filio, non in opere tantum, & in omni patientia, sed etiam sermone, & omni conuenienti cultu honorari debere; quod post cultum soli Deo debitum, primum in decalogo præceptum est. Non magis profectò, cum nostra scribimus, timenda est propriæ laudis appetendæ calumnia, quam cum aliena narramus, ne res egregiè gestas deprimamus, vel secus facta amplius aggrauemus, siue id ex inuidentia, siue ex malevolentia, siue ex alienæ rei negligentia, siue à facili ignorantia prouenire possit, ita ut vel nec nostra, nec aliena scribere omnino debeamus, vel certè utrobique pari nos calumniarum pe-

riculo exponamus: quæ utrobique contemnendæ sunt, modo prudentia, & integritatis terminos non transiliamus: quos in omni actione humana præ oculis, semper habere debemus. Igitur seu ego de Minoribus meis, seu alius de Maioribus suis, seu uterque de extraneis scribat, ad historiarum finem perinde est, dummodo res, quas narramus, dignæ sint, & veritas constet, eaque nuda, vel modestè, grauitèrque, vel ita proponatur; neque in rebus nostris magis vituperanda sunt vitia historiarum, quam in alienis; neque virtus in alienis magis placere debet, quam in proprijs. Nec propria laus apud graues viros sordescit, modo vera, & modesta, atque vel sustinendæ authoritatis, vel famæ tuendæ necessitas, vel Diuinæ gloriæ, & alienæ salutis vtilitas, vel Maiorum imperium illam eliciat. Et sanè criminis magis reus ubique reputabitur, qui probum, doctumque virum, integritatisque suæ possessorem, in vanitatis, aut falsitatis suspicionem temere vocabit, quàm qui dona Dei, sibi, suisque collata, optimo fine, & mente perturbationibus libera, grauitèr, eruditè, & modestè manifestat: ut fecit speculum, & Magistra humilitatis, cum exultabunda caneret. *Ecce enim ex hoc beatam me dicent omnes generationes, quia fecit mihi Dominus magna qui potens est, & Sanctum nomen eius.* Quæ cum ita sint, ad te denique redire, nunc mihi liceat, clarissime Iustiniane, & obnixè rogare, ut rei literariæ, politicæ, militari, Ecclesiasticæ, vno facto utilis esse velis, nobilissimæ gentis tuæ Iustinianæ vtriusque fortunæ casus, & heroica facinora, vno corpore concin-

cinnando, qua integram, & absolutam Rempubicam & priuatam, simul nobis exhibere possis. Est enim Iustiniana gens, ea stirpis vetustate, actionum virtute, vitæ sanctimonia, doctrina, sago, toga, purpura, pædo, & vtriusque fortunæ varietate talis, vt approbandæ æmulationis incitamentum, regendarum actionum exemplum, & omnis fortunæ moderatè, & æquanimiter ferendæ norma alijs fidenter proponi possit. Hoc operæ meæ pretium esse cupio, nec Epistola, sed volumine densò mihi responderi volo. Vale è S. Isidori in Vrbe XII. Kalend. Nouembris 1661.

## Nota II.

*Secretanda.* Non defuit Alberto lingua Latina, sed familiaritatis licentia hic vitur pro *secretò seruanda*, cuiusmodi vitgares dictiones multi in familiari Latino sermone, vel emphasis gratia, vel alia causa miscere solent. Recentior quidam eloquentiæ professor, non negauerim tamen, inquit, debere aliquando oratorem esse Logodædalum, idest, ingeniosum verborum architectum, quod & Horatii auctoritate confirmat Mendoza in viridario, lib. 7. cap. 13. vbi & Ciceronis & aliorum huius generis exempla producit; & si longus esse veller, infinita propemodum aceruare posset. Nec alius frequentior verborum Architectus est, quam Romanæ Princeps eloquentiæ.

## Nota III.

*Dulcillus, & si latinus dico.* *Dulcettus.* Non quod Dulcettus, quod præter desinentiam vulgare Italicum est, Latinus dicatur, quam Dulcillus; sed auctor se excusat, quod vt Latinus loqueretur *Dulcillum*, dicendo cognominis vocabulum, quod Dulcettus est, quodammodo corruerit, ipsum non ad verbum, sed ad sensum Latinè efferendo.

## Nota IV.

*Quamprimum ille legationem suam è Syria ad Ecclesiam deferendam expleuerit.* Hinc habemus Albertum Dulcettum Ferrariensem, vel Aethyopes Iacobinos, de quibus ante diximus, per Syriam, seu viam Hierosolymitanam duxisse; vel, quod mihi verius est, specialem legationem, ex ipsa Syria ducturum; tum quod Albertus noster, hoc loco, suam Aegyptiacam legationem ab alterius Alberti Syriacæ discerneret; tum quod post vnionem Iacobitarum, in Actis Concilij apud Iustinianum, reperiam decretum, peculiare vnionis Syrorum editum Laterani in publica Sessione Synodali anno 1444. pridie Kal. Octobris, ibique traditum Abdalæ, Archiepiscopo Edeseno, qui Ignatii Patriarchæ Syrorum, atque totius Nationis suæ Legatus, Romam venerat (quo Concilium Florentia ab Eugenio Pontifice translatum fuit) humiliter & deuotè postulans, vt eam fidei Regulam, quam Sacrosancta Romana profitebatur Ecclesia, eidem (ait Pontifex) traderemus.

## Nota V.

*Vt vel illi exhiberet per Martyrij gloriam.* Hic iterum lamentatur se Martyrij questionem euasisse, de qua nos, in eius vita, & Vvaddingus ad annum 1439. num. 40.

## Nota VI.

*Presbyterum Ioannem appellare solemus.* De hoc, & alijs nominibus Imperatoris Aethyopum, narrat Albertus ea, quæ ab ipsis Aethyopibus in Aegypto se didicisse dicit; narrante alij alia, pari se auctoritate fulcientes: vide, si libet, Iustinianum in actis Concilij Florentini part. 3. num. 15. pagin. 380. Ludouicum de Vvtrera lib. 1. historiæ Aethyopiciæ, cap. 7. & huius in multis iustum reptechnorem, Nicolaum Godignum de rebus Aethyopiciæ lib. 1. cap. 5. Damianum à Goes de moribus Aethyopum, tom. 2. Hispaniæ illustratæ pag. 132.

## Nota VII.

*Non quia quæque præclara.*  
Hic moderatur prudens Albertus, quod prius pronunciauit, neminem res à se gestas narrare debere, imo tunc etiam addidit, *maximè verò quoad res ratione aliud fieri debere persuadebit*, & hic fieri posse censet, *si id tempus, & locus & causa aptè postulans*. Vnde dat spem, etiam ea quæ tunc tacuit, & ipsi

Leonello, & alijs amicis, cum ipsis opportunum videbitur, enarrandi: nunc autem ideo vel maximè tacuisse, ut rem prius Eugenio Pontifici referret, ne, inquit, *in contumeliam tanta Sedis, primo alios mirandis nouis compleuero, quam illum cunctorum, quæ gesta sunt, fecero ante participem*. Quæ sanè ratio sola sufficiebat, ne cuncta tunc alijs perferberet.

## EPISTOLA LXVIII.

## MAGNO SOLDANO SARACENORVM.

## ARGVMENTVM.

*Ioannes II. Castelle Rex Mabomad Aber, Agar, Maurorum Granatensium Regi armis infestus erat: Interposuit se apud Eugenium Pontificem Soldanus, ut Ioannes à vexandis Granatensibus desisteret. Respondet hac Epistola Pontifex, operam suam necessariam non esse, cum Reges iam inter se inducias inierint. Et arrepta hac occasione Soldanum ad fidem amplectendam hortatur; cuius certam veritatem, ut Saracenus edisceret, optionem dat Pontifex ut vel ille suæ legis peritos, cum Christianis doctoribus disputaturos, in Italiam mitteret; vel si mallet concertationem de fide Cayri haberi, se missurum, qui Christianæ Religionis veritatem, necessitatemque propugnarent. Demum interea, & ædificia, & Ecclesias, & peregrinos Christianos, Terræ Sanctæ illi commendat.*

**E**ugenius (1) Seruus Seruorum Dei, Papa omnium Christianorum, & Episcopus magnæ, & antiquissimæ Urbis Romæ, Magno Soldano Aegypti optat in Domino æternam salutem, ad quam per viam veritatis incedentes soli perueniunt. Dilectus & Religiosus filius noster Gandulphus, Guardianus (2) per nos olim factus in Monte Syon, & locis alijs Terræ Sanctæ, nobis nuper per duos ex fratribus suis renunciavit, quomodo illum tua à Domino Deo nostro magna potestas ad

Cayrum ex Hierosolymis aduocarit, petens ab eo instantius (3) ut ad nos quamprimum curaret diligentiùs de tuo desiderio scribere, ut videlicet per nostrum studium, dilectus filius noster, illustris, ac potentissimus Rex Castellæ, cum Rege Granatæ pacem salutaris quietis cito componeret: sicut per suos Legatos Rex ipse Granatæ te vehementer rogauerat. Hæc nos omnia, cum audiuissemus, tuæ magnitudini sanè fateamur, ea nobis vel maximè fuisse gratissima, quod occasionem honestissi-

mam præbuerunt scribendi tibi, & ea significandi, quæ Deo acceptissima esse non dubitamus. Nobis autem charissima sunt, & tibi, atque omnibus tuis, si rationem consulas, placidissima esse debebunt: Desideramus enim ex totis præcordijs nostris, si iustus, & Omnipotens Deus hoc nobis munus de Cælo ex iustâ ratione donaret, & tecum, & cum omnibus hominibus, qui sub Cælo sunt, Sanctam, & veracissimam pacem habere. Et quidem, quod attinet ad concordiam duorum Regum illorum, de quibus nos rogas, non oportet nos in præsentî admodum fatigari, cum certum habeamus, inducijs iam interuenientibus, eos à mutuis iniurijs, & damnis, atque offensionibus *abstinere* (4) cum autem Legati Regis Granatæ apud te essent, non ita erat. Ea propter quod ipse tunc sollicitus postulabas, & laborabas, ut fieret; nunc non opus est agere. Curabimus tamen, ut quæ ad nos hac de re tuæ voces iam perueniunt, ad illius etiam nobilissimi Regis, dilecti filij nostri, notitiam perferantur: sed etsi fortè nouis inter se deinceps prædicti Reges bellis conflingerent, poteris ad nos scribere, & nos quantum, salua Religione, poterimus, & prout iustitiæ causa postulat, conabimur tibi in omnibus complacere. Verumtamen scire debet pro certò prudentia tua, causam dissensionis inter Christianos, & Saracenos; nullam aliam esse quam cultus Religionis, quam pietatis, & legis, fideique distantiam. Quæ omnia, si in vnam redigerentur credendi sincerissimam normam, iunctis inter se animis, aut discordia nulla obreperet, aut facile reparanda. De qua re, haud dubium honestissima, ut

ad perfectum aliquando perueniat, dicere sanè non possumus, quantum ab ineunte penè ætate arserint nostra præcordia, & eo frequentius hoc indies desideramus, quò duce ratione, & veritate videmur nobis, quæ sunt iusta expetere. Consideramus enim, Excellentissime Princeps, vos nobiscum à Deo vno, & solo, & potentissimo, ad suam imaginem, & similitudinem suam, per suam misericordiam factos, eius esse pariter, & ratione, & amore capaces. Ad summam verò bonitatem illius, dum hanc vitam degemus, de malo ad bonum, de bono vsque ad optimum, vitæ statum quotidie conuertibiles. Vnum Deum verum, qui creauit Cælum, & Terram, mare, & omnia, quæ in eis sunt, simul credentes. De Christo autem, Domino Deo nostro, & Beata Virgine Matre eius, quamuis non integro sensu, multa tamen nobiscum, magna & præclara sentitis; ut taceamus, qui homines pariter sumus, qui pariter regnamus, qui vno Sole, iisdem elementis, vita, cibis, diuitijs, valetudine, Diuina prouidentia gubernamur; quæ ergo causa est, cur inuicem dissentiamus, nisi Religio? in quam si, paucis mutatis, congregaremur in vnum, fieret statim de damnata dissensione, conciliatio, & de inimica similitate, gratulabunda concordia. Sit ergo inter nos, teoramus, vna & eadem fides, & illico pax sequetur. Ad quam sanè rem probè conficiendam, alterum profecto è duobus, quod ipse malueris fieri debere censemus, ut vel tuorum prudentium ad nos quidam abs te missi tutò perueniant, vel si magis placet, nonnullos de nostrorum numero sapientum, ac de tua primum

pollicitatione securos, tibi mittamus; qui pariter pro fidei veritate disceptaturi, possint de salute futuri seculi, pacifica congressione disserere: quæ collatione clarissima, quid iucundius? quid honestius? quid salutaris dici potest? Etenim contempta felicitate terrena, de æterna tantummodo solertior indagatio, ne dicam inuentio, peruentio, conquisitio, omnium veterum Magistrorum, qui rectè sapuerunt, iudicio, sine ulla dubitatione, longè excellentissimè mortalibus præstat: Si præsertim verè felicitatis, quod est dicere verè sapientiæ, admirandam peruestigationem, cum inerti otio comparas. Cuius sapientiæ, sicut felicitatis, ut diximus, non quidem inuentio, sed & sola inquisitio præponenda est, etiam inuentis thesauris, regniisque gentium, & ad nutum circumfluentibus corporis voluptatibus. Donet tibi Sapientia Dei nobiscum ista sentire, in his condescere, per hæc in temporalibus, & caducis prosperè agere, vitam interitis ducere sinceriter bonam, ut in æternum in Cælis valeas postmodum possidere beatam. Rogamus te præterea, Princeps sublimis, per humanitatem rationalis benevolentia, in qua à belluis longè distamus, per communia cunctis hominibus

Domini beneficia, ut nostræ Sanctæ Sedis intuitu, & vereris Romani nominis potentatu, omnes Christianos sub tua ditione, atque in tuis quibuscumque Prouincijs, & Regionibus commorantes, habeas commendatos, præsertim verò filios nostros, & Dei Seruos, fratres Montis Syon, & locorum omnium Terræ Sanctæ, nec minus Christianos peregrinos, qui loca nostræ salutis inuolare, desiderio religioso festinant, super omnia verò loca ipsa humanæ redemptionis, atque salutis, & quæ Sancti Patres, Abraham, & reliqui antiquæ memoriæ ardentius dilexerunt, cultu sinceriore, per tuam iussione æstimes ab omnibus veneranda, instauranda, conseruanda, cum opus est. Ita enim tibi Deum facile poteris, ut inde semper ad maiora bona progrediaris, propitiari. Harum nostrarum baiulum, *dilectum filium nostrum A. (5)* virum religiosum, nunc ad te mittimus. Aget tua discretio ita cum illo, ut & sibi, nomine nostro, tibi quædam dicenti credidisse, & nos in illo, abs te honoratos fuisse, comperiamus. Valeat tua potestas, eis veris fulta præsidijs, quibus ad æternam beatitudinem peruenitur. *Ex Florentia 1441. (6)*

## N O T A E.

### Nota I.

*Eugenius.* Quamquam hinc appareat, istam Epistolam Eugenij Pontificis esse, Ego ramen eam inter Alberti Epistolas reperi, & fortassis etiam Alberti est, nam in margine vetusti codi-

cis scriptum est; *Ex nomine Eugenij*, quasi indicare veller, Albertum eam saltem dictasse, quod & stylus indicat: ut ut sit, digna mihi visa est, quæ non omittatur, tum ob Gandulphi Siculi nostri mentionem, tum quod Eugenij Pontificis ordinis amantiissimi zelum, & pro-



& propagandæ per omnia fidei studium exprimat, & conseruandi Terræ Sanctæ loca nostra desiderium: tum quod exemplum præbeat, quo modo, quaque via, cum Orientis Infidelibus tractandum sit.

## Nota II.

*Gandulphus Guardianus.* De eo nos fufius in vita B. Alberti, & nostris ad eam notis.

## Nota III.

*Potent ab eo instantius.* Non infrequentes fuisse huiusmodi Tartarorum, Turearum, Persarum, Indorumque legationes, per Fratres Minores, ad Romanum Pontificem, & Christianos Principes missas, in Vvadingi nostri Annalibus, & alijs ordinis monumentis passim reperitur.

## Nota IV.

*Eos à mutuis iniurijs abstinere.* Stephanus Garibaius tom. 3. hist. omnium Regnorum Hispaniæ lib. 40. ca-

pit. 22. refert Regem Mahomad hoc tempore per septem annos externo bello caruisse, quamquam ciuilibus dissidijs vexaretur, donec tandem per repotem suum Mahomad, Aber hosmen, cognomento Claudum, an. 1445. supplantatus, & Regno exutus fuit, in quo ipse Claudus successit.

## Nota V.

*Dilectum filium nostrum A.* Per hanc literam A. Albertum nostrum intelligi non existimo, qui hoc tempore, cum Eugenio Pontifice Florentiæ fuit, absque vilo cogitatu in Aegyptum amplius reuertendi; sed literam positam, fuisse pro nomine cuiuscumque, in Pontificio authographo postmodum expressius nominandi.

## Nota VI.

*Ex Florentia 1441.* Mensẽ, & diẽ, hic eadem ratione eidẽ authographo reseruata fuisse pariter cenfeo, ex quibus mihi confirmo Albertum eam didicisse, & authentica illa Pontificis dispositioni reseruasse.

## EPISTOLA LXIX.

## BEATISSIMO PAPÆ EVGENIO.

## ARGVMENTVM.

Hoc tempore cum Eugenio Pontifice scedere coniuncta fuit Respublica Senensis, & ut ex Epistola colligere mihi videor, mediatore B. Alberto. Intererã verò, dum Pontifex nondum subscripsit alioquin paxẽ paci, illius militia bono fine, intrauit in ditionem Senensem: sed cum infecta re, quam alibi tentauit, in Latium reuenteretur, multam, & pecorum, & hominum prædam, inde abducebat, ut in historia Senensi part. 3. lib. 2. fol. 30. ad annum 1440. narrat Orlandus Malauoltus: Ea propter Albertum, ad alia Pontificis perficienda mandata Senis transeuntem, Priores Vrbs ad se vocatum, acriter increpuerunt, quod falsam, & citò perituram pacem, nomine Pontificis, ipsis promiserit. Qua de re, hanc Epi-

*Epistolam ad Pontificem scripsit, hac ipsa narrans, & se in arcanis quibusdam, oratenus exponendis, ad Massanum Episcopum referens, cui cuncta perscripsit: interea prudenter, & religiose rogans, ut Eugenius quosdam Senis Primores, charitate, & clementia Pontifice dignis, ad se attrahat, & ut minora bona, pro maioribus bonis negligat, ne populus, alioquin Sedi Apostolica deuotus, odiorum femine grauidetur, quod Guelforum, & Gibellinorum factiones interpretor, aut aliquorum cum felice Antipapa collusionem.*

**H**esterno vesperi B. P. Priores huius Ciuitatis, me in suum palatium celeriter aduocantes, duram conquestionem auribus meis exhibuerunt; simul mihi stomachosè in faciem exprobrantes, quod falsam eis & citò perituram pacem, nomine T. S. promiserim (1) cum primò putauerint damna, quæ utrinque illata sunt (cum fuerint iniusta) & ab utrisque partibus, tuæ scilicet Sanctitate, & eorum paruitate, ignorantia, tanquam æqualance cuiusdam pacificæ obliuionis, penitus compensanda. Nunc verò expostulant abs te præberi fideiussores, qui potius, & per meam promissionem, & tuam iussionem, expectabant se præda rehabita gauisuros, tametsi semper putauerint, & nunc quoque magis putent, in tam longa mora restitutionis, per fraudem militum, ne centesimam quidem partem prædæ recuperaturos. Multa B. P. in hanc causam sunt mihi conuesti, quæ, ne S. T. pluribus verbis onerem, prætermitto: *Et quia Massano Episcopo* (2) ut ea tecum conferat, latius scripsi. Pro hac re uenissem ego ad Sanctitatem tuam, nisi, cum me vocarunt, fuisset in prociñctu recessus ad duo illa Castella, ut Sanctitas tua pridem statuerat, summa cum diligentia concilianda.

Verum illa potior causa est, quod indignati, ut arbitror, ciues Senenses nihil me rogauerunt, non solum ut ad te ipse venirem, sed nec ut scriberem quidem orare dignati sunt. Visum tamen est mihi, pro charitate, hæc pauca T. S. significare, roganti simul, & obsecranti ut adhibito ad hanc rem, quod Apostolicam sapientiam decet, grauiore consilio, minora bona pro bonis maioribus negligantur. Præsertim hac tempestate temporum, & dierum malorum; in quibus quid hic noui, & mali, ab heri & nudius tertius *adulterina plantatio* (3) contra tuam beatitudinem nequiter machinetur, ex Massano Episcopo poteris facilius audire, cui quædam grauiora tibi fideliter referenda, contexui. Oro te B. P. ut populum istum tuæ Sanctitati deuotum, & deuotiorem fieri valde flagrantem, non permittas femine odiorum, per tauros lasciuientes ingraudari, sed ingenita magis clementia tua, tanquam vinculis charitatis, tauros ipsos ad te ligatos trajicias, & vaccas populi huius femine Christi potius ipse fecundēs. Dominus Deus Omnipotens longo te æuo tueatur B. P. ex Sena summa celeritate, cum iam cuncta parata essent ad iter i. die Octob. 1441.

## N O T A E.

## Nota I.

*Quod falsam eis cito perituram pacem nomine T. S. promissim.* Hinc imprimis colligo Albertum, pacis inter Pontificem, & Senenses mediatorem fuisse, quis enim audeat, Principis nomine, talia promittere, cui potestas paciscendi concessa non fuisset? Quod confirmant quæ sequuntur. *Qui potius per meam promissionem, & tuam iussionem expectabant se de prada rebita gauisuros.*

## Nota II.

*Et quia Massano Episcopo.* Is apud Vghellum tom. 3. fuit Petrus de Vrso, quem Eugenius anno 1439. ex Episcopatu Montis Flaconis, ad Massanum transtulit, & obstitentibus Senen-

sium studijs, huius possessionem inire non potuit: Pontifici interim & S. Concilio Florentiæ interfuit.

## Nota III.

*Adulterina plantatio.* Erant aliqui ex Primoribus Ciuitatis, qui odiorum in Pontificem semine, tanquam lasciuientes tauri, populum grauidare nitebantur, & Guelforum fortassis factiones, aut Schisma Felicianum, aduersus Eugenium resuscitare. Quæ causa Alberto fuit, ut suaderet Pontifici, hos ingenua elementia, tanquam vinculis charitatis, ligatos ad se traiciat, vacas populi, hoc est quietos, & Ecclesiæ deuotos ipse Pontifex semine Christi fœcundet, instruendo, & beneficiendo, minoraque damna sua negligat, ne maioribus implicari contingat.

## EPISTOLA LXX.

LEONELLO PRINCIPI FERRARIENSI.

## ARGVMENTVM.

*Albertus, ut in eius vita narrauimus, Patrum Conuentualium Prouinciæ S. Antonij, seu Venetæ, unanimi suffragio, Minister Prouincialis electus est anno 1442. mense Iunio. Quo tempore Leonellus per literas ab illo flagitauit, ut Epistolam iam olim promissam, de rebus à se in Oriente gestis, illi mitteret; sed non sollicitior erat Princeps in illa exigenda, quam constans auctor in rebus à se gestis reticendis, quarum narrationem forte considerauit, maiorem sibi inuidiam, quam Leonello utilitatem, allaturam. Rescribit ergo præsentem, per quam se ab omni literario studio, per impositi regiminis negotia impediri omnino causatur.*

**Q**uod ad me scribis Leonelle, Marchio Illustris, de prædicatore illo, mihi quidem & fratre & filio; quorum alterum communis nobis religionis est, alterum

officij in illum mei, nihil tibi in præsentem respondeo, sed ne multa dictare compellat, quod profectò efficere nequeo, te ad Episcopales literas nostras remitto, in quibus tibi puto

puto plenius pro tempore satisfactum. Miror præterea, qui Epistolam tuam à me reposcis, hominem iam facto negotiosissimum, & à quo pro peccatis meis, prorsus omnia præcepta sunt otia, excussa quies, & intercepta, ne dicam præcisa, studia literarum; Quod cum nunc, & sæpe alias, mœstus recorder, lacrymas tenere vix queo, immo prorsus non queo, ut tibi, quod sentio, liberè & amicè confitear. Qua certe tam egregia bonorum iactura tantus mihi luctus suboritur, ut nullo me solatio ab hac molestia leuandum putarem, nisi me, aut expectatio terminandæ citò molestiæ, aut spes proferendi de laboribus huiusmodi vberissimi, ac celeberrimi fructus, aut postremò cogentis obedientiæ, atque eius Apostolica virtus consolaretur. Itaque mihi Leonelle Princeps, te oro vehementer, ut quoad pondus hoc immaniter, atque vtinam non me inaniter, premit, definas à me Epistolas flagitare, quas cum per occupationes præbere non valeo, nihil mihi videtur aliud facere, cum illas à me quiuis, quantolibet studio postulat, quam mihi, penè dixerim magnam cum iniuria, intermissa illa mea suauissima studia exprobrare. Neque verò pollicitationem meam mihi vlla confidentia obijciendam existimes. Quis enim iniquus Iudex pertinacius postulet, quæ necessitas reddenda, quamuis summa assertionem promissa, prohibeat? In promissis præterea, quæ hominibus reddere nemo cogit, id quod obligatio vlla sponderat, siue quælibet sponsio obligauerat, certa ipsius pollicentis hominis abnegatio soluit & liberat; igitur qui me ipse, non coactus, tibi libera sponsione ligaueram, intercurrente causa,

liberiores abnegatione me soluo. Ora Deum ut molestia negotiorum me liberum faciat, & ego per otium reddam, quæ per negotium sine ullo mentientis vitio denego. Habeo enim iam penè completam Epistolam, de qua scribis: sed tamen necdum planè completam: quæ tamen & ipsa, si completa esset, polienda restaret. Verum cum ad neutrum mihi tempora suppetant, melius differuntur, quam inepta prodantur. Quamuis enim, ut noster Hieronymus ait, elegans sit, exercitatumque ingenium, & longo usu attrita currat oratio; tamen nisi auctoris sui manu curata fuerit, & polita, redolet fordes negligentiae: non est nitida, non habet mixtam cum decore gravitatem, sed in modum diuitum rusticorum, opibus suis magis arguitur, quam exornetur; & vel nimiosa verborum flore luxuriat, vel fit hiulca vocabulis, vel aspera consonantibus. Vnde & de Virgilio traditum est, quod libros suos, quasi vsorum fructus, lingua composuerit, & lambendo fecerit esse meliores, qui durarent in memoriam sempiternam, & necessitatem metri libera oratione completeret: Quæ cum ita sint, & mihi & tibi orandum est, Leonelle Princeps Clarissime, ut vel diu omissa studia repetam, quo tibi aliquando morem gerere queam; vel quod satius puto, occasio nobis, ac facultas à Domino tribuatur, altiore gradum vacandi sibi, ingenti gratia suæ dignationis, arripere, scandere, colere; atque id, quod est in omni vitæ sanctimonia summum, in bonis, quæ religiosè professi sumus, Christianorum morum perpetuò permanere. Vale ex Florentia. . . Iunij 1442.

## EPISTOLA LXXI.

MINISTRIS PROVINCIARVM ORDINIS  
ENCYCLICÆ,

## ARGVMENTVM.

*Ultra officium Ministri Prouincialis, Pontifex nouum onus imposuit B. Alberto, Vicariatus Generalis totius ordinis Minorum, loco nuper d. sancti Guilielmi Casalsensi, eiusdem ordinis Ministri Generalis. Quapropter cetera, quæ sequuntur, eius hoc anno Epistole, regiminis negotia tractant; Atque hæc imprimis, qua Ministris per totum ordinem Prouincialibus institutionem sui in eo officio denunciat: eosque simul hortatur, ut quisque religiosos sibi subditos, exemplo propria vite, ac mansuetæ suasionem, & odorem antiquæ Sanctimonie compellat. Denunciat pariter ordinis Comitia, pronoui Ministri Generalis electione, sequenti Pentecoste Paduæ celebranda, iubetque ut omnes, pro cuiusque officio, illuc opportuno tempore conueniant.*

**V**enerabilis in Christo Pater Minister, pax Dei tecum. Amen. Ex quo placuit Christi Dei nostri in nense misericordie, vel potius patientiæ, me inuitum, ac cum multis lacrymis reluctantem, post mortem prædecessoris mei, Ministrum Prouinciæ S. Antonij, miræ eorum, ad quos de iure spectabat, consensione & concordia eligi; ac deinde ad Generalem Vicariatum totius nostri ordinis die decima huius mensis institui, & in utroque officio per Sedem Apostolicam confirmari; dignum duxi, ut tibi hæc significans, te simul hortarer, quo velis te primum in tuo regimine exemplum vite tuis subditis exhibere: ac deum ad imitationem tui pia magis morum Sanctorum suasionem allicere, quam minarum & cædis coercionem

compellere; ut per bona opera, à dissolutione laxioris vitæ, vel aliqua ex parte, paulum reformati, odorem antiquæ sanctimonie in aliquo reuocantes, argumenta religiose iustitiæ, ad proximos transmittatis. Quod si feceritis, habebitis me potius in vestris infirmitatibus misericorditer consulentem; quam humanos defectus, si qui in vobis erunt, acerbius vindicantem. Non enim habebitis me talem omnium vestrum seruum, qui non possim compati infirmitatibus vestris, quoniam & ipse circumdatus sum multa infirmitate. Generale verò Capitulum credo te scire per Sanctissimi Domini nostri Eugenij sapientissimam institutionem decretum esse, ut apud Paduam, in futuro proximo festo Pentecostes, infra Octauam S. Antonij celebretur.

In quo alicuius boni viri electio facienda est, adiuantibus Sanctorum fratrum excellentissimis meritis, siue in terra bellantium, siue in Cælo sempiterna gloria triumphantium. Tu itaque cura, ut debito tempore eo te transferas, quo possis bonorum operum, pro incremento Reli-

gionis nostræ fieri cum alijs particeps. Exemplaria harum non graueris tribuere Vicario locorum deuotorum in tua Prouincia positorum, quum ad ipsum eadem hæc mandata volo proferri. Vale in Domino, & ora pro me. Datumi Florentiæ die, 10. Iulij 1442.

## EPISTOLA LXXII.

CIVIBVS GAVDENSIBVS IN HOLLANDIA.

## ARGVMENTVM.

*Ciues Oppidi Gaudæ in Hollandia, tunc Romani Catholici, & Seraphico P. Francisco, ipsiusque sincerioribus affectis deuotiz domum, Ecclesiam, & cetera necessaria apud se edificarunt, pro æsa & habitatione Conuentus Fratrum regularis obseruantie, quem regi volebant instar alterius Conuentus eiusdem instituti prope muros S. Audomari Morinensis Diocesis. Quod ut obtinerent non obstante contradictione Ministri, & Fratrum Prouinciæ Colonienfis, tum ipsi Ciues, tum Philippus, & Isabella, Burgundiæ Duces, Eugenium Pontificem per supplicem libellum orauerunt. Albertus ergo Vicarius Generalis ordinis, tam iussu Pontificis, tum auctoritate sua, scripsit Ministra Colonienfis, ut à molestandis Gaudensibus desisteret, donec res in proximo futuro Capitulo Generali, melius examinanda, decideretur, idque per presentem Epistolam Gaudensibus significat.*

**D**euotionis vestræ suauitas, quæ Sanctissimi Domini nostri Eugenij animum meritò oblectauit, & per imperium Sanctitatis eius, & per impositum ministerium officij mei, æquo à me iure reposcit, ut vobis, quantum in Domino poterò, satisfaciam, Igitur quia nomine vestro, clarissimi ciues, exhibita Sanctissimo Domino nostro quædam, quam legimus, supplicatio continebat, ut vobis de gratia speciali concederetur, quatenus fratres

ordinis Minorum, de obseruantia regulari, possent domum quandam inhabitare & regere, sicut domus similium fratrum, prope muros Sancti Audomari, Morinensis Diocesis, gubernatur, ac regitur; non obstante resistentia fratrum Colonienfis Prouinciæ, infra cuius terminos, iuxta morem ordinis nostri, oppidum vestrum existit, Ego itaque venerabiles ciues, cum habeam ex Apostolico mandato, & ex meo officio providere; ut hoc negotium paci-

fice

ficè terminetur statuo & delibero, vt fratres prædicti regularis obseruantia, vsque ad Generale nostri ordinis proximum futurum Capitulum, per Dei gratiam in festo Pentecostes Paduæ celebrandum, liberè & pacificè gubernentur, iuxta quod fratres venerabiles de S. Audomaro eos duxerint gubernandos. Mandatum autem super hac re missimus Ministro Coloniae, ne vos aut fratres prædictos, vsque ad tempus præfatum, in quo causa melius terminabitur, vilo pacto audeat molestare. Hoc enim fer-

uor vestrae deuotionis exposcit, qui de bonis, à Deo vobis collatis, dum prædictam, cum Ecclesia & alijs necessarijs officinis, ob Religionis nostræ deuotionem, & B. Patris nostri Francisci, tanta diligentia fabricastis: sed nec minus hoc Illustris Princeps Philippus Dux Burgundiæ, cum Isabella magnifica vxore ipsius, prorsus merentur; qui & ipsi pari hoc deuotione deprecantur. Valete in Domino, & orate pro nobis ex Florentia 20. Iulij 1442.

## EPISTOLA LXXIII.

## MINISTRO COLONIAE.

*De eadem re.*

**V**enerabilis Minister, pax Christi tecum, Amen. Cum mea peccata effecerint, vt me nuper Sanctissimus Dominus noster Eugenius, Diuina prouidentia Papa Quartus Generalem Vicarium nostræ Religionis, vt immeritum, ita quoque inuitum, veraciter instituerit, qui paulo ante, post mortem Magistri Dalismani, fueram Minister electus Prouinciæ S. Antonij; accidit interea, vt idem Sanctissimus Dominus noster me accersierit, ostendens mihi quandam supplicationem, ei porrectam, super quadam altercatione inter te, & fratres, qui de obseruan-

tia nuncupantur, pro loco Oppidi Gaudæ, simulque iubens, vt tibi, suæ Sanctitatis autoritate, mandarem, quatenus ab illius loci, & fratrum in eo iam moram trahentium, molestijs debeas omninò cessare, & hanc quæstionem, generali capitulo terminandam disserre. Ad quod, vt te pro more nostri ordinis conferas, per alias ad te scribo, quæ his inclusæ sunt. Vale in Domino, & ora pro me, curaque omni opera, pro tua eruditione, & grauitate, vt quæ ad te scribuntur, diligentius complcas. Ex Florentia 20. Iulij 1442.

## EPISTOLA LXXIV.

## FRATRI IACOBO PRIMADICIO.

## ARGVMENTVM.

*Hoc tempore, in Ecclesie obsequijs, in Oriente residebant Primadicus, & Bartholomæus Ianensis, Franciscanæ reg. obser. professores ab Eugenio*



*Pontifice miſſo, viri ambo eximij, eꝝ vel ab ipſo Pontifice, datis encomijs, laudatiſſimi. Cupiebat Vicarius Generalis, vt vterque Generalibus Comitijs intereſſet, vt qui Sectis Orientalibus in vnam Eccleſiam, Catholicam reducendis egregie adlaborarunt, eandem nauarent operam, vt Seraphici ordinis preſſores, ſed variè viuentes, in eandem Regule obſeruantiam, eamque puriſſimam, coaleſcerent; quod Eugenius ipſe Pontifex percipiebat, cuius proinde in hac re conſilia, modosque procedendi, Albertus Primadicio pandit: eꝝ vt ambo maiore cum honore, eꝝ ſuffragij auctoritate, ad comitia venirent, alterum Romania in Græcia Miniſtrum Prouincialem, alterum cuſtodem, vt vocant, inſtituit. Atque interea Iacobum confirmauit in officio Commiſſarij ſui, ſuper locis Orientalibus in Epifſola nominatis, cum prudenti rerum agendarum directione.*

**S**I de alio mihi loquendum eſſet, Iacobe frater, narrarem tibi feſtiuo, & lætiſſimo ſtylo, quæ iucunda tunc putarem. Nunc verò quia de me ipſo ſermo mihi habendus eſt (1) magna mihi modèſtia vtendum credidi: vt quod exultantibus verbis pro alio extuliſſem, pro me magis lugere decreui. Poſt mortem Patris communis noſtræ Religionis, cum varia fuiſſent pro regimine noſtri ordinis agitata (2) quæ & ipſa, Fratet Antonius de Neapoli, harum noſtrarum baiulus, tibi ac mihi chariſſimus filius, plenius poterit explicare; poſito quoque iam Generali Capitulo apud Paduam, paulo poſt etiam Miniſter illius Prouinciæ diem ſuum, Domino diſponente, obiſſet, miſſo à Sanctiſſimo Domino noſtro pro Commiſſario, Miniſtro Prouinciæ Thuſciæ, qui Prouinciali Capitulo præſideret, factum eſt, clam me, atque eo conſenſu, quem omnes putant Diuinum (3) vt ex Antonio audies, vt ego Miniſter Prouinciæ eiufdem eligeret. Quod cum valde placuiſſet Sanctiſſimo D. N. conuocato magno fratrum numero, poſt violentam miniſterij mei confirmationem; renitenti mihi veraci-

ter, ita me Chriſtus iuuat, ac multipliciter reluſcanti, etiam Vicariatus totius ordinis pondus adiecit, ſub quo onere, quam mœſtus gemam, teſtis eſt Chriſtus. Verum ex quo ita ſeres habet, venit mihi in mentem, vt tu quoque mecum experiare hæc ſuauià, quam mihi ſapiant. Quare ſicut in literis, quas ad te mitto, videbis, reiecto & abſoluto illo Miniſtro, quem Dominus noſter pro ſulto habet, te Miniſtrum Romanæ inſtitui, ac inſuper Commiſſarium Orientis, & omnis Græciæ Rhodi, Peræ, Cretæ, Chij, Chaphæ, & Conſtantinopolis, ſola Hieroſolyma ſub meo regimine reſeruata. De Miniſteriatu tamen, ſi certe putas naſci debere ſcandalum, ac per hoc ceſſandum tibi à receptione officij potius arbitraberis, tuo iudicio derelinquo, ſin minus arripe per officium tuum occaſionem multorum in Græcia bonorum, maximè cum magnopere te cupiam in Generali Capitulo, pro vtilitate publici muneris, fore vocalem. Ad quod opus complendum, nihil mihi magis congruere videtur, quam vt miniſter ſias. Si poſſem maiore te titulo honorarem. In omnem tamen euentum

te volo Generalem Commissarium meum, in locis nominatis superius, remanere. Hoc est sanum consilium, quod de mente Sanctissimi D. N. profectum est. Neque verò iniuria Pontificale dixerim sanum consilium: Venit enim ad notitiam eius, quosdam fratres, ea ratione non tibi obtemperare, quod obijciant te non esse Prælatum Religionis, sed Papæ, tanquam commentitia promotione, non naturali regimine, vt falso asserunt, te esse tua procuratione sublimem. Quo visum est S. D. N. cum de hac re mecum & cum fratre Bernardino conferret, & pro vnione Religionis conficienda ac persuadenda, quam maximè eius Sanctitas cupit, vsque ad Capitulum Generale, tacito nomine prælationis tuæ per illius Bullas in quibus te creat, solum vocabulum præsidentis ab ordine præbitum exterius præferas: interius verò, & in casibus, cum ita fieri debere censebis, vtaris virtute Bullarum, quas penes te habes; quamuis in toto orbe omnes reliquæ locorum, & cuiuslibet exemptionis Bullæ, per Bullas nuper nobis præbitas (4) sint penitus reuocatæ. Quod publicè quidem factum est, ad placandos, qui aduersantur: secretius verò per aliam occultam Bullam ad me cunctæ re-

missæ sunt: ne bona multa præpediantur: & si quidem in Capitulo Generali, vlla fiet pro ordine probata, vtilisque prouisio, cunctæ Bullæ remittentur ad caput, idest ad hominem bonum ex nostris, qui præsidebit. Sin verò mali noluerint quempiam, qui eis præsideat, non deerunt nostris, præter reliqua, quæ sequentur, noui fasces Bullarum nouarum. Non ergo sine ratione factum existimes, si nunc nouæ ad te Bullæ illæ, quas postulabas, non perferuntur. In fine hoc addo, vt si tibi communi ordinis negotio fuerit visum salubre, tu & Bartholomæus noster Ianensis ambo ad Capitulum veniatis, ita tamen, vt quod ambo sitis vocales, siue tu Minister factus sis, & ille custos custodum, siue magis è contra, si hoc plus conducere rei communis vtilitati censebis. Ad quam rem conficiendam, ex Commissariatu quem tibi in literis tribuo, habes amplissimam potestatem: de duobus alijs Ministris, videlicet orientali, & Terræ Sanctæ nunc superseas, quia cum opus fuerit, ipse maturius providebo. Vale & me de omnibus, quæ ad te scribo, vel quæ in Oriente geruntur, & si non scribo, me facias celeriter certiores. Ex Florentia 1. die Augusti 1442.

## N O T A E.

## Nota I.

*Quia de me ipso sermo mihi habendus est.* Hinc etiam apparet, quam vbique constans fuerit Seruus Dei in rebus suis laude dignis vel omnino reticendis, vel summa trepidatione & modestia, vbi opus esset, referendis. Vide, si libet, ipsius Epistolas, quas

iam dedimus, ad Ducem Burgundiæ, & ad Leonellum Estensem, ex Rhodo datas, cum ex Aegypto reuerteretur: & aliam ad eundem, quæ supra ordine est 70.

## Nota II.

*Cum varia fuissent pro regimine ordinis agitata.* Hæc exprimit, & fufius

sus narrat Pontifex in diplomate, quo Albertum instituit Vicarium Generalem ordinis, apud Vvaddingum tom. 5. pag. 419.

## Nota III.

*Eo consensu quem omnes putant Diuinum.* Quis enim crederet, humanitus, vt vocales omnes, qui aderant nonaginta tres, sui modi viuendi tunc tenacissimi, suffragia sua, vnico dempto, in Albertum liberè & vnani-

miter conferrent, hominem illius vitæ zelantissimum, notissimumque reformatorem, idque clam ipso, nihilque tale cogitante, immo postea veraciter renitente, & multipliciter apud Pontificem reluctante.

## Nota IV.

*Nuper nobis præbitas.* Sunt illæ literæ, seu diploma Eugenij in superiori nota memoratum, quo Albertum Vicarium ordinis constituit.

## EPISTOLA LXXV.

## C I V I B V S G A V D Æ.

## A R G V M E N T V M.

*Ciues Gaudenses, quos diximus Epist. 72. Cœnobium regularis obseruantie Franciscanis Gaudæ condidisse, aliud quoque Ragusie in Dalmatia, ab eorum parentibus olim constructum, hoc tempore conseruabant ipsi exaugere. Cupiebant autem non minus Gaudæ, quam Ragusie, seu vt Albertus loquitur, in omnibus per Sanctorum Fratrum suauia exempla refici, hoc est, vt videtur, Patres obseruantes etiam in Conuentu Ragusino habere. Albertus ergo id se illis in Capitulo Generali, si Deus fauerit concessurum promittit, modo illi interim de loci dispositione ipsum plenius instruxerint: cetera quæ nunc ad ipsorum satisfactionem facturus erat, Patri Ladislao ipsis nuntianda committit.*

**A**Ntequam ad hoc onus negotiosissimi operis, dispensante Deo, per Sedem Apostolicam vocaremur, ciues clarissimi, vt videlicet, ad paruitatem meam pertineret nostri sacratissimi ordinis gubernatio, venerunt ad manus nostras vestræ literæ charitatis: quibus instantius præcessori meo bonæ memoriæ humiliter supplicabatis, super bona prouisione Conuentus nostri Ragusienensis, quem parentum vestrorum deuotio B. P. N. Francisco, ac nobis extruxit (1) vestra vero & conseruat & augeat: Ego autem vestro

desiderio, nunc, vt valeo, satisfacio, sicut notum vobis faciet harum litterarum, mihi charissimus filius, & frater nostri ordinis Ladislaus. Si autem in Generali Capitulo mihi per Christi misericordiam fuerit vita comes, atque facultas, & vestra diligentia non grauabitur me vestris literis de loci dispositione facere certiozem; dabo operam, quam Christi benedictio tribuet, vt in omnibus sitis, quemadmodum cupitis, per Sanctorum fratrum suauia exempla refecti. Valete ex Florentia 5. Augusti 1442.

## N O T A.

*Quem parentum vestrorum de-  
uotio extruxit. Quia occasione ciues  
Gaudani in Hollandia Ragusij in Dal-  
matia tam procul Crœnobium Religiosis  
construxerint, ne cui mirum aut incre-  
dibile videatur, obseruandum imprimis  
est, Ragusium, & Rempublicam  
esse, & frequens Emporium, in quo  
proinde ex alijs nationibus mercatores  
habitant, habentque ibi suos Consules  
nationales, non minus quam Genœ,  
Liburni, Neapoli, Venetijs, & in  
Ciuitatibus maritimis, etiam Orientis,  
quæ negotiorum commercio magis op-  
portuna sunt, magisque frequentantur,  
in quibus locis huiusmodi externi ho-  
mines cum xoris, & liberis, per  
plurimos annos viuunt satis locupletes,  
vel sine liberis aliquando moriuntur, &  
Deum sibi hæredem constituunt. Erat*

autem exera mœnia Ragusij antiquus  
Conuentus fratrum Minorum; donec,  
Vroscio Seruiz Rege Urbem obsessuro,  
demolitus fuit, ne hosti aduersus Ur-  
bem præsidio, vel ut ita dicam, op-  
pugnaculo foret. Reipublicæ verò  
quiete, & securitate restituta, locus in-  
tra Urbem fratrum habitationi assigna-  
tus est, in quo, Gonzaga, & Vvad-  
dingo testibus, noua ædificia constru-  
xerunt, idque per illos ciues Gauda-  
nos quorum filij, vel nepotes, ea deinceps  
conseruabant, & augebant, ut in  
hæ Epistola præfertur: nam secundum  
hoc Crœnobium, post annum 1317.  
constructum fuisse iidem authores Gon-  
zaga & Vvaddingus referunt, idest  
plusquam sæculo prius, quam Epistola  
vel Gaudensium supplex libellus scripta  
fuissent.

## EPISTOLA LXXVI.

## CIVITATI RAGVSIÆ. (1)

## ARGVMENTVM.

*Ragusini ipsi quoque idem, quod Gaudani, desiderasse videntur, quibus  
cum animum suum, & intentam dispositionem Ragusinorum fratrum,  
& Monialium, nuncio hic nominato communicandam commississet, per  
hoc Epistolum orat, ut fidem illi in omnibus præbeant.*

**A**Nte non multos dies scripsi ad  
vos literas meas, nescius an  
dilectissimus filius meus fra-  
ter Antonius de Neapoli venturus  
eliet ad vos; nunc verò quia certi su-  
mus, quod iter ei per nos imposi-  
tum (2) Christo adiutore completu-  
rus est, transiens per vos, quædam  
ei imposui, quæ scribere prius præfe-

stinantia non curavi, quæque non  
parum vobis, & Religioni profutura  
existimo. Igitur quæ de dispositione  
vobis Fratrum, & Monacharum, ac  
de nostro erga vos animo dicturus  
est, attentius audite, eique in om-  
nibus, nomine nostro optima refe-  
renti, fidem indubiam adhibete. Va-  
lete ex Florentia 5. Aug. 1442.

NO-

## N O T A E.

## Nota I.

*Ciuitati Ragusia.* Sic hoc nomen effert noster Albertus, & alij: sed aliqui malunt Ragusium scribere, de quo vniuersim videndi sunt Calepinus vndecim linguarum, verbo *Epidaurus* in proprijs, Ortelius eodem verbo *Epidaurus*, in thesauro geographico, Philippus Ferrarius in lexico geographico, verbo *Ragusa*, Ioannes Lucius de regno Dalinatiz, & Croatiz pag. 42. & 43. col. 1. vbi de nominis Ethymologia,

Albertus Mirzus in notitia Episcopatum, verbo *Epidaurus*. Ergo quod ad scribendum authoritatem attinet, æque Latine dicere possumus Ragusiam, Ragusium, & Rauium.

## Nota II.

*Iter ei per nos impositum.* Scilicet cundi in Græciam, ad Iacobum Primadicium, de quo supra Epistola 73. cui itineri conficiendo, non incommodus fuit transitus Ragusij,

## EPISTOLA LXXVII.

## R E G I C A S T E L L Æ.

## A R G V M E N T V M.

*Albertus Regi significat Eugenij Pontificis mentem, hoc est, ordinem ad veteris obscurantiz instituta reducendi, rogatque sue Maiestatis fauores in ijs, quæ à Rege dependent, & quæ ipsius nomine oretenus nuncianda commisit fratri Roderico, cui proinde petit fidem in cunctis haberi.*

**C**omperta mihi tam Regiz domus tuæ, quàm præclaræ personæ tuæ antiqua deuotio, Rex Illustris, præbet mihi fiduciam ad tuam eximietatem quædam scribendi, quæ etsi mihi sint admodum necessaria, tibi forte, si deuotionem tuam solitam consulueris, non erunt arbitror insuauia. Animus est Sanctissimo Domino nostro Eugenio Papæ, plusquam diei potest erectus, vt religionem nostri clarissimi ordinis ad instituta veteris obseruantiz reuiuua, quoad poterit, reformatione trajiciat. Cuius maximi

boni conficiendi, veluti principium cœpisse sibi videtur, quod nunc, licet tanto negotio imparem, Vicarium Generalem huius maximæ Religionis instituit. Sed quia multa mihi desunt, quæ opus ingens, si id perficere tandem possit, desiderat; Restat profectò, vt tua illustris præstantia hic afferat, quod deest: quo facto antiquum morem maiorum tuorum non dubitabis te fuisse clarissimo præsidio imitatum. Verum ne te maxime negotiosum verbis plurimis onerem, cuncta quæ negotio conducere putem, reseret ad tuam excellentiam.

vir

vir venerabilis, quem nobis tua patria peperit, Frater Rodericus, istarum baiulus, quemque scio veneraris ut Patrem. Oro te Rex Illustris, & insignis Christiane Princeps, ut credas, & adsis in his maximè omnibus, quæ nostro ad te nomine afferet: sunt enim eius generis, qui-

bus nulla humana potestas debeat aduerfari, cum illis ipsis, ut rebus præstantibus, faueat Diuina clementia. Deus te tueatur Omnipotens, Rex Illustris, præstantissime Domine, & merito Christiane Princeps. Ex Florentia 7. Augusti 1442.

## EPISTOLA LXXVIII.

REGINÆ CASTELLÆ. (1)

## ARGVMENTVM.

*Idem est cum superioris Epistolæ Argumento, præterquam quod in hac explicet quantum Regnis, Regibus, & Reginis conferuandis, conferant suffragia precum Seruorum Dei.*

**D**iv est Illustris Regina, Domina venerabilis, & meritò præstantissima, quod affectus meus tuam excellentiam veneratus est, teque in Christo sobria charitate dilexit paruitas mea. Quo sanè casto Christianæ puritatis amore factum est, ut pro te sæpe Deum nostrum rogauerim, ut nunc quoque quotidie orem. Tribuant tibi alij ampla donaria. Ego de me, & meis in toto orbe dilectissimis fratribus, orationis patrocinium præbeo. Quod quidem suffragium pro tutandis Regnis, & Regibus, & Reginis, quocumque fulcimento humani conatus puto esse præstantius. Nam hoc solo gladio Moyses populum infidelem prostravit, & vicit, quem fidelis tamen turba Israeliticæ plebis armis fortioribus superare non poterant. Verum si quæras quæ causa præstantiæ me tuæ præsertim conciliet: li-

berè respondebo; tua Religio: fama enim vulgante, ad me peruenit te matrem esse Seruorum Dei, & zelo ardentissimo ita persequi Religionis aspernatores, sicut studio Sancti amoris rectè Deo suo seruientibus faues. Inter multos autem tuæ deuotionis prædicatores, vir venerabilis filius meus, Pater tuus, *frater Rodericus* (2) istarum baiulus, non minorem obtinet locum. Quem quia scio veneraris, ut Patrem, oro te Illustris, atque insignis Christiana Regina, ut ei pariter credas atque adsis in his omnibus, quæ nostro nomine ad te afferet: sunt enim eius generis, quibus nulla humana potestas debeat aduerfari, cum his Diuina gratia obsecundet. Deus te tueatur Omnipotens, Regina Illustris, Domina venerabilis, & meritò præstantissima. Ex Florentia 7. Aug. 1442.

## N O T A E.

## Nota I.

*Regina Castella*. Hæc Regina, adeò Religioni addicta, vt Mater Seruorum Dei esset, & zelo ardentissimo, ita persequeretur Religionis aspernatores, sicut studio Sancti amoris rectè Deo suo seruientibus fauebat, erat Maria filia Ferdinandi Aragonum Regis, quæ Consobrina suo, Ioanni II. Castellæ Regi, anno 1418. nupta fuit, & anno 1445. obiit, vt auctor mihi est Garibayus tom. 2. lib. 16. cap. 11. & 35.

## Nota II.

*Frater Rodericus*. Hunc natione Castellæ fuisse indicat B. Albertus in Epistola ad Regem, *quem nobis*, inquit, *tua patria peperit*. In vtraque autem Epistola, ad Regem quidem, scire se Regem cum venerari, vt Patrem, & ad Reginam virum venerabilem, filium suum, Reginæ Patrem vocat, fortè illi à sacris confessionibus fuit. Certè talem enmæstimare videtur Albertus, vt honori Reginæ esse crederet, quod virtutis testimonium ab ipso habuerit; sed quis fuerit hic frater Rodericus nondum mihi satis comperit: est enim duo reperio in Castella Rodericos huius zui, alterum regularis obseruantiz, secundum Vicarium ob-

seruantum illius Prouinciæ apud Salazarium in Hist. Prou. lib. 2. cap. 11. seu obseruantum custodem in Castella, vt cum vocat Vvaddingus ann. 1456. num. 156. quo tempore Ouanus in eo officio constitutus, S. Didacum ab Insulis Canarijs reducem, compluti collocauit. Alterum verò Rodericum de Ona qui anno Christi 1445. Nuncius Eugenij Pontificis in Regnis Castellæ & Legionis fuit, & magnam vim pecuniarum, pro sacri belli sumptibus collegerat, quam Pontifex iussit, vt mitteret. Anno verò sequenti ex decreto Capituli Generalis obseruantum in Urbem vocatus est, vt his verbis narrat Vvaddingus an. 1446. n. 3. decreuerunt, vt vacarentur duo ex Germania, totidem ex Gallia & Hispania, viri eruditi & graues, qui splendori essent, & præsidio. Memoriale ordinis speciatim refert ex Hispania euocatum fratrem Rodericum de Onia virum, inquit, perfectum, & prædicatorem Euangelicum, & ab Eugenio Pontifice dilectionis charitate receptum, vt cum filij loco haberet, & omnia postulata illi concederet. Vter modò horum, an alius ab eis diuersus fuerit ille frater Rodericus, cui B. Albertus ordinis negotia, cum Rege, & Regina tractanda commisit, certò affirmare non aulin.

## EPISTOLA LXXIX.

## CONVENTUI PADVANO.

## ARGUMENTVM.

*Abiente apud Pontificem B. Alberto Ministro Prouinciæ Sancti Antonij, & ordinis Vicario Generali, inimicus homo in Conuentu Paduano eiusdem Sancti superfeminauit zizania, eorum auctoribus innocuos religiosos apud sæculi potestates & temporales Dominos grauiter accusantibus, non sine*



*sine scandalo Religionis . Qua re offensus Albertus , eos per hanc Epistolam cum charitatis & auctoritatis moderatione commonet , & pacem suadet .*

**G**rauiſſimę mihi moleſtię pondus allatum eſt , Patres chariſſimi & amantiſſimi fratres , audienti quę nefaria proditorię colluuiſionis ſcēla vobis inuicem obiectetis , atque ea ipſa per inſolentiam falſę criminationis , *coram ſæculi poſteſtatibus* (1) magno cum Religionis noſtrę dedecore afferatis : quę nimis erat elam domi alterutra iniuria exprobrare . Satis erat præterea hæc , ſi vera fuiſſent , per Prælatos noſtri ordinis agitari , clam mundo , neſciente ſæculo , ignorantibus hominibus non noſtri propoſiti , quos difficile eſt , per bonorum operum exempla , & Chriſto & ſaluti ſuę lucrari ; facile verò paruo , nedum magno ſcandalo , ab honore & deuotione Religionis abducere . Nunc verò contra omnia peruerſo ordine , agi contigit . Nam qui ſtudio Sanctorum operum acquirere proximos noſtros debueraſinus , perditis nequioris vitę moribus frequenter amittimus . Qui deinde veris accuſationibus agere , ſimulata conſingimus : qui poſtremò in abdito noſtro noſtra pudenda , ſi quę erant , curare per familiares medicos , per Patres pios , quod agere tutiſſimum erat ; currimus ad crudeles chirurgos , & Patribus relictis , ac Matribus elementifſimis , vitricos quærimus , & nouercas . Ecce factus ſum ego veſtra beneuolentia , per myſterium electionis vobis placitę , Pater ; per Vicariatum obedientię coactę Prælatus . Quis veſtrum de his ſcēleribus , quę apud vos geruntur , ad me aliquid ſcripſit ? quis rogauit miſericordiam ?

quis quæſiuit remedia ? eucurriſtis ad ſæculum , vt teſtimonium vobis ipſis perhiberetis , quod in Religione noſtra animoſas veſtras non poſſetis explere vindictas : ſed gratias ago Deo meo , qui ſuis fidelibus , quamuis ſæculi hominibus , tribuit , & tribuet ſapientiam , qua plene veſtra machinamenta , & maledicta cognoscant . Ad vos ſermo meus eſt , qui Diabolico more , fratribus veſtris maculam turpioris infamię , ſtudio contentionis , curatis inurere . De Diabolo enim in Apocalypſi ſcriptum eſt . Cecidit accuſator fratrum ſuorum , qui accuſabat illos die , ac nocte . Videant qui eiufmodi ſunt , quid vindicatura ſit iuſtitia mea , niſi male aſta emendare maluerint . Quid lenitura ſit miſericordia mea , ſi ad frugem vitę melioris modeſtę magis redierint . In virga veniam ad vos , an in ſpiritu manſuetudinis ? ait Apoſtolus : Eligite quod vos magis delectat , pacem dico inter vos nutrire , an bellum fouere ? & talem me vobis pro materię diſtinctione præbebo . Verumtamen hoc certò ſcitote , tanto me acriorem futurum perſeuerantibus malis , quanto eos ſuauius ante monuero : & de moleſtis rebus hæc haſtenus . Cęterum ſuper prouiſione Generalis Capituli , eam , quouſque venero , diligentiam adhibete , maxime qui vobis præſunt , & qui plus valent conſilio ; quę pro rei magnitudine cenſenda putatur . Qui plus me diligunt , plus prouideant , non modo per ſe ipſos , verum etiam per ſtadium clarorum virorum , qui ſacerum & cœleſtem theſaurum , B. ſci-

licet Parris Antonij Corpus, custodiunt, cum alijs ad eam curam dignissimam deputatis. De quorum sapientia, quoniam multum confido, donec venio particulariter nihil explico eorum, quæ in præsentem

negotio iudico expedire, Quibus omnibus, ac reliquis civibus commendate in Domino studiosius. Valete in Domino, & orate pro me ex Florentia 13. Aug. 1442.

## N O T A.

*Coram sæculi potestatibus. Vide Epistola 83. ad Eugenium Pontificem, & alias quæ ibi sequuntur, cum suis no-*

*tis, ubi religiosorum recursus, ad sæcularium fauores, amplius explicantur.*

## EPISTOLA LXXX.

MATTHIÆ MINISTRO SAXONIÆ (1)

### A R G V M E N T U M.

*In Schismate Amadei Sabaudi, qui à Basileenfibus aduersus Eugenium IV. verum Pontificem erectus Felix V. dicebatur, triplex erat hominum vel sensus vel affectus. alij enim Eugenio tanquam legitimo, unicoque & vniuersali Ecclesiæ capiti constanter adharebant; alij Felicis Pontificium pertinaciter pro conciliabuli authoritate tuebantur; alij ipsi Concilio adiecti à Pontificatus questione, tanquam neutrales, abstinebant: Matthiam autem aliqui in secundis, & qui fauorabilius loquebantur in tertijs nominabant. Albertus igitur, tum pro Christiana & religiosa charitate, tum pro officij sui munere, fratrem & subditum suum efficaciter monet, ut fama suæ, ac Religionis, suæque salutis consalat; parsælus esse demonstrans seu verum Pontificem abneget, seu re ipsa non audiat, & vel basitando non colat.*

**Q**uamuis nullam tui notitiam habeam, venerande Magister, Minister, quantum attinet ad præsentiam corporis, nullaque inter nos diuturnæ conuersationis amicitia olim contracta sit, facit tamen humanitas, facit nostra Religio communis, facit denique Christianum nomen, atque ipsa imprimis charitas Christi, vt

non propterea te minus diligam. Nam si solos eos diligeremus, aut quos vidimus, aut cum quibus diu versari sumus, angustum profectò esset, etiam erga nos ipsos, vt alios taceam, latissimum mandatum Dominiæ charitatis, & Christianæ dilectionis amplissimus campus; fieretque res valdè ridicula, ac vehementius detestanda, vt nec nos ipsos dili-

diligeremus, neque Sanctos, & claros plerosque viros, toto orbe dispersos, cum neque nos ipsos conspiciamus, neque illis vlla consuetudo nos amicos effecerit: sed ita se magis veritas habet, vt maiora sint vincula illa, quę dixi publici muneris, quam priuati. Cum igitur pariter in hæc præclara conueniamus, quod homines sumus, quod vna nos complectitur & tuetur cœlestis ordinis communis Religio, quod eodem nomine Christiano censemur, in quo iuxta Apostolum Petrum, Deum glorificare debemus: quid est in quo verear confidentius ad te scribere? præsertim cum alterutrò nobis bona, quę semper mansura sunt, sine dubitatione optemus; in quorum communicatione bonorum, vera illa Christiani nominis amicitia, & sine corruptione gignitur, & sine metu amissionis seruatur. Accedit postremò quod cum locum speculatoris, quamuis nullo merito, teneam, & te, si digneris, pro tua virtute, atque humilitate Religionis, vt reliquos omnes nostri ordinis fratres, debeam, pro debito officij mei, & pro solitudine ministerij commonere. Ecce iam quantum arbitror, vides mi venerande Minister, per ea quę dixi, iacta esse solida fundamenta, non solum firmioris inter nos amicitię, verum etiam liberę confidentię, ea ad te scribendi, quę & honori tuo, & saluti conducant. Quę si admittas, cognosces meam erga te amicitię sinceritatem, qui diligenter ac vigilantè occurro pro charitate rumoribus malis, ac pestiferis, qui de te in his nostris Prouincijs latè feruntur. Qui & ipsi, si falsi sunt, quod Deus vnus, optimus, & maximus fecerit, maiorem tibi innocentię gloriam al-

latura est eorum per te facta purgatio, quam attulerat falsa criminatione infamiam: si autem vera sunt quę dicuntur, sapientia animi poenitentis efficiet, vt Religio nostra, lætitia reperti filij effertur, & tu apud Patremfamilias gloria maiore emineas: sed ad causam veniamus. Sunt qui de te dicunt, quod obedientia Pontificis maximi Eugenij, Dei prouidentia vnici, solius, ac veri in Ecclesia Catholica Orthodoxa, Apostolicaque Pastoris, sacrilega temeritate decideris. Sunt item qui hæc de te negent; sed te asserant, vt eorum verbo vtar, esse in hoc negotio neutralem. Quorum vtrumque, quid sceleris habeat, pro tua eruditione ac prudentia debes agnoscere, & cum & alterum apostasiam apertissimi schismatis sapiat, alterum inimicitias Deo indicens manifestę dissensionis bellum profiteatur, dicente Domino Saluatore: *Qui non est mecum, aduersum me est.* Prospicias ergo tibi ipsi, mi venerande Minister, nec tibi famam tuam negligendam existimes, ne dicaris præsertim in causa fidei, vel altero, vel vtroque pede claudicare. Memineris potius Euangelicę nostrę professionis, & cœlestis illius oraculi, quo subiectionem illam humillimam, in auribus fratrum omnium, & B. Pater, & nostra Regula personat dicens: Frater Franciscus promittit obedientiam, & reuerentiam Domino Papę Honorio, ac Successoribus eius Canonice intrantibus. Animaduerte, (oro te) quid sibi velit hoc verbum, quamque vim habeat *Canonice intrantibus*, vt intelligas, non congruere nostrę professioni quempiam fratrem, qui rectè & sapere, & agere velit, aut pro Canonicis Pontificibus

bushæstare, si res postulat, etiam emori, aut ab vsurpatoribus Sanctæ Sedis, cum opus fuerit, iuxta Patrum Sanctiones occidi. Tribuat tibi Dominus atque augeat Catholicum sensum, faciatque misericordia eius, vt in futuro nostræ Religionis Generali Capitulo nos inuicem Christiana

beneuolentia complectamur, ad quod vt omnino proficere, & S. D. N. per suas, & ego per meas literas, alias diligentius inuitavi, *quamuis nondum meruerim habere responsum* (2) Vale in Domino, & ora pro me. Paduæ 1442.

## N O T A E.

### Nota I.

*Matthiæ Ministro Saxonie.* Alij Matthiam, alij Matthæum nominant; alij, alijque cognominant, nunc Doringum, nunc Thoringum. Erat autem natione Germanus, homo doctus, & S. Theologiæ Magister Conuentualis, & Prouineix Saxonie iuxta ordinis morem Minister, quo utroque nomine Albertus ipsum in hæc Epistola vocat. Ipsum nomen vel maxime celebratur à Repleis, quas pro defensione Nicolai Lyran scriptis aduersus additiones Pauli Burgensis ad Lyran glossas in Sacram Scripturam.

### Nota II.

*Quamuis nondum meruerim habere responsum.* Contemplit enim Do-

ringus vocem Pastoris, & in suo sensu vsque adeò abundauit, & (quod habet Vvaddingus de scriptoribus ordinis, vbi de Matthia Doringo) Bernæ apud Helucos anno sequenti 1443. nescio in quo Schismatico partiariorum conuenticulo, contra fas electus Generalis Minister, in eo munere annis sex perseuerauit; quamuis eiusdem instituti eodem anno verus Minister in vero Capitulo Generali Paduæ electus fuerit, & postea per Eugenium Pontificem in officio confirmatus: hoc etenim inter alia regularibus viris inferebant Schismata Pontificia, vt Religiosi Prouinciarum cum Pontifice colerent, cui ipsorum Reges, vel Principes adhererent.

## S C H O L I O N.

Duæ sequentes Epistolæ nec in codice nostro S. Isidori, nec in Capistranensi reperiuntur, sed Originales, vt ipsius B. Alberti manu scriptæ, sic tanquam Sacræ Reliquiæ, obducto muro, cum veneratione seruantur in publico loculo parietis templi Minorum Sarthiani, Diocesis Clusinae, quod Oppidum Erturix B. viri patria est: vnde earum exempla ad me nuper missa sunt, cum publicis attestationibus, tam Priorum communitatis Sarthiani, quam Vicarij Generalis Diocesis Clusinae, eius Ciuitatis Episcopi autoritate confectis.

## EPISTOLA LXXXI.

PRIORIBVS ET POPVLO SARTHIANI OPPIDI.

## ARGVMENTVM.

*Alberto in dignitate & munere Vicarij Generalis totius ordinis Minorum constituto, per publicas literas, & nuncium congratulata est patria Sarthianum, ipsiusque nuntij, nescio quod, negotium commendat. Ipse hac Epistola conciuuium in se beneuolentiam testatur, & nuncio satisfactum iri promittit.*

*Magnificis Patribus (1) & Dominis meis Prioribus,  
& communi Terre Sarthiani &c.*

**A**Cceptis literis vestris, Magnifici Domini mei, per fratrem Iacobum conciuem vestrum, filium meum dilectissimum, prospexi quanto me feruore diligitis; qui super mihi commisso officio, tanto gaudio, exultastis, quod mihi quidem ignotum non erat, aut aliqua ex parte dubitandum: in cunctis scilicet vos obsequiosos exhibere, quod honestati meae quicquam accommodarent. Pro quibus equidem ipse Omnipotenti Deo primum, inde B. M. Virgini gratias ago. Sed quoniam me imparem huic oneri esse per-

suasi mihi, quæso me vestris iuuate orationibus, ut ex hoc non minus, quam ex oblationibus vestris, charitati vestræ obnoxius reddar: in negotio autem illius fratris, pro sedulitate vestra, qua me requiritis, pro charitate quam vestræ M. debeo, prouisioni debite instabo, pro ut ille ipse Fr. Iacobus meo nomine ad vos afferet: cui propterea dignemini, tanquam mihi, tradere indubiam fidem. Dominus vos tueatur Omnipotens, Patres optimi, & merito venerandi. *Florentia 11. Augusti (2)*  
1442.

## N O T A E.

## Nota I.

*Magnificis Patribus.* Non ignoro Priores, & Senatum cuiuscumque Reipublicæ Patres appellari posse, sed hoc modo loquendi videretur Albertus, cum etiam populum comprehendat, significare se illius oppidi filium esse: ut certo fuisse nos in eius vita demonstrauimus.

Nam cur alioquin Sarthianenses, præ alijs, illi congratularentur, tanto feruore ipsum diligenter, nisi ut honorem sibi in filio accedentem eidem acceptum referrent: quos proinde vicem redditurus, Patres suos vocat, eosque optimos, & merito venerandos, ut solent filij ad parentes loqui.

No-

## Nota II.

*Florentiæ 11. Augusti.* In fine Maij, vel initio Iunij, Albertus Paduz, Comitiorum suffragijs, Minister Prouinciz S. Antonij electus est, per obitum Dalismani Parauini, quem Albertus in primo horum opusculorum laudauit. Quo lætus Eugenius Pontifex, literas Apostolicas expediuit, XVI. Kalend. Aug. Florentiz datas, quibus ipsum in eo munere confirmauit, & alteras die proximè sequenti, per quas cum constituit Vicarium Generalem totius ordinis Min. & Prouisorem, ac Præsidem futuri Capituli Generalis. Quibus acceptis hæsit Florentiz, ubi

Pontifex tunc morabatur, ut debitam illi obedientiam, & suo, & Religionis nomine præstaret, benedictionemque Apostolicam, & agendorum oracula reportaret, & has ibi Epistolas mense Augusti scripsit, imò & 70. in Iunio & alias sequentes in Iulio. Mansisse ergo per plures dies in Curia, colligimus ex literis sequentibus ad S. Bernardinum, quæ 24. eiusdem mensis Augusti datæ sunt, per duos videlicet menses circiter. Hic verò notandum, licet Bullæ prædictæ datæ sint 16. & 15. Kal. Augusti, prius tamen institutum Albertum Vicarium Generalem ordinis die 10. Iulij, ut ipse testatur supra Ep. 70. potuit enim prius oraculo Pontificio institui, & postetius expediri institutionis Bulla.

## EPISTOLA LXXXII. BERNARDINO SENENSI.

### ARGUMENTVM.

*Patentes sunt, per quas amplam potestatem confert S. Bernardino, in Conuentu Capreolæ prope Senas.*

In Christo sibi Charitissimo P. F. Bernardino de Senis F. Albertus de Sarrhiano Minister Prouinciz S. Antonij, ac totius Ordinis Minorum Vicarius Generalis, à Sede Apostolica institutus, & confirmatus, salutem in Domino, & pacem sempiternam.

**E**X quibusdam relationibus, & iustis, ac rationabilibus causis, animum meum mouentibus, te, de cuius probatissima vita, ac vulgatissima fama, & miro Religionis zelo, cæterisque virtutibus, quibus te Altissimus mirificè decorauit, longa, & veteri experientia, sum plenissimè informatus, meum Commissarium, cum omni plenitudine potestatis institui, ac institutum denuntio per præsentem, in loco nostro Capreolæ (1) prope Senas, & fratribus commorantibus in eo-

dem : dans tibi per præsentem plenam & liberam facultatem visitandi publicè, & priuè, tam in capite, quam in membris dicti loci, nec non inquirendi, examinandi, procedendi, terminandi, corrigendi, puniendi, carcerandi, detinendi, priuandi, instituendi, restituendi, & omnia alia, & singula faciendi, gerendi, & exequendi, quæ ego ipse facere possem, si personaliter interesssem, salua in omnibus auctoritate Vicarij Prouinciz, dum præsens existeret in loco prædicto. Vale  
in

in Christo Iesu, & ora pro me; mandans insuper omnibus, & singulis fratribus in eodem loco ecommorantibus, & commoraturis, quatenus tibi, tanquam mihi teneantur in.

omnibus obedire. Vale iterum. Florentiæ XXIV. Aug. 1442.

*Frater Albertus Sartbianensis Minister S. Antonij ac Generalis Vicarius Ord. Min., indignus.*

## N O T A.

*In loco nostro Capreolæ.* Hic locus M. tantum PP. distat Senis, cumque Bernardinus ipse adolescens, humili ædificio, & Sanctissimis institutis, in ordinis & obseruantie regularis domum erexit. Quapropter existimo eum, postquam hoc ipso anno 1442. munus Vicarij Generalis Cismontani obseruantum in manus Pontificis abdicauit, illuc ad tempus secedere voluisse, quo liberius Deo, & animæ suæ colendæ vacaret; adeoque patentes istas, non vllius necessariæ iudicaturæ, vel specialis gubernij, sed honoris tantum causâ, ab Alberto, ipsius secundum Deum filio & discipulo, illi missas fuisse. Quid enim in parua solitaria, & religiosissima domo poterat esse negotij, quod vel superior domesticus, vel Prouincialis etiam absens, vel sola præsentia

Bernardini non facile componeret? sed erat ille tunc in Religione, & magnis prædicationis & poenitentie laboribus quadragenarius, habuitque ætatis sexagesimum secundum, & vitæ suæ penè penultimum annum, Vicarij Generalis officio sanctissimè iam perfunctus: eratque cæterorum rigidioris instituti Pater, Magister, & viuæ regula Sanctitatis, ac disciplinæ, propter quæ Albertus indignum iudicauit, sitanquam vnus de plebe, iuniori alicui præfecto subiectus esset, vnde ipsum non meritis tantum, & vltronca omnium reuerentia, sed etiam officio, & authoritate, etiam ipso superiore locali, maiorem esse & haberi voluit, salua tamen authoritate superioris Prouinciæ, cum adesset, ac ordinarij regiminis ordo inuertatur.

## EPISTOLA LXXXIII.

BEATISSIMO PAPÆ EVGENIO.

## ARGVMENTVM.

*Sub finem Augusti Paduam reuersus Albertus, sensit sibi obstaculo ad rem rectè gerendam esse, procurari à subditis protectionem Dominorum temporalium. Rem scribit Pontifici, & cautum modum proponit, quo per eius literas, ad se mittendas, remedium fortassis apponi possit.*

**A**D erigendam huius Prouincie collapsionem, B. P. cuius tibi placuit me Ministrum, quamuis immetitum, instituere, multa mihi impedimenta

sunt, sed præ omnibus aliqui insolentes, quos nec punire possumus, neque ex hac prouincia, per eos, ac reliquos iam euersa, depellere, detrudere, deturbare: Tuentur enim



sefe omni licentia, atque impunitate malorum, quam sibi Dominos quosdam prębuisse confirmant, apud quos fratres suos falsis criminationibus accusantes, in contemptum omnium Pręlatorum, ne parum quidem de sceleribus argui possunt, quin se clamitent à dominatione temporalium factos immunes; quos & ipsos si nullo metu laicorum defendentium puniam, sicut nec eos timeo, *sumenda sunt mihi bella* (1) acerbiora cum Dominis temporalibus, qui ut à grauissimis viris sum factus certior, iniquo sunt animo accepturi, si scilicet meos subditos ac malos castigem, quos ipsi sua libertate, sed nulla iustitia Religionis surripuerunt.

Esto enim B. P. peccarint, quos impij accusarunt, num apud sæculi homines delatio etiam certorum malorum facienda erat? ac non potius apud suę religionis maiores. Domini verò illi & accipiunt accusationem calumnię, quam ad Maiores Religionis, etiam verani, referre debuissent, & meritam punitionem malorum in iniustitia detinent, & innocentēs acerbius criminantur, quos iam diu non probatos nocentes, liberos abire non sinunt. Ego autem neque infontibus purgationem falsę criminationis, neque fontibus prę-

nam impendere queo; neque à Dominis illis libertatem vtriusque exhibendę valeo extorquere. Sum enim diligenter locutus cum Domino, cumque his, quos consiliarios vocant. Pollicentur siquidem bona, sed nec ea dum faciunt, nec facturos vlla mihi spes est, quemadmodum per eos ipsos, qui de eorum numero sunt, apertę conijcio: dum soli secretius mecum conferunt. Videor enim videre, rem iniquam eis videri, si causam, quam dicere solent sui status, saccis panniceis, vel pannarijs, ut aiunt, id est fratribus, quos etiam per contemptum sic appellant, vilo pacto terminandam committant.

Igitur B. P. nulla prouisio salutarior mihi videtur, quam si tua Sanctitas, tacito quod de his ad te scripserim, veluti etiam ignara eius indigni fauoris, quem inquis prędicti magno cum scelere & dedecore pręstant, mihi, si libet, diligentius mandes, ut fratres illos, de quibus hæc scandala audiuerit Sanctitas tua, ad te celerius proficisci procurem. Quo facto literas tuę Sanctitatis feram ad Dominos, actum tandem quid sentiant apertę perspiciam. Dominus te tueatur Omnipotens B. P. ex Padua Calendis Septemb. 1442.

## N O T A.

*Sumenda sunt mihi bella.* Perpetua est ista querela, de fauoribus sæcularium, quibus ligantur manus superiorum ordinis, ne iuxta regularia instituta possint disponere de suis subditis. Propterea multę & grauēs factę sunt constitutiones Apostolicę, à Summis Pontificibus Pio V. Gregorio XIII. Paulo V. & Urbano VIII. per quas &

subditis prohibetur, ne illos quęrant, & superioribus, ne eis deferant: & tamen ita illis vexantur, ut nisi concedant, quę illi petunt, quod Albertus hic dicit, *bella acerbiora cum Dominis temporalibus ipsis assumenda sint*, tenui iniquam putantibus illis, si causam, quam dicere solent sui status, fratribus terminandam committant, suęque auctori-

thoritati derogare, si quidquid protegendum assumant, quantumvis Religioni incommodum, non assequuntur. Videnda statuta Barchinonensis c. 6. §. 8.

de fauoribus sæcularium. Et Vallisletana anni 1651. in quibus Bulla Urbani recenter acceptata, & in fine constitit. impressa est.

## EPISTOLA LXXXIV.

### CONVENTUI PARISIENSI.

#### ARGUMENTVM.

*Quidam Frater Ioannes Prouincia Burgundia, nescio qua auctoritate, in Conuentu Parisiensi usurpabat sibi locum Baccalaurei formati, & Alberti Vicarij Generalis iussa parui pendebat: scribis ergo Conuentui, auctoritatem suam contemnendam non esse, nec modestiam, qua utebatur, debere suffragari rebellibus, iubetque ut Patres Burgundum amoueant, & Genesum Parmensem legitime institutum illi substituant.*

**D**ilectat me vehementer, venerabiles mihi, & suauissimi in Domino Iesu Patres, nescio quo interno Christianæ dilectionis sapore manu propria ad vos scribere, quamuis pro more nostræ gloriose Religionis literas Commisariatibus fecerim ad vos scribi, easque non solum manu mea ipse subscripserim, verum etiam *præter morem consuetudinis meæ* (1) sigillo officij Generalatus fecerim consignari. Nam cum in mea institutione, Apostolicæ Sedis clementia voluisset, me tristem atque moerentem tanquam materna pietate consolari, qui *inuitus ad officium adactus* (2) lugebam, præbuit confirmationis amplissimas Bullas, dedit registra ordinis, quæ post obitum suavis memorie præcessoris mei, *sub Apostolicæ sollicitudinis cura* (3) diligentius seruabantur: sigillo quoque ordinis nostri, mihi per Pontificem Maximum præbito, in potestate mea positum est, vtrum

eo vellem, aut non vellem uti. A cuius tamen vsu in hodiernum diem sola modestia me continuit: sed ut video ipsa humilitas, quæ vnti mihi utilis semper futura est, & officio derogat, dum contemnitur, & superbientibus nocet, dum de humilitate mea tergiuerfandi & cauillandi ac impudentius rebellandi occasionem accipiunt. Cum ergo iniquissimum sit, ut vnde ego gloriam debeo consequi, inde contumeliam adipiscar: superbi verò subditi, ac procacius rebellantes, vnde & luere pœnas contumaciæ debent; inde commodum impunitatis reportent, volo penitus, ac in vim obedientiæ vobis omnibus mando, ut si Deum diligitis, si D. N. Papam Eugenium Sanctissimum reueremini, si pro honore meo, pro disciplina morum, pro cultu nostræ Religionis, vilo vnquam tempore zelo zelati estis; nunc accingamini omni studio diligentiae, & curæ, non minus seuerissimæ discipli-

sciplinæ, ne vlla licentia impunitatis, Religionis obedientia dissoluatur. Aduocate ergo fratrem Ioannem de N. Prouincie Burgundie, & edocete eum, quam falso se gerat pro Baccalaurio formato Conuentus egregij Parisiensis, cum & in registro ordinis contrarium manifestè appareat, sicut & literæ, de quibus superius dixi, apertè testantur, & *Patres quatuor, aut quinque* (4) super gubernatione ordinis instituti, è quibus ego minimus eram, Apostolica auctoritate, Fratrem Genesium Parmensem, ritè & sanctè inspecta diligentius veritate, instituerimus; & ego postremò, cum essem factus Vicarius, eundem Genesium & confirmauerim, & nouiter instituerim. Quod proculdubio nunquam fecissem, nisi ab Apostolica Sede Sanctam potestatem idoneam accepissem, & nisi compertum haberem,

Fr. Ioannem prædictum nullo iure, posse tueri, *ut Baccalaurius* (5) esset, vel iustè posse conqueri, tanquam, sibi præriperetur iniustè, quod iniustè tenebat. Constituto itaque Fratre Genesio Parmensi in loco Baccalaurij pro cursu in Conuentu nostro Parisiensi, Fr. illum Ioannem prædictum, omninò ab usurpato officio, & si vobis videbitur, etiam à Conuentu amoueatis. In fine oro vos Patres, ut si vir venerabilis, Fr. Ioannes de Capistrano, quem ad Prouinciæ Francie pro bonis causis misimus, ad agendas prædictas causas Parisios venerit, illum vobis in gerendo negotio addere non grauemini, ut & à vobis & à me videatur pro suo merito honorari: sin autem, ipsi vos omnia cum sapientia agite. Valete in Domino, & orate pro me, ex Padua, 29. Ianuarij 1443.

## N O T A E.

### Nota I.

*Præter morem consuetudinis meæ.* Idest pro sua modestia non vtendi sigillo ordinis, vt ipse inferius declarat: à cuius tamen vsu, iniquens, in hodiernum diem sola modestia me continuit.

### Nota II.

*Inuitus ad officium adactus.* Hæc amplius supra, Epistola 74. ad Iacobum Primadicium. *Falsum est clamare &c. ut ego Minister eiusdem Prouincie eligerer:* & paulo post. *Remittenti mihi veraciter, ita me Christus inuit, ac multipliciter reluctanti etiam Vicariatus totius ordinis pondus adiecit, sub quo onere quam massas gemam, testis est Christus.* Ex quibus inter alia multa manifestum

est, quam nihil ambiebat Albertus dignitates.

### Nota III.

*Sub Apostolica sollicitudinis cura.* Etenim Florentie, in Pontificia tunc Curia defuncto Guilielmo Casalensi, ordinis Ministro Generali, curauit Eugenius Regesta & sigillum cautè custodiri, dum defuncto successor aliquis designaretur. Cum autem ipse Pontifex Albertum ordinis Vicarium instituit, omnia illi tradidit, cum illo humilis Alberti solatio, vt sigillo Ministrorum Generalium vti posset, vel cum veller, non vt: Indignum se vir modestissimus tanta auctoritate reputabat, & propterea ab illius sigilli vsu abstinebat, quamquam Pontifex institutionis ipsius diplomate proficeretur, nullum alium sibi, post

post longam considerationem, occurrisset magis idoneum, cui ordinis regendi onus imponeret.

sens, sed cum alijs Patribus, à Pontifice depuratis, etiam cum autoritate pari, actor fuit.

## Nota IV.

*Patres quatuor, aut quinque.* Totidem præfexit Pontifex, expediendis ordinis negotijs post mortem Generalis Casalensis, donec novus Minister Generalis eligeretur, vel ipse Vicarium ordinis institueret, ut ipse Pontifex in diplomate institutionis testatur: ex quibus Albertum vnum fuisse, in hac Epistola ipse refert, ut maiori euidencia, comprobaret Genesij Parmensis institutionem in Baccalaureum Parisiensis Conuentus, legitimam fuisse, in qua, nimirum ipse, non solum spectator præ-

## Nota V.

*Baccalaurius.* Sic olim dicebantur à bacillo, quo insigniri solebant, quibus in Academia primus gradus conferebatur: sed magis eruditis hodie placet Baccalanreos eos appellari, à veteri etiam consuetudine, qua lauri bacis coronabantur: quæ solemnitas etsi desierit, nomen tamen retentum est. Vide si placet Iosephum Laurentium in *Amalthea Onomastica*. Ioan. Fungherum in *Etimologico*, & Calepinum in *Diionario*.

## EPISTOLA LXXXV.

PHILIPPO MARIE DVCI MEDIOLANEN.

## ARGVMENTVM.

*Eodem tempore, & instantia pari, Philippus Dux, & Borsius Estensis, Princeps Ferrariensis, petierunt ab Alberto, ut Bernardinum Senensem ad suam Civitatem per imminentem Quadragesimam predicatum mitteret. Albertus per banc ad Philippum Epistolam, apud utrumque se excusat, misso eius exemplo ad Borsum cum alia sequenti, ratus iisdem rationibus utrique Principi satisfactum iri.*

**S**I amicis rectè quippiam postulantis, eriminis loco haberi solet, cum eis aliquid denegamus, cui putas maculæ duci debere, Philippe Princeps Illustri, si Principibus ipsis, cum quæque iusta eslagitauerint, nos vilo pacto ea inficiari contingat. Nam quantum laudi datur, cum honestis in rebus amicis nostris obsequimur, propterea quod in amicitia ratio, humanitas, & charitas, præsertim quæ Christiana est, colitur, tantum, & eo amplius,

summæ contumeliæ adscribendum, si erimus aliquando, Principibus præsertim magnis, inexorabiles: cum, non modo, tum ea bona, quæ nunc diximus, longè à negantibus propellantur; sed, quod est nefarii facinoris, potestas ipsa, quæ omnis, Apostolo concinente, à Domino Deo est, apertè contemnitur. Sed & illud verissimum esse, quod huic tam magno vero subiecinus, nemo aut sapiens, aut Iudex, nisi iniquissimus, dubitabit; ita scilicet posse quem-

quemquam, etiam maximis Principibus, id modestè negare, cuius faciendi nulla facultas adsit; vt debere parere, cum identidem effeere poterit: quoniam non minore licentia, qui non poterit, præcepta facultate absoluitur, quam præbita ligatur. Hæc cum ita se habeant, Philippe Christiane Princeps, intelligis quantum arbitror, quam sine villo tui contemptu possim tibi denegare, quod postulas. Tam enim tibi possum concedere, vt vir Sanctus Fr. Bernardinus, mihi quidem ætate Pater, Mediolani commaneat, quam potest periturus inedia, nisi insipienter, necessarium panem abijcere; præsertim cum ego hanc causam prædicandi Patavijante menses circiter octo cum illo sæpius egerim, & nullus mihi reliquorum, qui eius partes hic agat, penitus suppetat, Sed quod maioris est ponderis, proficiscente nuper ad me socio fratre illius, & nomine Bernardini diligentius sciscitante, quid de illo statuerem, cum scirem Bernardinum nullo loco, nulla obligatione ligatum, eo à me ordine discessit, is socius, vt omnino Bernardinus Paduam prædicaturus veniret, cuius etiam à me aduentus, socio illo præsentem, in publica concione manifestatus est. Accedit postremò, vt pro angustia temporis,

etiam de tota Italia, alium providere non queam, cum reliqui omnes prædicatores ex nostris, in celeberrimis Italix civitatibus, iam pro more Ecclesiarum, certiore sponcione sua firmati sunt. Cum itaque Illustris Princeps, omnia ista, quæ dixi, apertam mihi, atque honestam negandi facultatem suppeditent; pro honore tamen Principatus, non penitus quod postulas, nego; sed hæc magis tecum modestia vtor, vt quæ cum Bernardino statueris, ea rata sim habiturus, si modo cum prudentia collationis illius consulas rationem, & an pro prædicatione Paduana, non autem pro Capitulo, in quo non minus mihi necessarius est, sit abs te mihi in tanta causa Bernardinus præripiendus, in quo mihi & cura temporis quadrat, & penuria reliquorum angustat. Tribuat tibi Dominus Omnipotens, de potestate sua, in augmentum Christianæ Religionis, & fidei, & quod prius dicendum fuit, in gloriam Christi, eum amplissimo tuæ salutis emolumento gloriosissimos referre triumphos. Sitque nomen tuum terrori hostibus Crucis, de quibus, accenso in te zelo Sancti amoris pro Catholica communi Matre, ineluctas victorias consequare. Ex Padua ultimo Ianuarij 1443.

## EPISTOLA LXXXVI.

BORSIO PRINCIPI FERRARIENSI.

### ARGUMENTVM.

*Ob negotiorum pondus, excusat se à longiori Epistola scribenda, et eius loco mittit exemplum illius, quam scripsit Philippo, quod uterque Princeps id ipsum sibi peteret.*

Maxi-

**M**aximum pondus negotiorum, Borſi mi ſuauiſſime, atque illuſtris Princeps, cum mala valetudine oculorum & reliqui corporis, non me ſinunt pro elegantiſſima literarum tuarum longiorem Epistolam ad te ſcribere. Verum cum urgente cauſa Principi Mediolanenſium quædam reſponderim, cum tu quoque ſis Princeps, ac te mihi pro tuo in me amore dulciſſimum, profitearis amicum, quem omni ſtudio dilectionis complector, ſtatui ad te eadem ſcripta tranſmittere, ne, cum mihi non vacet, plurima dicere

compellar. Quæ ergo tanto Principi celeriter ſcripſi, tu itidem eadem ad te ſcripta tibi, pro charitate mutua, perſuadeas; & id age, quo me præ vobis illo viro indigere cognoueris; quem ambo inſtantius poſtularis. Id eſt enim veri officiū amici, ut quo plus opus habeat, in eo ſibi cura obſequendi ab amico diligentius impendatur. Vale, & me ama, ac Ioannem meum, iam olim ex Tuſcanella, qui tecum eſt, ſalutare meo nomine non graueris. Ex Padua ultimo Ianuarij 1443.

## EPISTOLA LXXXVII.

EPISCOPO CORONENSI. (1)

## ARGVMENTVM.

*Coronenſis male accepiſſe videtur, quod Albertus, ipſo intercedente, aliter egerit cum reo ſubdito, quam Episcopus illum precatus eſt. Albertus ergo hac Epistola auctoritatem ſuam fortiter, ſuauiſſime tueretur; dum iudicii ſui æquitatem demonſtrat, & ob Coronenſis, atque Ariminenſis Episcopi interpellationem pœnas reo debitas dimiſerit.*

**S**i te poſſem, venerande Chriſti Antiſtes, tranquillo & loco & tempore, &c., quod magis eſt opus, *pacato animo* (2) conuenire, impetrarem fortaiſis abs te, conſulta ratione ac iuſtitia, ut non dicam mihi redderes, quod non mereor, ſed ut ſaltem oſtenderes ſigno quopiam eas gratias, quas te & paratioris, & acturum fuiſſe, ſi pro tuo arbitratu feciſſem de F. I. C. (3) quod à me fieri magna precum inſtantia poſtulaueras. Quod ſi clanculò abs te ſolo ipſe item ſolus impetrare nequirem, adhibitis ſobrijs rerum æſti-

matoribus, grauibꝫque Iudiciis, eas palam, vel ab inuito te, i. e. ab ore tuo, pro meo iure, proculdubio extorquerem. Verum cum utroque hoc, tam priuato tecum familiariter, quam publico coram alijs iudicialiter, agendi remedio caream, non propterea à magna villa ſpe animo concidi tibi perſuadendi, quod velim, ſicut ne à cauſa quidem concidiſſe me arbitror. Aget enim apud prudentiam tuam hæc paruiffima ſcedula, atque id ſecretius, inter te, & ipſam, te exorabit, quod fortaiſe neque iura amicitiæ, neque publicæ leges facere

potuissent. Nam ea est veri vis, atque potentia, ut secretius per se influat, quam ut violentius irrogetur, praesertim in animos hominum, qui ita sint instituti, ut de te credere debere mihi plurima persuadent. Ingenium dico, ratio, aetas, literae, & magna, quod scio, de me tua, quamvis praeter ac supra merita mea, existimatio. Quae omnia hoc penes te queunt, efficere, ut non à me putes, quidquam temerè factum, etsi non eo modo factum sit, quo tu fieri debere putabas. Taceo gradum tui venerabilis Praefulatus, qui pro experimento multatum, & rerum & causarum, eam practicam callet, ut probè norit saepe apud Praelatos falsis criminationibus accusari innoxios ac tergiuersionibus falso defendi, qui rei sunt. In quarum difficultatum medio constitutum variè fluctuamus, magna est opus sapientia, quam in Salomone Diuino munere eluxisse etiam in rebus gerendis, literæ Diuinæ testantur. Quo nos maximo dono si non ut ille praediti sumus, agamus in causis quod ratio consulit, quod testes probant, quod leges iubent, & bona spes nobis erit ne apud Deum, quidem, ne dum apud homines, nos esse damnandos, non modo in causis rectè perpenſis, atque comprehensis, id est quarum veritas indubitissima est; verum etiam in illis, quæ nisi ut dictum est non sunt nobis aliter explorata; hoc est, in quibus etiam adhibito omni studio inueniendæ veritatis saepe falli valemus. Hanc ego accuratissimam diligentiam pro virili mea illi causæ præbui, in qua is accusabatur, pro quo me tantopere flagitasti. Qua sanè diligentia præter experimenta, quæ nescis, hoc mihi de illo peperit veritas, ut hominem

plectendum magno supplicio, rogatu Episcoporum venerabilium, Ariminensem dico & te, nullas ferè pœnas ingentium erratorum illum luere pro merito constituerim. Itaque non tēpites ad me frustra scripsisse, ac per hoc si tantas, quas paraueras, gratias referre non libet, saltem desinas me, pro tua humanitate, aut ipse oblique pectere, aut apertè mordere. Sunt enim in literis tuis, & indicia indignantis animi, & signa comminantis, & quod est grauius, vestigia obtreçantis. At ego qui sim professus me Dominum illum nostrum mitissimum Iesum Christum imitatum, qui cum malediceretur, non maledicebat, & ut verbis tuis utar, *totus sum conscientia* (4) (quod utrum seriò, an ioco dixeris, ne grauius interpreter, ipse videris) pro indignatione beneuolentiam; pro comminatione maxillam alteram, pro obtreccatione laudes referre paratus sum. Et hæc quidem omnibus propter Deum, quanto magis tibi, cui præter honorem tanti Sacerdotij, non solum debeo reuerentiam, verum, etiam propter veterem amicitiam, qua penè pueri quondam in schola, sub Guarino præceptore, Græcis literis ludebamus, nequaquam vlllo pacto excludendam beneuolentiam puto. Proinde oro re Pater Episcope, ut in plectendis errantium fratrum meorum culpis non me putes quicquam agere temerè, qui & consilio Sanctorum, atque eruditissimorum hominum in omnibus utor, & qui, quod scio à me dici æquo animo pati, mihi quam tibi sunt admodum notiores. Commendo me tibi venerabilis Praeful, atque honorandæ Christi Antistes. Ex Padua XVI. Martij 1443.



## N O T A E.

## Nota I.

*Episcopo Coronensi.* Erat ille Christophorus Garetonus, veteri amicitia cum Alberto coniunctus, qua, inquit, pene pueri quondam in schola gratia literis ludebamus. Sed ulteriolem personæ notitiam, his verbis profert Flavius Blondus, Decad. 3. hist. lib. 8. pag. 527. interfuit assiduus huic fœderi (Græcorum cum Ecclesia Latina) Christophorus Garetonus, Pont. Eugenij Secretarius, quem postea ob hanc rem bene gestam, Coronio Peloponnesi Oppido Episcopum dedit. Is qui ter quaterque per aliquot annos antea Palæologum à Pontifice adiisset, illi persuasit, ut quæ Basileenses eis impossibilia obtulissent, à Pontifice maiora, melioraque spondente acceptauerit. Et Albertus ipse, eum ab ingenio, ratione, ætate, literis, & rerum experientia laudat.

## Nota II.

*Pacato animo.* Non suo, sed Episcopi, cuius ad Albertum Epistola indignationem & minas præferebat. Quam autem pacatus, mitisque fuerit animus B. Viri, fatis ipse professus est ijs ver-

bis. *At ego quisim professus me Dominum illum nostrum mitissimum Iesum Christum imitaturum &c.*

## Nota III.

*F. I. C.* Huius hominis nomen & patriam scimus, sed lectori minime necessaria, omittenda satius quam depromenda iudicauimus, ne vnius culpa plures erubescerent.

## Nota IV.

*Totus sum conscientia.* Vulgaris urbanismus est, quo dicere solent, *V. S. è tutto bontà, è tutto pietà, tutto carità, tutto coscienza &c.* immo & Latine locus est Pauli Manutij Epistola ad Antonium Augustinum apud Illustriss. D. Nicolaum Antonium in sua Biblioth. Hispana, quam ingenti labore, summaque solertia & studio eruditissimam emisit, vbi sic loquitur Manutius: *Quantus quantus es totus labor, totus industria es.* Verum quoniam aliquando ex animo, aliquando irrisorie, aliquando in contrario sensu exprobratorie accipi potest, nec raro profertur, ideo sequitur *Quod utrum seriò, an ioco dixeris &c.*

## EPISTOLA LXXXVIII.

C. EPISCOPO ARIMINENSI. (I)

## ARGUMENTVM.

*In causa superioris Epistolæ, in fauorem illius subditi, scripsit etiam Ariminensis, sed cum maiori moderamine, quam Coronensis. Quapropter Albertus pari modestia illi respondet, & relatis ijs, quæ de illo Religioso disposuit, totam rem ipsius Ariminensis arbitrio desert.*

**M** Odestia literarum tuarum, venerande Christi Antistes, qua me grauiter, ut te decet, & sine

vlla culpa iactantiæ, immo eum merito pietatis orasti, ut F. I. C. quantum pateretur iustitia, misereretur; hoc

Bbb

sanè

sanè meretur, hoc exigit, atque penè extorquet, vt si fieri potest, maiore tibi modestia respondeatur, quam à me flagitaueras. Verum quia nos ambos negotiosissimos, nec quidem multa dictare, te verò multa dictata legere curæ plurimæ ventant; hoc tibi velim, pro tua charitate, & sapientia, breuibus persuadeas, omnia à me erga illum, non modo facta esse magna iustitia, verum etiam pro reuerentia postulantis maiore misericordia: cum tamen illum alias sæpe *expertus sim maioribus suis maxime pertinacem* (2) Quæ res, vt optimè nosti, consensu omnium sapientum, ac Sanctorum, in religiosi viris abolet prorsus omnem obedientiam, primam quidem votorum omnium, quæ profiteantur, qui Deo solemnè obligatione dicati sunt.

Hunc præterea, etsi illum adeò certissimè probauerim reum, vt ei à me nulla penè ratione redire iterum, ad Cretam debuisset concedi, supplicante tamen illo instantius, vt illuc tantum iret, atque statim rediret, ne publica verecundia apud omnes videretur confusus, nescio qua pietate, fragilitati illius assensus sum; ita ta-

men, vt sub pactam fidem, ad me sine deceptione fraudulentæ, quemadmodum postularat, ad Capitulum nostrum, apud Patauium proximè celebrandum, quam celeriter redire deberet. Quam tamen inter nos, vt dixi, pactam fidem, vereor, ne pro vsu mendaciorum suorum, mihi non seruet. Ego vero nihil minus, cum pro restauranda existimatione illius, tum maxime pro obsequendo vel partim tibi, malo ita fecisse, qui fortasse satius fecerim, si aliter fecerim; hoc est, & pro salute illius, & pro arbitratu interpellantis, præsertim cum tu, qui sapis, per Dei misericordiam, quæ Dei sunt, longe magis optaueris, atque, vt certò scio, censueris, plus animæ illius quam infirmitati carnali sine dubitatione consulendum fuisse. Quod meum consilium, cum tibi probatum iri, & ex te ipso accepero, gratum habebō. Sin minus, & hoc ipsum quodcumque statueris, quamprimum id mihi veraciter innotuerit, pro tuo arbitratu faciendum putabo. Vale & exiguitatem meam orationibus adiua, ex Padua vltimo die Martij 1443.

N O T A E.

Nota I.

*G. Episcopo Ariminensi.* De hoc Christophoro Episcopo Ariminensi, satis supra diximus, cuius optimi viri laudes non parum confirmat hæc Epistola B. Alberti ad ipsum.

Nota II.

*Expertus sum maioribus suis maxime pertinacem.* Superius diximus

aduersus importunitatem quorundam Dominorum temporalium, cum ordinum Religiosorum Prælaris, pro eorundem subditis, se opponunt. Sed hic locus, & quæ sequuntur exigunt, vt Religiosi ipsi, qui eos imprudenter interpellant, moneantur, quanto magis ea re perdant, quam luerentur. Nam si rem friuolam, vel iniustam postulant, cogunt superiores, vt auctoritatem suam, suarumque dispositionum integritatem tucantur, vel, quod Albertus ad

ad Eugenium Pontificem scripsit, acerbiora bella cum Dominis temporalibus assumere, quibus & religio non parum turbatur, & non ædificatur mundus, vel se illis inhumanos, rudesque præbere, si nulla reddita ratione, petitionibus ipsorum refragantur, vel si veritatem dicant, religiosi iniusta prætenditis famam lædere. Quo fit, ut is deinceps Prælatum, quem humili vel subiectione, vel supplicatione placare, & in sui æstimationem, amoremque trahere posset, huiusmodi interpellatione, quæ vix absque querela fit, magis irritet, ac durior, asperiorque deinceps experiatur: cui nimirum vim quandam inferre velle visus est, & illum externum, quem patronum sibi fore credebat, vel sibi perdat, vel in aduersarium commuret, dum de causæ iustitia, vel inhonestate doctus, illum cespiciat, ac deferat; nec audire amplius, nec videre velit, qui rem vel iustitiæ, vel honestati contrariam ab amico petere præsumpsit.

Quia verò superiores quandoque vel decipi possunt, vel humanum aliquid pati, homines enim sunt, & forte ab iniuris instructi, propter quod Spiritus Sanctus per Prophetam dixit Habacuc. *Factum est iudicium, & contradictio potentior, propter hoc lacerata est lex, & non peruenit usque ad finem iudicium: quia impius prauales aduersus iustum: propterea egreditur iudicium peruersum.* Tum subditus si audeat, vel audiendus sit, faciem superioris deprecetur, vel si oppressus est, quod iure naturæ, ordinis, & Ecclesiæ legibus licet, ad maiores prouocet, vel modestius & absque fori strepitu quietius aliquem querat, non qui potentia Prælatos cogat, non qui, quamuis deprecantis specie, iure quodam suo regat, sed qui pro sapientia, & reuerentia sua iudicem, de tota re liberius informet, & cum Daniele Propheta dicat. *Reuertimini ad iudicium, quia falsum testimonium locuti sunt aduersus eam.*

Si nihil horum suppetat, Christum Crucifixum oret, & calamitatem suppliciter exponat: sed fortè auditurus, quæ Seraphicus P. Franciscus, hortanti Paulo Apostolo, ut Religionem suam

defendat, respondisse fertur, non alia sibi arma suppetere, quam crucem, quæ & ipsa patientiam prædicat: sed gladium suum Paulus porrexit, & res confecta est: vel quæ S. Petrus Martyr, & Ioannes Peckamus noster, Archiepiscopus Cantuariensis, illiusmodi calumnijs oppressi, & ad Christum supplices ex ore pendentes in Cruce audiuisse scribuntur: se quoque innocentem flagellis laceratum, & clauis confixum cernerent, & per patientiam imitarentur in tolerandis mundi passionibus, quæ non sunt condignæ ad futuram gloriam, quæ reuelabitur in nobis. Tum Seruus Dei de Cælo securus oret, cum Augustino. *Domine hic ure, hic seca, & in æternum conserua:* pro ipsis inimicis deprecetur, eosque diligat, tanti boni sui, cælestisque triumphii instrumenta, ut cum Psalmista Regio in Dei iudicio dicere possit, *perfecto odio oderam illos, & inimici facti sunt mihi.*

Prælatos autem intelligere decet, præter dignitatem suam, & in Religiosos filios paternam diligentiam esse, ut eos ad extrema hæc adigant: si erratis vlcerrati sine, plus olei quam vini, seu, quod intolerabilius est, accitassundum esse. Si honesti, innocentes, mites, mansueti, humiles, laboriosi, & viles Religioni, sursurrones aduersus hos non audiant.

Nam plerumque qui peiores sunt, vel inuidia, aut naturæ, vel morum dissimilitudine, meliores insequuntur; ut suis malis operibus, vel non imitando, vel non approbando contrarios, vel non meliora sectando, tacite reprehendentes: quos si bonus esset animus, imitari ipsi potius, amplecti & iuuare deberent. Non enim in vnus tantum cuiusque hominis, sed in plurius etiam cohabitantium, aut Regni, aut Ciuitatis, aut Religionis, aut Collegij corpore, caro aduersus spiritum, & spiritus aduersus carnem pugnant, quod Deus ita permittit: ut qui probati sunt, fideles inueniantur. Nec decere superiores velle bonos affligere, ut malis delatoribus placeant, quantumvis alioquin sibi gratis, vel coniunctis, aut quod teterrimum est, inauditos damnare, vel audire nolle, aut nimia

asperitate terrere, aut cuiusvis paruitatem contemnere. Formicæ enim subtilis inest, & scintilla sentibus injecta

Cypressos, & Cedros aliquando incendit.

## EPISTOLA LXXXIX.

POGGIO SVO FLORENTINO (1)

### ARGVMENTVM.

*Vel illereus subditus; vel alius quis non melioris farinae, Alberti nostri fame passim detrahebat, insimulabatque defectus, quos ipse in Epistola narrat. Quod cum Poggius veteris amicitiae iure doluisset, curauit B. Virum per Sanctum Bernardinum moneri. Albertus ergo eiusmodi garrulorum hominum criminationes modeste, et solet, eo sapienter abstergit. Et hanc defensoriam suam, si non necessariam, sed saltem, vel ipsis obrectatoribus, utilem fore demonstrat.*

**F**ecisti pro consuetudine tua, Poggi charissime, & pro iure veteris amicitiae nostrae, ut famam meam, quam conuelli, & carpi ab vanè obloquentibus cerneret; cura diligentissima tuereris. Nam quid aliud mihi fecisse putandus es, quam existimationem meam fuisse tutatus: quandoquidem tuo nomine, me vir insignis Fr. Bernardinus admonuit, mihi ipsi diligentius esse prospiciendum, cum non desint, qui siue à tergo, siue palam me mordeant, aientes, me in ultimas terras (ut sic dicam) quosdam è fratribus meis grauiter insectatum, qui mihi in electione huiusmodi Ministeriatus, quem inuitus, ac iniquo animo gero, & tolero, suæ vocis suffragia negauerunt. Magistros præterea nonnullos, qui Sacrae Theologiae fastigium profitentur, aduersum acriter queri, quod eos insolenter asperner, atque abijciam, & gradum honoris, & dignitatis eorum, nihilo magni pendam.

Super quibus, ut breuiter tibi respondeam, scias cuncta esse falsissima; quæ si tu credis, ipsa opinione leuitatis me valde laxasti: si non credis, ac me minus aduersum maledicos defendisti, de negligentia tutandæ amicitiae rectè culpandus es: si defendisti, magnopere laudandus: qui præterea officium veræ necessitudinis, de obrectatoribus quidem bene, quos ab insolentia compressisti; de amico verò illo me tuo, quamuis exigui ingenij sim, proculdubio longè melius, quem pro religione, & timore Domini, nihil in hac re peperam agere putauisti. Sed quod tibi multò carius esse debebat, de te ipso optimè meritis esse credendus es, qui in ipso tux mentis iudicio, nulla temerè sentientis periculosa sententia, conscientiam rectè factorum necessarii tui, immo conscientiam tuam, offendere maluisti.

At ego, ut totum paucis verbis absoluam, tanto fastidio ago huius  
mihi

Ramus 22.

mihi impositi curam regiminis, quod ei gerendæ, certò scio, sum impar, vt illos mihi longè magis diligendos existimem, qui sint immanius aduersati, quauis, per Christi, siue misericordiam, siue iudicium, nescio, nulla vox inter suffragia, ex tanto virorum numero, præter vnam, mihi aduersa fuerit: sed ille nunc, qui postea in sententiam reliquorum otius, sponteque conuolauit, præ cæteris omnibus mihi amicitior est, non quia fauentibus est assensus, sed quia me plus delectat (ita Christus me iuuat) plus illum diligere, qui dissentit. Nam is est, qui cum mihi locum, mea humilitate dignissimum, hoc est Christianæ humilitatis, quantum in ipso fuit, diligentius procurauit, meritò vitam omnem, ac salutem meam, inrer varia rerum discrimina fluctuantem, tutissimo portu religiosæ subiectionis locasse putandus est: Reliqui verò, vani huius mei honoris fautores, tanquam leuissimæ nebulae perneciter transeuntis (quamuis illorum tantæ in me beneuolentiæ, quæ putatur, ingratus esse non debeam) non me tamen ita afficiunt, non me trahunt, non rapiunt ad sese, cum illi quidem, etsi me incerta quadam gloriola honorant, certo pene periculo, vnde etiam magnorum plurimos corruisse comperimus, pendula salute me locant.

Verum ad Magistros veniendum, est, de quibus vide, oro te, diligentius, si institutum meum vlli sapienti probandum censeas. Inuenio ex eis quosdam, qui, fatentibus ipsis, vana intentione inanis gloriæ gradum illum honoris adepti sunt, sed postea correcti, & doctissimi, & optimi euaserunt. Hos ego ab errato ad vitam emendatiorem redeuntes, &

animo, & ore, & ope complector. Sunt & alij, qui & ipsi docti pariter, ac boni, locum illum bono, vt aiunt, animo quæsiuerunt. Et hos ego, si ita se habet eorum causa, magis probo quam primos: sed, vt mihi videtur, magis probandi viderentur, si non quæsiissent. Tertium est genus doctorum, atque Sanctorum, qui iussi, atque inuiti, fastigium ascenderunt, quos prædictis sine vlla dubitatione, præpono: sed hi, nisi fallor, hac nostra tempestate perrari sunr, vt taceam nulli. Nec defunt qui eruditi quidem sunt, sed vani, sed insolentes, sed vita sordidi perseverant, amant tamen eos, qui boni sunr, in quibus damno, quod malum est, laudoque quod bonum.

In genere quinto inueniuntur esse, quartis in omnibus similes, sed qui odio immanissimo prosequantur, inuideant doctis, atque indoctis: Hoc genus esse teterrimum ducò, & tanquam in cœnum lapidem pretiosum, sic in maleuolam animam, magna iactura sui, ac reliquorum, malè locatam esse sapientiam; si tamen sapientia dicenda est, quæ & se perdat, & alios non ædificet. Restat postremum genus, atrox sanè ac detestandum, eorum qui ignari penitus, omnis liberalis eruditionis, & sanæ doctrinæ, spurcissimo genere viuendi superbi, atque immundi, bonos contemnunt, malos præcellunt, & spernentes Maiorum scita, nec Deum, nec homines reuerentur. Ex his ego vnum nuper, fateor, priuauim gradu, abiici Magisterio, quem mecum, scio, & ipse persequeris; & qui boni sunt, insectantur, eo magis, quòd honores superbè nimium ambiens, quod à nobis non potuit, *quia indignus erat* (2) vllis viribus extorquere, ad

ad gentes se transferens, à Schismaticis se facile obtinuisse gloriatus est.

Non tamen hunc conieci in vincula, quod alius fortassis fecisset, non regulari vlla disciplina plectendum affixi, qui & pœnas tanti errati lueret, & reliquis terrori fieret, quo minus talia temerè auderent; & quo me æstimes mitiorem, hæc ipsa, si flagella dicere malis, non mea sponte, sed mandante mihi Pontifice Maximo, illi illata sunt. Habes excusationem meam, Poggi, pluribus verbis fortasse quam opus erat, sed ut puto, non pluribus, quam vtile erat, ac futurum est. Nam audita ratione causæ meæ, qui vel amantes verebantur, vel odio habentes calumniabantur, tanquam temeritatem in rebus gerendis, & causis dis-

cutiendis, deinceps si sanè sapiant, & sibi à præcipitanda sententia aliorum factorum modestiùs moderabuntur, & tuebuntur, & diligenter: si verò hi sint, qui desipiant, aut admoniti, contemnendi; aut posthac obrectantes, æquo animo tolerandi sunt: satis enim sine nostra, quamvis defensoria obiurgatione, puniti erunt, qui sua ipsi insipientia, ne dicam errore, stultitia, atque conscientia, si quam habeant, affligentur. Vale & me ama, ut soles, & ad me aliquid scribere non graueris. Ex Padua 30. Martij 1443. oro te, ut Leonardo Aretino, me valde commendes, cuius sola recordatione pro virtute sua plurimum recreor. Iterum vale.

## N O T A E.

### Nota I.

*Poggio suo.* Suum vocat, & famæ suæ absentis tutorem agnoscit, decimo quinto anno, postquam illum acerrimè reprehendit, ex quibus vtriusque non parua laus elucescere mihi videtur. Poggij primum, alioquin feruentis animi, moderatio, qui tam seuerè, quamquam amicè, ab Alberto exceptus; tantum abfuit, ut exanderet, ut potius cuncta, ut verè scripta fuerant, boni consuleret, suæque erga optimum amicum benevolentiz vsque adeò nihil remisisset, ut potius ipsius monita, tanquam præcepta veri Serui Dei, suscipere visus sit. Nihil enim deinceps in religiosos viros, vel dixisse, vel scripsisse deprehensus est: & studium obliuiscendi eorum progressibus, quod prius præ se ferebat, ita vel cessauit, vel in ipsorum augmentum conuersum fuit (quod suasis, & persuasis videtur Albertus) ut illa duo loca, de quibus agebatur,

nostris religiosis incolenda cesserint, eaque in hodiernum diem vsque retineant. Alberti verò tanta persuadendi virtus, & etiam obiurgandi suauitas, ut hominem iratissimum, seu etiam, ut alij loquuntur, rabidas in iras exardentem, ita non irritaret acriter increpando, ut potius in contraria studia repente conuerterit. Ea enim est vis verbi Dei, hoc est veritatis, ut quamquam sit gladius utraque parte acutus, acriterque scindens, & pungens, cum tamen è candidi animi, & sinceræ charitatis vagina exeritur; tam suauiter penetret, ut peringat vsque ad diuisionem animæ, & spiritus, compagum quoque & medullarum, & discernat cogitationes, & intentiones cordis ad Hæbr. 3. 13.

### Nota II.

*Quia indignus erat.* Alias monuimus Ep. 88. not. 2. eos, qui contra iustas Prælatorum dispositiones ad forensia

renſa brachia recurrunt, plus inde per-  
dere, quam lucrari, qui totus locus in  
detractores etiam non immerito facit :  
oportet ſanè querelam ſubditi aduerſus  
ſuperiorem non iultam tantum, ſed iu-

dem neceſſariam eſſe, ac tum quidem  
quęliquido demonſtrari poſſit, quibus  
conditionibus deſenſio proprię cauſę  
cuilibet concedi debet. Videnda quę  
diximus loco citato.

## EPISTOLA XC.

SCIPIONI MUTINENSI EPISCOPO.

## ARGUMENTUM.

*Erat Scipio, patria Ferrarienſis, gente de Mainentibus, vir virtute & li-  
teris excultus, Alberto amiciffimus, & eius exaltationis cupidus: ſcri-  
pſit ergo, ut Albertus ipſi arcana ſua, hoc eſt, ſi quem pateretur ambitum  
dignitatis, id ſibi ſidenter aperiret, quaſi dicere vellet, ſe effecturum, &  
ut illa obtineretur. Albertus autem longe diuerſiffimi ſenſus, per hanc  
Epistolam illi reſpondet, nullam cauſam potiorẽ apud ſe eſſe, quam  
anima: ſe verò non credere curam regiminis, abſque animę periculo geri  
poſſe, præſertim cum ab ambitione veniret; idque Sanctorum Patrum,  
& moribus, & documentis confirmat, adeoque ſe in priori deliberatione  
perſiſtere declarat, ut nihil de hac re, vel ſuo vel alieno ſtudio pro ſe ſoli-  
citur.*

**A**ſſecerunt me nonnulla mole-  
ſtia literę tuę, Chriſti ve-  
nerande mihi omni tempore  
Præſul, quod mihi ſuſpicari viſus  
es, propterea noluiſſe me pandere  
illa arcana mea, de quibus ad me  
literas ſcribis, quaſi tibi minus con-  
ſiderem. Tum me valde hortatus,  
ut totum tibi amiceo verè meo, & ut  
reuera es, alteri parti, imo dimidię  
animę meę tuto me credam, non  
formides, inquis, res tuas etiam  
tacendas, continendasque cordi, ami-  
cis latè pandere; quaſi verò ego de te,  
ne ſis mihi ſecretior, vlla ex parte  
formidem. Verè loquor, mi Scipio,  
mi Pater Epifcope, ſi illa tentatio  
(quam vocas humanam, quamque,  
ſi acerbius, quamuis verius interpre-

tareris, fortaffis Diabolicam appel-  
lares) me titillaret, nedum vrgeret,  
non eſt in numero Sacerdotum ſe-  
cundus, cui æltus meos, de eiufmodi  
re apertius, quoniam tutius, propa-  
larem, quam tibi, quandoquidem  
illud mihi, ut optas, ſinceriter per-  
ſuadeo, abs te longè plus me amari,  
quam à quouis profeſſionis tuę; à  
nemine magis.

Sed licet alia, ut vis, ſit cauſa  
mea hoc tempore, alia priuſquam  
ex parte magiſtratum, quem vocas,  
gererem, nulla tamen cauſa potior  
apud me eſſe debet, ut ſcio mecum  
fateberis, quam animę meę. Quod  
ſi me inuitum, ac repugnantem in  
campum communis boni, & vberio-  
ris utilitatis, ac noſtrę Reipublicę  
traxe-



traxeris, quod ipsum semper, etiam à Philosophis, priuatis quibilibet commodis Diuinius esse, ac præstare putatum est, facile tibi comite Sancta Scriptura, ac sapientissima Theologia, responderim: fortunas quidem mihi, si quas habere liceret, & famam, quamuis præclaram, & vitam corporis, pro communi utilitate liberius effundendas; animam minime. *Quid enim, ut ait veritas, prodest homini, si mundum uniuersum lucretur, animæ verò suæ detrimentum patiatur? Cura vero regiminis, an sine detrimento animæ* (1) hac nostra maximè tempestate, geri possit, videris ipse, cui credas, ego non credo: præsertim si ab ea fauce, putoris, hoc est fumosæ ambitionis exhalet, ut non quidem, vel non querentibus, vel non optantibus, vel inuitis, & optimè de Republica, meritis tribuatur gradus honoris: sed superbia, sed arrogantia, sed mille modis fætidissimis detestabiliter acquiratur.

Consule Patrum Ecclesiæ Sanctissimos mores, lege veterum instituta, repete memoria gesta Maiorum, & asser, si vales, vel pusillum exemplum, quo mihi liquido comprobetur aliquem Sanctorum, ut vnquam præflet, vel minima coniectura quæsiisse: filius Dei, ne Rex fieret, fugit in montem: superbientes discipulos duos fratres, de quibus indignati sunt reliqui, repulsa matre, quæ studio filiorum pro excellentia priuatorum interpellauerat minaci prohibitione compescuit, dicens, *potestis bibere calicem, quem ego bibiturus sum?* quo dicto, ni fallor, præficiendorum merita prænotantur: & illis præsumpta temeritate, respondentibus, *possumus* (ignari enim

erant humanæ fragilitatis) Respondit Dominus. *Calicem quidem meum bibetis*, quod Prophetiæ præpunctionis fuisse reor, *sedere autem ad dextram meam vel ad sinistram non est meum dare vobis*: dum tales estis, ut sit inter vos honorum vana contentio; quisnam scilicet ex vobis videatur fieri maior: sed quibus hoc est? illis, subaudi, meum est dare, quibus paratum est à Patre meo, idest humilibus mentibus, non inflatis hominibus, qui se ipsi præficiunt, dum hoc appetunt, dum exquirunt, ut illud propheticum possit aptari, *Ipsi regnauerunt, sed non ex me*. Quantarum, oro te Pater optime, & qualium virium esse putas, collapsam Religionem instaurare, quod ipsum si magno villo negotio à quopiam præstantissimo agi possit, equidem tantæ virtutis, & roboris mihi ipsi conscius minus sum, ut nisi maximo munere Dei Omnipotentis, tam ingentis ponderis onus sustineam, immo verò tam grande opus vix tandem aggrediar, quanto magis aliquando consummem.

Quod si post hæc obijcias Ioseph, & Danielelem, ut taceam Hester Reginam, Sanctos homines maximo Principatus honore, etiam gentibus præfuisse: si dicam aliud esse, præfuisse fratribus, aliud gentilibus, puto rectè respondero. Verum cum certò sciamus, etiam fidelibus fratribus oportere esse, qui præfint. Nam Petrus & cæteris Apostolis, & omni Ecclesiæ honore prælatus est, ne mea responsio vllam omnino calumniam patiat, aliud dico esse, cum quisquam præficitur, aliud cum se ipse quis præficit (2) In altero enim, ut in Sanctis viris sæpius factum legimus, obedientiæ virtus, & quædam

( ut sic dicam ) obtemperandi sub æterna lege, & dispositione Diuina, probari potest laudanda consensio. In altero autem, sola superbia detestanda est, quæ testimonium vanitatis cordis, & affectatæ libidinis dominandi perhibeat. Quæ cum ita sint, aut ita esse existimem, in priore, mi Scipio, deliberatione consisto, ut nihil de hac re, vel meo, vel alieno studio quæri solliciter.

Si postremò pro amore etgæ meæ, tuo, mihi renitenti obstitas, quod de Præfultu, exempli causa, nulla sollicitudo me deceat, de gubernanda

vero in meo ordine mea Religione, nihil ab honesto abhorreat. Hic satis hæreo, satis fluctuo, nulla quidem, aut verborum inopia, aut regiminis appetentia, sed sola absentia charitatis tuæ. Nam si adesses, vel ego adessem, quo possemus nostra miscere colloquia, fortassis, pro meo iure, impetrarem ab te, ut consultæ ratione in sententiam meam traicereris: quæ qualis sit, non est huius, neque loci, neque temporis explicare. Vale mi Parens optime. Ex Padua 19. Martij 1443.

## N O T A E.

## Nota I.

*Cura regiminis an sine detrimento anime geri possit.* Dutus est hic sermo, & quis potest illum audire? sed noster B. Albertus, nec primus, nec solus est eius author: Omnes Doctores, & Sanctorum Ecclesiæ Patrum libri, qui non absque Dei verbo loquuntur, tota huius Epistolæ doctrina pleni sunt. Qui proinde ipsi Sancti non minus studij posuerunt ad euitandam curam regiminis, quam alij ponunt in illa dignioribus præcipienda. Vnum pro omnibus aureum opus propono aurei otis, & calami Ioannis Constantinopolitani, de Sacerdotio, ad cuius ampliotem fructum, vtinam omnes Regiarum Ciuitatum portæ, ex ære solido constat, & summa capita illius Diuini commentarij, palmaribus literis eis insculpta forent, nec vllus dignitatum candidatus vel ingredit, vel adeptus egredi sineretur, qui cuncta non legeret, & intelligeret. Sperarem profecto, vel appetitores regiminis ære ipso duriora corda habituros, vel contempturos, quod adeo vehementer appetunt, nec Sacerdotij tantum, sed ipsius etiam ciuilis gubernij candidatis prodesse.

Nam quæ mala Episcopus, vel ignorantia, vel imprudentia, vel negligentia committit, eadem, vel non minora sæculi potestates, alijs causis, modis, & medijs incutunt: imo aliqui falcem in alienam messem ponentes, Episcopos ipsos ab ouibus suis ritè regendis deterrant, cohibent, cogunt. Non magis terribilis est B. Alberti sententia, quam eiusdem Chrysostomi, hom. 2. in acta Apostolorum. *Non semerè dico, sed ut affectus sum, ac sentio, non arbitror inter Sacerdotes esse multos, qui salui fiant; sed multo plures qui pereant: in causa est, quoniam res excelsum requirit animum, & innumeris oculis illis opus est undique.* Sed hæc ad illos, qui adepti sunt, attingunt, ad ambientes autem, quæ sequuntur.

## Nota II.

*Aliud dico esse cum quisque præficitur, aliud cum se ipse quis præfuit.* Horum sanè periculosa præsumptio, omni tuo damnata fuit; & contra eos tam Scriptura quam Patrum monumenta exclamant. Albertus autem quod personam suam, & sui similitudinem attinet, Seraphicum Ecclesiæ Doctorem, Di-

num Bonauenturam præceptorem habuit. Is, et si S. Francisci regulam exponens, sed ad rem præsentem Evangelij sententiam ex eadem assumpsit. *Nemo mittens manum ad aratrum, & aspiciens retro, aptus est Regno Dei.* Lucæ 9. Cumque de pluribus modis aspiendi retrò prius disputasset. *Sed quid, inquit, dicendum est de illis, qui ad Episcopale officium ex his fratribus assumuntur?* Respondeo, si coacti ab Ecclesia, huiusmodi incunctabili necessitate suscipians regimen animarum, non sunt reputandi ab ordine egressi, si quantum in ipsis est, semper appetant in sinu ordinis conservari. *Quod si non vocati, ad eundem aspirant, ut fugiant ærumnas pauperum, & ordinis rigorem, credo eos in illius partem cessuros, qui dixit.* *Sed deo in monte testamenti, in lateribus Aquilonis.* Terribilis proscindit sententia, alioquin dulcissimi, & mansuetissimi doctoris, sed sciebat quanta de re agebatur: Sancti P. Francisci, & spiritum, & documentum securus est, qui cum à Cardinale Hugolino tunc ordinis Protectore, mox Gregorio IX. Pontifice, audiret expedire, ut aliqui suis fratribus ad Ecclesiarum regimen assumerentur, libere respondit: *Domine, patres mei ideo vocantur Minores, ut*

*non presumant fieri maiores:* Sic ipse Bonauentura pinguissimo Sacerdotio Ebronensi in Anglia, à Clemente IV. Pontifice donatus, acceptis literis provisionis, ad Pontificem proptetans, efficaciter supplex exortauit, ut tanto onere leuaretur. Deinde à Gregorio X. ad Cardinalatus dignitatem assumendus, ex tota Italia fugit, & quamquam tantus vir, quantus ab utroque Pontifice habitus, & laudatus, ac octodecim annos iam tunc supremus amplissimi ordinis præfectus; humilioris officii scholastici Lectoris inter Patiensenses fratres suos exercuit, donec obedientie vi coactus est in Italiam reuerti; cumque magnæ illius dignitatis insignia, & quod ratum, Albanensis Episcopi gradus deferrentur, inuentus est in solitario cœnobio Mugilli in Thuscia, culinar, & Refectorij vasa, humili Religionis consuetudine, cum fratribus lauare; neque Pontificis Ministros, qui tantæ dignitatis insignia afferebant, suscipere voluit, donec exercitium humilitatis, quod inceperat, absoluit. Sic Sancti omnes docuerunt, sic fecerunt doctrina & Sanctitate præcellentes. Cum quibus an præmiandi sint; qui ipsos imitari nolunt, ipsi vident, ego pro omnibus spondere nolum.

## EPISTOLA XCI.

IOANNI MARTINO VENETO. (1)

### ARGUMENTVM.

*Absoluto Capitulo Generali Patauino, Albertus cum nouo Ministro Generali, & præcipuis ordinis Patribus, venit Senas ad Eugenium Pontificem, ibique actis, quæ nos in eius vita, & Vaddingus copiosius in Annalibus, narrauimus, exposuit suos olim in Aethiopiam socios, Beatum Thomam Florentinum, & alios adhuc detineri in calamitosa seruitute Saracenorum; rogauitque, ut eos redimi iuberet, & ad rem commodos, superesse sumptibus Comitiorum aureos quingentos, eosque huic pio operi impendi posse. Et Pontifex, in cuius obsequio illi Religiosi hanc in ærumnam inciderunt, ita fieri decreuit. Pecunia mittenda fuit ad D. Ioannem Martinum Venetum, ordinis per terram S. Procuratorem, seu,*

*seu, ut vocant, Syndicum Apostolicum, qui tum forte in Cypro habitabat. Albertus eum hac Epistola comitatus est, cetera ex ipsa percipitur. Nos eam, non ex codice reliquorum operum Alberti, sed ex Mariani Florentini Chronicis accepimus.*

**C**apitulum utique gloriosum, *die nona Iulij* (2) Padux celebrauimus, quo (nisi Sathan humani generis inimicus ibi *superseminasset zizania*) (3) nihil potuisset, ut ita dicam, excellentius esse. Ego autem, ut Fr. Albertus in mei scilicet nominis humilitate remanere, non fide procuravi. Quod quia, ut semper optavi, adeptus sum, non immerito mirum in modum gaudeo, dummodo totum rei negotium, cum Summi Dei, hominumque honore pertractatum fuisset: cuius leriem aures tua, *utinam non inconsonam veritati*, (4) forsitan excipient. De dicti verò Capituli elemosynis *aurei superfuere quingenti* (5) quibus tuus, & noster charus Thomas Florentinus, cum suis foeijs, in captiuitate infidelium positi, atque detenti, per tuam solertiam, ut redimantur, si necesse fuerit, apud Sanctitatem Domini nostri Papæ peroravi, & ex decreto eiusdem venerandus Presbyter Dominus Ioannes de Norostica, crastina die hinc Senis Venetias vadit, Aloysio fratri tuo, mihi charissimo, præfa-

tam pecuniam delaturus. Tu verò studium, & diligentiam adhibe, ut fratres prælibati, minori, quo possunt, pretio redimantur. Quod si per Dei prouidentiam de carcere liberati, vel aliter iam sublati de medio reperiantur, certiores nos, & Aloysium, Sanctitatemque Domini nostri reddere procurato, ut pecunia illa in aliquod pium opus, secundum eiusdem Domini nostri beneplacitum, possit erogari; & simile per omnia Aloysio tuo scribas: dilectionem, erga me tuam, fratremque Thomam, atque ordinem nostrum non ignoro. Fidem etiam bene meritam, quam Sanctitatem Domini nostri prosequeris, nec non & rectitudinem in his, ad quæ propter Deum & amicos porrigis manus. Ea propter, non te amplius per longa exorla tenebo, exhortando videlicet te, circa hoc diligentissimum fore. Deum pro nobis exora, & sæpe sæpius scribas, quoniam id totum quod sumus, tibi scias esse deuotum. Dominus det tibi gratiam, teque in ipsa conseruare dignetur. Ex Senis 14. Iulij 1443.

---

N O T A E.

Nota I.

*Ioanni Martino.* Is erat locuples mercator, in Cypro, & alijs partibus Orientis negotium agens, & fratrem habuit Venetis, dictum Aloysium, qui illi correspondebat. Deposito verò ex

officio Procuratoris Terræ Sanctæ irreligioso illo quæstore, contra quem Albertus dedit ad Cardinalem S. Angeli Epistolam, iam supra productam, substitutus est Ioannes Procurator, seu Syndicus Apostolicus, ad quem Franciscanæ regulæ conuenientius pertinet

eleemosynas pecuniarias, ad Apostolicæ Sedis dispositionem transportare, seruare, & in fratrum necessitates, per superiores ipsi exponendas, expendere, & omnia eorum negotia, quæ per ipsos fratres tractari minus expediret, tanquam per sæcularem, & Sedis Apostolicæ Ministrum depuratum tractari, & expediri. Propterea illa eleemosyna, de qua hic agitur, ad ipsum missa fuit, ut litrum pro fratrum captiuorum redemptione congruum, ex pacto solueret, & fratribus ipsis, in Europam redituris, necessaria prouideret. Ut enim reliqui omnes, & singuli Conuenus subiecti nostro Ministro Generali habent suum Syndicum Apostolicum, seu Procuratorem sæcularem, ad vsus iam dictos; sic ex illo tempore Alberri, quo loca Terræ Sanctæ obseruantum regimini commissa sunt, illi fratres constituti in Prouincijs Christianorum ad colligendas eleemosynas pro Terra Sancta; & vocati Commissarij Terræ Sanctæ, habent in singulis necessarijs & opportunis Ciuitatibus, & paribus, suos Procuratores, seu Syndicos Apostolicos singulares, qui eiusmodi eleemosynas accipiunt, seruant, & exponunt, prout superioribus Terræ Sanctæ necessariis uidetur: nec in alios vsus, quam vrilitatem Terræ Sanctæ, & Ministrorum eius necessarias expensas, absque speciali facultate Sedis Apostolicæ conuerti possunt.

### Nota II.

*Die nona Iunij.* Hic disertè affirmat B. Albertus Capitulum Generale, 1443. celebratum fuisse die nona Iunij, & positis ritè calculis deprehendi id veritatè planè consonare: etenim factò computu secundum stylum veterem, & ante Breuiarij correctionem, inuenio litteram Dominicalem illius anni fuisse F. aureum numerum 19. & quæ correspondet, Epactam 29. è quibus constat iuxta tabulam ram nouam quam antiquam Breuiarij, festum Ascensionis incidisse eo anno in 30. Maij, Pentecostes verò in 9. Iunij: quod huic assertioni Alberti apprime quadrat, cum Capitula nostra, etiam ex Regula, in Pentecoste celebrentur, & hoc in Pentecoste celebratum

constet ex principio tertie orationis B. Alberti, quam dedimus supra pagin. 149. & in prima ad eam nota, pag. 156. animaduersum fuit. Suffragatur Marianus Florentinus lib. 5. capir. 17. fol. 85. ubi ait celebratum (quod interpretor cœptum, seu apertum, prout etiam hodie fit) in festo Ascensionis vltima Maij, penultima, melius dixisset, cum fuerit 30. non 31. & Patres in eo permanisse vsque post festum Trinitatis, dein Senas concessisse, cum circiter 20 dies in Capitulo fuissent: solum obitare videtur dictum not. 1. pag. 156. orationem citatam Alberti 8. Maij habitam. Sed cum ex ipsa oratione constet in Capitulo & vigilia Pentecostes recitatam, & ex suppuratione annorum constet Pentecosten in 9. Iunij eo anno incidisse, & hic liquidò ipse Albertus Capituli Præses 9. Iunij celebratum asserat, corrigendus est codex ille, qui Vvaddingo & notæ ansam deceptionis præbuit, & pro 8. Maij, 8. Iunij, in quem eo anno incidit vigilia Pentecostes, describendus.

### Nota III.

*Nisi Sathan superseminasset zizania.* Dum hæc in historijs fusiùs lego, mihi sane representant Capitulum illud, quod Deus celebrabat cum filijs Dei, idest cum Angelis suis, proculdubio de salute humani generis Iob. 1. 6. ubi adfuit etiam inter eos Sathan, postquam circuiuit terram, & perambulauit eam, nempe quærens, quem deuoret: adfuit autem, ut virum perfectissimum, quem reperit, cui non erat similis in Terra, nempe Iob, permisso Diuino, grauissima tentatione probaret. Celebrabat S. Franciscus Capitulum Assisij, vndecimo post institutam Religionem anno, in quo interfuerunt ex vniuersa Europa, quinque mille Religiosi, omnes ferè viri Sancti, & perfecti, ut de vltiori Religionis profectu decernerent. Adfuit Sathan & in aduersa domo conuocatis dæmonibus, cum illis multa decreuit, quibus possent tanta incrementa Sanctimonie vel impedire, vel planè destruere; quæ omnia Seraphico Patri Diuinitus reuelata fuerunt. Quid ni etiam

etiam nunc ( dum Eugenius Pontifex cupiebat in hoc Capitulo Paduano eandem Religionem vsque ad extremas Chinas suo tempore dilatatam, sed hominum fragilitate, ac diuturnitate temporis, Dæmonumque fraude relaxatam, ad primam regularis obseruantię puritatem reducere ) sese misceret Sathan : qui in Sanctiores res, & personas, maiores conatus & vires exercere solet, quam in eos, quos oppignoratos habet, vel in periculo magis constitutos : sed quid tum ? non aliter sanè, quam Sancto Iob, accidit sectatoribus sincerioris obseruantię vitę & regulę S. Francisci : sicut enim ille substantię facultates, & filios in calamitate perditos, meliores recuperauit ; sic isti aded numero & virtute creuerunt, vt reliquos ferè omnes religiosos ordines, hominum & cœnobiorum numero superent, nec vlli sapientia, vel Sanctitate cedant : Quo Dæmonis artes, ab exordio mundi, in proprium ipsius caput recidunt, & in quo ligno vincere se posse putat, in eodem semper vincitur, & per Crucifixi gratiam prostratus, triumphatusque iacet : Promisit enim ab initio Christus S. Francisci, quodcumque deessent boni fratres, illius instituti zelatores, se illos nasci facturum, & quo amplius numero crescerent, se amplius eorum necessitatibus prouisorum, quod hæcenus palpabilis experientia probauit, & vsque ad finem seruaturum credimus, oramus, & speramus.

#### Nota IV.

*Vtinam non inconsonam veritati. Calumnia conturbat sapientem, & perdet robur cordis illius Eccles. 7. 3. Vidit B. Albertus iniquitatem, & contradictionem in Italia ab æmulis aduersus se & instituti sui religiosissimos professores, & ipsa bona quę faciebant, non euadere calumniis hominum, à quibus Rex David, homo secundum cor Dei, orabat se liberari : solent enim homines mali, cum vitia sua negare non possunt, ea saltem alienę famę derractione, tanquam interposito fumo, confundere, & vel excusare, vel minuere. Optat proinde Seruus Dei, ne in Orien-*

*tem transirent. Et insontes interim, tam se quam alios, in Italia tuebatur. Liceat enim, quibus placet, priuatis hominibus famę suę negligentes esse, quod an his etiam liceat, relinquo Theologis disputandum ; certè publicis personis, & quibus populos docendi, & à vitijs deterrendi magisterium incumbit, non licet : ne detracta ipsis virtutis opinione, vilescat doctrina. Turpe enim est doctori, cum culpa redarguit ipsum. Hinc Epistola illa longa ad Poggium, cum socia ad Nicolum, quibus & Poggium ipsum redarguit, & Religionem vetis, dignisque encomijs laudat ; & altera breuior ad eundem, alique dux ad Ariminensem, & Coronensem, quibus actiones suas, vt superioris, contra discolorum subditorum obloquia iustificat. Hinc in hac ipsa Epistola, & alibi sæpius se ipsum ab ambitionis calumnia liberat, quam, quod id vitij in alijs reprimeret, patiebatur ; cui potius credendum est, quam illis, qui disciplinam, & bonitatem vano quandoque scientię fumo abijciebant : aut dicemus doctissimum, Sanctissimumque virum aded imprudentem, & impudentem fuisse, vt Eugenio Pontifici, tanquam stimulum ei in officio exequendo patrocinandı proponeret, ipsum Pontificem fuisse authorem illud imponendi ? nam cum proprię suę, & proprij, vt aiunt, motus actiones Pontificem latere non possent, qua fronte ille Pontificis voluntati ad ipsum scribendo imponeret, quod propria suę ambitione procurasset, si non eiusdem indignationem ob tam temerarium ausum & hoc saltem responsum habiturus : tu id officij voluisti, nos non coegimus, exerce vt poteris : sed opportunum est, etiam externos eius humilitati, & contemptui dignitatis testimonia sua contulisse, inter alia quę vitę ipsius historię subiunximus. Ex nostris verò Marianus Florentinus, candidus, & sincerus eiusdem xui Chronographus, narratis quę acta fuerunt, aduersus Seruos Dei, quos hodie Cœlicolas colit Ecclesia, hæc ipsa verba subiungit : *Omnes rumoribus tandem sedatis, Fr. Albertus ordinis Vicarius, omnes fratres ad Capitulum conuocauit, & ad pacem, & bonam**

*nam concordiam eos exhortatus est: & quod liberè ad alterius electionem procederent, dixit. Nec in ullo indignationem Domini Papæ timerent, certos eos faciens, quia ipse eum sedaret. Quod postea simul cum S. Bernardino coram Senis fecit. Vide Vvaddingum tom. 5. an. 1443. num. 3. & 4.*

## Nota V.

*Aurei superfuere quingenti. Adeo serius, seruens, & sollicitus erat Eugenius Pontifex, vt ista Comitia ad Sanctissimum finem sibi præstiturum suffragantium numero, & omnium rerum copia abundarent, maximèque florent, vt necessarijs sumptibus, multis*

*modis prouiderit, quos hic describere, vt minùs necessarium, sic longum foret. Inde fuit vt bis mille Religiosis à Mense Maij ad 17. Iunij honestè sustentatis tot aurei superfuissent. Quos prouidus, & fidelis Albertus Pontifici manifestauit, orans & perorans, vt in captiuorum apud Turcas Fratrum redemptionem conuerterentur: quamquam prius decreuisset Eugenius, quæ Comitiorum sumptibus superessent, in Ecclesiæ Sancti Antonij fabricam infumi, sed maluit Albertus, approbante Pontifice, saluare animas, quam ornare muros: ad quem finem S. Ambrosius etiam Sacros Calices, & reliquam Sacrificij suppellectilem consari suadet.*

## EPISTOLA XCII.

BEATISSIMO PAPÆ EVGENIO.

## ARGVMENTVM.

*Ab alijs rogatus, commendat Pontifici reformationem Conuentus Ferrariensis B. Dominici, & Ciuitatem Assisij in aliquo periculo constitutam, & confratres suos apud infideles.*

**A**lbertus ille Ferrariensis (1) cognomento Dulcettus, B. P. me quidem, & primùm, cum præsens essem, & post absentem, frequentibus literis me iterum stimulat, vt instem vehementius apud beatitudinem tuam, quo Conuentus ille B. Dominici Ferrariensis Ciuitatis ad regularem obseruantiam redigatur. Spopondi præterea cuidam roganti, vt ciuitatem Assisum, nescio quo in periculo constitutam, tuæ Sanctitati facerem commendatam, quod equidem non inuito animo exequor, cum sit ea ciuitas eundem Minoribus pro exhibitione tanti paren-

tis, quantus est nobis B. Franciscus, & pia parens, & vera, diligens, sollicitaque alumna.

Postremo loco clementiam tuæ Sanctitatis (2) exoro, vt fratres illos ex nostro ordine à tua Sanctitate, ad grandia fidei negotia missos, sed certa Teuehrorum captiuitate interceptos, & interceptione ipsa captiuos, beatitudo tua non æstimet relinquendos. Venit autem mihi in mentem, Petrum illum qui pridem profecturus erat in Græciam, pro illorum salute, qui iam diu fidei nostræ suspirent, plusquam dici à me possit, futurum idoneum ad fratres prædictos è manibus



nibus Teuchrorum eripiendos, cum & linguam illorum infidelium probè calleat, & in eisdem Prouincijs habeat parentes captiuos. Tantum illi adsit idonea facultas pecuniarum, quas nec multas oportere esse exi-

stimo, cum magis ingenio, & astu quodam Diuinæ prudentiæ, quam magno pre captiuos illos arbitrer liberandos. Dominus te tueatur Omnipotens B. P. Ex Venetijs 24. Octobris 1443.

## N O T A E.

## Nota I.

*Albertus ille Ferrariensis.* Ex his inter alia multa apparet quanta æstimatione, & familiaritate apud Eugenium Pont. valeret B. Albertus, qui non sua tantum, vel sui ordinis, sed exterorum etiam negotia, per familiares literas illi commendat. Vide, si liber, quæ de Alberto Dulcetto, ad Leonellum, Estensem scripsit Albertus noster Ep. 67.

## Nota II.

*Postremo loco clementiam tuæ Sanctitatis.* Quæ huius Epistolæ reliqua sunt, cum præcedente minimè conuenire suspicari quisquam posset. Nam cum illa doceat Pontificem mense Iulij fratrum redemptionem decreuisse, pecuniam Venetias missam fuisse, Epistolam denique ipsam omnia hæc narrantem, & supponentem iam facta, ac disposita omnia, quæ ad Pontificem & pecuniam pertinerent, quomodo hæc Epistola die 24. sequentis Octobris signata de hac fratrum redemptione, tanquam de re non ante cum Pontifice communicata, absque vlla mentione tractatus, vel decreti Pontificij Senensis, vel Ioannis de Morosifica, vel pecuniæ per eum Venetias missæ, vel cura redemptionis commissæ Ioanni Martino, rogat ut Pontifex fratres illos, in ipsius obsequio captos non censet relinquendos, pecuniam petit, & parum sufficere docet, hominemque nouum, nescio quem Petrum proponit, tacitis Ioanne, & Aloysio fratribus Martini? an quod quingenti aurei, iam missi non

sufficerent? an quod fortassis perdit ali-quo casu fuerint? vel quæ alia causa? sed ille nullam profert: itaque totam hanc confusionem ex vnicò apice natam existimo, & pro MCCCXLIII. quem huic Epistolæ in codice subscriptum inuenio, debuisse amanuensem scribere XLII. Censeo enim hanc Epistolam fuisse 24. præcedentis Octob. an. 1442. Inquam sententiam me vterius impellit, quod non possim mihi persuadere, B. Albertum, relictis in captiuitate socijs, cum Iacobitis ad Concilium ex Oriente reuersum, anno 1442. inter tot occasiones loquendi & scribendi Pontifici, neglexisse hanc causam redemptionis captiuorum sociorum: ac proinde reor ipsum post reditum hanc rem oretenus commendasse Pontifici: deinde, cum anno 1442. Iacobitas, conclusa, vnione, Venetias ad portum reduxisset, inuenisse ibi eum Petrum, cuius hic mentionem facit, & ex ea occasione, has literas ad Pontificem dedisse. Cum autem nec sic rem decerni vidisset, mense Iulij huius anni 1443. ea cum Pontifice tractasse, quæ in præcedenti Epistola ad Ioannem Marrinum scribit, per quæ tandem fratres redempti fuerunt, & in Italiam non exiguo Pontificis gaudio reducti. Accedit etiam sequentem Epistolam eodem die 24. Octobris anno 1443. ad Eugenium scriptam fuisse, nec enim facile inducor, ut credam Albertum nostrum, quantumvis Pontifici familiarem, duabus literulis eodem die eiusdem mensis & anni ipsum molestare voluisse, cum vtriusque negotia vna Epistola non nimis proluxa comprehendere posset.

## EPISTOLA XCIII.

BEATISSIMO PAPÆ EVGENIO.

## ARGVMENTVM.

*Inaudiuit B. Albertus aliquos apud Pontificem inſtare, vt ordinis priuilegia in literis Apoſtolicis, quæ Mare magnum vulgo vocantur, contenta aboleret. Scribit ergo orans, & exhortans, ne Eugenius id faciat.*

**P**erlatum eſt ad me (1) B. P. quosdam apud Beatitudinem tuam vehementer inſtare, vt literas Apoſtolicas, quas iam vulgato nomine *Mare magnum* appellamus, prorsus ab ordine nostro Sanctitas tua aboleat: Quæ res si admittatur, nihil dico de verecundia, damnum certe permaximum, & libertati, & vtilitati nostræ Religionis est allatura: non enim desunt etiam in ordine Sacerdotum inuidi, & fraternam pacem immaniore odio inſectantes, qui si nihil aliud queunt efficere, alienæ quietis suauitatem, infanissimæ contentionis studio, perturbare conentur. Quam molestiam, si quis etiam modestè propellat, sit in sæculi hominibus scandalum, eum perspicuiunt ex alterutra resistentia, contentionem inter dicatos cultibus Sanctioribus, hoc est Christi seruitio, pernicioſa simultate conſlari, in quo genere mali is gradus est amplior,

quod apud quos vigeat iustior causa minimè deecernentes, vtrosque infament, & innocentes cum ſontibus inuoluentes, ipsi pro nocentibus & eum nocentibus pereant. Scit tua Sanctitas Beatissimæ Pater, Religionem nostram inter reliquas in obsequium Sacerdotum fuisse à Domino destinata, cui cum nullus sæpe à Sacerdotibus præbeatur, etiam in causis Sacerdotalibus, fauor (quæ verò vlla est Sacerdotum causa potior quam animarum cura & ſalus) reſtat proſectò vt tua Sanctitas, quæ Princeps est omnium Sacerdotum, coadiutoribus Ministerij vestri, hoc est nobis, liberè tribuat, ac etiam tributa tueatur Apoſtolicæ authoritatis ſolatia, quæ plerique qui ea dare debuissent, vel habenda præpediunt, vel habita persequuntur. Dominus te tueatur Omnipotens B. P. Ex Venetijs XXIV. Octobris 1443.

## N O T A.

*Perlatum eſt ad me.* Antiqua est hæc Regularium querela, aduersus importunas quorundam Sacerdotum vexationes; sed quanta pro tueadis Regu-

laribus fuerit Romanorum Pontificum constantia, si vno quodammodo intuitu videre cupias, præter authores qui de Regularium priuilegijs ex proſeſſo scribunt,

bunt, vide Indicem nostræ Annalium Minotum Epitomes, verbo *Privilegia*: & Vvaddingum locis ibi citatis. Et pro recentioribus, etiam post Concilium

Trident. utiliter videndus est Petrus Marcantius in indicæ libri, quem inscripsit: *Fundamenta duodecim ordinis Fratrum Minorum.*

## EPISTOLA XCIV.

BEATISSIMO PAPÆ EVGENIO.

ARGUMENTVM.

*Commendat Pontifici Ministrum Prouincialem Tusciæ.*

**B**eatitudinem tuam, & oro, & obsecro, vt tua Sanctitas Ministrum Tusciæ habeat commendatum, qui prætet cetera, quæ rectè ac prudenter gessit, tuæ Sanctitati ad votum quotidie frequentibus ad me literis pollicetur, se omnibus quæ pro salute Religionis agenda sint; maiore semper studio facturum: cuius Sancti instituti promptissimum, ac paratissimum animum non arbitror à quoquam, qui integrè sapiat,

aspernandum. Nam si adest omnibus in nostra Religione, pro communi obseruantia, ea mens, exacta, atque sententia, quam hic Minister de se spondet, & veraciter iam pridem exhibuit, fieret fortasse, vt vetusta hæc nostra, ne dicam collapsa, Religio, rediuiua quadam nouelli germinis venustate, imo verno tanquam tempore, infloresceret. Dominus te tucatur Omnipotens B. P. ex Pad. 7. Aprilis 1444.

N O T A.

*Ministrum Tusciæ.* Obseruantum eo tempore Præfæcti Prouinciales, non Ministri, sed Vicarij dicebantur. Commendat ergo Ministrum Prouincialem Conuentualium, à studio, & affectu erga Sodalitium Regularis obseruantix, quo nomine sciebat eum Eugenio Pontifici gratissimum fore, qui nihil in hoc genere vehementius cupiebat, quam vt Franciscani omnes Franciscum ipsum, ac Sanctissimos eius socios, eadem Regulæ professione & obseruantia secðarentur: existimo hunc ipsum Tusciæ Ministrum, qui, eum Eugenij autoritate præsideret Comitij Prouincialibus Prouinciæ Sancti Anto-

nij, curauit vt Albertus communi Patrum suffragio eiusdem Prouinciæ Minister electus fuisset, vt innuere videret Albertus, supra Epist. 74. ad Iacobum Primadicium. Erat autem ille Fr. Scolarius à Monte Ilcino, quem simul cum Alberto, tunc Vicario Generali ordinis, Eugenius Pontifex instituit executorem litetarum Apostolicarum, quas ipse aduersus ambitiosam, & perniciosam perpetuitatem officiorum ordinis, motu proprio, & ex certa scientia edicit Senis anno 1443. 4. Id. Maij, in quibus ita loquitur apud Vvaddingum in regeſto Pontificio tom. 5. Annalium numero CCXXII. *Et nihilominus di-*

Ddd

lectis

*lectis filijs Alberti de Sarthiano Generali  
Vicario ordinis Minorum huiusmodi,  
& Scolari de Monte Ilcino Prouincia*

*Tuscia Ministro dicti Ordinis professio-  
ribus per Apostolica scripta mandamus.*

## EPISTOLA XCV.

BEATISSIMO PAPÆ EVGENIO.

ARGVMENTVM.

*Alberto Brixie predicante multe virgines, & viduæ, religioſe vitæ deſiderium conceperunt, pro quibus vt Monasterium S. Clare erigi poſſit, Ciues per Nuncium ab Eugenio Pontifice petunt; & cum eis etiam ipſe Albertus datis literis, quas hic exhibemus, in quibus etiam ampliſſimi Hoſpitalis erigendi mentio eſt.*

**L**anguor diuturnus B. P. qui me toto & integro ſuperiore anno afflixit, fuit in cauſa, cur non potuerim ad S. T. aliquid ſcribere, quando mihi vix pro valetudine viuere licuit. Nunc verò, Chriſto propitio, reparatis viribus, prima Ciuitas Brixienſis fuit, cui Sancta Chriſti ſemina, ſolito munere dicens, præbuimus. Offendi ſanè homines lenitate mirabili cereos, qui mihi antea de duritia cordis veluti ferrei fuerant incuſati. In reliquis autem fructibus, quos pro mundi contemptu, & pro amore Chriſti, caſtimoniæ arua tulerunt, ſexageſimus, & centeſimus fuerunt imprimis: nam & viduarum, & virginum non deſpicibilis numerus Sancto amore continentie exarſerunt, petentes à me inſtantius, vt apud Sanctitatem tuam diligentius agerem de Monasterio S. Clare in Ciuitate Brixia conſtruendo, vel iam conſtructo recipiendo, ſi quis locus idoneus in Vrbe reperiretur, de quo poſſit communitas, & concilium Ciuitatis, ſine

iniuria cuiuſcumque ſtatuerè: ſicut iam in multis Italiæ ciuitatibus, tua, idelt Apoſtolica authoritate factum, videmus, in quibus virginum flores, antiquam illam Sacratæ continentie gloriam referentes, rediuiua lætitiæ ſupernæ viriditatis & vernant, & redolent, cum pro Chriſto perſeuerantes, quod natæ ſunt, Angelas, vt ita dicam, ſe præbent in terris, de quibus, imò verò quas omnes, Chriſtus accipiens Sponſas, omnes itidem transferat ad cœleſte connubium. Hoc ipſum autem, de quo ſcribo, flagitant Brixienſes, miſſo ad te celeriter, vt aiant, nouello nuntio, qui etiam S. T. ſuper ampliſſimo Hoſpitali conſciendo (1) exoret. Quibus vt de clementia tantæ Sedis poſtulata ſuffragia tribuas, ſupplices ego, & illi oramus, & obſecramus B. T. qui te frequenter facilem longè minoribus præbuiſti, quam ſit illa clariffima Ciuitas. Deus te tueatur Omnipotens B. P. Ex Brixia, die S. Martini Epifcopi 1444.

## N O T A.

*Super amplissimo Hospitali conficiendo. Quem effectum ista, & aliz posteriores Alberti Epistolæ, anni 1446 de Clarissarum Monasterio erigendo, apud Pontificem obtinuerint, præter alia, quæ apud Vvaddingum legenda notauimus, docet in Historia Brixiana Helias Capriolus à Patrio Spineo Italianè edita, de Hospitali quidem sic. Quo tempore cum Ciues nostri magno Hospitali construendo instarent, Petrus*

*Montius Brixienfis Episcopus primum, eius lapidam die 26. Martij, solito ritu, iecit, sub titulo S. Spiritus. De Monasterio verò sic: Iisdem ipsis temporibus Petrus Montius Episcopus nosler, & Albertus Sarchianas ordinis Minorum, & Apostolicæ Sedis delegatus, nouum Monasterium S. Claræ, iuxta ædem S. Christophori Ciuitate postulante religiosis virginibus consignauerunt.*

## EPISTOLA XCVI.

THOMASIO BIBIO CYPRIO.

## ARGVMENTVM.

*Cypri Rex Ianus, à Mamaluchis Saracenis in prælio victus, & captiuus ad Aegypti seu Babiloniæ Sultanum ductus, annuali perpetuo tributo Saracenis pendendo redemptus est. Hinc illæ Regni calamitates, quas Albertus in hac Epistola, Spondanus in Annalibus anno 1426. num. 3. & seqq. alijque illius temporis historici referunt. Eas ut effugeret Bibius cum familia in Italiam euasit, scripsitque Alberto hæc omnia, & negotium aliquod suum illi commendauit. Respondet Albertus dolere se Regis, Regni, & populi calamitates, gaudere autem Thomassium cum suis euasisse, seque commendatum ab eo negotium amicè, prout opportunitas ferret, curaturum.*

**L**iteræ tuæ, mi Thomasi dulcissime, prorsus non opinanti, mihi ante hoc triduum reditæ, magna me & voluptate & molestia affecerunt: quorum alterum iucundus mihi tuus ad nos aduentus effecit, alterum dolor pro pendula salute eorum, qui remanserunt, quibus præter reliquas omnes calamitates, prout more hostili victoribus solet licere quodlibet, quotidie Barba-

rici hostis truculentissimus gladius ceruicibus imminet, acriter in eos ac celeriter sæuiturus. Aduersum enim illos, si non me fallit suspicio, omnis miseria parua est, qua solet ignibus odiorum accensa crudelitas infidelium, in homines pios, ac fideles, impietate immanissima, profligare: non damna modo inferendæ temporariæ cladis, ut se habet populatio, exilium, seruitus, flagellum,

fames, & catæres, ac reliqua id genus, sed quod luctuosius est, ad prostituendam pudicitiam matronarum, immò verò inusitata rerum facie, ad perdendam omninò & vitæ, & fidei, & Christiani nominis claritatem, dignitatem, sublimitatem; nisi, miserante Domino, liberentur.

Inter hæc verò gaudeo mirum in modum, ac Deo nostro, lætîs literis tuis, gratias egi, quod tute tandem aliquando, ex tam horrenda voragine crudelium periculorum beneficio Diuino præreptus sis. Indoleo tamen Regi illi amicissimo nobis, &, ut arbitror, vtinam non Dei, certè rectorum hominum, quantum mihi videtur, honesto & necessario præsidio destituto; Tædet me miserimi populi, piget & subiecit patriz: acriter feto desperationem,

tucundæ Prouinciæ tuæ, te tamen feliciorem puto, qui in Italia nostra, cum familiola tua, integra salute, pane tuto vescaris, quam si apud Cyprios, maxima cum iactura status, libertatis, vitæ, ac postremo animæ salutis, interim opum ac deliciarum vbertate afflueres. Negotium, de quo scribis, præ me gero, curaboque diligenter perficiendæ rei, cum se tempus idoneum dabit. Nosti enim credo, hominis ingenium, qui non admittat, nec homines, nec causas, licet grandes, si non animus eius, & Cælum, & dies, & hora, & orbis, ut ita dixerim, valde suapte tulerint. Vale ac mihi semper rescribe. Mitto ad te hunc nuntium, quo tibi cuncta certius perferantur. Ex Mediolano 3. Idus Febr. 1445.

## EPISTOLA XCVII.

BEATISSIMO PAPÆ EVGENIO.

### ARGUMENTVM.

*Monasterij Mediolanensis de Vedano, ut vocabant, de quo in hac Epistola agitur, historiam duobus locis tractat Vvaddingus: primò tom. 3. ad annum 1341. n. 8. vbi fundatum refert sub regula S. Augustini, & alia quædam ex relatione Francisci Gonzagæ; secundo verò loco tom. 5. ad annum 1448. n. 42. vbi refert, quod ex quinquaginta quinque incolis Augustinianis, quadraginta duæ se dederint Ordini S. Clare, ac tredecim tantummodo voluerunt in pristino instituto Regula S. Augustini permanere. Insolens, & inconueniens erat Moniales non vnius vitæ, & moris, in vna domo cohabitare, durumque videbatur alterutri parti ex eo loco migrare, in quo vitam longo tempore vixerit. Atque hoc est, quod in hac Epistola Albertus petit à Pontifice, ut scilicet neutra pars amoueat, sed ut Monasterij ædificia, alioquin satis ampla, ducto per medium muro, in duo Monasteria diuideret, quarum alterum Augustinianis, alterum Clarissis cederet: & obtinuit eo modo quo narrat Vvaddingus secundo loco superius citato, vbi Clarissarum deinceps numeri, & Sanctimonialiæ incrementa profequitur.*

Post-

**P**ostquam ab ægrotatione vnus anni conualui, scripsi primum ex Brixia S. T. nunc prouocatus, & scandalo populi huius, & mestitudine Sanctarum Christi Sponsarum, quæ Sanctimonialia de Vedano vocantur, quæque me sæpe rogarunt, vt ad Sanctitatem tuam aliquid scriberem, quantum mea mediocritas valet, commendo eas S. T. Summa autem rogationis earum ea præcipue est, vt diuiso sensibili quodam niuro Monasterij earum, quod amplum esse dicunt, pars vna alijs, quæ Sanctam Claram habere cupiunt, pars altera Monasterij alijs, quæ Sanctum Augustinum profitentur, autoritate Apostolica consignetur, quarum, vt dicunt, paritum vtraque poterit in dies terminos

suos, latius crescendo, porrigere: nam quæcumque è Monasterio emitatur, parte altera remanente se læsam putabit, tum famæ iniuria, tum sumptuum magnorum damno, qui in ædificando Monasterio expoliti sunt, tum denique penuria expensarum, si quod aut nouum Monasterium ædificare, aut vetus instaurare contigerit. Agat sapientia Apostolici pectoris, quod & veritas, & pietas, & charitas Christiana suggererit: nonnulla scripsi Dominis Arsenio, & Matthæo Cubicularijs S. T. quæ ad S. T. per illos fideliter referentur, ne S. T. diutius loquendo molestijs onerarem. Ad Sanctorum pedum me mente subiecio humiliter osculanda vestigia. Ex Mediolano 8. Aprilis 1445.

## EPISTOLA XCVIII.

THOMASIO BIBIO CYPRIO.

## ARGVMENTVM.

*Author titulum huic Epistola inscripsit: De conditione amicitie, & de malitia inuidentie: At de his differere, etsi in Epistola fiat, non est tamen prestitutus eam scribendi finis: sed cum non expediebat Alberto personas aut res detegere (vt diserte profitetur) per quas stabat, quominus negotium à Bibio ipsi commendatum vix, aut ne vix quidem efficere potuerit; voluit hac circumlocutione significare, quid esset impediementi, solarique amicum, cuius non solius, sed totius & generis, & temporis infelicitas esset, seu potius felicior sort bonorum omnium, quod à malis inuidiam patiantur; quam & ingratitude exemplis veterum, turpique characterismo detestatur.*

**N**on secus vilo pacto fieri posse apud amicos censeo, Thomasi charissime, quam vt graui animi molestia illi quidem in aduersis amicorum afficiantur, qui

reuera, vt ipsius amicitie ratio postulat, veri profecto amici sunt. Atq; id certè cum in omni causa inter eos accidere solet, tum verò ac maxime, quando bona quæque sibi inuicem  
ex op.



exoptantes, ea per sese, neque pro alterutro queunt efficere, neque ut per alios efficiantur elaborare, sine fructu defudent. Verum ille omnium molestiarum locus est grauior, ille intra ipsa prae cordia afflicta acerbius, excruciat durius, non si qui amici reperiantur ingrati; id quod saepe accidere solet, sed si ij qui amici ab amicis ipsis putantur (tanquam neglecta opera, ut non dicam non dedicata) non diligere eos, quos vel maximè amant. Frequenter fateor inter mortales reperiri contingit, ut in hominum perditorum fallacibus amicitijs plerique ingrati sint, non modo ad beneficia referenda, verum etiam ad maleficia pro beneficijs rependenda. Quo hominum genere adeò, mea sententia, nihil tetrus est, ut eos cane ipso immaniores existimem.

Sed ingenuus in amicitijs animus in ademptis ab ingrato, aut non redditis beneficijs, pro magnanimitate non gemit, pro virtute verò sibi sat est, nec expetit mercenariam repensionem, qui gratis amat. Cum autem illi maleficia referuntur, discit ipse imprimis quidem ut cum amico, id quod postremo aduersus beneficentiam est, non agat ingratus, quin potius, si homo is esset ingenti quidem gloria clarus, ac merito munere ornatus, veluti magna quadam virtute insignis haberi solet: si verò Christianus fuerit, fortiore patientia coronabitur, atque eo vberius, quo indigniore exagitatus facinore, grauiore fuerit iniuria laceffit. Nihil est enim externis in rebus scelestius, & quod amicitiam magis diuellat, quam ingratam maleficientiam experiri: cum contra videamus quotidie, feras belluas per illecebras beneficiorum, deposita immanitate, conciliari.

At verò illud, supra quam dici potest, inter amicos amarissimum est: si quis credatur vel nolle pro re amici amplius fatigari, cum ne morte quidem, ne dum labore villo, vera amicitia terminos habeat, amicis enim etiam post mortem plura debemus, quibus nos religio facit obstrictos, vel quod est consequens, non amare amicus ab amico animo ipso etiam paululum ambigatur; is maximè, qui saepe probatus sit.

Itaque, id quod iterum ac saepius libens repeto, illud est in amicitia vltimum scelus, si non dico quantolibet in rem amici amicus incumbens, laborem omnem tentati pro illo negotij frequenter amittat; sed si vehementer amans amicus, aut minus, aut nihil amare existimetur; tum praefertim, cum idem ipse, qui amicus habetur, iudicio sit electus à nobis, cumque eos rerum nostrarum, consiliorum, voluntatum vicissim, facta communitas probatos effecerit; cum postremo fraude nos vlla nunquam deceperint. Quo casu qui amicum, aut deponit, aut abiicit, exhorret, fugit, contemnit, virum profectò exuit, feram vestit. In reliquis enim incommodis omnibus (si non ipsa opinio nostra atteritur, si non vita negatur, quod ipsum perarò non accidit) res saltem familiares certò læduntur, quibus inter amicos saepe, & acquirenda commoda comparantur, & quæ sunt parta conseruantur. At hic homo, qui tanti est, ipse offenditur. Ibi fauor, hic natura parens omnium violatur. Ibi virtus perditur, hic amor amittitur, incestatur, & perit, sine quo, ut amicitia vera, ita quoque virtus vlla esse non potest. Nam inter ingratum amicum, & offensum itidem amicum,

cum, ipsum atque amore maximo interstitio summa distantia est, & omni inter se ratione, testibus etiam maioribus, plurimum differunt.

Verum quis horum duorum, læsum dico, ac lædentem, suis gradibus alteri miseria, infelicitateque præstet, inimicus ne malitia (sic enim appellandus est amicus ingratus) an amicus benevolentia, non facile dixerim. Nimum enim & iste offenditur, & ille offendit. Quæ cum ita sint, Thomasi charissime, velim penitus tibi persuadeas, nunquam me taciturnum fuisse, quominus ad te & literas & nuncios destinassem, si in spem ullam aliquando venissem conficiendi illius, apud quos cupis, tam tibi necessarij, & honesti & utilis, quam ardentissimi voti tui. Quod cum per nostrum ministerium ad diem istum, quo volebas, duci nequiverit, hæc imprimis causa fuit, cur ad te nihil scripserim, ne vlla molestia te afficerem, qui erectum animum tuum fortè putares, tanquam spe fracta, à magno illo tuo, vel desiderio, vel proposito concidisse. Cumque hanc meam cauti amoris laudandam, nisi fallor, moderationem, ac modestiam, tu eo traieceris, ut te queraris à me non diligere, & tanquam errato quopiam tuo aliquid commerueris, te quoque adueniam, ut dicis, & peregrinum patriæ tuæ, à me malo tuo destitui, in quem spem omnem tui patrociniij magna fiducia collocaueras. Fateor tibi simpliciter, mi Thomasi, perinde me percule- runt huiusce opinionis literæ tuæ, ac si telo, & forti, & insperato quicquam grauitè appetatur.

Ego tibi certè honesta omnia prosperè cedere ac fauorabiliter provenire percipio, utque ea finem, quem

optas, fortiantur, diligentius elaboro, sed nihil ago: impedimenti autem causas, ac multo magis personas, mandare literis honestum non puto, cum ne in aure quidem sapiens aliquis eas ad purum dicendas forsitan arbitretur. Vereor tamen, ne perditissima illa invidia, pestis quidem communis optimorum omnium, atque omnis præstantiæ, tibi æmula est: quæ etsi nulli ornato homini, sibi tamen ipsi, iudicio veterum imprimis grauis iactura est: nam & Græcorum est verus illa & probata sententia nihil emolumenti habere inuidiam nisi, ut in quo fortè inest, eum digno supplicio pro scelere peccantis excruciet, quandoquidem ea labe, & tate, invidia ipsa detestabilis est, quæ bonos quoslibet infectetur, quæ honestissima licet carpat, quæ aspernetur præcelsa, quæ Sancta quæque profanet. Cui virtus, supplicium est; & amor, tormentum, aliorumque, quamuis proximi illi sint, omne emolumentum, detrimentum sui crudelissima facit.

Illicoque ab ipso orbe condito, ut vno verbo cuncta complectar, bona omnia inuisa fuisse, nemo nescit, qui sapit. Nam quæ neque Deum in Cœlo reuerita est, cui per Diabolum Diuinitatem inuidit, quid putas in terra factura est? *Invidia enim Diaboli*, ut Sancta Scriptura testatur, *mors introiuit in orbem terrarum*, cui quidem morbo teterimo, oro te, quid homini efficere erit satis, si mortem mundo infligere parum fuit? nihil certè hac efferata bellua truculentius, procacius, insolentius dici potest: quæ temper aduersus pulcherrimam charitatem, si nihil aliud nefandi sceleris admitteret, omnifaria vbique perditæ æquitiz pugna

*Vide Stro-  
baum Sep-  
tem. 36.*

pugna conflixit. Non illam Sancti Abel innocentia, recenti mundo, compefcuit. Non Iacob pura simplicitas ab æmulatione fraterna delinuit, non pudici Ioseph impuberem imbecillitarem miserata est, nec puberem etiam adultæ ætatis castimoniam admirata. Quippe quæ mitem lenitatem, & mansuetam misericordiam David fidelis Saulina illa infania persecuta est.

Quid quod per inuidiam cæcatus, verè tunc non probus Ioab aduersus Regiam beneuolentiam, fortissimo Duci Abner, Principi militiæ domus Saul, Imperatoriam exercitus David gloriam metuens, vitam quidem proditione nefaria illi præripuit, sed morte ipsa ei gloriam auxit quam confratri suo nequissima æmulatione cauebat. Sibi verò ac generi suo maledicto Regis coercitus, inopiæ, lepræ, fluxus, imbecillitatis, & gladii maculam, ac damna grauiora inussit, nullo remedio expianda. Cusiensis quoque sapientiæ salutare consilium Achitophelis verè felleo consilio inuidia vindicauit. Danieli sapientissimo mortem molita est. Hæbræos denique frequenter afflixit, vt ne pueris quidem, immo infantibus recens natis, aut sub Pharaonis imperio, aut sub Herodis tyrannide pepercisset, in quibus, quoad in ipso Herodis hostili odio fuit, mundi Saluator in cunis extinctus est.

O monstrum inueteratum, quod, antiquissimo more ac veterno vsu, humanum animum nunquam saturatum depascit? quod semper esuriens, præcordia deuorat, quod gaudia mœsta ostentat, risum enim non habet, sed fingit inuidia, nunquam ex animo ridens, nisi in aduersis forsitan prosperorum verba læta extor-

quet, quæ ipsa læta non est, publicèque deprehensa, inuito animo hilarescit, sed interim secretius mœret. Canos interpestes adducit, senectam perneciter prouocat, mortem accelerat, cuius spiritus tristis, Salomonis testimonio, humana ossa, imò verò medullas inuidorum, exhausto vigore, & robore consumpto, desiccata, verbis grauida turget, aspecta tetra pallefcit, parata ad detractiorem, armata ad obiurgationem, prompta ad infamiam, ingrata ad conuersationem, fastidiosa ad se, onerosa ad omnes, desperata ad Deum, pacta ad Dæmones, venundata ad scelera, idonea ad tenebras inferorum.

Taceo vesana studia æmulationis Iudaicæ, quæ Dominicæ iam præpollentis ætatis præclariorem primum in finitimis Prouincijs famam, malè sollicita, toto orbe obscurare satagit, ac præpotentis Dei filij, & gloriam operum, & vires factorum contemere, ac conficere est frustra conata, cum tamen plebs illa malefica, & inuidia venenata cecissima, sese magis in dies quam Christum nolens & inuita affecerit, quandoquidem ipsius Christi miraculorum splendorem, in medijs populorum turbis ingrata contempsit. Quæ quidem ipsa, licet Diuina essent, eademque prægrandia, nihilominus illa ad Dæmones authores, quod extremæ non dementiæ, sed blasphemix est, nullo pudore, nulla venia retulit. Illa illa Iudæa prophana est, quæ Saluatori omnium, ob solam, quam detestamur, & obiurgamus, inuidiam, in Sacerdotibus summis religionem, authoritatem, potestatem; in Scribarum peritia eruditionis præstantiam, in senioribus populi iudicij claritatem;

tem ; in simulatione Phariseorum. Sanctimonie veritatem , impacato animo , imo verò implacata feritate , & obstinato furore , semper inuidit . Postremo in ipso falso ac per speciem veritatis decepto populo , honorem maiestatis abiiecit , spreuit , negavit : simulque omnes Diuinitatem veram , in præstantissimo splendore rerum , gestarum , pertinacius contempserunt . Ac ne infinita tam rudis vetustatis , quam noui nitoris percurram , ea , etsi primum sui mordax , nihil mali non fecit inuidia : semperque virtus , vt noster Hieronymus ait , excelsa licet , in propatulo fortissimos æmulos habet .

Si hæc immanis bellua tantos læsit , cur te Thomasi , aut putes immunem , aut queraris offensum ? quippe qui magis mirari debeas , ab ea peste te quidem & parum læsum , & , quod verius est , nimis dilatum : sed spreta magis inuidia , ad charitatem nos potius referamus . Sumus in dies hinc abituri , vt agri feracis , hoc est reli-

giosi populi & pie plebis Mediolanensis Ciuitatis , Christo propitio , haud vacuis manipulis , expleta iam melle , ad exemplum Saluatoris , Ciuitates & Castella , Oppida atque suburbana eius circumeamus , constituentibus vel in ordine pœnitentium peccatores . In quo nos grandi munere ( si nobis meliora atque altiora Dei munere prouentura non sit ) vti nam tandem aliquando defungi contingat , cuius Apostolici ministerij alto fastigio , si sensu , si spiritu , si constantia , si eruditione , si cœlesti , ne dicam humana , quæ parum ad salutem valet , eloquentia careamus , si denique , id quod maxime opus est , magna illa discretionem spirituum , simus impares : bona tamen spe esse debemus , vnius salutem , multorum precibus facile consequendam : cuius quotidiano labore , in gloriam Christi , & in ædificationem corporis eius , quod est Ecclesia , multorum salus & optatur , & quaeritur . Vale .  
ex Mediolano 20. die Maij 1445.

## EPISTOLA XCIX.

PAVLO LIGNANO MEDIOLANENSI.

### ARGVMENTVM.

*Excusat se à petito officio , quod præuidisset interpellationem suam nocituram potius , quam profuturam negotio , ob rationes , quas in Epistola explicat .*

**C**onsulta grauius ratione , Paule Fr. videor mihi potius obfuturus quam profuturus negotio Sanctarum Christi Sponsarum , si , quod petis , non vocatus ipse me ingeram . Opinor enim eos , qui à

nostra sententia longè dissentiant , à sua non facile discessuros , eo maxime , quod nos arbitrantur non esse suarum partium fautores , quo fit , vt illis suspecti , neque auctoritate , quam nullam habemus , neque

Ecc

bene-

beneuolentia, aut fide, *quam in hac re nobis non habent* (1) eos superare possimus: si tamen *honestior ulla, ac verior causa* (2) me vobis ascesceret, & studia animositatis ac contentionis sinceritati ac veritati, vt par esset, concederent, Christo propitio, illa persuaderem non obstatè sapientibus, qui si nihil aliud efficerent præter utilitatem communis boni, & similitatis finem, in egregiam saltem quandam ac iucundam conciliationem fractæ iam diu beneuolentiæ, in reintegrationem alienorum animorum ab illis qui huic tam honestæ rei pertinacius aduersantur, magno cum honore maximiè verentium contumeliam, laudemque accederent: verum cum nos Sancta

Scriptura diligenter admoneat: *ubi non est auditus ne effundas sermonem*: & contra istum fluminis frustra conari hominis est, qui velit *stultitiæ suæ quamplurimos domesticos facere* (3) Hæc cum affini tuo, Patre meo, ex laude vetusto Abbate, si ipse in præsentia possem conferre, qui, quod tu cupis, ipse quoque exoptat, & tum itidem, cum illo sponte forsitan in meam sententiam veniretis. Vale ex *Busto Arsizio agri insubrium die 30. Maij 1445.* (4) dum illic pro nostro more prædicando circumeuntes, tuæ nos forte literæ comperissent, ad Cumensem deinde Ciuitatem celeriter profecturos. Iterum vale ac pro nobis ora.

## N O T A E.

## Nota I.

*Quam in hac re nobis non habent.* Hæc res enim, idest studium reformationis, quam hic tractari vel ex hoc ipso loco non ineptè fortè conijcimus, vnica causa fuit alienandi aduersantium animos ab Alberto, fidemque illi in ea re subrahendi, quem cæteroqui & amabant, & venerabantur.

## Nota II.

*Honestior ulla, aut verior causa.* Non quod ea in se honesta non esset, quam ipse author post pauca tam honestam vocat, sed quod ipsi minus honestum foret effundere in ea sermonem, ubi non esset audiendus, vel stulticiam suam prodere, in nitendo contra istum, stuij.

## Nota III.

*Stultitiæ suæ quamplurimos domesticos facere.* Idest conscios, & fa-

miliares, quasi diceret, stulticiam suam pluribus prodere, & propalare.

## Nota IV.

*Ex Busto Arsizio agri Insubrium die 30. Maij 1445.* Ita habet codex noster sine inscriptione, aut notitia personæ, ad quā Epistola dirigitur, nisi quod ex textu ipso constet ad Paulum quemdam mitti. Codex verò Capistranensis habet inscriptionem quam supra præmisimus, *Paulo Lignano Mediolanensi*, & diem 20. Iunij. Debuit ergo eadem Epistola, vel ad eundem bis missa fuisse ex eodem loco, vel ad duos, quorum vterque vocabatur Paulus, vel amantius error interuenisse in alterutro codice: quo magis inclinor, cum B. Albertus dicat ex eo loco se ad Cumensem deinde Ciuitatem celeriter profecturum: si 30. Maij celeriter erat profecturus, non videtur hæsisse ad 20. Iunij, quo eandem Epistolam ad eundem vel alterum Paulum dedisset.

## EPISTOLA G.

## CAPITVLO PROVINCIALI MEDIOLANENSI.

## ARGVMENTVM.

*Desiderium aliquod suum, quod per alios ante insinauit, Patribus commendat, hortaturque ut de bono gubernatore familie sua sibi prouideant, à quo nulla tentatio, nullus error, aut carnalis affectus eos auertere debeat.*

**V**enerabiles Patres, pax Christi vobiscum, Amen. Nonnulla contuli eum Patribus Guardiano S. Angeli, & Cumenfi, & Fratre Timotheo, quæ hic non explio, ne verbis vos nimium onerem. Sed ea dicenda vobis nomine paruitatis meæ commisi fratri Christophoro harum latori, super quibus prædicti Patres poterunt testes esse voluntatis, & desiderij mei, sicut ad illos locutus sum. Deus vos inspiret satisfacere postulanti mihi, pro honore Dei, quæ honesta existimo. Hortor præterea vos cum omni humilitate, absens corpore, præsens spiritu, oratione, & desiderio, ut quæ Dei sunt ante oculos habeatis, nec vos à veritate auertat vlla tentatio, vllus error, vllus denique carnalis affectus, quominus de bono gubernatore familie vestræ prouideatis,

si non cupitis nauiculam vestram scopulis, non dico minantibus, sed facientibus naufragium, iactura perniciofa collidi, sano quippe capite, ut ait noster Hieronymus, omnes sensus vigent. Præseiat vobis hominem imprimis sani capitis, qui zelet Religionem, & Evangelicam puritatem, qui iustitiam præstet, qui misericordia præcellat, qui discretione, tanquam habena, in omnibus dirigatur, *sustinete oro vos modicum, quid insipientie meæ: nec contemnatis fratrem vestrum, qui etsi non vita sua, saltem exemplis Sanctorum Patrum nostræ Religionis, potest vobis XL. annorum indicem texere. Quadraginta enim anni sunt* (1) quibus sum educatus *cum fratre Gregorio X. annorum* (2) Ex Mediolano 19. Aprilis 1445.

N O T A E:

Nota I.

*Quadraginta enim anni sunt, quibus sum educatus.* In Alberti vitæ cum scriptorum vnanimi consensu dixi-

mus ipsum anno Christi 1415. ætatisque suæ 30. à Conuentualibus ad Observantes transisse, à quo anno si ad præsentem 1445. numeraueris, inuenies triginta tantum, non quadraginta annos elapsurum.

Ecc 2 xilse:

xisse: non secundæ igitur educationis inter Obseruantes, sed primæ inter Conuentuales, seu Franciscanæ professionis primi tyrocinij sui annum luc memorat. Ex quo & anno ætatis, quo ad Obseruantes migravit clarè colligimus, quod huc vsque nos latuit, ipsum scilicet suscepisse habitum apud Conuentuales anno ætatis suæ 20. & Christi 1405. vnde vltèrius habemus ipsum natum fuisse anno Christi 1385, nam tot solummodo restant, si ex 1405. demas 20.

#### Nota II.

*Cum fratre C. & X. annorum.*  
Quis fuerit iste senex certo affirmare non auiam, nisi fortè fuerit B. Bartholomæus Pisanus, quem constat hoc tempore centesimum ætatis annum superuixisse: cuius contubernij, vel magisterij allegatio, ad concludendum ipsius periodi Epistolæ argumentum, satis opportuna fuit; voluit author, vt tum

ob propriam experientiam quadraginta annorum, quos partim inter Conuentuales, partim inter Obseruantes vixit, tum ob magisterium tam veterani religiosi, & æstimati eo æuo ordinis Historici, à quo poterat multa didicisse, Patres illi Capituli Mediolanensis ipsius consilio, in eligendo superiore, deferrent; experto enim credendum est. Marianus tamen Florentinus, & cum sequutus Vvaddingus, coniecturis innitentes dubia dictione afont, Bartholomæum obiisse centenarium circiter anno 1401, quod non potest conuenire cum assertione B. Alberti, si ipsius educatio, seu Nouitiatus, vt supra collegimus, incidit in annum 1405. nempe quatuor annis post mortem Bartholomæi sed in his etiam experto credendum est Alberto, qui rem determinatam, certamque, propria experientia doctus affirmat, modo per fratrem C. & X. annorum Bartholomæum intelligat.

## EPISTOLA CI.

ANTONIO RAUDENSI.

### ARGVMENTVM.

*Postquam Albertus vidisset humilem locum natiuitatis Antonij Raudensis, hominis alioquin tunc virtutis & eruditionis fama clari, & audisset de domo & patria aliqua ridicula, inde Galeratam transiens, cum ob ualitudinem à concienibus biduo vacasset, ne otio locum, aut tempus concederet, hanc ad ipsum scripsit Epistolam. In qua primum, ne ille se contemni putaret, eius beneuolentiam dextrè capiat. Mox quorundam asperam, & rusticam nobilitatis absque virtute iactantiam redarguit; eruditorum hominum suauem consuetudinem describit. Eleganter deinde refert, quæ in Raudensi loculo vidit, & audiuit, & in conditionem loci non ineptè ludit: suam tum prolatam sententiam scribit, parua loca à magnis virtute viris gloriam; insignes urbes ex aduerso itidem à vitio famosis, etsi sanguine nobilibus ignominiam non rarè deriuasse. Literis ergo, & virtuti studendum suadet, quibus & hic temporaria, & æterna in superna Ciuitate gloria remanet. Huic nec loci nec parentum humilitatem officere. Quod & Ciceronis, & Christi exemplis breuiter confirmat, suam denique Patriam, quod ante notauimus, Sarrhianum, disertè manifestat.*



**N**E falso forsitan arbitreris, Raudensis Pater, vel generis tui, vel loci obijci à me tibi temerè, & insolenter, atque iniuriosè, humilitatem, hæc tibi lætus quidem, ac non tam serio, quam ioco, renuncianda constitui. Quæ ipsa, opinor, tanquam de amore in te meo deprompta, amica ac veracè interpretatione censebis. Namis es, quisicut pro solerti ingenio grauiter dicta dijudices, ita quoque per animi lenitatem facetus, & gratus, sales ac iocos honestè humanitatis, & quæ à religionis seueritate minus abhorreant, nullo studio contentionis accipias. Quod stolidi quidam homines, & non tam stoica duritie, quam plebeia rusticitate nobiles, nec tam Catoniana grauitate conditi, immò Neroniana crudelitate cruenti, cum nihil humanum sapiant, multa atque maiora, & tumentis animi & venenosæ iactantiz argumenta, molesta nimis superbia præ se ferunt.

Cum quibus nec vitam ducendam, nec iura amicitiz, nec signa beneuolentiz communicanda existimemus: colloqui dico, & corridere, & vicissim beneuolè obsequi, simul legere libros dulciloquos, simul nugari, & simul honestari, dissentire interdum, sine odio, tanquam homo ipse secum, atque ipsa rarissima dissensione condire plurimas consensiones, docere aliquid inuicem, aut discere ab inuicem, desiderare absentes cum molestia, suscipere venientes cum lætitia; Quibus ex rebus, ac signis, uti nostri maiores tradunt, à corde amicorum per os, per linguam, per oculos, perque mille motus gratissimos, tanquam vaus, multorum per beneuolentiam constat mutua ac

vera amicitia animus; à quibus cum rustici amatores, & vtinam etiam amatores, longe absint, debere eos arbitror in sua duritie ac rusticitate relinqui, quod ad amoris argumenta, amicitizque mansuetudinem attinet; etsi oratione iuuandi, & cum patiuntur, doctrinis, ac moribus excolendi; & cum egent ope Christiana alendi sint.

At verò, Raudensis, vt proposita persequamur, tu, qui melle humanitatis resperfus es iam me audias iucunda narrantem. Cum abs te primum ex Mediolano discessimus, hospites suos illa tua nos eo die ante meridianum tempus excepit: Illa tua, inquam, nos pransuros excepit, quid dicam? illa tua, siue Vrbs clara Raudensis, siue Colonia ingens: siue Oppidum insigne, siue Castellum peramcenum: Absit verò me quandoque audere dicere villam, aut, quam vulgo Insubres tui vocant, cassinam, quæ ipsa patrio more nostræ Etruscæ Prouinciæ Capanna potius vocaretur, sed rectius nos, arbitror, erimus cuncta complexi, & omnem propriè, atque accommodatè, & Latine dicendo absoluemus proculdubio controuerfiam, si Insu-brensem agrum, aut quod verius est, Insu-brensiū agri partem, atque eam perpusillam dixerimus: quemadmodum & agrum, verbi causa, Veronensem, aut Veranum, aut Picenum, aut de his ipsis agris cuncta appellare solemus, quæ ad priuatos ciuium focos atque ad suburbana iura, licet latius porrecta, pertineant.

Illic itaque primum paululum à defessione itineris recreati, magnam reuera ac serio, tam publicè, quam priuatè, & ab omnibus, & à singulis sumus humanitatem experti, sed

& nos

tribus parva periculis, ad gloriam super-  
norum civium, & ad immortalem  
Senatum latos transferet triumphantes (2) Nec tum nobis officit  
ignobilitas huiusce temporaneæ no-  
stræ ad modicum patriæ, immo verò  
omnis ista, aut mundi huius pere-  
grinatio, aut parentum humilitas,  
nihil certò nocebit; quibus erit patria  
Cælum, & Pater Deus, Magister  
Christus, Mater illa Maria, Regia  
Virgo, ac Regina Cælorum, concu-  
es Angeli, & Fratres & socij beatis-  
simorum hominum cœtus.

Tunc, mi Antoni, erimus veri  
Hierosolymitæ, magis quam veri Qui-  
rites. Ciceroni tamen illi tuo, ho-  
mini quidem consulari, atque vni ex  
illis, non Hierosolymæ civibus, sed  
magnæ Romæ Quiritibus, humili-  
tas & loci, & generis ab inimicis, &  
invidis in probrum obiecta est, qui  
tamen, ut sæpe alias, sicut de cæte-  
ris rebus ventosissimè iactitat, & ge-  
nus suum, & patriam illustravit. Sed  
ut potius Divina dicamus, Saluator  
noster qui & Galilæus, & fabri filius  
per Iudeorum impudentiam dictus  
est; Bethleemica rura natiuitati de-

legit, & saxum humilis diuersorij il-  
lustrissimum orbis terrarum monu-  
mentum effecit, ne locorum, in  
quibus nascimur, vlla nos depressio  
faceret aliquando mærentes.

Placuit mihi Raudensis his paucis  
primum ludere, nunquam enim ad-  
te meas vllas literas scripsisse me re-  
colo. Hæc verò Epistola, & initium  
fuerit mihi multa denuò ad te di-  
standi, & tibi caput deinceps, vel  
ad me scribendi; vel, quod postremæ  
humanitatis est, pro iure postulatio-  
nis meæ, claro tuo eloquio, plurima  
respondendi, qui tua ad me distanda  
poscere, quam respondenda repo-  
scere mallet. Opto tamen, & oro,  
ut cum nobis vitæ cursum præcipuis  
meritis Diuinitus comparemus, quo  
nobis relictis Raudensi & Sarthia-  
nensi, siue Oppidis, siue aliud nunc-  
cupare potius natiuitatis nostræ ter-  
ras (3) volueris, tam ingentibus ac  
perpetuò fruētibus bonis interesse  
contingat. Vale ex Gallarate pridie  
Kalendas Iulias 1445. cum per im-  
becillitatem corporis à prædicandi so-  
lito munere biduo vacaremus. Ite-  
rum vale.

## N O T A E.

## Nota I.

*Antonio Raudensi.* Huius mentio-  
nem habet Vvaddingus inter Scriptores  
ordinis Minorum, ubi & patriam illam  
ipsum Falmencam vocat: sed non tam  
procul Mediolano esse oportet, dum  
Albertus ex ea Vrbe mane discedens,  
ibi ante meridiem prædicare potuerit;  
ut ipse in Epistola refert. Ego sanè Rau-  
dam dicerem, etsi hanc nec Blondus,  
nec Leander Italix descriptores ha-  
beant. Ipsum autem Antonium S. Theo-  
logix Magistrum, in omni studiorum

genere insignem vocat, & tamen fata-  
lem illius aui maledicentiam euadere,  
non potuit: scripsit enim in eum nescio  
quid Laurentius Valla, quem nondum  
vidi; Flanius Blondus in descriptione  
Lombardiæ affirmat, eum eleganter do-  
ctum fuisse, eiusque rei testimonium fa-  
cere opera eius. Ea verò non extant,  
præter Lactantium Firmianum eius opera  
puriorē editum, in qua ipsa editione  
quidam, præsertim Franciscus Philel-  
phus, Michael Thomasius, & alij cen-  
suras quasdam Raudensis in Lactantium  
atrocitatis accusant, & alia notatione  
digna

digna desiderant: sed quis ipso Philelpho in vituperando atrocior, ut eius inuectivæ demonstrant, cui proinde maior fides laudanti habenda sit: De Laçantij erroribus quid censuerint Sancti Patres, & Sancti Romani Pontifices, & Baronius, & Bellarminus Cardinales, Antonius Possevinus in apparatu Sacro refert: sed ea est quorundam posteriorum scriptorum ingrata consuetudo, ut in anteriorum laboribus, non quid boni fecerint, sed quid non fecerint, vel si quid male fecisse videantur, facilius noceant: cum & ipsis inuentis addere, quam primitus inuenire pronius sit. In qua re iuendum est, quod de Christophoro Columbo fertur. Is enim, ut aiunt, postquam primus nostratium Occidentalis Indis oras detexit, in Europam reuersus, cum in nobilium virorum cœna sedisset, ijsque rogantibus nauigationis suæ labores referret, alius quispiam: sed quid horum, inquit, quibus nauigandi peritus non posset præstare? Tacuit Columbus, & famulo post tergum stanti iussit, ut ouum in orbem afferret, allatum in mensa deposuit, tum ad conuiuas quis vestrum Domini, ait, hoc ouum in cuspide statuere possit: reuocantibus cunctis id fieri posse: at ego, inquit, facere possum. Dictum,

factum, orbem ouo percussit, & retuso cuspide stetit ouum: sed, inquiunt, hoc quis non faceret? Tum demum ille, fieri quidem à quolibet posse fateor, sed multis nec animus, nec ingenium est: quo liuidum inuidiæ cuspidem fortius quam oui retudit.

## Nota II.

*Ad immortalem Senatum latos transferet triumphantes.* Num pretiosæ mortis suæ triumphum clarè prophetasse videtur B. Albertus? quem in testimonijs vitæ eius à nobis adiunctis, multi nobiscum contestati sunt, & elegantissimè descripserunt vltimi eruditi Academicæ Intronati Senenses. Nam quinto hinc anno Cœlum triumphando conscendentem B. Ioannes Capistranensis tunc vidit, & palam, ac publicè retulit.

## Nota III.

*Raudensi, & Sarrhianensi nationis nostræ terras.* Hic manifestissimè prodit Albertus patriam suam Sarrhianum esse, quod natiuitatis suæ terram vocet.

## EPISTOLA CII.

MATTHÆO BISSARO VICENTINO. (1)

## ARGVMENTVM.

*Bissarum veterem Alberti benefactorem fuisse docet Epistola LXII. ad ipsum anno 1440. ex Rhodo data. Nunc etiam scripsit se pecuniam duobus hominibus ad ipsum deferendam dedisse, quorum alter se misisse dicebat, alter non dedit. Albertus insigni pecuniarum contemptu, & proximi charitate, pro primo rogat, ut Matthæus nihil mali propterea illi moliat, quod forte paupertate pressus, pecuniam sibi retinuerit, & reuerentia fecerit, ne id alterutri fateretur. Ab altero pecuniam repetendam suadet, quam se nullo modo acceptaturum profitetur, affirmans amorem Bissari, quam ararium eius, sibi esse gratiorem.*

**H**eri, qui fuit sextus Octobris (2) cum Bergamum ex Mediolano, & Cumis ac repertis in medio oppidis, gratiam, verbi seminantes, peruenissemus, offendi fratrem Franciscum meum, tunc penè abs te eum literis, & rebus gestis, in Teuchos redeuntem: in quibus sanè de bonis, quæ legi, gratias Christo retuli, sed ibidem molestè tuli, quod scribis And. Clementis audere procaciter dicere, se mihi misisse pecunias, quas nullas penitus unquam habui. Nam si illas misit, nec forte redditæ sunt, det nomen ferentis; si verò, quod magis arbitror, nunquam misit, aut perfidie fuit non reddidisse commissas illi abs te, etiam me probante, pecunias, aut necessitatis, cum forte illum vngeret inedia, affligeret, ut sæpe afolet, paupertas, grauarent debita, cogerent exactores. Quo casu hoc mihi solum molestum est, quod suam fortassis necessitatem, nec mihi, nec tibi, verè in hac causa pijs hominibus, libera confidentia, & amica libertate significauit. Profecto scio pari consilio eleemosynam inopi sibi benedictione firmatam auxissemus. Nunc vero eum tergiuersari potius videatur, non me cruciant nummuli, quos non amo, sed cruciat illius violata existimatio, corrupta fides, damnata conscientia. Verumtamen te oro vehementer, pro mutua nostra

beneuolentia; ne illi pro hac causa aliquid molestiæ niachineris. Ingens enim forsitan illum inopia compulsi creditas sibi pecunias auferre, & rubor verecundie exterruit confiteri. Quod verò ais pro increde scriptorum, ne apud eos aliquam calumniam patiar, te misisse de tuis nummis Cancellario illi ad numerum 12. aureorum. Ego licet hoc factum esse audierim à confratre nostro, Cancellarium nedum vidi: sed vnum est, quod apertè profiteor, longe abesse à corde, & instituto meo, ut te velim perpeti damna calumniosissime fraudantis. Itaque ab illo repete pecunias tuas, quoniam illas nulla ratione recipiam. Scriptoribus autem, Diuinitate propitia, non deerit ratio prouidendi: mihi certè sine ulla comparatione *gratior est amor tuus ab arario tuo* (3) quo tenui fortasse laboras, immo verò nec laboras, quando nec illud diues habere concupiscis. Nolsti enim & Apostolica autoritate ab Hieronymo constatam esse sententiam, qua avarorum cupiditas obiurgatur. Viatus, & vestitus diuitiæ Christianorum: cuius eertè ad te scripta in dementem illum Rufinum gratis & sine argento vel auro aliquando transmittam. Vale ac pro nobis ora, cum amicis communibus, Ex Bergamo 8. die Octobris 1445.

## N O T A E.

## Nota I.

*Matthæo Bissaro.* Qualis hic fuerit non plenè reperiō. Patria Vicentinum fuisse Albertus ipse signauit: ego

virum litteratum fuisse vel inde colligo; quod Albertus promittat se illi missurum scripta S. Hieronymi in Rufinum; quemadmodum vel Ecclesiasticum, vel pietatis; & religiosi operibus addictum

F ff

offen-

ostendunt, tum elemosynarum promissa, & vltione largitio, tum quod Albertus in vtraque Epistola se ipsius orationibus commendat.

### Nota II.

*Heri, qui fuit sextus Octobris:* Sed Epistola data signatur 8. die Octobris: ergo vel in alterutro loco corrigendus est numerus, vel Epistola septimo die scripta fuit, sed octauo data.

### Nota III.

*Mibi gratior est amor tuus ab arario tuo.* Rarus est hic modus loquendi, sed non proinde bonis Latinis improbat, qui innumeras notant significationes illius particulæ *ab*: & inter alia, quod aliquando ponatur, pro *per*, ut sensus authoris nostri sit, *gratior mihi est amor tuus per arario tuo*,

pro quo sensu Erasmus allegat A. Gellium dicentem, ab illo friget, id est per illo seu comparatione illius: imo & Euangelium Christi sic loqui videtur, de Phariseo, & Publicano: *Descendit hic iustificatus in domum suam ab illo*: Luc. 18. id est per illo, vel comparatione illius, seu malis Albertum Cicertonis sensu locutum fuisse, qui in Bruto, & alibi, eadem vititur phrasi, à doctrina à natura instructus, ab omni laude felicior, à propinquis nudus, ab amicis ut existimatione inops, ab oratoribus solitudo: in quibus locis, eruditi intelligunt, id quod ad doctrinam, naturam, laudem, propinquos, existimationem, oratores attinet, unde Alberti sententiam sic explicabis, ac si dixisset, quod ad ararium tuum attinet, gratior mihi est amor tuus. Vide Thesaurum Lingue Latine verbo A. & Ab.

## EPISTOLA CIII.

### FRATRI IOANNI PRATENSI.

#### ARGUMENTUM.

*Duas Epistolas ad Albertum dedit Ioannes, quarum altera desiderium suum aperuit, ut illi tanquam Magistro suo, pro concionibus, ut socius, adherereat: sed cum non obtinisset, per alteras questus est priores suas à Beato viro contemptas fuisse, & suspicatus se per alios, apud illum male depressum fuisse, & fuisse diluere nisus est argumentis, quæ ab alijs opponi sibi suspicabatur. Albertus prudenter, & religiose querelas negat, & Ioannem cum ipsius laude, suique humiliatione, à pratensa societate modeste diuertit.*

**Q**uas ad me datas Epistolas tuas nuper recepi, quia abs te manabant, qui me scio diligis, non contempsisti, non risi, ut falso verebaris; hoc enim nimium superborum hominum est, sed fraterno eas amore complexus sum, & dulcibus oculis prosequi:

tus. Risi verò, fateor, laborem inanem, quem in eis tam longis dictandis, siue saltem scribendis, si dictare non tibi labor est, nulla necessitate assumpxisti: præsertim cum, ut scribis, adhuc, ut soles, in capite vestigijs pristinae molestiae fatigeris, cui vel maximè multum scribere, sicut

sicut multum clamare, flere, legere, vigilare, & testibus medicis, & experientia docente, plurimum nocet, quamvis Euangelicus P. N. B. Franciscus, ardore Passionis Domini feruens, ab his omnibus sibi cessandum nec propter cæcitatem corporis æstimavit: nisi forte hoc facere maluisti, quia vel tibi placuit exerceri, vel sicut dicere, sic & scribere, persicile tibi est, quod plerisque scimus esse durissimum, vel à languore capitis, levatum molestia, paululum respirabas: vel, quod forte verius est, amor ad me nunc scribendi sicut omnia facit suavia, facit quoque tibi laborem, esse leuissimum. Nam si, ut mihi persuaderes, tanta dixisti, vehementer contra me erras, qui & de te bene sentio, & tibi in cunctis, si modo possem, vellem adesse. Quod enim in prima Epistola optas, & petis, & obsecras, hæreret velle te mihi, & quod me verbum offendit, esse sub pedibus meis, ut me audias prædicantem. Ego primum certe renuo te habere filium, ne dum servum, sed dignor habere fratrem, quid dico dignor? qui *professione maxima teneor* (1). Deinde te venientem, quandocumque apertis brachijs charitatis excipio. Tu modo vides, quam inde vtilitatem consequare, si veneris: quin & te puto non indigere meis in dicendo vllis institutis, & me non facio tanti, qui tibi prodesse queam. In secunda Epistola laboras plurimum, ut te purges, &

adversariorum apud me accusationes argumentationibus diluis, sed nemo te accusavit frater: Et si accusasset quispiam forsitan obrectator tuus, non sum is, Christi munere, qui ea leuitate cordis laborem, ut cito credam accusanti, præsertim illum te; qui ut te toties mihi profiteris amicum, ita quoque me scio tibi vera necessitudine deditissimum. Nam si *Alexander ille Lacedæmonius*, (1) cum quisquam apud eum accusaretur, vna manu aurem obturare solebat, dicens, se apertam aurem exhibere delatori, clausam vero servare se reo, ut esset locus accusato se libere defendendi, sicut delatori fuerat accusandi; Quid nos oro te, facere oportebit, de quibus scriptum est. *In populo graui laudabote*: & Salomone testante admonemur: *Leues corde esse qui cito crediderint*. Itaque Fr. æquo animo sis, nec vlla ratione turberis, quia quem meum arbitror aduersus obrectatores, ut iustissimum, ita quoque acerrimum defensorem, non vereor, non suspicor, non credo vlllo pacto fieri detractorem. De Fratre Francisco scripsi plenius Fratri Petro, Sancti cognominis bono, qui nunc *Vicariam vicem gerit* (3) administrandæ Provinciæ: fac ut tibi communes faciat litetas suas, sicut tu illi tuas, & totum ambo habebitis. Vale ac pro me ora. Ex Bergamo 8. die Octobris 1445.

N O T A E.

Nota I.

*Professione maxima teneor*.

Vult dicere maximæ humilitatis: dignatio enim multò maiorum erga mi-

nores est, quæ proinde locum non habet inter confratres, maximæ humilitatis professores, quibus omnia communia sunt, & quasi quædam æquali-

tas conditionis, licet alius alio doctior, alius alio sanctior, alius alio reipsa iunior, sed propter hæc nemo superbire, vel se ipsum extollere, & multo minus fratres suos contemnere debet.

## Nota II.

*Alexander ille Lacedæmonius.* Hoc non de Lacedæmonio, sed de Macedone Magno narrat Plutarchus, in Alexandro editionis Latinæ Venetæ, in folio anni 1572. pag. 332.

## Nota III.

*Qui Vicariam Vicem gerit.* Qui eo suo fratrum Obseruantum Prouincias regebant, Vicarij Prouinciales vocabantur: Et author hoc loco de Prouincia Tusciæ loqui videtur. Nam ad Tuscos scribit, qui ibi simul existentes, ipsius ad vtrumque literas sibi

mutuo monstrare poterant. At ego illius Prouinciæ Vicariorum elenchum habeo, in quo nulla Petri Boni mentio est, sed hæc alterius: Frater Ludouicus Petri de Latinis Senensis electus Vicarius Prouinciæ, anno Domini 1444. in Capitulo Pisis celebrato, Prouinciam gubernauit annis tribus. Deinde sequitur qui ipsi successit electus anno 1447. ita vt anno datæ huius epistolæ 1445. non potuerit Petrus Bonus esse Vicarius Prouinciæ. Ergo vel author illius Elenchi, omisit bonum, vel hoc cognomen ipsi Latinio, ob vitæ innocentiam à fratribus impostum fuit, vel Albertus de Vice-Vicario loquitur, vel sermo de Conuentualibus est, qui vel absente, vel decedente Ministro Prouinciali Vicarium Bonum instituerunt, vsque ad electionem noui Ministri Prouincialis, vel reditum tunc forsitan absentis.

## EPISTOLA CIV.

## PETRO VERONENSI.

## ARGUMENTVM.

*Deprecanti Petro pro aliquo redintegrando, qui, vt videtur, predicandi facultate sua culpa priuatus est, respondet Albertus, sibi non videri, vt id tam celeriter fiat, propter causas in Epistola expositas.*

**P**ropterea quod me vrgent negotia, paucis tecum agam de illo amico charissimo, cui de sanctimonia vitæ, quam agit, testimonium insigne perhibuisti, & gaudeo, & indies, si non iuxta prophetica interminationem perdiderit sustinentiam, magis gaudebo, atque vtinam pro se eam gereret emendationis diligentiam, quam ego pro illo non opto solum, sed vehementer exopto. Verum difficile valde, simulque dignum est, vt qui toties

fratres scellit, non tanta celeritate extinctionionem recuperet, quam magno negotio seruant illæsam, qui etiam veraciter Sancti sunt. Quemadmodum prorsus è regione absurdum est, vt diu turpiter acta vitæ fastigio tanti ministerij honoretur, quo & Apostoli, & Apostolici viri insigniter claruerunt, quandoquidem magis tantorum scelerum poenas diuturniores luere debuisset, qui non modo nomen suum omnino confudit, sed & reliquos similis ministerij,



rij, atque omnem quoque Religionem fœda colluione violauit. Cuius fœtoris exalans teter, atque immanissimus nidor, vtinam solius Italix ac non etiam orientis delicatas nares compleisset: atque adeo, vt ne redolentia quidem Sanctorum, qui Christi bonus odor omni in loco existunt, facile sensum offensus odoratus instaurauit. Quod verò ei dictum fuisse asseris, de illo quid sentiam, cum nil malo animo factum sit, non magnopere curo, cum ipsius auribus meas voces pro emendatione eius mallem ingerere, quam cuiquam de illo pro cautela cauendi mali aliquid scribere. Quorum duorum cum vllus alterum, vel vtrumque potuissim sine culpa effi-

cere, illi quidem diffusus, non autem de illo desperatus (absit enim hoc à meo proposito) censui quidem sanioris consilij, si te de illo prudentiorem meis literis facerem, quam si illum, si mea monita contempsisset, molestius fortassis exagitarem, quamuis melius aliquando, vt dicitur, tumor capitis doleat, per cuius medicinam reliquis languoribus corporis subuenitur: Sed ego hanc cum eo causam aptius verbis presentibus agi oportere, si quando Domino volente daretur, quam literis grauioribus arbitratus sum, præsertim cum ea sit causæ turpioris conditio, *vt illicibili vlllo blandiloquio agi non debeat.* (1) Vale ex Brixia Prædie Kal. Nouemb. 1445.

## N O T A.

*Vt illicibili vlllo blandiloquio agi non debeat.* Hanc vocem illicibile in sensu actiuo apud solum Albertum reperio, cum alia pleraque eiusdem denominationis, seu deriuationis verbalia, passiuam significationem habeant, vt amabile, docibile, legibile, audibile, idest amari, doceri, legi, audiri potens, aut facile sit & similia. Non desunt tamen alia eiusdem generis, & desin-

entix verbalia, quæ actiue sumuntur, vt conducebile, rationale, seu rationabile, risibile, idest ad rem conducere, ratiocinari, ridere potens. Atque in hoc sensu Albertus noster blandiloquium illicibile vocat, quod illicere, delectare, & persuadere potens vel aptum sit, quasi illeceuium, attraçtium, persuasuum, quo sensu alibi vocat illicibilia oblectamenta, quasi per delectationem illicentia.

## EPISTOLA CV.

EPISCOPO BERGAMENSI.

## ARGVMENTVM.

*Ab Episcopo ad instruendum Ciuitatis populum aduocatus rescribit id sibi propositum esse, sed certum diem statuere non posse ob impedimenta, quæ à varijs occasionibus passim nascuntur.*

**H**Vmanissimis literis beneuolentissimæ Paternitatis Vestræ, quibus paruitatem meam ad populum vestrum aduocari curatis, paucis verbis respondeo, propositum mihi esse, atque id imprimis, ad vos celerius pergere. Verum quia vbique passim discurrenti impedimenta plura, ex occasionibus populorum occurrunt, non

quoque vobis statutum diem, aut tempus veniendi, certius polliceri. Orate ergo Dominum messis, vt mitat operarios in messem suam: Ego, quod in me est, spero ad vos celerius proficisci, nisi alia nobis impedimenta proueniant. Commendo me Reuerendissimæ Dominationi Vestræ. Ex Cumis 1445.

## EPISTOLA CVI

EPISCOPO BRIXIENSI.

### ARGVMENTVM.

*Huic etiam Episcopo, ad suos quoque ciues ipsum vocanti, id sibi in desiderijs esse respondet, sed superiorum, seu, vt vocat, Maiorum literis, & Arcanis quibusdam rationibus probiberi.*

**N**Ouæ nuper ad meam paruitatem allatæ, & literæ Maiorum & causæ, venerande Christi Antistes, quod dolenter dico, apud me non facile effecerunt, sed tamen necessario effecerunt, vt nequaquam votum ac desiderium, quod ipsum ratum & firmum habeo, veniendi ad vos, sed consilium, ratione consultum, in melius, vt arbitror, mutauerimus. Causas autem ipsas, si præsens ad essem, tuo Pontificali pectori libentissimè explicarem, cum eas literis non æstimem committendas. Sed in hac inuita mutatione Apostoli Pauli nos consoletur autoritas, qui cum impediente Sathana in Hispaniam, vt proposuerat, proficisci non potuisset, nequaquam se leuitate consilij vsum fuisse, sed intercurrente causa asse-

uerat. Spes quoque præterea firmior ea sit nobis, non parua molestiarum leuatio, quæ optamus, si Deus dederit, damna præsentia commodiore tempore compensare: in quo, Deo tribuente, neque hyemis asperitas, neque vlla nobis impedimenta proueniant. Tu interim Dei Præsul ora, vt, quod cupimus, implere possimus, vt has schedas molestæ meæ excusationis, vt veras, ita quoque, vt poteris, gratas accipies: Opus est enim sapientis, vt nosti, vt & temporis, & causæ, & personarum habeat rationem. Commendo metibi honorabilis Pater, & peto, vt hæc literæ meæ, sicut nec commune consilium Ciuitatis, sic nec singulos quoslibet lateant, qui tuæ discretioni videbuntur idonei. Ex Bergamo 1445.

## EPISTOLA CVII.

LEONELLO MARCHIONI FERRARIENSI.

## A R G V M E N T V M.

*Cupidissimus Leonellus consortij sermonis Alberti, fortassis; ut, quod per literas ab eo huc usque extorquere non poterat, Orientalis eius legationis res gestas in aurem ediceret, literas tum Apostolicas, tum superiorum ordinis obtinuit, quibus illi iubebatur, ut Ferrariam pro more predicatum accederet, & ambas ad eum misit, per nuncium qui ipsum duceret. Iis lectis Albertus hanc Epistolam rescripsit, qua suum quoque illuc accedendi desiderium aperit, & sublatis obstaculis profectiorem promittit.*

**L**ECTIS literis Apostolicis, ac maiorum mez Religionis, quas inopinatus mihi tuus nuntius nuper attulit, intellexi continuo, Marchio Illustris, simul & rursi honestissimam tue artis industriam, & solite solertie laudabilem diligentiam: Quæ & ipsa, de amore quidem in me tuo profecta, id certò effecit, ut *me volentem longius proficisci*, (1) in has improuisas pedicas, ut non dicam decipulas, mihi tamen minimè molestas contruderet. Ego verò quantum euangelica mansuetudo sinit, cum proposito tibi quidem recompensandæ vicis, tua vota libens complebo, nisi fortè, aut noua iussa me reuocent, aut Romana quæpiam causa se immisceat, quominus tempore commodo Ferrariam accedere queam. Nec mihi,

licet multo maiora pro Christo mecum sæpius animo agitati, erit ingratum, & si non parua cum iacturâ multorum, tue benevolentie morem gerere, cum tamen per nostræ falcis exiguum ministerium plerisque maturis, albisque regionibus, quantum diuinitus fuisset adiuti, mersio salutaris adhibenda fuisset. Quod tu, quia tua, quamuis honesta querere maluisti, considerare forsitan, neglexisti, vel, quod potius arbitror, dissimulandum putasti. Tribuat tibi Christus pro te vitæ sanctimoniam, pro tuis populis sapientiam, & aduersus iniquos hostes inexpugnabilem fortitudinem. Vale & Patri Episcopo nos commenda, ac Preceptori Communi. Mediolani 14. Kal. Iulias 1446.

## N O T A.

*Me volentem longius proficisci.*  
Hanc profectiorem explicat Epistola.  
CLIX. ad Iacobum Primadicium, dicens:

*quamuis cogitarem iam à Domino nostro ( Pontificem intelligit ) & à Fratre Ioanne ( Capistrano scilicet ) factus liber,*

*ber, ad omnes partes predicando peragrandas in Ianuam, deinde post Pascha in Siciliam, deinde in Catbaloniam, atque Hispaniam, in quibus regionibus multi, & boni viri, fructus mirabiles fauente Domino, pollicentur. Tam ardens erat Beati huius Viri Seraphicus zelus pro lucrandis omnium gentium animabus, ut cum olim Hierosolymis esset, perierit ab Eugenio Pontifice, ut cum liberum faceret ad quasque orbis partes, quamuis admodum remotissimas, siue fidelium, siue infidelium peragrandas, & ad quantumlibet barbaras nationes adeundas, & gentes extraniores conueniendas; Ni-*

*mirum, quæ de Sancta Theresia canimus, Christum daturus aut Sanguinem: Er hanc licentiam sicut se nunc habuisse scribit, sic tunc fortassis obtinuisse, nisi Pontifex ipsius opera in rebus Orientalium, ad Concilij Florentini complementum disponendis, indiguisset: Sed quantam postea libertatem, & quam amplissimas facultates eundi, & à se deligendos socios ad omnes mundi partes mittendi, obtinuisse, ipsum Pontificis diploma, quo secunda vice in Orientem Legatus fuit, aperte docet, & recentior facultas, in Epistola CX. ad Eugenium Pont. scripta allegatur.*

## EPISTOLA CVIII.

## EPISCOPO RAVENNATI.

## ARGVMENTVM.

*Bartholomeo Roucellæ, Eugenij Pont. prius à Secretis, Episcopalem dignitatem aggratulatur, ampliora certo promittens, modo it non novorum vitam, sed veterum Episcoporum virtutes imitetur, cum brevi, &c, ut aiunt, remissiva hortatione ad eandem.*

**D**IV est quod ad te scribere disposui, Pater Episcopo, sed quotidianarum prædicationum laboribus præpeditus, quas, ut scis, penè quotidie pro more nostro antiquo propter Dominum ad fideles populos habemus, implere nequii: nunc verò paululum à defensione respirans, his paucis me tibi commendo, agens simul Domino nostro ingentes gratias, quod Episcopus factus es. *Nescio an simul dicam, &c tibi congratulans:* (1) Nosti enim pro tua prudentia cuius ponderis sit non vocari, sed esse Episcopum, præsertim hac tempestate nostra, quando Episcopi, qui sine crimine, iuxta Titum, siue ir-

reprehensibiles iuxta Tymotheum, constitui debeant, ut reliquum Catalogum taceam, vix est, maxime apud multos, quod lugubriter dicimus, ut non sint etiam in maximis criminosi. Lege Hieronymum ad Pammachium, lege eundem ad Nepotianum de Vita Clericorum: Lege commentarios eius ad Titum: Reuolue Prophetale opus illius. Inspice diligenter regulam pastorem Romani nostri Gregorij, ut taceam documenta viri mirabilis Gregorij Nanziazeni, & liquido peruidebis, non quibus vitijs sint nostri temporis Episcopi irretiti, sed à virtutibus Episcoporum quam longè absint: & ut idem Hieronymus tuus, immò

immò noster, verissimè ait. Quando potentia Ecclesia, & opibus creuerit, tanto facta sit virtutibus minor. Ego tamen cognoscens indolem tuam, refero gratias Deo nostro, qui te in numerum Episcoporum digessit, optans, & oratione ardentissima flagitans, vt longè omnium Episcoporum, tam veterum, quam nouorum, & sanctissimus & doctissimus fias, atque in dies euadas in Episcopalibus virtutibus cumulator, quo Mater Ecclesia mæstior effecta per improborum insolentiam filiorum, siue Episcoporum, tanto te alumno lætetur. Aderit autem tibi, si voles, Omnipotens Deus, vt *Christo propitio certus sum*, (2) atq; ad summa scandendi, & optima, quæque, vt Præsulem Dominicum decet, ac præclarissima exoptanti, cunctis periculis huius vitæ, mille

mortibus moribundæ: adhibebit & Dominus tibi cæleste præsidium, maximè, si in tuo Episcopatu virtutes potius Episcoporum veterum æmuleris, quam vitam nouellorum. *Francisco Marscalco*, (3) quem nuper Romæ contra vetusta vota illius factum audio Sacerdotem, eadem, quæ tibi, votis ardentibus spiritalia bona deponco, eumque peto per te nostro nomine salutare. *Litteras bis alligatas* (4) oro ne curare graueris, quo tuo studio ad Fratrem Iacobum Primadicium, nobis iam parentem animæ constitutum, diligentius perferantur. Ita enim & ipse suis ad me literis fieri debere petiuit. Vale & si dignaris aliquid nobis cum presbytero Francisco rescribere. Ex Mediolano 5. Nonas Iulij 1446.

## N O T A E.

## Nota, I.

*Nescio an simul dicam, & tibi congratulans.* Dubitat an eum aliquo ad eam animarum promotu congratulandum sit, propter rationes quas in Epistola exponit. Vide Epistolam 90 de ambitu dignitatis, & nostras ibi notas.

## Nota II.

*Vt Christo propitio certus sum.* Sapientum Lætorum maturæ considerationi iudicandum relinquo, vtrum hæc B. Viri certitudo prouenerit ex ipsius prudentia & notitia ingenij Rourellæ, quam ipse in Epistola profiteretur, an ex prophetico spiritu, quo hominis futuram prosperitatem, & virtutis perfectum præuidisset, quæ pariter insinuare videtur, atque, inquit, ad

*summa scandendi, & optima quæque, vt Præsulem Dominicum decet, ac præclarissima exoptanti:* Bartholomæus etenim tantus Vir postmodum euasit, vt post Ecclesiasticarum vrbiu varias præfecturas, pace, belloque gestas, & Rauennatis Archiepiscopus honorem, pro ingentibus in Apostolicam Sedem meritis, Cardinalitia dignitate donatus est, in ea dignitate multiplici eiusdem Sanctæ Sedis Legatione feliciter functus est, in quibus Principum, pluriumq; nationum clientelas sibi quoque obtinuit: Gloriosam denique vitam eum felici morte commutauit seu sexaginta, seu septuaginta annos natus, nam varie Vghellus & Ciaconus nouissimæ editionis tumuli eius Epitaphium describunt.

*Francisco Marefcalco . Vide Alberti ad hunc ipsum Epistolas , & nostras ibidem Notas .*

*Litteras bis alligatas . Sunt quæ hic immediatè sequuntur eodem die datæ .*

## EPISTOLA CIX.

IACOBO PRIMADICIO BONONIENSI.

### ARGUMENTVM.

*B. Albertus in rebus suis à superiorum nutu ita religioſè pendebat , ut abſque illorum voluntate nihil ſibi agendum cenſeret . Nunc igitur officio Vicariatus Generalis renuntiante Capiſtrano , eoque ſubſtituto illi Primadicio , quamquam Albertus Pontificis , eoque Capiſtrani voluntate , poſſet prædicatum ire quo vellet , ac iam deſtinaret ad ea loca proſciſci , quæ in Epistoſa nominat , voluit tamen Primadici iuſſione Ferrariam ire , quamquam eum fructum non ibi quem alibi prouenturum ſperaret .*

**L**AVS Deo Omnipotenti , qui te nobis tribuit in Paſtorem , ipſe det tibi ſapientiam , ac guſtum , & fortitudinem Euangelicam , ad gubernandos apoſtolicos profeſſores . Ego , in quo poſſum , volo tibi ſinceriffima affectione ad-eſſe . Ferrariam pro Quadrageſima ibo , ſi non mihi talia impedimenta proueniant , per quæ tu ipſe me cenſeres merito excuſandum , quamuis cogitarem , iam à Domino noſtro & Fratre Ioanne factus liber ad omnes partes prædicando peragrandas ,

ire Ianuam , deinde poſt Paſcham , in Siciliam : deinde in Cathaloniam , atque Hiſpaniam , in quibus regionibus multi , & boni viri fructus mirabiles , fauente Domino , pollicentur . Ferrariæ verò ego tanto tempore prædicaui , ut me parum æſtimum profuturum . Verum ex quo ita tibi videtur morem geram , reliqua cum Dominus voluerit , expleturus . Ago gratias humanitati , & liberalitati tuæ in me . Vale ex Mediolano 3. Iulij 1446.

## EPISTOLA CX.

BEATISSIMO PAPÆ EVGENIO.

### ARGUMENTVM.

*Acceptis Eugenij Pontificis eoque Vicarij Generalis Primadici litteris , quibus Fer-*

*Ferrariam ire iussus est, sicut Primadicio per precedentem, sic per hanc Eugenio respondet se per omnia pariturum.*

**L**iteras tuæ Sanctitatis B. P. ad quartum decimum Kalendas Iulias apud Mediolanum accepi, quibus me hortaris, & tibi gratum futurum dieis, si optantibus & petentibus Ioan. Episcopo, & Leonello Marchione Ferrariensibus, claris viris, illuc prædicaturus futura. Quadragesima proficiscar: quorum ego vota poscentium sicut libenter exaudio, sic tuæ apostolicæ voluntati, & sine delectu fortasse potioris boni, non immerito me substerno: statueram enim, aut Mediolani post biduum, rogantibus pijs Ciuibus, cum spe maximarum in Domino frugum, tertium explere annum, aut si nobis Dominus affuisset peragraræ Aemiliae & Ianuensibus paululum salutatis, in Siciliam, Cathalauniam,

ac reliquam Hispaniam, relicta Italia, pergere: Vnde mihi per testimonium & grauium, & Sanctorum virorum, albescens Regionibus, messio salutaris suggerebatur; sicut ipse cum tua beatitudine apud Senas, expleto iam triennio, simul contuli, & tu hoc ipsum, cum apostolica sapientia, plurimum comprobasse, tum etiam diuina autoritate non parum roborasse compertus es. Quæ cum ita sint, ego nihil de me mihi referuans, totum tibi committens ibo libens Ferrariam, nisi Tua S. aliud faciendum statuerit, quod ipsum si mihi significari debere cœnaueris, sapientiz tuæ erit, vt ita fieri celeriter iubeas. Dominus te tueatur Omnipotens B. P. Ex Mediolano 5. Nonas Iulij 1446.

## EPISTOLA CXI.

BEATISSIMO PAPÆ EVGENIO.

## ARGVMENTVM.

*Cum adhuc Mediolani moraretur Albertus, importunis atque instantissimis precibus Monialium Monasterij S. Mariae de Cantalupo coactus, ipsarum desiderium non intercedendo sed referendo Pontifici inuitus proponis, ut Sua Sanctitas disponderet, quod sibi melius videretur.*

**A**d eximiam tuæ Sanctitatis sublimitatem, & authore Deo, præcellentem nimis elementiam, Beatissime Papa, pro Sanctimonialibus B. Mariz, quas vulgo de Cantalupo appellant, quæque apud Mediolanum B. Augustini Ordinem profitentur, non declamator, non

orator, non persuasor accedo, sed earum, quæ abs te honestè, vt putant, postulant, simpliciter inuitus narrator, inuitus, inquam, atque abstractus, sed non illectus, quamuis potius victus, quandoquidem illæ ipsæ vix me diem integrum quiescere sinunt, quo minus insistent,



vrgeant, & muliebri importunitate penitus inquietent, vt meis literis causam illarum saltem apud te querat, si illam; quod sane mallet, tueri atque agere nolim. Nam cum viginti iam & quinque ante eo amplius annos, à Fratribus S. Angeli Ord. Minorum, & morum instituta, & consolationem sacrorum, & curam spiritualis vitæ susceperint, idq; magna cum verorumque laude pudicitæ, mirantur simul, & quærent, quid causæ sit, cur nunc ab eis fratribus, etiam iubentibus Religionis Maioribus, nullo vitio illarum, sed hac sola ratione relicte sint, quod videlicet asseratur illas non esse Ordinis S. Claræ. Quæ quidem ratio, si iusta censenda est, orant alterum e duobus, aut dari sibi regulam Sanctæ Claræ, quam imprimis vehementer exoptant, aut quod est postremum, mandari per Sanctitatem tuam prædictis fratribus, vt eas, solito more, diligentius curent: Plena quidem autoritate corrigendarum illarum, si aliquando, quod absit, per lapsum imbecillitatis humanæ, emendatione pie distractionis aliqua indigebunt. Nam hæc vel sola causa est, cur Fratres ab illarum cura abhorreant, ne cum sinistrum quicquam fortè acciderit, in eos verteretur eorum calumnia, quas illa potestate cohibere nequiuissent. Illæ verò præiudicata sententia magis sibi moriendum existimant, quam vt pudoris, & castimonie gloriam violantes, sanctimonie quoque omnis honorem vlla occasione delinquendi euacuent. Itaque nihil suppliciorum non potius sibi subeundum arbitrantur, ne à vitæ integritate descendant. Meminimus, inquit, quæ inter illas vetulæ sa-

cræ iam sunt, præteritorum dierum, ne dicamus malorum, quando ab alterius vitæ hominibus, non integris virtutum habenis errantes, per devia ducebamur. Quo de periculo cum clementissimus Deus, per mysterium verbi suauolentis, & recolendæ memoriæ, beati iam, & religiosi Patris Fratris Bernardini Senensis, nos eripuerit, nihil ambigimus, plurimum penitus interesse inter perniciofa laxamenta nostræ olim abolitæ dissolutionis, ac præsentis integritatis, quam modo auctore Domino possidemus. Quo fit, vt quantum verendum nobis putamus non perniciosam vitam, quam euouimus, repetamus: tantum summo studio curandum existimemus, ne documentis salutaribus fraudemur, maximè quibus nos Vir Sanctus instruit, cui Dominus coruscis miraculorum luminibus quotidie perhibet testimonium. Ab ipso enim adhuc in carne viuente, ad emendatiorem vitam conuersæ, hoc ad diem istam gubernationis genus accepimus, quod abijcere nefandum putamus, præsertim cum certò sciamus, quantumlibet sanctas forminas, licet altiore Religionem professas, nulla penè maiore occasione à vitæ sanctioris proposito funditus concidisse; atque, vt palam est, omnino esse euersas, atque peruersas, nisi quod per incuriam malè eas tutantium, non tam alendæ pastoribus, quam vorandæ lupis, passim expositæ sunt. Petimus ergo, inquit, B. P. vt aut scandere ad altiora volentibus, id quod potissimum semper, & optamus, & flagitamus, atque exposcimus, arctior nobis viuendi norma, quam diximus, per tuam clementiam concedatur, quando hoc fieri de-

debere cum ratio consulta, tum veteres Patrum Ecclesie sanctiones facile persuadeant: aut, quod minimum est, ad pristinum gubernationis genus, etiam durioribus præceptis, & sanctæ disciplinæ vinculis arceamur: quamvis infirmæ ut sumus mulierculæ, magis optemus communem illum cum prædij monasterij viuendi modum faciliorem pariter exequi, quam altissimum omnium prorsus abdicandarum rerum gradum audeamus expetere. Hæc est cura nostra B. P. quam supplices à Tua Sanctitatæ compleri petimus,

ne si in manu aliorum, atque à spiritali vita alienorum traiciamur, minus sancta discentes, perdamus tandem vitam, quam longo iam tempore, Christo auctore, laudabiliter viximus. Exposita est à me breuiter sanctarum foeminarum conuersatio, atque illarum, ut mihi videtur, magna ex parte rationabilis postulatio, B. P. Doceat te Dominus Iesus Christus, omnium vere Sanctimonialium felicissimus sponsus; quid tandem hæc in re agere debeas. Ex Mediolano 2. Nonas Iulij 1446.

## N O T A.

Huius Epistolæ ac rei totius euentum, & Monasterij historiam narrat Vvadingus tom. 5. sub anno 1447. nu. 93.

& Nicolai Quinti Pontificis diplomata inferuit eius tom. regesto pag. 357.

## EPISTOLA CXII.

## POPULO BRIXIENSI.

## ARGUMENTVM.

*Episcopus, duo successuè Prætores, & Populus Brixienfis omni studio per literas, & nuntios flagitabant Albertum, ut ad eos predicatum, & ciuiles eorum discordias compositum accedere vellet: sed semper erant obstatula, & nunc noua nata sunt etiam pericula maioris mali quam fructus. Ille propter hæc se etiam nunc à professione excusat, spem præferens illis ablati accedendi. Monet interea, ut ipsi rem bene disponant, ut cum venires, ea facilius esset, & causas dilationis, quas charitis committere non conueniebat, ipsorum nuntio referendas committit.*

**V**squæ ad eò magnæ atque periculose ad vos veniendi difficultates nuper exortæ sunt, clarissimi ciues, ne præteritas repli-

cem, ut si ipse contra illas frustra conatus, ad vos, ut deuotius flagitatis, omnino perrexero, cum inde fortè aliquid incommodi, ut factu

facillimum est, tandem emerferit, non providentis planè solertiz, sed ineonsideratz temeritatis, poteo à rectè sapientibus digna reprehensione coargui. Cumque præuisa pericula, quod est longè gravissimum, pro honestate Religionis, à me vlla ratione palàm dici non debeant; sit profectò, vt me voto dumtaxat, desiderioque præsentè, & si absente corpore, vos in illa à me quondam facta, ac gerenda proposita, omni studio diligentiaque conemini; quæ talia reuera sunt, vt ea per alios viros idoneos, ac per vos ipsos, ad maiora perficienda probissimos, Christo adiutore, sine me compleri magna cum sufficientia queant. Si quando autem cessantibus, quæ nos in præsentia, ne ad vos pergamus, præpediunt, grauioribus causis, tempus vllum rebus agendis commodius, orantibus vobis, pius Deus, vt bona spe esse nos conuenit, aliquando tribuerit, non deero

vobis, si vita fuerit comes, quominus vos totos in Domino meos, & præsentia mea, & gratia qua à Christo donati sumus, vberius in Domino consolet. Interim dum venio, instate diligentius euncto gerendo negotio; ne tùm solum compariamini aliquatenus de mea voluntate solliciti, eum me tantum præsentem oculis intuemini: Alioquin non tam amoris erga me vestri dignè laudabimini, quam culpandæ negligentiz, ac non verè dilectionis merito arguemini: Cæterum quæ restant scribenda, imò, nec scribenda, exponet harum perlator, quem ad me ipsi misistis. Commendo me maioribus, & natu, & auctoritate, & dignitate, omnemque populum, & qui nos in Domino diligunt, opto, & oro cælesti vberius nobiscum gratia benedici amen. Valetè in Christo Iesu D. N. & orate pro nobis. Ex Mediolano Kal. August. 1446.

## EPISTOLA CXIIL

ANTONIO CREMONENSI.

### ARGUMENTVM.

*Antonij sui, quondam in Orientem proficiscentis religiosi, & Christianissimi Socij simplicem, & sinceram confidentiam, qua ipsum fortassis ad patriam suam concitabat, ironia festiuissima deludit. Accessum tamen, & quidem in certum diem, ad aurem nuncio dictum promittit, si nihil interim obstitit.*

**O** Fortunatos fontes, & felicia flumina, quibus contingit Antonium Cremonensem ceruum minimè omnium nasci: profectò tum verendum fuisset, nè

fortè vos totos, à pluuiæ, à nimbi, à què latè affusum Oceanum, ingenti illius siti exhaustos, siccatis venis, vacuos reliquisset, à beatum illum Ciceronem Romanæ Urbis illu-

istratorem, & eloquentiæ Principem; cuius linguam penè omnes mirantur, *ex si pectus non ita*: (1) cui quod, nisi fortè Demosthenes, nullus præripuit, ne esset primus orator; cum quo tamen & ipso Demosthene, benè quidem, ut ratio postulat, actum est: ne quis ei in persuadendi ardore ac viribus præferatur: primasque in dicendo ac scribendo partes sibi insolenter usurpet. Quod certè munus dicendi insigne, ac flectendi humanos animos, si cui mortalium dandum fuisset, & ca. Antonio Cremonensi, imprimis meo, fortè fors aduenisset. Iesu bone, quid agerem? quo me me verterem? quo me ingenio tuerer? qua deniq; claua illum herculea me tam forti stylo aggredientem repellerem? Nam en modo quanta vi, quanta arte, ab eo res agitur, quando vix modicè disertus est: quid tunc ageret, cum non modo eloquens, sed etiam orator, isque perfectus, ac singularis euasississet? ecce modo qualibet sit eloquentia tinctus, disertitudine tamen victos, & stylo superatos, ad sese nos conatur attrahere, blanditur, terret, pollicetur, minatur. Illecebrosa proponit, amena parat, spiritualia ostentat, populorum expectationem denuntiat, qui audire nos gestiant, necessitatem ingerit, ut anxium iuuem, ut laboranti subueniam, ut fidem seruem, scandala vitem, ne in via deficiat, neu pereat. Nihil nobis defuturum, neque ad otium, neque ad negotium, dicit adesse omnia, domum, locum, gymnasium, cubile, pomaria, hortulos, ac prata irrigua, &

quo me magis alliciat, & ad se cito, celeriterque trajiciat, murenulas aureas pollicetur, & declamatorium, ve vocitat, solium, quod nos vulgo pulpitum, siue suggestum dicimus, sæculi autem homines rostrum appellauerunt. Cui oro te, hæc pollicitatio, non etiam magnam incutiat voluptatem, sed Epicureo cuiuspiam, nobis nequaquam. Quos quia spirituales homines putat, & Sanctos cum Abraham, sub arbore repromittit quietem. Quia verò professos Christi paupertatem nouit, poma micia proponit, atque castaneas, victum castitatis, & parsimoniz; ut tandem nullo genere nobis, quod oprat, non persuadeat, non extorqueat. Ego mi Antoni, ut ad te sermonem conuertam, modo, quem voles, siue spiritualement, siue carnalem, abs te verò victum me fateor. Visti enim nos Cicero, ait Cæsar; & ne me hominem arbitreris inexorabilem, ad te conuolans venio, cum primum porero, si tamen non se aliquid impedimenti (quod scio dicis absit) nostro proposito importunè immisceat. Dies autem condicta professionis ad te nostræ huic perlatori comperta est. Interim tuo statu, & opera parentur abs te noualia, idest, arentur corda aratro illo eloquentiæ tuæ terrificæ, simul blanditiosi leporis, cum opus est, super quo iacta per nos postea, ut expetis, Christi semina, & tricenos, & sexagenos fructus, atque centenos incremento Dominico lætis frugibus afferant. Vale ex Mediolano 11. Aug. 1446.

## N O T A.

*Et si peccatus non ita.* Familiare huic Beato viro est, dum Ethnicos, aut Schismaticos aliqua ex parte laudat,

illam excipere, qua laudandi non sunt: sic hoc loco Ciceronis eloquentiam extollit, sed Ethnicum, & fide Christi vacuum peccatus excipit.

## EPISTOLA CXIV.

## EPISCOPO FERRARIENSI.

## ARGUMENTVM.

*Hoc anno 1446. die 24. Julij obiit in Domino B. Ioannes Tauellius à Tossiniano, ex Ordine Iesuatorum, Episcopus Ferrariensis, Vir Sanctissimus, cui, ut acta consistorialia me docent, 6. Id. Augusti Romæ successus est Franciscus à Padua, Thesaurarius Pontificis, quem Vgbellus de ligamine cognominat: atque hic apud se reputans optimam boni regiminis dispositionem fore, si Albertus persequentem Quadragesimam Populum Ferrariensem sermonibus erudiret, per literas Romæ die 21. Octobris datas, ut id faceret, enixe rogauit. Venturum se rescribit Albertus, & hac occasione Franciscum ad onus Episcopale pro dignitate ferendum hortatur, proposito ipsius immediati præcessoris exemplo, multisque alijs ad rem pertinentibus, qua monitione non obtusum stimulum addidisse credendum est ei admiranda mutationi vite, quam refert Vgbellus, cum dicit Franciscum ex licentiosa vite ratione, repente Spiritus Sancti gratia, cunctis admirantibus, in virum optimum mutatum fuisse, inestimabilis bonitatis, magnæque existimationis præfulem euasisse: adeoque Eugenio IV. Nicolao V. Calixto III. & Pio III. Pontificibus eximie charum fuisse.*

**A** Vdiueram iam pridem quod tuas ad me dares, Francisce præstantissime, atque ex amico quondam, nunc, quod libens dico, & amice & Pater, non parua omnium admiratione, te factum esse Episcopum. Opus sanè arduum, atque difficile, & si bonum olim ad desiderandum, nunc vero, & ad optandum temerarium, & ad administrandum periculosum est, cum pondera quidem rerum urgentium nostra

quam priscorum maiora sint, atque ea vrinam salutaria, sed vigor spiritus adiuuantis, à feruore Sanctorum Patrum tepescens, ut non dicam, nullus, certe exilior factus est, & ut noster Hieronymus de temporibus suis queritur, quæ & fæces vocat, nostra verò quæ appellentur? semper Ecclesia quanto potentia & diuinijs creuit, tanto virtutibus minor fuit. Quis ergo ad tantæ molis, id est, ingentis dignitatis altissimam

turrim

turrim ædificandam, sumptus, ut par est, iuxta veritatis sententiam, idoneos afferat: ne tandem, & præsumptæ temeritatis iacturam luat, & à spectantibus contumeliosè illusus merito irrideatur. Quo fit, ut Episcopatus opus, opus inquam, non otium, quod dudum præclarum in Pontificibus, qui primi ad necem rapiebantur, martyrij decus sacrabat, & pretiosa pro Christo Sanctorum Episcoporum mors, insigne ac splendendum faciebat; id ipsum modo non tam durum ad exhibendum effectum sit, quam miserum ad optandum, quandoquidem pro moribus nostræ huiusce tempestatis, eo res tanta deuenit, imo collapsa atque euerfa sit, ut aut omnes bonos malitia temporum ab hoc onere subeundo deterreat, aut malos magnitudo ponderis atterat, aut utrosque viribus impares, summa cum iactura, & dignitatis & personarum excepiat. Quo enim pacto, ut cætera sileam, corruptos emendatura est dignitas tanti honoris, in qua, & per peccandi licentiam, & per potestatis insolentiam, & per occasionum illecebrosa fomenta atque irritamenta, vix raros integros seruat. Ego tamen, Franciscè, Pater, civitati Ferrariensi pro te Præsule valde congratulor, quæ te meruit habere Antistitem, quem ipsum longè ante plerique ad maiora tollendum, siue suspirabant, siue sperabant. Itaque, ut ante prædixi, non parua omnium, qui te nouere, admiratio fuit, te illi tributum fuisse honori, qui grandiora de te futura vaticinabantur. Tibi tamen à puero in Ecclesia, atque in conspectu Pontificis maximi educato, in tantis temporum iniquitatibus, non parua felicitas est,

te inter cæteras Christiani Orbis Ecclesias illi præsertim iam esse Prælatum, in qua nuper, in pace defunctus, tam Sanctæ memoriæ Episcopus, diu laudabiliter præfuit: qui tibi, & pro ætate magisterio, & pro sanctitate exemplo, & pro meritis, ac factorum claritate incitamento futurus sit: Ut tibi non modo diligenter curandum existimem, quo nitaris apud quosque Sanctum atque egregium virum, verum etiam, ut Christo authore, coneris præfessorem tuum superare, virtute vincere, meritis, & rectè factorum gloria illi præstare: quem, ut pudor erit, quod absit, permaximus, si ab illo decisses, ita quoque, incomparabilis, & gloria, & corona, si illum re, si æstimatione, si gratia superabis: si quidem non sum nescius nihil, & tibi, & cuiquam hominum, aut meriti, aut honoris posse clarius obueneri, quam si non dico aliequare, quod præcipuum est, sed si vel dedita opera magnorum in Domino studia, laudem, & gloriam emuleris: quoniam profectò ea res est, quæ & si nos ad summa non peruchat, ac præcellentibus virtutibus dedat, certè & ab imis eripiat, & à turpibus, ac perditis sceleratorum hominum moribus auocet. Quæ sanè omnia, ut cumulo tibi proueniant, sicut voto, sicut oratione ad Deum; ita quoque, ut postulas, meo sattu, imò Christi munere, quod quidem attinet ad ministerium verbi Dei, in futura Quadragesima te lubens, ac tuum populum, adiuuare conabor. Quid enim, quod tibi tanta hilaritate, atque instantia, & tam honestum negotium postulanti, nisi impudenter negare queam, qui potes, & pro iure amicitia paucis impetrare, & pro

reuerentia Pontificij apertè iubere : Equidem enitar commodo tempore me tuo populo exhibere . Tu si aderis præsens , magno mihi solatio futurus es . Sin minus , Leonellus ille Marchio Illustris , tam diu meus , pro te mihi erit , quod solet : Bonum tamen arbitror , ut quæ commoda putabo , à tuis tua in Ecclesia fiant pro Verbi Domini fructu cumu-

latiore liberius augendo . Vale mi Pater , nec sus putetur docuisse Minervam , sed amicus , amicū familiariter monuisse : Sanctissimo D. N. me commendabis , quàm pro eximia eius dignatione illius maiestatem mea decet humilitas , ex Papia 17 : Nouembris cum tuas recepissem besterno die , Romæ datas ad 21. Octob. 1446.

## EPISTOLA CXV.

GVARINO VERONENSI.

ARGVMENTVM.

*Incolunitatem suam , & futurum post Festa Natalia Christi , Ferrariam accessum , Guarino Veronensi præceptori denuntiat , cuius pigora mittit noui Ferrariensis Episcopi , & suarum ad hunc literarum exempla , Leonello Marchioni & ipsi Guarino legenda , sibi que in aduentum studiose seruanda .*

**V**T, quod scio , peroptas , præceptor insignis , quid de nobis agatur , noris , & quod præterea vita , & sanitate comite , & Christo authore , facturi simus , breuibus accipe . Ticinum nos tenet , nec inde diuelli fas est , antequam Natalis Domini religiosa solemnia celebrentur : deinde ad vos , quam celeri poterimus itinere , aut terra , aut mari (1) pergemus . Ita nos , & Summus Antistes , vestro , ut arbitror , assu (2) (te intueor , & Leonellum ) ante hoc semestre fieri iussit , & nuper designatus Præsul Fer-

riensis , magno hortatu literarum , suarum , ad diligentiam Sancti præcessoris , quem in Domino defunctum reor , adiciens , à nobis facile exorauit . Cuius ad me literas , & item ad eum nostras tanquam vades nostræ ad vos profectiois , & Illustri Marchioni , & tibi legendas diligentius mitto , & tu illas , quo ad venerimus , omni studio custodiendas , reddendasque seruabis . Vale , nostri ætate memor , & si id tibi suggerit amor , aliquid ad nos scribito . Ex Papia 1446.

N O T A E.

Nota I.

*Aut terra aut mari.* Inter Ticinum , seu Papiam , & Ferrariam Mare nullum proprie dictum est , sed Padus

Fluvius , Ticino in Adriaticum mare diffuens , Ferrariam præterlabitur : ergo fluuiatile nauigium per maritimum iter intelligit : mare enim significat quamcumque congregationem aquarum .

No.



## Nota II.

*Vestro, ut arbitror, astu.*

Leonellus nimirum & Guarinus Albertum per omnem modum habere voluerunt, qui proinde omnem hunc mouerunt lapidem, ut & Primaditus ordinis Præfectus, ac defunctus, nouiterque electus Episcopus, & ipse supremus Antistes Eugenius ipsum ad Ferrariensem professionem hortaretur, quorum

vel nurus Alberto, pro religiosissima sua consuetudine, in præceptis fuit.

## Nota III.

*Papia 1446.* • Non signatur dies mensis, quoniam ex altera ad Episcopum satis intelligitur quæ simul cum ista & scripta & missa fuit, hoc est 17. Nouembris Ticino seu Papiæ, quæ eadem est.

## EPISTOLA CXVI.

ANTONIO RAVDENSI.

## ARGUMENTVM.

*Epistolam debitam, promissamque reposit, & biennale silentium amicæ obiurgatione castigat.*

**S**I Epistolam ad me tuam, Raudensis Pater, quam iam toties, & si frustra, pro me abs te iure reposito, nunc tandem aliquando per harum baiulos, licet cum detrimento tui pudoris, nequaquam cito reddideris, profecto meæ negligentiae sit, imò potius læsi amoris erga te, mei, si non illam deinceps veluti clauam quandam herculeam, quæ omni mihi aduersum te & iustitiam, & ratione debetur, non tam negando, quam carpendo per acerbiora conuitia, mihi ab inuito te, tanquam Hercule de manibus confertis extorquere curabo. Atqui id ego pro meo æquo iure, probantibus æquis iudicibus, & rectè, & sapienter efficiam; quandoquidem tu mihi illam interdum, nec roganti, fueras superiore anno tua sponte pollicitus. Quod certè cum violata fide minus impleueris; considerandum tibi non

negligenter existimaui, cuius sit humanitatis, ne dicam virtutis, ut mihi tam amicè, atque ante hoc fermè biennium, tibi primum scribenti, ne tres apices quidem vnquam responderis. Neque enim podagræ valetudinem amplius obtendere potes, qui mihi à plerisque aut quotidie sulcare longiora domorum spatia infirmularis; claustra dico, & amplas porticus; aut firmius altare *fauci illi* (1) horrendæ, qua cornicularum, ut soleo dicere, siue mihi coruorum, infestior aditus promiscuè frequentatur. Sed tu fortè per angustiam temporis te ab accusatione purgabis. At verò *biennium iam agitur*, (2) quo nostra tibi epistola reddita est: Num occupationes tuas pro dilutione mihi obijcies; at tu, ut scio, otiosissimus es. Itaque vel negligentiam liberè accusabis tuam, vel Epistolam me tuam illa, pro qua dura quidem,

sed debita apud me sponſione obſtri-  
ctus es, libens non inuitus placabis,  
ſedabis, lenies; ni, quod poſtremum  
ſummopere tibi cauendum eſt, alte-  
ram meam aſperiores expectabis epi-  
ſtolam, meritò tui obiurgatricem,  
qui haud quaquam ſuperiorem tam,

dulciter tui exhortatricem exaudire,  
dignatus es, vtrum vitio tuo, an  
conuitio noſtro, tu cenſeas. Vale  
& nos ama, quia nos te in Domino  
diligimus. Ex Papiæ 22. Nouem-  
bris 1446.

## N O T A E.

## Nota I.

*Fauci illi.* Aditum aliquem, ſeu  
fenetram cœnobij intelligere videtur,  
coruis, vel corniculis peruiam, ad  
quem Antonius Senex, & valerudina-  
rius caprandæ fortassis auræ cauſa perſi-  
ſtere ſolebat.

## Nota II.

*Biennium iam agitur.* Non di-  
xit biennium iam eſt, ſed biennium

agitur, ſeu vt ſupra dixit, ante hoc ſer-  
mè biennium. Priores enim Alberti ad  
Antonium vltimo Iunij anno 1445. da-  
tæ fuerunt, & præſentes 22. Nouem-  
bris anni ſequentis: erat ergo menſis  
ſerè abſumptus decimus ſeptimus, in  
quo non eſt completus, ſed agebatur  
annus ſecundus, quo prima Episto-  
la Antonio reddita fuit, accipit ergo pat-  
tem pro toto.

## EPISTOLA CXVII.

FRANCISCO BARBARO VENETO.

## ARGVMENTVM.

*Beatus Albertus octo iam annos à Brixianis flagitatus, vt pacem diſſi-  
dentibus ciuibus allaturus accederet, varijs obſtaculis inter ea præpedi-  
tus, nunc tandem opportunius venit, concionatus eſt, & pacis pacta  
firmauit. Quæ ciuium Primores cupiebant Senatus Veneti decreto per-  
rennari. Quod vt fieret, Albertus per hanc Epistolam aduocat Bar-  
bari auxilium.*

**A**Nnus octauus nunc agitur, hu-  
maniſſime Barbare, ſi non  
me fallit opinio, quo me-  
tunc Præſes Brixienſis ſummo illuc  
ſtudio vocare curasti, vt populum,  
& homines, quos bellieoſiſſimos no-  
minabas, & vt quiſquam adiiceret,  
periculosa ſimultate inuicem diſſi-

dentibus; ad pacis atque concordiz  
vnitatem, noſtro quidem ſatu, ſed  
Dei incremento, per Euangelica do-  
cumenta reuocaremus. Verum quod  
interecepto itinere noſtro, eo tempore  
fieri per varias occaſiones non potuit,  
idipſum in hanc diem Chriſti Domini  
miranda ſapientia ſalubriter diſtulit.

Et

Et ecce in his penè omnibus, qui maiores ciuitatis & natu, & autohritate habentur, vt miraculum præstantius putes, is animus diuinitus, atque ea mens est, vt omnes præter reprobos, qui perpauci sunt, cum fratribus conciliari vehementissimè expetant: sed ne aliquando ipsa malitia paucorum coactos seniel in amicitiam per insolentiam ac leuita-

tem dispertiat, optant, vt Veneti Senatus Consulto, quæ maiore ex parte statuerint, immortalis firmitatis sententia roborari. Oro igitur te, vt honestissimæ causæ tanti ponderis velis adesse, quam iste perlator, qui tibi, vt asserit, notissimus est, diligentius explicabit. Vale ex Brixia 5. Idus Ianuarij 1446.

## EPISTOLA CXVIII.

FRATRI LVDOVICO VICENTINO. (1)

## ARGVMENTVM.

*Ludouicus hoc tempore, etsi iuuenis, nescio ad quod ordinis officium præter spem euectus est, in quo, & viros, & fœminas regere debuit: Albertus congratulatur ipsi promotionem, & arrepta ex ipsius literis occasione, castitatis cultum in eo laudat, eiusque diligentissimam custodiam pluribus suadet.*

**M**agnam mihi iucunditatem attulit Antonij nostri insperatus aduentus, Ludouice fili dilectissime, imo ex filio iam, per ascensum prælationis, pater: Cuius gradus honoris præter spem omnium, ac præsertim meam, celeriter quidem, vtinam etiam salubriter, scandens, eo statim peruectus es, vt te mecum plerique filij, filizque parentem suauissimum arbitrentur: Sed illud tibi inter hæc summopere puto perspicendum, vt cures semper spirituales filios aggregare. Contra vero cautissimè caueas, ne, quod absit, per alicuius male liberæ auctoritatis insolentiam, atque incuriam, auctore omnis mali salente, & satore prurientis libidinis flatu insani amoris incendente, & pa-

ter in virum, & filiz vertantur in coniuges, imò vero vtrique potius in adulteros; scio te mecum in Epistola tua voluisse paululum verbis ludere, sed verè amantis metu non parum vereri me fateor, ne fortè in occasione licentiz inimicus nobis aliquando conaretur illudere. Si is es, qui mecum olim esse solebas, noui te intus, vt aiunt, & in cute castissimum. Quæ res in adolescente meo adeò mihi semper, de Christi munere, miraculo fuit, vt vel hæc sola causa te magis amauerim continentem, quo Dominum legimus, & Virginem, & Apostolum dilexisse Ioannem. Vides in hac causa latissimum, & iucundissimum magnæ, atque difertæ orationis campum: verùm quia tu eo genere exhortationis,

nis, Deo auctore, non indiges, & ego celeris profectiois Antonij, & vocantis nos iam ad pulpitum populi angustius coarctatus, plura dicere non possum, hoc te solum solertissimi parentis affectu diligenter admo- neo, ut si vis tibi indices augeri sapientiam, ad quam flagras, seruari nitorem famæ, consari animæ tuæ salutem, &, quod ad rem maximè

attinet, tutam esse adolescentiæ, & omnis ætatis, & temporis castimo- niam, nullam omnino feminam, neque consilij, neque Sacramenti, multoque magis, neque tormenti, hoc est, tentationis vllius occasione vlllo tempore colloquaris. Tædet me finis: Sed cum plura nequeam, pauca ista sufficiant, ac vale. Ex Brixia 18. Ianuarij 1446.

---

N O T A.

*Ludouico Vicentino.* Tactus vir inde fuit Ludouicus, ut præcipuas Franciscanæ familiæ Regularis Obser- uantiæ dignitates in partibus Cismon- tanis obtinuerit: Nuntius Apostolicus pro bello sacro, Generalis eiusdem fa-

miliz Vicarius, iterumque Nuntius, perpetuusq; Bohemiz, & Poloniz Pro- uinciarum Commissarius, & Vicarius Candiz fuit, quæ vltima ipse in An- nalibus nostris mentio est.

---

EPISTOLA CXIX.

FLAVIO BLONDO.

A R G V M E N T V M.

*Dum B. Albertus Ciues Brixienfes quotidianis sermonibus à dissidijs ad concordiam, & pacis pallia conuerteret, ijsdem sermonibus effecit, ut ultra quinquaginta bonæ fæminæ religionis propositum conceperint, suæque industria fecit, ut ipsa Ciuitas construendi Monasterij locum, & necessarios vite sumptus illi constitueret: Sed quoniam erectio Monasterij, & aliarum Ecclesiarum bona illi assignata subsistere sine autoritate Apostolica non poterant, missis duobus fratribus, hanc Epi- stolam ad Blondum, tunc Pontifici à secretis, dedit, rogans ut Fra- tribus ad rem perficiendam, ac obtinendum diploma assisteret, quod pro ipsius reuerentia, & causæ bonitate facile factum fuit. Rem narrat Vvaddingus tom. 5. ad annum 1446. num. 24. ubi hanc Epistolam in- tegram descripsit.*

**L**icet pleraque tot iam per annos exploratæ beneuolentiæ argu- menta (1) facillè me docuerint Blonde frater, quantam ad recûd-

gerendæ vitæ studia (si quis ad ea flagrat) fauore mirabili soleas adhi- bere solertiam, atque ideo non opus habeas, cum honesta exposceris, vl-  
lis

lis ad ea explenda exhortationis nostrę calcaribus incitari; non desinam tamen rem tibi periuendam breui exponere, cuius sobria voluptate, castę affectus, agas etiam iucundius, quod acturus fuisses longe minore occasione, sine vlllo dubio festinanti, & quidem quod attinet ad sacrę Deo pudicitię grande propositum, vt quod dicere institui, explicem, nequaquam paucę populi Brixienfis (quem quotidie commoneo, quam bene hic viuant, vt post hanc vitam viuere illos etiam beatę contingat) cum nobiles, & graues, tum vero castissimę *ad quinquaginta et eo amplius* (2) femine se se Domino seruentius deuouerunt, quę & ipsę spiritu sublimiore perfusę, & vt bona spe esse nos conuenit, *maiore in dies Dei gratia imbuende, cupiunt* (3) terrenis facultatibus, & illecebris abdicatis, quo cęlestia postremo salaria sibi conquirant, vno in loco à seculo tumultuante con-

clusę, Christo tam Sponso quam Domino, sub insigni titulo S. Clarę, sinceritę militare. Verum quia id nisi Apostolica auctoritate prelata non queunt efficere, mitto in pręsentia ad Sanctitatem Eugenij Papę beatissimi duos fratres, vt illius pręsidio fructuosa in futurum opera pariant, quę corde, & animo hactenus propositum pepeterunt. Quare maiorem in modum, atque id imprimis, Blonde Flauj, abs te peto, vt solitum erga nos studium tuum, pro iure communis beneuolentię nostrę, etiam illis adhibeas, nę vlla diuturnioris morę noxia tandem & causę & nobis intetapdeo illud fortę efficiat, vt se tam honestę rei aliqua ex parte culpanda negligentia, intetmisceat, quo fiat vt negotium, de quo scribimus, tardius expeditum, damnosa iactura longius protrahatur. Vale in Domino ex Brixia 20. Ianuarij 1446.

## N O T A E.

## Nota I.

*Tot iam per annos explorata beneuolentię argumenta.* Hęc profecto tot annorum beneuolentię Blondi in Albertum argumenta sine mutuis literis pręstare credere non possum: sed & istę nobis desunt, forsitan quia familiares neglectę, pręter hanc solam, quam exhibemus: Albertus enim tam multa habuit in aula tam ordinis quam Ecclesię negotia, & Blondus interim Pontifici à Secretis fuit, cui propterea tam beneuolo videtur oportuisse plura commendari, quod amplius indicare videtur illud, *non desinam tamen*: quasi visitatas commendationes prosequi porro velle videretur, non enim nisi à re-

saltem inchoata desinimus. Sed per multos annos iam continuata argumenta superius, & pleraque affirmat, atque inferius *solitum ex me studium suum*. Hanc ceterę beneuolentię suam Blondus ipse significauit ea Alberti memoria, quam inter testimonia post vitam ex ipso descripsimus.

## Nota II.

*Ad quinquaginta et eo amplius.* Si tot nobiles, graues, & castissimas, vt ipse loquitur, feminas, paucis diebus, in vna ciuitate, à seculi voluptatibus, & illecebris, ad religiosam, & monasticam vitam adducit, quis eorum vtriusque sexus numerum censere, quos

quos per tot annos, in plerisque, & præcipuis urbibus conuerit? quos plurimos fuisse, vitæ eius historici commemorant.

## Nota III.

*Maiore in dies Dei gratia imbuendæ cupiunt.* Jam in B. Alberti

vita notauimus harum numerum, iuxta Beati Viri spem, adeò creuisse, vt anno sequenti nouum illis monasterium, seu secundum erigendum fuerit, de quo eo anno Vvaddingus.

## EPISTOLA CXX.

D. MATTHÆO CVBICVLARIO APOSTOLICO.

## ARGVMENTVM.

*Eandem superioris Epistolæ causam commendat.*

**C**ircumvallatus negotiorum, Sanctorum agminibus, quibus, Christi munere, pro virili meo quotidie catholicis populis, quamuis negligenter, deserui, non possum tibi Matthæe suauissime, & honorabilis Pater, multa dicere. Quod & ipsum, si possem, superfluum arbitrarer, sicut enim opto, & oro, vt credas etiam sine literis, non te à me diligi minus, ita de tuo in me amore mihi facile persuadeo. Quare quia amanti satis est indicasse, quod cupias; Ecce nunc duo è fratribus, & socijs nostris, ad S. D. Nostri pedes se conferunt, pro augmento Religionis honesta quæ-

dam à Sancta Sede postulaturi. Quibus expediendis, oro te, cutam adhibeas, vt solatia tribuas, quæ nobis præsentibus illa humanitate, quam tenes, adhibere solebas, simulque vellem pro amicitiz nostræ tanquam de pluuia charitatis perfusione, vt aliquando quippiam ad me scribere dulcedinem tuam nullaratione pigeret. Crede præterea, harum laboribus Io. & Mi. suauibus viris, qui ad te veniunt à nobis missi, de omnibus plenius informati. Vale amantissime Pater, nec cures ineptos apices, cum charitas erga te mea pulcherrima sit. Ex Brixia noctu, ac summa celeritate 20. Ian. 1446.

## EPISTOLA CXXI.

BEATISSIMO PAPÆ EVGENIO.

## ARGVMENTVM.

*Id ipsum, quod expediendum Blondo & Matthæo commendauit, & suo Religionis, & Episcopi, & Ciuium Brixienfium nominibus à Pontifice petit.*

**T**ernas iam extra istas B. P. vno interim anno, ad S. Tuam literas exaravi: Nunc verò, *ut paulò ante per epistolam eram pollicitus*, (1) communi quidem sententia, & Pater *qui præsidet huic Christi familiolæ*, (2) & ego ad S. B. T. pedes mittimus duos fratres, te humiliter & instanter in augmentum Religionis exoraturos, vt postulant Brixienſes, vt deditas Deo fæminas, vt postremo nos filios S. T. qui labores multos in hac causa pro Christo sumus perpeſſi, pontificalis clementiæ pietate perfundas, atque illa celeriter præſidia exoptantibus conferas; quibus Sanctæ continentiæ decus sublimiter efferatur, & constructo tua, idest Apostolica auctoritate, celebriore Monasterio Beatissimam Claram, vt S. Franciscum taceam, novis tibi beneficijs obliges. Cum Christo Regi offerri posteam, atque in Dei templum adduci iusseris, siue intemeratæ Virginitatis vernantia floribus castimoniarum germi-

na, quæ tanquam in horto conclusio signaculum virginitatis, & claustrum integritatis custodiant, siue viduas gravitate pollentes, quæ velut in campis sylvarum requiescentes ab æstu incontinentiæ, documento sancti pudoris ipsis virginibus magisterium servandæ integritatis exhibeant. Ad hoc autem bonum facilius in gloriam Domini consummandum, non minima auctoritate accedit cura & desiderium Episcopi Brixienſis, quemadmodum ex eius literis poterit tua Sanctitas pervidere. Oro itaque, imò oramus B. T. vt vota honestiora exaudias, quæ harum latores, & quibus vnus comes & Socius nobis est, ne S. T. nimium oneremus, latius explicabunt; accepta à nobis formula, siue vt dicitur instructione omnium dicendorum. Quibus S. T. cuncta nostro nomine referentibus, dignatione solita, & acquiescet, & credet. Dominus te tueatur omnipotens B. P. Ex Brixia 20. Ian. 1446.

## N O T A.

## Nota I.

*Ternas iam extra istas*, & post paulo ante per Epistolam eram pollicitus. Binas tantum hoc anno ab Alberto ad Pontificem scriptas exhibuimus; nam tertiam illam extra istas non vidimus.

## Nota II.

*Qui præsidet huic Christi familiolæ*. Iacobum Primadicium intelligit, Cismontanæ familiæ Regularis Observantiarum Vicarium generalem.

## EPISTOLA CXXII.

FRATRI IOANNI CAPISTRANENSI.

## ARGUMENTVM.

*Idem negotium noui Monasterij Brixienſis commendat: aliquas molestias patienti condolet, opemque suam, si quam utilem existimet, liberaliter offert.*



**E**X Mediolano & Bergamo *sepius ad te scripsi*, (1) optime Pater, nec tamen huc vsque responsum merui. Nunc autem ex Brixia scribo, quo me instanter, & Episcopus, & populus attraxerunt. Venit ad S.D.N. & ad tuam Paternitatem socius noster Fr. Io: harum perlator, & tibi, vt scio, notissimus, cuius cum plenè comperta sint omnia, quæ pro Dei honore percipio, eique commiscri, vt te auctore cuncta perficiat, non opus arbitror, vt te verbis plurimis onerem, cum causis durioribus pergrauatum nuper doluerim: Fuit enim ante paucos dies certioribus nuntijs ad me certo perlatum, grauari te nonnullorum insolentia, qui tibi nescio qua temeritate, siue errore pertinacius in tua gubernatione resistunt. (2) Quod ego,

verè loquor, cum grauissimè tulerim, simul condolui, orans nunc te, vt si de mea paruitate putas villo pacto posse tibi leuari molestiam, pro tua in me iure prælationis vtaris, si qua in re me æstimes posse te aliquatenus consolari. Non laboro rogare te, vt apostolica, & tua præsidia in re Christi nobis mittere non graueris, cum hoc te facturum, & spes mea, & diligentia narrantis mihi facile persuadeant: Cui oro te, sicut fidem, ita quoque curam adhibere non cesses, quo celerius ad nos, fauore fretus idoneo, reuertatur. Vale & ora pro nobis Venerabilis Pater, ex Brixia summa celeritate, *Amantissime vetula mea*, (3) Antonius Cremonensis se valde tibi commendat, & offert & subijcit. Die 20. Ian. 1446.

---

N O T A E.

Nota I.

*Sæpius ad te scripsi.* Nec istas habemus.

Nota II.

*Tibi in tua gubernatione resistunt.* Præterea Pentecoste resignauit Capistranus officium Vicarius generalis familiaris Cismontanæ: successus est ipsi Iacobus Primadicus. Ille, cum Albertus hanc Epistolam dedisset, Romæ fuit, vbi commendatum negotium apud Pontificem vrgere posset. Quam verò gubernationem hoc tempore habuerit, in qua resistantiam pateretur, non reperio. Vvaddingus tom. 5. ad annum 1446. num. 12 ait, cum officio Vicarij Generalis liberum, ab Eugenio Pontifice ad diuersas mundi partes, præferrim in Galliam, sedis Apostolicæ graua ne-

gotia cum Regibus & Principibus tractatum, Nuntium misisse, & quidem ante diem primam Octobris in Galliam appulisse constat ex literis salui conductus, & Cardinale nostro Fuxensi eo die ipsi ibi traditis, quas eo annaliu loco descripsit Vvaddingus; reuertisse verò in Italiam ante mortem Eugenij quæ fuit 7. Kal. Martij seu 23. Februar. constat, tum ex hac ipsa Epistola Alberti 20. Ianuar. data; tum ex eo quod narrat Vvaddingus anno 1447. num. 6. Capistranensem tempore mortis Eugenij habuisse conciones Quadragesimales in Vrbe Aquilana, sed nullum ordinis gubernium habuisse legitur. Ergo vel commissio aliqua particularis fuit, quæ mihi nondum innotuit, vel Albertus loquitor de turbis generalibus, quorundam subterfugientium obedire mandatis Vicariorum obseruantæ, quæ ad Capistranum tunc aliter non pertine-

nebant quam ex perpetuo zelo & cura, quam semper gerebat illius familiæ, & obseruantię regularis conferuandę, & promouendę, de quibus turbis extat Eugenij diploma apud Vvaddingum anno 1447. num. 2.

## Nota III.

*Amantissima vetula mea :*

Sic vocat Antonium Cremonensem, cuius sinceram simplicitatem, per literas à nobis exhibitas, amanter & confidenter antè deludebat.

## EPISTOLA CXXIII.

LEONELLO MARCHIONI FERRARIENSI.

## ARGVMENTVM.

*Humaniter sed prudenter intercedit pro cuiusdam amici minùs, vt videtur, prudenti desiderio.*

**A**Ngimur aliquando, vt optimè nosti Leonelle illustri Principi, etiam illis causis acquiescere, quę nobis persępè molestę sunt, cum putamus eas fore in re sua amicis commode opportunas. Licet enim à nostro proposito prorsus abhorreant, quia tamen his, quos diligimus, turpes non sunt, humanitas ipsa nobis facile persuadet, quominus eas postulantis nos, vt duri homines faciunt, exhibeamus inexorabiles. Quapropter Iac. quidam Ciuis Brixien. cognomento Cuchenis, in eis, qui nos diligunt, non postremus, me orauit; vt ad te scriberem, quem arbitratu mihi, vt

verissimè se res habet, amicitię charitate deuinctum, quo tuo pręsidio in tua Prouincia aliqua illi liceant, quę tibi fideliter referet harum baiulus literarum. Tu modo videto, quid te deceat, quid illi honestè conducat, ac pro tua sapientia, & clementer, & iustè cuncta decernito. Commendo me Patri Episcopo, communique Pręceptori; & amicos per tuam mansuetudinem amanter ac diligenter saluto. Gratissimum mihi esset ex tua ac Guarini manu, vel tres apices beneuolentię vestrę iucundis oculis expectare. Vale ex Brixia 21. Ianu. 1446.

## EPISTOLA CXXIV.

PAVLO ROMANO COMMVNIS RELIGIONIS.

## ARGVMENTVM.

*Paulus, tanquam ab Alberto latus, questus est, propterea quod hic aduersus fratrem quendam scandalose conuersationis ad Religiosos amicos,*

cos, qui hominum pro ipsorum charitate monerent, & ad superiores, qui pro auctoritate compeſcerent, aliquid Seuerius conscripserit. Albertus Pauli imprimis Apostoli locum opponit, quo corripiendos insolentes persuadet, eumque egregie explicat, suaeque causae iustitiam. tota oratione tuetur: in qua nervos & ossa eloquentiae pulchrè, & ornatè compacta exhibet. Propositum deinceps multa, solidaque ratione, sacri codicis documentis, exemplisque ex Sanctorum Patrum auctoritate confirmat, praesertim Hieronymi, cuius acrimoniam in reprehendendis vitijs fuisse, fortiterque tuetur, & laudat: Hinc obijciendum forte sibi fraternae correctionis ordinem praecoccupant, cum etiam iubente charitate, non semper obseruandum doctè demonstrat. Nec satis ad omittendam increpationem, si qui increpari debent, praesertim cum publicè peccauerint, quòd emendationem prae se ferre videantur, ut quorum doctrina multo plus nocet, si cum vitæ munditiæ Sanctimoniae morum fama non adsit. Demum reprobens illi modo vel emendatus sit, vel se emendaturus, omnem felicitatem exoptat, suamque beneuolentiam & offert & promittit. Hortatur tamen ut post tot praebita male actæ vitæ scandala, populum publicè docendi munere abſtineat, ne & sibi & melioribus magistris noceat, & Religionis Sanctitatem, in opprobrium; & verbum Dei in risum, contemptumque populorum conuertat: idquè illi non facile permittendum suadet.

**C**VM Apostolus Paulus, qui & Magister gentium eximius, & Romanæ quoque verbi Cuius clarissimus erat, quamuis Tarso Ciliciæ natus, (ò tu idem & Romane, & Paule, vtinam etiam pari forte, tandem aliquando, & Iesu Christi Apostole, & gentium perditarum didascale) Thessalonicam amplissimam Macedoniæ Ciuitatem, ad morum Christianorum, & vitæ normam religiosissimam institueret; potissimum arcantis disciplinæ salutaria fundamenta, mixta decenter mansuetudine, & iacere, & firmare curauit. Inter magnorum verò documentorum præclara præcepta, quibus ad cohibendam peccantium insolentiam, credentes in Christo suos filios imbuebat, ea ad nostram causam vel præcipua sunt, vbi illos hunc in modum clementia parentis hortatus est. *Rogamus vos fratres*

*corripite inquietos, consolamini pusillanimes, suscipite infirmos, patientes estote ad omnes: Quæ quatuor sublimiora sapientiæ Apostolicæ sensa, quum à nobis per omnem epistolam sparsim tractanda sint; praesertim tamen fert animus, debere nos in primo omnium, tanquam simul praesentes colloqueremur, specialiter immorari.*

Mirari itaque imprimis apud te, Paule Frater, satis non possum, quum te queraris vehementius à me læsum, ut Antonius noster Parmensis locuples testis est; propterea quod quædam in fratrem illum, (1) communem quidem, sed olim perniciosè nimis ac diutius (tribuat Dominus ne & nunc) à Religionis itinere aberrantem, ad familiarissimos scripserim, quæ tu ipsa, ut aiunt, videris statuisse, velut maledica, æquo animo ferri non oportere. Super qua

qua interim tua non satis æqua, & ut mihi magis videtur, iniusta certè omni ex parte conqueſtione, quo ad iſta ſcripta noſtra ſuſceperis, Antonium meum, modo ad te profiſcentem, patronum conſtitui; qui me tibi, veritate certiffima fretus diligentius ſatisfaciens, cum non rectè exagitato, tum falſo lamentanti conciliet: cui ſi, ut debebis, aſſenties, videbis nihil à me factum, quod non à quolibet Sancto & ſapiente viro fieri ſine reprehenſione, imò cum laude, & poſſit, & debeat.

Quale eſt enim, oro te, ut de quouis hominum genere, ne nominatim quempiam apertius carpam, qui tam multis annis, tam multis in locis, publicam in fronte perditiffimæ vitæ maculam, non facile abolendam, maximo cum dedecore tulerint, ego bono animo, & prudenti conſilio, aſtutè cauendos, ſi qui fortè eiufmodi ſunt, ſcribere, ſine culpa, vel inuidentiæ, vel malevolentiz, vel poſtremo obreſcationis nequiuerm? Potiſſimum verò ad Maiores Religionis, qui gubernaculis ſanctimoniz moderantur; ad antiquiores patres, qui per veterem prædicam, rectæ vitæ regulam calient; ad amicos denique, filioſque chariſſimos, quippe qui omnes per animi bonitatem, & charitatem, obefſe nemini, & omnibus prodeſſe percipiant. Non te exalperet frater veritas diligentiſ, quamvis ea ſalutaria vulnera videatur inferre, ſed cuius potius inſidioſa oſcula adulantis, quæ per illicibilia blandimenta, improbos & peccantes malè miſerta, in perniciem præcipitationis adducunt, dum nos palpanterum fraudulentijſ imprudenter aſſenſos,

periculofis mendacijs circumueniunt. Atque ea quoque, quæ potius emendare illi quidem callidiſſimi homines vel cum dolore debuerant, errata noſtra diſſimulantes, per illecebram ſubdolæ laudationis, & fragilis gloriæ, in vitijs nos animorum, ſumma cum perniciè fouere conantur.

Columbinæ ſimplicitatis Dominus eſſe nos iuſſit, ne cuiquam moliamur inſidias: ſed non minore ſtudio prudentiam ſerpentis adiunxit, ne aliorum fallacijs ſupplantemur. Paulus Vas electionis, qui periculorum ſuorum catalogum falſorum fratrum notatione ſignauit, poſt perfectam ad Chriſtum conuerſionem, poſt raptum in Paradifum, vbi arcanorum ſecreta rimatus eſt, poſt conſtans de Chriſto per Euangelicæ tubæ miniſteria teſtimonium, poſt pericula mortis ex Iudæorum inſidijs, poſt fugam Damafci, ne in præpoſiti Regis Archæ manus incideret; quo maiora, quæ inde facturus erat nequaquam nimia iactura præpedirentur; vix tandem à ſummis Apoſtoliſ, niſi Barnabæ aſſertione, verè diſcipulus Chriſti creditus eſt. Et tu miraris, ſi quilibet, moleſtia læſæ virtutis, & odio inſectandæ malitiæ, ab hiſ, qui ad maxima Dei allecti, ſtudio ſanctimoniz flagrant, paulo durius, quam tu cenſeas, laceſſatur, caſtigetur, carpatur; præfertim qui longa vira, & moribus inſolentior, & famâ obſcurior, ne dicam fixior, fuerit, abſque vlla culparum ſuarum flagitioſarum conſpecta emendatione: ſicut labes ipſa male diutius atq; vitæ, terramarique, maximo ſcandalo, & dedecore palam fuerat ante conſpicua.

Humanum dico, ait Apoſtolus, Rom. 6. c. 19.

propter infirmitatem carnis vestrae, hoc est compatiens affectu, quem mihi per viscera charitatis, infirmitatis vestrae consideratio suggerit; infirma itidem emendationis vitæ experimenta depono, qui debueram potius ad veræ conuersationis consummatam instaurationem altiora vobis documenta præcipere, statimque inferre. Sicut enim exhibuistis membra vestra seruire immunditiæ, & iniquitati ad iniquitatem, ita nunc exhibete membra vestra seruire iustitiæ in sanctificationem. Et rectè quidem omnia, maximaque Doctoris eximij lenitate, atque elegantia, ut interim de eloquentia fiteam: qua tanquam in catena pulcherrima, immunditiæ ad sanctificationem, iniquitas ad iustitiam referuntur. Eo vero quod additur, *ad iniquitatem*, cumulum scelerum exaggeratione quadam malitiæ, & male intentionis, & perditæ finis significari existimo.

Verum sensa eius potius profequamur: sicut, inquit, *exhibuistis*, & cætera quæ prætulimus. Magna profecto æquitas, iustum pondus, æqua statera lance sincerissima appenduntur. Par enim fuerat, inquit, ut iustitia, cuius certè non minor esse debet in omni honore claritas, in erigendo potestas, quam vitiorum in æstimatione obscuritas, atque in præcellendo in peccatoribus mortifer vigor, vos seruituros sibi, suo quidem æquissimo iure altius vendicaret. Verumtamen ob carnis vestrae, air, fragilitatem, rigoris remissione adhibita, per humanitatem, cuius reliquæ animantes expertes sunt, imbecillitati plurimum concedatur. At verò hoc ego, Paulus Apostolus, eo dixerim pacto, ut tantum de vobis in sanctificatione

iustitia mereatur, quantum sibi primum immunditia & iniquitas vsurpauerant. Quo certè Apostolico sensu, si non me fallit opinio, lætæ existimationis nostræ ad proximos & emendandæ quoque turpiter gestæ vitæ, tum ad nos, tum ad virtutem, tum imprimis ad Deum, solidior nobis satisfactionis norma præfigitur.

Quod certè genus correctionis, si proximorum nostrorum instaurando diserimini quispiam, qui multos antea vitiauerat, non exhibuit; etiam si Deo, si suæ conscientie satisfecisse sibi forsitan videatur; tu grande piaculum arbitraris, cum de illo aliquis durius quidquam, aut in zelo mulctandi secleris mussitauerit, aut in prælusione operandæ fraudis vtiliter, ac salubriter scripserit, aut postremo in præfaga cauendæ malitiæ coniectione quadam prudentiæ integros & religiosos homines admonuerit? ea maximè causa, ne siquid bonus, ut hypocriticos occultator, perniciosius lædat, neu, sicut illi penè semper antiquum fuit, Dei gloriam flagitiosa, imò facinorosa, vita euertat, Religionem infamet, doctrinam veritatis, quantum in ipso est, contemptibilem reddat, & confratres denique suos, eruditioni populorum sinceriter incumbentes, cui tamen ille sacro ministerio & indignus & impar est, tanquam prauis moribus, & omnis generis improbitate notabiles, faciat esse suspectos.

Hanc verò, tu Frater, præuisionem sapientissimæ cautionis, si ad conferuandam bonorum innocentiam nobis præcludis, ne, ut putas, temerè de aliquo suspicemur, præsertim qui palam fuerit secleratus, pace tua dixerim, imprimis hoc loco grauius

Gen. 20.

uiter erras, quasi verò in sanctis viris dubitatio bonitatis locum non habeat: quum tamen Abraham ille, Dei electus; & Propheta Domini, communis quoque fidei parens, Abimelech Regi interroganti; cur Saram sororem suam dixerit, non uxorem? audacter responderit: *Cogitavi tecum*, inquit, *forſitan non eſt timor Dei in loco iſto, & interficient me propter uxorem meam*: cuius profeſſò ambigua cogitationis merita dubitatio nihil integræ conſcientiæ tanti viri ſanctitatis ademit. Quumque nos idè homines à bel-luis eo maxime discernamus, quia illæ actu cuiuſdam ſolertiæ, & inſtinctu quodam naturæ, illi vero rationis & intelligentiæ virtute regantur; ſine vlla dubitatione iſ qui vtilem prudentiæ præuiſionem hominibus præripi debere cenſuerit, non eos homines, ſed feras belluas putare credendus eſt: ac per hoc ne ipſe quidem homo habendus eſt, qui homines à beſtijs non digno officio rationis diſcreuerit.

Hoc Dominus præcepit, hoc Apoſtoli admonent, hoc Scripturæ Sanctæ proclamant, cauendum nobis eſſe, ne ſub ouina pelle luporum rabies protegatur: cui veritati, licet clariſſimæ, aſſerendæ, ſi ad conuincendam perfidiam cuiuſpiam non credentis teſtimonia de ſcripturis adhibenda putarem, auctore Domino, non tam nobis dictorum nubes, quam nos tempus explicandi deficeret. Sed tu fortaliſſis pietate, vti-nam non falſa, in te affectus, quum tibi Chriſtiana manſuetudo venit in mentem, nullorum æſtimas vitia, aut ſtylo verborum, aut telo factorum, acerbis aliquando plectenda. Quæ ſanè inepta conſcluſio adeo ni-

hil virium habet, vt etiam eis anguſtijs coarctetur, quibus ſæpenumero angitur falſitas. Nam tum certò ſequetur, ſi res ita ſe habet, cum euerſione nimia etiam veritatis, atq; virtutis, vt zelus ille Sanctorum, ſemper erectior, qui electos Deo maxime facit acceptos, & quo malos non modo odio habendos, ſed aliquando inſuper perſequendos æquitas ipſa proclamat, penitus ex mentibus proborum hominum extingua-tur.

Nulla demùm cenſura ſuccenſea-mus peccatis, nullo flagello pudoris, aut timoris, aut poltremo doloris tundatur impius, arceatur maleſicus, caſtigetur impurus. Sed damnabili potius negligentia corrigendorum, morum, omni prius emortua diſci-plina, non modo qui mali ſunt, ve-rum etiam qui boni, & ſunt & ha-bentur, impunitate vitiorum pelle-cti, & à veritatis arce deiſciantur, & à bonitate viri ac morum omni-no deſciſcant. Qui & ipſi tamen, poterant per acrimoniam sanctæ ſeueritatis, tanquam loris ſalutaribus irretiti, in ſanctitatis veritate conſiſtere, ſi cura percuſſionis ſanandos magis eos exiſtimaviſſemus. Cum, verò contrà perfectorum ſemper pe-nuria ingens fuerit, imbecillium au-tem hominum, qui permulti ſunt, irritata ſordibus per naturam cor-ruptio, & prona per vitia in malum fragilitas ex licentiâ parere ſoleat im-pudentiam, quando & qui perfecti habentur homines, tamen & ipſi ſunt & qui imbecilles, magna præ-terea ex parte multum infirmi, ſit profeſſo, vt vbi à maioribus impro-bis caſtigandis coercionis aſperitas deperierit, ibi non ſolum iactura cun-ctorum maiorem in modum ſæpè re-peria-

periat, verum & optandæ emendationis desperatio subsequatur. Nam quis vnquam vlla spe melioris vitæ, nisi frustra nitatur, si hi qui per amorem virtutis non corriguntur, quum mali sint, illos ne timore cohibendos putemus? Actum profecto esse de splendore sanctimoniz arbitrandum est, quando consulto malos ad remissionem scelerum, vt non dicamus ad morum sanctissimorum præstantiam, nec virtutis amor impellit, nec prementis supplicij timor cogit.

At verò hoc loco, cur ad eum ipsum, dixerit aliquis, non magis reprehendenda scripsisti, quem abs te argui debere putasti? Quasi verò de his, qui mali habentur, ad rectos homines præmonendos scribere non possimus, nisi etiam ad eosdem malos scripserimus. Nonne Ioannes Apostolus ambitiosum Diotrefen, in se verbis maledicis impudentius garrientem, ad Gaium scribens, in epistola sua coarguit, eique grauius supplicia comminatur, nec tamen ad eum, sed de eo aliquid discipulo scribit? Apostulus Paulus in secunda ad Thimotheum epistola Alexandrum Aetarium accusat pertinaciæ, cui & mala ex Deo prognosticatur, & vitandum diligentius commonet; nihil tamen ad eum scripsisse Apostolum legimus: Nisi fortasse stultè putemus in causa fidei hoc à nobis fieri semper debere, in morum verò correptione id nec vnquam, nec aliquando licere: cum tamen minimè dispar ratio castigandorum malorum putanda sit, vbi est causa cognata, perdendæ salutis. Interest enim nihil qua ex causa pereas, si modo turpi, si iniusta causa pereas: sicut è contrà non multum distat, quam

ob causam consequare salutem, dum eadem semper honesta sit, & de rationis fonte purissimo manans, à iustitiæ æquitate proficiscatur.

Proinde ergo de fructibus rectè censebimus, si origines causarum comperiamus. Nam cum de causis constat, tum de fructibus sententiam æque ferimus. *Qualis arbor tales fructus, non potest arbor bona fructus malos facere; neque arbor mala bonos fructus facere.* Meminisse itaque debes, non esse criminis de aliquo ad aliquem scribere etiam si ad illum, de quo scribitur, non scribatur, quando & scribendi & non scribendi ratio, quæ idonea subesse potest, ita fieri debere fugesserit. Quarum ego rationum, etsi illæ quidem permultæ sint, eas potissimum præ cæteris abiectas non æstimem, sed forsitan etiam potiores, quum aut comperta fraus, aut expectatio aprior, & temporis, & loci, & personarum commoditas, aut desperata emendatio delinquentis, nè ad illum scribamus, de quo tandem scribimus, nobis hoc facile persuaferint. Nam tum ratio prima viribus iustitiæ nititur: Iustum est enim, sicut Apostoli documenta præcipiunt, vt publicè peccantes coram omnibus arguantur.

Altera verò charitatis consilio confouetur. An non de fonte ipso Christianæ dilectionis manare tibi videtur, si quis errantem fratrem per alium commodius arguendum existimet? qui certe per domesticam magis familiaritatem, ac mutuam conuersationem, communemque conuictum, amici monentis increpationes leuiori animo feret, eaque ex causa, nulla nimia tristitia, tanquam verecundia deiectus, absorbeatur.

Quem



Quem ipse dico errantem, si alius quispiam castigasset, immodica desperatione, & rubor, & pudor, & postremo confusio subruisset. Novissima autem ratio, quæ & tertia est, ne quis forte frustra conetur, sapientię sustentaculis gubernatur. Nam omnis qui rectè sapit, nunquam in ea, quæ factu impossibilia putat, nisi cum stultitię testimonio, totus incumbit, ne tandem inaniter vires suas frustratus labor exhauserit, quas perdita opera consumptus conatus aliquando petregerit. Quæ cum ita se habeant, animaduerte hic obsecro, quanta modestia usus sim, ut videlicet, cui vnica, & expedita ex omnibus ratione patebat aditus, passim ac palam scribendi ad omnes, atque id omni cum venia, haud quaquam tamen, etiam cunctis iidem rationibus impellentibus, nisi ad amicissimos quidquam scripserim. Per quos certè ipsos, si his qui meo stylo petuntur, ea, quæ asperius dicta putas, reuelata innotuerunt; aut hoc malevolentia fecisse probantur, & tum nec tibi nec mihi amici sunt, sed Deo potius detestabiles, quando seminant inter fratres discordiam; aut bono quidem animo, quod magis opinari licet, ut scilicet ad recta cogant errantes, & in hoc eos prudentes esse dixerim. Sin autem, ut sæpe assolet, simplici id corde gessere, vel imprudentes, vel incauti, vel ut lenius dicamus, leues homines potius censebuntur.

Verum postmodò, inquires, is, qui abs te modo acti increpatione feritur, ad mores emendatiores se contulit, poenituit, fleuit, seque deiecit, meliora post hac acturus mente proposuit: Quis hoc negat? Sed necdum eo longiore temporis spatio bene vi-

xit, quo male; atque eius ipsius temporis, quo rectè forsitan aliquid egit, vix ad paucos fama peruenit, cuius tamen diuturnæ insolentię sonus, non dico exiliore, vel tinnitu vel sibilo auditum simpliciorum fratrum, saltem tenuiter instigauerat, qui possent pro charitate ac timore Domini fratri, qui ex alto lapsus fuerat, tenerius compati, aduertentes diligentius, scriptum esse: *vos qui spirituales estis, instruite huiusmodi in spiritu lenitatis, attendens te ipsam, ne ego tu tenteris*: sed, quod est longè acerbioris molestię, ne durius interpreter, veluti horridi clangoris tuba, infamię veridicę crepitus aures populorum offenderat, id quod latinus fortassis aliquis diceret fetulentissimus flagitiorum nidus, abominabiles putores exhalans, delicatiores fragiliorum nares molestia grauiore compleuit.

Qui & ipsi, dico populos, dico fragiles, cum in virtute fluctuantes, in vitijs præcipientes sint, sicut per exemplorum lumen poterant à nobis ad vitæ correctionem utcumque, imò maxima ex parte, iuari; ita contra ac multo magis si ad illos vitæ nostrę impuritas aliquando perueniat, tùm ruunt, tùm desperant, & Dei seruos ac doctrinam veritatis contemnunt, quando nos, qui eis vitæ candorem, salque doctrinæ, siue splendorem cruditionis, & saporem sanctimonię præbere debuerimus, conspiciunt in sceleratorum morum fœditate versari: Quid prætereā illud quam deplorandæ iacturę est, quod ex nobis sæculi homines, & Deum & diuina despiciunt, sanctimoniam integrorum hominum spernunt, neminem rectè incedere arbitantes? Religionem quoque

iniuriöse subfannant, & quæ de virtutibus, & virtutibus, deque pœna, & præmio prædicamus, fabulam putant: quum ea, quæ nos audiunt verbis tonantibus minaciter struere, vident factis blasphemantibus, & vitæ impietate destruere. Quo certè ea sit sane res non parua dictu, ut cum per impia studia perditæ vitæ nostræ, Dei summi nomen in populis fecerimus blasphemari, præmis ingentibus, quæ nos profectò pro sceleribus manent, conspecta cunctis, in nostrum dedecus, peccata luamus.

Quæ & ipsa si protecta à nobis studio, ac cura pudoris, etiam maiora mala quam publica fuerant, clam hominibus fecissemus, nemine, qui rectè sapiat, ambigente venialiora apud Deum futura fuisse, certissima Religione credendum est. Nam si omnis aduersus Deum culpa semper cauenda est, quæ conscientiam nostram grauitèr vrgeat, quandoquidem minutiora peccata, prorsus vitare non possumus, inter est tamen ac multum distat, idque per omnem modum, inter occultum fragilitatis lapsum, & publici sceleris impudentiam: quoniam in altero vnus discrimen per internum mentis mœrorem atque dolorem Deum sibi propitium peccator lugens conciliat: in altero autem multorum scandalum, per inexpiabile facinus censuram vindictæ Domini cumulo peccantibus augetur: præsertim si is, qui errat, sua impudenter commiserit, quemadmodum ciuitas in moribus constituta, aut per religionis famam, aut per doctrinæ gloriam, aut denique per virtutis ingentis opinionem latere non possit. Etenim omne animi vitium, dixit quidam,

vereque dixit, *santè conspectus in se crimen habet, quanto qui peccat maior habetur.*

Quo enim pacto docebo alios sanctitatem, quam ipse non facio? cum etiam iuxta ethnicum, caput artis sit, docere quod facias. Rusticus quoque sator, manu quidem, non ore in terram, quam coluerit semina iacit. B. Cyprianus Carthaginensis orator, Christianus, Martyr, atque Episcopus, *nihil prodest, inquit, verbis proferre virtutem, & factis destruere veritatem.* Sed & noster Hieronymus peritior senex, hoc ipsum asserit. Erubescit, inquiens, quamuis præclara doctrina, quam propria reprehendit conscientia. Nos quoque licet minimi & ignari, aliquando in familiaribus epistolis diximus: *Splendeat enim, licet sermo doctrinæ, exardeat & ædificet, nisi vitæ sanctimoniam componatur, citius sordet, languet, deflorescit, emoriatur.*

Cum igitur ille, qui, ut tibi videtur, à me iniuste reprehenditur, in hoc hominum genere, qui alios docent, vel se ipse constituitur, vel sit ab alijs constitutus, nec tamen emendationis eius exempla vlla tùm ad nos peruenissent, quum illa in eum ad domesticos scriberemus, eidem tamen ipsi, si non me fallit memoria, veniam apud Dominum non negauimus, quasi non posset vitæ fieri emendator, verum instaurationem exemplorum ad proximos flagitauimus, ut rectè viuendo primum, ac tùm deinde docendo, nunquam desiperet. Nam in eo Euangelicæ eruditionis præcellenti nimis officio, ut veritas ait, *Si sal euauerit in quo salietur? Ad nihil valet ultra, nisi ut mittatur foras & conculcetur.*

*tur ab hominibus* : Verumtamen si hæc mea in illum providentissima, ut ego sentio, cautio tibi durior visa est, consule conscientiam tuam, consule rationem & æquitatem, consule postremo bonos, & doctos, & sapientes, ac rerum magnarum experientissimos viros, & tunc demum tanquam de ligno Mosayco amariore aquæ amnis Marath è vestigio conuersæ dulcescent, ut quod tibi videbatur amarum, mella parturiat.

Neque enim quia vulnera non palpamus, sed pungimus, ut salubriter corrupta sanies producat; ideo inclementes habendi sumus: quum potius non solum periti iudici esse, sed planè pii, nemo, qui sapit, ambigit, si quando scientiore doctrina maluerit *dolendo sanare*, quam *tolerando perimere* (2). Contraque medicus ille crudelior omni ratione putabitur, qui parcens plagæ non parcat vitæ, & nè exasperet vulnus, saltem intercipit, aut magis profors interimit. Eas namque dumtaxat ægrotationes solere medicos relinquere nouimus, easque plagas medicamentorum fomenis illi quidem sagaciter curare desistunt, quas sanitatem pristinam, aut morbo aut morte semel amissam, recuperare posse desperant. Cura igitur medicationis, & testimonium vitæ est, & spes quædam salutis, qua ad instaurandæ bonæ valetudinis finem, integro corporis robore peruenire sicut satagimus, sic ambigimus: Proinde bonæ quoque spei quisque credendus est, si fratribus diligentius medeatur, nec propterea pius non erit; si illud per desiderium sanitatis asperius egerit, dummodo hoc seruauerit. *Ne quid nimis*.

Quo certè sit, ut ne ipse quidem

bonorum monitor, durior à quoquam haberi debeam, tanquam medicator acerbior, qui studio sanandæ conscientie, non temeritate perdendæ salutis, acriter de fratre, non modo ad homines, sed ad Dei seruos quidpiam scripserim, qui mecum pari desiderio, ac fortassis, pro illorum virtute animi, longè maiore, infirmitatem fratris ad purum ac perpetuo curari exoptant. Itanè tu nos putas adeo truces? ut solam seueram putemur habere pietatem, ac non magis piam seueritatem, quando & homines ipsi, & Christiani sumus, ut Religionis alioris, qua indigni censemur, fastigia sileamus: quæ plane cuncta in nobis nomina, veluti firmiora argumenta, signa ingentissima præferunt, oblatæ spontè clementie, quando & homo immanitatem abiciens belluarum, lenitatem mansuetudinis affert, & Christianum nomen gratiæ vñctione demulcet, & religio indulgentiam erranti in nos fratri præstendit: Alioquin nec Religio vlla, nec humanitas prodest, & Christianum quoque vocabulum frustra personat, si illi in peccantes non inest pietas, propterea quod, & homo infirmitatis, & christianus suauitatis, & religio ipsa humanitatis nostræ nos admonet.

Scimus enim nos esse per passionem carnis ad resistendum peccato fragiliores, ut possimus & alijs cadentibus compati, quippe qui sumus & ipsi circumdati infirmitate: Non ignoramus instituti nostri misericordissimam disciplinam, qua atrocitas vindicantium mitigatur, cum in regula, quæ norma vitæ est, apertius dicitur, *et cauere debent fratres, ne irascantur, et conturbentur, propter peccatum alicuius*: quia ira, et

*conturbatio in se, & in alijs impediunt charitatem.* Nouimus nos illum habere pastorem, qui perditam ouem humeris clementibus ad relietas retulerit; qui propositam prodigi filij pœnitudinem osculo pij Patris complexus, gaudio collacrymat, exceperit: atqui infinita huius generis sæpè legimus, tenemus, amamus, docemus; ne non sit nobis inclementia sola seueritatis, sed potius seueritas pietatis: Si igitur corripimus, & diligimus, in eo laudandum, quod bona duo pariter ista coniungimus.

Tu si alteram solum malueris, in eo coarguendus eris, quod duo bona illa maxima ab inuicem separas: quæ si cognata non sunt, nec usquam bonum aliquod esse possunt; quum aut sola seueritas atrocem nimis, non hominem, sed latronem, aut sola clementia nimis effeminatum factura sit; quandoquidem in altero ferina crudelitas, in altero muliebris dissolutio parietur. Deo igitur miserante suppetunt nobis hæc omnia, quæ misericordiam pollicentur, adeò ut possimus non solum inquietos corripere, sed etiam pusillanimes consolari, & eosdem, atque omnes patienter perferre: Verum ita censeo nobis misericordiam prædicandam, ut indui virilem animum, muliebrem molliciem, magno cum virtutis dedecore, minimè induamus; quum sanctos viros, ac vere viros, sæpè legamus, in castigandis insolentibus, nullius vnquam pertinuisset potentiam, non infamiam veritos, non insectationem timentes à veritate tutanda nullatenus destitisse. Nam quæ aliæ sunt causæ veriores, præter admodum paucas, cur noster Hieronymus, vir imprimis & san-

ctimonia & eruditione præditus, nec minore celebritate famæ insignioris & autoritate toto orbe præclarus, tam graues obsecratores in omni vita sua perpessus sit, nisi quod aduersus corruptorum hominum scelera, quos semper dure momorderat, acrius depugnare contendit, rabidos canes claua increpationis percuciens, & perditos quoslibet in vitij carpens, zelo tuendæ veritatis, grauiter insectatus est.

Quæ sanè, vel sola ratio, sicut sibi hostes complures acerbissimos peperit, ita quoque, & grauissimos viros, ac bonos rerum æstimatores, qui pretium Christi, hoc est veritatis, se esse professi sunt, miro sibi amore conciliauit. Qui & ipsi, cum iudicio clariore fuerunt, hodieque non desunt, casta quidem sententiæ, præstantissimo testimonio Hieronymo extitere, non modo eloquentiæ, atque doctrinæ, quæ per se patent quam in illo excellenter præfulserint; verum etiam sanctitatis, grauitatis, virtutis, & quod ad causam, de qua agimus, documentum nobilissimum avertit; ausu corripendorum, magno & libero animo malorum, flagitiosorum, perditorum ceteris præstitisse, meritò prædicatur. Qui etsi satyra, tamen salutaris seueritate vitiosos adeo sapienter coarguit, ut, sicut facitissimis moribus, decentissimis moribus, ardentissimis exhortationibus, diligentibus veritatem aptè nimis atque elegantèr blanditus est, Ita quoque terribiliter plectere illos nouerat, quos de virtutibus virorum illustrium perditæ agitados, æmula cum inuidia amarus liuor æquiore pœna torquebat.

Huius beatissimi viri, ad profliganda ex hominibus vitia, pro sua in-

ingenti virtute, ac sanctitate ardentem in malos animum, erectam linguam, armatum calamum, cruentam pietate manum, imperiti quidam, & stolidi homines, &, quæ Dei sunt, minimè capescentes, de animi impetu, de impatientia mentis, de atrocitate naturæ, deque libidine vindicandi seipsum, manare procaci temeritate existimant; peruersa planè sententia, atque impio sensu trucem illum, non grauem oratorem potius arbitrantur? Hi penitus nescij sunt, & omninò ignari, eam cœlestis reuera æmulationis in beato pectore flammam, non nisi de zelo piæ sæuiantis iustitiæ, tanquam de fornace ardentissimæ charitatis, suauiter conflagrasse. Qui tamen eius amor, vt fragiliores, pro quibus emendatis, aut emendandis e-mori maluisset, cum carnem saperent, inique accipientes, offendit; ita quoque sanos, & integros nimis delectat, proculdubio rectè putantes ea vel maxima, fortissimaque virtute Deo placuisse Hieronymum; qua & Moyles, & Phinees, & Elias, & Marathias, & Ioannes quoque Baptista, ac reliqui constanti virtute præstantissimi viri coram Domino claruerunt. Quorum omnium ad gerendas causas Dei tantum ardentis zeli, & inrepidæ mentis, aduersus impios virtus enituit, vt nullorum de rerum probè gestarum, eminenti splendore, minus reprehensionis & plus laudis in scripturis sanctis reperias, si diligenter obserues, quam illorum, quorum pro Deo probandæ æmulationis, & sanctæ impatientiæ seruior, contra impudentes excauidit.

Huius generis exemplis virilibus nos edocti, Paule Frater, & cum

scribimus, & cum dicimus, errantes reprehendimus, ingenio quidem mites, etsi increpationibus nimium, mollibus hominibus videamur atroces. Sed tu frater, vt te sentire, coniectamus, pariter & perspicimus, alia longe via incedis. Nam ita te delectant duz postremæ apostolicæ clausulæ, consolamini scilicet pusillanimes, patientes estote ad omnes, vt primæ prorsus obliuiscaris, qua præcipitur debere corripere inquietos, in quo planè iniquus iudex facile comprobaretur, nec via regia liberius pergere, per arma iustitiæ à dextris & à sinistris, sed offenso & obliquo magis itinere, & male, vtrunque deflecto calle, deuia quæq; carpere. Nam vbi inter hæc mollia tua documenta fraterna erit correctio? quam Dominus de abditis peccatis dumtaxat fieri præcipit, quum de palam productis non ita fieri opus sit. Cauendum itaque tibi summo-pere censeo, ne per lenitatem misericordiz, remissio seueritatis sit abolitio veritatis, si licentiosa compassio iustitiam propulsare conetur: quoniam sapientissimus, ac piissimus ille noster Samaritanus, nec vinum sine oleo, nec oleum sine vino vulneribus erepti hominis à latronibus tantum adhibuit; sed, meliore consilio, vtrumque permiscuit.

Nos abundantiore clementia vsi, qua de re gratiam potius nobis quam indignationem habere debuisti, fecimus obsecra monitione, quod aperta increpatione facere poteramus, & quod commodius arbitrati sumus, per intermedios fratres, qui possent præsentibus ore suo secretius corrigere fratrem, quam ego per literas illius generis, hoc est, seu dulciores, seu asperiores, potuissim absens vnquam

efficere . Longe nempe vis alia persuasionis est, eademque præstantior, si coram & gestu, & verbis, & ore, & voce, & vultu, & oculis ad bonum homines exhortemur, vel à malis deterreamus; quam si mortuis, ut ita dicam, apicibus caula vlla agenda sit, cum in præsentia quidem corpore facta pronuntiatio mentem ipsam, tanquam illam manu orator contrectet, viuaciter explicet, in absentia verò industrialiterarum, quamvis cultarum, negligentia quodam & velut emortuo simulacro vix corpus affingat.

Sed quoniam quatuor iam apostolicæ sententiæ locos insignes passim per omnem Epistolam, ut sumus polliciti, explicauimus, & ad finem currit oratio, omnem sermonis nostri modum, ad te Paule frater conuerto. Amicum illum, de quo ea scripsi quæ mihi certè iustissima visa sunt, si fortè ex veritate, quæ fragilibus amarior esse solet, mæstior factus est, *non graueris* (te oro) *illum meo nomine blandius consolari*, (3) cuius certè me amicum profiteor, si se tamen ad frugem melioris vitæ conuerterit, aut quàm forte iam perfectè conuersus sit, quod neque ipsi factum inheimus, neque in dies forte id, quod reliquum superest, diffidentia exterriti desperamus: eidem me ipsum, & totum, & sinceriter dedo, siquidem in quo cœpit, auctore Domino, conetur dedita opera veraci integritate perficere. Nec si frater est, acriter ferat, quod æquissimo animo ferendum esse & æquitas ipsa, & ratio omnis consulta bene institutis animis facile persuadet. Equidem quod ad meam sententiam, ac iudicium attinet, rectissimè, ut opinor, de

illo sum ratus, ut scilicet homo longioris, & quod est maius, notæ ubiq, impuritatis, & si correctus iam sit, humiliores tamen prius pœnitentiam multiplicis errati subiret, quam eminentiam illam tantam loci superioris procaci temeritate conscenderet, deque suggestu honoris peruersa animositate contenderet, vnde tandem elatus corruat, & vnde, necdum plenius docendis ab illo hominibus dignissima satisfactione conciliatus, turpiter rideatur: non tam docturus populos, quam ea, quæ docuerit, per contemptum eorum, quibus scandalo fuerat, funditus euersurus.

Nam ea natura est illius Apostolici rostri, quod religiosius pulpitu nominamus, ut quemadmodum sensu graues, doctrina præditos, & nitore vitæ, ac fama fulgentes, præclaros viros altius efferat; ita quoque, si qui inepti, ac leues, si qui ignari, ac impuri, atque obsecuti, in illud ad agendas causas temere se ingesserint, abijciantur, propellantur, continentantur: & eo ipso loco amplissimo, omnique frequentia hominum, nescio quo spiritu, conclamantibus horribiliter cunctis, abominabiles conspuantur; ac si symia, quæ altius prouecta, & plus conspecta, patientibus, ut dicitur, natibus, plus despicitur. At vero ut, quæ nostræ partes esse videntur, digno titulo terminemus, nobis omnibus imprimis, Paule frater, rectè agendum est, si boni esse velimus, curandumq; magnopere, quominus argutos homines, sed integros viros potius imitemur: sunt enim qui ineptias suas fraudibus mendaciorum celantes, homines se ostendent, quum monstra sint, & arte demoniaca quotidie

tidie fallant nullo negotio imperitos; magnoque detrimento veritatis, per speciem sanctimonie simulant probitatem, quam perditissimis moribus nequiter persequuntur.

Ab his, ut semper diutius longe absumus, ille nobis rogandus est, qui factiones theatrialis impietatis, & larvalium morum spurcitas execratur, cordaque hominum probans, renes quoque & animos intima contemplatione scrutatur: talesque cupit habere seruos, quibus simplicitas pro sapientia, rectitudo pro fortitudine, timor pro tutela aduersus compugnantes Demones computetur. Quo quidem excellenti fastigio ille Beatus

Iob, inuidie patientie murus, & constantie firmissimae decus, praestitisse cunctis mortalibus praedicatur, Domino asserente ad Sathan ac dicente: *nunquid considerasti Seruum meum Iob, quod non sit ei similis in vniuersa terra vir simplex, & rectus, ac timens Deum, & recedens à malo: Quod genus eximiae laudationis, sicut de illo scriptura trina repetitione congefist, ita nobis, Paule Frater, diuinitus tribuatur in Sanctae atque indiuiduae Trinitatis, & fide & dilectione, atque actibus bonis omnem vitam nostram recte degendam stabili sanctitate consumere: Amen. Vale ex Brixia 1446.*

## N O T A E.

## Nota I.

*Quod quaedam in fratrem illum etc.* Ex his, alisque B. Alberti verbis, duo mihi colligenda censui, alterum non paruum partem Scriptorum eius nobis deesse, quae vel omnino perierint, vel adhuc in tenebris delitescunt. Nam imprimis nihil in hunc hominem editum nobis suppetit. Deinde Vvadingus affirmat eum aliqua Graecae scripsisse: sed horum nihil hodie superesse videtur. Et sane credi non potest hominem tam cruditum, & calamo, linguaque promptissimum, & eloquentem, in summis ordinis & Ecclesiae negotiis, per plures annos in Italia & Oriente occupatum, praecipuis eruditionis in Italia capitibus familiarem, Principibus, & Primis Ciuitatibus proficuum & charum, non plures fortassis dedisse literas, & orationes, & negotiorum monumenta, tum Graecè ad Graecos, tum latine ad reliquos Ecclesiae Ministros, in Oriente, & in Occidente, Principes, Praelatos, & amicos, quam omnia fortassis quae nos hic proferimus: ex quibus multa non ordinis tan-

tum, sed Ecclesiae ipsius & Principum, atque ipsius Eugenij Pontificis negotia, & diuersa, aduersaque studia circa Basileensem, & Florentinam Synodum, & schisma Felicianum, si extarent, discere possemus: nec nuda vel obscura, sed ipsius eloquentia, & explicandi facilitate clarius explicata, & eleganter ornata, praeter plurimas Epistolas, quas in his extantibus ipse se scripsisse testatur, sed quae nullibi comparent. Cur autem non extent, praeter edax rerum tempus, non aliam inuencio rationem, quam quod partim negotia Secretius magis tractanda, quam publico communicanda fuissent; partim etiam supinam incuriam Fratrum, in quorum manibus relicta fuerunt; Nam ipsa diplomata, & decreta originalia Eugenij Pont. & Concilij Florentini, quae ad ipsius ministerium spectabant, adeo male habita fuerunt in Coenobiolo Cintonensi, ut Feculas non ante annum Christi 1615. circiter ea transferri oportuerit, & melius collocari; idque zelo, studioque vnius Patris Ultramontani, apud Antouium à Trejo, Generalem tunc Ordinis Vicarium, interposiro, ut



fusus narrat Vvaddingus, ipsius Treij familiaris, & Regiz eius ad Paulum Quintum Pontificem Legationis Theologus, pro Immaculate Conceptionis Matris Dei honore promouendo.

Alterum quod colligo est, B. Virum, non obtraxationis, inuidiz, aut maledicentiz affectu, vel hanc Epistolam contra male vitæ prædicatorem, vel alteram aduersus Quæstorem, aut alia id genus scripsisse; sed ordinis conseruandi decoris & famæ, auertendique sæculi scandala, & verbi Dei contemptum, ipsorumque malorum hominum emendationis, & salutis zelo, & summa charitate, & prudentia; tum quod ad eos tantum scripserit, qui intra Religionem, vel familiaribus moribus, vel autoritatis vsu, ea mala auertere, & possent, & ex charitate, æt officij iusticia deberent, tum quod ipse in hac & alijs epistolis id solide demonstrat, quod ipse, & sanctitatem, & scientiam, & zelum boni communis, & publicum prædicandi malus maximè decebat.

## Nota II.

*Dolendo sanare quam tolerando perimere.* In margine huius loci nostri codicis insignis eiusdem sensus est sententia S. Hieronymi, quæ eam absque verborum alteratione textui inserere non potuerim, malum hic adnotare, quam omnino omittere. Sic autem se habet: Putridæ carnes ferro indigent, & cautetio: Non est medicinz culpa, sed vulneris, cum crudelitate clementi non pareat Medicus, ut patet: sicut ut misereatur in Epistola ad Amandum.

## Nota III.

*Non graueris illum meo nomine blandius consolari.* His, præter cetera, manifesta sit charitas, & compassio Alberti versus peccantes, ipsumque acrius increpantem, non homines, sed vitia, & scandala publica persequi voluisse.

## EPISTOLA CXXV.

BEATISSIMO PAPÆ NICOLAO.

## ARGVMENTVM.

*Hoc anno ab Incarnatione Domini non à Natiuitate computato 1446. die 23. Februarij obiit Eugenius Quartus laudatissimus Pontifex, & successit illi non minoris virtutis die 6. Martij Thomas Sarrhianensis, Nicolaus Quintus appellatus. Huic pro reuerentia Sedis Apostolica scribit Albertus, Eugenij mortem amare lugens, Nicolao ipsi omnem felicitatem, & Apostolicas vires ad sustinenda dignitatis onera precatur, suæque obsequia, sicut Eugenio præstitit, sic ipsi humiliter offert.*

**L**Vduosissima nouæ cladis atrocitas, & recentis orbitatis molestissimus mæror, Nicolae Papa Sanctissime, atque omnium Pontifex maxime, quo Deus noster

solus bonus, solus omnipotens, siue per misericordiam siue per iudicium, nescio, suaueolentis memoriæ Eugenium, olim Beatissimum Orbis Papam, sed nunc, ut mea fides fert,

in cælis longe beatiorē, parentem quidem communem omnium Christianorum, *verum peculiariter nostrum*, (1) de medio rerum mortaliū nuper eduxit, eripuit, abstulit, me planē miserum, atque plangentem, tam grauissimæ, tamque inclementi doloris acerbitate vexauit, hodieque vexat & angit, vt nullo me (si tibi, vt par est, in hac re mea fragilitas palam pateat) neque fortitudine aut consilio regere, neque temperantia qualibet à mærore valeam, continere. Quo fit, vt qui mihi potissimum apud te, qui illum tanto officiorum studio meritò excolabas, illius licet sanctæ defunctionis, imo dominationis in Domino grummosam calamitatem, quod ad nos artinet, deplorandam statueram; ea inter multos, ne dicam, supra multos molestia animi afficiar, quæ me ipsum magis plangere, ac mærare, quam illum lamentari compellat. Verum ratio consulta, à luctu grauiore me reuocans, spe quidem futuræ erga electos Domini misericordię consolatur, sed nec minus præsentī compensatione bono animo iubet esse: nam æger animus meus, qui de illius religiosæ vitæ absentia nunc quoque vehementius cruciatur, à sua defectione magna ex parte eleuatus est: quandoquidem tuam Beatitudinem, illius Summi Apostolarum fastigium, summa cum pace Ecclesiæ (quod omnibus atque omnium maximè mirum est) prouidentia diuina iussit accipere, & si accommodatius dicitur, præcepit ascende-

re: vt tu qui diu, & tua sponte, & Deo faciente, *in postrema mensa recubuiſſi*, (2) repentina promotione inuitantis ad nuptias subito ad summa prouhereris. Qua de re fieret, vt sicut probata sanctione veritatis coram simul discumbentibus tibi honos accreuisse dignosceretur; ità tu quoque loci humilioris, vnde ad altiora traiectus es, perpetua recordatione admonereris: quo in altero gratus, in altero non elatus, & stabili firmitate, & firma stabilitate confirmareris: Sed tibi in summa rerum posito cum maximis præsidij opus sit; cumque ipse, aut, quod dicitur, noctua Athenas, aut sus Minervam, imò Magistrum Ecclesiarum docere non debeam, neque negotiosissimo esse oneri, plura quidem dicenda, si tempus ac facultas suppeditarent, melius ad Deum oratione concludam. Ad onera ergo ingentia tanti honoris, vt sapientiam Pauli in disponendis, vt mansuetudinem Moysis in tolerandis, vt Petri constantiam, & auctoritatem in coercendis, ita quoque integritatem, ac sanctimoniam Apostolicam tibi diuinitus tribui & opto, & spero, & peto: & si Domini misericordia largiatur, conatibus orationum exoro. Ego vt finem faciam, & si nullius momenti sim, pro virili mea, cum opus erit, de munere Christi, is tibi futurus sum, qui sanctæ memoriæ Eugenio hætenus semper extiti: Dominus te tueatur omnipotens, Beatissime Papa, Ex Ferraria 1447. xv. Martij.

## N O T A E.

## Nota I.

*Verum peculiariter nostrum.*  
Non se solum, sed totius Franciscanæ Regularis Observantiæ professores intelligit, erga quos paternam Eugenij & peculiarem diligentiam sic breuiter explicat Vvaddingus tom. 5. anno 1447. num. 5. plurimum si debet Minorum sodalium, praesertim ea pari, quæ ab Observantia Regulari nuncupatur, mirum in modum, & celesti incremento eius auxilio & fauoribus propagata. Alberto nostro nihilominus quam peculiariter additus fuerit vel diplomatum eius verba, à nobis alibi descripta, demonstrant.

## Nota II.

*In postrema mensa recubasti,*  
repentina promotione. Erat Thomas Medici Sarzanensis filius: dum Bononiz primis literis incumberet, B. Nicolai Albergati, illius Urbis Episcopi, viri vitæ sanctimonii, doctrina & rebus pro Romana Ecclesia fortiter, prudenterque gestis celeberrimi, patrocinio positus, eiusque liberalitate sic adiutus est, ut Philosophiæ, & Sacræ Theologiæ lauream, cum pietatis & doctrine

laude adeptus sit: Hinc Episcopi familiaris praefectus, & Ecclesiæ Cathedralis Canonicus euasit, atque ex tam parvis initijs, & ex vltimis Cardinalibus Eugenij, tanquam à postrema mensa euectus, eodem anno se Bononiensem Episcopum, mox S. R. E. Cardinalem, ac Summum Ecclesiæ Christi Pontificem admirari potuit: Vvaddingus tom. 5. ad annum 1447. num. 6. refert tamen Beati Ioannis Capistrani prophetiam de futuro Thomæ Summo Pontificatu: scribunt etiam auctores Vitæ B. Nicolai Albergati, eum in Cælis Beatum, Thomæ per somnium apparuisse, eandemque dignitatem illi prædixisse: quibus non sunt dissimilia eadem de re somnia, alterum ipsius Nicolai Pontificis, alterum Friderici Imperatoris, quæ refert Aldoinus, in additione ad Ciaconum nouissimæ editionis; ut non immerito (ut ibidem habet Ciaconus) Cardinalis Portugallensis, è conclauis egrediens, interrogatus, quem Pontificem creassent, responderit: *Non nos Nicolaum, sed Deum Pontificem elegit, & designauit.* Certe Nicolaus ab actis sui Pontificatus egregiam laudem, famamque retulit, in quo ubique Deum sequi conatus est.

## Ad Lectorem animaduersio.

**I**N Prologio ad B. Alberti Opuscula, benigne Lector, promissit compiler in Epistolis proferendis ordinem temporis obseruare, idque quo ad annos facile prestare potuit, & reipsa prestitit. Sed quia earum pars magna è Codice Capistranensi, posterius allato, desumpta est, in quo, quanquam anni, locique nota singulis sit adscripta, sed mensis, & dies non ubique adnotatur; non adeo facile fuit, ordinem dierum vel mensium intra annum obseruare; Licet ergo vel coniecturis ex materia ipsa capiendis, vel alijs indicijs colligi potuerit, quæ prius, quæ posterius eodem anno scripta fuerit, maioris athen temporis, & laboris compendio visum esset eum ordinem obseruare, quo in ipso Codice scriptæ sunt, coniecturas illas notis, ubi opus fuerat, adiunctis reseruando. Quod ad ipsas Epistolas pranotandum erat: quod, nescio quo errore, omissum fuit: unde hic ad calcem animaduertendum duximus.

# I N D E X

## R E R U M N O T A B I L I U M.

*In quo prior numerus paginam, secundus columnam designat.*

### A.

**A** Brahamo ubi vxor ablata. 110. 1  
 Academia Senensis triumphum  
 B. Alberti in Cœlum conscen-  
 dentis pereleganter describit. 103.  
 Non minus tamen veraciter. 116. 2.  
 Aeneas Syluius B. Albertum collaudat.  
 86. 2.  
 B. ALBERTVS post S. Bernardinum inter  
 quatuor Regularis Obseruantie lu-  
 mina professione Franciscana primus.  
 1. 1. 106. 2.  
 Tribus alijs Reg. Obseru. columnis la-  
 boribus, vitæ sanctimonie & miracu-  
 lis non impar. Ibid.  
 Beati titulum à 230. annis & amplius  
 possidet. Ibid.  
 Beatitudinis cultum ab Apostolica Se-  
 de non obtinuit. 1. 2.  
 Eius acta suis Annalibus sparsim in-  
 seruit Vvadingus. Ibid.  
 B. Alberti patria. 3. 4. & 5.  
 Qui Mediolanensem faciunt, qui Sar-  
 thianensem & Tuscanum. 3. 1.  
 Sarchianum Tuscie Oppidum demon-  
 stratur eius patria. Ibid. & 95. 1.  
 Eius Parentes & Familia. 5. 3.  
 Natiuitas. 6. & 7.  
 Sub quibus Magistri studuit. 6. 2.  
 Quo anno habitum suscepit. 8. 2. 106. 2.  
 A Conceptualibus ab Obseruantes mi-  
 grat. 10. 1. 95. 2.  
 Preceptor eius Angelus Tuscus qualis.  
 Ibid.  
 Ad Græcæ literas addiscendas se con-  
 fert. 12. 1.  
 S. Bernardinum concionantem sequi-  
 tur. 12. 2.  
 Mutinam prædicaturus mittitur ab eo-  
 dem. Ibid.  
 Mutinæ factiones euellit, pacem inter

Ciues conciliat. 13. 1. 78. 1.  
 In ludorum pestem scriptis inuehitur.  
 13. 2.  
 Labores prædicandi postquam semel  
 assumpsit, nunquam dimisit. 14. 1.  
 Rex præconum vulgo acclamatus. Ibid.  
 Erga peccatores suauis. in vitia acer &  
 vehemens. 14. 2.  
 Varia inde pericula incurrit. 15. 1  
 Temperare aliquando sibi in hoc vo-  
 luit suadentibus amicis, sed spiritu  
 impellente non potuit. 15. 2. & 3.  
 Sfortie Ducis aulici inde illi necem  
 moliri cogitant, sed Dux ipse vetat.  
 16. 2.  
 Magno fructu ubique prædicat. 17. 1.  
 Millia hominum 60. & subinde plura  
 eius concionibus iactantur. Ibid.  
 Demone in Cerui forma, assistentes  
 terrentem fugat. 18. 1.  
 Non dicendo tantum, sed etiam scri-  
 bendo hominum salutem promouet.  
 Ibid.  
 Poggium Florentinum in Religiosos in-  
 uectum confutat. 20. 1.  
 Prædicationes parû convenientes pru-  
 denter declinat. 21. & seqq.  
 Antonij Panormitani scdum libellum  
 voce, & scripto persequitur. 27. 1.  
 Author fuit Principi Estensi ferendi le-  
 gem contra caudas mulierum. Ibid.  
 In obsequiû Pontificis segregatur. 28. 2  
 Mittitur à Pontifice Ierosolymam. Ibid.  
 Quid ibi egerit. 29. & 30.  
 Fratres carcere Saraccenorum detentos  
 ad perseverantiam & martyrium hor-  
 tatur. 30. 1.  
 Redir in Italiam. 30. 2.  
 Apostatam à fide reducit. 31. 2.  
 In Orientem secundo proficiscitur cum  
 literis Pontificis ad varias Nationes  
 inuitantibus ad vnionem cum Ecce-  
 lesiâ Romana. 32. 1.

- Instituitur Commissarius Apostolicus in  
 partibus Orientis 32.2.85.1.& 2.  
 Decretum Vnionis & literas Pontificis  
 Patriarchæ Alex. & Coptis tradit.  
 33.1.  
 Cairum appellus Sultanum alloquitur.  
 33.2.  
 Cum Saracenis de fide disputat. ibid.  
 A Sultano condemnatur ad mortem. lb.  
 Liberatur per Catholicos & Mamalu-  
 chos. lbid.  
 In Indiam & Aethiopiam professionem  
 renrat. 34.1.  
 Morbo impeditur Socios mittit. 34.2.  
 Redit solus in Aegyptum ad Iacobitas.  
 35.1:  
 Inedia oppresso in solitudine cibis mi-  
 raculose subministratur. 36.1. 98. 1.  
 100. 2.  
 Legationem Iacobitarum ex Aegypto  
 Florentiam ducit. 36. 2. 38.2.  
 Occurrit B. Bernardinus Senensis, &  
 quid intercessit. 38.1.  
 Cortonæ prædicat 38.2.  
 Florentiam cum solempni pompa ingre-  
 ditur. lbid.  
 Interpretis officio fungitur in Concilio  
 Florentino. 39. & 40.  
 Præter assensum in Concilio alia Pon-  
 tifici præstat obsequia. lbid.  
 Quid pro Terræ Sanctæ meliori Regi-  
 mine egerit. 41. & seqq.  
 Fit Minister Prouinciæ S. Antonij. 46.2.  
 Instituitur à Pontifice Vicarius Gene-  
 ralis Ordinis. 47.1.  
 Sigilla Ordinis tradidit ei Pontifex,  
 quibus tamen ob eximiam humilita-  
 tem non nisi semel durante officio vsus  
 est. 47. 2.  
 Literas encyclicas ad Prouincias mit-  
 tit. 48.1.  
 Comitia generalia indicit. lbid.  
 Bernardinum Senensem suum Com-  
 missarium Capriolæ instituit. 50.1.  
 Ioannem Capistranum in Prouincijs  
 Ultramontanis Commissarium, Visi-  
 tatorem & Reformatorem delegat.  
 50.2.  
 Reducere conatur à schismate Mathiæ  
 Doringum Ministrum Saxonie. 51.2.  
 Ioannis Baccalaurei audaciam frangit,  
 & ab vsurpato gradu iubet deponi.  
 52.2.  
 Fratres Patavij apud sæculi potestates  
 se mutuo criminantes hortatur ad re-  
 spiscentiam. lb.  
 Remedij difficultate cõperta scribe  
 ad Pontificem, modum insinuans, quo  
 suauiter possint compesci. 53. 1.  
 S. Bernardinum pro concionibus Me-  
 diolani & Ferrariæ habendis à se po-  
 stulatum à proficiscendo excusat. 53.2.  
 Reo cuidam inflitæ pœnæ æquitatem  
 tuetur apud Prælatos, ad quos recur-  
 rerat. lbid.  
 Magistrum gradu male acquisito, iussu  
 Pontificis decurbat. 54.2.  
 Famæ eius maligni detrahunt. lbid.  
 Poggio Florentino de eiusmodi de-  
 tractione monenti respondet, & ob-  
 iecta diluit. lbid.  
 Scipioni Episcopo Mutinensi ambitum  
 dignitarum suggerenti respondet, &  
 non esse ambiendas doctè demonstrat.  
 55.1. 383. & seqq.  
 Magis dilexit sibi locum humiliorem,  
 quam honorem procurantes. 55.2.  
 Ad Comitia Generalia convenientibus  
 necessaria omnia suppeditat. 56.1.  
 Patribus ad electionem congregatis la-  
 tine perorat. lbid. & 149. & seqq.  
 Graves in Comitij excitatos tumultus  
 compescit. 56.1.  
 Senis agit cum Pontifice pro redem-  
 ptione sociorum apud Barbaros in  
 Oriente detentorum. 57.2.  
 Obrinet à Pontifice quingentos aureos,  
 qui supererant expensis Capituli Ge-  
 neralis, pro eorum liberatione impen-  
 di. lbid.  
 In eundem finem scribit ad Martinum  
 Venetum Terræ Sanctæ procuratorem.  
 Ibidem.  
 Pontifex B. Albertum suum Nuncium  
 ad Patriarcham Aquileiensem ablegat  
 contra Saracenos. 58.2.  
 Iubet illum Pontifex Iacobo Primadicio  
 in reformandis Cœnobijs Constantinopoli,  
 & Caffæ auxilium ferre. 59. 1.  
 Assisij Ciuitatem, & Tusciæ Ministrum  
 Pontifici commendat. lbid.  
 Instat apud eundem ne Mare magnum  
 reuocetur. lbid.  
 Migrat ad Insubres. lbid.  
 Quotidiane predicationi intendit. 59.2.  
 Brixiam proficiscitur. lbid.  
 Brixienfes ad pacem componit, cuius  
 pax

facta in publicas tabulas redigi curat, & Veneti Senatus consulto roborari. *ibid.*

Duo Sanctæ Claræ Monasteria ibidem ædificari curat. *ibi.* & 60.1.

Lombardiam vniuersam prædicando perecurrit. 60.c.1.

Novinis lævæ venerationem, & cultum populis inculcat. *ibid.*

Thomasio Bibio regio Medico suadet è Cypro recessum. 61.1.

Epistolis scribendis, dum vacat, intendit. *ibid.*

Monialium dissidia Mediolani opportunò à Pontifice obtento remedio sedat. *ibid.* & 62.1.

Ad Patres Prouinciæ Mediolanensis in Comitij congregatos scribit. *ibid.*

De malitia inuidentiz, & conditione amicitiz, dissertationem conscribit. 62.2.397. & seqq.

Negotium sibi commendatum prudenter refutat. *ibi.*

Humili loco nasci nihil ad virtutem officere demonstrat. 63.1.404. & seqq.

Paupertatis & charitatis zelo flagrat. *ib.* Concionatore sua culpa priuatum officio, monet non tam cito restituendum. 63.2.

Episcopo Brixienfi magno studio illum euocanti sese excusat. 64.1.

In Hispaniam proficisci desiderat. 64.2 & 65.1.

Pontificis & sui Superioris mandato Fetrariam prædicaturus proficisci iubetur. 65.1.

A Brixienfibus ad suas discordias ex-terminandas postulat. 66.1.

Noviter electum Præfulem Ferrariensem gradus, & officij erudire monet non sine fructu. 66.2.78.2.424. & sequent.

Brixiam profectus ciuium dissidia secundò componit. 67.1.

Castitatis cultum commendat. *ibi.*

Eruditum scribit commentarium de corripendis insolentibus. *ib.* & 436. & sequent.

Scribit ad Nicolaum V. & mortem Eugenij IV. amare luget. 67.1.449.1.

Omissa Hispanica professione Mediolanum proficiscitur. 69.1.

Moritur ibidè in festo Virginis Assumptæ. 69.2.

Animam illius Cælum ascendentem, speciosam, & pulchram vidit B. Io. Capistranus. 70.1.88.1.90.2.91.2.92.1.93.2.97.1.100.1.101.2.102.1.103.1. Sepultus est in Coenobio S. Angeli Mediolani, sed quo loco, non produnt Authores. 70.1.

Miracula post mortem operatur. *ibid.*

Vbi conseruentur eius Reliquiæ. 70.2.

Maiora Alberri Miracula in conuersione Infidelium, hæreticorum, Schismaticorum, Apostatarum à fide. 75.1.

Nicolaum Venerum à fide Apostatam quomodo conuerterit. 71.2.75.2.

Quanta eius erga Mediolanenses charitas. 69. & 77.

Petrum cognomine Bonum quomodo ad meliorem vitam reduxerit. 78.1.

Peeatores conserudinarium qualiter ad vitæ emendationem direxit. 74.2.78.2.

Minora B. Alberri miracula, quæ vulgò miracula dicuntur. 80. & 81.

Quibus terminis efferant Scriptores B. Alberti miracula. 80.1.

Cur illa in specie non referant. 80.2.

Quædam illius miracula in specie. 81.1.

Epistolæ eius duæ, propria manu conscriptæ, vt sacræ Reliquiæ Sarrhani asseruantur. 82.2.

De illius cultu, & titulo Beati. 81.2.82.1.

Liber Missalis eiusdem, veluti sacræ Reliquiæ, in Conuentu S. Francisci Cortonensi asseruatur. 83.1.

Item Codex M. S. in Ecclesia Fratrum Minorum Capistrani. *ibidem.*

Alberti virtutum, Miraculorum & Beatitudinis fama constantibus Scriptorum testimonijs perpetua. ab 83. ad 104. Vide *Encomia B. Alberti.*

Ambitio dignitatum quam fugienda. 383 & seqq.

Antonius Magliabechus Magni Ducis Bibliothecarius. 109.2.

Antonius Randensis humili loco natus ab Alberto defenditur. 63.1.405. & 406.

Antonius à Rusconibus sanguine, doctrina alijsque dotibus clarus, in Ministrum Generalem electus B. Albertum in administratione Prouinciæ Antonij reluctanter confirmat. 56.1.

Armenos ad Concilium Florentinum.

ducunt Minores. 32. 1. 96. 1.  
 Arturi à Monasterio de B. Alberto telat-  
 tio. 96. 2.  
 Aferæus quomodo poeticum spirituum  
 acceperit. 107. 2.

## B.

**B**artholomæus Iannensis. Vide *Iaco-  
 bus Primadicius*.  
 Bartholomæus Pisanus regularis vitæ  
 zelo & pietatis exercitijs addictus.  
 9. 1.  
 Alberti in Tyrocinio magister. 9. 2.  
 Bartholomæo Rouerelle collatum Epif-  
 copatum aggregatur B. Albertus.  
 65. 2.  
 Beati titulum quam constanter obtinuer-  
 it B. Albertus. 81. 2. Vide *Testimonia  
 & Encomia*.  
 Berdini non Bendini B. Alberti cogno-  
 men. 116. 2.  
 Bergamum appellit B. Albertus. 63. 1.  
 B. Bernardinus Senensis Albertum com-  
 mendat curæ Fratris Angeli Tusci.  
 10. 1.  
 Occurrit Legationem solemnem du-  
 centi ex Aegypto, & monet humili-  
 tatis. 38. 1.  
 Deponit officium Vicarij Generalis.  
 50. 1.  
 In Sanctorum Cathalogum refertur.  
 69. 2.  
 Bibio. Vide *Thomasio*.  
 Blondus Flavius B. Albertum collaudat.  
 90. 2.  
 Borſius Princeps Eſtenſis B. Bernardi-  
 num inſtanter petit ad quadrageſimæ  
 conciones. 13. 2.  
 Brixienſes ad pacem ſtabilem inducit  
 B. Albertus. 59. 2.  
 Brixienſis Epicoſopus magno ſtudio ad  
 ſuam Ciuitatem vocat B. Albertum.  
 64. 1.  
 Brixie duo Monialiū ſub Regula S. Cla-  
 ræ conſtrui facit Monasteria B. Alber-  
 tus. 59. 2. 60. 1. 79. 1.  
 Brixienſis Populus B. Albertum per nun-  
 cium vocat ad ſuas diſſenſiones com-  
 ponendas. 66. 1.  
 Bullæ ſedecim Eugenij IV. ad B. Alber-  
 tum conſeruata in Conuentu Cetoniij.  
 92. 1. 94. 2.

## C.

**C**alamitates Regni Cypri. 61. 2.  
 Captiuos Socios liberat B. Alber-  
 tus. 58. 2.  
 Cardinalium Pontifici aſſiſtentium da-  
 B. Alberti prædicatione iudiciū. 86. 2.  
 Catholici Chriſtiani Cayri Albertum à  
 morte liberant. 33. 2.  
 Catharina Bononiensis B. Albertum per  
 quinque continuas horas prædicantē  
 auſcultat, nec interea panis in furno  
 comburitur. 96. 2.  
 Cerui forma velatum Dæmonem fugat  
 B. Albertus. 18. 1.  
 Ceruinorum Familia clara. 100. 2.  
 Chriſtus Beatum Albertum in deſerto  
 cibo, & colloquio mirabiliter recreat.  
 36. 1. 98. 1. 111. 2.  
 Codex M. S. B. Alberti conſeruatur Ca-  
 piſtrani in Eccleſia Fratrum Minorum  
 velut S. S. Reliquiæ. 83. 1.  
 Comitria Gener. indicit B. Albertus. 48. 1.  
 Ad ea conuenientibus neceſſaria om-  
 nia ſuppeditat. 56. 1.  
 Concionatorem ob ſlagitiouſam vitam  
 officio priuatum cenſer non tam cito  
 reſtituendum. 63. 2. 446. 2.  
 Concionaror quantus & qualis B. Alber-  
 tus. 14. & ſeqq. Vide *Testimonia*.  
 Concilio Florentino adſuit velut inter-  
 pres. 39. 1. 95. 2.  
 Concilij Florentini acta publica luce do-  
 nat Laurentius Iuſtinianus. 2. 2.  
 Conuenſuales. B. Alberti rigorem ex-  
 perti conſiderare recuſant eius electioni  
 in Miniſtrum Generalem, & turbas  
 excitant. 56. 2. 94. 1. 2. 11.  
 Corpora Sanctorum plura nos latent, &  
 perierunt, quam patent aut nobis no-  
 ta ſunt. 71. 1.  
 Coſimi Medices in conſtruenda Biblio-  
 theca ſtudio iuuerunt B. Albertus, &  
 Bernardinus Senenſis. 25. 2.  
 Crucis Chriſti pars in veteri theca, ab  
 Helena Conſtantini matre ſeri iuſſa,  
 in Conuentu Fratrum Minorum Cor-  
 tonæ aſſeruata. 38. 2.  
 Crucis Chriſti pars, quæ B. Albertus  
 Conſtantinopoli ſecum tolerat, con-  
 ſeruata in Conuentu Cetoniij. 96. 1.  
 Cruce in manu geſtans B. Albertus præ-  
 dicat in diuerſis mundi partibus, &  
 multos Infideles conuertit. ibid.



Cultus B. Alberti. 81. 2.

Cur cessauerit. 82. 1.

Cypri Insula occupata à Saracenis. 61. 2

ad A. d. 1222. 11

## D.

ab munnificis

**D**elinquentes sua peccata excusare, & Iudicis æquitatem incusare solent. 54. 1.

Deus quomodo vita animæ. 73. 1.

Dignitates non ambiendas suo exemplo & erudita lucubratione docet B. Albertus. 55. 1. 388. & seqq.

Dionysius à Pulinari B. Albertum commendat. 90. 2.

Doctrina SS. Patrum de duplici genere miraculorum. 71. & seqq.

Doctrinæ dotibus insignes fontis nomine intelliguntur. 107. 1.

Dux featurigines in schemate Guarini quid significant. 109. 1.

1. 82. 1

## E.

**E**loquentissimus erat B. Albertus. 89. 1.

Emanuel Chrisolora B. Alberti præceptor. 62. 97. 1.

Eneomia B. Alberti apud Autores plurima & egregia commemorantur: à pag. 83. vsq. ad 104.

Singulari vita & doctrina præditus pronuntiatur à Poggio Florentino. 83. 2.

Lapis angularis pro vñione Ordinis ab Eugenio Pontifice vocatur. 84. 1.

Comprobatz integritatis, præcipuæ doctrinæ & prudentiæ vir. 84. 2.

Grauitate mortû & consilio præstans. ib.

Vita, moribus, doctrina, ac Religionis zelo, & reformationis ordinis ardenti desiderio Pontifici acceptus. ibid.

Sacratum literarum interpres & Evangelicæ legis tuba. 85. 1.

Vir sacra Dei doctrina plenus, in timore Domini & eius vijs ambulans. ibidem

Potens opere & sermone in magnis, & arduis. 85. 2.

In partibus Orientalibus Indiæ, Aethiopiæ, Aegypti, & Ierusalem Commissarius Pontificis. ibid.

Benedictus filius & honoratus Sacerdos. ibid.

Sanctus frater. 86. 1.

Multa pericula, multos labores pro dignissima vñione Fidei Christianæ perpassus. ibid.

Ardens Religionis zelo, magne in Pontificem & S. Rom. Ecclesiam Fidei, probatz virtutis in ordine. 86. 2.

Humana & diuina eloquentia præditus. ibid.

Vir Sanctus. 87. 1.

Petitissimus homo, potentissimus in Theologia, singularissimus prædicator & in suis prædicationibus acceptissimus, bonæ conscientie, Beatus, post mortem clarus miraculis. 87. 2.

Apostolicus Vicarius. ibid.

Vir sanctitate & sententia præclarissimus & per totam Italiam nominatissimus. 88. 2. Vide Testimonia.

Epistolâ scribendis intendit B. Albertus. 61. 2.

Epistolæ duæ B. Alberti conseruantur Sathiani velut reliquæ. 82. 2.

Eugenius Pontifex multa à Schismaticis passus, multis laboribus pro Ecclesia functus. 1. 1. A. 210. 1. 210. 2.

B. Ioannem Capistranensem multis facultatibus donat. 5. 1. 210. 2.

Electione Antonij Rusconi in Ministrum Generalem excluso B. Alberto ægrè tulit. 57. 1.

Suadente tamen Alberto electionem confirmat. ibi.

Paruam electo potestatem in obseruantes reliquit. ibi.

Ministro Generali in Iungit. ut citra montes Ioannem Capistranum, ultra vero Io. Masbertum Vicarios Generales instituat eum plenitudine potestatis, & institutionem suo diplomate confirmat. ibi.

In Saracenos expeditionem facit, & Christianos Principes in auxilium vocat. 58. 2.

Eius de B. Alberto testimonia. 84. & 86 Moritur. 67. 2.

## F.

**F**amæ B. Alberti maligni detrahunt. 54. 2.

Familia B. Alberti. 5. 2.

Florentiam solemnî pompa ingreditur Beatus Albertus è sua legatione redux. 58. 2.

Fons Caballinus montis Parnassi. 107.2.  
Fons Castalius. ibi.  
Fontis nomine eruditio intelligitur. 107.1  
Fontes qui in Veteri, & nouo testamento  
ibi.

Franciscus Sforzia Mediolani Dux No-  
socomium erigit Mediolani. 166. 2.  
61.1.

Mediolanum ad deditionem constrin-  
git. 68. 2.

Vrbem summo nobilium, & populi  
plausu ingreditur. 69. 2.

Prouocatus contra B. Albertum prædi-  
cantem per assentatores quomodo se  
gesserit. 15. & 16.

Eius de B. Alberto iudicium. 16. 2.  
87.1.

Francisci Gonzagæ de B. Alberto rela-  
tio. 92. 1.

Franciscus Ligaminius fit Episcopus Fer-  
rariensis. 66. 1.

B. Albertum ad concionandum instan-  
ter vocat. ibi.

Monitis eiusdem in egregium euadit  
Prælatum. 66. 2. 78. 2.

Franciscus Surianus Venerus iter B. Al-  
berti in Aegyptum describit. 109. 2.

Frates Captiuos liberat B. Albertus.  
58. 2.

## G.

**G**allicus Hercules Celtas instruxit.  
108. 2.

Gandolphus Siculus fit Ierosolymæ  
Guardianus. 47. 2.

Illius ad Pontificem Epistola de Ora-  
toribus Regis Aethiopiæ inculca,  
sed veridica. 42. & seqq.

Vocatur à Sultano vt ad Pontificem scri-  
bat. 40. 2. 111. 1.

Gaudenses in Holandia obseruantibus  
domicilium construunt. 48. 2.

Græcæ & Latinæ doctus B. Albertus. 6. 7.  
8. & 97.

Græcam linguam tam accuratè calluit,  
vt in Græcia natū sibi Græci in Con-  
cilio Florentino persuaferint. 7. 2. 97. 2

Guarinus Veronenfis B. Alberti præce-  
ptor. 6. 7. & 97. 1.

Guarini Schema. 108.  
Eius interpretatio. ibi.

Ad B. Alberti conciones discipulos co-  
ducit. 16. 2.

Græcæ, & Latine eruditionis fons & A-  
titit. 7. 1. 107. 1.

Guelphi, & Ghibellini. 12. 2.

Quales illi. 183. 1.

Gulielmus Casalensis Minister Genera-  
lis moritur. 46. 1.

Eius ad B. Albertum Epistola. 84. 1. 99.  
1. 107. 2.

## H.

**H**enricus Vvillot de B. Alberto agit.  
92. 2.

Hercules Gallicus. 108. 2.

Horatius Iustinianus acta Concilij Flo-  
rentini publicatur. 2. 2.

Hospitale magnum Mediolani ædifica-  
tur. 60. 2. 61. 1.

Hospitale S. Mariæ pro Clarissarum Mo-  
nasterio ædificando concedunt Bri-  
xiens. 59. 2.

Hospitalia Pauperibus, infirmis, & Pu-  
pillis erigi ad hortatur B. Albertus.  
60. 1.

Humili loco nasci ad virtutem non no-  
cet. 63. 1. 406. 2.

Humilitate sua placat B. Albertus turbas  
in Capitulo Generali. 56. 2. 95. 2.

## I.

**I**acobitz vnionem cum Ecclesia Ro-  
mana cooperante B. Alberto accep-  
rant. 43. 1.

Iacobitarum vnio in Concilio Florenti-  
no concluditur. 39. 1.

Iacobo Primadizio in reformandis Cœ-  
nobijs inbetur auxilium ferre B. Al-  
bertus. 59. 1.

Iacobum Picenum suum Nuncium able-  
gat Eugenius Pontifex contra Sara-  
cenos. 58. 2. Vide Quatuor.

Iacobus Delphinus instituit à Pon-  
tifice Guardianus Hierosolymæ.  
41. 1.

Iacobus Primadicius, & Bartholomæus  
Yahensis Eugenij Pontificis obsequijs  
in Oriente intendunt. 49. 2. 111. 2

Vocantur à B. Alberto ad Comicia Ge-  
neralia. ibi.

Alter fit Minister, alter Custos Roma-  
nie in Græcia. ibi.

Imago B. Alberti Sarrhani depicta circa  
caput radijs. 82. 1.

Alia

Alia eiusdem radijs ornata in sacratio  
Aracelitano. 83. 1.  
Imago B. Alberti Pontifici assistentis .  
Vide *Vaticani Templi* .  
Imperium Græcorum inuadunt Saraceni.  
58. 2.  
Interpres in Concilio Florent. an fuerit  
B. Albertus 39. & seqq. 95. 1.  
Ioannes Baccalaureus contra B. Alberti  
authoritatem cauillatur. 52. 1.  
A Baccalaureatu iussu B. Alberti depo-  
nitur. 52. 2.  
Ioannes Capistranus comprimere male-  
uolos in B. Albertum. 16. 2.  
Fit Vicarius Gener. Cismontanus. 57. 1.  
In Orientem pro ordinando gubernio  
Terræ Sanctæ missus, & quid ibidem  
egerit. 42. 2.  
Animam B. Alberti Coelum conscen-  
dere videt. 70. 1. 88. 1. 90. 2. 91. 2. 92. 1.  
93. 2. 97. 1. 100. 1. 101. 2. 102. 1. 103. 1.  
Ioannes Maubertus fit Vicarius genera-  
lis Ultramontanus. 57. 1.  
Ioannes Tauellius Ferrariensis. Episcopus  
meritis præclarus. 66. 2.  
Italia litteris Latinis, & Græcis floret  
per Guarinum Veronensem, & Ema-  
nuelem Chrysoloram. 18. 2.

## L

Latinè, & Græcè doctus B. Albertus  
6. & seqq. 97. 2.  
Laudes B. Alberti. Vide *Encomia* .  
Leander Albertus. Sathianum Alberto  
ex Minorum Ordine maximo Con-  
cionatore inclytum appellat. 9. 1. 90. 1  
Leonellus Estensis res in Oriente à B. Al-  
berto gestas ad se scribi desiderat. 37.  
1. 47. 2.  
Liber Missalis B. Alberti conseruatur in  
Conuentu Citionensi velut Reliquiæ .  
83. 1.  
Lingua Græcâ tñ accuratè calluit B. Al-  
bertus vt in Græcia natum crediderint  
Græci in Concilio Florent. 7. 2. 95. 2.  
Lombardiam vniuersam prædicando per-  
currit B. Albertus. 60. 1.  
Lombardiæ status, & conditio mortuo  
Philippo Duce. 67. 1. 68. 1.  
Lucas Vvadingus B. Alberti acta copiosè  
& solidè prodidit in syllabo *Scripto-  
rum Ordinis*, & *Tom. 5. Annalium* .  
2. 2. 97. 1.

Ludouicum Bouoniensem Hierosolyma  
ad Pontificem ablegat B. Albertus .  
29. 2.  
Ludouicum Vicentinū ad castitatis cul-  
tum conseruandum seriò, & zelosè  
monet B. Albertus. 67. 1.  
Ludouicus de Piramo Episcopus For-  
liuensis in Concilio Florontino de  
Processione Spiritus Sancti summa  
cum laude disputat. 115. 1.

## M.

Magistrum gradu male acquisito  
iussu Pontificis deturbat B. Al-  
bertus. 54. 2.  
Maiora miracula B. Alberti in conuersio-  
ne Infidelium, Hæreticorum, Schisma-  
ticorum, & fidei desertorum. 75. 1.  
Mamaluchi qui & quales. 110. 1.  
Albertum à morte liberant. 33. 2.  
Insulam Cypri occupant. 61. 2.  
Marcus Vllisiponenſis quatuor Regularis  
Obseruantie promotores S. Bernardi-  
num Senensem, B. Io. à Capistrano,  
B. Iacobum Picenum, & B. Albertum  
Sathianum encomijs prosequitur. 91. 1.  
Mariani Florentini de B. Alberto enco-  
mia. 89. 1.  
Mate Magnum ne reuocetur instat apud  
Pontificem B. Albertus. 59. 1.  
Martyrum vituperatores voce, & scriptis  
persequitur. 28. 1.  
Martyrij desiderium quantum in B. Al-  
berto. 33. 2. 64. 2. 65. 1. 110. 2.  
Martinus Venerus Terræ Sanctæ Procu-  
rator. 57. 2.  
Mathias Doringus Prouinciæ Saxonie  
Minister B. Alberto non responder .  
51. 2.  
Cui adhæserit in Schismate . 51. 1.  
Perſistit refractarius Vicario Generali  
B. Alberto. 52. 1.  
Eligitur in Pseudo - Ministerum Gene-  
ralem . ibid.  
Tandem resipiscit. ibi.  
Mediolano ortum B. Albertum quidam  
affirmarunt, sed erroneè . 3. & seqq.  
115. 2.  
Mediolanensem Status miserabilis mor-  
tuo Philippo Duce, & obsidente Fran-  
cisco Sforcia. 67. 2. 68. 1.  
Mediolani pestis grassatur cum ingenti  
strage. 69. 1.

B. Michael ab Archagnano B. Alberti salutariis monitis concitatus vitam in melius cōmutat, clarissimus verbi Dei concionator euadit, doctrinæ, & sanctitatis radijs totam illustrat Italiam. 91. 1.  
 Michael Carcanns Ord. Min. magni hospitalis Mediolani constructionem promouet. 61. 1.  
 Miraculum miraculorum est conuersio peccatoris. 73. 2.  
 Miracula maiora conuersiones sunt peccatorum, minora resuscitatio mortuorum, & similia. 71. & seqq.  
 Monialium Monasteria duo Brixie edificantur prædicante B. Alberto. 59. 2. 60. 1.  
 Monialium dissidia sedat B. Albertus. 62. 1.  
 Moniales S. Mariæ de Gandalupo Mediolani instantè agunt, ne directioni Fratrum de Obseruantia subtrahantur. 65. 2.  
 Mundi muliebris luxum eradicat B. Albertus. 27. 1.  
 Mutinensium dissidia idem componit. 13. 1. 78. 1.

## N.

Negotio sibi commendato prudenter se eximit B. Albertus. 62. 2.  
 Nicolaus Græcus in Concilio Florentino interpres, quis, & qualis. 112. & seqq.  
 Græcæ, & Latine linguæ interpres doctissimus. ibid.  
 Amisus per naufragium Vxor, libetis, & bonis omnibus à Senatu Veneto dignitate scribæ Reipublicæ, & salario annuo honestatur. 114. 2.  
 Nicolaus Auximanus iussu Pontificis fit Guardianus Hierosolymæ. 41. 2.  
 A bisario hominum genere à proficiendo impeditur. ibi.  
 Nicolaus Euboicus interpres in Concilio Florent. 40. 1. 112. & seqq.  
 Nicolaus V. Eugenio IV. in Pontificatu succedit. 67. 1.  
 Bernardinum Senen. in Sanctorum Catalogum refert. 69. 2.  
 Nicolaus Estensis legem fert contra mulierum caudas suadente B. Alberto. 27. 1.

Nicolaus Venetus apostata ad Fidentem conuertitur per B. Albertum, & in Italiam à Cayro reducitur. 31. 2. 75. 2.  
 Eiusdem de B. Alberti conſcience iudicium. 86. 1. 32. 2.  
 Nominis lesy venerationem, & cultum populis inculcat B. Albertus. 60. 1.  
 Notæ cur omiſſæ à Cap. XIII. vsque ad XXIV. 115. 1.  
 Numerus auscultantium Beatum Albertum prædicantem excellens. 17. 1. 100. 1.

## O.

Obſervantes Fratres sex segregantur ad obsequia Pontificis. 28. 2.  
 Obſervantiæ curæ non expediebat eligi B. Albertum in Ministrum Generalem Ordinis. 88. 2.  
 Obſervantia Regularis per quatuor Sanctissimos, & doctissimos viros aucta, & illustrata. 90. 2. Vide Quatuor.  
 Oraculum Pontificis de argentea supellectile in Ecclesijs obſervantium. 29. 1.  
 Orator eloquentissimus erat B. Albertus. 89. 2.  
 Oratorum Regis Actiopum ad Sultatum magnificentia, & splendor. 44. & sequent.

## P.

Panis in farno non combueitur prædicante Monialibus per 5. horas B. Alberto. 96. 2.  
 Parentes B. Alberti. 5. 2.  
 Paulus Veronenſis B. Albertum laudat. 85. 1. 249. 2.  
 Peccatorem consuetudinariam quomodo conuerterit B. Albertus. 14. 2. 78. 2.  
 Pecunias refutat B. Albertus. 63. 2.  
 Pecunias quæ expensis Capituli Generalis supererant in Captiuorum sociorum redemptionem impendit. 58. 2.  
 Perſeus qualiter Medusam oppreſſit. 109. 1.  
 Petrus cognomine Bonus per B. Albertum ad meliorem frugem sedueitur. 78. 1. 164. & seqq.  
 Petrus de Fuxo fibras schismatis euulſit in Hispania. 1. 1.

Petrus

Petrus Parleo de Nicolao Græco interprete in Concilio Florentino plenior per suam Epistolam notitiam subministrat. 113. & seqq.

Pharaonis pediculi quales. 110.1.

Philippi Bendedei de B. Alberto encomia. 84.2. 143.1.

Philippus Burgundie Regulus res in Oriente per B. Albertum gestas ad se scribi cupit. 37.2.

Philippus Dux Mediolanensis B. Bernardinum petiit ad conciones quadragesimales. 53.1.

Pisanus. Vide *Bastolomaus*.

Pius III. Sarthiano oriundus. 95. 1. 115. 2.

Poggius Florentinus in Religiosos inuictuam componit. 19. 2.

A B. Alberto confutatur. 20. 1.

Laudat B. Albertum. 83.2.

Poggio de malignorum contra se obmurmurationibus commonenti scribit, & obiecta diluit Beatus Albertus. 54. 2.

Prædicator qualis, & quantus B. Albertus. 14. & seqq. Vide *Encomia*.

## Q.

Quatuor Sanctissimi, & Doctissimi Viri Regularem Observantiam auxerunt, & illustrarunt sacra doctrina, sanctissima vita, & miraculis, S. Bernardinus Senensis, B. Ioannes, S. Bernardinus Senensis, B. Ioannes, à Capistrano, B. Iacobus Picenus; & B. Albertus Sarthianensis. 90. 2.

Quatuor columnæ restaurati ædificij Regul. Observantiæ fuere iidem. 91. 1.

Quatuor strenui Duces Magnæ Familiæ observantium, qui eam duxerunt per securam rectamque viam, & semper saluam conseruauerunt. ibid.

Quatuor Clypei, qui suæ sanctitatis exemplo, & doctrina eam ab aduersis tutati sunt. ibid.

Quatuor Tubæ, quarum sonitu multi ad Religionis militiam, & Christi sequelam conchati sunt quorum feruore zeli, & studio tota Italia, Germania, Hungaria, Polonia, & Bohemia, Observantium Cœnobij repleta sunt. ibidem.

Quatuor Euangelicæ tubæ per Europam, Asiamque resonantes morum cando-

939-

rem, Catholicæ Fidei puritatem, Diuini cultum numinis, Ecclesiæ Romanæ dignitatem, & Christi interris Vicarij potestatem populis inculcantes. 1. 2. 2.1.

Tanquam robustissimæ columnæ sustinuerunt nouum ædificium reformationis, & vt fortes, dextrique Duces gubernarunt nouam illam militiam, sub titulo Vicariorum Generalium. 94.2.98.2.

Quatuor sapientiæ riuus quid significant. 109. 1.

## R.

Raguzæ in Dalmatia traditur Observantibus domicilium. 49. 1.

Regi Castellæ scribit B. Albertus. 49. 2. 360. 1.

Regularis Observantiæ quatuor lumina. 1.2. Vide *Quatuor*.

Rei cuiusdam poenam quomodo iustam ostenderit B. Albertus Prælati, ad quos recurrit. 53. 2. 375. & seqq.

Rei semper petunt excusationes in peccatis. 54. 1.

Rei concionatorum dictus B. Albertus. 14. 1.

Rex Cypri à Saracenis captiuus abducitur. 61. 2.

Rodolphus Tossinianensis de B. Alberto testimonium. 91. 2.

## S.

Sacellum in memoriam occursus B. Bernardini Senensis, & B. Alberti erectum prope Cortonam. 38. 2.

Sarthianum Tusciæ Oppidum Patria B. Alberti. 3. & seqq.

Sarthianenses ad suum conciuem B. Albertum litteras congratulatorias Vicariatus Generalis mittunt. 50. 1. 367. 1.

Sarthianum B. Alberti natiuitate inclutum. 90. 1.

Saraceni inuadunt Regnum Græcorum. 58. 2.

Cypri Insulam occupant, & Regem captiuum abducunt. 61. 2.

Schema Guarini. 108.

Schisma Pontificium quæ mala inferat Ecclesiasticis, & Religiosis. 51. 1.

Mmm 2

Sci-

Scipio Præful Mutinensis B. Alberto ambitum dignitarum suggerit. sed repellitur, & doctè instruitur non esse ambiendas dignitates. 55. 1. 383. & seqq.  
 Sex Viros ex Obseruantibus ad sua obsequia segregat Pontifex. 28. 2.  
 Quinam illi fuerint. 109. 2.  
 Sforzia. Vide *Franciscus*.  
 Socij B. Alberti in Orientem. 33. 1. & seqq.

111. 1.

Socios captiuos liberat B. Albertus. 58. 2.  
 Spina Coronæ Christi, quam B. Albertus Constantinopoli a portauerat, conseruata in Conueniu Cetonij. 96. 1.

## T.

**T**anes ciuitas, quam Ioseph patri Jacob, & Fratribus inhabitandam dedit. 110. 1.

Tauellius. Vide *Ioannes*.

Testimonia Scriptorum de B. Alberto. 83. & seqq.

Sonora tuba, columna, auriga, scutum familiz Obseruantum B. Albertus. 89. 1.

Magna, & resonans tuba, & quartus auriga familiz Obseruantiz. ibid.

Venerabiliter sepulrus post mortem miraculis coruscans. ibid.

Eloquentissimus orator, & prædicator per totam Italiam. 39. 2.

Vir insignis doctrina, & virtute. 90. 1.

B. Pater qui fecit multa miracula, cuius animam in Cælos ferri vidit Capistranus, de cuius excellenti sanctitate, & doctrina nunquam satis dici poterit. 90. 2.

Diuinorum dogmatum prædicator insignis. ibid.

Sanctissimus, & doctissimus Vir. ibid.

Sacra doctrina, Sanctissima Vita, & miraculis Regularem Obseruantiam auxit, & illustrauit. 91. 1.

Diuus signis, & miraculis clarus. 91. 2.

Vir literis eruditus multos traxit ad fidem Christi, multoties pro veritate tuenda incurrit discrimen vite. ibid.

Miraculis clarissimus. 92. 1.

Vir integerrimus, Regul. Obseruantiz accerrimus propugnator, religione, moribusque insignis. ibid. & 99. 1.

Maximis coruscans prodigijs. 92. 2.

Moribus, & eruditione, agnosci potuit B. Bernardini discipulus. ibid.

Vir magna doctrina, & sanctitate. 94. 1.

Celebris sui æui Concionator. ibid.

Magus Religiosus, & principalis columna Reg. Obs. 94. 2.

Vir magnæ sanctitatis, & sapientie per roram Italiam nominatissimus. 95. 1.

Tuba Spiritus Sancti. 95. 2.

Inter sui temporis doctissimos, à viris doctis Italia, Prælaris, & ipso Pontifice recensitus, valdè zelosus Reg. Obs. seuerus, & iustus. ibid.

Vir deuotissimus, & potens prædicator. 96. 2.

Doctrina, vite sanctitate ac miraculis clarissimus. 97. 1.

In summo vite rigore, & discipline seueritate, pauperem viram transgens omnes eueibat Christo sacrificare, vel assidua oratione, vel efficacissima prædicatione. ibid.

Vir doctrina, pietate, & religiosa vita insignis. 98. 2.

Apostolici zeli in Europa, & Asia concionator. 99. 2.

Admirandus verbi Dei præco. 100. 1.

In se ipsum austerus, euangelicæ paupertatis renacissimus, & seuerissimus zelator salutis animarum. 100. 2.

Accerrimus criminum obiurgator. ibidem.

Multis miraculis à Domino illustratus. 101. 1.

Tum vite sanctitate, tum eruditione ac laboribus Ecclesiasticis cum paucis suo suo conferendus. 101. 2.

Regular. Obseruantie alumnus, columna, basis, propugnator, & propagator. ibid.

Vir prædicatione, vite sanctitate, ac miraculis illustris, Græcis, & Latinis, humanis ac diuinis litteris eruditus, Summis Pontificibus summe charus. ibidem.

Tum doctrinæ, tum sanctitatis rarum exemplar. 102. 1. Vide *Encomia*.

Thomas Florentinus sanctitate, & miraculis clarus Socius B. Alberti in Orientem. 33. 1. 93. 1.

Thomas Bibio suader B. Albertus recessum à Cypro. 61. 2. 280. & seqq.

Triumphum B. Alberti in Cælum ascendit

deq[ue] eleganter describit Academia  
Sensu. 103. & 104.

Tuba Evangelicę legis Beatus Albertus.  
86. 1.

Tuba sonora & tuba resonans idem.  
89. 2.

Tuba Spiritus Sancti discurrerebat prædi-  
cando Nomen IESU Christi per totam  
Italiam, Græciam, Aegyptum, & Sy-  
riam. 95. 2.

Tafelæ ministrum Pontifici commendat.  
59. 1.

Tyrocinium B. Alberti. 8. 2.

V.

**V**aticani Templi valvis imago Bea-  
ti Alberti Pontifici assistentis ex-  
pressa. Vide Frontispicium Operis.  
Item. 84. 2. 105. 1.

Venetis prædicat B. Albertus. 30. 2.  
31. 1.

Veneri Mediolanum sibi subigere mol-  
liuntur. 68. 1.

Verbum Dei in ore B. Alberti gladius  
verimque acutus. 14. 1. 100. 2.

Veritas cur nuda. 108. 2.

Veronenses. Vide Guarinus.

Virens campus in Schemate Gnarini  
quid significet. 109. 1.

Virgines & Viduas ad Monasticam vi-  
tam inducit B. Albertus. 59. 2.

Viterbiensis Urbis ob factiones miseria.  
21. 2.

Vitiorum obiurgator acer, & vehemens  
erat B. Albertus, nullius diuitis vel  
potentis faciem respiciens. 14. & seqq.  
100. 2.

Vnio Iacobitarum. Vide Iacobitarum  
Unio. 2.

Vvadingus. Vide Lucas.

Vultus Guarini. 108.

F I N I S.

RE.



## R E G E S T V M.

.. § A B C D E F G H I K L M N O P Q R  
S T V X Y Z

Aa Bb Cc Dd Ee Ff Gg Hh Ii Kk Ll Mm Nn Oo  
Pp Qq Rr Ss Tt Vv Xx Yy Zz

Aaa Bbb Ccc Ddd Eee Fff Ggg Hhh Iii Kkk Lll Mmm

Omnes sunt Duerniones, præter Principium, idest §  
qui est Ternio.



ROMAE, Apud Io. Baptistam Buffottum: 1688.

---

*Superiorum permissu.*







